




9585



UNIVERSITEITSGEBIUDTHEEK GENT



1821

Hi 9548

NOVA
ACTA
ERUDITORUM,
ANNO
MDCCXXXVI
publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

LIPSIÆ,

Prostant apud JO. GROSSII Hæredes,
JO. FRID. GLEDITSCHII B. Fil.

ET

MAURIT. GEORG. WEIDEMANNUM.

Venduntur etiam Amstelodami in WAESBERGIORUM
& WETSTEINIORUM officinis.

Typis BERNHARDI CHRISTOPH. BREITKOPFII.
A. MDCCXXXVI.

1101

1101

1101

1101

1101

1101

1101


1101

1101

1101

1101

1101



Lectori Salutem!

Idem nunc facimus, quod facere sub
anni exitum jam dudum consuevi-
mus. Omnium primo loco ad Deum
Optimum Maximum, felicitatis, si
qua esse potest in humanis rebus,
& autorem & conservatorem benignissimum,
nostra pietas convertitur. Quem, ita nobis inde
a tot annis propitium, ut nulla unquam nec ex-
terna temporum calamitas, nec injuria male-
volorum, nec si quid aliud infestum & pernicio-
sum bonis literis putatur, deicere nos loco no-
stro, aut infringere ferreum illud nostrum, pu-
blica curandi commoda, studium potuerit, sancte
suppliciterque veneramur, & ut porro nobis be-
ne esse ac beate patiatur, pie submissequae pre-
camur. Deinde Augustissimum Regem nostrum,
Patrem Patriæ indulgentissimum, quo non for-
ma & virtute excellentiorem Herculem, non
Pieri-

Pieridum amantiorem Apollinem, prisca tempora finxerunt, præsidium illud ac firmamentum nostrum, tuendum servandumque fatis commendamus, ac pro incolumitate ejus publica & ardentissima vota facimus. Quæ si rata esse supremus omnium rerum arbiter ac moderator jubeat, ut sub imperio tam auspicato lætiora in dies honoris gloriæque suæ incrementa videat Saxonia, jam jucundissima cogitatione futuræ ætatis otia felicitatesque præcipimus. Præterea tot amicorum, quos ipsa hæc Acta, & labor ille noster pertinax, studiumque æquitatis, nobis comparavit, benevolentiam ac voluntatem nobis gratulamur, hanc industriæ nostræ & vigiliarum nobilissimam mercedem iudicantes, & fortissimo hoc munimento adversus invidorum, quibus carere nunquam virtus potest, turpissima consilia utentes. Ita recto pede longum illud, ante annos quinque & quinquaginta cæptum, iter prosequimur, & in ipso senectutis nostræ limine alacritatem quandam juvenilem & insolitum vigorem sentimus. Tu modo, studiose nostri Lector, ne nos aliquando malus quidam torpor occupet, conatus nostros, quod olim fecisti, in posterum juvare perge, &, quo nihil magis sustinet ardorem nostrum, porro nos ama.

NOVA ACTA ERUDITORUM,

publicata Lipsiæ

Calendis Januarii Anno MDCCXXXVI.

J. O. BAPTISTAE DONII, PATRICII
*Florentini, Inscriptiones antiquae, nunc primum editae,
notisque illustratae, & XXVI Indicibus auctae, ab
ANTON. FRANC. GORIO, Publico Historiarum
Professore. Accedunt Deorum Aera, Tabulis æreis
incisæ, cum Observationibus.*

Tomi I-I.

*Florentiæ, e regia Typographia Magni Ducis Etruriæ, 1731, fol,
Tom. I Alph. 4 pl. 4, Tabb. zn. 11. Tom. II Alph. 4 pl. 5,
Tabb. zn. 2.*

Jo. Baptista Donius Patricius, & Urbani VIII, Pontificis,
a Secretis, & cum apud ipsum, tum apud Cardinalem,
Franc. Barberinum, Seniore, gratiosus fuit. De cu-
jus vita, quoniam Cel. Gorius, cum primum reliqua
ejus inedita scripta in lucem proferet, accurate exponere
constituit, nihil nunc attinet dicere. Is luculentum Inscri-
ptionum antiquarum Volumen reliquit, in patria inceptum,
& cum in itineribus per omnem Italiam, Galliam, & Hispa-
niam, factis, tum Romæ tandem continuatum, & ita auctum,
ut cum ipso Gruteri Thesauro comparari posse videretur.
Numerus enim Inscriptionum jam ante ad sex millia excre-
verat, quam ab augendo opere mors ipsum abstraheret, &
inter ipsas Inscriptiones multæ erant plane singulares, in qui-

bis nomina Deorum, Magistratum, officiorum, & alia, nondum eo tempore audita, occurrerent. Atque, ut eo rectius eum *Gruteriano* Opere posset contendi hac *συγγραφή*, si quando prodiret in lucem, & esset utilis eruditorum accommodatior, qui semel *Gruteriani* Operis ordini & descriptioni adfuerent, servavit in digerendis Inscriptionibus & ipsos titulos *Gruterianos*, & titulorum seriem; quo consilio deinde alii etiam usi sunt, qui in hoc genere elaborarunt. Auctarii loco subicere huic Volumini constituerat manipulum aliquot vetustissimorum Instrumentorum, hoc est, Chartarum, quarum magna pars in antiqua papyro, quam hodie corticem arboris vocant, scripta est, & Bibliothecæ Vaticanæ debetur. Hujus Operis quanta, vivo adhuc Autore, fama & expectatio fuerit, ex eo conjicere licet, quod summi illius temporis homines, *Grotii*, *Salmasii*, *Grenovii*, *Heinsii*, *Vossii*, *Petavii*, ac multi præter hos alii, certatim *Donium* ad hoc Opus quantocius edendum cohortati sunt, & *Nicolaus Heinsius*, eius se editionem adeo curaturum, ultro promisit. Sed non erat *Donio* satum, ut ipse Opus hoc ederet, ac diligentæ laborisque in eo colligendo consumti fructus perciperet, sed *Cel. Gorio* potius, ut ad ceteras ejus immortales laudes editi quoque *Doniani* thesauri gloria tanquam cumulus accederet. Ac ante *Gorium* quidem *Carolus Datus*, Patricius Florentinus doctissimus, exstitit, qui edendi hujus Operis in se susceperet partes, & jam titulum, qui in hac *Goriana* editione pag. 561. exhibetur, describeret, ac Indices se XXX confecisse, & Inscriptiones observationibus illustrasse, confirmaret, quarum quidem specimen eodem loco affertur; sed, dum paullo diutius rem differt, mors ipsum immatura occupat, atque *Gorio* hanc spartam melius ornandam relinquere cogit: cui quæ hoc *Gorianum* Opus, atque adeo ipse orbis literatus, debeat, agæ, paucis commemorabimus.

Octoginta & amplius anni elapsi a *Donii* morte erant, cum, deprecatore *Petro Andrea Andreinio*, Patricio Florentino, a *Donianis* hæredibus ad *Cel. Gorium* hic Inscriptio-

nium

num thesaurus perveniret. Quo temporis spatio cum doctissimi homines, *Reinesii*, *Sponii*, *Fabretti*, alique, in hac parte antiquitatis colenda ornandaque diligenter ac feliciter desudaverint, non potuit fieri, quin multæ ab iis occuparentur Inscriptiones, quæ, cum *Donius* viveret, a nemine editæ erant. Itaque Cel. *Gorius*, relictis omnibus, cum horum virorum *συτὰγμασι*, contendendum corpus *Donianum* putavit; quo factò, intellexit, e sex amplius millibus Inscriptionum antiquarum, vix bis fere mille sibi relictas esse, quas aut prius, aut emendatius superioribus, edere posset. In quo quantum laboris & molestiæ Vir Cel. devoraverit, facilius est cogitare, quam dicere. Ipse aliquando Cel. *Gorius* spem reipublicæ literariæ fecerat, edendi Inscriptionum ineditarum corporis, quas multo labore ex Manuscriptis codicibus Bibliothecæ *Marmianæ*, *Redianæ*, *Strozianæ*, aliarumque, collegerat. Sed, dum Opus *Donianum* tractat, eas omnes, præter perpaucas, quas huic Operi passim adpersit, a *Donio* occupatas esse,prehendit. Ceterum, ex quo quæque Inscrip-
tio fonte, cum *Donianæ*, tum *Gorianæ*, repetitæ sint, curiosius notatum est, quam a ceteris, *Fabretto* imprimis, qui loca, ubi Inscriptiones repertæ sunt, sæpissime neglexit; quæ res, etsi nullius fere momenti videtur, sæpe tamen multum ad illustrandas locorum & urbium antiquitates & historiam, præsertim veterem Topographiam Romanam, prodesse potest.

Erant in Codice *Doniano* etiam peregrinæ & barbaræ, inter easque multæ Etruscæ. Hæ cum jam editæ ab aliis sint, nullam sibi operam in iis collocandam Cel. *Gorius*, sed totam hanc Inscriptionum Classem resecandam, putavit. Instrumenta autem 22 antiqua, in papyraceis tabulis scripta, studiose retinuit, & notis illustravit; quod spicilegium post *Mabilonianas* & *Montefalconianas* menses quin gratissimum futurum sit antiquitatis & rei diplomaticæ studiosis, nulli dubitamus, imprimis cum ceteris omnibus vetustis monumentis sint rariora hujus generis instrumenta. Post appendicem tandem quarundam omissarum Inscriptionum, accessit aliud insigne instrumentum, in papyro Aegyptia exaratum,

quod continet donationem Ecclesiæ S. *Apollinaris*, Ravennæ factam, & ex Bibliotheca *Alteria* Romana communicavit cum *Gorio Franc. Victorius*.

Jam hunc omnem Inscriptionum & instrumentorum apparatus cum *Donius*, more *Gruteriano*, nudum, nullius illustratum observationibus, edere constituisset, Cel. *Gorius* ab ejus consilio, id quod e re literaria accidit, discedendum sibi putavit. Itaque magnam copiam doctissimarum observationum adjecit, quibus partem siglæ, partim verba, tituli, explicantur, ipsæ Inscriptiones interdum emendantur, sæpissime egregie explicantur. Multa ibi, ante etiam versatissimis in hoc genere inaudita & ignorata, traduntur, ex quibus inprimis *Guthorinus* de Officiis domus Augustæ Commentarius non modo passim illustrari, sed augeri etiam, potest; multa, obscura ante, explicata & in multa luce posita. Sæpe etiam, quæ mutilæ & corruptæ apud *Gruterum*, *Fabretum*, *Sponium*, & *Reinesium*, Inscriptiones sint, & emendatius & plenius a *Donio* descriptæ, monetur, earumque omnium Index Operi subjectus est, ut eo facilius cum *Gruterianis*, *Reinesianis*, ceteris, contendere possint. Præter has observationes autem accessere, qui in hoc genere librorum utilissimi sunt, Indices multiplices & locupletissimi, numero XXVI, incredibili labore confecti, & in modum *Gruterianorum* & *Reinesianorum*, quem nunc *Gudianarum* Inscriptionum editores secuti sunt, adornati, hoc uno discrimine, quod primo duos Indices *Gruterianos*, quorum alter, quæ ad sepulchra & monumenta & memorias pertinent, alter, quæ jura sepulchrorum & leges spectant, exhibet, ad unum redegit; deinde vero tres alios, nempe unum vocabulorum, aut rariorum, aut inusitatum potestatem subjectam habentium, alterum rerum notabilium, in Tabulis papyraceis occurrentium, tertium earum rerum, quæ notis *Gorianis* illustrantur, adjecit. Hos Indices qui vel obiter inspiciet, facile, quanta ab hoc Opere rei antiquariæ lux, quantum incrementum, sperandum sit, conjecturam poterit facere. Quot enim nova ibi & incognita ante Deorum epitheta, quot Familiarum Romanarum ante inaudita nomina, quæ

quæ etiam asteriscis a reliquis jam cognitis discernuntur, quot vocabula ante ignorata, aut inauditam vim habentia, quot officia domus Augustæ, ante aut plane incognita, aut plerisque certe, quot alia hujusmodi, quæ scire antiquitatis studiosorum interest? Sed, ut est pæne major iste humana patientia labor, inprimis apud ingeniosiores & excitati animi homines, (ut est enim quisque ingeniosior, & celeriores ingenii animique motus habet, ita solet esse hujusmodi laboris impatientior,) ita, hic quoque nonnulla prætermissa, vel obiter hos Indices inspicientes, intelleximus, cujusmodi est, quod inter vocabula rariora omissum est *Anabolum*, quod nemo, credimus, ante legit, aut audivit, nunc ipse *Gorius* se, quale instrumentum fuerit, ignorare fatetur. Jam hic consistere poterat, & his quasi finibus continere se *Gorianus* labor; sed, ut hic etiam agnosceres impatiens moræ studium *Gorianum* rei antiquariæ studiosis inserviendi, ecce tibi, velut auctarium quoddam, XII Tabulas, Aras Deorum & alia antiqua monumenta exhibentes, *Donianis* Inscriptionibus additas, & a *Cel. Gorio* explicatas, & luculentis observationibus illustratas, quarum in aliud utique tempus differre editionem poterat, quem nunc satis in Inscriptionibus prelo parandis collocatus fatigasset labor, & *Museum Florentinum* atque *Etruscum* pæne totum occupat, neque diu finit aliis laboribus implicari, nisi has Tabulas diu ante incidendas æri curasset, atque Deorum aras & alia monumenta, a *Donio* accurate delineata, suis se observationibus illustrata editurum, promississet, neque hanc exsolvendæ fidei occasionem non prætermittendam putasset. Sed, quoniam satis, opinamur, de Operis rationibus, modo, & descriptione, dictum est, age, bona, uti speramus, Lectorum cum pace, cum ex monumentis, tum ex Inscriptionibus, specimina afferamus, ut rectius de Opere hoc existimari possit, aut etiam hac tanquam gustatione ad ipsum Opus tractandum penitusque cognoscendum invitari Lectores possint.

Tabulæ tres priores res ad Jovis recens nati notam omnibus fabulam pertinentes exhibent. In Tabula quarta autem elegans Ara *Mercurio* a *M. Fulvio Fausto*, milite veterano,

ex voto posita, in qua notatu dignum præter cetera est, quod primo *Mercurius* non modo *Augustus*, quod passim Diis tribuitur epitheton, sed etiam *Sanctus*, quod nusquam alibi invenias, nuncupatur; deinde quod pileum gestat Arcadicum, eumque quadratum, quo quidem etiam in *Ammiani* Epigrammate (*Anthol. Lib. II Cap. 46 n. 8*) inducitur ornatus:

Ἀρκαδικὸν πῖλον κατ' ἐνύπνιον ἀρκάδι δῶρον
Ἑρμείη ῥήτωρ θῆκεν Ἀθηναγόρας &c.

denique, quod delphinus ejus pedibus adjectus est, qui, *Mercurium* navigationibus præesse indicat. Ceterum, *Mercurium* πελάγιον & θαλάσσιον a veteribus cultum esse, constat, & a Cel. Gorio in *Musei Flor. Vol. I pag. 144* jam observatum est. *Oppianus* etiam, piscandi artem, & ex ea lucri parandi rationem *Mercurio* deberi, tradit, eique piscatores voti causa instrumenta sua æque ac Neptuno dedicasse; & *Eustatbius* ad primam Iliados Rhapsodiam, *Mercurio* sacrum fuisse piscem boacem, tradit, propterea, quod & nomine & oris magnitudine præconem Deorum non male exprimere videatur. Sed præter ceteras Tabulæ VI & VIII gratæ esse antiquitatis amantibus debent. Sexta enim exhibet *Herculis* expiationem, & duabus columnis incisæ ejus res gestas. Quæ Tabula eo gratior esse debet, quod ab ea petita est Inscriptio illa Græca, dialecto Dorica exarata, & non semel, v. c. a *Reinesio Class. IV n. 12*; *Sponio in Misc. pag. 47*, edita, qua labores *Herculis* commemorantur; quibuscum si quis hanc, quæ in *Doniano* hoc Volume est, contenderit, facile intelliget, hanc multo illis esse emendatiorem, & minus mutilam, etli nec ipsa plena est. Interpretatio, a *Gorio* adjecta, celeberrimum illum & Græcarum literarum peritissimum *Salvinium* autorem habet. Tabulam ipsam celeberrimus *Franc. Blanchinus* ad archetypi exemplum Tabulæ æneæ incidi curaverat, & illustrare ac in lucem edere constituerat, sed morte præventus perficere cogitata non potuit. Ejus autem ex fratre nepos, *Jac. Blanchinus*, Presbyter Congregationis Oratorii S. *Philippi Neri*, Romæ hanc Tabulam æri incisam cum Cel. *Gorio* com-

mu.



ENT

Mens. Januar.
pag. 7. et 8.



ANNO DOMINI
MDCCLXXV
FEBRUARII
FESTIVITAS
S. VALENTINII

munificavit; qui, cum inter *Donianas* reliquas etiam hanc Inscriptionem Græcam invenisset, ei hanc Tabulam adjiciendam putavit. Sæpius autem cum expiatus tot noxiorum hominum & belluarum domitor interfectorque fuerit, quæ potissimum expiatio hac Tabula exhibeatur, requiri potest. Cel. *Gorius*, quoniam in superiori Tabulæ parte Hercules immortalis ac divinus factus inter heroas jam igni expiatus, consecratusque medius cernitur inter Satyros & Nymphis natos, & caput diademate revinctum, adjecta inscriptione: *ἡρακλῆς ἀναπαύμενος*, exhiberi putat expiationem, a Junonē Argiva & a Victoria, seu Nemesi, factam, antequam cælum conscenderet, ut in Deorum numerum reciperetur. Ceterum, alibi se fusius & luculentius de hoc monumento acturum, promittit. In octava Tabula est imago Cistophori, Ædis Bellonæ Pulvinensis sepulchro, in honorem ejus condito, superposita, nunc primum in lucem prolata, & digna visa, quæ his *Ædis* infereretur. Cistophorum autem vocarunt eum, apud quem cista mystica servabatur, in qua sacra arcana, ad cultum Bellonæ pertinentia, recondebantur, & qui eam in sacris ejus Dexa deferbat. Eam cistam, e vinine confectam, & ad pedes Cistophori positam, diversum habere ab illis operculum, Cel. *Gorius* putat, quibus in *Ididis*, *Bacchi* & *Cereri*, sacris utebantur. Esse enim non, ut in illis, planum, sed tholi formam habere. Sed, quanquam hæ, quæ v. c. apud eum, quem statim nominabimus, *Panelium* in numis sunt, omnes plana opercula habent; tamen ab hoc *Goriano* parum aut nihil recedere videntur, quæ sunt apud *Rubenum* ad numum, Asia recepta, pag. 270 ed. *Græv.* In ejusmodi cistis quæ servata sint, ex *Clementis Alexandrini* Admonitione ad gentes constat. Neque enim ibi tantum de cista *Bacchi*, sed de ceteris omnibus, sermo est, ut est a doctissimo *Philippo Buonarrotio*, Senatore Florentino, ostensum. A Cistophoris autem sacrorum mysteriorum, ut hoc obiter addamus, numi Græci dicuntur Cistophori, quorum sit apud *Ciceronem* & *Livium* mentio, & de quibus superiori anno *Alexander Xaverius Panilius*, e Soc. Jesu, Lugduni Diatriben edidit doctissimam,

TAB. I
Fig. 1.

simam, a nobis plenius enarratam in *Actis Anni 1734 Mensis Jul. pag. 297*; cujus quidem vel hoc monumento *Goriano* refellitur opinio, quasi *κισφόρος* de numis tantum dicatur, de hominibus autem *κισφόρος* vel *κισήφόρος*. Ex hoc itaque monumento illud etiam intelligitur, occulta fuisse Bellonæ sacra, & mysteria, Hanc Bellonam Pulvinensem vocari, Cel. *Gorius* putat, a pulvinis vel lectis, in ejus templo honoris causa, id quod pervulgatum est, stratis, propterea, quod non omnibus passim templis communis ille honor sit, ut ex *Servio ad Virg. Georg. III 517* jam *Fabrettus* conjecerit. Ager *Apollinis argentei* autem est ager, qui in tutela Apollinis fuit, & ejus propterea argenteum simulacrum in ejus ædícula in tutelam agrorum positum fuit. Reliquum hujus Cistophori habitum, qui multa notatu digna habet, coronam & corallas ex aureis laminis, ut Cel. *Gorio* videtur, imagines Bellonæ, Martis, & Palladis Bellatricis, gemmis coronæ adjunctis insculptas, sibiulam elegantem, secures, laurum, cetera, ex ipso figuræ conspectu cognoscere licebit. Tabula XI exhibet inter alia monumenta etiam unum, quod Græcæ & Latinæ inscriptionem habet, ejus generis rari sunt tituli sepulchrales. Illud monumentum commune fuit *L. Aelio Lapyro Onagro*, & *L. Aelio Sabino Doliario*, & præter duplicem illum titulum, habet opus anaglyphum, in quo, quæ forma doliorum & diotarum fuerit, in quibus veteres vina servare solebant, observare licet. Doliarii nomen artis, an numeris, fuerit, non satis constat. *Pignoris* de Servis placet posterior, Cel. *Gorio* prior, sententia. *Doliaria* officinæ sæpe occurrunt in veteribus lapidibus; quæ res sine dubio *Goriane* opinioni multum probabilitatis affert. Sed hac occasione Cel. *Gorius* attulit insigne monumentum, cui simile in magnis, quibus nunc abundamus, antiquitatis thesauris, ipso *Gorio* fatente, nullum occurrit; unde gratum nos sacros antiquitatis amantibus putavimus, si illud ipsum his *Actis* infereremus, quod ad paucissimos Lectorum nostrorum ipsum Opus *Donianum* perventurum credimus. Est autem *Romana Amphora vinaria*, octo congios continens, adeoque aureæ

TAB. I
Fig. 2.

48 sextarios, vel duas urnas, A. 1728 inter rudera domus aureæ *Neronis* in hortis Farnesiis inventa, & a *Franc. Blanchino*, qui eam sibi acquisiverat, magni habita, id quod ex ea Epistola intelligitur, quam ad *Gorium* de ea scripsit, cum quod ejus forma diotæ *Horatiana* respondeat, tum quod litteræ primo Seculo scriptæ videantur, quæ in ea cernuntur. Quæ in prima linea sunt, quomodo legenda sint, ipse *Blanchinus*, antiquitatis omnis peritissimus, ignoravit, & *Gorius* quoque se nescire fatetur; nisi forte libræ vini indicentur, quæ, uti constat, octoginta esse debent. In secunda linea legit, *Ex Cellis*, seu *Cellariis*: in tertia est *L. Purelli Gemelli*, litera M vinum, v. c. Massicum, Mamertinum, aut Mæcenatianum, indicare videtur. Nomen ex adverbo scriptum obscurum est. *Blanchinus* legit: *Casennia*, eamque aut dominam agri fuisse putat, ubi vinum creverit, aut quæ illud miserit. *Cel. Gorius*, si ea vera lectio sit, eam potius indicari putat, cui Saturnalibus ex more Romanorum hæc amphora, vino repleta, donata sit. Hoc loco multa doctissime de amphora disputantur, quæ libenter referremus, nisi modum recensitionis justæ excedere vereremur. Itaque ad ipsas Inscriptiones veniamus. *Class. I. n. 84* est Inscriptio aræ, *Aesculapio Sancto, Servatori, & Hygeia*, positæ a *L. Aurelio Kalatino*, augure *Dei Solis invicti Mithræ*; quæ hoc nomine memorabilis est, quod etiam doctissimos, qui de his doctissime scripsere, homines, ex quibus *Philippum a Turre*, honoris causa, nominamus, latuit, in sacris *Dei Mithræ* augures quoque adhibitos fuisse. Non minus memorabilis est, quæ proxime sequitur, quod ex ea, Decuriatos fuisse Augustorum equites singulares, discimus, cujus rei aliud exemplum vix quisquam se vidisse aut invenisse meminerit. *N. 129* ara est *Diis adherentibus* sacra; qui Dii quales fuerint, difficile profecto est dicere, cum nusquam alibi eorum mentio fiat, nisi forte inde dicti sunt, quod faveant hominibus præsentissimi, ac ipsis quasi adherere tutelæ causa videantur, quo sensu *proximi* in aris duabus votivis apud *Sponium pag. 96*, & *vicini* ac *propinqui* apud *Plautum* in *Bacchidibus* dicuntur. *N. 150*

Dea *Nortia* occurrit, quæ non solum Dea Sutrinorum & Vulfiniensium, quod e *Livio* & *Tertulliano* constat, sed etiam Florentinorum, qui ante deductam Coloniam Triumviralem ea loca incoluerunt, fuisse videtur. Eadem Inscriptio est apud *Gruterum*, sed duabus lineis truncata, etiam in novissima editione, quod prætermisit *Cel. Gorius* observare. Eadem est in Collectione *Gudiana*, quam *Gorius* nondum viderat, cum hoc Opus ederet, statim pag. 1, ab ipso *Gudio* visæ descripta, sed paulum a *Doniana* diversa. Nam apud *Gudium*, ut apud *Gruterum*, legitur: DEAE — — NORI; apud *Donium*: DEAE NORT — — sed non dubium est, quin lectio *Doniana* recte se habent, si vel recte descripta est a *Gudio* ex ipso lapide. Ceterum ex hac & aliis Inscriptionibus, in quibus *Nortia* nomen est, confirmatur vera lectio apud *Juvenalem Sat. X v. 74*, ubi lectiones & Interpretes mire variant. *Cl. II n. 1* est Inscriptio æz Libero Patri sacræ, jam a *Reinesio* & *Sponio*, sed corrupte, edita. In ea dicitur *Q. Vellius Annius* Præf. Colleg. Fabrum & Procurat. Coll. Pellionariorum, *Scholam* de suo restituisse, h. e. locum, in quo conventus habebant Collegiati Fabrorum & Pellionariorum, & signum æneum dono dedisse, & *Coriolaria argentea* refecisse. *Ceriolaria* autem, quorum etiam apud *Gruterum* CLXXV, 4, mentio fit, *Cel. Gorius* dicta, non solum, quia cereos sustinerent accensos, dum sacra fierent, verum etiam quia Deos Lares vel Genios referrent, qui ab Italiis *Torcieri* dicuntur. Apud eundem *Gruterum* est *Lucerna Larum*. De his & aliis donariis alio loco fufius se acturum promittit; quam fidem datam ut exsolvat, & quod in Præfatione pollicetur, reliqua *Doniana* monumenta edere pergat, vehementer optamus, & Virum Celeberrimum vel reipublicæ literarum nomine rogamus. Sed hic abruptendam esse præstantissimi Operis recensionem videmus. Si enim, quicquid memorabilis occurrat, asserre vellemus, nunquam fere de tabula manuum dimoveremus. Unum adhuc monendum ducimus. Dum hoc Opus tractamus, venit nobis in mentem, quasdam *Donianas*

nianas Inscriptiones etiam inter *Gudianas* nos observasse, quas, uti diximus, eo tempore nondum viderat *Gorius*; sunt enim eodem, quo *Donianæ*, anno editæ. Atque, id verum esse, instituta exigua (est enim plena laboris res,) collatione utriusque Operis, intelleximus. Nam, præter eam, quam jam attulimus, *Doniana Cl. II n. 55*, quæ apud *Fabretum* corrupta est, eodem modo est inter *Gudianas* ex schedis *Salmasianis* descripta pag. 84 n. 5, & ibi quoque conjectura, linea sexta esse legendum: COS. II, quod *Gorio* quoque placet: *Don. Cl. III n. 66* est apud *Gud. pag. 94*, sed lineis quinque, apud *Donium* quatuor, & levibus aliis discrepantiis. Confer etiam *Don. pag. 527 Gud. pag. 365, Don. pag. 534 Gud. pag. 377, Don. pag. 543 Gud. pag. 382, Don. pag. 546 Gud. pag. 369, Don. pag. 402 Gud. pag. 282.*

JACOBI GRETSERI, SOCIETATIS JESU Theologi, Opera omnia, antehac ab ipsomet Autore accurate recognita, Opusculis multis, Notis, & Paralipomenis, pluribus locis in hac editione insertis, aucta & illustrata, nunc selecto ordine ad certos titulos revocata.

Tomus III & IV.

Ratisbonæ, sumtibus Ioannis Conradi Peez & Felicis Bader, Sociorum, 1734, fol.

Tom. III Alph. 6 pl. 6, Tom. IV Alph. 9 pl. 10.

Cum primos *Gretseri* Operum Tomos duos jam in *Nov. Actis A. 1734 Mens. Octobr. p. 454* per indicem quasi commemoravimus, ad duos, qui sequuntur, III & IV, jam pergimus, quid in unoquoque reperiatur, paucissimis dicturi. Tomus igitur III continet libros, quos *Gretserus* scripsit, de *Sancta Cruce* quinque. Primus horum exponit de numismatis crucigeris *Constantini Magni, Crispi Caesaris, Joviani, Valentiniani & Valentis, Theodosii, Junioris, Marciani, Justiniani, Senioris, Justiniani, Mauricii, Phocæ, Heraclii, Caroli, Ludovici*, aliorumque, tam

Imperatorum, quam Regum Gothicorum & Hispanorum. *Liber secundus* memorat crucis prædicationem, militiam cruciatam, & præmia ac privilegia, ipsi a Pontificibus & Principibus concessa, expeditiones cruciatis, ordines crucigeros, &c. *Libro tertio* continetur Apologia pro cruciatis expeditionibus contra *Dresserum*, *Reineccium*, *Balaum*, aliosque, qui has expeditiones cruciatis oppugnaverant. *Liber quartus* varias pertractat quæstiones, ad argumentum de cruce pertinentes: e. g. num tempore *Tertulliani* imago S. crucis in usu fuerit? quando cruces fieri ceptæ, & in templis collocatæ? utrum signum S. crucis sit insigne & nota militis Christiani, inspersis ubique defensionibus pro imaginibus crucis, quas cum primis Reformati rejecerant. *Libro quinto* habentur varia S. crucis encomia, hymni, & odæ, quibus ea tam a Græcis, quam Latinis, celebratur & decantatur. Mantissa ad *Tomum* hunc *tertium* de *sancta cruce* exhibet primo Librum tertium Historiæ Orientalis *Jacobi de Vitriaco*, quem ex Bibliotheca Bavarica primum edidit *Gretserus*, una cum ejusdem Epistola de capta a cruce signatis Damiatâ, quibus illustrantur ea, quæ *Lib. II Cap. 29* de *sancta cruce* de expeditione cruciata adversus Damiatam, munitissimum Ægypti propugnaculum, dicta sunt. Deinde reperitur *Hortus sanctæ crucis*, cujus in parte habentur Acrostichides Græcorum in sanctam crucem, cum annotationibus & explicationibus *Gretseri* uberioribus. Pars secunda commemorati *Horti de sancta cruce* complectitur *crucem Schirensem*, sive descriptionem & imaginem expressam crucis, quæ in Monasterio Bavaricæ, Schira dicto, religiose colitur, observationibus variis illustratam. Tertia Parte explicatur & repræsentatur crux Donawerdensis, & suis itidem annotationibus celebratur. Quarta Pars sistit florilegium de Cruce; h. e. ea, quæ in libris de Cruce præterita fuerunt, cum primis vero descriptionem floris, folii, fruticis, & fructus Granadillæ, seu Granatulæ, plantæ Indicæ, quæ illic passio Christi passim dicitur; quam ex Italico sermone Latinam fecit *P. Ferdinandus Crendelius*, studiorum *Gretseri* socius.

Te-

Tomus IV duas habet Partes. In *priore* agitur de disciplinis, ubi habentur de voluntaria flagellorum, seu disciplinarum, cruce Libri tres; Spicilegium de usu voluntariæ per flagra castigationis pro tribus libellis de disciplinis; Prædicans vapulans & disciplinatus, seu pro tribus Libris de disciplinis totidem Libri Apologetici contra *Jacobum Heilbrunnerum*, Prædicantem Palatinum, cum duplici Appendice, altera de disciplinantium sodalitate, altera de colloquio Ratisbonensi; *Virgidentia Volciana*, hoc est, Apologia pro disciplinis contra *Melchiorum Volcium*, ad S. Annæ Augustæ Vindelicorum Lutheranorum præconem; Agonisticum spirituale de disciplinis, hoc est, Apologia pro Prædicante vapulante, contra duos Prædicantes, *Heilbrunnerum Neoburgicum*, & *Zeamannum Lauinganum*, socerum ac generum, cum Appendice ejusdem argumenti ex Metanœologia *P. Edmundi Augerii*; Athleticæ spiritualis legitimæ & illegitimæ libri duo adversus *Zeamannum*, Lutheranum præconem; Prædicans Heavtontimorumenos, seu septima pro spontanea flagellorum cruce lucubratio adversus sectarias Logodulos, cum appendice, quomodo Hæretici Scripturas tractent. *Pars altera* est de peregrinationibus, ubi reperiuntur de sacris & religiosis peregrinationibus Libri quatuor; Πόδες-πύργος, seu pedilavium, hoc est, liber de more lavandi pedes peregrinorum & hospitem; Notæ super notas *Petri Molinæi*, Calviniani, in Epistolam *Nysseno* adscriptam, de euntibus Hierosolymam; Examen Tractatus de peregrinationibus, ab eodem *Molinæo* editi; Correctiones notarum, quas evulgavit *Casaubonus* in Epistolam *Nysseni* ad *Eustathium*; *Adamanni*, Scoto-Hiberni Abbatis, de situ terræ sanctæ & quorundam aliorum locorum, ut *Alexandriæ*, & *Constantinopoleos*, Libri tres, cum copiosis prolegomenis & notis. Accessit eorundem librorum breviarium, seu compendium, brevioris venerabili *Beda*, Presbytero. Unicuique Tomo subjungitur Index rerum memorabilium. Jam reliquos Operum *Greiserianorum* Tomos, suo quemque ordine secuturum, avidissime expectamus.

Historischer Schauplatz ic.

h. e.

THEATRUM HISTORICUM, IN QUO UNIVERSE terrarum orbis pontes memoratu dignissimi, precipue vero absolutissimum illud artis miraculum, Dresdensis supra Albim pons, describuntur, notulis & documentis illustrantur, a CAROLO CHRISTIANO SCHRAMMIO, Illustrissimo Comiti a Solms a Praefecturarum Consiliis.

Lipsiæ, apud Bernard. Christoph. Breitkopfium,
1735, fol.

Alph. 4 pl. 14, cum Tabb. æn. 37.

Ergo nunc prodit Opus pulcherrimum venustissimumque, cujus spem inde ab aliquot annis fecerat Consultissimus Autor, in quo tum univerforum pontium, qui in toto terrarum orbe reperiuntur, historiam scite atque egregie delineavit, tum inprimis Divi *Friderici Augusti II* portentosam in exstruendis amplissimis operibus magnificentiam, justissimis verissimisque laudibus celebravit. Uti enim sapientissimus Princeps tot præstantissimis institutis nomen suum sempiternæ consecravît memoriæ, ita inprimis aula, tanquam ingens & splendidum miraculum, & habita & culta fuit ab exteris, in incredibilem tanti Herois venerationem profusus. Scilicet Equestrem Academiam instituit, murum fornicatum, hortum in pomærio, quo nullus unquam vel magis amœnus, vel magis celebris, fuit, condidit; Kœnigsteinium, fortissimum illud Saxonix propugnaculum, novis munitionibus circumdedit; Stabulum novo splendidoque ædificio exornavit; domum, operis ludendis destinatam, Palatium Hollandicum, universi terrarum orbis spoliis resectum, Monetarium ædificium, valetudinariorum militum receptaculum, Stationes Prætorias, vitriariam officinam, regalibus sumtibus instruxit, & Gommerix aquæductum,

opus

opus immensum & pæne desperatum, feliciter perfecit. Loquuntur paternam Divi *Friderici Augusti* curam Morizburgum, Ubigavia, Pillnizium, Sedlitzium, Hubertsburgum, Pretschium, tot immortalibus monumentis conspicua decora. Testantur ejusdem insignem pietatem Tempia, Dresdæ, Neostadii, Loschwizii, Torgaviæ, Fridrichstadii, noviter exstructa. Ut nihil dicamus de domibus funditus ædificatis, plateis, & aliis rebus memorabilibus, quæ perfectissimam Divi Regis in rebus mathematicis cognitionem omni, si qua futura est, posteritati commendabunt. Vere dici potest, *Augustum* nostrum Dresdam, quam lateritiam acceperat, reliquisse marmoream. Consulto præterimus cetera incomparabilia *Augusti* facinora, quæ amplissimis selectissimisque elogiis celebrari merentur, & jucundissimo mirabilis Pontis super Albim spectaculo jam animos nostros recreamus. Hic enim libro huic, quem regio jussu conscripsit Cel. Autor, occasionem dedit, hic primum libri initium facit, hic tanquam stupendum artis miraculum considerari debet. In tres Sectiones abit Liber. Prior in Capitibus septem, præter copiosam Dresdensis pontis descriptionem, divisiones Pontium, & cuncta, quæ huc spectant, complectitur. Altera Pontes in Saxonia occurrentes recenset. Tertia Pontes ceteros, memoratu dignos, Lectorum oculis exponit. In quibus pertractandis ita versatur Cel. Autor, ut ea, quæ *Leupoldus* in Theatro Pontificiali, & *Gautierius* in Tractatu de pontibus, vel omiserunt, vel negligentius tractarunt, suppleat, & imprimis jura & privilegia eorundem solícite tradat. Ipsa libri conditio amplam recensionem prohibet, & nos nostro defuncti officio videbimur, si ex Sectionis I Capite septimo potiora momenta recensuerimus. Pontes domibus, tabernis, & aliis ornamentis, coruscant. Olim, cum pagana superstitio animos hominum infecerat, Diis fictitiis suis in pontibus locum assignabant. Quem morem adhucdum religiose observant ii, qui Pontificis obsequuntur decretis, & Diis tutelaribus suis, inter quos *Nepomucenus* & *Nicolaus* præcipua qua-

quadam dignitate gaudent, vel facellis exstructis, tanquam totidem fulcris, adversus quosvis fortunæ casus pontes muniunt atque confirmant. Longe illustriorem laudem merentur, qui vel sanctissimi Servatoris cruci affixi imagine, tanquam saluberrima viatorum ad veram pietatem confectandam adhortatione, decus addunt pontibus suis, vel equestribus magnorum Heroum statuis eosdem ornant. Neque minorem splendorem pontibus afferunt noctilucæ, quarum inviolabilis sanctitas est. Hac occasione observat Conf. Autor, incolas Chinenſis regni, quoties novus annus cum plenilunio incipit, celebrare festum Lucernarum, neque ullam in universo Chinenſi imperio esse domum, quæ non artificiosis magnisque lucernis & intus & foras exornata sit. Præterea annotat, multas pœnas a criminum capitalium reis sumtas fuisse in pontibus. Sic Elisabetha, Angliæ Regina, super fluvium Thamanum Londini pontes versatiles fabricandos curavit, quos adscendere, & sic aquæ submergi, debebant mortis candidati. Insuper illi, qui culeo insuti suffocandi erant, e pontibus in aquam detrudebantur. Neque silentio prætermittendam esse censet fustigationis pœnam, quam in pontibus quoque exerceri, quotidiana edocemur experientia. Sed hæc de libro, qui iis, qui pontium structuram nosse cupiunt, præclaram afferet utilitatem, dixisse sufficiat. Placebunt etiam harum rerum intelligentibus Figuræ, ab optimis præstantissimisque artificibus æri incisæ, typorum elegancia, chartæ splendor, & cetera externa libri ornamenta. Id tamen fatendum est, quod negari nequit, magis a recentioribus, quam ab antiquis, Scriptoribus Conf. Autori suppetias petitas, in prisca ævi Geographia, & veterum rerum monumentis, labi interdum eundem, & errores committere, ab ejus generis Operibus raro alienos. Interim, etsi hæc vera sint, & a diligentibus Lectoribus facile observari queant, nihilominus Opus ob cetera, quæ commemoravimus, ornamenta, summo honori futurum Autori suo, ominamur.

THE

MENSIS JANUARIi A. MDCCXXXVI. 17

THE HISTORY OF THE PURITANS, OR PRO-
testant Non-Conformists, &c.

h. e.

*HISTORIA PURITANORUM, SIVE PRO-
testantium Nonconformantium, inde a Reformatione
usque ad mortem Reginae Elisabethæ; in qua eorum do-
ctrina, conatus majoris reformationis, persecutiones,
principumque Theologorum facta, recensentur;
Autore DANIELE NEAL, M. A.*

Tomus I.

Londini, apud Rich. Hett, 1732, 8 maj.

Alph. i pl. 18.

Commemorabile Opus est, ac multi laboris, magnæque
industriæ, quo Autor Historiæ Ecclesiasticæ Anglicæ,
inprimis autem ei, quæ emendationem sacrorum exponit,
lumen affundit insigne, atque ea, quæ hanc in rem a *Burne-*
to memoriæ prodita sunt, non contemnendo supplemento
auget. Quamquam vero Presbyterianorum, quorum defen-
sionem suscipit, dogmatibus imbutus videtur; admodum ta-
men graviter, modesteque, perraro, uti nunc sunt homines,
exemplo, causam eorum propugnat. Consecraturus igitur
optimorum hominum memoriam, de amplissimis dignita-
tum ecclesiasticarum gradibus non alia de causa deturbato-
rum, quam quod disciplinam ritusque sacros emendare ul-
terius conabantur, rem omnem inde ab origine ultima,
Henrici nempe *VIII* ætate, repetit. Ex ea re tum *Jo. Wiclef*
vitam ac dogmata, postero tempore a *Lollardistis*, at misere
propter ea divexatis, adoptata, tum *Henrici* ipsius res gestas,
fufius enarrat. Quibus tamen recensendis studio superfede-
mus, quod vel in vulgus nota, vel, si forte a cognitione
plurimorum remota sunt, iis tamen non ignorantur, qui
Rapini Burnetique contextas illorum temporum historias
studiosius perlustrarunt. *Henricum* excipiebat *Eduardus VI.*

Cap. I.

II.

C

phæ-

phoenix ac miraculum suæ ætatis ab Autore dictus; certe omnis memoriæ facile princeps, nisi ardor, quo in reformationem ferebatur, quorundam Episcoporum, Romanæ sedis obnoxiorum, astutia tam cito confedisset. Delatum erat jus reformandi, atque adeo sacrorum omnium, ad Regem, ac, quod is minor ætate erat, ad ejus senatum. Hinc mitius agebatur cum iis, qui olim male habiti; exules, patria carentes revocati; plurima in disciplina, liturgia, ac ritibus sacris, Parlamento studia omnia in id conferente, immutata, nihilque intentatum relictum, ex quo Anglicam ecclesiam ab Romana quam longissime semet removere vellet, appareret. Ante vero, quam progrediamur, placet, controversiæ, qua in partes tum scindebatur Anglia, & quæ magnum in Historia Puritanorum momentum habet, originem ac causas explicatius paulo tradere. *Hooperus* nempe ac *Rogerus*, principes Theologorum nuper reversorum, A. 1548, vestes sacras, adhuc usitatas, abolere studebant, causam interferentes, quod rudis plebecula, vim precum, cultusque divini, a ministris sacrorum procurati, fœda superstitione ducta, in iis sitam, opinetur. At ii, qui, tempori inservientes, quid sentirent, aperte proloqui non audebant, contra nitebantur: usum vestium ad res medias pertinere: albas, saltem a *Mose* adhibitæ, munditiei Symbolum esse: præterea quam ob rem a Romana ecclesia discedendum sit, ubi illa a prisca ac maxime intemerata non abeat, rationem esse nullam: Clericos denique adeo pauperes esse contendebant, ut novis sumtibus vix pares futuri sint. Hisce frivolis causis, veluti cinere imposito, ignis tum sopiebatur, post biennium tanto magis suscitatus. *Hooperus*, Episcopatus Glocestriensi præficiendus, negabat, se passurum, ut vestibus Aaronicis indutus consecraretur. Quatuor fere rationes, cur ita sentiret, in medium afferebat. Nam primo, neque Scriptura, neque antiquorum temporum usu vestes, se tueri posse, quin potius ab Antichristo inventas, corruptissimisque temporibus introductas; amplius idololatriæ ac superstitioni misæ destinatas, adeoque non indifferentes esse, denique cum

cum simplicitate religionis Christianæ consistere non posse, causabatur. Habebat consentientem, saltem ad speciem, *Cranmerum*, Cantuariensem, acerrime vero adversantem *Ridleyum*, Londinensem Episcopum. Communicatis autem cum *P. Martyre*, *Bucero*, aliisque Theologis Helveticis consiliis, qui omnes ab *Hoopero* stabant, at moderatius ut ageret, suadebant, primo quidem ob pertinaciam in carcerem conjectus, at tandem ea lege vinculis solutus, ut semel tandem vestibus hisce, ornatus dicam, an oneratus, incederet. Interim ipse *Cranmerus* & *Ridleyus*, ita ut sit, multum de severitate sua, quantum ad hoc caput pertinet, remittebant, acerrimosque olim vestium propugnatores alios, sponte eas deponentes, sectatores habebant. Quamvis autem reformatio non sine successu in multis tentabatur, illi tamen, qui ferociori impetu agitati repugnabant, nulli parcebant operæ, quo sanguis hominum optimorum spargeretur largius, idque omne ad majorem Dei gloriam fieri clamabant. *Gardinerii* certe *Bonnerique* facta detestabuntur omnis memoriæ posteræ. Ceterum Reformatores in doctrina de justificatione, gratia efficaci, peccato originis, *Augustinum* sequebantur. In disciplina autem ecclesiastica plura desiderabant, duos tantum ordines sacros, Episcoporum ac Diaconorum, agnoscebant, ministrosque sacrorum, ab aliis exteris cœtibus consecratos haud difficulter admittebant. Quantum vero summa rerum ad unum delata religioni possit esse exitio, tum liquido apparuit, cum *Maria*, Rege tantæ spei rebus humanis erepto, ac cum ea Romana religio in thronum eveheretur. Hæc enim, quicquid ab *Eduardo* constitutum erat, abrogare, reformatores immanibus tormentis subicere, pœnasque hæreticis statutas ab optimis hominibus repetere. Horret animus meminisse illorum temporum, quibus optimi quique, nulla conditionis, sexus, ætatis ratione habita, rogo imponebantur, *Bonnero*, omnem qui humanitatis sensum exuisse videbatur, faciem præferente. Hæc dum ita geruntur, permulti fuga sibi consulunt, ac Basileam, Francofurtum, Em-dam, Argentoratum, Duisburgum, Tigurum, concedunt.

Cap. III.

Qui Francofurti morabantur, consensu senatus, sacris ibi eum operabantur in modum, quo cœtus Gallici utuntur. At, vix biennio elapso, fatale inter ipsos dissidium oriebatur. Tigurini enim una cum Argentoratensibus liturgiam *Eduardi* introductam velle, reluctari Francofurtani, *Calvinum* ipsum arbitrum eligere; at frustra. Frangi enim non poterant duri adversariorum animi. Tandem *D. Cox*, cum nonnullis ex Anglia Francofurtum veniens, sacra turbabat, ac Ministro publice respondebat, quo factò tanti motus concitabantur, ut *Knoxius* ac *Wittinghamus* cum dimidia fere suorum parte *Coxio* cedere, Genevamque commigrare, cogere-
 tur. At novi etiam usurpatores ipsi inter se contentiones excitabant, a Magistratui quidem mox consopitas, eo tamen eventu, ut altera litigantium pars locum mutaret, ac nova disciplinæ sacre forma introduceretur. Quanta de cetero cum moderatione Papistæ tum temporis cum reformatoribus egerint, inter alia ex hoc etiam apparet, quod, cum aliquando per triduum cum iis disputarent autoritate publica, tandem his fere verbis abrumperent: *Agite, vos verbo armati estis, nos gladium tenemus.* *Elisabetha*, regno admota, quantumvis Papæ favens, multo tamen sorore initio erat moderatior. Exules redibant magno numero. Immo, reconciliatione concordie facta, excitabant se, ut rituum convenientiam observarent, ac Reginam hac de causâ supplices adirent. Non tamen eo redigi res poterat, ut omnes plane dissensiones tollerentur. His igitur suam in rem converfis, Regina tribunal sacrum, nomine *the court of the high commission* constituabat, eo fine, ut jus diceret ecclesiasticis, errores, hæreses, abusus, schismata, notaret, nihil tamen hæreticis opinionibus accenseret, nisi quod Scripturæ, & quatuor prioribus Conciliis, adversaretur. At hi homines, penes quos absolutum propemodum hac ratione, imperium erat, multa crudeliter, ac tyrannorum modo facere, miserosque mortales Juris Canonici ac juramentorum insidiis laqueisque constringere, e quibus explicare se haud poterant. Si quæras, qua mente Puritani absolutam ejusmodi summamque potestatem

statem Reginz tribuerint, non alio eam valere oportere censebant, quam omnibus eam subiectis, sacri civilisque ordinis, in tantum imperare posse, in quantum illi nemini præter Reginam parerent. Capitis autem ecclesiæ nomen, uti nemini uni mortalium, ita neque *Elisabethe*, concedebant. Quodsi tamen dicendum, quod res est, neque reformatores, neque Puritani, ab illis hac in causa discedentes, veram notionem potestatis ecclesiasticæ ac civilis animo informata tenebant: hoc ipso præterea sibi maxime nocentes, quod nullam in ritibus, disciplina, cultuque differentiam admittebant, sed uniformitatis, uti dicebant, edictum flagitare, satius existimabant. Ipsa vero Regina, ceremoniarum magna amatrix, *Eduardi* Liturgiam, A. 1548 ex Missalibus Salisburyensibus, Herefordiensibus, Eboracensibus, Bangoriensibus, Lincolnensibus, collectam, demum perlustrari, ac in nonnullis, quamvis minime ex mente Puritanorum immutari jubebat. Præter verba enim litaniz: *a tyrannide papæ &c. libera nos domine*, & per pauca alia mandata, expungebatur nihil. Tandem Uniformitatis decretum stabiliebatur a Parlamento, inconsultis Clericis, quicquid etiam Eboracensis in contrarium moliebatur. Omittimus, quæ Autor hoc loco de rigore uniformitati faventium, ejusque noxis, non male disputat. Interea temporis multi Episcoporum juramentum *suprematus* præstare nolebant, propterea sedibus suis moti. *Parkerus* A. 1559 sine vestium ornatu, paucis tantum iisque munere suo excussis, præsentibus, consecratur, id quod fabulæ, in taberna eum consecratum esse, originem dedit. Mox tamen a Parlamento confirmabatur. His latius expositis, Autor dogmata Puritanorum, a principiis Reformatorum diversa, in medium affert. Sunt autem fere hæc: Religionem scilicet summo unius hominis, ejusdemque Laici arbitrio subiectam nolebant, Papam antichristum, Romanamque ecclesiam falsam pronuntiabant, Scripturam sacram regulam doctrinæ morumque agnoscebant. Quæ autem in eadem expresse constituta non sunt, ecclesiæ permittebant ordinanda. Officia, statusque Clericorum ultra, atque Codex sacer docet, extendi oportere

negabant; res medias atque indifferentes libertati Christianæ relinquenda disputabant: uniformitatem introducendam Synodis nationalibus, a magistratu confirmandis, vindicabant. Utcunque hæc erant, Regina vestium usum severe tuebatur. Multus est Auctor in percensendis de eo tum Anglorum, tum exterorum theologorum sententiis, quos in eo convenisse putat, abrogandas quidem esse vestes autoritate publica, interea autem temporis nemini de iisdem molestiam creandam esse. Ceterum *Parkerus*, in eo magnopere laborabat, Puritanos ut vel persuaderet, vel cogeret. Ac in Oxoniensibus quidem *Humfredo* integrum erat, utrum vestibus uti vellet, nec ne. Aliis autem paulo pertinacioribus sacris fungendis plane interdicebatur. Multum autem levabantur privilegio Academix Cantabrigiænsis, duodecim candidatis quotannis potestatem tribuentis, vagandi per Angliam, ac, quoad vixerint, sermones sacros habendi. At enim & hic loci inter juvenes motus oriebantur de vestibus, ac Londini causa hæc utrinque scriptis agitabatur. Tandem cum in locum res deducta, *Parkeri* inprimis regique senatus, rigore, ut A. 1566 Puritani publice se ab cœtu reliquorum separarent, privatosque conventus instituerent. Quicquid etiam Regina contra eosdem statueret, multi anno sequenti in Plumbershall deprehensi, ubi sermonis audiendi causa confluxerant, ac in vincula coniecti.

Cap. V.

At nec vestibus solum turbabantur Puritani; multa etiam in Hierarchia desiderare habebant. Episcopos Presbyteris superiores esse, negabant, Archidiaconorum, Diaconorum, &c. separata officia rejiciebant: summam Episcoporum potestatem abrogandam censebant; collapsam disciplinam, multaque in liturgia superflua, querebantur: legi libros Apocryphos, celebrari festa ecclesiastica, antiphonas cani, nolebant. Adhæc signum crucis in baptismo, susceptores, cum tamen adessent parentes, præmaturam confirmationem, qua jus S. Cœna utendi tribuebatur infantibus, genuflexionem audito nomine servatoris, annuli usum in matrimonio, hæc, inquam, omnia, eliminari oportere, contendebant. Quanquam

quam autem non deerant, qui Puritanis faverent, durius tamen quotidie cum iis agebatur. *Zanchius*, jussu Principis Palatinæ, eos Reginæ de meliori commendabat, at literæ ejus ne quidem tradebantur eidem a *Grindalio*. Immo cultu publico iis prorsus interdicebatur, quo facto, nonnulli privatim sacris operabantur, vel munere se abdicabant. Equidem Northantonix nova disciplinæ forma instituebatur, privata etiam pietatis exercitia, nomine *prophetisationum* compellata informabantur, in quibus alternis loqui cuilibet liceret. Peculiaris etiam fidei professio statuebatur, cui subscribendum erat a membris conventus, at ex aliis *Parkeri* rigori succumbebant multi. A. 1572. Puritani, videntes, se apud Reginam nihil proficere, majoris reformationis causa ad Parlamentum se applicabant, admonitione una atque altera a *Wilcoxio*, *Fieldo*, ac *Cartwrighto*, conscripta; at ille ac iste in vincula conjiciebantur. *Cartwrighto* vero cum *Whitgisto* multæ de hac admonitione controversiæ intercedebant, eo tamen eventu, ut hic assensu principis suffultus, ac Episcopatu præfectus, superior discederet, ille autem, quantumvis causæ adjutus justitia, postremo licet respondens, cedere cogeretur, munere exutus ac exul. Interim Puritanorum quidam *Wandesworthi* ad *Thamesin* cœtum. Presbyterianum constituebant, cujus membra ac formam Regina cum Episcopis, quantum etiam laborabat, detegere non poterat. Vexationes autem ob uniformitatis decretum minime cessabant. Puritani quidem A. 1573 disputationem publicam offerebant, at nihil impetrabant, citati potius ad tribunal Commissionis, cui tamen *Cartwrightus*, ægre sibi fuga consulens, sese subtraxerat. Multi quidem Ministrorum Puritanorum a populo fovebantur, multi etiam a cœtu Gallico ac Teutonico Londinensi recipiebantur; at Regina, quo minus id facerent, mox prohibebat. Nordovici exercitia Episcopo suffragante tolerabantur, at aliquanto post eas illic perinde ac alibi suppressas fuisse legimus. A. 1575 multi Puritanorum ministri delati, ac si *Parkero* Thesaurarioque insidiarentur, ac in carcerem detrusi. Tandem *Parkerus* diem obibat, cujus caracte-

Cap. VI.

rafterem satis Autor fuse enarrat, quorsum, ac ad vitam ejus, singulari scripto expositam Lectores ablegamus. *Parkero* succedebat *Grindalius*, partibus Puritanorum addictus. At per muneris rationem non erat ei integrum, quantum vellet, iis indulgere. In tanta Ministrorum penuria Puritani seduli erant in faciendis sacris privatis. Northantoniz & Varvici denuo quidam novam disciplinz formam constituebant, qua reformatio Ecclesiz sine separatione confieret, at ne hilum quidem proficiebant. *Grindalius*, exercitiis favens, modum iis statuere conabatur, quo minus offensionem essent. Regina autem ea prorsus aboleri jubebat, existimans animos plebis ad agnoscendam ac inquirendam veritatem incensos, in obsequio contineri difficulter posse. Ad hæc odio indies majori adversus Puritanos concitata, ipsi etiam Parlamento metum incutiebant. A. 1581 *Whitgifti Aylmerique* severitate excitati *Brownista*, a *Rob. Brown*, duce suo, ita dicti. Hi ecclesiam Anglicam Antichristianam ac falsam inquinatamque pronuntiabant, ordines ejus Sacramentaque nihil valere & inefficacia esse, democraticamque oportere esse formam regiminis ecclesiastici, docebant. Recenset hac occasione Autor vitam *Brownii*, ex qua hominem fuisse turbulentum patet, ac propemodum seditiosum, rebusque suis nimio fervore, quo abripiebatur, male consulentem. Anno demum 1583 *Grindalius* moriebatur, postquam ob exercitia, quæ fovebat, gratiz Reginz semestre ante mortem exciderat, ac munere suo privatus erat.

VII.

Grindalis sufficiebatur *Whitgiftus*, acerrimus Puritanorum hostis. Vix muneri adnotus severa lege indicta, quinque articulis subscribi volebat, a multis quidem damnatis, eo quod regiz derogarent autoritati, sed nihilo secius tanta severitate confirmatis, ut, inprimis ob illum, in quo *Articuli* 39, olim ab *Eduardo* conditi numero 42, at ab *Elisabetha* ad illum, quem diximus, numerum, inductis quibusdam, restricti, nunc ut norma fidei proponebantur, 233, qui, subscripturos se esse, negabant, sedibus suis pellerentur, quicquid etiam

etiam permulti cujuscunque ordinis precibus suis efficere tentarent. A. 1584, ne quid crudelitati deesset, novum tribunal autoritate regia constituebat, quo, siue institutum ipsum, siue laqueos, quibus irretiebantur miseri, siue rigorem spectes, vere *Inquisitionis* aliquod judicium erat, quamvis careret nomine. Hoc fere tempore Puritani Lambethi conventum celebrabant, in quo de apocryphis non prælegendis, de quibusdam ritibus baptismalibus, usu Cœnæ S. privato, vestibusque sacris, disceptabatur, at hoc successu, ut Episcopus sævus abalienatus magis fieret, ab *Aylmerò* adjutus. Transimus plurimos Puritanorum conatus, nunc Parlamentum, nunc Concilium regium, nunc Episcopum implorantium, atque illud tantum monemus, anno eos 1586 insigniorem multo, quam antea, secessionem fecisse, eamque multis privatis conventibus firmasse, de quibus Autorem ipsum adiri volumus. Anno 1588 reviviscere quodammodo videbatur controversia de potestate Episcoporum, qua super Presbyteros eminerent, cum *Bancroftus*, Regiæ Capellanus, publice tueretur, jure divino illos presbyteris superiores esse, illosque hæreseos damnaret, qui aliter sentirent. Quamquam autem motus nunquam prorsus fuerint consopiti, tamen, quo provecior ætate esset Regina, eo tranquilliore erant res Puritanorum, inprimis cum pateret, successorem ejus principiis Puritanorum innutritum esse. Hinc cautius mercari discebant Episcopi, ne Regem offensum haberent, studiose caventes. Ceterum Autor sub finem libri non dissitetur, erroribus quibusdam obnoxios Puritanos, notionesque eorum de jure civili ac religionis, ad quandam theocratiz Judaicæ speciem propius accedentes, perquam confusas fuisse. Interim, ob virtutis studium, ardorem in precibus, reverentiam Numinis, observationem officiorum, Sabbathique sanctificationem, homines istos, pro eo, ac par est, collaudat. Et hæc fere sunt, quæ de rebus illo tempore gestis, ingenue, modeste, summaque fide, laudatis etiam quos habuit, probatissimis quibusque Antoribus, commentatur Autor; ita certe comparata, ut, quin Lectorem, alterum proxime perlustrandi Tomum, honesta quadam cupiditate incenderint, nulli dubitemus, de quo nos etiam suo loco acturi sumus.

IN DUAS CELEBERRIMAS EPISTOLAS
*Sanctorum FIRMILIANI & CYPRIANI adversus
 Decretum S. Stephani Papæ I, de non iterando Hæreti-
 corum Baptismo, Disputationes criticae, quibus, unam &
 alteram a Donatistis fuisse confictam, nunc primo de-
 monstrat Frater RAYMUNDUS MISSORIUS, Fran-
 ciscanus Conventualis, pro Serenissima Veneta Rep.*

*Revisor publicus, Romanique Cœnobii S. Doro-
 theæ trans Tiberim Alumnus.*

Venetis, apud Franciscum Pitterium, 1733, 4.

Alph. 2 plag. 8.

Pag. 272 sq. **J**am *Augustini* ætate haud defuerunt, qui, *Cyprianum*, ne-
 garunt, iterationem baptismi ab hæretico collati defendisse,
 sed Epistolas potius contenderunt ejus sub nomine hunc
 in finem ab impostoribus fuisse confictas, uti patet ex *Augu-
 stini Ep. 92*, quæ est alias 48. * Macula rebaptizationis de-
 fensæ diu insedit in nomine *S. Cypriani* ac *Firmiliani*, quam
 ut profliget ab iis & diluat Autor, omnem movit lapidem,
 eam ob causam laudatus ab hoc, culpatus ab illo. Per Se-
 cula certe XIV vindicias ejusmodi nemo cogitavit, nemo su-
 scepit. *Eusebius* tamen *Cypriano* maculam illam tribuit, sed
 quem Noster aliis imposuisse existimat. Ante annos sex Di-
 atribam Autor paraverat, in qua *S. Cypriani* mentem de Ro-
 mani Pontificis primatu expendendam susceperat. Sed, in
 morbum implicatus desperatum, jussit eam comburi. Con-
 valescens rediit ad *Cyprianum*, ejusque de primatu Pon-
 tificis sui sententiam, deprehendit, in quatuor potissimum lo-
 cis sitam esse, in Epistolis duabus, una ad *Pompejum*, altera *Fir-
 miani* ad *Cyprianum*, deinde in conclusione epistolæ ad *Juba-
 janum*, & in Præfatione ad Concilium Carthaginiense. Ol-
 fecerat pridem, hæc esse confictas. *Paulus Antonius Agel-
 lius*

* Confer eundem contra *Cresconium* Lib. III, 33. Lib. I, 32.

Ius opus de Traditionibus molitur, quare Autor eam pro-
vinciam & materiam illi lubens concedit, supersedens iis,
quæ ipse in animo habebat. In Epistolis *Cypriani* adducendis
& numerandis secutus est ordinem *Pamelianum*. Disserta-
tio prima continet argumenta, quibus Epistola *Firmiliani* ar-
guitur suppositionis & erroris. Inprimis in *Eusebium Cesari-*
ensem conjicitur culpa, quippe qui confinxerit contentionem,
quæ *Stephano* cum Orientalibus Episcopis super baptismo
cum invocatione Trinitatis ministrato intercesserit, qualis
tamen lis exstiterit nulla, siquidem Concilio Nicæno I, ejus-
que Canone 8 & 19, nil dilucide de Novatienſium, illisque af-
finium, Hæreticorum baptismo decretum sit. Epistola *Fir-*
miliani deinde excutitur, refellitur & insulſitatum infumula-
tur. Expenduntur argumenta eorum, qui *Firmiliano* Epi-
ſtolam illam vehementem tribuunt, adjectis responsionibus.
Succedit Disputatio II in Epistolam *Cypriani* ad *Pompejum*.
Proponuntur Axiomata ad Systema Donatistarum, *S. Augu-*
stini, idque hypotheticum, *Cypriani*, qui sæpius repugnet
sententiæ in famosa illa Epistola perscriptæ, & *Optati Mile-*
vitani. Sequuntur Theoremata & Propositiones, more Ma-
thematicorum. Credit Autor, argumentum negans in quæſti-
one facti, nisi obſolet locus æquæ autoritatis affirmans, pluri-
mum probare. *Augustinus*, judice Nostro, refugit adversus
Donatistas quæſtionem facti, & in juris quæſtione perſtat, id-
eoque contra eos in facti quæſtionibus hypotheticum pro-
ponit systema. *Augustinus* dubitat de facto & literis *Cypri-*
ani; *Optatus Milevitanus* plane tacet. *Morrellius* omnium
primus *Firmiliani* Epistolam edidit. *Paulus Manutius* eam
in Romana editione, suaſore *Latinio*, omiserat. *Balu-*
zius eam commendat ceu utilem & luce dignam. *Erasmus*
in *Frobeniana* editione eam omisit, licet primus *Cypriani* ad
Pompejum Epistolam vulgaverit. *Cyprianus* certe in Epist.
ad *Cornelium* 55 judicem sacerdotem vice Christi in terris ad-
mittit, & ex ejus contemptu schismata enata censet. Unde mi-
rum est, si ipse *Firmiliani* sententiam approbavit. Sed &
illud est verum, *Cyprianum* in eadem Epistola schema sa-
cerdo-

46 seq.

112 seq.

148 seq.

205.

264.

267 seq.

287 seq.

II.

Pag. 19.

22.

24.

26. 54.

35. 54.

39.

40.

42 seq.

44.

45.

68.

49 seq.

cerdotum Judaicorum attemperasse ad Ecclesiæ Christianæ directionem. *Dionysius Alexandrinus* de *Firmiliani* Epistola tacet in literis ad *Xistum*, *Stephani*, Papæ Romani, successorum, scribens de rebaptizatione, quæ Græcis nonnullis probabatur. *Xistus* eam ignoravit: *Eusebius Cæsariensis* haud attigit: *Augustinus* non memoravit: Donatistæ eam in Collocatione Carthaginiensi pro se haud allegarunt, qui *Cypriani* tamen autoritate sese munire laborabant: *Cyprianus* illius non meminit, quam perhibent Græce scriptam. Græca non exstant: translator ignoratur. Mirum, Epistolam *Firmiliani* in Concilio Carthaginiensi III lectam haud fuisse, *Jubajani* vero literas frigidas in eo lectas. *Zosimus* & *Cyprianus*, *Petrum* Apostolum a *Paulo* fuisse erroris convictum *Gal. II*, tradiderunt. *Baronius* perperam contendit ex *Dionysii* ad *Xistum* literis, pacem ecclesiæ redditam ab Anabaptismi assertoribus. Repugnant enim eadem literæ. Autor contentionem Orientalium de Anabaptismo, quam memorat *Eusebius*, ad fabulas rejicit. Hunc enim *Hieronymus* vocat *Arianæ quondam signiferum factionis*, *Nicephorus* vero, Patriarcha Constantinopolitanus, *Arianæ insaniam Principem*. *Hankius*, ejusque affectator, *Pagius*, incertum putant, *Eusebius* an Arianis, an Orthodoxis, post Synodum Nicænam, accesserit. Noster vero, eum utique Arianis postea etiam fuisse, contendit.

De *Pauliana* baptismi formula certe *Eusebius* nil habet, fingens, iudice Nostro, *Eusebium* voluisse ostendere, Pontificem Romanum Paulianorum sententiæ accessisse. Arianos Donatistis connivisse, Noster quoque existimat, laudans testem *Augustinum* Ep. 45 & 185, & sic judicans de *Eusebio*: In historia confinxit multa, multa permiscuit, longe plura obscuravit, & quæ maxime conscribenda erant, omnino reticuit; contra vero, quæ sibi ad Donatianum Schisma confirmandum idonea visa sunt, præcipue in causa Anabaptismi, dolose, atque adeo perfide, confinxit. *Augustinus* Lib. II de Bapt. Cap. 7 plenarii Concilii meminit, quod fuisse Arelatense I, Autor contendit copiose, quo de formula Baptismali Can. 8 fuit sancitum. Inprimis id evincit ex *Augustini* Ep. 43, alias 162,

Lau-

Lampro praeunte, *Noriso* refragante, qui hallucinatus est in explanatione *Augustiniana* sententiae, quae continetur in Epistola ad *Elesium*. Autor contendit, Concilium Arelatense I Pag. 65 seq. fuisse oecumenicum, favente Canone 18 Synodi Arelatensis II. Notae in Epistolam *Firmiliani* sunt oratoriae, & in Autorem Epistolae totidem aculeis acutae. De *Hieronymo* verissimum 112 seq. est Autoris judicium, judicantis ita: *Si Hieronymi in scribendo acrimoniam inspicimus diligenter, facile comperiemus, non fuisse veterum omnium Patrum dicatissimum, in quo nec Plauti sales, nec Horatii lepores, nec Juvenalis aculeos, nec Persii iram, desideres.* Excusat tamen *Hieronymum* variis nominibus. 159. Succedit Dissertatio in Epistolam *S. Cypriani* ad *Pompejum*, Episcopum Sabratensem, contra Epistolam & Decretum *S. Stephani* Papae, de non iterando Haereticorum Baptismo. Hanc quoque, contendit Autor, esse supposititiam. Impulsus, ut sic statueret, videtur doctrinis in Epistola obviis, ad Romanorum palatum non satis quadrantibus. Nam requirit *Cyprianus* in ea, ut *traditio* fide digna descendere debeat de dominica & evangelica autoritate, aut de Apostolorum mandatis & epistolis. Ac praeterea errores *Stephani* exprobrat, & moleste fert, humanam traditionem dispositioni divinae anteponi. 160. Ex eadem Epistola patet, quod ecclesia ea, in qua legitimus confertur Baptismus, Christi beneficia & remissionem peccatorum conferat, ideoque una sit illa Christi sponsa. Quod argumentum a Protestantibus quoque *κατά τὴν* adhiberi solet. Id tamen videtur durius, & *Cypriano* vix dignum, *Stephanum* Papam approbasse baptismationem eorum, qui *Marcionis*, *Valentini* & *Appellis*, & ceterorum blasphemantium in Deum patrem, dogmata fuerant affectati. Nam aquam & formulam fidemque Trinitatis ad legitimum Baptismum omnino *Stephanus* requisivit. 183. Academiae Sorbonicae Autor exprobrat inconsistentiam sentiendi, quippe quae non semel unum eundemque Autorem in una eademque re probaverit damnaveritque. Docet quoque, principes scholae magistros in ipso Theologico Systemate magnam partem esse hypotheticos. 190. 195.

Pag. 196.

fitio hæc nobis videtur aperire & exhibere pomum Eridos. Perplacet illud, quod de Aristotelismo Scholasticorum commentatur Autor. Unicus *Cæsar* inter Historicos immunis est ab hypothesebus, eodem judicante. Characterem *Cyprianicæ* locutionis in Epistola ad *Pompejum* occurrere, is haud inficiatur; characterem vero animi *Cypriani* desiderat, ratus, doctrinam moresque *Cypriani* cum Epistola controversa haud consonare. Argumenti negativi vis ac limites in rebus facti egregie enodantur. Dubitavimus vero, an Autor applicationes regularum suarum sit admissurus, simul ac Protestantes iis uterentur in dijudicandis factis, ab ecclesia Romana approbatis. Artes Donatistarum fraudulentæ distincta ratione exponi ab Autore, prædicamus. Donatistis curta fuit scientiæ supellex, nec minus Episcopis Catholicis, exceptis *Optato Milevitano* & *Augustino*. Posterior studuit Donatistas ad ecclesiæ concordiam revocare, ideoque multa dissimulavit, & ex systemate hypothetico adversus eos egit; prior, mala expertus, ex subdolo systemate Donatiano emanantia, systema edidit absolutum. Novum quoque illud est Autoris inventum, statuentis, Donatistas acta Sinvesfanæ Synodi fuisse commentos, quæ *Marcellinum* Papam, errori suo confitendo haud temperantem, diffament. Simili Donatistarum confictioni tribuit Præfationem ad Concilium III Carthaginienſe, ab iisdem Donatistis *S. Cypriano* suppositam. Ut summatim reliqua attingamus, non possumus, quin præ nobis feramus, Autorem Historiæ ecclesiasticæ esse peritissimum, Criticum acutum, sedis Romanæ studiosissimum, stili perspicui architectum, & in evolvendis animi notionibus felicem ac facilem.

VOYAGES DE RABBI BENJAMIN, &c.

b. e.

ITINERA RABBI BENJAMINI, QUI fuit filius Jonæ Tudelensis, per Europam, Asiam, Africam, inde ab Hispaniis usque ad Chinam, in quibus inven-

veniuntur memorabilia, ad Historiam, Geographiam, & statum Judæorum Seculi XII spectantia, translata ex Ebraica lingua in Gallicam, & illustrata Notis, Dissertationibusque historicis ac criticis, per JOANNEM PHILIPPUM BARATIERUM, Theologiæ studiosum.

Tomi II.

Amstelodami, sumptibus Societatis, 1734. 8.

Tom. I plag. 20, Tom. II plag. 21½.

Baratierus, cum hæc A. 1732 concinnaret, annum egit ætatis suæ undecimum, numerumque præcocium ingeniorum ac doctorum puerorum exemplo suo admodum raro præstantissime auxit. *Tomum priorem* inscripsit Diacono Gallico *Maître*, seu *Maitre*, administro verbi divini penes Illustrissimum Comitem Schaumburgicum, qui Buckeburgi habenas rei summæ moderatur. Verbi divini hic minister antea ecclesiæ Swobacensi Reformatae præfuerat, testis locupletissimus hujus translationis a *Baratiero* coeptæ ac finitæ. Vir ille ecclesiastes Epistolam libro præfixit, directam ad societatem Amstelodamensem typographicam, in qua præcox Autoris te nerrimi ingenium collaudat, docens, *Baratierum* patrem, suum quondam in ecclesia Gallica Swobacensi collegam, unicum filii *Baratieri*, Autoris Clarissimi, exstitisse præceptorem, jam anno ætatis sexto Biblia Græca & Ebraica promptissime exponentis, & hunc laborem Marte suo profligantis anno ætatis undecimo. *Maîtres* testatur, puerum illum doctum libri hujus autorem esse solum, quod ipsum docet Præfatio, adjecta a patre *Baratiero*, testante & profitente, opusculum soli deberi filio, tum ratione inventionis, tum respectu dispositionis ac elocutionis, se autem Rabbinici studii esse expertem. Pater nil sibi vindicat nisi paragraphos Dissertationis primæ nonnullos, & paucula judicia, in
Differ-

NOVA ACTA ERUDITORUM

Dissertationis quintæ ambitu obvia. Quamvis puer impegisset nonnunquam, quod tamen esset distincte ostendendum, statuendum tamen foret pretium sane magnum gratiæ divinæ, ex dotibus pueri hujus venustissimi doctissimique elucenti, inopia librorum Geographicorum & Rabbiorum laborantis, corpore haud admodum robusto præditi, & in tantula ætate tantopere sapientis. Elaboravit idem puerorum doctorum flos & coryphæus, Germaniæ splendor, Lexicon Ebraicum ac Græcum, quo complexus est præcipuas difficillimasque veteris novique Testamenti voces, distinctum diversis Dissertationibus criticis ac philologicis. Itinera *Benjamini Tudelensis* Latine transtulerunt *Arias Montanus* & *Constantinus l' Empereur*. Gallica translatio quædam, ad Latinas *Montani* & *Lempereurii* editiones conformata, A. 1729 Lugduni Batavorum typis excusa prodiit. Operæ igitur erat pretium, Gallicam adornari translationem, eamque ad fontes primos formatam, siquidem prior interpret Gallicus in ipsa translationis suæ fronte duos insignes admisit natos. Nam A. 1173 itinera a *Benjamino* inchoata dictitavit, eaque appellavit *Voyages autour du monde*, cum tamen ille *R. Benjamin* globum nostrum terraqueum nunquam circumnavigaverit, & circa annum 1173 jam vivere desierit. Mirandum, ni dolendum, est, tot viros doctos in vocabulis enucleandis consensere, cum puer ei labori exhaustiendo sese accingere potuerit. Quomodo puer ille doctus ad tam exquisitam linguarum & Orientalium, & Latinæ, Græcæ, Germanicæ, Gallicæque, adspiraverit, enarratum novimus in libello, qui in forma, quam vocant quartam, Stetini ac Lipsiæ A. 1728 editus fuit sub titulo: *Merckwürdige Nachricht von einem sehr frühzeitig gelehrten Kinde*, cujus summam tum exhibuerunt Collectores Bibliothecæ Germanicæ, quæ haud sine publico applausu Gallice adornari solet. Potiora Parens Rev. in Præfatione repetit, quæ omnino digna sunt legi, ac in imitationem converti. Syriacam & Arabicam linguam *Baratieus* junior *αυτοδιδάκτωρ* didicit. Nunc in eo est, ut Canones Conciliorum, per sex priora Secula habitorum, in ordinem

nem systematicum redigat, suasque iis adspargat observationes. Gratulamur Patri de Filio, tam celeriter ad summum studiorum apicem progrediente; Filioque de tam diligente ac pio Patre, summum Numen venerantes, quod iis dotibus pueros interdum instruit, quas sæpe in senibus, per labores durissimos studia emensis, frustra requirimus. Communica-
canda sunt nunc paucula ex animadversionibus *Baratieri*, junioris, ejusque Dissertationibus, ut Lector ex re ipsa judicium de profectibus pueri doctissimi debite instituere valeat. Ju-
dæi præsidem Synedrii, in Judæa commorantis, appellarunt נָשִׂיא. At præsides concilii, alibi obvios, vocant יוֹשֵׁבֵי רֶאֱזָרָה. Nec tamen dedignantur Judæorum procures docti appellationem נָשִׂיא, quam transfert per *Principem*. *Constantini I' Empercur* translatio a Nostro passim, feliciter satis, emendatur, monente, illud כְּנַגֵּר *Gen. II, 18, 20*, idem denotare ac *coram eo, in societate ejus*. Judæi Christianos vocant *Idumæos*, ut in eos possint convertere diras, *Idumæis* olim prædictas, quod haud dissimulat *Abarbanel* in *Esaia Caput XXXIV*. Si quid judicamus, per permutationem literarum ר & ג Judæi ex הַרְשִׁים *Romanis* fabricati fuerunt *Edomæos*. Regio הָאֶרֶץ נֹסְרָה Nostro est *Algarbia*; L' *Empercurio Algeria*. Vox חֹזֵן notat 1) præsidium, quod urbem custodit: 2) administrum imperii: 3) ministrum rei sacræ: 4) ministrum expromendæ justitiæ, seu carnificem: 5) lectorem seu cantorem Synagogæ: 6) & penes Syros quoque Sacerdotem. *Raschius* Lunellæ in Gallia infima ad mare mediterraneum nunquam habitavit, sed Wormatiæ ad Rhenum circa annum 1100. *Abraham Ben Dior* conscripsit *Sepher Hakkabbala*. Erravit *Barnagius Hist. Jud. Lib. IX Cap. 1. p. 11*, qui existimat, ipsum esse Autorem libri Judaici *Schalschelet hakkabbala*, quem *R. Gedalia*, Seculi XVI scriptor, contexuit. Omittimus Autoris admodum adolescentis notas egregias, quibus complexui orationis *Benjamini* affundit lucem ex Philologia, Historia, & Geographia, qua haud infrequenter *Constantini I' Empercur* translationem & animadversiones vel illustrat vel corrigit. *Tomus posterior comple-*
E titur

Tom. I p. 4.

Pag. 7.

10 seq.

12.

Atitur octo Dissertationes, quarum prima pertractat *Benjamini* personam, patriam Tudelam, urbem Navaræ ad Ebrum, & usum, qui ex hoc Itinere hauriri potest: secunda exponit Caliphos Egypti & Bagladi: tertia occupata est in ostendendo autoritate Judæorum intra Palestinam, antequam principes exilii Judaici Babylonem illustrarunt studiis suis: quarta agit de capite exilii intra Bagdadum, illiusque concilio: quinta enarrat imperium, quod Judæi sibi adhuc in diversas terrarum partes tribuunt: sexta idem propositum persequitur, & opiniones Judæorum refellit: septima excurrit in regnum Cozar, ubi Judæi, religionem suam esse dominantem, fingunt: octava dispicit loca, in quæ decem tribus transnigrasse vulgo creduntur. Quam vellemus, ut justus ac locuples rerum Index opusculo fuisset subjectus! Editiones hujus Itineris videmus commemorari *pag. 5 seq.* judicia doctorum de *Benjamini* Itinere adjecta sunt *p. 7 seq.* Judæi eo Itinere nituntur, ut eludant impletionem prophetiæ *Gen. XLIX*, quæ jam contigit. Christianorum doctores nonnulli libello huic hœdæporetico maximum posuere pretium, ignorantes pessimum *Benjamini* scopum, veritati religionis Christianæ oppositum. *Wagenseilius, Hottingerus, Barthius, & Reinesius*, mendacia & arrogantiam *Benjamini* agnoverunt. Autor vero & interpret novus solide comprobabat, itinera *Benjamini* esse partim conficta, partim ex itineribus aliorum compilata. Gratulamur denuo puero doctissimo de dotibus plane singularibus, dirinitus in eo collocatis, nihilque magis in votis habemus, quam ut Dei numine porro corroboretur viribus corporis & præcipue animi, atque tandem aliquando ecclesiæ Christianæ usibus totum sese mancipet, quemadmodum id jam facere cœpit felicissime, & hoc ipso Opere mirum in modum præstitit. Deum laudamus jure pro ea gratia, quam in hoc puero illustravit, & omnibus concelebrandam proposuit.

MEMORIA VITÆ AC MERITORUM
Perillustriæ quondam Domini, Domini VITI LVDO-
VICI

VICI A SECKENDORF, Equitis Imperii R. G. immediati, Dynastæ Oberzennæ, Meuselwitzii, cet. primum Serenissimorum Ducum Saxo-Gothani, Citicensis ac Isenacensis, deinde Serenissimorum Electorum, Saxonicæ & Brandenburgicæ, a Consiliis sanctioribus, in rem tam publicam, quam rempublicam literariam, incomparabilium, ex documentis editis ineditisque studiose collecta, & publici juris facta, a DAN. GODO-FREDO SCHREBERO.

Lipsiæ, sumptibus Autoris, prostat in officina Brauniana, 1734, 4. Alph. 1 plag. 6.

ERuditio, sapientia, & pietas, ac gravissima rei publicæ prudentia, in uno Perillustri *Seckendorffio* coierant, jugata nexu multiplici. Patruus ipse exstitit Illustrissimi Comitæ ac Domini *FridERICI Henrici a Seckendorff*, ac Perillustriß Baronis *Ernesti Ludovici*, Virorum immortaliter de salute Germaniæ meritorum, quibus proinde Autor librum dedicavit meritissimo jure quodam. *Caspar Sagittarius* de meritis *Viti Ludovici Seckendorffii* erat scripturus. Sed labor ejus aut periit, aut ignotus adhuc permanfit. *B. Breithauptius*, Abbas & Professor in Academia Halensi quondam Venerabilis, Programmate quodam merita *Seckendorffii* illustravit. Sed, ampliora & copiosiora nunc esse prolata, lætamur ipsum in modum. Scriptum Clariss. *Schreberi* in duas abit partes. Priori vita ac virtutes *Seckendorffii* exponuntur; posteriori merita ejus in rem literariam enarrantur. Stilus scripti est purus, perspicuus, & rei ipsi adæquatus. Candor & prudentia utramque complement paginam. Gratulandum ducimus Perillustriß *Seckendorffii* manibus, quod hunc potissime præconem obtinuerint. Antiquitas & diffusa stemmatis progenies *Seckendorffii* dudum fuit propria. Optamus, ut eorum, qui otio ac suppellectili libraria gaudent, aliquis genealogicam tantæ gentis connexionem cum orbe erudito communicet. Ex prosapia, *Gustend*

- Pag. 8. cognominata, prognatus fuit *Vitus Ludovicus*, ac patruelis ejus Illustrissimus, *Fridericus Henricus*, A. 1721 in Comitibus Imperialibus fastigium evectus, testatusque impavidum robur A. 1715 in obsidione Stralsundica, ac A. 1717 in Sicilia. *Viti Ludovici* parentes exstiterunt *Joachimus Ludovicus* & *Maria Anna Schertelia a Burtenbach*, filia *Joannis Sebastiani*, junioris, e quibus ipse genitus lucem vitalem adspexit A. 1626 d. 20 Dec. Auracæ Ducis, urbe Germanis dicta *Herzogen-Aurich*. Post ipsum nati sunt fratres *Quirinus* A. 1634, ac *Henricus Gottlob* A. 1637, Viri in sago & toga incomparabiles. Uxor Herois & Musagetæ nostri fuit *Agnese Magdalena de Teutleben*, quam ipse A. 1665 duxit. Tener admodum a ludimagistris Mulhusæ est institutus per decennium circiter. Erfurti posthæc linguas, Gallicam, Græcam, & Hebraicam, mathematicas præterea scientias, hausit. Transtulit sese A. 1639 in aulam *Ernesti*, Ducis Saxonæ, Coburgum. Anno 1640 civibus Gymnasii Gothani sese applicuit. Patrem amisit anno 1642 ineunte, quo ipse Argentoratensem ad Academiam sese contulit, Juri navaturus operam, Theologiæ, ac studiis elegantioribus. Salutavit A. 1646 denuo Erfurtum, digressus in itinere ad aulam Coburgensem, beneficia olim ibi accepta prædicaturus. Exstitit paullo post Polyhistor incomparabilis. Anno 1648 a Duce *Ernesto Pio* cooptatus in ordinem cubiculariorum nobilium, legationibus & actis forensibus Duci exponendis adhibitus, A. 1655 edidit *Statum Principum Germanorum*, ac porro A. 1663 ingressus est dignitatem Cancellarii, sanctioris simul Consiliarii, Directoris fisci Ducalis & Dicastrii Ecclesiastici. Anno 1664 missionem petiit ac obtinuit. Illico ei Dux Saxo-Citicensis, *Mauritius*, tradidit honores Cancellarii, & in senatu Ecclesiastico Præsidis, atque Consiliarii intimi. *Joannes Georgius II*, Serenissimus Saxonum Elector, A. 1669. eundem renuntiavit Administrum status intimum. Anno 1691 Vir Perillustris capeffivit provinciam sanctioris Consiliarii penes *Fridericum III*, Electorem Brandenburgicum, sequentique anno domicilium Halam contulit, Directoris seu Cancellarii Academiæ recentis muniis perfuncturus. Obiit A. 1692 d. 18 Decembris
- 12.
- 16.
- 19.
- 66.

bris, prolata voce: *Ach Herr Jesu hilf mir.* Sepultus fuit Meuselwizii. Meruerat sane Vir tantus, ut exteri quoque hic ejus memoriam legerent compendiosissimam. Cl. *Schreberus* deinceps merita, scripta, commercia literaria, Viri Perillustres eleganter & digne percenset, nec dubitamus, reperi- tum iri posthæc in scriniis Principum ac eruditorum non- nulla, unde spicilegium possit adornari. Erat *Seckendorffius*, cujus & in Annales hos nostros præclara merita exstant, eru- ditorum Mecænas & coryphæus, aularum honor, tempe- perantiæ & justitiæ exemplar, pietatis intemeratæ præco & administer, virtutis speculum, Theologus, Jureconsultus, Historicus, Philologus, Polyhistor, hominumque dignitatis suæ fere Phoenix. Cujus igitur Herois potius memoriam & merita tradere debuisset Clarissimus *Schreberus*? Hic certe su- am a bile abhorrentem & æquissimam recensionem facile unicuique approbabit, quod & confidimus, & Autori ex ani- mo gratulamur.

*JANI PERONTINI, ACTI, DE CONSI-
liis ac Dicasteriis, quæ in urbe Vindobona ha-
bentur, Liber singularis.*

Halæ Magdeburgicæ, absque Typographi indicio, 1732, 12.
Plag. 8½.

In hoc exiguæ inolis libro, Halam patriam mentiente, etsi, quod certo scimus, in Italia excuso, Autor præcipua descri- pfit, quæ Vindobonæ non minore numero, quam splendore va- riis & diversis gentibus jus dicunt tribunalia, cujus consilii ratio- nem ita commodissime persequi se posse putavit, si, delineata, quæ ad Cæsarem, ut Imperii caput, pertinent, Collegiorum compage, maxima tribunalia, quæ Bohemiæ & Hungariæ ac Transylvaniæ causis destinata sunt, inde, quæ Austriæ Ar- chi-Ducatus, ceterisque Germaniæ provinciis, hæreditario jure ad Augustissimam Domum spectantibus, præsent, ac demum, quæ Regnorum & Provinciarum Italiæ ac Belgii gratia con- gregantur, paucis commemoraret. Habes ergo quatuor Opu- sculi Partes, & in ejus limine Imperialis Consilii Aulici de- scriptionem, nec copiosam eam quidem, nec aliis momentis,

quam de quibus abunde per illos, qui dudum data opera de tam eminente tribunali scripserunt, compositam. Accedit ei Cancellariæ Consilii Imperialis Aulici brevis enarratio, quæ de Vice-Cancellario, ceterisque, ad officia, quæ huc spectant, obeunda constitutis, de Vice-Cancellarii cura Postarum, & de omnium negotiorum in hoc Collegio expediendorum ratione ac indole, agitur. Excipit etiam Caput II, de Consilio Imperiali Aulico bellico, quanquam illud non tam Imperii rem militarem, quam ipsius Imperatoris, curat, cujus Jurisdictio, Conventus, Causæ, una cum Commissariatu Generali Bellico, recensentur. Atque ita libelli Pars altera sequitur, rebus Bohemicis, Hungaricis, & Transylvanicis, destinata, ubi primum de regni Bohemiæ juribus quædam contra *Goldschum*, inde de antiqua provocatione ad Scabinatum Magdeburgicum, postea de judicio Appellationis Pragenfi in eorum locum surrogato, ac denique de Regio Consilio Aulico Bohemiæ Vindobonensi, ad quod, obstructis appellationum ad Imperii tribunalia viis, recurritur, brevibus disputatur. Hujus Partis II. Caput II de Hungariæ regno, & Austriaca ejus acquisitione, de privilegio *Andreae*, Regis, ac de Consilio Aulico Hungariæ, quanquam hoc magis negotia gratiæ, quam causas justitiæ, quippe intra ipsos regni fines decidendas, tractat, eadem methodo, qua Caput III de Cancellaria Transylvanica, præcipit. Pars III utramque spectat Austriam & ceteras, quæ in Germania hæreditario jure ad Augustissimam Domum pertinent, provincias; unde in ea quæsi veris ac inveneris Commentatiunculas de Aulæ Cancellaria Austriaca, de suprema Ærarii Camera, de supremo Regininis Austriæ Inferioris, nec non de Mareschallatus Provinciæ ac Aulæ, tribunali, ceteris nihilo diffusiores, sed quæ plura, quam superiores, notatu digna, nec ubivis obvia, complectuntur. Præterea legi merentur, quæ postremo hujus Partis Capite de causis ecclesiasticis, & quatenus aut ad Consilium Imperiale Aulicum, aut ad Consistoria Vindobonense ac Passaviense, aut ad Nuntiaturam Apostolicam, spectant, Autor disputat. Quæ superest, ultima libelli Pars exhibet supremum Hispani-

Spaniarum Consilium, & ad Provincias Italicas, quæ quondam Hispanici juris fuerant, in causis voluntariæ jurisdictionis, dirigendas erectum, quod nomen suum etiamnum in hac Imperiorum ipsorum vicissitudine retinuit; cui succedunt varia non injucunda de Hispaniæ Inquisitionis tribunali, ad unius Siciliæ causas Madriti quondam constituto, nunc Vindobonæ Præside *Collonitio*, Cardinali Inquisitore generali, nunquam congregari solito, haud secus ac de Commissariatu cruciatæ, de supremo Consilio Belgico, de Sanctioris Consilii Secretaria, quæ Provincias quondam Hispanicas respicit, ac denique de rei veredaræ per Belgium & Italiam administratione. Hactenus legent æquo animo libellum Vindobonensium Dicasteriorum advocati. De Epilogo vero ipsi viderint, quam recte Noster, ratam esse, dicat, eorum doctrinam & celebritatem, quam recte hujus defectus causas alleget, quod plura potius per *Agentes*, quam opera JCTi, expediantur, quod scripta, in Imperiali Consilio Aulico exhibenda, si res Principum Germaniæ spectent, potius a JCTis Evangelicarum Academiarum, quam ab Austriacis, sin feuda Italiæ, rarius quoque ab his, quam ab Advocatis Mediolanensibus, Mantuanis, &c. elaborentur; quod Austriaci, Bohemi, ac Hungari, bonis Academiis careant, & ipsa Vindobonensis Universitas, ex quo Patres S. J. pedem intulerint, ab antiquo splendore deciderit, quod denique, Dicasteriis omnibus flore Nobilitatis refertis, exiguus maneat non solum Advocatis, sed & Consiliariis, civicæ conditionis, honos, quæ omnia, quantum corrigi possunt, emendatum iri sperat, per illam temporum sub Augustissimi *Caroli VI* imperio non intermorituram felicitatem.

MISCELLANÆ OBSERVATIONES IN
Autores veteres & recentiores, ab eruditis Britannis
A. 1731 edi. cæptæ, cum Notis & Auctario variorum
Virorum doctorum.

Volumen II, III, IV, & V.

Amstelodami, apud Janssonio-Waesbergios, 1733 & 1735, 8.
 Unumquodque Volumen, in tres Tomos divilum, constat
 Alph. I plag. 8.

Respon-

Respondit adhuc votis nostris, quæ in *Actis Anni 1733 Mens. Octobr. p. 467*, & ejusdem *Anni Mens. Novembr. p. 517* fecimus, eventus. Diligenter telam cœptam pertextuerunt doctissimi Viri, quibus vel ipsæ Observationes, vel collectio illarum, atque editio, debetur. Nos tardi fuimus in beneficio illorum atque munere, quo literariam rempublicam affecerunt, atque utinam diu afficiant, prædicando, quod ille nostrum, qui hanc provinciam susceperat, migratione, & novi muneris turbis, impeditus sit facere, quod cum voluptate se alioquin facturum fuisse profitetur. Ceterum ita crevit Interim multitudo bonarum deliciarum in his *Voluminibus*, ut difficillimum sit aliquid seligere, & ne opus quidem valde est, cum ex superioribus speciminibus satis constare possit, quid de fratribus libellis sperare debeant studiosi, hoc unum si dicamus, gemellos esse, & primogenitis illis vel plane similes, vel minime certe indignos. In *secundi* quidem *Voluminis* Præfatione jam significant Belgæ Collectores, minui paulatim Britannicas copias, quod ipsum futurum prædixerant, cum patrio sermone illas scribere incepissent Autores, quo fit, ut extra illam Insulam non vendantur, in ipsa autem pauci nimis sint, qui legere eas, quam libello alios de philosophia aut de republica, malint. Cum vero continuari suum opus optarent Belgæ, idque eodem loco significarent; res ita cecidit, ut in *quarti Voluminis*, ejusque *Tomi III*, Præfatione & defecisse jam Britannorum Observationes querantur, & tamen indicent, eas sibi tum ex Belgio, tum ex Germania, tum ex ipsa denique Anglia, copias vel adesse jam, vel promissas sperari, unde porro continuari opus utilissimum possit. Igitur etiam in titulo aliquid mutatum, qui a *Voluminis V Tomo I* talis est: *Miscellaneæ Observationes in Autores veteres & recentiores, ab eruditis Britannis inchoatæ, & nunc a doctis Viris in Belgio & aliis regionibus continuatæ*: & deprehendent, qui judicare de his rebus possunt, etiam hic esse, quorum Britannos non pudeat, quæque solari defectum illum possint. Neque tamen ideo non obtestandi sunt Viri beatæ illius Insulæ doctissimi, ut fidem Collectoribus Belgis datam liberent, & subinde sui ingenii & doctrinæ copiam illis, & per

per illos universis, qui hæc talia amant, faciant. Et tamen facere non possumus, quin vel paucissima specimina proferamus, ut ea primum aperientibus libellos eruditissimos inciderint. *Vol. II p. 9 Suidas* in *Αυτόχθονες*, postquam commemoravit, Athenienses ita dictos, & cur ita dicti viderentur, subjicit: *Αυτόχθονες δὲ καὶ Ἀρκάδες καὶ Ἀργινῆται καὶ ἈΘΗΝΑΙΟΙ ἐκαλέοντο.* Cl. *Kusterus*, ταυτολογίας vitandæ causa, ita vertit: *Non solum Athenienses, sed etiam Arcades & Ægineta, vocabantur αὐτόχθονες.* Multo melius autem hic ex *Harpocrate* in *αὐτόχθονες*, & ipso *Suida* in *Ἀθηναίων δυσβελία*, pro *ΑΘΗΝΑΙΟΙ* legitur *ΘΗΒΑΙΟΙ*. Paulo post *p. 11* ex eodem *Suida* profertur locus in *Φάνης*: *Ἐν τοῖς Ὀρφικοῖς εἰσηνέχθη ὁ Φάνης αἰδοῖον ἔχων περὶ τὴν ΠΥΓΗΝ:* idem repetitur sub *Πρίαπος*: — *εἶχε δὲ τὸ αἰδοῖον ἐπάνω εἰς τὴν ΠΥΓΗΝ.* Negat se intelligere Vir doctus, quid hæc sibi velint, & utroque loco substitui vult *ΠΥΓΜΗΝ*, & locum esse parallelum ait alteri *Suida*, in *Πρίαπος*: — *ἄγαλμα ἐν τῇ δεξιᾷ σκῆπτρον κατέχον — ἐν δὲ τῇ εὐωνύμῳ κρατὲν τὸ αἰδοῖον αὐτῷ ἐντεταμένον.* Neque nos intelligimus plane, quid sibi velit περὶ τὴν πυγὴν, vel ἐπάνω εἰς τὴν πυγὴν. Sed nobis videbatur *Suidas*, sive is, quem ille descripsit, Priapi non gestum, sed præternaturalem ac turpem conformationem membri, quo censetur, ibi describere voluisse, cui non repugnat vulgaris illa repræsentatio, nisi quis forte constantiam in talibus rebus postulet, quæ totæ debentur ingeniis. Deinde vellemus ostendi, vocabulum *πυγμή* ita usurpari, ut ad comprehendendum pertineat. *Pollux* quidem II, 147, *ἂν συγκλείσης*, inquit, *τὴν χεῖρα τὸ ΕΞΩΘΕΝ πυγμὴ καλεῖται.* Denique usus *τῆς* περὶ ipsum etiam movit Virum doctum; itaque substitui voluit *παρά*, nescimus, quam & hoc ad Græcorum rationem accommodare. Itaque nondum videtur res confecta, præsertim cum forte monstrifici commenti Autor voluerit Priapum aut Phaneta suum inter *ὀπισθοθητικά*, & *πυχηδόν* seu *ὀπίθεν συνιόντα* referre, de quibus *Aristoteles* Hist. anim. V, 2, *Plin.* 10, 63, l. 53, *Solin.* Cap. 27. Plus semel in his *Actis* conquesti sumus de li-

Pag. 253.

centia, & negligentia, & importunitate quorundam interpretum Gallorum, v. g. in *Pausania*, in *Ciceronis* Orationibus, &c. Vir doctus ad *Taciti* librum primum *Annalium* Francice versum ab *Ameloto de la Houssaie* multas proponit observationes, quibus ostenditur, *Hoofdium* fere semper rectius mentem *Taciti* percepisse, *Amelotum* autem parum paratum ab eruditione illa, quæ ad *Tacitum* intelligendum requiritur, ad illud opus accessisse: fallique adeo eos, qui jactent, *facile jam Tacito Latino elegantes homines carere posse*, &c. Satis enim de hoc ætatis nostræ morbo dicere nos in his *Actis* meminimus. Proposita etiam est in his ipsis *Actis* A. 1731 p. 453 emendatio *Luciani*, cujus encomium *Demosthenis*, tribus minimum locis male cohærens, deprehensa unius folii vel paginæ transpositione, feliciter restituit Cl. Jo. Matthias *Gesnerus*, Collega noster perindustrius, & in nova Acad. Gottingensi Eloquentiæ & Poeseos Professor. Eandem plane viam, paucissimis a *Gesneriana* diversam, ingressus est eruditus Britannus p. 368 *Voluminis*, in quo versamur, *secundi*. Cumque annum minimum ante publicata sit *Gesneri* nostri emendatio, quam apud Anglos eadem prodita est, nemo temere illum plagii accusabit. Sed satis ipse causam dixit in altera *Chrestomathia Græcæ* editione Lips. 1734, quæ verba ex Præfatione huc transferre operæ pretium videbatur, cum memorabile sit, rem, a tot viris doctissimis, qui *Lucianum* a renatis inde literis tractarunt, non animadversam, intra paucos annos pluribus intervallo locorum disjunctissimis in mentem venisse. *Nominari*, inquit, *se non agre feret Vir veteri mihi amicitia conjunctissimus, & carus summo merito suo literatis prope omnibus*, C. A. Heumannus, V. S. R. qui jam anno *Seculi XXI* omni exceptione superiorem judicavit hanc emendationem, & dignam, cui acclametur vetus illud: feliciter. *Neque irascetur Vir & ipse celeberrimus Ti. Hemsterhuis*, hic indicari, ipsum literis, post aliquando, sed eodem anno, ad me datis, significasse, eadem sibi, quæ mihi, de illa transpositione in mentem venisse, neque sibi tantum, sed etiam *Mosi de Soul*, V. Cl. qui olim in *Luciano* perpoliendo laboraverit. Adjicere ista visum est, ne quis sorte vel de nobis aliquid suspicetur, vel de viro docto, qui nuper in *Miscel.*
laneis

lanceis Britannorum Observationibus, paullo post priorem hujus libelli editionem, (ejusque in Actis recensionem,) eandem fere emendationem proposuerit, nisi quod una praesertim in re diversum a me sentit, quod suo loco indicavi. Conferat, qui volet, Miscellanearum Observationum, ut apud Belgas eduntur, Vol. II To. III p. 368 seq. & judicet, cui felicius res successerit. A vanitatis quidem & jejuni cujusdam plagii crimine me ipsa temporum ratio, facile autographis laudatissimorum virorum confirmanda, reliquos Viros doctos candor suus pudorque, & reliqua de bonis literis merita, absolvunt. De tota re non melius judicari potest, quam toto loco, ut a Gesnero in Chrestomathia laudata editus est, inspecto. Probavit etiam illam transpositionem Cl. Jo. Ge. Lotterus, Collega & ipse nosler, in Academiam Petropolitanam nuper evocatus, cujus Germanica interpretatio hujus Dialogi Collectionem primam scriptorum Societatis apud nos Theotifex ornat, ed. secunda p. 602. seq. Notabilis est in hoc Volumine p. 376 Dissertatiuncula de nobili testimonio Josephi, cui eum fortissimum telum obijciatur, Josephum non potuisse & Judæum esse, & Jesum sine restrictione Christum appellare; hanc viam init Autor, ut dicat, pro ὁ Χριστὸς ἔστω ἡν legendum ὁ λεγόμενος Χριστὸς ἔστω ἡν. Sed doctus Belga annotat, non debuisse inter objecta huic testimonio omitti varietatem codicum, quorum unum ipse Venetiis in D. Marci Bibliotheca viderit, decimi vel undecimi Seculi, qui testimonium illud non habuerit suo loco, sed in calce voluminis, vel eadem, vel non multum certe recentiori, manu scriptum. Spes hic injicitur copiosæ hac de re tractationis. Quisquis hoc argumentum tractaverit, ab illo optamus refutari posse suspensionem speciosam, in Sibyllistas Christianos, & similibus fraudum reos, commotam. Nihil nobis erat jucundius, quam reliqua Volumina præclari Operis, & facit critica nomen non minus Gruteriana meriti, (utinam nec prius deficiat, quam ad eandem quoque molem pervenerit!) eadem ratione percurrere, & singulorum recensionem & speciminibus aliquantum immorari. Sed ad sitim eorum accendendam satis hæc esse putamus his, qui hoc gene-

re eruditionis delectantur, qui proinde ipsum volutare Opus inalent, & ad optimorum librorum emendationem, interpretationem, vel defensionem adeo, adhibere. Illud unum adjicimus, cum alias perpetuam fere modestiæ legem observent Viri docti; in fine *Voluminis quinti* esse acerbam censuram *Historiæ literariæ Gundlingianæ*, ex acroasibus viri docti nuper editæ. Non ingerimus nos disputationibus, quæ ad homines magis, quam ad literas, pertinet: at hoc ipsarum literarum causa non videtur dissimulandum, ignotum his esse *Gundlingium*, qui putent ab illo proficisci posse, quæ hic tanquam ex recitationibus ejus proferuntur: tum, qui judicare de *Gundlingio*, & ea ipsa, quæ asperius ab illo in alios dicta non diffitemur, repellere velit, ei non cum stupore, ignorantia, larvis, discipulorum quorundam *Gundlingianorum*, sed cum ipso *Gundlingio*, h. e. contra ea, quæ ipse vivus edidit, pugnandum.

ELEMENTA SECTIONUM CONICARUM,
conscripita ad usum FAUSTINÆ PIGNATELLI, Principis Colubranensis & Tolvensis Ducatus heredis, edita vero in gratiam studiosæ juventutis, Autore NICOLAO DE MARTINO, Regio Mathem. Professore.

Tomii II.

Neapoli, sumptibus Cajetani Eliæ, 1734, 8, chart. aug.
 Tom. I plag. 21½, Tabb. æn. 8, Tom. II plag. 22, Tabb. æn. 8.

Cum Excellentissima Princeps, quæ omnis generis eruditione ac scientia, non minus philosophica, quam mathematica, animum egregie imbutum possidet, ut inter eruditos hujus ævi eminentem locum mereatur, ab humanioribus literis ad studium Philosophiæ animum appelleret; non solum Geometriæ solidæ ac sublimioris Elementis animum præmuni-
 vit, verum etiam in Geometriam sublimiorem alacriter incubu-
 it.

it. In ejus adeo usam hæc Sectionum Conicarum Elementa primum conscripserat Autor, quæ nunc in lucem publicam profert, propterea quod ab aliis elucubrata non omnibus numeris absoluta ipsi videantur. Nova autem vocat hæc Elementa, quod non, quemadmodum vulgo fieri solet, propositionibus, scholiis, & corollariis, res in iis edoceantur, sed continuo & non interrupto sermone, quemadmodum hactenus libri non mathematici conscripti fuere, cuncta demonstrantur. Totum Opus divisit in octo libros, quos per duos Tomos ita distribuit, ut primus quatuor libros priores, secundus quatuor posteriores, complectatur. Libro primo de ortu & natura sectionum conicarum agit, ubi docet, quot modis plano secari possit conus, & quomodo hinc oriantur curvæ, quæ sectiones conicæ appellantur, explicatisque terminis, veluti quid sit diameter, quid vertex, quid ordinata, quid abscissa, ellipsin, hyperbolam, & parabolam, in relatione ad diametrum primariam sive axem definit. Libro secundo explicat modum describendi sectiones conicas in plano tam per conum, quam per solas rectas. Libro tertio ea demonstrat, quæ respectu aliarum diametrorum conicis sectionibus conveniunt, independenter a tangentibus, cum vulgo a tangentibus deriventur, quæ de diametris secundariis traduntur. Libro quarto comparat inter se mutuo diametros omnes cujuscunque sectionis, & parametros earundem inter se confert. Libro quinto de tangentibus & secantibus sectionum conicarum agit, nec non de asymptotis hyperbolæ, quæ considerari possunt tanquam tangentes in punctis a centro infinite distantes. Libro sexto considerat focos seu umbilicos sectionum conicarum; septimo vero de locis geometricis agit, tum in genere, tum in specie de iis, quæ sectione conica terminantur. Tandem libro octavo problematum solidorum constructionem explicat, præmissis iis, quæ de construendis problematis geometricis generatim, nec non de constructione problematum planorum, notanda veniunt. Quamvis vero rigor demonstrandi non minus observari possit, si omnia continuo discursu proferantur, quam ubi methodo Geometris probata traduntur; non tamen Cl. Autor metho-

thodi hujus prerogativas perspexisse videtur, ob quas eam veteres communi scribendi mori prætulerant.

ELOGIUM ANTONII SCHULTINGII,
Jcti Lugdunensis.

Immortalem nominis sui memoriam reliquit gloriosissimus fortissimusque humaniorum literarum meliorisque Jurisprudentiæ flator atque vindex, *Antonius Schultingius*, Jctus clarissimus, & Pandectarum in Academia Lugdunensi Doctor publicus celeberrimus. Noviomagum, antiqua Geldriæ urbs, & compluribus ornamentis insignis, tantum tamque præstabilem civem anno elapsi Seculi duodexagesimo protulit. Patrem habuit *Jo. Schultingium*, carum & venerandum viris doctis nomen, & elaboratissimis in *Quintiliani* Declamationes Animadversionibus, quas suæ *Quintil.* editioni interuit *Petrus Burmannus*, necnon plenissimis bonæ frugis ad *M. Annae Senecæ* Suasorias & Controversias notis & emendationibus, quas suæ editioni Operum *Senecæ* adjecit *J. Fr. Gronovius*, denique elegantissimis in Dialogum de causis corruptæ eloquentiæ Annotationibus, editioni *Quintiliani*, quæ prodiit Lugduni Bat. A. 1665, adjectis, illustrém. Hic sagacissimi parens ingenii filium in tenera adhuc ætate Lugdunum misit, ut in Græca lingua, Romanis antiquitatibus, & ceteris scientiis, quæ & ornant & juvant Jctum futurum, severa lege proficeret. Neque sefellit spem, quam de felicissimo filii ingenio conceperat parens, auspiciatissimus rerum eventus. Sed brevi tempore tantos ille in literis progressus fecerat, ut nunc ad sacra Jurisprudentiæ adyta se conferre consultum diceret. Audivit ergo selectissimos Jctos, *Jo. Væetium*, *Joan. Frider. Bæckelmannum*, & præcipue *Gerardum Noodtium*, cui præcipue obsecutus est, & præclarum inde fructum percepit. Multum quoque ipsi profuit amicitia *Cornelii van Eck*, qui postea Ultrajecti Jura docuit, ex cujus eruditissimis sermonibus semper doctior, semper melior, domum rediit. Sic cum se gereret, & alios liberalibus artibus, & solida Juris scientia, instrueret, A. 1691 minus Harderovici Jura interpretandi accepit. Quadrien-

nio

nio ibi exacto, eandem provinciam apud Franequeranos obtinuit. Atque A. 1714 Academiæ Lugdunensis curatores eum evocarunt, ut amplissima illa, quæ Jo. Voetius præmatura morte sua vacua reliquerat, munera condigne administraret. Paruit divinæ voluntati *Schultingius*, & Lugdunum, sedem fortunarum rerumque suarum, cupidissime elegit, tum ut in memoriam revocaret præclarissima, quæ juvenis ibi acceperat, beneficia, tum ut numerosissimam celebratissimamque Bibliothecam Lugdunensem in usus suos eo felicius convertere posset. Functus est hoc munere magna fide, nec minori gloria, ita, ut laudem gloriamque summi præstantissimique JCI vivus spiransque, raro infrequentique exemplo, sibi pepererit. Cælebs semper vixit, & suave illud cum Themide consortium conjugalibus illecebris sapienter prætulit. Memoriam inprimis habuit tenacissimam, ut omnium, quæ unquam legerat, aut fando audiverat, confestim recordaretur. Extrema senectute in ea loca commigravit, unde negant redire quemquam, mortuus quippe Anno 1735 die 12 Martii. sequenti die in æternam translatus fuit domum, in eo inprimis felix, quod disertum laudum suarum præconem Cel. *Vitriarium* nancisceretur. Sic quidem e vita excessit eloquentissimus *Schultingius*, sed aurea scripta nomen ejus sæpe commendabunt posteritati. Etenim, præter *Jurisprudentiam veterem Antejustinianeam*, Lugd. Bat. A. 1717 typis exscriptam, Opus æternum, & omnibus Seculis profuturum, conscripsit Vir laboriosissimus 1) *Enarrationem Partis primæ Digestorum*, Lugd. 1710; 2) *Dissertationes de recusatione judicis, pro rescriptis Imperatorum Romanorum, de transactione super controversiis, quæ ex ultimis voluntatibus proficiuntur, etiam non inspectis vel cognitis illarum verbis recte incunda*, quibus accedit *Oratio de Jurisprudentia M. Tullii Ciceronis*, Franeq. 1708, 4; Opus rarissimum. 3) *Dissertationes, de recusatione judicis, conjunctim editas* Lugd. Bat. 1714, 8; 4) *Orationem, an Tribonianus culpandus sit, quod JCI torum antiquorum scripta suppresserit, ac posteriorum, qui sub Imperatoribus floruerunt, Responsa in Pandectas retulerit? Sermonem de Juris-*

visprudentia historica, quas binas Orationes Jurisprudentiæ Ante-Justinianæ adjecit; 5) *Orationem funebrem in obitum Jacobi Perizonii*, Lugd. Bat. 1715, 4; 6) *Orationem de utilitate ex Jurisprudentia Romana ad alias artes & scientias redundante*, Lugd. Bat. 1718, 4; 7) *Orationem de angusta hominis innocentia ad legem boni*, Lugd. Bat. 1730, 4; 8) *Exercitationem ad Valerium Maximum L. VII Cap. 7 de testam. rescissis*, quam Abrahamus Torrenius suæ editioni, Lugduni Batavorum publicatæ A. 1726, tanquam præstantissimum aliquod cimelium inseruit. Hæc sunt sempiterna magni *Schultingii* monumenta, quæ vivus spiransque indefessa diligentia sibi erexit, quibus & nomini suo certissimam conciliavit immortalitatem. Neque tamen hisce cenotaphiis contentus fuit infinitæ Vir industriæ, sed plurimos libros manu exaratos reliquit, & ultimis, quas prudenti conscripserat consilio, tabulis *Conrado Ryckero*, dignissimo *Schultingii* successori, assignavit, quem publice conceptisque verbis rogamus, ut, quanta fieri possit, celeritate in lucem prodire jubeat selectissima hæc *Schultingiani* ingenii monumenta; eorumque editione bene mereatur de orbe meliore, bene mereatur de beatis divi *Schultingii* manibus.

NOVA LITERARIA.

Pervenit ad nos lætus nuntius Florentiæ de novorum librorum, jam nunc sub *Tartini & Franchi*, optimæ famæ Typographorum, prelo sudantium, tripla, cui ut felicissimis auspiciis quam proxime exire in lucem publicam contingat, elegantioris doctrinæ causa vehementer optamus. Harum vel rubrum nosse, jam sufficiat Lectori:

Jo. Baptiste. Donii, *Patricii Florent. Lyra Barberina, sive Amphichordium*; in quo libro vetus citharodia, lyraque præsertim ac cithara forma, usus, partes, species, appellationes, illustrantur. Opus nunc primum editum. Accedunt ejusdem Donii de præstantia Musica veteris; item Epistola clarorum virorum ad Donium, & Donii ad eosdem viros claros. Curante Antonio Francisco Gorio, F. P. H. P. multis Figuris, incisis æneis Tabulis, locupletatum ex antiquis monumentis, quæ Musica instrumenta præferunt. fol.

Joannis Meursii Opera omnia, in plures Tomos in folio distributa, ex recensione & cum Notis Jo. Lamii, & aliorum doctorum hominum observationibus; tabulis plurimis, & antiquis monumentis, æneis incisis, passim ornata & illustrata, nec non, ubi ratio operis poscit, supplementis aucta, & locupletata. fol.

Jo. Lamii *Chrenologia virorum eruditione præstantium*, qui ab orbe condito ad annum MD floruerunt. 8.

NOVA ACTA ERUDITORUM,

publicata Lipsiæ

Calendis Februarii Anno MDCCXXXVI.

VETERA ROMANORUM ITINERARIA,
sive ANTONINI AUGUSTI Itinerarium, cum
*integris JOS. SIMLERI, HIERON. SURITÆ, & ANDR. SCHOTTI, Notis; Itinerarium Hierosolymitanum, & HIEROCLIS, Grammatici, Synecdemus, curante PETRO WESSE-
LINGIO, qui & suas addidit Aunotationes.*

Amstelodami, apud J. Wetstenium & G. Smith, 1735, 4 maj.
Alph. 4 plag. 10.

Novam Itinerarii, quod *Antonino Augusto* vulgo tribuitur, editionem, eamque luculentiorē, quibus veteris Geographiæ, sine qua in Scriptorum præstantissimorum lectione vix pedem promoveris, quin offendas, studium curæ cordique est, jam pridem exoptarunt. Tanto illi plus debebunt Cl. *Wesselingio*, qui tam pulchro nitidoque id habitu exornatum prodire in lucem iussit, ut eruditorum hominum, qui nihil non præclari de singulari ejus doctrina, ingenioque præstantissimo, sibi pollicebantur, spem atque expectationem non tam implēsse, quam vicisse, videatur. Qua de re antequam plura in medium afferamus, de Autore hujus Itinerarii quid sentiat eruditissimus Vir, videbimus.

Nempe, qui ad *Julio Casari, M. Antonio, Antonino Pio, Caracalla, Ammiano Marcellino, Marciano Heracleota, Aetbi-*

co, acceptum referunt, eos conjecturis longe incertissimis niti existimat. De *Æthico* inprimis, quem *Josias Simlerus* & *Barthius*, aliique plures, Autorem perhibent, ostendit, Cosmographiam illius in plerisque ab *Itinerario* discrepare, ipsamque illam in MSis ab eo distingui sollicitè, neque ullum exstare Codicem, qui quidem Clarissimo Editori innotuerit, in quo id *Æthico* tribuatur. Laudari sane aliquem a Cel. *Jo. Alb. Fabricio* in Bibliotheca Latina fide *Barthii*, in quo *Æthici* adscriptum fuerit nomen, sed locum *Barthii*, ubi simile quid reperiatur, frustra sibi quæsitum. *Æthico* eidem (ut *Jacobi Gothofredi*, *Antoninum* vel *Antonium Augustum*, *Itinerarii* hujus Autorem, sub *Theodosio* Juniore ex numero togatorum seu mensorum limitum, cujusmodi ad provincias mensurandas mitti solebant, fuisse statuentis, sententiam taciti prætereamus,) adscribunt *Flodoardus* & *Hugo Floriniacensis*, quos æque ac illos, qui id vel *Julio Cæsari*, vel *M. Antonio* deberi contendunt, deceptos esse, Præfatione, Cosmographiæ *Æthici* præmissa, quæ obiter emendatur atque illustratur, Cl. *Wesselingius* optime demonstrat. Ipse quid sentiat, si quæras, *Magno* quidem *Constantino* *Itinerarium* hoc, prout hodie exstat, recentius esse, arbitratur, non tantum propter nomina urbium, *Constantinopolis*, *Diocletianopolis*, *Maximianopolis*, atque alia, sed & ob alia Sæculi IV indicia, cujusmodi est, quod per Gallias nationum nomina urbibus, quæ gentium erant capita, indita cernuntur, proquæ *Augusta Rauracorum*, *Rauracôs*, pro *Augusta Sueffionum*, *Sueffiones*, dicitur, quodque pleraque urbium & mansionum nomina monoptota sunt. Utcunque autem hodierna hujus *Itinerarii* dispositio ultra Seculum quartum vix assurgat, initia tamen ejus originemque antiquiora censes, ratus, *Augusto* jam principe dimensionem quandam terrarum fuisse institutam, sed rudem, multaque ad omnes imperii partes superfuisse, nondum in ordinem redacta. Diligentiorẽ inde operam a *Dionysio*, *Strabone*, *Mela*, *Plinio*que, ei rei impensam, longiusque etiam postea *Marinum Tyrium* & *Ptolemaum* progressos, hisque continuos victoriarum, quibus fines imperii longius Romani proferebant, successus fuisse ad-

jumen-

jumento; *Traiani* imprimis tempore mensurata omnia, & in usum cursus vehicularis vias mansionibus stabulisque distinctas, & ut facilius innotescerent, in tabulas relatas fuisse, idque imprimis in commodum legionum & cohortium, nunc huc, nunc illuc, prout res ferret, commeantium hinc enata esse Itineraria, cujusmodi & præsens, paulatim, ut fieri solet, novis urbium titulis locupletatum, quod, ut *Severi* & *Caracallæ* tempora exsuperare non possit, ita nec infra *Constantini M.* ætatem multum demitti; quis vero Autor sit ejus, cujusne jussu digestum primum fuerit, non liquere. De Itinerario vero maritimo censet Cl. *Wesselingius*, fragmenta ejus egregia ad nos pervenisse, quale est, quo portus & positiones navium ab urbe Roma in Galliam describuntur, sed haud pauca aliunde postea ex *Isidoro Hispalensi* & Poetarum scholiis hausta accessisse. Ceterum, cum Itineraria alia fuerint *richta*, alia *annotata*, prout *Vegetio* appellantur, quod viæ militares, urbes, & mansiones, milliaque passuum, quibus distinguuntur, annotata tantum & scripta essent, ex posteriorum genere nostrum, & quod illi simile hac ex parte, Hierosolymitanum, esse, res ipsa loquitur. Sed hæcenus de Itinerario ipso, ejusque Autore.

Quod ad editionem ejus præsentem attinet, in eo Cl. *Wesselingius* omnia, quæ *Simlerus* & *Schottus*, quorum labores in Itinerarium hoc ceteris palmam præripiunt, ad illustrandum id congestere, bona fide retinuit. *Schottus* animadversionibus suis *Hier. Surita* Commentatium adjecit, sed eum haud raro interpolatum conturbatumque, cum in affectum tantum, quod merito dolet Cl. *Wesselingius*, opus Viri longe doctissimi incidisset. Post *Schottum* nullius in Itinerarium hoc, si a *Petro Bertio* & *Em. Schelstrateno* discesseris, quorum ille id *Ptolemæo* suo, hic *Tomo II* Antiquitatum Ecclesiasticarum, MSto Vaticano usus, inseruit, opera præcipua exstat; obiter tamen id plures attingere, ut, præter *Abrab. Ortelium*, *Car. a S. Paulo*, & *Christoph. Cellarium*, *Cluverus* in Germania atque Italia, *Holstenius* in eadem Italia, in Gallia *Hadr. Valesius*, *Honor. Bouche*, *Guil. Catellus*, *Arn. Oinebartus*, in Hispania

Petrus Maria, & Rodericus Carus, in Lusitania *A. Resendius & Vasconcellus*, in Britannia *Guil. Burtonus, Tb. Galeus, & Jo. Horslejus*, quorum omnium, & plurium aliorum, scripta consuluit *Cl. Wesselingius*, atque in rem suam studiose vertit. In universum MStorum codicum vestigia premenda ratus, urbibus suos casus & inflexiones restituit, ab *Hier. Surita* male mutatos, asteriscisque sublati, qui in *Schotti* editione regium *Surita* MStum ea parte mutilum innuunt, unde multis suspicio defectus, qui nullus est, nata, annotationes nunc productiores, nunc breviores, subjecit, in quibus nunc, si quid mutandum esse censuit, indicavit, nunc de virorum doctorum opinionibus sententiam dixit, nunc veterum Scriptorum loca explicare aut constituere laboravit. Prout autem præcipue ei curæ fuit, ut MStos Codices nancisceretur, sine quibus liber vitiosissime excusus emendatior dari non posset, ita *Cl. Burmannus* ei *Vossiani* Codicis, quem Bibliotheca Lugdunensis servat, apographum, itemque excerpta ex *N. Cusani* schedis, *Cl. Fr. Oudendorpius*, quæ *Isaac. Vossius* editioni *Schotti* ex binis membranis adscripsit, & *Cl. Marcklandus* gemina ex eadem *Schotti* editione, a *D. Richardsono* iisdem, ut videtur, collationibus *Vossianis* instructa, *S. Rev. Jo. Alb. Fabricius* Lugdunensem editionem, variantibus lectionibus oppletam, obtulerunt, præter quos & *Cl. Jo. Philippum D'orville & Hermannum van de Wall*, inprimis autem *Cel. Tib. Hemsterhusium* sibi, in adornanda hujus libri editione occupato, consilio & opera adfuisse, gratus profitetur. Postremum inprimis jure laudat, quod sub graviore onero fatiscentem sublevarit, plurima, quæ in ceteris velut emblemata exsplendescant, suppeditarit, ingratumque perlegendi, quæ formis descripta essent, ne operarum peccatis deformarentur, laborem suscepit. Qui *Hemsterhusium* novit, quantum ea re pretii libro huic accesserit, facile intelliget; utinam, qui alieno operi emendatius excudendo expoliendoque tam prompte auxiliatrices manus adhibuit, proprios fœtus, quos jam pridem expectat Respublica literaria, inprimis *Lucianum*, diutius ne invideret.

Huic Itinerario Hierosolymitanum, sive Burdigalense, adjunxit

xit Cl. *Wesselingius*, illi nempe simillimum, quod cum per easdem provincias easdem mansiones, & passuum millia, quam *Antoninianum*, indicet, plura adspersit, quæ alibi frustra quæras. Id Vir Clarissimus ab homine Aquitano Christiano circa postremos imperii *Constantini M.* annos eo consilio, ut Hierosolyma contendentibus via monstraretur, scriptum censet, persuasus, membranarum, quæ depictum orbem ostendunt, quæque eo tempore non deerant, angustias obstitisse, quo minus satisfacerent peregrinantibus; igitur aliis indicibus, iisque accuratioribus, locorum, distantiarumque unius ab altero, opus fuisse; operam, in præsentī Itinerario concinnando adhibitam, tanto opportuniorē videri, quanto acrior circa ejus ætatem plerosque Hierosolymorum visendorum cupido incesserit, cujus in causas Cl. *Wesselingius* pluribus inquit. Neque vero Autor Itinerarii hujus peregrinantes tantum ad urbem sanctam deducit, sed &, quæ vel Hierosolymis, vel Bethlehemi, atque in vicinia, notatu digna, commonstrat. Quæ unde edoctus fuerit, cum illico non pateat, haud pauca ex illis scripta fuisse post occupatam a Christianis Europæis Palæstinam, statuit *Samuel Petitus*. Sed rectius existimat Cl. *Wesselingius*, jam tempore eo, quo scriptum est Itinerarium hoc, fuisse inter cives inconditos, quibus civitas tanta, *Eusebio* teste, abundabat, aliquos non malo ingenio, qui, seu conjectura, seu veteri & accepta ab aliis opinione, ducti, hospites ad ea, quæ visenda essent, ducerent. In Itinerario hoc Hierosolymitano typis iterando editionem *Schotti*, cum *Pithecanam* expiscari non potuerit, potissimum secutus est Cl. Editor. Scriptus ei codex ad manum non fuit; consuluit tamen excerpta *Vossiana*, editioni *Schotti* adjecta, &, quæ ab illis non dissident, *Richardsoniana*, quorum illa Cl. *Oudendorpius*, hoc ingeniosissimus *Marcklandus*, suppeditavit. Notis Itinerarium hoc illustrare constituerat Cel. *Relandus*, ut patet ex *Palæst. Lib. II Cap. 4*, cujus editionis ut minus dolenda videatur jactura, Cl. *Wesselingii* industria effecit.

Utrique Itinerario accedit *Synecdemus Hieroclis*, qui libellus, ut dubia in illis incertaque confirmat, ita vicissim ab iis opem mutuatur, quæque illa in Orientis provinciis prætermittunt,

tunt, commode supplet. Scriptorem eum *Constantino Porphyrogenito*, adeoque Seculo IX, priorem esse, nemo dubitat; quo tamen tempore floruerit, incertum. Circa Saracenorum ætatem Synecdemum hunc scriptum esse, sibi *Car. a S. Paulo*, sed perperam, persuasit; ad *Theodosii II* tempora refert *Luc. Holstenius*, qui ut sententiam suam firmis rationibus constabilivisset, Cl. *Wesselingius* exoptat. Nam, ea si locum haberet, *Hierocles* hic non alius foret ab eo, quem *Φιλίστορας λόγος* reliquisse *Tzetzes* Chiliad. VII, 144, testatur. Sed obstant *Leontopolis* in provincia *Osdroene* & *Justinianopolis*, ut & *Pannonia* provincia, *Orientis* imperio subiecta, quæ ad *Justiniani* ætatem utique demittit *Hieroclem*, sub quo, & quidem ante *Belisarium*, Consulem, eum scripsisse, ex provinciarum *Orientis*, quibus singulis præfectum suum imponit *Hierocles*, Descriptione, & mutatione earum a *Justiniano* facta, colligit Cl. *Wesselingius*, ductum Autoris Dissertationis Chorographiæ *Italiæ* mediæ ævi potissimum secutus. Libellum ipsum nec genuinum, nec integrum, esse, contendit *Em. Schelstratenus* T. II *Antiquitatum Ecclesiasticarum*. Prius refellit Cl. *Wesselingius*, non æque posterius, cum utique inficiari non possit, plures deesse civitates, libenariosque supina quadam negligentia neglexisse, quæ vitiosiora videbantur, multa alia vero turpissimis mendis fœdasse. Ceterum, notitia, quam libellus hic complectitur, civilis, an Ecclesiastica, fuerit, si quæras, nihil eum magnopere habere, cur Notitiis Ecclesiasticis accensendus videatur, statuit Cl. *Wesselingius*, variisque rationibus adductis luculenter probat. Prima ejus editio, quæ *Caroli a S. Paulo* curis debetur, quatuordecim provinciis mutila prodiit. Auctiorem iis correctioremque *Luc. Holstenius*, cui plures ad manum erant scripti codices, parabat; sed schedas ejus, fato, quo minus destinata perficeret, præpediti, cum in Bibliotheca diti *Barberiniana* latuissent, *Emanuel* demum *Schelstratenus* inde protractas jûris publici fecit *Antiquitatum Ecclesiasticarum Tomo II*, post quem & *Anselmus Bandurius* eum T. I *Imperii Orientalis* inseruit. Cl. *Wesselingius* eas inter se editiones contulit, & ex variis lectionibus verosimillimas adoptavit, reliquis,

ut

ut iudicandi facultas aliis libera relinqueretur, subnotatis. Cumque spe scripti Codicis impetrandi jam excidisse sibi videretur, a Cl. *Sigeberto Havercampio* impetravit *Τάξις προκαθέδρας Μητροπολιτῶν*, ex MS. *Bonaventura Vulcanii* excerptam, quam cum partem esse Synecdemi, aut certe Synecdemum in eodem Codice reperiri, subodoratus esset, eundem ibi, sine *Hieroclis* tamen nomine præscripto, deprehendit, studioseque a pagina inde 673 contulit cum textu, & variantes scripturas indicavit, priora sub finem Præfationis excerptis, ubi & monuit, Codicem in eo recedere ab editis, quod secundo in casu posita provinciarum nomina exhibeat. Tantum de instituto Cl. Editoris, laude utique dignissimo; de Opere ipso, & ad id Virorum doctorum Annotationibus, proxime dicemus.

THEOPHILI SIGEFRIIDI BAYERI, REGIOMONTANI, Historia Osrhorna & Edessena, ex numis illustrata, in qua Edessæ urbis, Osrhoeni regni, Abgarorum Regum, Præfectorum Græcorum, Arabum, Persarum, Comitum Francorum, successiones, fata, res aliæ memorabiles, a prima origine urbis ad extrema fere tempora, explicantur.

Petropoli, ex Typographia Aeademiæ, 1734, 4 maj.

Alph. 2 pl. 3½, cum Tabb. æn. 7.

Historiam Osrhoenam & Edessenam, numorum veterum, qui supersunt, ope illustratam, sistit nobis insigne Musæum Petropolitanarum decus, *Theophilus Sigefr. Bayerus*, cuius variam, eamque haud vulgarem, doctrinam non una jam, quibus sibi Republicanam literariam devinxit, ingenii monumenta declarant, Opus, ut vel obiter intuentibus facile apparet, magnæ industriæ laborisque, cui elaborando perpoliendoque, propter linguarum Orientis notitiam, quæ post alia literarum Græcarum Romanarumque, & Historiæ omnis ævi, subsidia requiritur, hodie pares reperias paucissimos. Præmissa ei creditur ad *Ernestum Joannem Comitem Bironium*, Russorum
 Augu-

Augustæ supremum Camerarium, Dedicatio, quæ, ut exquisitis illius laudibus immortales *Anna* laudes jungit, ita amorem hujus in literas, designato novo Academix Petropolitanz Præsidi Viro ad doctrinam cum ornandam, tum excitandam in aliis, incredibili studio flagrante, munificentiamque, summa pensionum, quibus Professores aluntur, triginta millibus uncialium numorum aucta, jure meritoque extollit.

Præfatio, quæ sequitur, Celeberrimum virum, *Josepbum Simonium Assemannum*, compellat, cujus ut monumentis, ex Bibliotheca Vaticana evulgatis, se cumprimis adjutum, gratus fateatur Cl. *Bayerus*, ita eum potissimum judicem sibi sui deposcit laboris, occupati quippe in argumento, quod, cum Asiaticas res attingat, propter neglectum literarum, quæ ad eas cognoscendas viam muniunt, studium, monumentorumque huc spectantium paucitatem, peritos ea ex parte arbitros sperare non multos posse videatur. Ex omni autem Asiaticarum rerum congerie ad Osrhoenas atque Edessenas explicandas potissimum accessit, quod magnas Mesopotamiæ conversiones complexæ, ad majorum in superiori Asia populorum memoriam resuscitandam facerent, & multa inde in Scriptoribus emendari illustrarique, nonnulla etiam in legibus Imperatorum dilucidari, in locorum autem temporumque doctrina haud pauca curatius exponi, possent. Quodque in Scriptoribus bellorum, sacrorum de his ipsis Edessenorum rebus multa ex Asiaticarum rerum linguarumque ignoratione corrupta, obscura, & secum pugnantia, reperiuntur, in quibus emendandis conciliandisque laborem non inutiliter poni posse censuit, Historiam hanc ad extrema usque hæc tempora deducendam putavit. Numos autem Regum Osrhoenorum plerosque ex iis, quos vidit, ut non admodum rudes ab arte, & Parthicis non tantum, verum & plerisque ab Edessa urbe libera cufis, luculentiores deprehendit, ita in delineatione eorum, quæ minus aperte se oculis ingerant, obscurius delineata sistere, quam, quod non est, comminisci, maluit. Reges vero illi cum fere aut Parthi fuerint, aut Syri, aut Arabes, e Græcis vero nullus; non credit, publicæ auctoritatis consilio Græcis titulis signatos fuisse eorum numos, sed

sed hoc monetariis fuisse permissum, quos Græcos eos habuisse, inde colligit, quod monetæ tum signandæ ratio atque ars ad barbaros nondum divulgata esset. Miratur vero, inter Edessenos numos argenteum adhuc nullum, nedum aureum, observatum esse, ejusque rei causam inopiæ tribuit, quod argentifodinæ tum nullæ, quæ in Romanorum potestate non essent, reperirentur, Arabicis quippe & Indicis neglectis, nec mercaturæ admodum patentibus ulterioris Orientis partibus. *Vaballathi* enim & *Zenobia* si qui argentei & aurei numi prostant, quorum unum eximium cum literis Palmyrenis se vidisse docet Cl. *Bayerus*, tamen Antiquarii adhuc, præter quosdam *Vaballathi* argenteos, nullos nisi æreos observarunt, eos ex Romanis Persicisque conflatos arbitratur.

Sed ad ipsum jam Opus pergitur, quod Libris quinque, quicquid ad argumentum hoc penitus exhaustiendum undique vel ex scriptoribus, vel ex numerorum penu, conquiri promique, ingenii indefessi prorsus, & omnia singulari studio ex-
cutientis, ope, potuit, complectitur. Primus, situ Edessæ & origine, quam ad Chaldaeos refert Cl. *Bayerus*, indagata, de incrementis ejus sub *Seleuco Nicatore* potissimum disserit, qui Græcos in Mesopotamia, & Macedonas, ex *Alexandri Antigoni*que exercitibus allecos, Edessam traduxit, atque urbi huic, antea *Urhoi* dictæ, Macedonicum Edessæ nomen, si *Appiano Alexandrino* fides, honoris *Alexandri* causa imposuit. Sed ab *Seleuco* potius Antiochiam eam dictam censet Cl. *Bayerus*, eoque numum *Antiochi IV* cum inscriptione : ANTIOXΕΩΝ ΤΩΝ ΠΡΟΣ ΚΑΛΛΙΡΟΗΝ refert cum Jo. *Harduino*, quem *Vaillantius* ad Callirhoen in Palæstina revocaverat. Καλλιρόη enim fluvius ad Edessam est Cl. *Bayero*, ab Arabico *Roba* & Græca voce καίματος ita dictus, cui Scirti nomen Macedones, ut urbi Edessæ nomen, indidisse existimat. Ab *Seleuco* vero eodem Edesseni tempora sua numerare ceperunt adscita epocha Seleucidarum, inchoantes annum suum non a Januario Juliano, quod *Josepho Scaligero* visum, sed ab Octobri, in quem primus Edessenorum mensis incidit, quorum hoc schema Cl. *Bayerus* exhibuit :

NOVA ACTA ERUDITORUM

<i>Teschbrin prior</i>	a Cal. Octobr.
<i>Teschbrin posterior</i>	Novembr.
<i>Conun prior</i>	Decembr.
<i>Conun posterior</i>	Januar.
<i>Schvot</i>	Februar.
<i>Odor</i>	Martiis
<i>Nison</i>	Aprilibus
<i>Jor</i>	Majis
<i>Chsiron</i>	Junii
<i>Tomus</i>	Julii
<i>Ov (Ab)</i>	Augustis
<i>Ilul</i>	Septembr.

Observat tamen, sic annos suos egisse Edessenos aliquanto post annum Julianum constitutum, inprimis, postquam colonis Romanis adscribi Edessa cœpit: superioribus vero temporibus a Septembri, Syrorum reliquorum more, annum eos exorsos. Ceterum hæc ipsa æra Edessenorum, quæ una cum Seleucidea eademque est, & ab Olympiadis CXVII A. 1 decurrit, adhuc in numis eorum nullis comparuit, nisi forte in unico, a viris doctis adhuc pro Parthico habito, in quo annus ΓΚΥ, quem Edessenis vindicare conatur Cl. *Bayerus*, qui haud perfunctorie in Chronologicas eorum rationes, & modum inprimis annos eorundem cum aliis epochis, annisque Abrahamæ præcipue, componendi, inquit.

Sub *Seleuci* successoribus Edesseni eadem usi fortuna, qua reliqua Mesopotamia, dum, rebus Seleucidarum collapsis, Parthi rerum potiti, occasionem condendi regni Edesseni præbuerunt *Osrboi*, ut is recte *Procopio* appellatur, tametsi ei *Chosrhoem* aliquem, Regem Persarum, substitutum *Jacobus Gronovius* ad *Ammianum Marcellinum* mallet, inter Edessenos autem Reges locum abnegat *Norifius*, ratus, *Abgari* nomen hos semper tulisse, id quod secus habere, vel ex serie eorum, a Cl. *Bayero* ex *Dionysio Telmariensi* apud *Assemannum* in Bibliotheca Orientali contexta, abunde patet. Sunt eorum viginti octo:

I *Orbo* vel *Osrboes*, *Chevio* filius, ab anno 21. Seleuc. CLXXVI regnavit annos V.

II *Abdus*

MENSIS FEBRUARII A. MDCCXXXVI. 39

- II *Abdur, Mazouri* f. ab A. Seleuc. CLXXXI regn. annos VII.
- III *Paradasfes, Gubari* f. ab A. Seleuc. CLXXXIX ann. V.
- IV *Bacrus, Paradasfe* f. ab A. Seleuc. CXCIII ann. III.
- V *Bacrus, Bacri* f. ab A. Seleuc. CXCVI ann. XX.
- VI *Abgarus Pbicas* ab A. Seleuc. CCXVII ann. XXIII
mens. V, quanquam & ante cum *Manno*, &
Bacro decessore, triennii fere intervallo regnavit.
- VII *Abgarus, Abgari* f. ab A. Seleuc. CCXXXIX ann. XV.
- VIII *Manus Deus* ab A. Seleuc. CCLV ann. XVIII mens. V.
- IX *Pacorus* ab A. Seleuc. CCLXXIII ann. V.
- X *Abgarus* ab A. Seleuc. CCLXXVIII ann. III.
- XI *Abgarus Sumaca* ab A. Seleuc. CCLXXXI ann. III.
- XII *Manus Sappelut* ab A. Seleuc. CCLXXXIV ann.
XXVIII mens. VI.
- XIII *Manus, Mani* f. ab A. Seleuc. CCCXIII ann. VI.
- XIV *Abgarus Uchama* ab A. Seleuc. CCCXIX ann.
XXVII.
- XV *Manus, Abgari* f. ab A. Seleuc. CCCLVI ann. VI.
- XVI *Manus, Abgari* f. *Mani* superioris frater, ab A. Seleuc. CCCLXIII ann. XIV.
- XVII *Abgarus, Mani* f. ab A. Seleuc. CCCLXXVII ann. XX.
- XVIII *Abgarus, Ajazetba* f. ab A. Seleuc. CCCXCVII ann.
VI mens. IX.
- XIX *Parnataspates* post interregnum biennii ab A. Seleuc. CCCCVI ann. III mens. X.
- XX *Parnataspates junior* ab A. Seleuc. CCCX Octobr.
mens. X.
- XXI *Manus, Ajazetba* f. ab A. Seleuc. eod. ann. XVI
mens. VIII.
- XXII *Manus, Mani* f. ab A. Sel. CCCXXVII ann. XXIII.
- XXIII *Vales, Sabri* f. ab A. Seleuc. CCCCL ann. II.
- XXIV *Manus, Mani* f. ab A. Seleuc. CCCCLII ann. XII.
- XXV *Abgarus, Mani* f. ab A. Seleuc. CCCCLXIV ann.
XXXV.
- XXVI *Abgarus Severus* ab A. Seleuc. CCCXCIX ann. I
mens. VII.

XXVII *Manus, Abgari* f. ab A. Seleuc. D ann. XII.

XXVIII *Abgarus, Mani* f. ab A. Seleuc. DXII. ann. XVII.

Neque vero nuda horum Regum nomina congeffit Cl. *Bayerus*, sed, quicquid vel ad eos ipsos, vel res gestas eorum luculentius cognoscendas, conquiri potuit, magna industria perveſtigavit, cum aliis eam in rem ſubſidiis, tum iis etiam, uſus, quæ veterum numorum tractatio ſagacioribus ſuppeditat; tametiſi ceteroqui non diſſimulat, ſe cum non eſſe, qui, hiſtoriam e numis ſolis reſtitui poſſe, putet, quamvis Autores intercidiſſent omnes, falſus, multa quidem ad confirmandam illuſtrandamque veterem memoriam, quadam etiam ad amplificandam eam, peti inde poſſe, ſed ita, ut potiora & inſignitiora eſſe contendat ſcriptorum merita, ex quibus lucem accendimus numis, quam numorum, ſcriptores tenui ſubtilique acceſſione locupletantium, id quod de numis certe Edellenorum Regum verum eſſe, nemo ei non facile largietur. Nos, in præſenti Reges hos pro inſtituti huius ratione breviter percenſentes, iis potiſſimum immorabimur, quorum monumenta, ex numaria penu depromta, Cl. *Bayerus* ad hiſtoriam eorum luce uberiori perfundendam profert.

Quos dum conſectamur, non prætereundus ſicco plane pede, qui lectum inter eos locum occupat, *Abgarus Phicas*, qui primus celebre *Abgari* nomen geſſiſſe traditur. Scribendi ejus ratio admodum diverſa eſt apud ſcriptores; ſed numi conſtanter ABΓAPOC vel AYΓAPOC præferunt, quibus inſcriptio, a *Sirmondo* vulgata, quam & Cl. *Bayerus* ſuo loco exhibet, & codex *Eusebii* Mazarinianus, conſentit. Vocis huius originem ex lingua Arabica vulgo arceſſunt, qua *Acbar potentiſſimum, maximum*, denotat, quam ob cauſam & eos, qui *Abgar* aut *Abgaros* ſcribunt, non magnopere reprehendendos putat Cl. *Bayerus*: mallet tamen, Parthicum id eſſe nomen, *Moſe Chorenenſi* teſtante, ab Aſſyriis & Græcis, Armenicæ pronuntiationis ignatis, *Abgar* dici quaſi *Avagair*, h. e. *primarium & ſummum virum*; unde rectiſſime eos quidem, qui ABΓAPOC, proxime tamen ſcribere cenſet, qui AYΓAPOC habent. Quod ad ætatem huius *Abgari* attinet, incidit illa

illa in tempora *Tygranis*, cui obnoxium cum una cum successore fuisse, innuit Cl. *Bayerus*, qui, Chronologicis rationibus excussis, cum de ipso eo nihil fere proditum memoriz invenerit, *Syriæ*, ceterarumque regionum, ea tempestate statum ac fata interea describit.

Haud paulo tamen uberior est in enarrandis rebus *Mani Dei*, quem, docente id pluribus Cl. *Bayero*, infidiz nobilitant, *M. Licinio Crasso* comparatæ, quibus a Parthis Romani, ut notum est, cladem longe maximam acceperunt. Sane cum *Abgarum*, non *Manum* vel *Mannum*, vocant Romanarum rerum scriptores. Sed, erratum esse in nomine, Cl. *Bayerus* contendit, persuasus, veri nominis, a militibus Romanis, cladi illi una cum Quæstore *Cassio Longino* superstitibus, proditi, vestigia latere apud *Plutarchum*, cui *Φύλαρχος Αρσάβων Αρσιμάνης* dicitur, pro quo Cl. *Bayerus* *Αρσιμάνης* vel *Μαριμάνης* scriptum fuisse conjectat, quasi sit Syrorum *Mar Manu* aut *Mari Manu*, h. e. dominus *Manu*. Quin & cum, teste *Vineto*, in quibusdam *Sexti Rufi* codicibus ille *Marachus*, in aliis *Macorus*, appelletur, inde non nimis longe petita conjectura elicit, nomen perfidi Regis, a Romanis militibus editum, fuisse *Mar Manum* bar *Mazur*.

Sed de nullo Regum horum plura in vulgus etiam nota sunt, quam de decimo quarto, *Abgaro* nempe *Uchama* vel *Nigro*, qui, insanabili morbo implicitus, literas ad optimum Servatorem dedit, quas una cum responso Christi servavit *Eusebius*; qua de re utique digna sunt, quæ cum cura expendantur, Cl. *Bayeri* disputata, qui in singulis historiz hujus partibus excutiendis diligentiam haud vulgarem, & eximiam ingenii sagacitatem, prodidit. Prostant *Εδεσσαίων* numi, caput *Tiberii* Imperatoris exhibentes, qui, ut omnino in tempora hujus incidunt *Abgari*, ita ad *Edessam* Mesopotamiz non faciunt, tametsi vulgo ab Antiquariis, imprimis *Vaillantio* & *Norizio*, eo relati, sed ad *Edessam* Macedoniz, alias *Ægeam* dictam, id quod Cl. *Bayerus* pluribus demonstrat, qui & ceteros *Εδεσσαίων* numos, sub variis Imperatoribus cufos, *Edessæ* eidem relictissime attribuit. *Abgaro*, *Mani* filio, qui Regum est deci-

mus septimius, assignat Cl. *Bayerus* nummum cimeliarchii *Pembrocienfis*, ab *Haymis* in Parte altera *Thefauri Britannici* editum, cujus aduersa in Parte caput *Abgari* cum literis ABΓA-PO . . . BA . . . in auersa vultus non absumilis barbari reguli cum literis: AAAANNOC. Ratio, quod eo tempore *Alani*, quorum principem hic expressum, *Haymis* sententiam secutus, arbitratur, Armeniam infestis armis ingressi, composito postea bello, cum *Artaxerxe* Rege pacem fecerent, quo quidem *Artaxerxe* conciliante, *Osrhoenis* quoque *Alanos* dextras iunxisse verosimile censet Cl. *Bayerus*, qui iusam *Abgaro* huic de tiara, qua cincti *Osrhoenorum* hi principes comparerent, & reliquos eorum cultu, disquisitionem subiunxit. Ceterum, ut dubitari fortassis potest, an numus, de quo diximus, *Pembrocienfis* pertineat ad *Abgarum*, *Mani* filium, ad quem Cl. *Bayerus* eum refert, ita alius, quem *Spanbemiur* & *Vallantius* inter *Parthicos* recensent, epocha YKT, h. e. anno CCCCXXIV, insignis, si *Edeffensis* potius, quod tuetur Cl. *Bayerus*, quam *Parthicus*, est, designat utique vigesimum primum ex Regum horum serie, nempe *Manum*, *Ajasthe* filium, ejus sub *Traiani*, ad *Parthicum* bellum proficiscentis, rebus gestis meminit *Dio Cassius*, tametsi *Abgarum* eum appellat, quod nomen dignitatis causa & *Manum*, *Mani* filium, qui sequitur, in numo, a Cl. *Buxbaumio* ex Oriente allato, gerere, sibi persuadet Cl. *Bayerus*. In aduersa ejus parte caput *Hadriani* cum literis ex parte absumtis . . . ΔΡΙΑΝOC KAICAP. in auersa protome *Edeffensi* reguli cum epigraphe itidem non integra: ABΓA. quo ex numo, quando nullus posthac signatus invenitur, in quo non vultus Romanorum Imperatorum occurrat, colligitur, ab *Traiani*, & potissimum *Hadriani*, tempore *Osrhoenos* Reges Romanorum imperio fuisse obstrictos.

Vigesimum quintum ex iis, qui *Abgarus*, *Mani* filius, exhibent numi *L. Veri* & *M. Aurelii* apud *Carolus Patinum*, tametsi *Parthorum* eum regulum interpretatur *Jo. Harduinus*, qui & *Mannum*, cui *Φιλομαχης* elogium additur, in numo *Lucilla* expressum, ad *Parthos* eosdem trahit, rectius forte *Edeffensis*

Tab. II

Fig. 1.

Fig. I.




Fig. II.




Fig. III.



Fig. IV.



Fig. V.




Fig. VI.




Fig. VII.





senis vindicandum, nisi præter diversitatem nominis & diffimilitudo, quæ ei cum ceteris Edessenorum Regum numis intercedit, alterius eum toparchiæ regulum argueret. Ad *Manum*, *Abgari* filium, qui vigesimus septimus, refert Cl. *Bayerus* numos *Buxbaumianos* tres, quorum adversa in parte caput *Severi* cum literis: CEOTHPOC, item CEOTHPOC AT-TOKPA. & CEOTCIOC T. ratione scribendi plane depravata, qua T pro A ex ATTOKPATΩP positum censet, in averſa caput reguli Edesseni cum literis AB . . BACI & ABΓAPOC BACIAETC, quibus similis apud *Begerum* occurrit. Vicesimus octavus, qui postremus, *Abgarus*, filius *Mani*, Christianam religionem professus, eam ipsam ob causam in numis apud *Patinum Spanbemiūque* crucem tiaræ adjunxit. Dictus is ΜΕΓΑC BACIAETC ab *Severo* Imperatore, quocum ex Parthica expeditione titulo eo auctus, Romam se, ut verosimile sit, contulit. Idem ille in numo *Baudslotiano* apud *Spanbemiū* Δ. ΑΙΑ. ΣΕΠΤ. ΑΒΓΑΡΟC appellatur, non a *Severi* Imperatoris filia, *Ælia Septimia*, quam ex prima *Severi* conjuge, filia *M. Antonini & Faustina*, susceptam, *Abgaro*que junctam matrimonio, fingit *Harduinus*, nec ab *Ælio Antonino Pio* aut *L. Ælio Vero*, id nominis cum *Abgaro* aliquo ex majoribus nostri communicante, sed, ut censet Cl. *Bayerus*, ab *L. Ælio Commodo*, quem cum *Septimius Severus* tanti fecerit, ut & filium suum *M. Aurelium Antoninum* vocaret, conjectat is, *Abgarum* quoque inde se *Ælia* inferuisse familiæ, ac filio etiam, cujus hodie supersit Inscriptio, jam supra nobis memorata, quam ex antiquo lapide, ad Pauli Basilicam eruto, *Sirmondus*, & ex eo *Reinesius*, vulgarunt, *Antonini* nomen, ad exemplum *Septimii Severi*, indidisse. Hunc *Abgarum Caracalla* cum in Parthica, quam meditabatur, expeditione vocatum ad se in vincula conjecisset, regnum inde *Osrhoenum* corruit, & provinciæ Romanæ induit formam, Edessa autem coloniz & metropoleos dignitatem obtinuit,

Hinc tot jam urbis ejus prodire numi, quibus & coloniz titulo, & metropoleos, utitur, quos Libro quarto Cl. *Bayerus* per-

Tab. II
Fig. 2, 3, 4.

Tab. II
Fig. 5, 6.

percenſet. Primi ſub *Caracalla* cuſi, ex quibus ſpectantium inprimis oculos ad ſe convertunt quatuor, e *Vaillantio* produ-
cti, quibus ſubjuncti comparent duo ex ſupelleſtile *Baxhou-
miana*, caput Imperatoris laureatum ab altera parte cum lite-
ris: ATP. A. . . . ab altera coloniæ genium torritum vela-
tunſque cum literis: COA. MET. ANTONIANA.
præferentes. De iis generaliter ita agit Cl. *Bayerus*, ut primo
averſæ effigiem, deinde coloniæ nomen, ac tertio metropoleos
dignitatem, quam obtinuit *Edeſſa*, luculenter exponat. Quod
ad poſtremum attinet, exiſtimat Vir Clariſſimus *Carthas* ab i-
nitio metropoleos primæ honorem in *Mefopotamia* tuliffe,
teſtante id *Marci Aurelii* numo apud *Vaillantium*, in quo
juxta caput *Aurelii* ΜΑΡΚΩ ΑΤΡΗΛΙΩ ΦΙΛΩΡΩΜΑΙΟΣ Μη-
τροπόλεως Α. h. e. πρώτης AIP h. e. anſio centefimo un-
decimo, & in averſa parte ΑΤΡΗΛΙΩΝ ΚΑΡΡΗΝΩΝ
ΦΙΛΩΡΩΜΑΙΟΣ Μητροπόλεως Α. h. e. πρώτης. In *Vail-
lantio* epocha AIP numero Arabico 101 . . . exprimitur, unde
Cl. *Bayerus*: *Joannes Valens* Α 101 . . . διὰ παρορματες;
itaque cetera quoque, quæ habet, luxata pulchri corporis mem-
bra ſunt. Παρορμα vero illud non *Vaillantii* eſt, ſed ope-
rarum typographicarum, ut patet, quod epocham illam Α. U.
DCCCIX additam efficere ait DCCCCXIX. Initium
autem epochæ hujus paulo altius repetit *Vaillantius*, nempe
ab Α. C. 55, quo *Vologeſes*, Parthorum Rex, à *Corbulone* victus,
obſides tradidit, qui quidem annus Α. U. DCCCVIII &
DCCCIX reſpondet, cum id Cl. *Bayerus* Α. C. 63 assignet,
qui eſt DCCCXVI Urbis conditæ. Hæc vero *Cartharum*
civitas cum poſtea in numis *Elagabali* & *Alexandri Severi*
Metropolis *Mefopotamiæ* ſecunda appelletur, primæ in locum
ſucceſſiſſe *Edeſſam*, ſingulari *Antonini Caracallæ*, qui ibi hi-
bernaverat, ſtudio id beneficii debentem, Cl. *Bayerus* ſtatuit,
minus probata eorum ſententia, qui, ſeu *Emiſſam*, ſeu *Amidain*,
primæ in *Mefopotamia* metropoleos titulo auctam, ex numo
quodam conjiciunt.

A *Caracalla*, ejusque numis, Cl. *Bayerus* ad *Marinum*, *E-
lagabalum*, *Alexandrum Severum*, & *Maximinum*! pergit, ſub
quibus

quibus Imperatoribus, quos Edeffeni numos cuderunt, scriptoribus rei numariz memoratos, magna cura expendit, novosque iis, a *Buxbaumio* recens allatos, adjicit, tametsi illi ipsi ab editis non admodum recedunt. In nullis amplius supersunt vestigia Regum Osdroenorum, qui tamen rursus in scenam prouident sub *Gordiano III*, tum, ut videtur, aliqua regni Osdroeni specie restituta quidem, sed nec coloniz metropoleosque jure, quo *Edeffa* gaudebat, imminuto, quod urbs illa in numis cum *Gordiani* ipsius, tum conjugis *Tranquillinae*, ostentat.

Exstant tamen præter eos & *Abgarorum* hoc tempore numi, cujusmodi ut plures observavit *Cl. Bayerus*, ita duos in iis hoc nomine regulos, senem & juvenem, deprehendit, quorum alterum patrem, filium alterum, arbitratur, ratus, *Gordianum*, cum in Oriente ageret, & patri Roma secum adducto (nam postremi eum Regis, a *Caracalla* in vincula coniecti, filium, cujus inscriptio supra laudata meminit, arbitratur,) regiam dignitatem restituisse, & postea mortuo illo filium dedisse successorem. Et ad senem quidem referendi plerique, cum *Abgari* nomine cusi, *Gordiani* hujus numi, quorum plures produxit *Cl. Bayerus*; filio juveni idem ille tribuit numum, a *Buxbaumio* ex Oriente recens allatum, cujus aduersa in parte *Gordiani* protome ad pectus usque cum scuto & hasta tituloque: ΑΥΤΟΚΡ ΝΟC CEB. in auersa: ΑΒΓΑΡΟC ΒΑCΙΑΕΥC cum vultu Regis ejus juvenili. Neque ad alium *Abgarum*, quam filium, spectare censet duos alios numos, a *Patino* prolatos, quorum in altero equitantis, in altero stantis, figura imberbis cernitur, cui posteriori similis est, quem *Harduinus* ex cimeliarchio Chamillartensi commemorat, in quo *Gordiano* sedenti cum hasta stans & mitratus *Abgarus*, bacillumque imperatorium læua gerens, dextera victoriam porrigit.

Tab. II
Fig. 7.

Post ea tempora nulla *Abgarorum* mentio exstat; neque *Edeffa*, ut ante, numos reliquit, quod constat, unum si *Trajan* *Decii* excipias, *Vaillantio* & *Bandurio* memoratum, in quo, omissa metropoleos dignitate, urbs ea Coloniz titulo utitur. *Decii* caput in eo laureatum cum epigraphe: ΑΥ. ΔΕ-

I

KIOC

KIOC CEB. & ex averſa parte velatum & turritum Edeſſeni genii caput cum literis: ΚΟΛ. ΕΔΕCΑ. Sed Cl. *Bayerus*, quanquam, ſubſidio numorum deſtitutus, hiſtoriam Edeſſæ regnique Oſrhoeni magna diligentia perſequitur, eamque uſque ad *Heraclyi*, Imperatoris, tempora, atque adeo ad annum Chriſti DCLXXIII, quo Arabes primum Meſopotamiam ingreſſos Edeſſam cepiſſe, *Dionyſius Telmarienſis* docet, Libro quarto deductam, quinto, eoque poſtremo, & per ſequentia tempora ita continuat, ut res Edeſſenas ſub Arabibus, Græcis, Francis, Perſis, & Tartaris, Turciſque, ſigillatim exponendo, in clade demum illa, quam a *Tamerlane* ſub finem ſæculi a Chriſto nato decimi quarti expugnata Edeſſa accepit, narrationis ſuæ, non minori candore, quam diligentia, contexere, finem faciat.

Westphaliſche Friedens- Handlungen und
Geſchichte, 1c.

h. e.

ACTA PACIS WESTPHALICÆ PUBLICA,
Autore JO. GOTHOFREDO DE MEI-
ERN, Regis Magne Britannię & Electoris
Hannoverani Conſiliario Aulico.

Tomus IV.

Hannoveræ, apud J. A. Gercken, 1735, fol.

Alph. 10 plag. 18.

Applaudentibus bonis omnibus prodire in publicum videmus quintum hoc *Meſeriani* Operis Volumen, multo uberiores continens rerum geſtarum narrationes iis, quas habent Tomi priores. Naſtus videlicet erat Illuſtris ac Generoſiſſimus Autor monumenta locupletiſſima, e quibus quæ petere potuit, ea ſubtrahere ſuis lectoribus noluit. Providens tamen, ne nimiam in molem excreſcat hoc Opus, certiores nos facit in Præfatione, ſex Tomis totum hoc magnificum Opus abſolutum iri, ſeptimum vero Tomum exhibiturum eſſe *Instrumenta Pacis*, una cum *Vitiſ* Legatorum horum Irenicorum,

corum, ac tribus *Indicibus*, Chronologico, nominali, reali. Quarto nostro in Tomo describuntur, quæ gesta fuerunt per annum 1647 usque in Februarium secuti anni mensem. Ac Libro quidem XXV concertationum de Gravaminibus continetur continuatio: sequens disputationes habet de Pomerania inter Suecos & Principes Brandeburgicos, hujusque litis compositionem: Libro XXVII disceptationes exhibentur de restitutione Electoris Palatini: Libro XXVIII de satisfactione Principi Cassellano danda, deque duorum Hassiæ Principum controversia, ejusque conclusione, agitur: Libro XXIX continuatur Gravaminum collatio, nonnullorumque describitur compositio: Libro XXX, ac tribus sequentibus, commemorantur difficultates, huic Pacificationi hinc inde objectæ usque ad initium anni 1648. E tanta rerum memorabilium segete decerpimus sequentia. Pag. 56 proficitur Comes *Trautmansdorfius*, (cujus hoc loco laudatur in ceteris moderatio & indulgentia, qui & p. 112 ob singularem prudentiam ab *Oxenstierna* vocatus est *anima legationis Cæsareæ*,) Imperatorem prius regiones suas vitamque suam amissurum esse, quam assentiatur, suis in terris exerceri religionem Augustanæ Confessionis: idque idem repetit p. 64, & tertium p. 65, & quartum p. 114. P. 171 seq. rursus fortiter urgent Evangelici, suæ ut religionis liberum sit exercitium in terris Cæsaris: sed nihil efficitur. Qua occasione p. 174 seq. initur numerus Comitum, & Baronum, & Equitum Evangelicorum, illis in terris habitantium. Erant scilicet in quadraginta duabus familiis Comites & Barones 154, in undetriginta familiis Equites 78. P. 210 seq. exstat Epistola Legatorum Fœderati Belgii ad Protestantium Legatos, qua commendant Evangelicis, hoc est, Lutheranis & Reformatis, *fidam & fraternam concordiam*, graviter proposita ejus necessitate atque utilitate: speciatim etiam rogantes, ut Nobilibus diocesium Monasteriensis, Osnabrugensis, & Mindensis, liberum in ædibus suis privatis permittatur religionis Reformatæ exercitium. P. 211 seq. longa exhibetur Epistola civitatis Mindensis ad Legatos Evangelicos, in qua de Statuum Imperii mediatorum, itemque de civium, jure circa sacra graviter differitur

tur & erudite, deinde causæ afferuntur, cur civitati isti exercitium religionis Lutheranz permittendum sit liberrimum. In Libro XXII legitur, quam multis exposita difficultatibus fuerit cessio Pomeraniæ, quamque felicem ea res habuerit exitum ex parte Electoris Brandenburgici. Exhibentur hic non solum Brandenburgici moræ & exceptiones, sed etiam Protestatio Archiepiscopi & Capituli Magdeburgici, electio Coadjutoris hujus Archiepiscopatus, Protestatio Capituli Halberstadiensis, actiones Legatorum Suecicorum cum Brandenburgicis, contentiones de terris Brandenburgico reddendis pro Pomerania, Statutum Pomeraniæ Protestatio, denique conventio inter Sueciæ Reginam & Brandenburgicum Electorem. Libro XXVII p. 358 nolunt Legati Cæsarei & Bavari admittere titulum *Evangelicorum*, sed nominari eos volunt vel *Protestantes*, vel *Augustanæ Confessioni adhaerentes*. Legimus & hic relatum, ab Electore Moguntino valde laboratum esse, ut per relictionem reciperet a Palatino *Stratam montanam*. Sed p. 387 negant Evangelici, gratificandum id esse Moguntino, cum semper bellum hoc Germanicum inflammaret. Varie etiam actum fuit de Electoratu octavo. Cum vero appareret, Galliæ & Sueciæ Reges aliter non esse pacem facturos, nisi reddita Palatino dignitate Electorali, facile consensum fuit ab Imperatore & Imperii Ordinibus. Observare hic libet, Articulos de *Caroli Ludovici* restitutione in Electoratum Palatinum ita, ut hic loci p. 409 seq. a Legatis Gallicis sunt præscripti, & p. 412 seq. a Suecicis Legatis approbati, emendato tantum & illustrius exposito ultimo Articulo, iisdem verbis postea insertos esse utrique *Instrumento Pacis Westphaliæ*. Libri XXVIII §. 1 narratur, felicem successum Principis Cassellanz in hac Pacificatione deberi eximio favori Majestatis Gallicæ, tam addictæ huic suæ fœderatæ, ut sæpius profiteretur, pacem fieri non posse ante, quam satisfactum sit desiderio *Ameliæ Elisabethæ*, tum tutioria autoritate regentis terras Cassellanas. Erant enimvero Legati Gallici semper adversi, cum Protestantes aliquid desiderabant e sacris Catholicorum possessionibus. Itaque, cum illa Hassiæ rectrix aliquam partem sibi dari vellet

Pader-

Paderbornici Episcopatus & Abbatiae Fuldensis, totam item Hirschfeldensem Abbatiam, Episcopus Osnabrugensis supremum Gallicum Legatum, Ducem Longovillanum, graviter admonebat, ne id fieri pateretur, argute adjiciens, *non esse Christo & matri ejus vestem exuendam, ut ea donaretur mulier illa haeretica.* At ita ei respondebat Dux Gallicus: *Nihil non faciendum puto in gratiam mulieris tanta virtute praeditae. Omisso quovis respectu facite, quaeso, amici, quicquid illa desiderat.* Ac §. II Legatus Cæsareus ait, non minore studio laborare Longovillarum illum Ducem pro domo Cassellana, quam si res ipsius Regis sui ageretur. Libri XXIX §. 2 legimus, cum Legati Suecici novam formulam (*Projectum* vocant,) Instrumenti Pacis exhibuissent Cæsareis Legatis, horum Principem, Comitem Trautmandorsum, usque eo inaruisse, ut diceret, *si vel Holmia esset in carcere, se tamen vix a se impetraturum esse, ut huic formulae pacis subscriberet.* Ac exhibentur §. 3 quædam capita Suecicæ hujus formulæ, una cum dissensionibus Legatorum Imperatoris. In §. 6 Legati Gallici Ordinibus Germaniæ Catholicis patrocinantur, non concessuri, ut Protestantes fiant in Imperio potentiores Catholicis, utque Sueciæ Rex creetur Elector Germaniæ. Ex §. 10 cognoscimus, cum Legati Suecici omnem moverent lapidem, ut Augustanæ Confessionis sociis publicum suæ religionis exercitium conciliarent in terris Austriacis, adeo frustra eos elaborasse, ut Cæsaris Legati liquido profiterentur, nunquam dominum suum id esse assensurum. Tam similem se gerebat aula Cæsarea aulae cognatæ Hispanicæ. Cum autem nec Suecici Legati cederent, sed perleverarent postulare, ut Protestantibus Austriæ civibus libera permitteretur sua religio, tandem Legati Brandeburgici & Luneburgici hos permoverunt, ut, missa hac controversia, ceteros pertractarent pacis Articulos. Libri XXX §. 2 p. 557 - 590 legimus *Instrumentum Pacis*, quod Cæsareani exhibuerant Legatis Suecicis. Subnectitur p. 590 - 607 *Ponderatio* hujus *Instrumenti Pacis*, cui præscriptum est nomen *Theophili Generosi, Genuini Germani*: quæ peracerba est prioris scripti censura, cujus autorem esse magnum zelo-

tam Pontificium, facile apparet. Approbat enim ex toto *Ernesti de Eusebiis*, scriptoris *Ψευδώνυμ*, *Judicium theologicum*, & indignatur, in illo Pacis Instrumento hæreticos æquari Catholicis, simul verens, ne tandem Catholici in Germania penitus exstinguantur. Speciminis loco nonnulla proferemus ex hoc libello. Scilicet, cum multi Catholici eo tempore dicerent, ex duobus malis minus esse eligendum, esse autem minus malum, si omnia hæc bona ecclesiastica pacis causa concedantur hæreticis, quam si, quæ Catholicis reliqua sunt, & ipsa Protestantibus in spoliis cedant, ac religio Catholica funditus intereat in Germania; respondet hic zelota, ex duobus malis minus eligendum esse, si, quod minus videtur, sine peccato fieri queat: atqui, hoc sine peccato fieri non posse, verbis docuisse & exemplis confirmasse Sanctos Patres, summos Pontifices, & Doctores veteres. Addit, multa Catholicorum milia superesse in Germania, militaturi qui sint in tam justa & pia causa, parati potius omnes belli calamitates ipsamque mortem perferre, quam ut velint, pacem hanc confici. Non possumus non & proferre syllogismum hujus scriptoris, qui tam ei invictus visus est, ut appellet eum nodum plus quam Gordium. Quæ pax, inquit p. 598, hæreticis absolutam & perpetuam spondet religionis libertatem una cum dominio bonorum ecclesiasticorum, ea repugnat Juri divino & naturali. Atqui pax, quæ Projecto Instrumenti, a Plenipotentariis Cæsareis exhibito, continetur, hoc facit. Ergo repugnat Juri divino & naturali. Idem scriptor ad illum illius Instrumenti Articulum, secundum quem utriusque religionis magistratus prohibiturus est severe, ne quis concionando, docendo, disputando, scribendo, Transactionem Passaviensem, Pacem religiosam, vel hanc imprimis, impugnet, ita respondet quasi e tripode: Theologis & Ministris Evangelicis hæc lex poni potest, qui potestati seculari se fatentur subjectos: at religio Catholica neque Ecclesiasticorum jura, neque Theologorum doctrinam, subesse patitur arbitrio Principum & magistratum secularium: ut mirum sit, Plenipotentariis Catholicis talia excidisse. Non movit hic syllogismus Comitem Trautmans-

dorfum,

dorsium, Legatum inter Cæsareos supremum. Is enim in Oratione, quæ §. IX exhibetur, ad Legatos Catholicorum Germaniæ Principum, in urbe Monasterio tum versantes, urgentesque, ut ne tot bona ecclesiastica permittantur Protestantibus, jubet eos considerare, aut hac conditione nunc pacem faciendam esse, aut longiori belli tractu omnem Catholicam religionem exterminatum iri e Germania. In *Libro XXXI* gravis lucta describitur inter spem pacis & metum continuandi belli. Catholici enim Principes recusabant consentire in cessionem tot sacratorum bonorum, malentes, continuari bellum, sperantesque, Deum sibi daturum victoriam. Quid? Multi Legati abibant ex hoc pacificatorio conventu, & domum quisque suam repetebant. Sueci contra ardentissime urgebant restitutionem exulum Protestantium in Bohemiam & Austriam. Idem postulabant tantam pecuniæ summam pro sumptibus bellicis, ut ei solvendæ impar haberetur universa Germania. Jesuitæ inter hæc criminabantur Legatum Cæsaris, *Trautmansdorfium*, tanquam hominem malæ fidei, multumque faventem Protestantibus, quorum religioni antea fuerat addictus. Moram etiam paci tot votis expetitæ afferebat disputatio de decem Imperialibus civitatibus Alsatiæ, imperio Regis Galliæ subtrahendis, itemque de Duce Lotharingiæ ex hac pacificatione non excludendo. Libri XXXII §. 2 & 5 docetur, Gallos pariter ac Suecos agnovisse, non esse se pares diutius gerendo bello, sed pacem sibi utrisque esse necessariam; ideoque, omnibus salutem suam a pace expectantibus, rursus omnium animos converfos esse ad bellum componendum. Quæ res cum non succederet, suspicio (§. XI) injecta est animis Protestantium, quæ argumentis nonnullis confirmabatur, Cæsareos Legatos non agere ex animi sententia, sed studiose protrahere negotium irenicum. Ac notum fiebat, ab Hispanica aula subinde accendi Cæsarem ad bellum ducendum. Urgentibus tamen acriter Legatis Evangelicis, (quos inter Luneburgicus, *Lampadius*, ita affari Cæsareos Legatos p. 808 sustinebat: *Satis diu illustis nobis: aut pacem nobis date, aut bellum,*) ut rediretur ad consultationes pacificas, & bellum perduceretur ad
exi-

exitum, Cæsarei Legati negotium hoc denuo aggressi sunt. Ipse tamen Imperator serio expetebat pacem: id quod manifestum facit Epistola ejus (p. 815 seq. inserta) ad Legatos suos Osnabrugenses. P. 861 seq. exhibetur Innocentii X *Breve Apostolicum* ad Nuntium suum, *Fabium Chisum*, in quo ei mandat, nihil ut in pacis constitutione decretum firmatumque velit, quod divina cultui, Christianæ fidei, atque Ecclesiastica immunitati, periculum damnumve conslare ullo modo possit. In Libro XXXIII, eodemque hujus Tomi postremo, descripta legimus acta mensis Januarii & Februarii anni 1648. Quo temporis tractu semper fit difficilius pacis negotium: cujus rei culpam in Cæsareos Legatos conferunt non solum Suecicæ Legati, sed etiam Herbipolitanus, *Vorburgius*, qui p. 932 multis documentis id confirmat: quod idem faciunt Moguntinus & Bavaricus Legati p. 936 & 937. Eiusdem, quem diximus, *Vorburgii* consilio & opera secretum colloquium de pace faciendâ habent inter se ex Evangelicis Legatis Electoralis Saxonicus, Brandenburgicus, Altenburgicus, Vinariensis, duo Brunsvicenses, & Argentoratensis, ex Catholicis Moguntinus, Trevirensis, Bavaricus, Bambergicus, & Wurzburgicus. Verum ipsi Evangelici Legati cum haud manerent concordēs, illud colloquium fuit abruptum, adeoque speratus successus evanuit. Laudari hic meretur *Vorburgius*, vir pacis sincere studiosus, tamque bene animatus erga Evangelicos, ut p. 977 a Cancellario Moguntino insimularetur alieni a Catholica religione animi. Pag. 980 seq. Legatis Cæsareis Evangelici Legati obijciunt, quod novas moras nectant, quodque irrita esse velint ea, quæ præstari oporteat, si vinculum humanæ societatis salvum esse velint, itemque fidem Imperatoris publicam. Conf. p. 1000. Pag. 993 a Saxonis Legatis per suum Legatum postulat Elector Brandenburgicus, ut appellatione *Evangelicorum* comprehendantur & Reformati, cum Elector iste sit Augustanæ Confessionis addictus. Sed quiescimus nunc, brevi recensituri *Tomum quintum*, qui, jam *sextum* e carceribus typographicis exitum moliri, habemus exploratum.

JO. FLORENTIS RIVINI, PAND. P.P. IN
*Acad. Lips. Facult. Jurid. Assess. Capituli Numburg.
 & Wurz. Canon. hujusque Senioris, Programmata, ex
 vario Jure collecta, nunc junctim edita. Accessit
 Index rerum & materialiarum.*

Lipsiæ, ex officina Langenhemiana, 1735, 4.

Plag. 14.

Jam dudum communibus flagrantibusque votis expetiverunt viri docti, ut minutula illa scripta, quæ in Academiis solenni Programmatum nomine insigniuntur, in unum fasciculum colligerentur, & usui commodoque Reipublicæ literariæ traderentur. Continent enim ea ut plurimum multa nova, singularia, frugis plena, & apprime utilia futura studiosis hominibus. Præbent salutaria consilia, & nullam doctrinæ partem sine illustribus accessionibus prætermittunt. Sed nescimus, quo fato factum sit, ut Programmatum, præsertim Juridicorum, collectio pæne inter desiderata Reipublicæ literariæ pertineat. Nihil dicimus de antiquioribus Jurisconsultis. Hi enim mirifice lætabantur, ubi unam plagulam (ultra enim ascendere nefas erat) quisquiliis & allotriis suis repleverant. Sed de nostræ ætatis Jurisconsultis loquimur, ex quibus nonnullorum Dissertationes Academicæ adeo bene atque erudite conscriptæ sunt, ut, eas ætatem laturas esse, non infeliciter sperare queant. Hi cur reformident secundas operum suorum curas, non videmus, nisi ipsi vel desidiæ suam, nimium corpus curandi studium, ignavum timorem, vel, quæ sæpe tot præclaros hominum literatorum labores impedit, insanam libellionum detestandi cupiditatem, accusare velint. Quapropter, si a Programmatibus *Thomasiis* discesseris, nullum scimus, qui has Academicas suas delicias commodiore & meliore habitu evulgaverit. Insignem ergo laudem meretur *Magnificus Rivinus*, qui assiduus libellionis, qui sumtus editionis præbuit, precibus se permoveri passus est, ut Programmata, quæ sigillatim exscribenda & distribuenda curaverat, in unum volumen cogeret, & novo hoc beneficio sibi mirifice devinceret omnes, qui veram & non simulatam Jurisprudentiam religioso venerantur cultu.

Continet hoc Opusculum Programmata, quibus Cel. Autor vel Jurisconsulti spartam solenni ritu in se suscepit, vel supremorum in Jure honorum Candidatos commendavit, vel publicas Dissertationes suas in Pandectas, more a majoribus recepto, indicavit. Argumenta sunt selecta, in foro obvia, singulari cura elaborata. Reperiuntur in iis egregia Jurisprudentiæ consultoria specimina, quibus conscientiosi Jurisconsulti partes ubique implet, & rebus judicatis novissimis, tanquam totidem pretiosissimis gemmis, decus & ornamentum iisdem conciliat Cel. Autor. Opus magno cum fructu ab iis, qui in foro vel iudiciis, vel causidici, vel scribæ, munere funguntur, legendum. Id quod ut magis cognoscant Lectores nostri, en accuratum Opusculi indicem. Programme I *de Præjudiciis ex abusu interpretationis oriundis*, II *de jure, quod domino directo intuitu laudemii competit*, III *de emendandis nova lege subastationibus*, disserit; IV *Quæstionem excitat, an, debitum conjugale denegando, causam adulterio dant, divortium nibilominus ob adulterium petere possit?* V *singularia quadam Processus judicii Mercatorii Lipsiensis, contra emendatam Ord. Proc. Sax. retenta, & sanctione Pragmatica abolenda, commemorat*; VI *ex literis cambialibus, quarum solutio nundinis Lipsiensibus sine adiectione diei promissa, contra neminem antedictum quintum posterioris septimana (der Zahl-Woche) elapsedum agi debere, probat*; VII *res inter desponsatos donatas, nuptiis sine culpa ejus, cui donatum, non secutis, repeti non posse, rerum judicatarum fide confirmat*; VIII *arduum munus Jurisconsulti, ex fide, præsertim in causis criminalibus, gerendum, explicat*; IX *quæstionem, an avus paternus indistincte, an vero in subsidium tantum, matre egente, alere spurium teneatur?* pertractat; X *Juramentum relatam, si facta aliena concernat, nunquam de veritate, sed de credulitate tantum, præstari debere, asserit*; XI *de jure Tributorum, orto concursu, agit*; XII *dispicit: An reus, qui interrogatoria ad articulos probatorias exhibuit, postea in reprobatione super iisdem capitibus articulis reprobatorialibus repetitis ad juramenti deductionem admittendus sit?* XIII *modum computandi geradam, si pater tandem filia vi Const. El. XI P. III in legitimam impu-*

imputare velit, exhibet; XIV Examen testium extra processum improbat; XV disquirat, an substitutis in locum testis de mortui aliis testibus liceat, etiam additionales, vel novos, articulos offerre; XVI Panam fracta Urpboda in eos, qui revertuntur, ex præscripto legum Saxonicarum omnino statuendam esse, decernit; XVII varios abusus circa examen testium notat; XVIII penam capitalem jure Sax. El. ex rescripto speciali etiam tum, cum ob levius furtum tortura subiectus, aliud furtum, quod, una cum illo computatum, summam capitalem attingit, sponte confessus est, irrogandam esse, affirmat; XIX quatenus bodie de incundo, vel non incundo, matrimonio valide pacisci liceat, disquirat. Jam specimina quædam proferemus in medium. Graviter invehitur Cel. Autor in eos, qui interpretatione nimium abutuntur, & sub fucatz & cœrebriæ æquitatis involuero tot clades generi humano afferunt. Ex qua inæquali juris interpretatione tot infelicissimos Collegiorum juridicorum dissensus originem suam trahere, recte statuit. Adæo, justo zelo permotus inquit, tempora nostra in Epocham juris incerti inciderunt, ita, ut sapius vita, fama, & bona miserorum pendeant ab arbitrio & suffragiis judicantium. Nec enim studium novitatis & prava dissentienti cupiditas permittit generalem consonantiam. Egrege miras & improbas illas, quæ in subhastationibus occurrunt, fraudes recenset, & operose severeque damnat. Neque minus salutaria sunt, quæ suppeditat, consilia. Sic dies subhastationis definitus servari quidem, sed non statim post horam XII auditam res adjudicari, deberet; sed denuo tribus vicibus, cum aliquo laxamento, per præconem aut Actuarium proclamanda res erit, donec omnes disfluxerint, qui majus aut pinguius priore emtore pretium offerre velint. Tum vehementer optat, ut omnes res pignori captæ præsentē pecunia, Romanorum more, distraherentur, aut, si hoc fieri non posset, nullus ad licitationem admitteretur, nisi alteram partem pretii in actu adjudicationis, alteram singulis annis, solutione tamen ultra sex aut octo annos non dilata, una cum intermedii temporis usuris, numeraret. Postea consultum ducit, ut illi, qui confestim unmos exsolvere paratus est, unum aut

Pag. 4. 5.

13. 14.

15.

16.

- duo, pro centenis, præmii loco cederent. Deinde reticeri jubet fundi vendendi pretium, remque emtorum potius relin-
- Pag. 17. quendam arbitrio esse, prudenter monet. Denique judici-
bus & officialibus, quos leges Romanæ plane arcebant a licita-
tionis jure, non aliter facultatem licitandi indulgendam esse,
suadet, nisi, dimisso loco, & sede judiciali, se coronæ extraneo-
rum jungant. Quæ, ut salutaria sunt, & in Reipublicæ insigne
commodum excogitata, consilia, ita maximam partem suffra-
gium tulerunt sapientissimi Principis nostri, gravissimæque hu-
jus lege inde ab aliquo tempore in usum publicum abierunt.
- 23 - 31. Singularem attentionem merentur ea, quæ de abusibus, qui
contra intentionem Serenissimi Legislatoris in judicio mercato-
rio Lipsiensi adhucdum vigent, non minus vere, quam cordate,
differit. Neque minori sollicitudine versatur in enarrando ar-
duo, quod Jurisconsulti in rebus criminalibus observare de-
bent, munere, & sapienti admodum consilio vovet, ut lectio
48. & relatio Actorum in causis sanguinis duobus e Collegio juri-
dico demandaretur, & singuli sententiam subscribere teneren-
tur. Præclare quoque abusus, qui in examinibus testium a judi-
cibus committuntur, reprehendit, & optimas saluberrimasque
contra judicem, qui vel jurisjurandi sui religionem negligunt,
vel sportulis amplificandis nimium student, improbas scelera-
tasque fraudes, cautiones suppeditat. In fine libri amplissimus
rerum & materiarum Index conspicitur.

*SELECTA JURIS ET HISTORIARUM,
rum anecdota, tum jam edita, sed rariora. Tomus
III. Accedit Præfamen, Bibliothecam Historicam Has-
siacam, & varias Observationes Juridico - Histori-
cas, exhibens, cum Indice; obstetricante HENRICO
CHRISTIANO SENCKENBERG, Jcto, et
Consiliario Rbingravico.*

Frankfurti ad Mœnum, sumptibus Jo. Frid. Fleischeri, 1735, 8.
Alph. 2 plag. 3½.

Cum voluptate legimus, lectosque commendavimus, priores
Tomos Selectorum, grate numeramus nunc & Tomum III,
varie-

varietate rerum utilissimum. Scriptus est Hassiæ, quæ per XVIII annos studiorum causa tenuit Editorem, multisque antiquis documentis liberaliter auctum dimisit. Genealogiam Hassiacam *Schminckius* molitur instructissimus; confidit tamen nosster, se allaturum Historiographis Hassiæ invisa, Ostensurus in Præfatione copiosa, quam non illotis manibus ad hanc Historiam accedat, primo contra *Winckelmannum* probat, *Rugrafios* non ex Hassia, sed e pago Wormacenſi, oriundos esse. Deinde solvit dubium, ex quo eruditissimi viri expedire se non potuerunt, cur *Joannes Landgravius* de Feudis Imperii solus fuerit investitus, excluso fratre prioris matrimonii, *Ottone*; quia nempe Feuda Hassiaca A. 1292 Imperio oblata, liberis secundi matrimonii acquisita censebantur; *Ottonique* neglecta investitura simultanea deinde impedimento erat ad successionem. Denique recenser, qui circa Hassiaca aliquid conati sunt, & quædam aliis indicta profert. Inde partes hujus Tomi hoc ordine sequuntur. I *Flores ad Historiam Germanicam & Gallicam sparsi in demonstratione originis Ludovici Barbat, Thur. Comitiss Carolingico-Francico-Staufenſi*. Hoc Opusculum omnino accuratissime confectum, quod tanquam primævum ingenii sui partum exosculatur Autor, IX Capitibus absolvitur. Priora VI agunt de *Ludovici* hujus origine, ab aliis aliunde & perperam deducta, nimirum de Lotharingica, Arelatenſi & Aurelianenſi, Wetteravica & Suevica. Capite VII & VIII non dilucide veram demonstrare originem conatur Autor diligentissimus, quod ne fieri quidem posse agnoscit, sed tamen id, quod magis verisimile, sequi conſtituit: nempe, *Ludovicum*, putat, ex Familia Suevica Staufenſi oriundum, referre genus ad *Conradum I* Regem, *Arnolſi* Imp. ex filia *Glismunt* nepotem. In quam rem schema Familiz Augustiz Francicæ, inde ab ultima ductum origine, diversis tabulis proponitur, sed emendatius atque auctius. Traduntur autem firmanturque testimoniis ea solum, quæ aut plane non, aut minus recte, ab aliis dicta. Unde etiam *ſtorum sparsorum* appellatio. Durius vero accipitur *Eccardus*, ſcilicet ut amicitiz cum *Sebannato* quadantenus fiat ſatis. Caput ultimum docet,

Præf. p. 9
ſeq.

ſa ſeq.

14.

Ludovicum Barbatum Conradi II beneficio Comitatum Hassie
 accepisse, quem *Conradus* ante regnum ipse ab Imperio tenuerat. *Moguntino* nullum in *Hassia* tunc nisi ex procuratione
Præf. p. 173 vicaria jus fuisse putaverat Autor; qua in re tamen se errasse
 postea profitetur. Neque sane mirum, labi subinde homines,
 etiam prudentes, in rebus tam vetustis, tantoque scriptorum si-
 lentio. Strenue luctatur Autor cum tenebris, quas discutere
 studet conjecturis probabilibus. Quoque magis suo hoc Opu-
 sculo Juri & Historiæ patriæ communi proficit, illustrationis
 causa varias immiscet Observationes plane novas, v. g. nullum
 168. civem Imperii imperialis feudi acquisitione clypeum hono-
 remque suum minuisse olim, quia non æquali se subjiceret.
 Lætatur hic CL Autor, sibi omnium primo occasionem afful-
 sisse, quo, Imperii beneficia, nunquam honori noxia judicata,
 demonstrare potuerit. II *Chronicon Genealogicum Nivellense*,
 & III *Petri de Thymo Historica Excerpta ex Chronico Bra-*
bant. Ediderat Jo. Jac. Chisletius A. 1659, 4, subnexa libro:
Le faux Hildebrand relegué aux fables. Repetere hic pla-
 cuit, tum quod Hassiæ Principum progenitores recensentur,
 tum quod liber est rarissimus. Adjiciuntur e Codice MSto va-
 riarum lectiones. IV *Franc. Guillimanni de vera origine &*
stemmae Conradi II Imp. Salici Syntagma. In cujus fine
Conradi Constitutio de Beneficiis, a Guillimanno ex MSto e-
 mendata, & notulis illustrata. Prodierat miræ raritatis, & ma-
 gnis etiam viris nomine solum notus, libellus A. 1609, 4, non
 Mediolani, (ut B. Gundlingio videbatur,) sed (ut titulus præ-
 fert) Friburgi Brisgojæ. Copiam ejus fecit Vir Cl. Jo. Dav.
 Kælerus. De vita Guillimanni, & scriptis ejus, quædam præfa-
 tur Cl. Senckenberg. V *Consuetudines & Observantia Juridica*
circa successionem & retractum in Hassia receptæ & autorita-
te publica collectæ Seculo XV finiente. Germanice. Descri-
 buntur illæ vicatim per præfecturas, & multa monent lecto-
 rem: 1) quid sinceri sit Juris Germanici; 2) quantopere
 variare soleant mores circa eandem rem in una provincia,
 imo brevi locorum intervallo; 3) quantæ sit molis, colligere,
 quod uspiam juris morisque est in Germania; 4) quam diffi-
 le

le dictu sit, aliquam esse consuetudinem generalem totius regionis, nedum universæ Germaniæ, &c. VI *Chronicon Germanicum, Thuringicum, & Hassiacum, ab A. 1479, cum Notis juridicis & historicis.* Autor Hersfeldia (ut videtur) oriundus, vixit medio Seculi XV. Multa quidem scribit vulgaria, sed non raro etiam, quæ ad locupletandam Hassiæ Thuringiæque historiam pertinent. Exemplum suum cum aliis contulit Editor, priora capita refecit, in notulisque dixit strictim, quæ ad rem faciebant, aliisque nondum dicta erant. VII *Tres Decades Diplomatum, Hassiam & vicinas terras spectantium, ex Seculo XIII. & seq. cum Notis juridico-historicis.* Notæ hic pro instituti ratione satis copiosæ, usum demonstrant Diplomatum in Jure Privato, Publico, & Feudali. E. g. de waranda, sive evictione Germanica, dicitur: *Immota nititur veritate, possessorem per annum & diem confirmatum fuisse in possessione zu besserem rechten, certo indicio, in petitorio melius jus docere licuisse, etiam anno & die elapsis.* Item A. 1323 Otto Landgravius Hassiæ Ecclesiam filiam cum consensu Parochi a matrice separat ex jure sui Patronatus. Quem actum CL. Editor non vult cum aliis ad exercitium juris territorialis faceri ante Reformationem referre, putatque, Diocesani præcessisse consensum.

Pag. 407 &
418.

545.

Conf. Præf.
p. 50.

559 seq.

Apparet, quanto studio publicam rem agat doctissimus *Senckenberg*, & quanta spes sit bonarum rerum, cum nunc otio fruatur Academico. Habebimus brevi *Tomum IV Seletorum.* Expectamus etiam avidissime, quam promittit, *Tbe- midem Germanicam*, ubi jura patriæ universa, eorum fata, aliaque, tractabuntur, ubi & ordinationes, statuta, legesque provinciales, proponuntur. Promittit idem *Tractatum de Condominio* aliumque *de Sagittariis mediæ ævi*, spondetque id agere se, acturumque in posterum, non ut farraginem scribat rerum notissimarum, sed ut dicat proferatque incognita.

Præf. p. 86.

360. 525.

345.

ISTORIA DELLE PIANTE, &c.

h. e.

HISTORIA PLANTARUM, IN LITTORIBUS Venetis nascentium, Opus posthumum JO. HIE-

HIERON. ZANNICHELLI, auctum a JO.
JACOBO, Filio, Instituti Academici Scien-
tiarum Bonontensis Sodali.

Venetis, sumtibus Editoris, apud Antonium Bartoli, 1735, fol.
Alph. 1 plag. 14, cum Fig. zn. 311.

Adriatici maris littora, uberrimo plantarum proventu luxuriantia, ignotam hanc exteris habitura erant gloriam, nisi animum ad condendam rei herbariæ patriæ historiam appulisset Pater, sumtuum laborumque prodigus fuisset Filius. Dispartiantur uterque inter se partæ hinc famæ gloriam. Cum titulum legeremus, illas saltem plantas habituros sperabamus, quæ maritimæ, aut littorales, audiunt, quarum scilicet nascendi conditio est, ut nisi in sabulosis locis, quos undæ maris alluerent, crescere nolint, prout sunt quidam ex *Tithymalis*, *Asteribus*, *Halymi*, *Cristhma*, *Kali*, *Gnaphalium*, quod unicum est *Tournefortii*, viginti a littore passibus vix crescens, aliaque. Habent ejusmodi plantæ non levem, crassitie aut colore foliorum & sapore ad muriaticum accedente, diversitatem. Verum omnem spem longe exsuperavit eventus, cum splendidissimo Opere non littoris tantum, sed & omnium circa Venetias locorum, plantæ, littorales, palustres, montanæ, arenariæ, saxatiles, aliæque, contineantur. Alphabetico equidem ordine seriem recensendorum pertractat; verum nihil impedit, quo minus methodici titulos sibi vindicare possit, ex quo in Præfatione professus est, se magni Viri, *Tournefortii*, rationem plantas in genera classesque dispescendi secuturum. Agnoscit characterum dignitatem, qui ex flore fructuque desumantur, & quamvis cum Principe suo, quem sequitur, non omnino convenire videatur, quod embryonem vocaverit fructus intra florem primordia, quem ovarium potius appellant alii, quo ova, embryones suos concludentia, id est, semina, continentur; maluit tamen regiam sequi viam, quam a tramite deflectere, ne videretur nimis audacter contradixisse. Florem quoad partes essentielles, sine quibus fructificationis negotium peragi nequit, descri-

scribens, presse secutus analogiam quampiam generationis organorum, id, quod pisillum audit aliis, embryones vocat, tubis suis conclusos, stamina vero ab activa magis eorundem parte, apicibus puta, definit, quorum potissimum, si Ccl. *Vaillantium* audiamus, officium est, prolificum semen in uteros, quos circumstant stamina, mittendi. Singularis omnino res visa fuit considerantibus, stamina florum *Opuntiz*, *Helianthemorum*, *Parietariz*, aliorumque, leviter tacta elasticum exercere motum, & farinam suam quaquaversum spargere, quem motum plasticum esse, difficulter omnino negabitur. Quæ floris centrum ambiunt petala, accidentales Auctori dicuntur ejus partes, quandoquidem integro fructificationis negotio defluere eadem possint, habeanturque apetali flores, nudo pistillo vel stamine, quo, ad essentiam floris non pertinere ejus foliola, doceatur. De Calyce cum *Tournefortio* proferus sentit, quem hinc inde pro caractere assumens, flores alios apetalos, alios petalodes, alios simplices, alios compositos, appellans, uniuscujusque plantæ historiam eleganter omnino condit. Perplacet, eundem in verba magistri non omnino jurasse, ut, meliorem *Vaillantii* & *Pontederæ* sententiam hinc inde adoptasse, ipsum puduerit, qui duo rei herbariæ lumina *Tournefortii* methodum correctam, & plurimis accessionibus perpolitam, effecerunt. Terminos regularitatis & irregularitatis, quo formæ florum rite definirentur, admisit, quod, quamvis a *Tournefortio* omissum videatur, nihil tamen impedit, quo minus τὸ ὅμαλον & ἀνόμαλον prædari istius Auctoris æquivalere prædictas notiones possit, sicut perinde esset, si quis cum aliis uniformitatis & difformitatis vocabulis, prout in *Rajana* & *Dilleniana* methodo, delectaretur. Facile apparet legentibus, in Auctorum, qui pro principibus rei herbariæ suo quisque tempore exsisterant, evolutione solertem fuisse Cl. Autorem, quandoquidem id, quod cuique opinioni præstantissimum inest, in suos usus convertere tentavit. Inde terminos quosdam genericos, latissimum significandi valorem habentes, suæ methodo inseruit, leguminosas plantas ex antiquitate scivit sub eadem classe collocandas esse, prout easdem jam suo tempore *Hippocrates* ef-

L

fectus

fectus etiam nomine cognatas judicavit, πάντα τὰ ὀσπρέα
 Φυσώδεα, omnia leguminosa flatulenta esse, sibi persuadens.
 Umbelliferas ex *Morifono* habet: Verticillatas *Casalpino*,
 primisque methodi conditoribus, debet. Passim in singu-
 larum plantarum declaratione, quarum nomina ex ipsis fon-
 tibus depromuntur, plurima affert curiosa, ad subtiliorem
 florum anatomen pertinentia. Exemplo esse potest flosculo-
 rum & semiflosculorum in floribus compositis uberior decla-
 ratio, quos diverso a recepta hactenus consuetudine modo de-
 finit, semiflosculos appellando, non eo, quod deficient in altero
 sui hemisphaerio, sed quod staminibus, vaginula sua inclusis, de-
 stituantur, adeoque steriles sint, prout in quibusdam radiatis.
 Flosculi autem perfecti eidem sunt, qui hac plastica parte, api-
 cibus scilicet staminum, gaudent. Quicquid de eorundem vel
 perfecta vel imperfecta rotunditate statui possit. Non negan-
 dum, hac flosculorum definitione quasdam evitari posse anoma-
 lia, quas habemus in Hieracijs, Sonchis, aliisque, ubi flosculi se-
 misflosculis mixti deprehenduntur; cessaret dubium, quod est,
 aliam petasitidem flore albo radiatam esse, aliam non radiato
 flore donari, quandoquidem steriles in radio albæ flosculi pro
 flosculis non habentur. Vaginulam hancce, qua flosculorum in
 compositis apices includuntur, adeo inseparabile flosculosorum
 florum signum occasione *Dipsaci* declarat, ut exinde cum
Vaillantio arbitretur, eandem ab hoc genere ob hanc solam
 causam eximendam esse, utpote qui *Echinopum*, eo, quod Vagi-
 nulis hisce gaudet, utut ceteroquin perianthio communi desti-
 tuatur, flosculosis accenset. Addi posset alia ratio, flosculi sci-
 licet in *Dipsaco* ad sensum barbati, prout Verticillata-
 rum flores esse solent, fructificatione a flosculosorum semine
 magnopere diversa, utpote quæ semina quatuor nuda ad
 normam Verticillatarum ferat. Studiosissimus sane est
 passim Doctissimus Autor variarum sententiarum inter se
 conferendarum aut conciliandarum, prout fecit occasione Bor-
 raginis, quam hexapetalon fecerat *Tournefortius*, apetalon
Vaillantius & *Celeb. Michelli*, quorum omnium tamen in-
 ter se adeo magna discrepantia non est, dummodo *Tourne-*
for-

fortius calycem pro petalis numerasse reputetur. Neque vero speculationi tantum, sed & usui, fludet, siquidem de efficacia uniuscujusque plantæ differens, ex principiis chymicis decidit ad mentem Præceptoris sui, qui in Schola Botanica de acido oleisque plantarum judicandi artificium nos docuit. Enixe gaudemus, industrium & felicem Editorem sic patrißare, ut, quos ille imperfectos reliquerat labores, suo tempore prodituros spondeat. Expectamus productiones subaqueas plantasque marinas, in Præfatione promissas, quas si quantocyus produxerit in conspectum nostrum, in rei herbariæ insigni incrementum, & Zannichelliani nominis gloriam, id celsurum, persuasum nobis certissime habemus.

Schauplay der Mühlen-Bau-Kunst, &c.

h. e.

**THEATRUM MACHINARUM MOLAR-
ium, a JO. MATTHIA BEYERO & consor-
tibus ita elaboratum & collectum, ut pro Parte nona
Theatri LEUPOLDIANI haberi
possit.**

Lipsiæ, apud Wolffgang. Deer, 1735, fol.

Alph. 4 plag. 12, cum Tabb. æn. 43.

Opus molendinarium, a B. *Leupoldo* cogitatum, & ab alio Autore, morte prævento, affectum, ita tandem perfecit *Jo. Matthias Beyerus*, Vir harum rerum plane peritus, ut non immerito pro aliqua parte ipsius Theatri *Leupoldiani*, cujus iterum & sæpius a nobis facta mentio est, haberi posse videatur. Methodum enim *Leupoldi* sequens *Beyerus*, omne genus molendinorum, & quæ ad illa pertinent, diligenter describit, multisque accuratis schematicis illustrat. Agit de declivitate fluminum & rivorum, de fossis molendariis, de libelatione, de quantitate aquæ, quam fluvius dato tempore fundit, de fundamentis molarum aquarum, de aggeribus, de rotis directis & retrogradis, earumque constructione & pro-

L 2

por-

portione, de molis alatis, jumentariis, manuariis, frumentariis, ferrariis, acuminariis, oleariis, multisque aliis: quibus postremo etiam de horologiis oscillatoriis nonnulla addit. Et, quoniam complura de his rebus a *B. Leupoldo* in Theatro machinarum generali jam sunt exposita, ea non repetenda, sed alleganda, in præsentis Opere, Autor existimavit. Adjuncta est, tanquam altera libri Pars, ab Anonymo Jurium perito ampla & luculenta tractatio, de jure molendinorum: ubi & pleraque Edicta atque Ordinationes Principum ac Statuum S. Rom. Imperii, aliarumque provinciarum, quæ ad res molendarias spectant, & integra Dissertatio Celeberrimi Jcti, *B. Jacobi Bornii*, de eo, quod justum est circa molendina, ex Latino sermone in vernaculum conversa, atque Annotationibus illustrata, exhibentur.

LETTRES D' UN OFFICIER INGENIEUR &c.

h. e.

ARCHITECTI CUFUSDAM MILITARIS

*Epistolæ duæ, de rebus nonnullis, ad artem muniendi
& Geometriam practicam spectantibus.*

Berolini, apud Naudeum & Viduam, 1734. 4.

Plag. II, cum Tabb. æn. 2.

In una harum Epistolarum id agit Autor Nobiliss. *Humbertus*, Centurio & Architectus militaris Potentissimi Regis Borussiae, ut partim methodum muniendi *Rimplerianam*, a nemine adhuc recte perceptam, luculenter exponat, partim vero ostendat, scriptores Gallos, & imprimis *Vaubanum*, pleraque sua ex Germanorum fontibus hausisse. *Rimpleri* vitam, opera, adversarios, & defensores, recentet. Nobilissimum *Herlinum*, a quo ante aliquod annos *Rimpleri* scripta edita sunt, collaudat: de cetero neque ipsum, neque *Suttingerum*, *Sturmium*, *Landsbergium*, novam *Rimpleri* methodum, quam is studiose celavit, vere comprehendisse arbitratur. At sibi denique, declarat, tam felici esse licuisse, ut
sche-

schema detegeret, vivente adhuc *Rimplero*, a quodam ejus discipulo, haud dubie ad mentem præceptoris, delineatum. Id ipsum igitur schema hic exhibet, simulque varia *Rimpleri* principia illustrat, eos false ridens, qui de re incognita & perperam ficta, tanto huc usque conatu, in utramque partem disputarunt. In altera Epistola methodum præponit, aream quamcunque in campo datam, ope pyxidis magneticæ, facilissimo negotio in charta describendi. Hujus methodi autorem laudat *Grunebergium*, ostenditque, *Philippum Naudæum*, seniore, de ea aliquid in *Miscellaneorum Berolin.* Continuatione II tradidisse, sed nomine inventoris penitus suppresso. Addit, eundem *Naudæum* etiam aliam exhibuisse methodum, ingeniosam illam quidem, sed minus expeditam: quam ipsam quoque, post priorem demonstratam, ex scheda Autoris manu exarata sistit.

THE MOTION OF FLUIDS &c.

id est,

MOTUS FLUIDORUM NATURALIS ET
artificialis, inprimis aeris & aquæ, familiari & per-
spicua methodo explicatus, multisque accuratis experi-
mentis & schematistimis illustratus, Autore
CLARIO, A. M.

Londini, apud Eduardum Simonem, 1735, 8 maj.
Alph. 1, cum Tabb. æn. 9.

Non pauca hoc libro continentur, scitu omnino digna & præclara. In quibus pertractandis ita versatur doctissimus Autor, ut non facile a scriptis magni *Newtoni*, aliorumque suorum civium, discedat. Cum a motu fluidorum, inprimis aeris & aquæ, infiniti naturæ & artis effectus dependeant, facile judicari potest, quam amplum sit libri præsentis argumentum. Methodus ita facilis, simplex, & perspicua est, ut pæraque etiam ab indoctis capi posse videantur. Sermone Autor maxime familiari utitur, &, quæ non penitus evitare po-

tuit vocabula scientiarum & artium, sub finem explicat. Nec schematicini omissi sunt, ad illustrandas varias machinas & naturales experientias accommodati. De cetero, ut ex ipsa inscriptione patet, duas potissimum Partes liber comprehendit, *Hydrostaticam* & *Pneumaticam*. In priori Parte agitur de natura, motu, gravitate, attractione, cohesione, & resistentia talium fluidorum, quale est aqua; de principiis & paradoxis hydrostaticis; de variis siphonum & antliarum generibus; de acceleratione gravium delabentium, de motu projectorum parabolico, de jactu aquarum salientium, denique de specifica corporum gravitate, tam fluidorum, quam solidorum, ope hydrometri & libellæ hydrostaticæ exploranda. Alterius Partis hæc sunt præcipua capita: de proprietatibus aeris; de barometro; de antlia pneumatica; de effectibus, qui a pressione aeris dependent; de arte urinatorum; de motu muscutorum; de corde & sanguinis circulo; de animalium digestionem, nutritionem, sanguificationem, respirationem, & suctionem; de vi aeris elastica; de methodo scarificandi; de adscensu succi in plantis; de thermometro; de hygrometro; de ortu & progressu ventorum; de causa naturali fulminum, tonitruum, & meteororum; de adscensu vaporum in aere, & quo illi pacto in nubes coeant, & in pluvias resolvantur; de origine fontium; de grandine, nive, & congelatione; de sonis; de tuba stentorea & acustica; de formatione echus; ac postremo loco de æstu maris. Cum in his explicandis rebus nihil dicat Autor novum sibi quæ proprium, sed illud saltem laboret, ut, quæ ab aliis præclare dicta atque inventa sunt, in clariori lumine collocet, perspicuoque sermone proponat; non esse hujus loci atque instituti nostri arbitramur, ut plura afferamus. Commendandus tamen liber utique videtur.

JO. CHRISTIANI STOCKII, PHIL. ET
Med. D. P. P. & Acad. Cæs. Nat. Curios. Collegæ, Ex-
ercitationes Physicæ, distributæ in capita, quibus Phi-
losophiæ naturalis principia concisè pertra-
ctantur.

Jenæ,

Jenæ, sumtibus Christ. Henr. Cuno, 1735. 4.

Plag. 20 $\frac{1}{4}$.

Nobilissimus Autor has Exercitationes, de quibus in Academia Jenensi publice disputavit, nunc forma jussu Tractatus physici, in capita distributi, edidit. Schematibus & demonstrationibus mathematicis non utitur: ceterum pleraque succinctis thesibus exponit, atque etiam passim experimentis illustrat, Autores clarissimos secutus, imprimis socerum suum, *Teichmeyerum*, *Hambergerum*, *Wiedeburgium*, *Wolffium*, *Muschenbrackium*. Sed & propria placita interdum addit, neque *iis*, qui jam nomen aliquod inter perspicacissimos (ipsa ejus verba sunt, & experientissimos Physicos affectant, imo, si fieri potuisset, in primis cunabulis affectassent, hæc se scripsisse profiteatur, sed ut suum pariter & auditoris ingenium exerceret. Corpus id esse definit, quod partes, quarum una extra alteram existit, certo modo invicem unitas habet, & vi agendi instructum est. In legibus adhesionis explicandis a Cl. *Hambergero* non discedit, putatque, fluida adhærere tum solidis tum ipsis etiam aliis fluidis, specie gravioribus, vel saltem pari gravitate præditis, non vero minus gravibus; vim scilicet adhesionis, ut videtur, inter corpora cohærentia haudquaquam reciprocam esse, statuens; quippe cum alias, si minus gravia gravioribus adhærescant, etiam hæc illis adhærere, fatendum foret. Negat, sibi adhuc persuaderi potuisse, omnem corporum soliditatem ab elemento terræ dependere: nam & aquam solidescere. In theoria æflus marini Cl. *Backstromium* sequitur. Strias lucidas, sive virgas solares, tum apparere docet, cum series vaporum, versus nubes, in pluvias jamjam abituras, recta adscendentium, a sole illuminatur. Meteora lucida, ipsaque lumina borealia, a vaporibus, materiam phosphorescentem constituentibus, & in aere passim condensatis, deducit. Ad fulgura, & tonitrua formanda, vapores calidos, salino-sulphureos, turmatim adscendere narrat, versus nubem densiorem & frigidiorum, sub qua (nescimus, an semper necessarium illud frigus suum servante,) congregari eos, atque sensim adeo incallescere,

descendere, necesse esse, ut etiam incendantur. Parhelia & paraselenæ, juxta ejus sententiam, existunt, cum vapores, in superiore aere hærentes, non sunt æquabiliter explicati, sed pluribus locis, ubi solem vel lunam respiciunt, plaga diversa (ut fit in polyoptris) constituunt. Faculas solares nihil aliud esse vult, quam ipsas maculas, seu nubes solis, a quibus radii per refractionem condensantur. De cometis, ex Astronomorum celeberrimorum observationibus, præter cetera, hæc notat: lunam plenam, ubi cometæ directe opponitur, obscurari: & cometas, post longum temporis intervallum redeunt, eandem servare viam, in qua priscis temporibus sunt observati. Quod ita interpretandum est, cometas nonnullos, recentius visos, eandem viam satis accurate tenere, quam alii olim tenuisse leguntur. Ex quo non sine ratione colligi solet, antiquiores illos rediisse, &, quando iterum redire debeant, subductis rite calculis, prædici posse: tametsi istos calculos necdum ulla observatio atque experientia comprobavit: sed comprobabit fortasse in posterum. Et hæc ad præsens sufficere non dubitamus.

C. PLINII CÆCILII SECUNDI PANEGYRICUS, tum aliunde, tum ex Observationibus V. C. CHRISTIANI GOTTLIEB SCHWARZII, emendatus a JO. MATTHIA GESNERO.

Gottingæ, apud Abrah. Vandenhœck, Typographum
Academiæ, 1735, 8.

Plag. 7.

Postquam Celeberrimus *Gesnerus* ad Eloquentiam & Poeticen in Academia Gottingensi nova publice docendam Lipsia evocatus est, nihil prius & antiquius sibi existimavit esse, quam ut sibi delatam spartam pro virili parte ornaret. Cujus rei cura multa jam atque erudita exstent documenta, tum hic ipse Panegyricus, a *Plinio* quondam *Trajano* dictus, a *Cel. Gesnero* autem non paucis in locis emendatus, specimen præbet

bet clarissimum. Nam, cum consilium cepisset, studiosis ejus facundia, cui in aulis & inter homines politiores hodie etiam locus relictus videtur, faciem præferendi, nullum censuit librum *Plinii* Panegyrico huic instituto accommodatiorem. Ac, ne quis difficultate libelli ipsius nanciscendi a fructu recitationum excluderetur, recudendum eum ea, qua nunc comparet, ratione curavit. Qua in re hoc sibi sumsit, ut eas reciperet legendi rationes, quæ ipsi maxime probarentur, & quas ad *Plinii* sententiam accommodatissimas, & rebus ipsis, de quibus agitur, maxime convenientes, judicaret. Hinc factum est, ut plerisque in locis, ubi variatur, assumeret, quæ *Celeb. Schwarzii* in Dissertationibus quatuor, ad Panegyricum *Plinii* editis, vel primum protulisset, vel argumentis probasset. Ne vero nihil de suo attulisse videretur *Cel. Editor*, in nonnullis, licet paucioribus, locis separatim sentire ausus est. Nos eos primum indicabimus locos, in quibus *Cel. Schwarzii* lectionem approbavit: deinde ad eos etiam deveniemus, quibus ipse *Cel. Gesnerus* medicam manum admovit. Sic Cap. XI, 1, cum *Cel. Schwarzio* legit, *ut majestatis crimen induceret*, rejecto vulgari *numen*. Cap. XI, 4, recepit supplementum, ex copiis *Schwarzii* suppeditatum: *quoniam imperabat is, cujus pulsi fugatique &c.* cum antea, omiſſis illis, *quoniam imperabat is*, legebatur *cuſus pulsi fugatique*, scilicet *imperii*. Et sane dubium nobis omnino videtur, utra sit lectio præferenda. Nam primo codex, ex quo supplementum hoc haustum est, hoc in loco mancus reperitur. Deinde recte *Cel. Gesnero* durum non est visum, omiſſis vocibus, *quoniam imperabat is*, dicere, *pulsi fugatique imperii Romani indicium fuisse*, Romæ si triumpharetur. Nam, licet testimonia, quibus probatur, *imperium* quoque sonare *exercitum*, nulla sint adjecta in Annotatione, nec ejus rei vestigia in *Fabri Thesauſo* reperiuntur, tamen non adeo rara hæc nobis notio verbi *imperium* videtur, quin hinc inde ea observetur. Quid enim *Nepoti* Timol. II, 3, *imperium dimittere* aliud notat, nisi *exercitum dimittere*? Eodem sensu vox *imperium* accipi posse videtur apud *Justinum* II, 3, 1,

M

Livium

Livium IX, 17, &c. Et quis ignorat, solennem illam Romanorum formulam, *cum imperio esse*, seu *mitti*, idem significare, quod *cum exercitu esse*, seu *mitti* in provinciam. Vid. *Cicero Fam.* VIII, 8, 21. Itaque tantum abest, ut incongruens loquendi formula nec satis Latina, ut Cel. *Schwarzio* videtur, dici debeat *imperium pelli fugarique*, ut in hoc ipso *Plinii* loco tanto studiosius retinenda, quo minus fidendum videtur codici mutilo ac manco. Cap. XIV, 1, pro *Partiborum*, eodem duce, substituit *Gesnerus Barbarorum*, & Germanos intelligit. Cap. XXXIII, 3, pro vulgato *spectator spectaculum*, jam est, *e spectatore spectaculum*, & Cap. XXXV, 3, pro *spectent*, *expectent*. Approbat quoque lectionem *Schwarzianam* Cap. XLIX, 6, *plenus ipse & ructans*, quæ antea esset, *plenus ipse eructans*, nec non Cap. L, 4, *quod aliquando caperint esse domini scientis*; LIII, 1, *& alioqui nihil non parum grate sine comparatione laudatur*; LIII, 5, *Quare ego, Trajane Caesar, muneribus omnibus tuis comparo, quod licet &c.* LIX, 6, *cum Principem quam simillimum esse privato, Consulem quam dissimillimum esse deceat*; LXI, 6, *& collegam te non uni daret*. Atque in his quidem & aliis Cel. *Gesnerus* in hac *Panegyrici Pliniani* editione secutus est cogitata *Doctiss. Schwarzii*; nihilo tamen secius in non paucis etiam discessionem fecit, suo fretus ingenio. Sic Cap. V, 9, vulgatum, *ex adversis secunda nascantur*, retinet, & illum pro *nascantur* legentem *noscantur* relinquit. Cap. XXIV, 2, pro vulgari, *eademque omnia &c.* exhibuit, *eadem, quæ*, scilicet *fortuna*; Cap. XXXI, 1, *tuam vigilantiam spectari velisse*, pro *expectare*. Cap. XXVI, 4, conjectura *Lipsii* retinetur, *tribunal excogitatum principatui*, pro *cruciatu*. Cap. LI, 1, in verbis, *satis est tibi nimiumque, cum successeris frugalissimo principi, magis rejicere aliquid & amputare &c.* Vir doctissimus in locum *magis* surrogavit *maius*. Forsitan *Pliniano* ingenio legi convenientius posset *majus*, ut ex antecedenti repetatur, *est tibi*. Cap. LII, 2, eleganti conjectura, pro vulgato, *adeptus*, repositum est, *adpetas*, quamvis spernenda non videatur emendatio *Lipsii*, *adoptes* legentis. Cap. LIV,

LIV, 5, lectio est vulgaris, *tua moderationis hac laus, constantia nostra, & tibi obsequimur*, quæ sic exprimenda curavit Gesnerus: *tua moderationis hac laus, an constantia nostra: tibi obsequimur*. Jam Lipsius legendum censuit, *non constantia nostra*. Sed forsitan vulgaris scriptura tolerari posset, si verba ita collocarentur: *tua moderationis laus hac constantia nostra*. Nam ita sententia & plana est, & Autoris opinioni satis accommodata. Cap. LXIV, 3, pro *stanti* præbuit *jusjurandum*, eleganter restitutum est, *præiit*. Cap. LXX, 5, Editor Doctiss. verba, *vides enim*, ideo uncis coercuit, quod ea existimet nata ex *videlicet*, glossæ instar apposito. Cap. LXX, 9, recepit Lipsii conjecturam, *Bene suffragiis consularium virorum urbes . . . inferuntur*. Vulgati referunt, *ne suffragiis . . . inferantur*. Si conjecturæ locus esset dandus, legeremus, *ne . . . inferantur*, sublata tamen interpunctione; nam illud vulgatum *ne*, ortum videtur ex *neu*, quod librarius ideo huc traxit, quia antecedit ellipsis particule *ut*. Cap. LXXI, 7, dedit Gesnerus, *qui ornari quam se, non illos magis, quos laudabas, latabatur*, pro vulgari, *ornari que se, &c.* Quemadmodum Cel. Schwarzio consentit in pronomine *qui* recipiendo, sic addidit de suo, *quam*, qua particula oratio ægre ipsi carere posse videbatur, id quod tamen Cel. Schwarzio relinquimus considerandum. Cap. LXXI, 8, *nam si profuerint*, legendum præcipit Cl. Editor pro *præsuerint*, & Cap. LXXIII, 2, legi optat, *instinctu quodam & impetu*, non *imperio*. De cetero Panegyricus hic Plinii non solum eleganter, & satis curate, exscriptus, verum etiam Indice copiosissimo instructus est.

ELOGIUM GOTTLÖB FRIDERICI
JENICHII, Philosophi Lipsiensis.

Et nobis in more id semper fuit, & poscit id pietas nostra, ut, quos laborum nostrorum aliquando socios habuimus, quos & ingenii & doctrinæ laude florentissimos cognovimus, his mortuis publicum aliquod in Annalibus nostris monumen-

tum erigamus, memoriamque eorum feris posteris commendemus. Quod genus officiorum, si cui unquam & cum dolore insigni, & lubentes, præstitimus, jam certe præstamus piis manibus præclarissimi & de patriis musis meritißimi civis nostri, *Gottlob Friderici Jenichii*, S. S. Theologiæ Licentiatæ, & in Lipsiensi Academia publicæ doctrinæ moralis ac civilis Professoris. Patriam is Entericum, vicinum Lipsiæ pagum, natalem anni 1680 diem 26 Martii, patrem *Georgium*, in Eutericiensi pago Sacerdotem, isto munere continuo trium & quinquaginta annorum spatio cum laude perfunctum, matrem denique *Susannam Elisabetham, Friderici Baldurni*, Medici Pirnenfis, filiam, & cognominis Theologi, quem Vitemberga olim in clarissimis doctoribus suis numeravit, neptem, habuit. Privata primum *Cellarii, Lascberi, & Mayeri*, institutione usus, firmioribus annis scholam Electoralem Portensem, postea & Altenburgensem, adiit, & in hac tantos, duobus *Frisio & Grossero*, intra triennium in literis progressus fecit, ut, annos vix duodeviginti natus, A. 1696 Lipsiensem Academiam salutare novus hospes potuerit. Rectam hic studiorum suorum rationem initurus, totum se dedit nobilissimis Philosophiæ studiis, hujusque præcepta ex ore *Val. Alberti, Jo. Schmidii, Adami Rechenbergii, Ottonis Menckenii, Jo. Cypriani*, & quem præ ceteris secutus est, *Jo. Gottlieb Hardtii*, singulorum immortalis famæ virorum, hausit. Quorum scholis nondum egressus, jam A. 1697 doctam *περί τῆ ἀφροσύνης*, five *de eo, quod placet*, Dissertationem, moderantæ consilium *Jo. Burchardi Menckenio*, nemini, qui novit *Acta* nostra, ignoto nomine, propugnare publice, dignus inde ab ordine Philosophorum judicatus, quem eodem anno primis Baccalaurei, & A. 1699 supremis Magistri, honoribus ornaret. Cum Philosophia conjunxit sublimiorem rerum sacrarum cognitionem, quam, præeuntibus *Güntheris, Schmidii, Carpovitiis, Seligmannis, Ittigis, Rechenbergii, Pippingis, Olcariis*, insignem sibi & prorsus summam acquisivit. Jam doctrinæ, ab aliis acceptæ, specimina publica, eademque omnibus se probatura, editurus, non solum ex superiori

periori Philosophorum cathedra Dissertationes duas, alteram
de Genesimantia A. 1699, alteram *de Cultu beoinarum sago*
vel toga illustrium A. 1700, sed ex ipso etiam Theologorum
 pulpito A. 1699 & 1700, Præside Jo. Oleario, ex hujus *Synop-*
si errorum Fanaticorum Dissertationes quatuor, & A. 1700
Collegii Anti-Culviniani, a Jo. Ad. Scherzero editi, *Disputa-*
tiones duas, certamini Præsidium indulgente Jo. Schmidtio, de-
 fendit. Cumque in hac ipsa Academia firmam fortunarum
 suarum, si ita videretur Superis, sedem figere, ipsi esset con-
 stitutum, ad locum in Philosophorum ordine obtinendum ma-
 ture sibi viam stravit Dissertationibus binis, *de Deo, in sensuum*
externorum aconomiis palpabili, utraque A. 1703 edita, & ad-
 versariorum telis exposita. Nec inter publica hæc ingenii stu-
 diique sui documenta privatam *Jenichius* desiderari industri-
 am suam passus est; quandoquidem *Concionatorio*, *Philobibli-*
co, & *Antologico*, quæ vocantur, Collegiis, nunc etiam florenti-
 ssimis, complures annos sedulo interfuit, & in his doctrinæ
 suæ aut explicandæ, aut confirmandæ, occasionem nactus est
 perquam commodam. Inprimis vero, ne quid deesset futuro
 Philosophiæ Professori, frequenti exercitatione ipsi, si qua est,
 docendi arti assuevit, & privatis prælectionibus Philosophiam
 aut universam, aut singulas ejus partes, illustravit. Satis præ-
 clara hæc in Academiam & juventutem merita *Jenichii*; sed quæ
 communia ei cum multis aliis fuere. Quæ jam dicemus, fere
 singularia sunt Nostro, certe paucis æque propria. Illud agens
 inprimis, ut portam eruditionis copiam quotidianis accessioni-
 bus locupletaret, & modis omnibus perpoliret, non melius
 prospici posse musis suis existimavit, quam si, illustri clarissi-
 morum virorum exemplo, terras peregrinas, literarum flore
 cultissimas, peragraret, & quicquid hic notatu dignum ob-
 servaret, studiose in rem suam converteret. Nactus igitur iti-
 neris socium *Christianum Mich. Bohnium*, illius *Bohnii*, quem
 sua ætate Medicorum Lipsiensium principem fuisse constat, en-
 jus & educandis liberis præfectus olim Noster, felicissimum se
 judicavit, filium, Jurium Doctorem, & in urbe patria postea
 Senatorem, nobilissimas primum Germaniæ civitates solavit,

tum in Belgium, & inde in Angliam, divertit, curiosos, ubicunque locorum esset, oculos circumferens, nec ullam facile aut viros clarissimos adeundi, aut res quasque singulares & notatu dignas inspectandi, occasionem prætermittens. Si quos igitur ætas nostra magnos in literis heroes tulit, his fere omnibus notus ac familiaris fuit, horumque docta consuetudine, quantum potuit, usus est in rem suam. Antverpiæ inprimis a *Papebrochio* & *Janningio* humanissime se exceptum, & in arcanam Ordinis Jesu Bibliothecam aliquoties admittum, cum voluptate recordatus est. Præterea Londini & Hagæ Comitum inter hos, qui Lutheri doctrinis sunt imbuti, vice plus una Oratoris sacri munus sustinuit, & in Belgio cum ipsis Menontanarum, Quackerorum, & Beckerianorum, antesignanis congressus, horum mores & vitæ rationem curioso oculo inspicxit. Sub finem anni 1706 ex itinere redux inter ordinis Philosophorum Assessores statim locum obtinuit, & in pristinos mularum amplexus rediturus, non solum scholas philosophicas instauravit, sed scriptis etiam limatissimis plausum ferre orbis eruditi cœpit. Edidit enim A. 1707, forma 8, *Historiam Spinozismi Leenhofiani, publica auctoritate damnati, ex authenticis documentis collectam*, gratum omnibus librum, cui materiam & instrumenta in Belgio paraverat; anno vero subsequenti *Propylaum sapientis & felicitatis Principis Friderico Augusto*, tunc Saxoniz Principi heredi, nunc Poloniarum Regi, patris nostræ tutelari Deo, esse sacrum iussit, & A. 1710 *Opus Philosophicorum Joannis Clerici*, nuper in extrema senectute beate defuncti, editionem novam curavit, erudita de vita & scriptis Clerici Præfatione ornatam; ejusdemque Polyhistoris *Artem criticam*, typis Lipsiensibus A. 1713 repetitam, elegantem de fatis artis criticæ Præfatione instruxit. Fuit etiam, quod grati testamur, meritisissimus de *Artibus* nostris, & ad horum tuendum amplificandumque honorem cum ceteris eruditi laboris sociis annos complures amicissime conspiravit. Tacemina, quibus, ne gratia suorum civium excideret, effecit. Quæ dum memoramus, docendi sunt Lectores, a *Jenickio* A. 1712, ipso

ipſo Paſchatis die, in templo Academico, quod a D. *Paulo* nomen habet, primum ſermonem vespertinum recitatum. Neque vero fieri aliter hinc potuit, quam ut induſtriam tam nobilem & ſingularem pulchra & condigna præmia conſequerentur. Exſtingto A. 1710 *Godofredo Nic. Ittigio*, Jurium Profefſore, ia minori, quod vocant, Principum Collegio, ipſa ferente ita ſorte, locum occupavit; nec ita multo poſt, anno nempe 1712, *Jo. Chriſtiano Schellio*, Viro doctiſſimo, &, ſi vixiſſet diutius, illuſtre procul dubio inter eruditos ævi hujus nomen conſecuturo, in munus docendæ doctrinæ moralis & civilis publicum ſueceſſit. Cujus, more majorum, aſpicium facturus, ſolennem de *honeſtatis, juſtitia, & utilitatis, federe arctiſſimo, velut genuino vera & unica virtutis indicio*, Orationem recitavit, eidemque eleganti de veterum Philoſophorum placito decantatiſſimo: *Virtutem quædam eſſentiam & in ſe ſpectatam non niſi unam eſſe*, Programmata præluſit. Ab eo tempore totus fuit in ornanda publici doctoris provincia, nec docendo tantum, quæ ſunt præcipuæ Profefſoris partes, ſed ſcribendo etiam, commoda promovere juvenutis Academicæ ipſarumque literarum ſtudiis. Prodiere ab eo tempore compoſitiſſimæ ejus de *Fundamentis officiiorum erga patriam, de ſtatu ſubditum naturali in reliquiis ſui ſpectato, de eo, quod juſtum ac decorum eſt circa jocos & ſacetiæ, & de Lapide Jacobi uncto ad Genſ. XXVIII, 18*, Diſſertationes, quibus cum maxime adjungi meretur eruditum illud Hiſtoriæ Eccleſiaſticæ recentioris ſpecimen, tum, cum ſolennes Licentiati Theologiæ honores capeſſeret, A. 1714 publice propoſitum, quo *Hiſtoriam & Examen Bullæ Anti - Queſnellianæ, d. 8 Sept. A. 1713 a Clemente XI promulgatæ*, diſerte graviterque expoſuit. Nec minus bonæ frugis plena ſunt, ab ipſo, ordinis ſui Decano aut Procancellario, quæ munera vice plus una geſſit, conſcripta, Programmata, quorum præcipua nominamus de *Socrate, & bono patrefamiliar, & officiis marito, de ſutilitate commerciis papyraci, Gallis actiones dicti, de Zenone Citiæ, & de moralibus Epicuri ſentiis*. Nihil dicimus de ceteris, quibus, ipſius nomine Academicæ, publico ad id ſtipendio conductus

A. 1723,

A. 1723, aut funera nobilissimorum civium, aut solennia quæque alia, indicavit. Oratorem etiam subinde facundum & disertum audivimus, maxime tum, cum A. 1713 *Schellii*, Antecessoris sui, memoriam recoleret. His alia addimus, etsi non ita illustria, æque tamen salutaria, *Jenichii* in Academicam merita. Præposituram magnam (ita vocatur munus) pagorum veterum Academicorum bis administravit, totiesque magistratum gessit Academicum. Comitibus Provincialibus, A. 1723 *Dresdæ* institutis, Legatus Academicæ interfuit. Præterea & villarum Academicarum curam A. 1726 suscepit, eodemque anno Commissarius rei librariæ nominatus, & A. 1732 inter Academicæ Decemviros receptus est. In his omnibus muneribus talem se gessit, qualem & honor Academicæ, & propriæ studium famæ, posceret. Fidei vir antiquæ & incorruptæ, rei privatæ præ publica contentor, religiosissimus Deorum cultor. In congressu familiari a morosa gravitate alienum, urbanum semper & jucundum, ad præstanda officia paratum, verbo, talem prorsus, quales esse in societate omnes cupimus, experti sumus. Forma corporis procera & venerabilis, vultus ingenuus & liberalis, hominem spondens omnibus obvium, nemini molestum, sua sorte contentum. In matrimonium duxit A. 1715 virginem prænobilem, *Joannam Margaretam Bubliam*, sed quam nimis sibi mature ereptam A. 1731 doluit. Genuit ex ea filiam, *Joannam Fridericam*, tresque filios, *Gottlob Fridericum*, *Jacobum Benedictum*, atque *Theodorum Godofredum*, singulos, præter *Jacobum Benedictum*, patri superstites. Conflitandum ipsi inde ab aliquot annis cum morbo pertinacissimo fuerat, in ipsis nervis imisque ossibus hærente, cui &, frustra adhibitis omnibus remediis, superioris anni die XVII Septembria, immaturo, quod boni omnes judicant, fato, succubuit. Ita finem dicendi facimus de fati & virtutibus Viri inter nos clarissimi, cujus memoriam & Academia nostra justo dolore prosequitur, & nos ipsi, veteris, quæ cum eo intercessit nobis, consuetudinis probe memores, seræ commendatam posteritati cupimus.



NOVA ACTA ERUDITORUM,

publicata Lipsiæ

Calendis Martii Anno MDCCXXXVI.

BRITANNIA ROMANA, OR THE ROMAN
Antiquities of Britain &c.

h. e.

ROMANÆ ANTIQUITATES BRITANNIÆ, Opus tribus Libris comprehensum; quorum primus complectitur historiam gestorum a Romanis per Britanniam, cum relatione copiarum tum legionariarum, tum auxiliarium, quibus usi sunt, ac designatione stationum per lineam valli, descriptione denique copiosa Romanarum munitiorum, quæ Tabulis tum Geographicis, tum Chorographicis, aliisque, Geometrica ratione perfectis, exhibentur; secundo inest plena Sylloge Romanorum literatorum & figuratorum lapidum, qui ad hunc diem in Britannia reperti sunt, literis forma, quam habent, propria expressis, & servata inter ipsas pariter ac lapides suos proportionem (suboctupla), subscripta denique unicuique legendi eam ratione: omnes illustrantur enarratione historica, Observationibusque exegeticis pariter atque criticis; tertius continet Geographiam Britannicam Romanam, in qua Ptolemæi, Antoniniani Itinerarii, Notitiæ, Anonymi Ravennatis, & Tabule

bule Peutingerianæ, quæ de Britannia agunt, verba proponuntur, variaque circa ipsos Scriptores, & commemorata ab illis Britanniae loca, tentantur. Addita Tabula Chronologica, Indicesque monumentorum, ad Gruterianos & Reinesianos conformati, itemque Geographici Latinorum & Anglicorum nominum, denique totius Operis Index generalis. Autore JO.

HORSLEY, M. A. & F. R. S.

Londini, apud Jo. Osborn & Thom. Longman, 1732, fol.

Alph. 6 plag. 12, cum Tabb. æn. integrarum
plagularum 5, dimidiatarum 99.

Posuiamus titulum libri integrum, longiusculum licet, & quem Germanus aliquis scriptor vix inultum a naso Gallico auferat; quod habet totius Operis præstantissimi ideam & synopsin, quam, Lectoribus nostris debitam, compendii hic facere licet. Magnum & infiniti prope laboris opus peregit Autor, quod in posterum inter ornamenta Bibliothecarum suo iure referetur. Videtur certe ex asse suo proposito, h. e. titulo Operis sui, satiscesse, ac nihil fecisse reliqui, ne quid incognitum aut obscurum, certe indictum, maneret, quod ad argumentum nobilissimum pertinet: quæ admodum neque sumptibus pepercerunt librarii, ad Tabulas aeri incidendas necessarii. In Libro primo, seu historico, damnatis initio monachorum commentis, neque *Venerabilem Bedam* sibi sequendum putavit, nisi ubi illi convenit cum Scriptoris Græcis & Latinis, aliisque monumentis exceptione majoribus: a quibus proinde solis historiam gestorum per Britanniam Romanorum petit atque illustrat. Accuratissimæ Autoris diligentia ubique vestigia apparent. V. g. *Itius portus* (Græce *Ἰνιος*) *Caletum* esse (*Calais*), demonstrat imprimis ex computatione *Hallejana*, qui, trajectum illum brevissimum mensus, deprehendit XXVI miliaribus Anglicanis constare, quæ ipse *Hallejus* effice

cere ait Romana XXVIII cum dimidio, Noster autem æquipa-Præf. pag. V.
 rat ipsis XXVIII. Sed addit in Præfatione, XXX milliaria ideo
 numerari a *Cæsare*, quod is non, quantum litus a litore absit,
 sed intervallum inter ipsos portus interjectum, definierit. De
*Gessoriac*o in ambiguo relinquere videtur, utrum pro *Bononia*
 hodierna (*Boulogne*), an pro *Gravelino*, an denique pro *Dun-*
kerka, habendum sit. Sed in Præfatione *Eumenio* præsertim
 Autori credere se dicit, *Bononiam* esse, qui *Gessoriacense litus*
 & *Bononiensis oppidi litus* eodem intellectu dicat. Sed ista
 copiosius accuratiusque jam disputaverat *Cellarius* noster, cu-
 jus immortalis opere plane usus non videtur *Horsleius*. Quan-
 tum certe ad hanc de *portu Icio*, ac de *Gessoriac*o, disputatio-
 nem, pleniora omnia & accuratiora noster, dignus proinde,
 cujus hic ratio haberetur. Verum in ipsa Britannia sua se-
 curius forte neglexit Germanum. Ingeniosa certe ratiocina-
 tione conficit, appulisse *Cæsarem* in septentrionali litore pro-
 montorii ad *Doveram*. Tum de itineribus reliquis ac rebus
 gestis *Cæsaris* accuratissime disputatur, & tandem ratio quasi
 subducitur, neque lucri multum a Britannica expeditione il-
 lum retulisse, neque damno magno auctum, sed sumtus fere
 præda reparatos, voluptatem ex novo quasi orbe aperto labo-
 ribus ac periculis pensatam. Certe ab isto ævo ad *Claudium*
 usque Imperatorem neque præsidium in Britannia Romanum,
 neque stationem, fuisse, satis constat. Hic, quod notum est,
 Insulæ illius meridionalem partem, ut serio Romanis pareret,
 effecit. Quas res summa cura enarrat Autor, & observat in-
 ter alia, nunquam animum induxisse Romanos, ut ultra
 isthmum, inter *Glottæ* & *Bodotriæ* æstuaria interjectum, aliquid
 possiderent: si qua ultra murum *Antonini* monumenta super-
 sunt, rara illa quidem, ea potius stationes temporarias, itine-
 raque adeo, indicant, quam præsidia diuturna. Finis Romani
 per Britanniam imperii incidit in medium Seculum V, non hi-
 storia tantum teste, sed numis etiam monumentisque reli-
 quis, quorum nihil ultra *Valentiniani III* imperium descen-
 dit. Caput VI habet enarrationem Legionum Romanarum
 & auxilium in Britannia, quæ utilissima esse potest histo-

65.

- riam rei militaris Romanorum tractantibus. Habetur enim
 Pag. 78 seq. hic notitia satis copiosa v. g. *Legionis secunda Augusta, Legionis sextæ victricis, Legionis XIV, vicesima, secunda adjutricis, quinta Germanorum, decime.* Apparet, ab invasione inde *Claudiana* per XXV circiter annos quatuor fuisse Legiones in Britannia, tres autem a *Vespasiani* initiis ad finem opum Romanarum. Occurrunt hic observationes quædam oppido
 83. utiles; v. g. ubi invenitur nomen cohortis cum numero, nulla regionis vel alia definitione addita, probabile est, intelligi legionarias, non auxiliares: idemque de centuriis notandum.
 87. Jucundum est observatu illud: potest ostendi, X fere cohortes auxilium adjunctas fuisse legioni: & computatis cohortibus, quæ in Britannia fuisse undecunque discuntur, quo tempore tres fuere legiones, conficiuntur XXXI, quarum VIII nomina tum in Inscriptionibus occurrunt, ab Autore primum publicatis, tum in notitia imperii; XIV in solis Inscriptionibus; in sola autem notitia IX. Quod si quis excipiat, non eodem omnes tempore commemorari: at illud quidem certe efficitur, non multum inferiorem debuisse numerum esse, cum eadem diu ibi legiones fuerint: adde, quæ supersunt monumenta, tabulas modo ex naufragio esse: neque mirum, in notitia pauciores commemorari, tum quod raro omnes simul plenæ fuerunt eodem in loco vel legiones, vel auxilium copiarum, tum quod aliis nominibus, *vigilum, exploratorum, aefensorum*, potuere quædam cohortes comprehendere; tum quod scripta est notitia ultima ætate, ubi jam consenuerant opes per Britanniam Romanæ. *Alarum*, quæ hic equitum auxilium corpora denotant, nomina supersunt VIII. Divisæ erant in *turmas*, quæ tamen etiam in Inscriptionibus *cohortes equitum* vocantur. Suspiciatur Autor, sex alas fuisse tribus legionibus adjunctas, ut binæ ab utroque latere complecterentur denas in medio cohortes, qui modus erat auxilium, singulis legionibus additarum.
 95. *Numerum* non certi corporis aut generis militum nomen esse, imprimis probat ex l. 2 § 1 π. de his, qui not. infam. *Exercitum non unam cohortem, neque unam alam, dicimus; sed numeros multos militum.* *Vexillarios* fuisse arbitrat
 96. sele.

selectum numerum optimorum & agillimorum in legione militum, quos comparat cum pyrobolariis hodiernis (*Grenadiers*), qua in re ab interpretibus *Taciti* aliquantum recedit, cujus locis utitur *Hist. II, 10 & 66*, item *III, 6, Ann. IV, 73, Agric. XVIII*. Fuisse numero DC, decem nimirum ex unaquaque centuria, vexillo illius tuendo alioquin attributos. Non fuisse veteranos ab omni alio, quam pugnandi, labore immunes, (quod *Lipsius* volunt & *Salmasius*,) inde probat, quod etiam vallo illi Scotico adhibitos esse, ex Inscriptionibus appareat. *Vexillarii* etiam unius legionis vocantur *vexillatio*. Illud, quod summum & capitale in Libro primo videtur, tractat Autor Cap. VII, ubi ponit 1) initio castella constituta modicis intervallis inter Glotæ & Bodotriæ æstuaria (*from the frith of Forth to the frith of Clyde*) ab *Agricola*, quæ deinde, quantum ejus fieri potuit, muro junxerit *Antoninus Pius*; 2) similes stationes ab eodem *Agricola* positas inter Itunæ æstuarium (hodie *Solway frith*) & Vedræ ostia (hodie *Tine*), quas deinde vallo conjunxerit *Hadrianus*: post illas munitiones posteriores, castella primum posita dicta *stationes per lineam*; 3) a *Severo* Imperatore murum lapideum ductum vallo *Hadriani* fere parallelum, sed magis septentrionalem: ita quidem, ut & ipse castellis prioribus uteretur, quantum ejus fieri posset, & eorum causa sapius de via recta aut terreno commodiore deflecteret. Igitur de Autoris sententia, quod in *Cellariana* tabula est *Severi* vallum, secundum Nostrium est vallum *Antonini*: *Hadriani* autem vallo, in quo utrique convenit, parallelus fere est, & ad septentrionem proximus, secundum *Horsleium*, murus *Severi*: qua ratione vallum, quod ducit *Cellarius*, *Antonini*, quodque angulum truncatum 60 circiter graduum ad Orientem divaricantem cum *Hadriani* vallo efficit, plane evanescit. Eam porro positionem & rationem apertis rerum gestarum monumentis pedetentim quasi persequitur, ita, ut primo stationes per lineam valli meridionalis, *Hadriani* & *Severi* munitionibus deinde comprehensas, enarret, &, quomodo notitiæ imperii *Antonini* & Itinerario cum Inscriptionibus hodieque exstantibus conveniat, diligenter exponat: deinde Cap. VIII

Pag. 97.

ipsum *Hadriani* vallum & murum *Severi* perlustret, & quæ
 Pag. 124. prima ipsius ratio fuerit, quantum potest, indaget, ubi v. g. ob-
 servat, ab occidente cœptum opus, & versus orientem produ-
 ctum. Cap. IX hodiernam utriusque operis faciẽm solici-
 ta industria, tabulis etiam pictis, ob oculos ponit. Cap. X non
 minori cura de *Antonini* muro agit Autor; hujus enim esse,
 non *Severi*, indubiis monumentis demonstrat. Deinde obser-
 vat, non procurrisse eum ad occidentale, quod nunc est, litus,
 cui scilicet adjectum ab eo tempore putet alluvione maris:
 comparat deinde mensuras veteres & novas, efficitque ex In-
 scriptionibus, quibus docetur, quantum quæque cohors aut
 vexillatio perfecit, eandem prope longitudinem, quam vel
 veteres scriptores commemorant, vel novæ dimensiones subji-
 ciunt. Persequitur deinde omnia vestigia, & tandem observat,
 173. hodie vocari rudera hujus valli *Grime's dike*, seu *Graham's*
dike, origine nominis aut fabulosa, aut oppido tamen incerta.
 Hæc fere Libro primo. Secundus Liber continet recensum In-
 scriptionum sculpturarumque omnium Romanarum, quotquot
 per Britanniam repertæ sunt, ne omissis quidem fragmento-
 rum minutiis, quarum scilicet usum non minus esse posse
 constat, quam quæ librorum hinc inde colliguntur laceræ re-
 liquæ. Habentur itaque hic æri incisa monumenta ad
 CCCXL, in quibus CXL circiter primum nunc producuntur:
 vix autem ultra VIII, eaque minus emendate expressa, habentur
 apud *Gruterum*. Et sane in reliquo etiam numero multa
 sunt, quæ pro recens editis haberi possint, cum ad hunc
 diem ita fuerint publicata, ut pro non cognitis haberi posse
 videantur. Quo in genere diligentissime a se elaboratum con-
 firmat Autor noster, ut ad ipsa monumenta quam diligentissi-
 me conferret sua apographa: neque pœnituisse, eum labo-
 rem, si quis præsertim scrupulus oriretur, repetere. Serva-
 vit etiam hoc, ut omnibus monumentis non ipsorum tantum
 lapideum literarum aut figurarum forma exprimeretur,
 sed proportio etiam, quæ inter ipsum literarum modum & la-
 pidem suum intercedit, ita, ut (paucis locis exceptis, ubi id
 iudicatum est,) monumentum unumquodque intelligi debeat
 octu-

octuplo majus esse, quam hic indicatur. Quantum intersit, Pag. 179.
 a quo vulgentur id genus monumenta, & quanta cautione ad
 eam rem opus, (forte etiam quantum hic campum, in quo se
 jactet, inveniat Pyrrhonisus historicus,) declarabimus uno ex-
 emplo, ab Autore proposito. Anno 1702 ad *Rookby* in Eborac-
 ensi agro inventam dicit *Galeus ad Antonini Itin. p. 42* aram
 cum hac Inscriptione:

DEI NIMPHAI
 NEINBRICA * ET
 IANVARIA X ET
 IBINVS MV
 IOSONIRVN

Eandem Inscriptionem ita exhibet postrema *Camdeni* editio:

DEÆ NVM
 ERIÆ NV
 MINI. BR
 IG ET
 IAN

In ipso lapide autem, fide Autoris nostri, hæc sunt:

DEAE NYMPELAV
 NE INEBRICA X ET
 IANVARIA: FIL
 LIBENTES EX VO
 TO SOLVERVNT.

Eamus nunc, & argumenta magnarum rerum petamus ex ta-
 libus monumentis! Sed gratias potius agamus Autori nostro,
 & si qui sunt illius similes, qui nulli suæ operæ, sumtui, mo-
 lestiæ, parcunt, ut habeat sequens ætas, cui tuto, quantum fert
 conditio humana, fidem habere possit. Præmisit Autor ipsis
 Inscriptionibus notitiam regionum, locorum, hominum, tem-
 porum, tabulas, quæ literarum, tum simplicium, tum conjun-
 ctarum implicitarumque, figuras, quales in lapidibus visuntur,
 ob oculos ponunt: tabulam item unam, in qua separatim sa-
 crificiorum instrumenta & apparatus proponuntur. Jam in-
 cipit 192.

cipit recensere atque explicare locorum ordine, quicquid ad
 hunc diem inventum est monumentorum Romanorum, initio
 a septentrionibus facto, & vestigiis ruderibusque viarum mi-
 litarium persequendis, ita quidem, ut omnes atque singulæ In-
 scriptiones, prout opus est, ab illo conferantur cum editis, le-
 ctio vera, quantum ejus fieri potest, constituatur, & interpre-
 tatione, ex ipsa Britannicorum monumentorum inter se com-
 paratione sæpissime, nonnunquam & aliunde, petita, illustre-
 tur. Harum specimina afferri facile possent, sed supersunt
 pluscula de ipsa libri conformatione dicenda. Multa esse, quæ
 hinc disci possunt nova, vel uno exemplo declarabimus, positis
 nominibus Numinum aut geniorum, quibus hic sacra aut vota
 fiunt. Non est opus locis adscribendis chartas occupare, cum
 ea facile volentibus Index suggerat. Videas igitur lapides po-
 sitos *Apollini Granno, Belatucadro Deo, vel Deo Aranti Bela-*
tucadro, Brigantia, Campestribus matribus, Cocidi D:ð, Deæ
Setlocenia, Deabus matribus Tramarinis, Deæ Nympha Elau-
na, Deæ Tertiana, Deo Ceaijo, Deo Matuno, Deo Mogonti, vi-
ta restitutori, Deo Mogti, Deo Vitiri, Divo rustico Vitiri,
Dui, Matribus Alatervis, Jovi Tanaro, Verbejæ, de quibus
 omnibus vel erudite disputatur, vel breviter, nihil præterea
 de iis constare, indicatur. Tertius Liber, qui totus Geographi-
 cus est, primo Capite *Ptolemaicum* Britannix Geographiam
 Græce & Anglice proponit, ac deinde observationibus multis
 & doctis illustrat, quibus tum errores *Ptolemai* emendantur,
 tum ratio ostenditur inveniendi loca, quibus nomina *Ptole-*
mai respondeant, subjecto catalogo locorum omnium a *Ptole-*
maeo memoratorum, elementari ordine disposito. Cap. II De
Antonini Itinerario eodem fere modo agitur, ejusque pars,
 quæ Britanniam spectat, copiose post *Galeum* illustratur, tanto
 magis, quod plura ex hoc libello ad notitiam locorum per Bri-
 tanniam Romanorum peti possunt, quam ex reliquis, quotquot
 supersunt, scriptoribus simul sumtis. Eodem modo Cap. III
 tertium antiquitatis monumentum, notitiam dignitatum utrius-
 que imperii, in quantum ad Britanniam ea pertinet, & Cap. IV
 eadem pars Ravennatis Geographi multa luce perfunditur.

Cap.

Cap. V, a Nob. *Wardio* scriptum, *Peutingeriana* Tabulæ simili ratione illustrandæ impensum est. Verbo, nihil, ut supra diximus, prætermissum videtur, quod ad suscepti operis perfectionem ullo modo pertineat, nisi forte illud aliquis expectarit, ut numerorum etiam veterum præsidia adhiberentur, ac proponerentur ectypa, qua ratione decus quoddam conciliari Operi potuisset. Sed forte abstinuit volens Autor diligentissimus, & ratione quadam nobis incognita. Non debet certe ea res gratiam egregiæ operæ, non Britannis tantum suis, sed in universum omnibus antiquitatum Romanarum studiosis, præstitæ, imminuere: quæ novum eadem specimen est solertiæ illi Anglorum genti propriæ, quæ exactissima minutarum etiam, ut primum intuentibus videntur, rerum perquisitione ea efficit, quæ admirationem potius deinde, quam contemptum, mereantur.

THE HISTORY OF THE PURITANS, &c.

h. e.

HISTORIA PURITANORUM, SIVE PRO-
testantium Nonconformistarum, inde a morte Elisabethæ
usque ad initium belli civilis, anno 1642 gesti;
Autore, DANIELE NEAL, M. A.

Volumen II.

Londini, apud Rich. Hett, 1733, 8.

Alph. 1 plag. 18.

Quo loco fuerint res Puritanorum, *Elisabetha* diem ob-
eunte supremum, dictum fuit, cum primam Operis hu-
jus partem perlustraremus. Jam, *Jacobo I* regnum capeffente,
erigere se quodammodo ac confirmare videbantur Puritani,
quando is, quoad Scotiam moderabatur, omnibus ad bene spe-
randum quasi signum aliquod sustulerat. At enim, sive, qua
mente sit, callide occultaverit, sive novum sub alio cælo in-
duerit ingenium, mox eum ostendisse certum est, quantopere
a Puritanis sit abalienatus, cum subinde in ore haberet: Sine
Episcopo Rex nullus. Sed nos singula persequemur. A. 1603
Puritani offerebant scriptum, *the millenary petition* dictum, Cap. I.

eo quod 1000, vel potius 800, nominibus subscriptum erat; in quo supplices rogabant, ut quædam ceremoniæ atque abusus tollerentur. Rex igitur Hamptonicuriæ colloquium institui jubebat, cui ex una parte novem Episcopi, ex altera quatuor Puritanorum doctores, intererant. Ipse autem ab Episcopis occupatus, non moderatoris, sed respondentis, personam sumere, regia severitate ac minis miseros exterrere Puritanos, ac sæpius interpellatos Episcopis aulicisque ridendos propinare. Res totum triduum acta. Primo die Rex, cum Episcopis sententiis collatis, in libro precum publicarum, frivolarumque excommunicationum causa, pauca, eaque perexigui momenti, mutabat. Altero, admissis Puritanis, D. *Raynoldus* quatuor capita in controversiam adduxisse legitur; 1) doctrinam verbo Dei convenientem intemeratamque introducendam esse: at semel iterumque a *Bancroftio* Schismatici elogio oneratus, interpellabatur; præterea *Raynoldus* novam catechesin, Bibliorumque translationem, desiderabat, utcumque a Rege concessam; 2) cœtibus sacris pastores præficiendos esse bonos disputabat, quibus etiam sermones ad populum habere liceret: de quo capite Rex decernebat nihil; 3) librum precum publicarum pietati promovendæ convenientius informandum esse: sed hic sturdis auribus loquebatur, Rege absolutum in æqualitate stabilienda obsequium flagitante; 4) frivolæ Episcoporum excommunicationes e medio tollendas, restituenda exercitia sacra, dissidia nationalibus Synodis finienda esse. At vero, multis disputatis, Rex atrocibus huic diei minis finem faciebat. Tertio denique, juramento ex officio antea confirmato, advocatis Puritanis renuntiabatur, in libro precum nonnulla esse mutata; ceterum stare sententiam, disciplinam, ac ritus, ad eandem formam effingendos, immorigerosque severa animadversione excipiendos esse. Ita vero tumultuario hoc colloquio finito, acquiescere volebant Puritani, causamque suam scripto inuitros recipiebant, sed non audiri, horrido uniformitatis Edicto prosternebantur. Parlamento iterum convocato, *Jacobus* ecclesiam Romanam matrem agnoscere, multaque elate loqui. Diceptabantur coram eo varix causæ, sed irritò plurimæ

successu. Quin imo Canones statuebantur a Rege confirma-
 ti, quorum multi ad perniciem erant Puritanorum comparati.
Bancrofto Cantuariensi sedi præfecto, novæ subinde atroces-
 que vexationes, quibus afflictabantur Puritani, consecutæ.
 Quamquam vero a nimio rigore ob insignem eorum, qui cano-
 nibus subscribere volebant, multitudinem identidem aliquid
 remittebatur; multi tamen in Belgium secedebant, novor-
 que ibi cœtus instituebant. In his non pauci Brownistæ, qui
 tamen, uti turbulento plerique omnes erant ingenio, se ipsi
 conficiebant. Inprimis magna inter eos erat dissensio, utrum
 separatio ab ecclesia Anglicana sit *necessaria*. Negabant Puri-
 tani, corruptam illam quidem, attamen veram, dicentes. Af-
 firmabant illi, ac pertinaciter pugnant. Interim ii, qui me-
 dia satius putabant via incedere, urgebantur ab Episcopis, ac
 ad novam de ritibus vestibusque disputationem nequicquam
 provocabant. Lincolnienſes vero scripto causas expone-
 bant, quam ob rem libro precum articulisque nomina subscri-
 bere non possent, quandoquidem multa verbo Dei contraria
 continerent. Tali modo jam longius procedebant, ac cerimo-
 nias, olim inconvenientes pronuntiatas, nunc plane abrogandas
 censebant. Hoc tempore, annò nempe 1605, *Bradshawi* Purita-
 nismus Anglicus evulgabatur, in quo ratio doctrinæ Puritano-
 rum uberius exponitur, cujus summa capita Autor excerpſit.
 Ceterum Cæsarea & Garneſeja Insulæ, nunc *Bancrofto* insti-
 gante, uniformitatis laqueis implicabantur. Parlamentum multa
 contra suprematum regium, aliaque crudelitatis fomenta, dis-
 putabat, ac in Scotia Episcopatus formula introducebatur. Mo-
 riebatur tandem A. 1606 *Bancroftus*. Excipiebat eum *Abbotus*,
 vir gravis, pius, moderatus, Puritanisque amicus. Transimus,
 quæ de nova Bibliorum translatione a septem & quadraginta
 Theologis suscepta, ac A. 1611 typis expressa, tum de reforma-
 tione Hibernica, in qua Puritanorum Episcopaliūque causæ
 conjungebantur quodammodo, fusius exponit Autor, nec non
 quæ de Synodo Dordracena, Episcopatuque in Scotia confirma-
 to, differit. Notamus tantum illud, *Henricum Jacobum*, Leydæ
 adhuc commoratum, novam disciplinæ formam constituisse,

Cap. II.

cœtusque hujus membra nomine *Independentium* postea innovasse: præterea Regem A. 1618, ut ludicræ actiones animi recreandi causa die solis perpetrentur publice, rationibus male subductis, permisisse. Puritanorum independentium, venia a Rege impetrata, multi in Americam sese recipiebant, variisque jactatibus, novi Flymouthi sedem fixisse leguntur. Arminiani hoc tempore apud Regem perquam gratiosi magnis admovebantur muneribus; sed hinc nova scissio orta. Pars enim Puritanorum, legibus provincie justum statuens pretium, arbitrario autem Regis imperio adversa, Puritanorum *civilium*; pars, de ceremoniis ambigens, ac *Calvini* doctrinam adoptans, Puritanorum *ecclesiasticorum*, nomine distinguebatur. Horum numerus, in se exiguus, mox illorum accessione admodum augebatur, ut Rex iis Arminianos, cum Papistis conspirantes, objiceret, unde A. 1622 infinitarum contentionum materia. Hinc Puritani, variis modis afflicti, prohibebantur doctrinam *Calvini* publice proponere. Hac tum via ad summos grassabantur honores, qui contra *Calvinum* clamitabant, ac Regis absolutam evehebant potestatem. Hoc qui facere volebant, Puritanorum *doctrinalium* nomine discreti. Quanto autem magis *Puritani* premebantur a Rege, tanto hi magis plebem faventem experiebantur, ac in dies majora capiebant incrementa. Quodsi in rationes inquiras, consideres 1) Puritanos a legibus provincialibus ne latum quidem unguem recedere voluisse, quare omnes ex curia inferiori, aliisque provinciis, ad suas pertrahebant partes, qui, suam in eo salutem positam esse, recte judicabant, ut aulæ instituta nova minime obtinerent; 2) ab interpretationibus ac commentis *Arminii* ejusque asseclarum in doctrina de gratia & prædestinatione eos sese longissime removisse, & *Calvinum* Synodique Dordracenæ placita perpetuo secutos esse; 3) rigidiores, quam seculum erat, censores morum, corruptissimorum omnino, fuisse, eosdemque, doctrinas vitæ factisque ut exprimerent, curasse, multorumque adeo sibi conciliasse animos, indigne ferentium, optimos homines, integros vitæ, scelerisque puros, invidiosis proscindi nominibus, ac veluti nescio quid mali machinantes, opprimi;

4) mite

4) mite *Abbati* ingenium, qui, dum doctrinæ, quam cerimoniarum, studiofior erat, iis plurima indulgebat. Quanquam negari non potest, *Laudi* furore permotos fuisse complures, ut complecterentur homines tantopere exagitatos, ac tandem iis sese adungerent. *Jacobo Carolus I* succedebat, *Papæ* amicus, eique ob matrimonium, cum *Henrica Maria*, *Ferici III*, Galliarum Regis filia, initum, addictior, magnus cerimoniarum amator. Deteriore vix loco esse poterant res Puritanorum. Rex equidem, Parlamento primum convocato, optima quæque pollicebatur, at, non stare promissis, regium putabatur. *Bukinghamus* atque *Laudus*, penes quos fere lumina erat imperii, *Arminianis* faventes, eorum scripta vulgari, Puritanorum contra suppressi, jubebant. Habebant hi quidem *Lincolniensem* Episcopum defensorem, sed a tribunali stellato ac supremæ commissionis haud leviter propterea divexatum. Plurimas de causis civilibus ac sacris mixtas controversias studio omittimus, ad ea solum animum attendentes, quæ Puritanos propius attingunt. Ex his *lectores* quosdam existisse novimus, non prorsus sese conformantes Regis voluntati, adeoque a meridie solum veluti extra ordinem sermones ad populum habentes. De his quidem *Carolus* decreto sic satis leni statuerebat, at *Laudi* severitati complures succumbere, ac ad colonias Americanas confugere, cogebantur. Quasi vero libidinem suam explere nunquam posset, occasione ludorum die solis concessorum, exortæque de moralitate Sabbathi controversiæ, haud paucos opprimebat. In libro precum in gratiam Pontificiorum, ac ut ægre faceret Puritanis, mutabat nonnulla, mensis substituebat altaria, magno apparatu ornamentorum convestito, qua de re *Clarendonius*, ac qui Historiam Ecclesiasticam illorum temporum contexuerunt, adeantur. Ex quibus condotteri poterat, si locus pateretur, quam multa ambiciose crudeliterque fecerit homo, ipsius, cui se totum devovisse videri volebat, Regis auctoritati sæpenumero adversus. Nihil igitur cæcis de Articulis 39, *Hiberniæ* obrutis, nihil de dispersione Gallicorum cærum, amplissimis privilegiis communitorum, nihil de Canonibus in Scotiam illatis, conversa tota ecclesiæ fa-

Cap. III.

Cap. IV. V.
VI.

Cap. VI.

cie, nova introducta liturgia, tota ad Papisticos ritus conformata, motibusque primo, mox turbis ac seditionibus, ex ea re coortis ac difficulter repressis, de quibus omnibus commentantem Autorem legi volumus. Magis ad rem facit notare, Parlamentum, A. 1640 convocatum, ac post integros duodeviginti annos demum sublatum, stupendarum in utraque republica, tum sacra, tum civili, mutationum autorem, Puritanisque haud paulo, quam alia, olim coacta, propensius fuisse. Hoc igitur primum omnium, curia inferiore imprimis hæc, uti alia fere omnia, urgente, Canones nuper conditos abrogabat, *Laudumque* ipsum, concurrente Scotia, multorum criminum reum judicabat, mox in custodiam datum; ipsis etiam Brownistis non adversum erat. Non alienum erit ab hoc loco percerere, quænam fuerit ratio controversiæ celebratissimæ de jure divino Episcoporum, ab *Hallio* nuper in scenam revocata, ac peculiari scripto, in quo tamen *Laudus* quædam immutata, explanata. Confirmabat mox novis demonstrationibus, ad Parlamentum institutis, *Hallius*, quæ non ita pridem disputaverat. Respondebatur ei scripto, sub nomine *Smectymnus* evulgato, in quo *Stephanus Marshallus*, *Edmundus Calamy*, *Thomas Young*, *Matthæus Newcomen*, & *Wilhelmus Sparrow*, primis quisque designati literis, latebant. Hi mox ab *Hallio* novum ferebant responsum, nec ipsi filebant. Summa autem controversiæ hæc erat. Primo decertabant de liturgiarum antiquitate. Episcopus certas hac voce preceptum denotabat formulas, publice ex mandato prælegendas. Has inde a Mose ad nostram usque ætatem serie haud interrupta ducere conabatur. Negabat tantam earum antiquitatem *Smectymnus*, contrarium probans ex *Tertulliani* Apol. Cap. 30, *Augusti* Ep. 121, libertatem utendi precibus, quas velis, demum post *Arii Pelagique* tempora sublatam esse Concilii Laodic. Can. 13, ac ne tum quidem formulam ubivis locorum eandem, atque a Clerico, consultis sociis, compositam fuisse, disputabat. Anno demum 416 in Concilio Milanensi decretum fuisse, nemo ut uteretur precibus, præterquam a Synodo approbatis. Servatorem formulam non eo præscripsisse consilio, ut hac sola,

la, exclusis aliis, interentur sui: Liturgias exempli causa adductas, *Jacobi, Basilii, ac Chrysostomi*, spurias esse, vel interpolatas, docebat. Provocat Episcopum, ut producat liturgiam, ante tertium post natum Servatorem Seculum consignatam. Speciatim autem Episcopo, Anglicam liturgiam commendanti, respondet *Smectymnuus*, provocando ad Edictum *Eduardi*, in quo quatuor diversarum mentio fit, quas quidem suis non privandas laudibus, imperfectas tamen, esse contendit. Optatum modo fuisset, ut *Hallius* suam de precibus mentem tam commodè ac ingenue, atque nunc faciebat, maturius explicasset. Altera controversia ad superiorem Episcoporum ordinem, ejusque a Presbyteris discrimen, pertinebat. *Smectymnuus*, Episcopum olim tantum pastorem fuisse parochialem, affirmabat, fratribus suis collegisque non inferiorem. Episcopus autem, nomen idem fuisse largitus, re ipsa inter illos discrimen intercedere, pugnabat; quoniam penes Episcopos tantum jus consecrandi, ac spiritualis jurisdictio, sit. Contra *Smectymnuus* pervincebat, consecrationem a Presbytero factam aequè efficacem esse, ac ab Episcopo profectam; Chorepiscopum etiam, qui tamen Presbyter erat, jus manuum imponendarum ac consecrandi habuisse, autoritate *Ambrosii* atque *Augustini* comprobabat. Quantum ad jurisdictionem spectat, convenit inter *Hallium*, ejusque adversarium, Episcopis olim sine consensu cleri quidquam suscipere integrum non fuisse, imo in causa excommunicationis ac absolutionis ne quidem sine consensu totius cœtus. Negat autem, Anglicos Episcopos de ejusmodi rebus unquam communicasse cum suis. Seculo III vel IV Episcoporum ordinem a Presbyteris distinctum fuisse, concedit, sed, hodiernos Anglicæ Episcopos a priscais illis mirum quantum diversos esse, disputat. Componi facile potuisset controversia, si omnes ea, quæ *Hallius*, mente fuissent. At Episcopi, quoad ab aulâ fovebantur, ne tantillum quidem remittere volebant. Interim de hierarchia non minus operose disputabatur, tota propemodum Angliâ in partes advocata. Quidam eam prorsus abolendam censebant, quorum scriptum 15000 civium Londinensium nominibus si-

gna-

Cap.
IX. XII.

gratum erat. Quidam, clero cum iis faciente, reformationem ejus flagitabant, 700 hominibus sacri ordinis, plurimisque aliis subscribentibus. Non minor erat numerus rogantium, ut eo loco, quo nunc erat, relinqueretur. Res ad curias delata in utramque partem disceptabatur. Ceterum observare licet, eas Papistis, quantumvis amarentur a Rege, maximeuisse infensas. Hinc fatales illæ de rebus civilibus maxime, at sacris etiam, subinde agitatæ concertationes, quibus tandem, inferiori maxime curia annitente, efficiebatur, ut autoritas episcopalis evilesceret primum, mox ægre sese sustinens, suppressio judicio stellata summoque tribunali, prosterneretur penitus. Civiles causas in curia disceptatas, cum ad institutum non faciant, præterimus consulto, atque illud tantum monemus, Puritanos, id quod acta horum temporum consideranti liquido constabit, non tam de introducendo presbyterianismo, quam de Episcoporum autoritate, in superbiam, fastum, atrocitatemque degenerante intolerabilem, vel infrigenda, vel, si fieri posset, auferenda, laborasse.

QUINTI CALABRI PRÆTERMISSORUM ab Homero Libri XIV, Græce, cum versione Latina, & integris emendationibus **LAURENTII RHODOMANNI**, & Annotamentis selectis **CLAUDII DAUSQUEJI**, curante **JOANNE CORNELIO DE PAUW**, qui suas etiam Emendationes addidit.

Lugduni Batavorum, apud Joannem van Abcoude, 1734. 8.

Alph. 2 plag. 14.

Non dubitamus, quin gratum fecerit eruditis Cl. Pauw, quod *Quintum Calabrum* denuo typis submiserit, & nova editione emiseric. *Laurentius Rhodomanus* quidem multum jam operæ studique in perpurgando hoc Poeta posuit; sed multa tamen adhuc supererant, quæ lima indigerent. Forſitan & hæc a Viro doctissimo perfecta eſſent omnia, ſi
ipſi

ipsi ad manus fuisset editio nostri Poetæ *Aldina*. Cujus vero cum solas lectiones variantes habuisse videatur, & in sua editione Basileensem, graviter sæpe aberrantem & corruptam, secutus sit, hoc magis venia est dignus, quo plures nihilo minus emendationes protulit, quæ non modo ab *Aldina* illa lectione confirmantur, verum etiam ipsum Autorem mirifice illustrent. Itaque recte omnino fecit Cl. *Pauw*, quod *Aldinam* maxime editionem consulendam sibi duxit & sequendam. Neque tamen Basileensem penitus omisit, sed subinde etiam in partes vocavit, libris MStis & editionibus aliis plane destitutus. Quod ad Annotationes, ipsis Poetæ verbis subjectas, attinet, præcipuum suo jure in iis locum occupant laudati *Rhodomanni* emendationes, quæ integræ unaque serie hic comparent, iis, quæ Vir doctissimus vel addiderat ipse postea, vel correxerat, ad suos locos revocatis. Ex Cl. *Dausqueji* Annotamentis ea tantummodo hic exhibere placuit Editori, quæ ad correctionem verborum pertinent. Et, quemadmodum *Dausquejus* in *Rhodomannum* sæpe præter meritum invehit, sic in Cl. *Pauw* invenit, qui par ipsi referre suscepit; siquidem in paucissimis locis ejus vel emendationes vel illustrationes sine censura, sæpius justo acriori, deprehenduntur, quibus nihil putidius, nihil ineptius, nihil absurdus, &c. esse, hinc inde dicitur. Quod quidem jure, an perperam, sit factum, jam non interpretamur, præsertim cum unicuique, hanc editionem perlustranti, integrum sit, de hac ipsa judicare. Nos potius ad ipsius Cl. *Pauw* emendationes accedimus, de quibus etsi iis forsitan satis dictum videri posset, qui Autores ab eodem editos evolverunt, si dixerimus, earum Autorem hic omnino sibi similem comparere, tamen nostri fert instituti ratio, ut quadam specimina hic proferantur. Generatim de his ipsis emendationibus Cl. *Pauw* monemus, eas, si paucissimas, nec momenti gravioris, exceperis, vel nimis audaces esse, vel non necessarias, quin etiam non raro falsas. Statim *Lib. I vers. 2* pro *κεκέρταται* *Rhodomanno* legendum videtur *κέρταται*, cui *Dausquejus* præfert *κέρταται*. Ipse vero Cl. *Pauw* legendum arbitratur *τίθαπται*. Sed quid opus est emendatione, ubi locus per se sanus est? Neque *Rhodomannus* sua emendatione quidquam indicasse a-

huc videtur, nisi hoc loco præteritum perfectum pro plus quam perfecto positum esse. Quod si considerassent, qui post eum in hunc locum commentati sunt, nunquam in ea avia delapsi fuissent. Nec videmus, quorsum illa Cl. Editoris observatio *Lib. II vers. 324* spectet, quando pro Νῦν δὲ σὺ μὲν μάλα πάγχυ μέγ' εὐχῆσαι, mavult, scripsisset *Quintus*, Νῦν δὲ σὺ μὲν μάλα πάγχυ ἐπεύχῆσαι. Nam quo jure ab ipso *Cantabro* postulare potest Cl. Editor, ut non suo, sed sui editoris, ingenio scribat accommodate? Nec profecto opus videtur admonitione Cl. *Pauw* ad *Lib. IX vers. 952*, pueros videre, rotundius & exasciatius legi, Ἀρπάξας μιν ἔθηκε, quam, quod *Quinto* placuit, Ἡρπασε καὶ μιν ἔθηκε. Nam non tam de elegantia Auctoris, quam vera sententia & genuina lectione, sollicitum oportet esse Editorem. *Lib. VII vers. 649* ita legitur: Ὅπως Φήσασκεν ἰδὼν, ἐνὸς αἵματος ἔσμεν, quæ Cl. *Pauw* non placent ita scripta: nam primo ὅπως pro ἵνα non recte jungi cum Φήσασκεν indicandi modo: & dein, ἔσμεν verba reddere perplexa, existimat. Hinc legendum putat, ὅλως Φήσασκεν ἰδὼν, ἐνὸς αἵματος ἔμμεν, vel εἶναι. Sed melius sibi & Auctori consulisset, si ad hunc locum plane tacuisset. Nam, ὅπως pro ἵνα cum indicativo jungi, ipsum, si ignorat, ut est, docebunt *Budaui*, & Lexicorum reliqui confarcinatores. Non magis audiendus est ad *Lib. IX vers. 499*, quando minus aptum censet πυκναί, & rectius scripsisse *Quintum* putat σειναί, propterea quod *Calaber* non solum de viarum conditione, quod Nostro videtur, verum etiam de earundem multitudine, loquitur. Illud denique non est prætermittendum, in addendis & corrigendis legi *Josephi Scaligeri* emendationes, quas cum Cl. Editore communicavit Cel. *Havercamp*.

HENRICI CANNEGIETERI DISSERTATIO de Brittenburgo, Matribus Brittis, Britannica verba, Brittia, Procopio memorata, Britannorumque antiquissimis per Galliam & Germaniam sedibus. Huic accedunt ejusdem Notæ atque Observationes ad ABRAHAM

HAMI MUNTINGII, V. C. Dissertationem Historico-Medicam de vera antiquorum herba Britannica, ad GERARDUM VAN LOON, Historicum eximium.

Hagæ Comitum, apud Petrum de Hondt, 1734, 4 maj.
Alph. 1 plag. 6, cum Tab. æn. 1.

Ex literis ad *Gerardum van Loon*, celeberrimum Operis letissimi, quod numismaticam Belgii historiam complectitur, architectum, nata est hæc Dissertatio eruditissimi *Cannegizeri*, qui, monumenta Romana antiqua Bataviæ finitimarumque terrarum in conspectum aliquando producturus, atque illustraturus, si quid obscuri complectantur, specimine hoc, quid de instituto hoc ejus polliceri sibi Respublica literaria possit, declarandum bonis auspiciis duxit. Constat ea tredecim Capitibus, quorum primo evincit, *Brittenburgum*, præsidarium quondam Romanorum castellum, ad *Rheni* ostia situm, cujus tamen hodie ne vestigia quidem, utpote maris æstu & litoralibus arenis obruta, supersunt, ab Romanis esse conditum, variisque ejus nominibus, quibus castrum Britannicum, arx itemque turris & domus Britannica, vernaculo item sermone *Britton*, *die Bruch te Britten*, *t'Huis te Britton*, vel *Brittheim*, dicitur, percensitis, *Brittos*, unde illi nomen, non alios esse, quam *Brittones* & *Britannos*, qui uni iidemque, a consuetudine colore inficiendi corpora dicti, ostendit. Capite II in locum, quo *Brittenburgum* stetit, inquit, suspicaturque, vicum ibi, nomine *Britten*, fuisse, tractumque omnem eum, qui *Rhenolandia* hodie appellatur, *Britanniam* dictum esse. Quæ conjectura sua, laud aliena a vero, fretus, *Brittenburgum* nomen suum ab ipsis incolis suis *Britannis*, non vicinæ *Insulæ*, *Britanniæ*, populis, obtinuisse, contra *Junium* in *Historia Bataviæ* defendit, negatque, navium Britannicarum, & negotiatorum, frumentum ad præsidia Romana deportantium, stationem ad hanc arcem fuisse, persuasus, non ostio illo *Rheni*, ad quod *Brittenburgum* situm fuit, sed *Helio*, quo *Vahalis* & *Mosa*

Cap. I.

Cap. II.

exit, Rhenum subiisse nautas, ex Britannia pariter & Gallia venientes, atque inde Deæ *Neballennia* in lapide, qui in Zelandia inventus est, tanquam *Helii nymphe ac præsidi*, ob merces recte conservatas votum solvisse Britannicianum negotiatorem. Negat item, Britannos huic arci, prout *Lbuydo* visum, præsidii causa impositos, quippe cui Batavos præfuisse, ex lapide ibi invento colligit, cujus hæc sunt verba:

I M P
C A E S
A N T O
A V G
C O H
B A E T
O R V
P E

Cap. III.

Ubi *Batos* Batavos interpretandos censet Cl. *Cannegieterus*, qui parum moratur lateres ibidem repertos tegulasque, in quibus VEX. BR. h. e. VEXillatio BRitannorum, legitur, quas aliunde huc allatas suspicatur, in *Nicolai Chevalier*, qui eas in libro Gallico: *Description de la Chambre des Raretez de la Ville d'Utrecht*, produxit, ineptias imposturasque haud injusta censura invecus. Si quis vero miretur, unde in his partibus Britannii vel Britti, unde Brittenburgo nomen hæsisse Clarissimus Vir statuit; Capite jam tertio docet, iisdem temporibus alia eos quoque Galliz Germanizque loca insedis. In Germania quidem huc spectant castra vetera, ubi inventi lapides, qui *Matres Brittas* commemorant, hoc est, Brittonum seu Britannici populi ad Rhenum Nymphas ac tutelares Deas. Inscriptioni a *Gisberto Cupero* in libello, *Apotheosi Homeri* subjuncto, allata accedit alia:

M. BRITTIS MAX - -
AC ISLANDAC - -
M LXXXVV - - -
CN PREPVR - - -

Matres illæ Brittæ similes Matribus Suevis, Gallaicis, Vedian-
tiabus,

tiobus, Frisavis, Quadruburgensibus, Hludanis, de quibus erudite Cl. *Cannegieterus*, qui sollicite eas secernit a Matribus, quæ in magna aliqua gente multis populis communes fuere, cujusmodi Aufanæ Matronæ apud *Gruterum*, ut ille arbitratur, qui *Tamfanam* apud *Tacitum* inde *Taufanam* vel *Aufanam* legi mallet, cui *Tamfana* tamen vetus Inscriptio patrocinator, ex schedis *Ligorianis* nuperrime inter Inscriptiones *Gudianas* juris publici facta. Prioribus vero accedunt Matres Trevericæ, itemque Augustæ, ab Lugduno, urbe, quæ & Augusta dicta, id nominis adeptæ. Ob cultas itaque ad Castra vetera Matres Brittas si quæras ibi populum Brittorum, ad vicum *Birten* vel *Berten*, qui & *Bertheim*, vel *Brittenheim*, non longe hodie distantem ab oppido *Santen*, quod olim Castra vetera, provocat Cl. *Cannegieterus*, itemque ad *Bretten*, urbem Palatinatus inferioris, patriam *Philippi Melancthonis*, quam & ipse ille communis literarum in Germania instaurator a Britannis derivavit. Sed & Britannos eas partes incoluisse, Capite IV ex nomine herbæ, Britannicæ dictæ, quam *Plinius* H. N. Lib. XXV Cap. 3 commemorat, colligit Cl. *Cannegieterus*, ubi & locum, quo provenit quondam, & nominis rationem summa diligentia investigat, ratus, a Britannis inter Frisios, qui Romanis eam, *Plinio* teste, monstraverunt, sive ad utriusque ostii Rhenani ripam, ubi & *Brittenburgum*, sive in remotioribus a Rheno locis in Germania habitantibus, eam appellationem esse derivandam. Certe Britannos multa ad oceanum loca Gallicæ & Germanicæ insedis, haud vanis evincit argumentis, eaque ratione Cl. Autori *Historicæ Landgraviatus Thuringicæ*, Thuringos in Angliæ, Britannia, & Frisia, a mari expulsos scribenti, lucem affundit: Angliam enim Britanniamque transmarinam ibi intelligi non posse, res ipsa satis loquitur. Atque eodem spectat Caput V, ubi de Britannis cis Rhenum sedes habentibus agitur, quales illi cumprimis, qui pago *Gessoriaco* & *Ambianis* vicini *Plinio* Lib. IV Cap. 17 recensentur, quamquam iis Briannos substituit *Cluverus*, quem Cl. *Cannegieterus* pluribus confutat, qui & montes in *Hannonia* *Picardicæ* finitima *Bretten*, ab incolis Britannis ex virorum doctorum sententia

Cap. IV.

V.

Cap. VI.

tia dictos, obiter hoc loco commemorat. Neque vero mirum, Britannos tot locis extra Insulam suam atque oceanum sedes fixisse; migrationes quippe in alias terras ab institutis eorum non alienæ, id quod Vir doctissimus Capite VI uberius demonstrat, tametsi inficiari non potest, plures memorari, qui ex vicinis populis atque e continente in eam Insulam commigraverunt, quam qui inde egressi alia sibi domicilia quæsiere. Cujus quidem rei causam ut rejicit in paucitatem eorum, qui simul egressi novam sibi patriam quæsiuerunt, ita observat, majores etiam migrationes, quales illa, cum Britanni, ab Anglis & Saxonibus expulsi, amplissimum terrarum ad Ligerim Oceanumque in Gallia tractum, qui hodie minoris Britanniae nomine designatur, occuparunt, a scriptoribus silentio præteriri. Sed non tantum a migrationibus, verum & a cohortibus alise Britannorum, quod ex inter Romanorum auxilia stipendia fecerunt, in Galliae Germaniaeque locis indita cognomina esse, haud invitus largitur. Ut enim a Breucorum cohorte, in Pannonia conscripta, quam veteres Inscriptiones haud unæ commemorant, Breucomagum ad Rhenum, ita Brittonum cohortem in Bavaria & in oppido Carinthiae reperias apud *Gruterum* p. CIII n. 13, ubi CHORI. FL. BRIT, quæ posteriores voces FLAVIA BRITTONUM, quemadmodum & ad Viennam Galliae ALAI. FLA. BRIT. p. DXLI n. 8 occurrit, ut taceamus ORD. BRITON. p. XCI n. 6 in eodem Opere *Gruteriano*, quod alii ORDinem BRITONum, Cl. *Cannegieterus* autem verosimilius longe OKDovicem BRITONem, interpretatur. Ordovices enim populus Britanniae, de quo *Tacitus* & *Ptolemaeus* videndi. Ceterum, ut Britti ac Britanni extra Insulam Britanniae in Batavia utique admittendi, ita, Britti *Procopii* Bataviae partem, cui Brittenburgum caput, non esse, Cl. *Cannegieterus* Capite VII pluribus demonstrat. Locus *Procopii* exstat *Libro IV Bell. Goth. Cap. 20*, ubi Britanniae nomine Hiberniam, Brittiæ autem Insulam, quam Albiona Graeci, Britanniam Romani, nos Angliam nominamus, appellari, adeo manifestum reddit doctissimus Vir, ut dubitandi locus nullus superesse videatur.

VII.

deatur. Inde ad Brittenburgum suum Capite VIII redit, a qua distinguendam esse observat turrin Phari, a *Caligula*, unde & turris Callæ dicitur, in vicinia Brittenburgi exstructam, victoriæ jocularis monumentum, ex quo ignis in usus navigantium emicuit, quam in Morinis non querendam esse, prout *Cluverio* visum, rationibus longe pluribus adductis evincit, eaque occasione plurimum lucis affundit locis, ad quæ provocat *Cluverius*, *Suetonii*, *Dionis Cassii*, & *Orosii*. Brittenburgum vero a Romanis originem ducere, prout monumenta ad Brittenburgum inventa, quemadmodum Capite IX docet Cl. *Cannegieterus*, neminem dubitare patiuntur, ita, a quo, aut quibus Consulibus, exstructum sit, non æque constat. Famæ quidem & aræ in ruinis ejus inventæ argumento ductus Vir Chrissimus, conjectat, a *Claudio* Imperatore arcem hanc esse fundatam, a Caninefatum Rege, *Brinione*, dirutam, reparatam a *Septimio Severo*, atque a *Caracalla* iterum dedicatam. Digna hoc loco sunt Lectorum studio, quæ de aris, quibus veteres terminos & fines vel expeditionum suarum, vel imperii, designarunt, collecta Cl. *Cannegieterus* congeffit, qui Capite X, postquam sub initium docuit, destinatam hanc ipsam, quæ conjecturæ de arce occasionem præbet, aram a *Caligula* quidem, sed perfectam demum a *Claudio*, fuisse, uberius ostendit, quo pacto illa una cum Brittenburgo & Romburgo disjecta a *Brinione*, *Septimii Severi* & filii ejus, *Caracalla*, temporibus, ex ruderibus, in quæ collapsa fuerat, surrexerit. Non unam hac occasione antiquitatis partem illustratam, non unum Autorum veterum locum, ut Inscriptiones taceamus, explicatum dedit Cl. *Cannegieterus*, qui Capite XI jam indagat, quo tempore Britanni in eam Insulæ partem, in qua Brittenburgum stetit, commigrantes, ei nomen commodaverint, id quod sub *Caligula* tempora, quibus *Adminius*, *Cynobellini*, Britannorum Regis, filius, cum exigua manu ad eundem *Caligulam* perfugit, factum esse, haud improbabili conjectura tuetur. Quod ad fata jam arcis hujus attinet, minus verosimile censet Capite XII, a barbaris illam vastatam, sed eadem illa calamitate, quæ tot olim turres, arces, vicos, & oppida, oceano mer-

IX.

X.

XI.

XII.

fit,

Cap. XIII.

sit, dudum ante *Caroli M.* tempora, Christiana religione nondum introducta, undis primo circumdatam, deinde *Hungeri*, undecimi Trajectensium Episcopi, qui *Ludgero*, anno Christi DCCCL exstincto, successit, obrutam fuisse, arbitratur. Utcunque autem fluctibus hausta, aliquoties tamen ab ea ætate apparuit, ita, ut ruinæ veteres spectari possent, & auferri inde varia antiquitatis *Λείψανα*, ex quibus pretiosiora primo, deinde, crescente antiquariæ Romanorum supellectilis studio, viliora etiam, conquiri atque extrahi cœperunt. Ceterum Brittenburgi & Romburgi mentione *Nicol. Collinus* in Chronico Rhythmico subjungit versum, quo docet, prope arces eas stetisse *Bardengarven*, id quod de scholis Bardorum exponit Cl. *Cannegieterus*, de quibus jam agit Capite XIII, quod ut ordine, ita non selectu observationum bonæ frugis, postremum est, quandoquidem de Bardis, de eorum institutione literaria, de scholis Romanorum apud barbaros in genere, & speciatim apud Caninofates, inque regione Batavis proxima, de aure Batava apud *Martialem Lib. VI Epigr.* de numis Dorestatenfibus, in quibus MADELINUM monetarium cum Rege *Elino*, aluminis auribus prædito, viri docti confuderunt, & alia his plura, quæ non vulgarem Viri doctissimi eruditionem produnt, complectitur. His subjunctæ sunt notæ atque observationes ad *Abrahami Muntingii* de vera antiquorum herba Britannica Dissertationem Historico-Medicam, quæ anno superioris Seculi octogesimo primo exiit, anno inde sequenti in his *Actis* laudata. Eas cum Dissertatione hac qui contendunt, ut lapsus *Muntingii* multiplices, a Cl. *Cannegietero* modeste indicatos, perspiciant, ita Britannicam herbam, quam is descriptam dedit, non parum diversam ab ea deprehendunt, quam veteres scriptores indicarunt, cujus radicem, folia, caulem, flores, & florum tempus, in alia omnia abire, Cl. *Cannegieterus* luculenter ostendit.

CODEX GERMANIÆ DIPLOMATICUS,
 Collectore JOANNE CHRISTIANO LÜDIG.
 Pars II.

Fran.

Francofurti & Lipsiæ, apud hæredes Friderici Lanckisii, 1733, fol.
Alph. 14 plag. 15.

Nondum deferbuit in Cl. *Lünigio* nostro laudatissimum illud publicis commodis inserviendi studium, quin in dies amplissimas suas, & in secula ituras, Collectiones novarum accessionum mole amplificet, & splendore collustret. Nec minus, quam cetera ejus omnia, hæc Codicis Diplomatici altera Pars diligentiam Viri prorsus insignem, laboresque in colligendis publicis, ad Germaniam nostram spectantibus, documentis, omnium exempla supergressos, comprobavit. Est enim in eo ingens Diplomatum & monumentorum veterum & recentiorum apparatus, quibus Augustissimæ Domus Austriacæ provinciarum, tum Germanicarum, tum Belgicarum, status quasi tot luminibus illustratur. Auspicatur vero Cl. Collector hoc Volumen *Capitis I Sectione V*, rerum Moravicarum documentis, præsertim ad historias Seculi XIV spectantibus, referta. Succedunt his Silesiaca primum generalia, tabulæ nimirum pacis, fœderum, aliæve, ad res Ecclesiarum & commerciorum spectantes. Inde ad singulos principatus, imo & illustres ac liberas Silesiæ dynastias, deflectens, multa præsertim de terris Monsterbergensibus & Olsnensibus congestit. Excipiunt hæc Austriaca, & in eorum fronte antiquissimum illud cimelium, Diploma nimirum *Thasilonis*, Bavariz Ducis, quo Cremsifanensis Monasterii fundatio continetur. Sequitur *Friderici I* Imp. membrana celebratissima, in qua Austriam, avulsam a Bavaria, Ducatus dignitate, variisque aliis juribus & immunitatibus, ornat, quæ & ipsa unicuique probare poterit, quam scrupulosa Noster diligentia hæc documenta recensuerit. Neminem enim latere potest, in quanta varietate versentur, qui insigne hoc Augustissimæ Domus Austriacæ privilegium publicæ luci exposuerunt, adeo, ut non in verbis tantum & lectionibus quibusdam discrepent, sed & integras periodos, quas nonnulli omittunt, alii adficiant. Primo igitur loco Diploma ex *Tentzelii Colloquiis mensuris A. 1689 p. 559* descripsit, qui, cum ipse ex Chronico *Hasselbachii* Austriaco deprompta sua fateatur, nec tamen ejus lectiones

Q

exacte

exacte cum textu *Hasselbachiano*, qualem in *Tomo II Scriptorum Austriacorum* recensuit S. R. P. *Pezius*, conspirent, consultum duxit *Lünigius*, ex ista hujus Chronici editione idem denuo repetere. Postea ex Chronico Augustali, a *Marquardo Frebero Tomo I Scriptorum* edito, ob insignem a ceteris diversitatem descriptum legitur; inde lectiones, in quibus *Guiliannus* in Habsburgiacis ab editione *Goldastiana* recedit; ac denique loca bene multa, in quibus *Tolnerus*, *Vitus Arenpeckius* in Chronicis Austriacis & Bojaricis, ut & Autor *der Historischen Anzeige von den Privilegiis von Oesterreich*, ab eo exemplo, quod ipse *Lünigius Archiv. Imp. Part. Spec. Contin. I pag. 4* secutus est, abeunt, annotantur. Jam, quid de ceteris Austriacis, quid de illis monumentis dicamus, quæ ad res Stiria, Carinthia, Comitatum Tyroli, Carniola, Goritia, & Hohenbergi, nec non Judicii provincialis Suevici & Nellenburgensis, spectant? Nempe, ut multa in illis præclara continentur, ita & numero superiora, & in variis præstantiora sunt, quæ ad provincias Belgicas, Brabantiam, Limburgum, Luxemburgum, Geldriam & Zuphaniam, Flandriam, Hannoniæ, Namurium, Mechlinium, denique & Antwerpiam, pertinent. Ex quo thesauro optima quæque annotare, non tam nostrum est, quam Lectorum Juris publici & historiarum noscendarum cupidorum, inter quos nullum fore confidimus, qui non candidissimo Seni longam annorum seriem apprecetur, ad pertexendam telam, Germaniæ nostræ decori, seris posteris utilitati, *Lünigiano* vero nomini, quod dudum per ora virum volitat, maximo ornamento, jure meritoque futuram.

LEÇONS DE PHYSIQUE &c.

h. e.

LECTIONES PHYSICÆ, COMPLECTENTES
Elementa Philosophiæ naturalis, per solas leges
mechanicas determinata: Autore JOSEPHO PRI-
VAT. DE MOLIERES, Regio Professore Philoso-
phiæ, Acad. Reg. Scient. & Soc. Angl. Membro.

Tomus

Tomus I.


Parisiis, apud viduam Brocas, & Josephum Bullot, 1733 & 1734.


12 maj.

Alph. 1 plag 12, sive plag. 18 dupliciter signatæ,
cum Tab. æn. 7.

Quod in Geometria ab *Euclide* effectum est, ut, accurate connexis hujus scientiæ elementis, veluti catena quædam existat, unde discedere deinceps non liceat, idem in Physicis præstare conatur Clarissimus atque ingeniosissimus præsentis libri Autor. Qui, cum videret, quanta etiamnum, post tot egregias experientias, & solertissime subductos calculos, in explicandis naturæ effectibus, & ad vera principia reducendis, inter summos viros esset dissensio, non alia re certius hanc labem ex pulcherrima disciplina tolli posse judicavit, quam si primæ & maxime communes, solisque legibus mechanicis innixæ, si-ve jam olim, si-ve recens, inventæ, veritates, cum iis, quæ per justissimas rationum conclusiones inde demonstrari possunt, non interrupto nexu exponerentur, & in perpetuum stabilirentur. Id autem potissimum traditis a se Elementis favere existimat, quod & bene cohæreant, & duorum principum Philosophorum, *Cartesii* & *Newtoni*, præcipuis repertis æque congruant. Quanquam enim cum *Cartesio* & vortices struit, & vacuum negat, tamen rem potius, quam singulares *Cartesii* opiniones, amplexus, ea sibi videtur afferre, quibuscum etiam ipsius *Newtoni* demonstrata quam commodissime connecti queant. Et primum quidem, quod nunc recensemus, Operis Volumen in quinque Lectiones divisum est. Quarum una agit de legibus generalibus motus æquabilis secundum lineam rectam: altera de legibus motus generalibus secundum lineam curvam, & de proprietatibus vorticis: tertia de vorticibus inter se comparatis, & de vortice ex minoribus vorticibus composito: quarta de motu accelerato & retardato, itemque de phænomenis gravitatis: quinta denique de æthere, quem omnis soliditatis & gravitatis, ideoque etiam resistentiæ, exper-tem Autor introducit; substitutis scilicet, cum *Malebranchio*, pro globulis perfecte duris secundi elementi *Cartesiani*, vorti-

cibus minutis, quos ut rursus ex vorticibus magis minutis, & hos denuo ex minoribus, componit, ita materiam subtilissimam, qua & ipsi vortices constant, & anguli eorum replentur, pro primo elemento numerat. Præclarum sine dubio, & plurima laude dignum, Viri doctissimi institutum est: qui, etiam si propositum fortasse suum non omnino tenuisse videatur, magnis tamen excidit ausis: neque, si *Euclides* Physicorum dici nequit, idcirco non inter viros de Philosophia naturali optime promeritos collocandus est. Atque ipse eam præ se fert ingenuitatem atque modestiam, ut, accuratas ubique demonstrationes pollicendo, nil aliud se agere testetur, quam ut legentes excitet, ne quid non evidenter verum, & attentissime examinatum, admittant, & per se ipsos quærere pergant, quæ suam forte diligentiam præterierint. Motum certe, in mundo pleno, constare ac perennare posse, nisi vorticofum, jure negat. A *Cartesio*, cum in aliis capitibus, tum in eo, rectissime discedit, quod is materiam subtilem corporibus quibusvis propterea non resistere opinatur, quia particulæ ejus minutissimæ ac solutissimæ poros corporum liberrime permeare, quacunque directione, queant. Gravitationem corporum ab æthere suo, propter naturam vorticum minorum, quibus constat, majori vi centrifuga prædito, quam quæ competere corporibus solidis potest, etiam si pari velocitate in vortice majori circumferantur, admodum ingeniose deducit. Vires centrales succincte demonstrat. Ut alia multa prætereamus, quibus approbationem Academiæ Scientiarum suo jure promeruisse videtur. Sunt tamen quædam, eademque maximi momenti, in quibus veremur, ne parum firma sit catena ejus. Omittimus, quod vires corporum motorum, non secundum quadrata celeritatum, sed secundum ipsas celeritates simplices, æstimat, tanquam hoc per se clarum & extra controversiam positum esset. Duo saltem, exempli causa, breviter attingemus, quibus, veluti certissime demonstratis, pleraque superstruit: de vorticum vi centrali, undique eadem, & de æthere, defectu gravitatis non resistente. Assumit ejusmodi vorticis motum, ut, in pari a centro distantia, par sit





fit ubique celeritas, ita, ut prope polum X vel Z, in circulo, cum æquatore AMN parallelo, sed millies (exempli causa) minori, revoluta particula, nihilo tardius moveatur, quam ea, quæ ipsum æquatorem describit: hac scilicet semel, illa millies, eodem tempore, orbem suum absolvente. Quo posito, facile demonstrat, vim, qua particula quævis, sive in æquatore, AMN, sive in quolibet circulo parallelo, Cmn, revoluta, superficiem sphaeræ urget, plane eandem esse. Quanquam enim vis absoluta, qua particula C a centro sui circuli I recedere conatur, ad vim particulæ A se habet, ut AO (sive CO) ad CI, tamen, cum directio particulæ C ad superficiem sphaeræ obliqua sit, ideoque vis ejus centrifuga absoluta, ad vim, quam contra superficiem commemoratam exerit, se habeat, ut CI ad EI, sive ut CO ad C; manifesta omnino est enuntiati veritas. Atque hinc concludit, quod videlicet & *Cartesium* & *Newtonum* præterisse arbitrat, vim, qua materia vorticis se expandere, & a centro O recedere, conatur, undique æqualem, & nihilo sub ipsis polis, quam sub æquatore, minorem esse. Non est hujus loci, multis verbis exponere, quæ contra dici queant. Unum quærere libet, cum vis IC in duas resolvatur vires componentes, IE & EC, & vis IE contra superficiem sphaeræ directâ sit, quid fieri debeat de vi EC? Si enim hæc particulam C versus æquatorem pellit, similiterque omnis reliqua vorticis materia a polis ad medium vorticem urgetur, sequitur profecto, quod minime vult Autor noster, vim vorticis centram, a polis ad æquatorem usque, continua sumere incrementa, & superficiem vorticis quamcunque sphaericam, etiamsi perfectissime æquabilis & polita fingatur, tamen inæquali vi pulsari debere. Sed progrediendum est ad alterum exemplum, quod paulo ante posuimus. Statuit Vir insignis, corpora gravitatis expertia ad resistendum omnino esse inepta, quæcunque eorum densitas, magnitudo, & celeritas, fuerit: neque aliam ob causam ætherem non resistere, quam quia ipse gravitate destitutus sit, tametsi omnem gravitatem corporum efficiat. Magna semper quæstio fuit, cur

non omne genus corporum æque motui obſiſtat, vel, quod idem eſt, cur corporum, magnitudine & celeritate æqualium, inæqualis tamen vis ſit? Qui vacuum defendunt, hanc rationem in promptu habent, quod alia corpora plus vacui inter partes ſuas, atque adeo minus materiæ, complectantur, quam alia. Qui vacuum non probant, ætherem, ſive materiam ſubtilem, pro vacuo ſubſtituunt: quam materiam nonnulli talem introducunt, uti ad nihil aliud valere videatur, quam ne ſit vacuum; nonnulli talem, ut modo nihil valeat, modo plurimum, prout uſus eſt. *Carteſius* vias, per omne genus corporum ætheri patentes, in ſubſidium vocat. Alii ſummæ liquiditati materiæ confidunt. Autor noſter in eo ſolo acquieſcit, quod æther gravis non ſit. Ad quæſtionem, quo pacto igitur gravitatem & motum corporum efficere æther queat, ſi vis & reſiſtentia a gravitate demum naſcatur, in hanc ſententiam reſpondet: motum corporum, ab æthere proſectum, initio non alium, quam infinite parvum, eſſe, ſed continuo repetitis ictibus augeri. At, ſi vis corporum ſine gravitate nulla, & æther gravitatis expers eſt, conſequi certe videtur, non ut infinite parvus, ſed ut nullus plane, motus impulſusque corporum ab æthere oriri poſſit. Denique, ſi libere profitendum eſt, quid ſentiamus, inter principia naturæ prima, minime dubia, & in perpetuum valitura, nihil minus numerandum arbitramur, quam illud Autoris pronuntiatum, quod vis & reſiſtentia corporum, præter maſſam & celeritatem, adhuc a gravitate dependeat. Gravitatis enim, cum in niſu & impulſu conſiſtat, verſus centrum terræ, cur iſtiusmodi impulſus plus, quam quivis alius, aliam directionem habens, imo cur quivis alius ſine illo nihil valeat, non ſane perſpicimus. Directe inter ſe concurrant duo quæque corpora, in ſuperficie immota collocata, quorum definita ſit celeritas & maſſa: accedat nova vis, quæ corpora ad perpendicularum verſus ſuperficiem commemoratam urgeat: non ſane ob eam rem magis vel minus valide corpora ſe mutuo percutient; ſive magna iſta vis fuerit, ſive parva; ſive ad centrum terræ dirigatur, ſive aliorſum reſpiciat; dummodo
motum

motum corporum non mutet. Manifestum igitur est, vim corporum motorum, etiam detracta gravitate, superesse, atque, si æther non resistit, hunc resistantiæ defectum aliunde, quam a defectu gravitatis, deducendum, de cetero vero cavendum esse, ne corpus non resistens iners, & ad sequendas motuum leges ineptum, porroque & penetrabile, & incorporeum, & postremo nihil, fiat; a vacuo saltem *Epicuri* & *Newtoni*, seu, si mavis, a mero & nudo spatio, quod ipsum *Cartesius* pro corpore habet, nullo discrimine secernendum.

BASIS ASTRONOMIÆ, SIVE ASTRONOMIÆ Pars mechanica, in qua describuntur Observatoria atque Instrumenta Astronomica ROEMERIANA Danica; simulque eorundem usus, sive methodi observandi ROEMERIANÆ, in usum publicum, & præsertim in gratiam una prodeuntis valde insignis Tridui Observationum Tusculanarum ROEMERI, ex fundamentis exponuntur a PETRO HORREBOWIO, Philos. & Med. D. in Universitate Havniensi Astron. Prof. & Societatis Paris. Membro.

Havniæ, apud Viduam B. Hieron. Christiani Pauli, 1735, 4 maj. Alph. 1 plag. 7, & Tabb. æn. II.

Quod ante aliquot annos promisit Cl. *Horrebowius*, (vid. *Act. A.* 1729 p. 65) & tum quidem luctuosissimum urbis Havniensis incendium interrupit, Opus insigne Astronomiæ mechanice *Ræmerianæ*, nunc tandem absolutum prodit: adjecto Triduo Observationum Tusculanarum, tanquam reliquiis, ex amplissimo & inæstimabili Observationum Astronomicarum thesauro, quem, simul cum aliis *Ræmeri* Operibus, quorum editionem successores & amici ejus procrastinarunt, fatale illud incendium absumsit. Præmissum est Programma Academicum, in obitum Viri summi conscriptum: ex quo constat,

stat, eum Aarhusii in Cimbris A. 1644, parentibus honestis, mercaturam facientibus, prognatum, & A. 1710 Havniæ exstinctum esse. A. 1671 illustris Mathematicus *Picardus* eum Lutetiam duxit: ubi studiis mathematicis Serenissimi Delphini præfectus, & in Academiam Scientiarum cooptatus est. A. 1681 e Galliis Havniam revocatus, Professoris Regiæque Mathematici dignitate auctus, postea in Angliam, Galliam, & Belgium, ablegatus, tandemque Consiliarius Status, Justitiæ, & Cancellariæ, itemque Consul urbis primarius, & Politicæ director, constitutus, cum omnibus ubique propter integritatem, prudentiam, & doctrinam, admirationi fuit, tum de cultoribus Astronomiæ prorsus immortaliter meritis est. Librum ipsum in duodeviginti Capita Cl. *Horrebowius* distribuit. Quorum uno de turri Astronomica Havniensi, deque instrumentis Astronomicis Danicis veteribus: reliquis de magni sui præceptoris, *Olai Ræmeri*, inventis, de methodo ejus observandi, de horologiis, de tubis & pinnacidiiis, de divisionibus instrumentorum, de machina æquatoreâ & azimuthali, de observatorio domestico & Tusculano, de perpendiculo correspondentium, de parallaxi orbis annui, de tubo cancellato, de amphioptra, sive tubo reciproco, de micrometro, de machina planetarum & Jovialium, de rota meridiana Observatorii Tusculani, ac denique de instrumento æquinoctiorum, exponit. Observationes, quas magno numero, & singulari cum diligentia, in Tusculano suo *Ræmerus* per triduum celebravit, scilicet die 21, 22, & 23 Octob. A. 1706, ad Caput septimum decimum, post rotæ meridianæ descriptionem, annexæ sunt. Nunc separatim nonnulla attingemus. Et methodus quidem, quam secutus est in suis Observationibus Vir illustris, in eo consistit, quod, neglectis distantis, altitudinibus & azimuthis, unice rectascensionibus & declinationibus astrorum investigandis invigilaverit: neque has ipsas simpliciter determinaverit, sed earum tantum differentias a rectascensionibus & declinationibus solis. Horologia oscillatoria *Hugeniana* tria adhibuit, ad motum apparentem diurnum stellarum fixarum accommodata; quorum unum Observatori maxime propinquum


quum & ante oculos positum esse voluit. Telis bombycinis, pinnacidiorum loco in tubis applicandis, reticulisque ex pluribus filamentis compositis, diligentissime usus est. Ad quæ noctu ritè collustranda, ne conspectum effugerent, extremo tubo thecam addere consuevit, ab uno latere apertam, quo lumen laternæ illabi, atque a fundo, pro apertura vitri objectivi perforato, & vel speculari, si tubus major esset, vel chartaceo, si minor, ad ipsa filamenta posset reflecti. In dividendis instrumentis accuratissimus fuit. Ad evitandam vero multitudinem divisiuncularum, e re esse duxit, minores particulas ipsi manui indicis sive alhidadz inscribere, ut majoribus singulis applicatz rite congruerent. Transversales porro lineas in limbis instrumentorum circularibus minime probavit, nec cochleas, alhidadis affixas. Novam igitur atque utilissimam rem commentus est, ut microscopium compositum applicaret, in foco vitri ocularis reticulo bombycino instructum, cujus fila parallela tot intervallis æqualibus distarent, quot ad subdivisiones partium, in limbo instrumenti notatarum, requirerentur: ac deinceps lenticulæ objectivæ distantiam ita aptavit, ut particulam subdividendam extrema reticuli filamenta exacte caperent. Inventæ sunt post incendium, præter schediasma de parallaxi orbis annui, etiam explicationes, ipsa manu beati Viri nitide, atque, ut videtur, jam tum, cum Parisiis esset, descriptæ, trium a se repertorum instrumentorum, tubi cancellati, tubi ancipitis, sive amphioptæ, & micrometri: quas ipsas schedas Cl. *Horrebowius*, cum suis annotationibus, in præsentî libro exhibendas judicavit. Tubus cancellatus duo habet vitra objectiva, quorum prout distantia & focus mutatur, ita una eademque craticula quadrata, in plurima minora quadrata, filis decussatis, divisa, atque in foco collocanda, discos solis vel lunæ, modo majores, modo minores, semper capere exacto potest. Similem machinam, vel potius eandem, postea invenit *Philippus de la Hire*, cui *Ramariana* non videtur ignota fuisse. Tubus anceps, sive amphioptæ, itidem duo habet vitra objectiva, & duo filorum reticula, circa utramque

tubi extremitatem immota: ita, ut oculum cum lente oculari utrinque æque commodè applicare liceat. Micrometrum illud ipsum est, quod *Philippus de la Hire Picardo* tribuit, egregii usus, & satis hodie notum. Longum esset, si ceteras *Ramerianas* machinas, & methodum errores earum detegendi & corrigendi, ipsasque observationes tridui, quantumvis paucis, attingere vellemus. In libro Cl. *Horrebowii* hæc querenda sunt. Nobis vero in præsentī satis erit, si brevem adhuc mentionem fecerimus utriusque observatorii *Rameriani* privati, præcipuorumque, quibus in iis usus est, instrumentorum: ex quo intelligi poterit, quam non difficili, neque admodum sumtuoso, apparatu opus sit, ad sacra *Uranice* rite colenda. Observatorium domesticum camera fuit, tredecim circiter pedes supra planum plateæ elevata: fenestra ad meridiem spectavit, nonnihil versus ortum declinans, per quam meridianus, a gradu undetrigesimo declinationis australis ad quadragesimum septentrionalis patuit. Reliqua schematicus ante oculos ponit. Formam axis *KI*, ferrei, & validis fenestræ muris innixi, situmque habentis in primario verticali exacte horizontalem, separatim exhibet figura *M*. Per hujus anulum trajectus tubus, & rite firmatus, laminisque ferreis, duplicem conum formantibus, circumvestitus, quam accuratissime ad meridianum dirigitur. Extremitati tubi ultra vitrum obiectivum adjecta est theca, ab uno latere aperta, cum speculo perforato, quod lumen, a laterna *D* exceptum, versus filamenta, in foco posita, reflectit. Circa medium axem manubrium est, ex laminis ferreis paratum, cujus ope volvi tubus cum axe potest. Præterea index declinationum, ex laminis ferreis crassculis confectus, axi adhæret, gestans microscopium *E*, cum annexo indiculo incurvo. Arcus *F* est machinæ meridianus, graduum 75, constans arcu ferreo satis crasso, & lamina orichalcica obducto; in qua lamina, per puncta exigua, exhibentur sextantes graduum, qui deinceps per microscopium in minuta prima dividuntur. Denique pondus *Y* ita machinam mediam sublevar, ne propria mole, tubique & ceterarum rerum gravitate, subsidere atque

Tab. III

Fig. 2.

TABIV ad Nova Acta Erud. A. 1736 Mens. Mart. p. 13



Ecclesiae additi, e scriptis antiquissimis, etiam a multis antiquissimis

R 2

atque

mole, & tubique & ceterarum rerum gravitate, subsidere at-
que

que incurvari possit. Nunc ex urbe rus eundum, atque observatorium *Ræmeri* Tusculanum contemplandum est. Tugurium illud vocat Cl. *Horrebowius*, pedes 17 longum & latum, in loco paulo eminentiore patentis planitie exstructum, & a turri Astronomica Havniensi uno minuto temporis versus occasum distans. Pavimentum ad unum fere pedem infra ipsam terræ superficiem depressum, parietes vero cum tecto, rima continua, 4 pollices lata, ita dissecti sunt, (aliquot tantum trabeculis ferreis cohærentes,) ut tubo machinæ primariæ circumvoluto totus meridianus ab horizonte australi ad borealem pateat. Machinam illam schematis-
mus sistit. B rota meridionalis est, in cujus limbo sextantes graduum accurate notati sunt. C axis crassus, e bracteis ferreis conflatus, & utrinque in conum solidum terminatus, matricibusque orichalcicis exceptus: DA tubus 5 pedes longus, filis bombycinis & theca luminosa instructus: F microscopium. Atque hæc hoc loco ex Opere præstantissimo delibasse sufficiat.

Tab. IV.

MEMOIRES POUR SERVIR A L'HISTOIRE &c.
h. e.

COMMENTARII, HISTORIÆ CELEBR-
rimorum in Republica literaria Virorum inservientes.
Accedunt Catalogi librorum, a singulis editorum,
de iisque judicia.

Tomus XXIV & XXV.

Lutetiz Paris. apud Briassonium, 1733 & 1734, 12 maj.
Tomus quisque habet plag. 18, totidemque
plag. dim.

Primum in *Tomo XXIV* locum tenet *Vita Matthiæ Flacii*, m.
1575 d. 11 Martii, quam Cl. Autor more descripsit suo. Eruit
scilicet memorabilia de hoc hæretico, quem vocant Romanæ
Ecclesiæ addicti, e scriptis nostratum, non e libris hostium,

R 2

atque

atque ita se gerit, ut, ipsum *ἀνευ πᾶδων* & sine odio Theologico vitas Theologorum describere, appareat. Sequitur *Jn. Hieronymus Zannicbellius*, pharmacopola Venetus, factus dein Doctor Medicinæ, Ducisque Parmensis Chymicus & Chirurgus, m. 1729 d. 11 Januarii. Opera ejus *Botanica posthuma* prodierunt A. 1730. Addimus his novum Opus posthumum, *de Plantis, circa Venetias nascentibus*, anno demum superiore a filio, *Jo. Jacobo*, editum, & in *Actis Mensis Febr.* hujus Anni laudatum. *Petrus Belonius*, Medicus Parisinus, confecto per Orientem itinere clarus, m. 1564. Noster eum defendit contra *Sammarthanum*, qui *Elog. Lib. 1 Cap. 11* ipsum egit reum plagii literarii. *Gilbertus Cognatus*, famulus prius, deinde familiaris & amicus *Erasmi*, m. 1567, cujus Opera sunt edita Basil. A. 1562. *Sethus Wardus*, Anglus Episcopus & Mathematicus, m. 1689 d. 6 Januarii. *Quirinus Reuterus*, Professor Heidelbergensis, m. 1613 d. 22 Martii. *Germanus Audebertus*, Poeta, m. 1598 d. 24 Dec. *Richardus Vitus Basingstochius*, Juris Prof. in Acad. Duacensi, m. 1612, qui A. 1568 edidit Commentarium in Bononiense Epitaphium, cui titulus: *Ælia Lelia Crispis*, ac deinde *Historiam Britannie*. *Angelicus Aprosius*, monachus Augustinianus, m. 1680. Inter ejus libros eninet *Bibliotheca Aprosiana*, quam nuper in Germania edidit, sed meliorem redactam in ordinem, iisque, quæ inutilia videbantur, recisis, *Celeb. Hamburgensium Theologus, Wolfius*. *Justus Lipsius*, m. 1606 d. 23 Martii. *Matthæus Polus*, editor *Synopses Criticorum sacrorum*, m. 1679. *Thomas Muffetus*, Anglus Medicus, m. 1600. *Ægidius Corrozetus*, Parisiensis, m. 1568 d. 4 Julii. *Honoratus Racanus*, Poeta Gallus, m. 1670. *Petrus Patrixius*, Poeta, m. 1671 d. 6 Oct. *Joannes Nevizanus*, Jctus Taurinensis, m. 1540. *Nicolaus Boileus*, Satyricus clarissimi nominis, m. 1711 d. 13 Martii: de cujus vita & scriptis percopiose hic loci agitur. *Ægidius Boileus*, prioris frater, item Poeta, sed longe minor, m. 1669. *Jo. Baptista Valincurtius*, m. 1730 d. 4 Jan. Inter ejus scripta excellit *Vita Francisci, Ducis Guisii*. *Casp. Waserus*, Theologus Tigurinus, m. 1625 d. 9 Nov. *Hieronymus Aleander*, Nuntius Papæ in Comitibus Wormatiensibus anni

1521, & magnus hostis *Lutheri*, tandem Cardinalis factus, m. 1542 d. 1 Febr. *Hieron. Alexander*, junior, m. 1631; *Antonius Verderius*, m. 1600 d. 25 Sept. *Claudius Verderius*, ejus filius, m. 1649. Ejus *Censio in Autores pæne omnes* a Nostro habetur pro declamatione superbi juvenis, nonnihil eruditionis, perparum judicii, habenti. *Franciscus Crucimanius*, quem *Bibliotheca Gallica* nobilitavit, m. 1586, mense Novembri. *Carolus Datus*, Florentinus, m. 1675. *Joannes Boterus*, Secretarius S. *Caroli Borromæi*, cujus notæ sunt *Relationes de præcipuis Rebuspublicis*, m. 1608. *Joannes Ru-xelius*, Poeta & Jctus Cadomensis, m. 1586 d. 5 Sept. *Claudius Seyffelius*, Episcopus Massiliensis, deinde Archiepiscopus Taurinensis, m. 1520 d. 31 Maji. *Jacobus Cavicaus*, m. 1511 d. 3 Junii. *Fulvius Ursinus*, m. 1600 d. 18 Maji. *Jacobus Quetifius*, qui Scriptores ordinis Dominici recensuit singulari libro, quem A. 1721 *Jacobus Echardus* una cum accessionibus edidit suis, m. 1698 d. 2 Martii. *Amabilis Burzeus*, insignis Theologus polemicus, m. 1672 d. 2 Augusti. *Marcus Velferus*, m. 1614 d. 13 Junii. *Ludovicus Doni D'Attichi*, Episcopus Gallus, m. 1664 d. 2 Julii. *Vincentius Viviani*, m. 1703 d. 22 Sept. Observamus tamen, nullam hic fieri mentionem *Vitæ Galilæi*, a *Viviano* illo copiose & peraccurate descriptæ, quam A. 1717 in *Fastis consularibus Academia Florentina* edidit *Salvinus*, quamque Germanicum in sermonem conversam legimus in *Actis Philosophorum Heumannianis*, & quidem in tertio eorum *Tomo p. 261 seq.* Ultimum hic locum occupat *Michael Menotus*, celebris concionator Gallus, m. 1518. Estant ejus Conciones, e quibus fragmenta complura hic exhibentur, non pietatis igniculos excitatura, sed risum contemptumque.

Subsequenti *Tomo*, qui *vigesimus quintus* est, primo laudatur *Guilielmus de Catel*, *Historia Comitum Tolosanorum* conditor, m. 1626 d. 5 Oct. vel eo nomine singulari memoria dignus, quod primus historiam confirmavit diplomatibus. *Andreas Rossottus*, monachus Romanus, m. 1667, de *Scriptoribus Pedemontanis*, inter quos ipse est, librum edidit. *Petrus Morinus*, Professor *Academix Vaticanæ*, m. 1608, cujus Opera demum A.

1675 sunt edita. Edidit ipse Romæ A. 1587 *Vetus Testamentum juxta Septuaginta, cum variis lectionibus*, & A. 1588 hujus Græcæ versionis versionem Latinam, & A. 1590 *Biblia vulgata editionis, a Sixto V recognita & approbata*. Postremum opus cum propter sphalmata typographica suppressum fuerit, nata hinc ejus raritas effecit, ut aliquando venderetur quadringentis & septendecim numis Imperialibus. *Philippus Labbeus*, Jesuita, m. 1667, d. 25 Martii. *Torquati Tassi*, Poetæ illustrissimi, vita multis hic describitur p. 43-69, & hinc de scriptis ejus differitur usque ad p. 92. Mortuus is est A. 1595 d. 25 Aprilis, maximos nactus Mæcenates, sed ob summam melancholiam admodum infelix. Ejus *Amynthæ*, quæ Comœdia pastoralis est, exstant versiones Latina, Gallica, Anglica, Hispanica, Belgica: quod idem & aliis ejus poematibus accidit. *Hermannus Buschius*, m. 1534. *Georgius Mackenzie*, Scotus, m. 1691 d. 8 Maji, discernendus ab illo *Georgio Mackenzie*, qui A. 1708 & 1711 duo Volumina edidit *de Vitis Scriptorum Scotiae*. *Gabriel Madeletius*, Poeta Latinus egregius, m. 1661 d. 20 Nov. *Joannes Reuchlinus*, m. 1522 d. 30 Junii. De *Vita Reuchlini*, a *Majo* scripta, Noster judicat, Autorem hunc studiosissime collegisse ea, quæ ad *Reuchlinum* pertinent, sed neglexisse ordinem, prætereaque scatere digressionibus, denique non justam exhibuisse perfectamque notitiam editorum a *Reuchlino* librorum. *Jo. Albertus Campistronus*, Poeta Gallus, m. 1723 d. 11 Maji ex graviore ira, quæ ipsi apoplexiam attulit. *Baptista Guarinus*, Secretarius Status Ducis Ferrariensis, m. 1612 mense Octobri, ob comœdiam Italicam, quam *Il pastor fido* inscripsit, notissimus. *Jo. Antonius Viperanus*, Siculus, non, ut *Nic. Toppius* sensit, Neapolitanus, Episcopus Juvenacensis in regno Neapolitano, m. 1610, mense Martio. Ejus Opera tribus maximæ formæ Voluminibus edita sunt Neapoli A. 1606. *Constantinus Cajetanus*, monachus Montis Cassini, custos bibliothecæ Vaticanæ, m. 1650 d. 17 Sept. *Thomas Rhoe*, Legatus Regis Angliæ *Jacobi I* ad Mogolem magnum, ad Imp. Turcicum, ad Imp. Romanum, ad Reges Poloniæ, Sueciæ,

Succizæ, & Daniæ, m. 1644 d. 6 Nov. Edidit *Relationem de aulis Constantinopolitana & Mogolica*. Thomas Morus, m. 1535 d. 6 Julii. Joannes Mairetus, Poeta Gallus, m. 1660. Jo. Mandevillius, Anglus, magnus peregrinator Seculi XIV, mortuus Leodii A. 1372 d. 17 Nov. *Itinerarium* edidit, quod Autor noster ait perrarum esse nullo literati orbis incommodo, cum fabulis sit refertissimum. Jo. Jac. Chiffletius, non solum Medicus, sed etiam magnus Antiquarius, m. 1660. Tres reliquit filios, Julium, Joannem, & Henr. Thomam: quorum & hic vitæ librique commemorantur. Etiam de *Claudii Chiffletii*, m. 1580, scriptis hic fit mentio, itemque de *Philippo Chiffletio*, Jo. Jacobi fratre, factio ad ultimum Archiepiscopo Vefontino; & de altero ejus fratre, *Petro Francisco*, Jesuita, m. 1682 d. 11 Maji, anno vitæ nonagesimo. *Leonardus Aretinus*, m. 1444. *Carolus Aretinus*, æque, ut prior, Secretarius Reipubl. Florentinæ, m. 1453. *Joannes Aretinus*, Secretarius *Nicolai V*, Papæ, m. 1466. Jo. Herbinus, m. 1676 d. 14 Febr. *Philippus Portus*, m. 1606 d. 5 Oct. cujus elogium *Scævola Sammartianus* non solum inter *Elogia Gallorum* exhibuit *Lib. V Cap. 8*, sed etiam in secundo *Lyricorum* suorum libro. *Zacharias Boverius*, monachus Capucinus, Genuæ m. 1638 d. 31 Martii. *Annales* ejus *Ordinis Minorum S. Francisci*, qui *Capuccini* nuncupantur, in linguam Gallicam, Italicam, & Hispanicam, traducti sunt, cum tamen fabulis scateant puerilibus. *Claudius Fauchet*, cujus notæ inprimis sunt *Antiquitates Gallicæ & Francicæ*, m. 1601. *Petrus Pomponatius*, m. 1526 d. 1 Aprilis. *Guichardus Josephus Verney*, Medicus & Anatomicus præstans, m. 1730 d. 10 Sept. anno ætatis 82. *Paulus Jovius*, m. 1552 d. 11 Dec. *Philippus Beroaldus*, m. 1505 d. 17 Julii. *Philippus Beroaldus*, non filius, sed gentilis, prioris, m. 1518. *Nicolaus Rapius*, m. 1609, mense Februario.

Libet ex hoc Tomo exhibere nostris Lectoribus vitam & historiam literariam famosi nominis, *Petri Pomponatii*. Natus is Mantuæ A. 1462 d. 16 Sept. patre cive gregario, statura erat adeo parva, ut vulgo vocaretur *il peretto*. Professor philosophiæ in Acadē-

Academia Patavina multum sibi comparavit famæ & exsultationis, conjecta in se publicis in disputationibus tela ab *Alex. Achillino* ingeniose & persacete eludere solitus. Eidem *Achillino*, A. 1512 exstincto Bononiæ, (nam is illuc Patavio demigrarat,) in philosophica cathedra successit. Atque in hac urbe, quicquid edidit librorum, composuit *Pomponatius*. Ex tribus uxoribus non nisi unam suscepit filiam, cui dotem dedit duodecim ducatorum millia. Vita excessit anni 1526 mense Martio, ætatis anno sexagesimo quarto, & quidem, si *Paulo Jovio* credimus, ex morbo, quem stranguriam vel dysuriam vocant Medicorum filii. Cadaver ejus vectum fuit Bononia Mantuam, ibique patri in solo humatum solenni ritu, idque auspiciis *Herculis Gonzaga*, Cardinalis, qui fuerat ipsius discipulus. Dicamus nunc de libris ejus. A. 1514 *Tractatum* edidit, in quo disputatur, penes quid intensio & remissio formarum attendantur, nec minus parvitas & magnitudo: in quo sub examen vocat ejusdem argumenti librum, a *Richardo Suiffeto* confectum. A. 1515 prodiit *Tractatus* ejus de reactione, cum appendice de actione reali. A. 1516 evulgavit *Tractatum* suum de immortalitate animæ. In hoc primo contendit, si ducem sequi libeat philosophiam, animam utique æque, ac corpus, mortalem esse, unaque cum corpore interire: certe incertissimum esse, utrum moriatur anima hominis, an sit corpori superstes. Confert igitur hanc disputationem cum questione de æternitate mundi, & utramque refert inter problemata, de quibus possit utramque in partem disputari probabiliter. Addit tamen, immortalitatem animæ statuendam esse ob testimonium Dei in N. T. exstans. Cum vero *Pomponatius* esset *syncreticus Aristotelicus*, creditus est cum suo *Aristotele* negare animæ immortalitatem. Hinc statim Venetiis vendi vetitus est hic liber, simulque carnificis manu combustus, & concionatores sacri publice declamitarunt adversus eum. Alii vero defensionem susceperunt *Aristotelis*, negantes ac pernegantes, eum hac fuisse in sententia, ut crederet, animas interire una cum corporibus. Ideo *Pomponatius* A. 1517 tribus libris constantem emisit

emisit *Apologiam*, in qua contendit rursus, *Aristotelem* non statuisse immortalitatem animæ, addens, se tamen tanquam Christianum persuasum habere contrarium. Refert *Pomponatius*, Inquisitores Venetos librum suum Romam misisse ad *Petrum Bembum*, eumque rogasse, ut eum una cum Autore suo curaret anathemate notandum a Pontifice maximo; sed *Bembum* una cum Magistro Palatii judicasse, librum hunc non posse merito condemnari. A. 1519 *Pomponatius* edidit *Defensorium*, sive *Responsiones ad ea, quæ Augustinus Niphus adversus ipsum scripsit de immortalitate animæ*. *Niphus* scilicet superiori anno docuerat singulari libro, *Aristotelem* statuisse immortalitatem animæ. Contrariam hic sententiam tuetur *Pomponatius*, & ita in exitu libri hujus scribit: *Si Christus resurrexit, nos resurgemus. Si nos resurgemus, anima est immortalis. At, Christum vere a mortuis surrexisse, scimus ex tot sanctissimorum virorum testimonio, ex Ecclesia militante. Ergo vere anima est immortalis. Si cui vero hac ratio non satisfacit, & existimat, esse insufficientem, fidem vilificat, neque meretur appellari Christianus. Nulla enim est efficacior. Paulo post rogatu Pomponatii Theologus quidam Bononiensis Academix, Chrysostomus Casalien- sis, Pomponatium pro veri nominis Christiano habens, edidit *Solutiones rationum animi mortalitatem probantium, quæ in Defensorio Pomponatii contra Niphum formantur*. Quem librum cum suo munisset suffragio & Vicarius generalis Episcopi Bononiensis & Vicarius Inquisitoris, ac uterque pronuntiasset, *Pomponatium, posthabitis omnium Philosophorum deceptionibus, unicam & inviolabilem fidem profiteri, tempestas illa sedata est*. A. 1520 *Pomponatius* scripsit librum, quem anno demum 1556 emisit *Guilielmus Gratarolus, de naturalium effectuum admirandorum causis, sive de incantationibus*. Hoc in libro manifestum facit, se in fabellarum loco ponere, quicquid narrari solet de magis & sagis. Præterea statuit ibi, præditos esse quosdam homines virtute naturali patrandi miracula, multumque efficacix thavmaturgicæ tribuit imaginationi humanæ. Idem *Gratarolus*, qui discipulus*

fuerať Pomponatii, A. 1567 edidit eundem de incantationibus librum una cum quinque Pomponatii libris de fato, libero arbitrio, prædestinatione, & providentia Dei. Ac A. 1525 prodierunt Venetiis Pomponatii Tractatus mere Peripatetici de intensiōe & remissionē formarum, ac de parvitate ac magnitudine; de reactione; de modo agendi primarum qualitatum; de immortalitate animæ; Apologia libri tres; Contradictoriorum Tractatus; Defensorium Autoris; Approbationes rationum Defensorii per Fratrem Chrysostomum; de nutritione & augmentatione. Denique A. 1563 editæ sunt Venetiis Pomponatii Dubitationes in quartum Météorologicorum Aristotelis librum. Ceterum, cum Nosler pag. 332 iudicet, Pomponatium injuria accusatum fuisse atheismi, ejusque in libris nihil inesse, quod hanc speciem præbeat, qua in re secutus esse videtur auctoritatem Balii, quem tamen ipse p. 350 ait minus accurate commentatum esse de Pomponatio, observamus, contrariam sententiam constabilitam esse in Cl. Heumannæ nostri Actis Philosophorum, & quidem T. II p. 336-380.

RAYMUNDI DUELLII, CAN. REG. SAND-Hippolytensis, ibique Bibliothecarii, de Variis, iisque potissimum selectis, ad elegantiores literas pertinentibus, rebus, Lucubratio Epistolaris.

Norimbergæ, apud Jo. Ad. Schmidium, 1733, 4.
Plag. 7.

Laudem meretur singularem Cl. Duellius, qui cimelia, quæ vel in itineribus suis comparavit, vel in Bibliotheca, cui præest, invenit, non sibi soli servat, aliisque nefarie invidet, sed ad communem studioforum hominum utilitatem in lucem emittit publicam, atque sic mirifice profert literarum civitatis terminos. Comparent in hac Epistola I Monumenta antiqua Celejensia viginti novem, & triginta tres Inscriptiones Romanæ, ex Ungaria Viennam translatae. Ex Inscriptione decima discimus, in marmoribus scribi plerumque *plis*.

NON

non *filia*. Lapis sextus, in Ungaria inventus, veram multorum opinionem, *Antonini Pii* Augusti temporibus morem Augustos *Sanctissimos* salutandi introductum fuisse, confirmat. Pag. 16.
Causarum patronus, qui innocenter vivit, res fidei suæ commissas celeriter expediteque conficit, & manum mentemque a clientum opibus puram castamque servat,

rara avis, nigroque similissima cygno,
est, & in tanto improbissimorum rabularum numero inter miracula, quæ intra unius seculi spatium redire solent, collocandus videtur. Singularem itaque attentionem meretur Inscriptio, quæ Angliæ in horto Comitum *Borromæorum* conspicitur, quam integram huc transcribere operæ pretium judicamus: 29.

C. METELLIO C. FIL. POMP. MARCELLINO EQ. R. EQ. P.
IVDICI EXVDEC. INTER SELECTOS II VIR
Q. FLAM. DIVI TRAIANI PATRONO COLLEGIORVM
OMNIVM PATRONO COLONIAE FORO IVLII RIENSI
VM PATRONO CAVSSARVM FIDELISSIMO OB INSIGNEM
CIRCA SINGVLOS VNIVERSOSQVE CIVES INNO
CENTIAM AC-FIDEM HOMINI OPTIMO CIVI ABSTI
NENTISSIMO COLL. FABR. DERT. PATRONO OB MERITA
D. D. D.

II occurrunt Lapides quinque Milliares, in eodem Cellejano districtu reperti, tres Inscriptiones Romanæ votivæ Italicæ, *Ara* votiva, in Italia conspicienda, cum tribus aliis Inscriptionibus Romanis. Succedit III Archivum Monasterii S. *Ambrosii*, Mediolanensis, & varia ad rem Diplomaticam illustrandam facientia. In monasterio Sanctimonialium D. *Benedicti* ad S. *Antonini Varisii* membrana A. 1282 exarata custoditur, in qua hæc verba leguntur: *Domina Abbatissa de consensu & affirmatione prædictarum Monialium & Conversorum.* Ex quibus consequitur, Conversos non solum in eodem monasterio vixisse cum Monialibus, per clausuram tamen separatis, verum etiam æque atque Moniales ipsas in faciendis stipulationibus concurrisse. In charta A. 1252 data reperitur formula: *renuntiando omni exceptioni non numerata pecuniæ,* 32.

Pag. 34.

36.

quæ raro & insolenter illa tempestate in membranis occurrit. IV de Humiliatorum ordine extincto, & de numis quibusdam, differit. Numum, qui in Bibliotheca Bredenſi aſſervatur, & adverſa facie effigiem *Annia Fauſtina*, in averſa Imperatorem Conjugi manum porrigentem, cum hac epigraphe: *Concordia Auguſtorum*, in medio Aſtrum *Elagabali* repræſentat, ſpuriiſ accenſet, & magis fuſum, quam cuſum, credit. De numis *Vetranii*, Imperatoris, æreis obſervat, raros eſſe, illos vero ex auro & argento rariffimis ubicunque terrarum annumerari. Aſſert poſtea Cl. Autor alium numum, rarum, &, quoad ipſe ſcit, unicum, cujus adverſa pars caput *Auguſti* nudum, addito verbo: *Cæſar*, averſa vero Navim cum Victoriola & Epigraphe: *Marcus Agrippa Conſul*, exhibet. Cuſus hic numus fuit in memoriam victoriæ, conſectio bello Siculo, opera *Agrippæ* A. U. C. 717 a *Sexto Pompejo* reportatæ, ob quam corona navali donatus fuit *Agrippa*. Illos itaque ſuaviter errare docet, qui, *Agrippam* ob pugnam Actiacam coronam navalem ab *Auguſto* reſuſciſſe, ſibi perſuadent. V Idolum Ægyptiacum explicat. VI Catalogum Episcoporum Auguſtanorum ex Mſto antiquo recitat, ritus Ambroſianos, Mediolori obſervatos, narrat, de prima Morallium S. *Gregorii* editione, quæ A. 1471 Noribergæ typis exſcripta fuit, & aliis quibusdam Bibliorum & Patrum editionibus, Sec. XV impreſſis, & in Bibliotheca San-Mauriana exſtantibus, agit, ac denique calicem, ex quo tempore S. *Ruperti*, Salisburgenſis Episcopi, ſanguinem Domini laici biberunt, deſcribit.

ELOGIUM JO. SALOMONIS BRUN- QUELLI, JCrî Gottingenſis.

Evolavit ad Superos, & terrenam caducamque vitam cum ſempiterna incomparabilique felicitate commutavit, Jo. Salomo Brunquellus, JCrus pius, doctus, & inſignis integritatis laude clarus, atque univerſæ civitati literariæ triſtem nominis ſui memoriam reliquit, Primum ſpiritum excepit Quedlinburgi die

die 22 Maji anni superioris Seculi supra nonagesimum tertii, patre *Jo. Henrico*, scholæ illius doctore publico, matre *Barbara Dorothea*, nobili *Michaeliorum* in ea urbe gente oriunda. Puerum & optimus parens, & *Tobias Eckardus*, ludo illi præfectus, & per plurimis selectioris doctrinæ monumentis editis percelebris, liberalibus & ingenuis artibus summa cum cura imbuerunt. Eo quidem felicitis industriæ successu, ut anno hujus Seculi duodecimo eum & literis ornatum, & probatum obsequio, Jenam ad majorem ingenii cultum capeßendum commigrantem, læti laudantesque dimitterent. Vix cultissimam illam literarum sedem salutaverat, cum moribus suis venustissimis & ad omnem suavitatem compositis amicitiam sibi conciliaret Virorum præstabili doctrina & fide singulari conspicuorum, *Jo. Jac. Syrbii*, *Ephraimi Gerbardi*, *Burch. Gottbelff Struvii*, *Barthol. Richardi*, *Martini Schmeizelii*, & quem primo loco nominare fas erat, *Gottlieb Stollii*, Viri, quod unum elogium omnes laudes superat, vere sapientis, a quorum latere nunquam nisi melior, nisi doctior, recessit. Sed, cum Themidos sacris sese totum consecrasset, adiit sanctissimos præstantissimosque divinæ Themidos myßas, *Ephraimum Gerbardum*, *Jo. Phil. Slevogtium*, *Christianum Wildvogelium*, *Jo. Bernhardum Frisum*, *Jo. Christianum Schræterum*, jam omnes ad meliorem vitam evocatos, & qui unus ex iis superest, *Guil. Hieronymum Brucknerum*, Virum Jctis nostris in exemplum proponendum, & illorum institutione adjutus, præclaras in Jurisprudencia progressiones fecit. Triennium exegerat Jenæ *Brunquellus*, cum, Athenarum nostrarum fama allectus, se huc confeceret, & se in disciplinam peritissimorum probatissimorumque doctorum, *Lüderi Menckenii*, *Frid. Philippi*, & *Caroli Ottonis Rechenbergii*, Viri omni elogio digni, sed omni majoris, traderet, & insignem inde pereiperet utilitatem. Jam in patriam revertebatur *Brunquellus*, virium facturus periculum, & per aliquod temporis spatium, quæ res in tanta ætatis nostræ infelicitate rara & portento similis videtur, cunctas boni, honesti, & religiosi, causarum oratoris partes sedulo atque studiose implebat. Neque tamen aureæ, uti plerisque nostris hominibus

videtur, praxi sese adeo mancipaverat, ut honestam illam, quæ ex elegantioribus literis percipitur, voluptatem abjiciendam esse statueret. Quapropter Seculi hujus anno decimo septimo cum *Henrico Caspare ab Uslar*, cujus moribus regendis præfectus erat, ad veteres suas delicias Jenam rediit, studia sua, quæ nunquam intermiserat, recolenda sumisit, & anno hujus Seculi vigesimo pulcherrimum laborum suorum fructum supremos in Jure utroque honores retulit. A quo tempore assiduas recitationes in universam Jurisprudentiam instituit, & tum dicendi suavitate, tum quia literarum lumine prælectiones suas illustraret, veteremque Jurisprudentiam instauraret, magno nationum omnium concursu, quod de *Francisco Duaren*o confirmat *Scævola Sammartbanus*, Jus professus est. Neque defuerunt Viro bene merenti præmia. A. 1723 Curia Provincialis Saxonica Advocatis adscriptus, & non ita multo post in numerum Professorum, qui extra ordinem Jura docent, receptus fuit. Sequebatur munus ferendi in Scabinatu sententias, ordinaria Juris Professio, & Assessoris in Curia Provinciali honos, quibus ornamentis demum A. 1733 accessit Consiliarii Saxonici dignitas. Non poterat latere amplissima Viri eximii virtus, sed fama ejus ad ipsas Augustissimi Magnæ Britannia Regis aures penetrabat, qui inter primos novæ Academiae Gottingensis Professores *Brunquellum* seligebat, Consiliarii Regi Aulici dignitate condecorabat, Juris Canonici Professorem, & Jctorum ordinis Primicerium, esse jubebat. Paruit divino nutui, & Regis sapientissimi voluntati, *Brunquellus*, non eapropter, quæ malevolorum insignis calumnia est, quasi præreptam sibi altioris dignitatis accessionem doleret, sed ut corpus nimis laboribus fractum reficeret, vitam minus laboriosam ingrederetur, & scribendo prodesset politiorum Jctorum cohorti. Venit itaque Gottingam ipsis Calendis Martii superioris anni, frequenti & inusitato Gottingensi in procerum & literatorum juvenum comitatu stipatus, & nono Aprilis die novæ Academiae gubernacula regenda suscepit. Sed o lubricæ spes! o vanæ hominum cogitationes! Vix admotus erat splendidissimo huic muneri, cum omnes quasi morborum catervæ in eum furere inciperent, corpus annuis & continuis morbis fractum peni-

penitus enervarent, & Virum longissima vita dignissimum uno ante completum annum secundum atque quadagesimum die, h. e. die 21 Maji superioris anni, mortalitati eriperent. In matrimonium A. 1720 duxit *Sibyllam Catbarinam, Guil. Hier. Bruckneri*, cujus supra mentionem fecimus, filiam, quod & prole fecundum, & indivulso animorum consortio fortunatum atque ex omni parte beatum, fuit. Vir fuit sanctissimis moribus, supra modum diligens, in dicendo jure castus atque integer, & verissimus viduarum, liberorum parentibus orborum, & cunctorum oppressorum, parens. Eo vehementius dolemus immaturum incomparabilis Jcti obitum, quo insigniorem cladem & bonæ literæ & universæ Respublicæ literaria ex eodem sentiunt. Sed solabimur mœlitiā nostrā, & luctui nostro in vivis spirantibusque ingenii *Brunquelliani* monumentis allevamentum quæremus. Scripsit nimirum incredibilis Vir industriz Dissertationes *de criminum abolitione, de Codice Theodosiano, ejusque in Codice Justiniano usu*, quarum unam Præfide *Ephraïmo Gerbarde*, alteram consiliis moderatore *Guil. Hier. Brucknero*, defendit, *de Conditione, si non nupserit, ultimis voluntatibus adjecta, de Processu Arvelli ad effectum sistendi, de Processu inhibitivo in foro Saxónico, de acquisitione domini ex lege, qua fit ipso jure, de diverso Patroni ecclesiastici & laici jure, de variis juris Patronatus acquirendi modis, de ratione dicti testium, de usufructu mariti in rebus uxoris, moto super illius bonis concursu creditorum cessante, de jure Patronorum honorifico primario, nimirum jure representandi, de pictura famosa, & de specie juris Germanici, pacto nimirum, quo majores nostri sub pictura famosa sese obligarunt, de Feudo Reminate, de utilibus Patronorum juribus ex corrupto ecclesiæ significatu natis, parum vel plane non utilibus. Inter Programmata eminent *Proluso von dem allgemeinen Staats-Rechte, und dessen höchstnützlichen excolirung, de diligenti comparatione omnium ejusdem inscriptionis in Digestis Capitum capienda, deque hujus artificii inventoribus & promotoribus, de Sectis & controversiis Juris Justiniani interpretum, quos Glossatores appellamus, de retractationibus veterum Jctorum,**

que.

quorum fragmenta in Digestis supersunt, de JCtis Erciscundis sive Miscellionibus, quorum fragmenta in Digestis supersunt, de praeipuis solidioris Jurisprudencia impedimentis, de variis veterum legibus suis sanctitatem auctoritatemque conciliandi modis, de solennibus in executione sententiarum capitalium a Romanis adhibitis, de pictura honesta & utili, de privilegio Saxonico de non appellando etiam querelam nullitatis, supplicationem, similiaque remedia ad summa tribunalia excludente, de usu linguae Germanicae veteris in studio Juris Feudalis Langobardici, de juribus Patronorum utilibus spuris, de Digestis secundum Indicem legum Jacobi Labitti aliorumque κατὰ πλάτος, & verbotenus excludendis, & Praefatio, qua in pugna Juris Germanici & Romani illud huic, inprimis in causarum illustrium decisionibus, praefendum esse, nisi hujus receptio probetur, ostenditur. In quibus omnibus luculenta variae multiplicisque doctrinae specimina deprehenduntur. Erat enim eo animo Brunquellus, ut non aliorum commenta & portenta unice referret, sed ut plura ex ingenio suo scriberet, & ad communem transferret usum. Quapropter potius paucis plagulis, sed quae oleum & lucernam noscent, quam magnis & horrendis voluminibus, in quibus ipse bonus Homerus dormire solet, consulere voluit Reipublicae literariae usibus. Nihilominus expressam doctrinae ejus imaginem veneramus in elegantissimo libro, cui titulum fecit: *Historia Juris Romano-Germanici, a primis Reipublicae Romanae atque Germanicae initiis ad nostra usque tempora ex suis fontibus deducta*, quae A. 1727 Jenae primum prodiiit, & A. 1730 Amstelodami, novis, neque vulgaribus, adaucta accessionibus, itorum exculsa fuit. Praeterea *Isagogen in universam Jurisprudentiam* typis mandare cepit. Denique Innocentii Cironii *Observationes Juris Canonici* A. 1726 prelo subjecit, & elaboratissima Dissertatione, de utilitate ex *Historia atque Antiquitatibus in Jurisprudentiae Ecclesiastica studio capiendis*, mirifice exornavit.

Exteriorum causa iterum significamus, jam ante aliquod tempus Indicem generalem Decennii Actorum nostrorum quinti produsse.

NOVA ACTA ERUDITORUM,

publicata Lipsiæ

Calendis Aprilis Anno MDCCXXXVI.

DESCRIPTION GEOGRAPHIQUE, HISTO-
rique, &c. de l'Empire de la Chine, &c.

h, c.

DESCRIPTIO GEOGRAPHICA, HISTO-
rica, Chronologica, Politica, & Physica, Imperii &
Tartariæ Chinensis, Mappis Geographicis generalibus
specialibusque harum terrarum, nec non Thibethi, ac
Coreæ, illustrata, multisque Figuris æri incisis exorna-
ta, ab Autore JO. BAPT. DU-HALDE,
S. J.

Tom. IV.

Parisiis, apud P. G. le Mercier, 1735, fol. maj.

Tom. I Alph. 5 plag. 22, cum Mappis 17 & Tabb. æn. 7, Tom. II
Alph. 7 plag. 20, cum Tabb. æn. 8, Tom. III Alph. 6
plag. 4, cum Tabb. æn. 5, Tom. IV Alph. 5
plag. 15, cum Mappis 25.

Ita vero in lucem nunc exiit Opus insigne splendidumque, a
plurimis rerum in remotissimis orbis terrarum partibus ge-
statum curiosis diu multumque desideratum, eruditissimique
Auctoris cura incomparabili atque industria ita elaboratum, ut
spem de se conceptam multis omnino modis superet. Sive
enim Mapparum, molestissimis eam in rem per vastum Im-
perium susceptis itineribus, incredibili confectarum solertia,

T

ac,

ac, *d'Anvillio*, Geographo Gallico, dirigente, æri nitidissime incisarum, elegantiam; sive gentis Chinenſium, artium literarumque amantissimæ, ingenii præterea, sapientiæ, virtutumque laude inprimis celebratæ, accuratam descriptionem, spectes, nihil erit, quod Operi tanto, numerisque suis, quoad humanam patitur imbecillitas, absoluto, adjici possit. Ac, quod ad Mappas quidem attinet, Imperator *Cang hi* Missionariis hoc negotii dedit, ut, quicquid terrarum ditioni suæ subiectum esset, accuratissime dimetirentur, postquam Mappam, confinia urbis Peking sistentem, ab iisque studio summo elaboratam, non sine voluptate eximia viderat. Hinc A. 1708 *Bouvetus, Regis, & Jartoux*, situm muri magni, Chinam a Tartaria separantis, una cum castellis portisque omnibus, in Mappa 15 pedum longitudinem superante delineabant. Hi, ab Imperatore vehementer probati, anno sequente cum *Fridellio*, in locum *Bouveti*, morbo conflictantis, suffecto, ultra murum progrediebantur, ac orientalem Tartariam, fines Coreæ septentrionem versus, adeoque terras Tartarorum *Mantcheoux, & Yu pi ta se* dictas, dimetiebantur. Vix reduces, provinciam *Pe tche li*, permagnam, multisque urbibus superbientem, A. 1710 autem terras maximam partem desertas, versus *Saghalien oula* fluvium, peragrabant, ac geographice delineabant. A. 1711, operis divisio, *Regis* ac *Cardoso* provinciam *Chan tong*, *Jartoux* autem, *Fridelli, & Bonjour*, provinciam *Hami*, ultra murum sitam, terrasque Tartarorum *Kalka ta se*; postea A. 1712 *Cardoso* cum *le Tartre* provincias *Chan si, Chen si, Kiang si, Quang tong, & Quang si*; *Mailla, & Henderer*, cum *P. Regis, Ho nan, Kiang nan, Tche kiang, & Fo kien*; denique *Fridelli & Bonjour* *Se tchuen, & Yun nan*, emensi sunt. Mortuo *P. Bonjour* A. 1715 *Regis* ac *Fridelli, Koci tcheou & Hon quang* provincias residuas, dimetiendo absolvebant, ac A. 1718 Mappas omnes in unam collatas, Imperatori, de faustis hisce successibus lætissimo, offerebant. Dici vix potest, quanta cura, in re tam difficili, in qua facillimi sunt lapsus, versati fuerint optimi homines, adeo, ut, repetitis semel iterumque observationibus, quarum modum fufius descripsit *P. Regis*, rationibusque

caute

caute subductis, si quid forte erratum erat, emendaverint. Ceterum Mappæ, *Tomum I* ornantes, numero sunt XVII, quarum una Chinam, Tartariam, & terram Thibetanam, conjunctim, altera Chinam separatim, reliquæ XV provincias Chineses exhibent, quibus delineationes ichnographicæ urbium primariarum adjunctæ sunt Tabulis VII. In Historia ipsa condenda usus est Autor stupendo apparatu MStorum Chinesium, ex quibus, quanquam æteroque multa continebant ad institutum parum aut nihil prorsus facientia, hoc saltem profecit, ut de veritate earum rerum, in quibus describendis exactissime inter illorum Autores conveniebat, certior redderetur. Præterea autem cum Missionariis, in Europam reversis, sententias diligenter contulit, dubias causas, quamplurimas perquisivit, commerciumque literarum cum Missionariis, per Chinam omnem divagantibus, viginti quatuor annos & amplius continuavit; denique, toto jam opere perfecto, cum P. *Contancino*, 32 annos in China commorato, ac commodum Parisios reducere, quicquid in literas retulerat, communicavit, ejusque monitis suam in rem egregie usus est. Tali modo mediam ingressus viam, nec omnia, nullo habito discrimine, probavit, quæ a Chinesibus, rerum suarum magnopere prædicandarum studiosis, consignata erant, neque uni tantum causæ, relictis aliis omnibus, intentus, plura memoratu haud indigna præteriiit. Quo autem & iis suus constet honor, qui in momentis permultis ab oblivione hominum vindicandis desudarunt, age, nomina Missionariorum apponamus, quorum scriptis, sive manu exaratis, sive typis expressis, usus est Autor. Sunt igitur hi fere: *Mart. Martini, Ferdin. Verbiest, Phil. Couplet, Gabr. Magalhens, Jo. de Fontaney, Joach. Bouvet, Jo. Franc. Gerbillon, Franc. Noel, Lud. le Comte, Claud. Visdelon*, nunc Episcopus claudiopolitanus, *Jo. Bapt. Regis, Joseph. Henr. de Premare, Franc. Xaver. d'Entrecollet, Jul. Placid. Hervieu, Cyr. Contancinus, Petr. de Goville, Jo. Arm. Nyel, Dominic. Parrenin, Petr. Jartoux, Vincent. de Tarte, Jos. Anna Maria de Mailla, Jo. Alex. Gollet, Claud. Jacquemin, Lud. Porquet, Emeric. de Cbavagnac, Ant. Gaubil, Jo. Bapt. Jacques,*

sequer. Sed, ne in limine diutius moremur Lectores, summa libri elegantissimi capita indicemus. In tanta enim rerum memorabilium copia versamur, ut, eas singulatim persequi, instituti nostri ratio haud patiatur. Primo igitur loco Chinesense, qua patet, imperium generatim describit Autor, nihilque omittit, quod eo valet, ut naturæ divitias, larga manu dispersas, contueamur propius, ac pro eo, ac par est, admiremur. Sequitur descriptio ampla magni muri, Tartariam a China se-jungentis, dehinc populorum *Si fan*, aut *Tou fan*, suis olim legibus utentium, at intestinis bellis adeo debilitatorum, ut tandem a Chinesibus subjugati fuerint. Tartarorum *Coconor*, nationumque *Lo lor* & *Miao ffe* res, fuscæ accurateque ob oculos ponit. Tum itinera *Bouveti*, *Fontanai*, *le Comte*, & *Visdelou*, separatis temporibus per provincias complures instituta, adeo jucunde eleganterque enarrantur, ut non legere, sed ipse comes itineris esse, atque tuis cuncta oculis usurpare, videaris. Porro quindecim provincias, una cum primariis, quas continent, urbibus, depictas magis, penicilloque adumbratas, quam descriptas, videre potes. Postremum occupant locum Annales Chineses, Imperatorumque in XXII dynastiis vitis virtutibusque conspicuorum, res prave laudabiliterque gestæ. Convenit in eo inter optimos Chinesium Historicos, prima Monarchiæ fundamenta jacta esse ab *Fo hi* Imperatore, atque ab eo usque ad *Yao* sex Imperatores summæ rerum præfuisse. At, quo tempore *Fo hi* vixerit, quotve anni ad *Yao* usque elapsi sint, hoc illud vero perquam incertum esse, ipsi non dissentunt. Etenim *Yao* primus est, a quo Imperatorum ordo, tempus imperii, rerumque gestarum historia, serie hand interrupta computari cœpit. Hunc anno ante C. N. 2357 vixisse, constat inter eos, adeo, ut ludibrium deberet, sibi periculum haud leve conciliaturus esset, qui originem imperii propiorem facere auderet. Neque vero hæc computandi ratio male subducta est. Sibi enim constat, nihil fabulosi habet, præterea multis eclipsibus innititur, quæ cum iis apprime coincidunt, quas nostri posteris temporibus Astronomi scienter explicarunt. Nec parum ad fidem facit, Imperatorum historias ab homi-

hominibus æqualibus consignatas esse; *Confucium* Chronologiam hanc nunquam revocasse in dubium, *Menciumque*, magnæ autoritatis Philosophum, ac 400 fere annos ante C. N. viventem, affirmare, a *Cbun*, socio imperii *Yao* usque ad *Ven vang* plus quam 1000 annos elapsos esse; a *Ven vang* autem usque ad N. C. 1100 amplius annos effluxisse, quo ipso numerus antea fixus, parum abest, quin consiciatur. Quanquam autem hæc chronologia cum *Vulgata versione* difficulter conciliari potest, cum ea tamen, quam LXX interpretes sunt secuti, belle conspirat. Nam secundum hos a diluvio usque ad Christum sunt anni 3258. *Yao*, a quo chronologia, uti diximus, non interrupta incipit, regnabat anno ante C. N. 2357. A diluvio itaque ad *Yao* usque plus quam 900 annorum intervallum esse, apparet. Quodsi igitur *Noæ* posterius vel 300 annis post diluvium Chinam intraverint, satis tamen annorum est, quos imperio *Fohi*, ac sex ejus successorum usque ad *Yao*, assignare possis. Unicum restat dubium, quid nempe sit, cum eclipses alix, tum ea inprimis, quæ sub Imp. *Tchong kang* observata est, nostro cum calculo tam pulchre conveniant, quod ante Principis hujus regnum nullius mentio facta sit. Bene respondent Chinesium eruditi, moris tum fuisse, progressionis tantum artium, legum rogationes, regnorumque vicissitudines, regulas regnandi, aliaque momenta moralia atque politica, memoriz prodere. Denique & hoc notandum est, annum, quo mortuus est Imperator, annis imperii ejus accenseri, ac, novo quamvis regnante, mandata nomine defuncti promulgari. Autor noster cyclum sexagenarium a *Yao* inchoat, quamquam a multis *Choang ti* ejus inventor perhibeatur. Primi itaque Imperatores fuere *Fo hi*, *Cbin nong*, *Hoang ti*, *Chao hao*, *Tchuen bio*, *Ti co*, *Tchi*, *Yao*, & *Cbun*. Post hunc ordo dynastiarum sive familiarum XXII continuatus est.

Tomo II exponit Autor de antiquitate ac magnitudine imperii Chinesis, de potentia autoritateque Imperatoris, de sigillis Imperii, atque solennibus in eorum traditione observatis, de redditibus ac expensis, de ejus palatio, apparatuque, cum ex palatio in publicum prodit. Tum de forma regiminis, de tribu-

nalibus, Mandarinis, eorum officio, potestate, ac honore, quo eos Chinenſes proſequuntur; de ſtatu bellico, exercitu, armis, caſtellis, munimentis, varioque majorum tormentorum genere; de ordine in urbibus, viisque publicis, obſervato, de vectigalibus, curſoribusque publicis, de nobilium ordine, educatione, vitæ genere; de terræ fertilitate, agricultura, ac amore, quo complectuntur eos, qui eidem operam dant; de artificum induſtria, nec non plebis; de genio ac indole, phyſiognomia, geſtibus, domibus Chinenſium, ornatuque earum; de ſplendore, cujus in itineribus, pontibus, arcibus triumphalibus, portis, turribus, murisque conſtruendis, ac feſtis celebrandis peramantes ſunt; de cerimoniis, quando inter ſe inviſunt, vel munera dant, in literis exarandis, feſtis, nuptiis, funebri denique pompa, conſuetis; de carceribus, ſeveraque in homines nequam animadverſione; de lacubus, canalibus, & fluminibus, navigiisque majoribus ac minoribus; de monetæ multiplici genere, de commerciis, de modo, pigmentum, *vernis* dictum, porcellanæ vaſa, ſericumque, conſciendi, cui epitome antiqui libri Chinenſis adjuncta eſt, quo docetur, quemadmodum vermes educandi nutriendique ſint, ſi ſerico abundare velis. His abſolutis, de lingua Chinenſi agit, nihilque intactum dimittit. Quod ad pronuntiationem, orthographiam, noſtris nempe literis, rem grammaticam, papyrum, atramentum, penicillum, artem typis exprimendi, religandique libros, pertinet. Sequitur enarratio ampla, quo modo literis imbuantur juvenes; quot gradibus, explorationibusque factis, ad munus Doctōris eniti debeant; porro epitome libri: de felicitate ex ſcholis publicis in populum redundante; item alius ejusdem argumenti, Autore *Tchu hi*, celeberrimo doctore, ſub dynaſtia XIX *Song* dicta, floreſcente; ſpecimen diſcurſus, in *Hſio*, ſive loco conventuum a literatis celebratorum, habiti; translatio ſcripti, quo exponitur, quo modo ſocietas literatorum hominū conſtituenda ſit. Res literaria Chinenſis magnam hujus *Tomi* partem ſibi vindicat. Enumerat igitur Autor libros canonicos *primi ordinis*, *King* dictos. Sunt hi numero quinque; 1) *Y king*, opus ſymbolicum,

cum, lineas a *Fohi* inventas, variaque ratione dissectas, sistens. 2) *Cbu king*, ex quo Dialogum, veterum Regum axiomata complectentem, Orationem *Tchong boei* ad Imperatorem *Tching tang*, præcepta ab *I yun*, data *Tai kia* juveni, historiam Imp. *Cao tsong*, & ejus Ministri *Fou yue*, excerptis Autor. 3) *Cbi king*, totus poeticus, odas, cantica, aliaque id genus poemata, continet. Quinque eorum sunt classes. Prima sistit odas, vel elogia hominum virtutibus illustrium, in publicis solennibus cantata. Secunda mores consuetos, fere ad modum fabularum Romanensium, describit eleganter. Tertia Comparatio dicitur, qua, quicquid comprehendit, similibus, comparationibusque, traditur. Quarta exhibet sublimes audacioresve meditationes, quæ admirationem, immo stuporem, excitant in legentibus. Quinta constat poematis suspectis, ac a *Confucio* inter Apocrypha relatis. Autor odas aliquot, a P. *Premare* bona fide translatas, nec plane inelegantes, speciminis loco addidit. 4) *Tchun tssou*, tempore *Confucii* compilatus, adeoque reliquis antiquitate ac dignitate multo inferior, variis eruditorum præterea concertationibus depressus. 5) *Li ki* leges institutaque vitæ civilis decem libris, a *Confucio* collectis, tradit, quorum Autor maximam partem habetur *Tcheou kong*, frater Imperatoris *Vou vang*. Libris Canoniciis *secundi ordinis*, sive *cbu* dictis, quos *Confucio* maxime debemus, recensendis, præmisit Autor vitam *Confucii*. Sequitur ejus 1) *Ta bio*, sive schola adultorum; 2) *Tchong Yong*, sive medium immutabile; 3) *Lun yu*, sive liber sententiarum; 4) *Meng tseu*, sive liber *Mencii*, celeberrimi Philosophi, boni imperantis ideam sistens; 5) *Hiao king*, sive de pietate filiali; 6) *Sia bio*, schola infantum, quem fere totum transulit. His libris præceptisque innititur imperium Chinenfe; quibus adjuncta est Sylloge variorum Edictorum, orationumque de optima regiminis forma, ab Imperatore *Cang bi* collecta, multisque monitis manu scriptis locupletata, & a P. *Hervieu* translata, Excerptum ex compilatione sub dynastia *Ming* facta, denique liber *Li nin*, sive de feminis illustribus, qui tamen multa complectitur hoc nomine indigna, quod, sive negligentia Chinenfium in libris suis inscribendis, five

sive faslui, adscribas, quo turgidi multa magnifica habent, nobis nostrisque moribus levia ac vana, utrinque non erraveris.

Tomo III primo loco agit Autor de religione Chinesium, adeoque primo de cultu antiquissimo apud eos recepto, sectaque literatorum, doctrinam priscis libris comprehensam sequente, ac *Confucium* doctorem venerante: secundo, de secta *Tao sse* sive doctorum legis, cujus Autor Philosophus *Lao kiun* erat. Doctrina eorum moralis ad Epicureorum placita propius accedit. Chymiz studio se totos dedebant, lapidi philosophorum inveniendi intenti, neque ab horrendis magiz artibus prorsus alieni. His immensa multitudo spirituum debetur, in Chinam, vel potius in mentes hominum credulorum introducta, quos ut entia a supremo Numine non pendentia venerantur, abominandosque sacrificiorum apparatus. Secta tertia *Fo*, sive *Foe*, Imperatori *Ming ti* originem debet. Hic enim idolum *Fo*, ac cum eo omnes fabularum sordes, quibus Indorum, unde arcescebatur, libri inquinati sunt, superstitiones, metempsychosin, ipsum denique atheisum, aliaque mala, latius ab Autore exposita, in Chinam inferebat. Quarta secta est literatorum hominum quorundam. Hi, majus interpretationibus glossisque librorum canonicorum; quam iis ipsis, pretium statuentes, philosophiam sibi effllexerunt, qua omnia ex causis naturalibus explicare satagunt. Quid de origine & statu mundi sentiat *Tchin*, celebre in iis nomen, Dialogo quodam singulari expositum legere est. Eruditæ Autoris nostri ad eum notæ inprimis attente legi merentur. Excipit hæc historia religionis Christianæ in Chinam introductæ, ibidemque adhuc florentis. Controversias, postremis fere temporibus inter ipsos Missionarios ortas, breviter attingit Autor, ne extra oleas vagari, pugnacisque doctoris personam sibi sumere velle videatur, sedulo cavens. In Philosophia morali, quicquid est officiorum, ad quinque referunt Chineses capita; ad officia nempe parentum & liberorum, Principis & subsectorum, mariti & uxoris, fratris natu majoris & minorum, denique amicorum inter se. Optima principia omni tempore servata fuisse, apparet ex scriptis infer-

infertis, altero Philosophi novi, plurimi æssimato, atque a P. *Dentrecolles* translato, altero antiquiori, regulas & exempla, ad doctrinam morum facientia, exhibente, & a P. *Hervieux* converso. Quodli ingentem numerum Bibliothecarum, splendorum omnino, quibus superbiunt Chineses, confideres, existimare possis, omnium, quas orbis terrarum continet, nationum hanc esse literatissimam. At egregie falleris. Nullam enim speculativarum, quas dicimus, scientiarum ab iis excultam novimus, quanquam de cetero ab ingenii quadam vi, judicandique solertia, non plane sint destituti. Sed neque honesta æmulatione ad magna molienda incenduntur, nec, qui id tentarent, præmiis propositis, allîciuntur ad audenda plura. Logica ac Rhetorica tantum utuntur naturali, Musica minime culta, ac ea, quæ aures permulceat. Arithmeticæ magis sunt scientes, & instrumento quodam, globulis chordisque instructo, *Souan pan* dicto, tam dextre uti norunt, ut, quantumvis celeriter numeros pronuntiantem assequantur. Astronomiæ, unicæ fere Matheoseos partis, quæ a priscais temporibus apud eos floruit, non sunt ignari, at instrumentis utuntur, partim incommodis, partim adeo imperfectis, ut nostra longe post se relinquant. Pluribus ea descripsit Autor noster, eruditisque observationibus rem Astronomicam omnem illustravit, ipsum denique observatorium Pekingense æri incidi curavit. Versus qui componunt, tum eandem vocum ultimarum terminationem, tum earum significationem, respiciunt, quæ vario pronuntiandi modo inniuitur; sæpe tamen oppositis sententiis antithesibusque gaudent. Poetæ ab enthusiasmo non sunt relictî, figurisque, quibus decus ac robur quasi accedit versibus, commode uti norunt. Historiæ Chineses sunt studiosissimi, adeo, ut solertia, quicquid memoratu dignum accidit, memoriæ prodendi, reliquas gentes omnes superent. Historiolas etiam, narratiunculasque bonæ frugis plenissimas, in numerato habent, quibus juventutem ad amorem virtutis accendant. Tragedia *tchao chi cou ell*, sive orphannus parvulus ex domo *tchao*, a P. *Premare* translata, perquam singularis est. Quid sit unitas temporis, loci, actionis, alias.

U

que

que regulas, profundissime ignorant. Comœdias a tragœdiis non distinguunt: huic autem forte nomen tragœdiæ mansit, quia re vera tragici permultum ei inest. Tempus plus quam viginti annorum historiæ, quæ spectatori exhibetur, absolvendæ impenditur, nec tragœdia ab historia non lecta illa, sed ab hominibus pluribus recitata, differt. Quilibet actor, ne nesciant spectatores, theatrum ingrediens, clara voce dicit, quis sit, unde veniat, quid egerit, quid nunc moliatur. Unus actor plures sæpe personas sustinet. Affectus vehementissimos cantando exprimunt, reliqua loquuntur, præterea multis declamatio ipsa canticis intermixta est. Dividitur tragœdia in partes, quarum prima *Sie tse* prologi instar est, reliquæ *tche*, quod *actus* sonare poterat, dicuntur, quas in scenas subdividere nihil prohibet. Tragœdia hæc excerpta est ex libro *Tuen gin pe tchong*, sive collectione centum optimorum poematum theatralium, sub dynastia *Tuen* compositorum. Liber hic quadraginta Voluminibus constat, in quatuor *tao* distributis. In arte medica progressus adeo magnos facere non potuerunt Chineses, quandoquidem Physices & Anatomiz profus fere sunt ignari; admodum tamen in judicandis ex pulsu arteriarum morbis exercitati sunt, plurimorumque simplicium, quæ non sine successu adhibent, cognitione instructi. Calidum innatum cum frigido radicali utramque in eorum libris medicis paginam facit. Velimus, apud ipsum Autorem legatur synopsis systematis medici, nec non scripta haud inficeta, 1) *arcanum pulsus*; 2) excerptum ex *pen tsao kang mou*, h. e. herbario Chinesi, sive historia naturali Chinæ, in usum Medicinæ. Autor ejus *Li chi tchin*, ex familia *Ming*, extremam ei manum, morte præventus, imponere non potuit: hinc a filio ejus revisum & suppletum, ac a tribunali rituum jussu Imp. *Van lie* publici juris factum est; 3) *pen tsao si y kiuen*, in cuius *Lib. I §. 1* agitur de origine herbariorum, omnibusque herbariis, antiquis ac recentioribus, ad nostra usque tempora; 4) excerptum *pen tsao* Imp. *chin nong*; 5) excerptum ex *pen tsao leang tao hong king*, dicto *ming y pié lou*; 6) collectio variarum formularum medicarum, medicamentorumque, quibus

quibus utantur, præcipuorum, v. c. planta *gin seng*, herba, granisque *tbe*, carne elephanti, cameli, equi marini, cancri petrificati, musco, rhabarbara, cera alba, ab insectis facta, aliisque. Postremo loco comparet opus Medici cujusdam Chinenfis, a P. *Dentrecolles* translatum, quo tradit arcanum, a se repertum, vitam longævam ac valetudinem morbis haud turbatam, ope dietæ, conservandi. Inscriptum est opus *Tchang seng*, quo nomine doctores falsæ cujusdam sectæ gloriantur, arcanum immortalitatis se invenisse, jactantes; at hanc impiam flolidamque notionem voci minime subjectam vult Noster; rem autem omnem ita informat, ut, tam animi, quam corporis, actionumque nostrarum, rationem habendam esse, disputet. Concludit *Tomum* explicatio vocabulorum Chinesium in tribus Voluminibus occurrentium.

Tomus IV rebus Tartarorum enarrandis destinatus est. Habes hic observationes geographicas, ad Tartariam spectantes, ex Missionariorum, Mappas adornantium, annotatis excerptas; tum de provinciis Tartarorum *Mantcheoux & Mongous*; observationes historicas *Gerbillonii* de Tartaria magna, atque item geographicas de terris *Mongous*; exquisitas de lingua Tartarorum *Mantcheoux* observationes; descriptiones duorum itinerum in Tartariam orientalem & occidentalem, P. *Verbiestii*, nec non octo itinerum in Tartariam, *Gerbillonii*, accuratissime ac jucundissime confectas; observationes geographicas P. *Regis* de *Corca*, brevemque regni hujus historiam, ex tribus Historicis depromptam, nempe ex *Tsien kio kiu lout chu*, sive theatro mundi, ex *Quang yu ki*, sive epitome Chorographiæ, & ex *Fang yu ching lio*, sive Geographia universali; relationem succinctam Capitanei *Beerings* de itinere Kamtschatkam versus eo sine suscepto, ut exploraret, utrum hæc terra Americæ septentrionali sint contigua, an mari eo pertingi possit; denique P. *Regis* observationes geographicas & historicas de regno *Tibetano*. Hisce annexus est Catalogus quarundam latitudinum longitudinumque, ex dimensionibus geometricis resultantium. Longitudines ad meridianum Pekingensem conformatae, neque ad Parisiensem revocatae sunt, quo minor

errandi sit materia. Latitudines ope instrumentorum accuratissimorum observatæ. Vocabulorum Tartaricorum & Chinenſium explicatio toti Operi præſtantiffimo finem imponit.

CONTINUATA ITINERARII ANTONINIANI, a PETRO WESSELINGIO
editi, Recenſio.

Vid. *Acta* hujus Anni Menſ. Febr. pag. 49.

Fidem, quam *Menſe Februario* pag. 53 dedimus, liberaturi, paulo diſtinctius de meritis in novam hanc *Itinerarii Antoniniani* editionem, quibus orbem ſibi eruditum Cl. *Wesselingius* obſtrinxit, dicemus, ſed hac lege, ut non uni Itinerario illi, quod alii jam, inprimis *Hieron. Surita*, doctiſſimis annotationibus illuſtrarunt, inhærentes ad Itinerarium Hieroſolymitanum & *Hieroclis* Synecdemum, in quorum utroque clariffima luce perfundendo Cel. *Wesselingii* induſtria inprimis enituit, æque reſpiciamus, atque adeo fortasſe potiora inde, quæ producenda erunt, ſpecimina decerpamus.

Generatim obſervandum, Virum eruditiffimum, non contentum iis, quibus unis vulgo adhuc, contra quam primi literarum inſtauratores ſolebant in veterum monumentis illuſtrandis doctiſſimi quique uſi ſunt, præſidiis, perſæpe ad numos veteres provocasſe, ex iisque veteri Geographiæ, *Holſtenio* ad *Stephanum* præeunte, lucem haud mediocrem intuliſſe. Nonnunquam & numos laudat nondum deſcriptos, qui extant in gaza *Wildiana*, quam etiamnum integram ſupereſſe, merito lætamur. Ejus generis eſt numus *Sebaſtes*, quæ olim *Elauſa* dicta, cujus anteriore in parte CABINA TPANKYAA . . . & poſteriori CEBACTH. IEP. AC. AYT. NATAPXIC. EAETΘEPA cum turrito velatoque capite, unde recte colligit, urbem *Sebaſten* in Cilicia *Gordiani* *Pti* ætate ſatis illuſtrem fuiſſe, & re nautica valuſſe. Similem paulo poſt adducit ex eadem *Wildiana* gaza numum *Irenopoleos* in Cilicia, quæ & *Neronias* dicta, in quo hinc: AYTOK. KAICAP. DOMITIA . . . & illinc: EIPH. NOΠO.

ΝΟΠΟΔΕΙΤΩΝ ET. BM. cum figura turribus ornatæ mulieris, rupibus insidentis, e quorum radicibus amnis emergit, æra BM, si conferantur alii eorum apud *Vaillantium* numi, in *Claudii* principatum incidente. Sæpius autem edita ab aliis numismata vetera citantur, qualia *Haymiana* in *Theſauro Britannico*, quibus aliquando uberiores paulo lucein affundit. Huc spectat, quod *Haymius Tom. II p. 143* adducit, in quo e dimidiata Luna juvenile caput, Phrygia tiara ornatum, adscriptis literis: ΜΗΝ ΑΚΗΝΟC & altera ex parte *Hermus* urnæ incumbit, addito nomine: ΕΡΜΟC & circa: ΚΑΡΔΙΑΝΩΝ Β. ΝΕΩΚΟΡΩΝ. Vir bonus, qui inter Symphoniacos Italos in Anglia clarus fero ad has literas accesserat, & in difficilioribus numis interpretandis aliorum fere, inprimis doctissimi Abbatis *Benedetti* & Cel. *Jo. Masſoni*, ope & consilio utebatur, censet, *Deum Lunum Ascenum* appellari, quod perpetuo circumactus motu sine tentorio agat. Sed rectius utique Cl. *Wesselingius* vocem ΑΚΗΝΟC non Græcæ, sed barbaræ, originis statuit. Simili enim ratione & ΜΗΝΟC ΚΑΡΟΥ apud *Strabonem Lib. XII pag. 580*, ΜΗΝΟC ΚΑΡΑΠΕΙΤΟΥ in numis Nysæorum in *Caria*, & ΜΗΝΟC ΦΑΡΝΑΚΟΥ rursus apud *Strabonem Lib. XII pag. 557*, appellatio non Græca, sed barbara, est, nec dubitari potest, quin ΜΗΝ ΑΚΗΝΟC sit is, qui apud eundem *Strabonem* Μηνὸς Ἀρκαίου vel Ἀρκαίου fert nomen. Id vero jam ante Cl. *Wesselingium* observavit Collega noster in Gothæ numi: *Cap. IV pag. 120*, ubi verba ejus: *Rectissime animadvertit Cl. Haymius, vocem ΑΚΗΝΟC esse epitheton Dei Lunæ.* Id vero, quod eidem non observatum, *Strabo (Lib. XII pag. 557 & 577)* nobis, licet corruptum, servavit, qui memorat, *Antiochia in Pisidia* Μῆνα, b. e. Deum Lunum, cultum, quem modo Ἀρκαίου, modo Ἀρκαίου, cognomine appellat, cum ex numo hoc ΑΚΗΝΟC omnino dictus videatur. Sed nihil facilius est, quam ut, nemine præeunte, idem postea, aut etiam ante, animadverteret Cl. *Wesselingius*, tametsi eandem Gotham numariam *Theſauri Fridericiani* nomine plus semel appellat. Exemplo sit numus Μυλλασσέων, quem

Cap. XII
§. 6.

quem Editor illius Operis profert rarissimum quidem & notatu dignissimum, sed tamen, quod ingenue fatetur, mutilum, temporisque injuria corruptum, qua de re ille sollicitè lectores suos provideque monuit, ut apud aquos iudices (verba ejus damus) paratior ei venia esset, in descriptione ejus a vero forte aberranti. Cl. Wesselingius, his insuper habitis, præter morem suum, non nimis humane, nisi omnia nos fallunt, numus, inquit, ΜΥΛΛΑΣΣΕΩΝ nomen præferens — si huc pertineret, ut Viro docto visum est, multa conturbaret; sed cave, illi fidas, aut vera opineris, qua de novem Caria Dynastis ad eum disputata sunt; numi inscriptio alia omnia docebit, si componatur cum illis, quos Jo. Massonus memorat Vita Aristid. II, 7. Inde enim ΛΑΛΑΣΣΕΩΝ legi oportere apparebit, & in corruptis Thes. Frider. literis ΟΑΒΗΝΩΝ nomen delitescere: præterea ΚΑΙ ΚΕΝΝΑΤ. ΔΥΝΑΣΤΟΥ sanum esse, neque inde ΚΑΙ ΕΝΝΑΤΟΝ ΔΥΝΑΣΤΗΝ effici posse. Hic si quis Editorem Thesauri Fridericiani æque monuisset, ac Cel. Hemsterbuisius Cl. Wesselingium, prout is p. 212 fatetur, in vita Aristidis Massoniana numos ΚΕΝΝΑΤΩΝ recenseri, dubitandum non est, quin is conjectura sua de nono Caria Dynasta abstinuisset. Tamen, cum neque Eruditiss. Massonus, neque Cl. Wesselingius, de regione ΚΕΝΝΑΤΩΝ, scriptoribus prorsus ignota, nos docere quidquam possint, etiamnum ampliandum nobis, neque in alterutram partem, dum certiora erui possint, pronuntiandum, videtur. Sed tamen, cum ille huic ipsi conjecturæ tam parum fidat, ut æquorum judicium in antecessum veniam sibi exorandam duxerit, opusne erat admonitione Cl. Wesselingii, qua cavere lectorem jubet, illi ne fidat, aut vera opinetur de novem dynastis Caria disputata? Sed & alio loco conjecturam ejusdem Editoris Thesauri Fridericiani de literis numeralibus in Seleuciensium numis, sub Trajano cufis, notat, qua is dixerat, forte novam designari æram, cujus initium repetendum a Trajani pietate, Jovi Casio in iis partibus probata. Ubi & Wesselingius objicit, Beroensium & Chalcidensium numos iisdem literis notatos, additque, non putare se, arbitratum

surum Virum doctum, ad omnes Syriae urbes eam æram pervasisse, & passim Syros ex cultu Casti apud Seleucienses Jovis annos sub Trajano numerasse: forte verius eas monetariorum notas creditum iri, nobis nunc ignotas. Sed literæ illæ singulares in Seleuciensium numis si æram forte peculiarem denotant, in Beroensium numis Chalcidensiumque iisdem literis eandem prorsus designari, quis dixit, aut quomodo id inde efficitur? An eadem literæ numerales in numis antiquis eandem prorsus epocham semper significant? Annon etiam inter vicinas urbes ad diversam æram designandam adhiberi commode potuerunt? Rationi admodum infirmæ nova, quæ subjicitur, nihilo firmior est conjectura, si tamen nova dicenda est. De monetariorum enim notis trita omnia, & nihil facilius est interpretari numos, si κρησφύγετον hoc, si quid difficultatis inciderit, placere nobis patiamur. Sed hæc hactenus. Alia sunt prope infinita, in quibus candor, eruditio, & singulare acumen Cl. *Wesselingii* elucet. Huc pertinet inprimis industria in illustrandis emendandisque occasione oblata antiquis recentioribusque Autoribus. Sic *Ovidium Metam. Lib. VIII v. 719* doctiss. Vir pag. 667, *Quintilianum*, qui *Lib. I Inst. Orat. Cap. 5* ambulare viam e sermonis Latini finibus prescribit, pag. 571, *Plinium Hist. Nat. Lib. VII Cap. 56*, pag. 329, ex Græcis *Isocratem* pag. 644, *Libanium* pag. 643, *Eusebium* pag. 683, atque alios alibi, nova luce perfundit. Nec minus de recentioribus scriptoribus egregie meretur, quorum παρορμήματα modeste indicat & corrigit, ut *Jo. Harduini* pag. 638 seq. *Jo. Millii* ad *Cap. XXVI, 16*, *Lucae Act. Apostol.* pag. 651, *Gotbofr. Olearii*, clarissimi *Philostrati* Operum editoris, pag. 577 & 697, ut reliquos taceamus. Non raro ἀνενδότως aliorum observationes suis inseruit notis, cujusmodi *Holsteii* ad *Stephanum* ineditæ animadversiones, a *Cel. d'Orvillio* communicatæ, pag. 522 & 681, ut longe plurima, quæ, purpuræ instar, late effulgent, lectorumque oculos ad se convertunt, quod ea sigillatim recensere nimis longum foret, κατ'ορμήματα, *Cel. Hemsterbusii* liberali manu suppeditata, taceamus.

APPARATUS AD HISTORIAM HUNGARIE, sive Collectio miscella Monumentorum, ineditorum partim, partim editorum, sed fugientium. Conquisivit, in Decades partitus est, et Præfationibus, atque Notis, illustravit, MATTHIAS BEL.

Decadis I Monumentum I & II.

Posonii, sumtu Philohistorum patriæ, typis Jo. Pauli Royer, 1735, fol.
Alph. i plag. 4.

Quod olim ex parte Jac. Bangarsius præstitit, quod & præstiturum se aliquando promisit Schneizelius noster, id jam plenissime præstare incipit carum & patriis & exterorum musis nomen, Matthias Belius, Vir inter Hungaros talis, quales si reliquæ gentes Europæe unum aut alterum numerarent, non sane ætas ulla clarissima historiarum luce nostram superaret. Is, occupatus ab aliquot inde annis in magno & augusto *Hungariae nova illustrata* Opere, cujus *Tomum* nuper *primum* in manus nostras traditum gaudemus, cum illud inprimis agendum sibi intelligeret, ut, si quid Scriptorum Hungaricorum, aut editorum olim, sed inventu rariorum, aut adhuc in tenebris latentium, ætas superior tulisset, eos omnes vestigaret diligenter, vestigatosque in rem eruditorum communem converteret, jamque labore magno, nec minore sumtu, illud assecutum se videret, ut veterum monumentorum apparatu instructissimo vix cuiquam esset secundus, non, quod alii solent, malo quodam literarum fato nati, sibi soli servandas has divitias, aut perpetuo quodam carcere includendas, sed, quod historiam patriam contexturis uberrimam dicendorum materiam suppeditare possent, usibus consecrandas publicis, existimavit. Habebit igitur in posterum, cur Italix, Muratorii suos, Gallix, Chesneus, Labbeus, & Baluzius, Angliæ, Camdenus,

*nos, Seldenos, Fellios, Galeos, Hispaniæ, Schottos, Belgio, Græ-
tios, ipsique Germaniæ, tot gestorum suorum conservatores am-
bitiose commemoranti, unum Bellum suum, velut omnibus pa-
rem, opponat, felix ex tanto cive Hungaria. Has curas animo
volvens Cel. Belius, ut honesta civium liberalitate sensim incre-
menta caperet illustre Opus, nec immensa voluminis moles gra-
vis esset emtoribus, eas consilii sui rationes iniit, ut singula Scri-
ptorum Monumenta sigillatim ederet, & diverso tempore di-
versos velut partus excluderet, quibus paginarum numero & se-
rie Alphabetorum inter se conjunctis, inque *Decades* distributis,
justum aliquando *Scriptorum Hungaricorum* corpus sit expe-
ctandum. Præterea commodum lectoribus in edendo ordi-
nem servabit, ut prodromi loco, quæ ad Chorographiam Hun-
gariæ pertinent, præmittat, tum Chronologiæ rationem ha-
beat, indeque Monumenta ea omnia, quibus Hungarorum,
aut cum his conjunctorum populorum, gesta illustrantur, lar-
ga manu expromat. Erunt in his non soluto tantum, sed li-
gato etiam, sermone scripta, quorum selectus & utilitatem le-
ctori, & voluptatem, spondeat. Accedent & subinde doctissimi
Editoris Annotationes breves, criticæ inprimis, aut momenta no-
tatu digniora aliorum Scriptorum testimoniis firmaturæ. Sin-
gulos Scriptores in clientelam Illustrissimi alicujus Mæcenatis
tradet Epistola eleganti & polita; singulos etiam Præfatione
ornabit, indicatura fontem, unde petitum sit Monumentum.
In universi Operis limine Præfatio generalis comparet, expo-
nens instituti rationem, civesque inprimis Hungaricos ad con-
quirenda undique & in commune conferenda, quæcunque fa-
ciunt ad illustrandam Hungariæ Historiam, monumenta exstim-
ulans. Præ ceteris sibi dari rogat Diplomata Regum, Du-
cum, Archi-Episcoporum, &c. Acta publica Dietarum, Pa-
cificationum, Legationum, Denuntiationum belli, Promulga-
tionum Pacis, &c. Literas Regum, Palatinorum, Judicum
Curiz, Banorum, Magistrorum Tavernicalium, Ducum Belli,
Legatorum; Sigilla vetera, in quibus & Regum imagines, &
regnorum insignia sunt expressa; numos, inprimis memoria-
les; Lapides sepulchrales, vexilla fimbria, & Inscriptiones*

antiquas; Panegyricas in memoriam clarorum virorum aut feminarum Orationes; Cantilenas, seu Carmina vernacula, in Hungarorum cladibus aut victoriis decantata; Templorum & Cœnobiorum foundationes, nec non immunitatum & privilegiorum tabulas; religiosorum Ordinum historias; Synodorum nationalium Acta; denique illustrissimarum domuum annales, diaria, genealogias, schedasque, factorum notabiliorum conservatrices. Qualia, cum sint ejus generis omnia, unde clarissima lux accendi antiquioribus Hungarorum gestis possit, si, quod ipsi nos vovemus, in manus venerint tam dexteras, & tractandis his superiorum temporum reliquiis assuetas, nullum est dubium, in magnum eorum, qui scrutandis regionum ac populorum antiquitatibus operam impendunt, commodum, ipsamque gentis Hungaricæ insignem id gloriam cessurum. Monumenta illa bina, quæ suo jure Collectionis *Belianæ* principium ornant, sitim nostram accendunt spectandi reliqua; adeo plena sunt bonarum rerum, atque adeo digna, quæ in notitiam non Hungarorum tantum, etsi horum maxime, sed exterorum etiam, veniant. Horum primum sistit *Nicolai Olabi, Archi-Episcopi Strigoniensis, Hungariam, sive de Originibus gentis, regionis situ, divisione, habitu, atque opportunitatibus, Librum singularem*, a *Stephano Zitkovszkyo*, Fisci regii in Hungaria Advocato, cum Cel. Editore communicatum, jamque primum in lucem editum; cui & accessit ejusdem Autoris *Compendiarium atatis suæ Chronicon*, ex schedis *Ostroszbianis*, quæ sunt in manibus Cel. Editoris, publicatum. Scriptorem hunc sacrum esse jussit Noster Serenissimo Principi, *Francisco III*, Duci Lotharingæ, atque Hungariæ Locumtenenti, cujus illustrissimo nomine Operi per se satis splendido major dignitas & gratia conciliatur. Quis fuerit *Olabus* iste, quibus honorum gradibus ad summum Archiepiscopatus Strigoniensis fastigium adscenderit, quibus denique in Historiam Hungariæ meritis inclaruerit, & ipse pluribus nos docuit Cel. Editor in *Hungaria novæ, Cis-Danubianæ, Tomo I*, nuper demum edito, & ex parte cognitum est iis, quibus jam olim Scriptoris hujus *Historiam Attilæ*, semel iterumque excusam, videre

videre & approbare contigit. Utrumque Opus *Olabus* Bruxellis in Batavis A. 1536 composuit, quod docet ipsius Autoris testimonium, adscriptum Codici horum librorum MSto, quem servat augusta Vindobonensis Bibliotheca. Mirum hinc, cum eodem tempore uterque labor sit confectus, qui factum, ut prela alter sæpius, alter nunquam, subierit. Probabilis est Cel. Editoris conjectura, cum extra patriam, nullis fere adhibitis domesticis Scriptoribus, industria quasi extemporali; scripta sit Hungaricæ Historia, noluisse Autorem publicando Operi prius curam impendere, quam licuerit ipsi, in patriam aliquando reduci, illa olim scripta in meliorem formam redigere. Quorum cum nihil postea perficere per negotiorum publicorum cumulos potuerit, Opus ipsum scriniis Autoris diu abditum delituisse, nec, ut est gens illa istarum rerum parum curiosa, de edendo eo ad hunc usque diem cogitatum. Quicquid sit, præter omne suum meritum tam diuturnis vinculis detentus est liber, quippe sic satis cultus, & sive fidem, sive diligentiam Autoris spectes, luce publica dignissimus. Multa enim hinc de Hungariæ, ut universæ, ita singularum inprimis ejus partium, Budæ, Vissegradi, & Strigonii, habitu situque, de *Corvinianæ* Bibliothecæ, olim per terras late omnes celebratissimæ, honore & divitiis, deque aliis Hungaricæ Historiæ momentis, singularia & scitu admodum jucunda discas, quorum notitiam vix copiosam ita, aut ita accuratam, Scriptor quisquam alius suppeditet. Generatim de Autoris instituto ita tene, actum hic *Capitibus XIX* de Scythia vetere, & originibus Scytharum, de horum bellis & propaginibus, de Hunnis, eorumque adventu in Europam, de nomine, situ, & majoribus Hungariæ fluviis, de Hungaria occidentali, regia Buda, hujusque Bibliotheca, de urbibus, castris, & oppidis, in Budæ vicinia, de reliquis ulterioris Hungariæ urbibus & opportunitatibus, de secunda Hungariæ parte, citra & ultra Savum sita, de tertia ejus parte, quæ Danubium & Tibiscum interjacet, de residua ejusdem parte, de Hungaria Trans-Tibiscana, de Moldavia, de Transylvania, de reliqua ultra & infra Tibiscum Hungaria, de Provincia Themensi, & hujus vicinia, denique

de variis Hungariæ opportunitatibus. Edidit Opus Cel. *Belius* ex duobus Codicibus MStis, eidemque poliendo omne, quod potuit, studium adhibuit, additis partim ad marginem lemmatibus idoneis, & paragraphorum signis, partim subjunctis hinc atque illinc notis eruditis, quibus aut rectius formantur Autoris dicta, aut ex monumentis fide dignis illustrantur. Quod sub finem hujus Historiæ accessit, ejusdem Autoris *Compendiarium sue ætatis Chronicon*, perbrevis est ac vere compendiariorum opella, potiora illorum temporum momenta secundum annorum seriem commemorans, & absque omni verborum ornatu dimittens.

Alterum Hungariæ Historiæ Monumentum, liberali manu Cel. *Belii* nobiscum communicatum, exhibet *Michaelis Sigleri Chronologia rerum Hungaricarum, Transylvanicarum, & vicinarum regionum, Libros duos*, nunc primum in lucem editos. Consecratum est Opus Celsissimo Principi *Emérico*, e Comitibus *Eszterbazy de Galantha*, Archi-Episcopo Strigoniensi, cujus in literas amor, maxime vero in *Hungariam Belianam* merita, Epistola gravi atque eleganti prædicantur. Editione hujus libri gratum se facturum putavit Editor iis inprimis, qui civiles & ecclesiasticos motus, quibus jactatam superiori ætate Transylvaniam constat, legere ex vero descriptos cupiunt. Facit & illud ad commendationem libri, quod ejus Codice MSto olim usus est in conscribenda rerum Transylvanicarum Historia *Wolffg. Bethlenius*, Scriptor solers & accuratus, qui & ipsa sæpe *Sigleri* verba retinuit, tanquam Scriptoris, cui plurimum in rebus Hungaricis fidei sit tribuendum. Codicem, unde hæc desumpta sunt, nactus est Doctiss. Editor liberalitate *Sam. Bobussi*, causarum patroni inter Hungaros dexterrimi, eundem plane, quem Autor olim *Stephano Bathorio* dedicaverat. Notarum nihil adjecit Editor, ne, quæ ipsa ejus sunt verba, breviter doctam oneraret explicatione non necessaria. Opus ipsum *Siglerianum Libris duobus* distinctum est, altero res gestas Pannonum, vicinarum gentium, & Hunnorum, porro Ostrogothorum, Rege *Valamiro*, devictis Hunnis, Pannoniæ annis 68 imperantium, secundum ingressum Hunno-

rum in Pannoniam sub septem Ducibus, atque Hungariæ conditionem sub Regibus domesticis, ab A. C. 366 ad 1549, *Capitibus sex* complectente, altero res Hungaricas, Transylvanicas, & vicinarum Provinciarum, ab A. C. 1550 ad 1563, *Capitibus duobus* enarrante. De Autore ejus, nihil, quod nos edoceret, habuit Doctiss. *Belius*, nisi Cibiniensis Reipublicæ Syndicum, virumque doctum, & in investigandis rebus patriis admodum solertem, fuisse.

Usque huc processit *Beliana* musæ nobilis industria, ardorque patriam rem altius proferendi, &, quæcunque ad splendorem ejus faciunt, in æternas tabulas redigendi. Jam, si quis aut inter Hungaros patriæ Laribusque suis bene cupit, aut inter externos rectiorum studiorum sensum habet, nobiscum is præstantissimo Viro, cujus honesto studio præclara hæc munera ad nos venerunt, ad prosequendum conficiendumque iter laudatissime cœptum, otium viresque integras, auram fortunæ secundam, magnorum Principum præsidium, civiumque plausum, ex animo comprecetur.

JACOBI GRETSERI, SOCIETATIS JESU
Theologi, Opera omnia, aucta & illustrata.

Tomus V & VI.

Ratisbonæ, sumtibus Jo. Contr. Peez & Felicis Bader,
Sociorum, 1735, fol.

Tom. V Alph. 6 plag. 22, Tom. VI Alph. 7 plag. 8.

Tomi V Parte priori comparent primo loco duo Libri de sacris processionibus, quarum nominibus tam apud Latinos, quam Græcos, expositis, antiquitatem, modum, & formam, descripsit Autor, docuitque, illas & Deum placare, quando terræ motus sæviunt, & ad avertendas calamitates publicas valere, atque in hostium irruptione, arcium obsidione, pestilentia grassante, institutas fuisse, nec exequias sine processionibus facile elatas, subjectis processionibus statis urbis Constantinopolitanæ in festo Palmarum & in festo Corporis Christi, *Lib. II* de processionibus Autor contra adversarios agit, & demonstrare sata-

Tom. I
Part. I
pag. 1 seq.

- git, processiones esse utiles & frequentandas, easque ad loca & memorias Sanctorum recte institui solitas, nec superstitiosum esse, præferre in supplicationibus cruces, vexilla, cereos, imagines Sanctorum, &c. Sequuntur *Libri III* de funere Christiano: ubi *Lib. I* de lotione, unctura, vestitu, & collocatione mortuorum ad spectaculum, cultum, preces, & humanæ recollectionem conditionis, de more pulsandi campanas, de facibus prælatis, de luctu, de vestibibus mutatis, disquiritur. *Lib. II* de feretris, modo & tempore, quibus elati mortui, de frequentia populi, ad funus concurrentis, de funeribus cum cereis seu facibus, cum psalmis, crucibus, & thuribulis ductis, de cœmeteriis, agitur. *Liber vero III* preces pro defunctis & jam sepultis, sacrificium Missæ immolatum, defendit, & flores tumultus sparsos, epitaphia addita, epulas funebres, moremque collocandi cibos super sepulchra defunctorum, & ferendi epulas ad basilicas Martyrum, illustrat. Succedunt Gratia *Danieli Cramero*, Stetinenſi in Pomerania Lutherano prædicanti, persolutæ pro Paralipomenis ad Libros de funere Christiano transmissis.
- 161 seq. Sequuntur Disputationes duæ, altera de subterraneis animarum receptaculis contra Sectarios, altera de statu beatorum, olim in Academia Ingolſtadienſi ad publicum examen & certamen propositæ, ac tandem Disputatio de variis cœlis Lutheranis, Zwinglianis, Ubiquitariis, Calvinianis, Sanctorum vel veris, vel fictitiis, receptaculis & habitaculis. *Pars posterior*
- P. II
pag. 1 seq. *Tom. V* complectitur Libros duos de Festis Christianorum adversus *Daneum*, *Dresserum*, *Hospinianum*, aliosque; Auctionarium ad hos duos Libros, seu Dissertationem pro sacratissima corporis Christi solennitate & sacrosanctæ Eucharistiæ cultu, 129.
- 171 seq. adversus *Rudolphum Hospinianum*; alios duos de benedictionibus, & tertium de maledictionibus; Vindicationem locorum quorundam *Tertullianicorum* a *Francisci Junii* depravationibus, scilicet de signo sanctæ crucis, de imaginibus, de sacrificio Missæ, de precibus pro defunctis, de Eucharistia, de oleo benedicto, de exorcismo, de inferis, de ecclesia Romana & summo Pontifice, de traditionibus, de processionibus & stationibus, 305 seq.
- Tom. II
pag. 1. *Tomo VI* habentur Apologia pro *S. Gregorio VII*, Pontifice

tifice Maximo, in qua leguntur inedita quædam pro eodem Pontifice Opuscula *Bernaldi*, Constantiensis Presbyteri; Vita, electio, & res gestæ ejusdem *Gregorii VII*, ex Libro quarto *Onuphrii Panvinii* de varia Romani Pontificis creatione; Commentarius *Pauli Bernriedensis* de vita *S. Gregorii VII*, Pontificis Maximi, & *B. Herluca* Virginis, cum prolegomenis & notis; *Caspar Baronius* a *Goldasti* calumniis vindicatus, & in eo cum alii Pontifices Romani, tum *S. Gregorius VII*; *Gerbobi Reichen-spergensis*, in Bavaria Præpositi, de *Henrico IV & V*, & *S. Gregorio VII*, nonnullisque consequentibus Romanis Pontificibus, Syntagma; brevis refutatio Alogiarum *Anna Comnena* in *Alexiade* contra *S. Gregorium VII*, Pontif. Max. Indiculus imposturarum & criminum falsi, quæ *Goldastus* in tertio Tomo Constitutionum Imperialium commisit; Gemina adversus *Melchiorum Guldinastum*, Calvinianum replicatorem, vel potius quadruplatorem, defensio, prior, pro S. R. orthodoxi & catholici Imperii avita majestate, replicationem *Calvinianam*, Imperii hujus vastatricem, examinat & refutat, posterior complura monumenta pro *S. Gregorio VII*, aliisque Pontificibus Romanis, exhibet; *Arnaldi*, Brixien-sis, in *Melchior* *Goldasto* Calvinista redivivi, vera descriptio & imago; Commentariolus de Imperatorum, Regum, ac Principum Christianorum in sedem Apostolicam munificentia; accedunt Appendices duæ, quarum prima de Edicto donationis *Constantiniana*, & novo ad id Commentario, secunda de Diplomate donationis *Othonis III* Imp. factæ *Sylvestro II*, Pontifici, agit; Volumen Epistolarum, quas Romani Pontifices, *Gregorius III*, *Stephanus III*, *Zacharias I*, *Paulus I*, *Stephanus IV*, *Adrianus I*, & Pseudopapa *Constantinus*, miserunt ad Principes & Reges Francorum, *Carolum Martellum*, *Pipinum*, & *Carolum Magnum*. Unusquisque Tomus Indicibus suis est instructus.

Pag. 98.

175.

245.

265.

257.

300.

DECISIONUM IMPERATORIARUM SYNTAGMA, continens Quinquaginta Imperatoris **JUSTINIANI** Decisiones, quibus præcipuæ veterum Juris Auctorum Controversiæ definiuntur; sub Augustissimis Auspiciis

spiciis Inviſſimi Maximique Cæſaris, CAROLI SEXTI, in ſacro Palatio publicæ diſquiſitioni ſubmiſſum ab Illuſtriſſimo Domino JOANNE HUGONE S. R. I. Libero Barone AB HAGEN, S. C. M. Ephebo, Præſide Prænobili, Clariffimo, ac Conſultiffimo. D. JOANNE JACOBO OPPENRITTER, J. U. Doctore, S. C. M. Epheborum, nec non in antiquiſſima & celeberrima Univerſitate Vienneniſi Codicis Profeſſore Publico ac Ordinario.

Viennæ Auſtriæ, typis Joannis Petri van Ghelen, Sacræ Cæſareæ Regiæque Catholicæ Majeſtatis Aulæ Typographi, 1735, 4.

Alph. 5 plag. 10.

Summis merito laudibus extollitur *Triboniani* opera, qua in decidendis difficillimis quæſtionibus juris, dirimendisque veterum Jctorum controverſiis, uſus eſt *Juſtinianus* Imperator. Namque nulla ille, doctiſſimorum Juris interpretum judicio, in re magis, quam in perficiendo L. Deciſionum Opere, ingenii vim oſtendit. Sicuti autem res ardua maximique momenti fuit, graviffimas antiqui Juris conditorum contentiones novæ, eaque apta, ratione componere, ac, ponderatis utriusque partis argumentis, omnibusque dubiis, quid analogiæ juris, quid æquitati, quidve publicæ rei, conveniret magis, tandem aliquando definire; ita non minore laude digni ſunt, qui ipſi harum Deciſionum accuratiori explicationi inſudarunt. Neque enim ea ſine magno labore ex rationibus decidendi sæpe abſconditis, diverſis ſectarum juris doctrinis, primisque veterum altercationum originibus, eſt haurienda. Sed, quod alios detertere potuiſſet, excitavit Illuſtriſſimum S. R. I. L. B. *Jo. Hugonem ab Hagen*, qui, cum S. C. M. Ephebus eſſet, in mediis obſequiî aulici occupationibus, tantum temporis literarum ſtudiis, & præcipue Juris ſcientiæ, impendit, ut, quod vix unus vel alter Commentator jam

jam provectiore ætate, multorum annorum decursu, absolvit, pæne adolescens adhuc, mira diligentia atque solertia perficeret, librumque, quem in præsentī recensendum summissimus, adornaret. Hic uti Decisionum Imperatoriarum Syntagma jure suo audit, & multiplici doctrina refertus est; ita nullum ejus fronti sanctius, quam ipsius Augustissimi atque invictissimi Imperatoris *Caroli VI* nomen, nemini rectius, quam summo Musarum præsidio ac decori, dedicare illum Autor potuit. Ne vero minus strenue defenderet opus suum, quam docte concinnaverat, publico illud eruditorum examini submisit, Præside usus clarissimo, eoque acutissimo, *Jo. Jac. Oppenrittero*, quem antea præceptorem ducemque in studio Juris nactus fuerat. Quamquam is ea die non tam adjutor, quam approbator, adfuit, uberrimosque suæ institutionis & ingenii Auditoris sui fructus & ipse cepit. In ipsa elaboratione ita versatus est, ut, perlustratis, quæ *Franciscus Linglois*, Professor olim Vesontinus, *Wilhelmus Ludwelligus*, in Academia Altorfina, & *Jo. Strauchius*, in Jenensi, *Dominicus Bassus*, in Ingolstadiensi quondam Antecessor, ad L Decisiones scribere aggressi sunt, præcipui earum Commentatoris, *Emundi Merillii*, Antecessoris Bituricensis, cujus etiam prolegomena præmisit, methodum inprimis sequeretur. Dum tamen recentiores Juris Scriptores consuluit, variasque eorum opiniones examinavit, veteres non posthabuit, sed, ipsos semper fontes adiens, Jurisprudentiam elegantiores cum forensi egregie conjunxit. Subjecit etiam seriem Juris Autorum utriusque sectæ, & Sabinianorum, & Proculianorum, itemque Erciscundorum sive Miscellionum, quam sequitur Syllabus L Decisionum *Justiniani*, secundum ordinem temporis, quo editæ fuerunt. Ipse Illustrissimus Baro illas eo ordine sistit, quo in Codice repetitæ prælectionis reperiuntur. Speciminis loco unam alteramve ex toto Syntagmate jam decerpisse sufficiet. Ita Decisionem XIV, quæ est ad *l. ult. C. ad Sc. Maced.* eo rectius explicaturus, rem altius repetit ex historiæ Romanæ monumentis primumque commendat frugalitatem orientis reipublicæ exemplo *Q. Cincinnati*. Deinde ingentem secutis temporibus

bus *Lucullorum*, *Liciniorum*, *Crassorumque*, luxum notat, ex quo usurae atque aliae artes illicitae creverint. Tum leges, effrenatae juvenum licentiae jam ante oppositas, commemorat, adeoque causam, ortum, & progressum Scti Macedoniani, scelerisque, five liciti, five illiciti, historiam persequitur. Denique varias, easque utilissimas, juris quaestiones ventilat, legibusque obstantibus hinc inde ingeniose conciliatis, de hujus Scti tum extensione, tum restrictione, amplius differit. Inter alia dubium veterum Jurisconsultorum, an ratihabitio patris ita filium afficiat, ut exceptio Scti cesset, distinctione inter res facti & juris solvit, in his non aequae, ac illis, ratihabitionem validam esse, ex variis eruit exemplis, istam tamen distinctionis subtilitatem ab Imperatore *Justiniano* ex rationibus haud contemnendis sublatam esse, observat. Filiumfamilias militem, ex mutui contractu, non solum usque ad quantitatem peculii castrensis, uti *Merillius* sibi persuasit, sed in solidum, obligari, vel eam ob causam existimat, quod alias Imperator in §. *fin.* Decisionis nihil novi, nullumque plane dubium, decidisset, cum pridem ante illum *Ulpianus* l. 1 §. *fin.* & 2 ff. de Scto Maced. scripserit, filiumfamilias usque ad quantitatem castrensis peculii tantummodo teneri. Praesumptionem autem, quam *Justinianus* dicto paragrapho inducit, scilicet militem non in aliam, quam castrenses causas, mutuam accipere pecuniam, non juris solummodo, sed juris & de jure, esse, ex ea imprimis ratione contendit, quia Imperator hic non tantum praesumerit, sed etiam super praesumpto statuerit, omni in contrarium probatione exclusa. Expeditis, quae ad ipsam Decisionem spectant, tres adhuc celeberrimas quaestiones subnectit. Prima est ad l. 7 §. 16 & Lib. 9 ff. ad Sctum Maced. Si filiusfamilias pecuniam mutuatus fuerit, deinde vel ipse sui juris effectus, vel pater pro eo partem debiti solverit, an totum debitum censeatur agnitum, atque adeo simpliciter etiam quoad residuum cesset Scti beneficium, an vero pro parte tantum soluta? Quam quaestionem, contra communem aliorum sententiam, qui per solutionem partis totum debitum approbatum censent, ex naturali ratione decidit, qua in dubio suum nemo iactare, aut juri pro se intro-

tracto, ultra, quam patet, renuntiare, præsumitur. Leges autem adductas, quæ sibi obviare videntur, atque, solutione partis SCti exceptionem tolli, innuunt, distinctione adhibita conciliat: cessare SCtum quoad partem solutam, non vero solvendam. Secunda circa *l. 14 ff. de reb. cred. & l. 9 §. 1 ff. ad SCt. Maced.* inter se dissonantes versatur, ubi quaeritur, si filiusfamilias pecuniam, mutuo acceptam, creditori solvit, an patri actio detur adversus creditorem? Hic, uti, nummos extantes a patre posse vindicari, satis constabat, ita, quid statuendum sit, si consumti fuerint, inprimis examinat, relatisque veterum Jctorum, *Juliani & Marcelli*, sententiis contrariis, rem ex ipsa æquitate ita definit, ut, si creditor pecuniam a filio acceptam mala fide consumserit, patri competere consumptæ conditionem, sin contra bona fide, cessare illam, arbitretur. Ad tertiam: An jurata filiusfamilias renuntiatio impediat SCti exceptionem? pensatis variis Doctorum disceptationibus, respondet, filium juramenti quidem religione obligari, posse tamen a judice seculari remissionem ejus obtinere. Simplicem autem renuntiationem, quia eadem facilitate fiat, qua mutuum accipitur, nihil prorsus operari, explosis argumentis *Udalr. Zasii*, communi Doctorum opinioni contradicentis, loco coronidis addit. Non minorem dexteritatem adhibuit in explananda sequenti Decisione XV *l. penult. C. ad SCtum Vellej.* quam ob argumenti affinitatem hic subjungere non alienum videtur. Ad hujus SCti originem atque causas itidem adscendens, Græcorum primum instituta circa jura mulierum perlustrat, easque in primordio reipublicæ Atticæ communi cum viris jure usas, publicis consultationibus interfuisse, adeo, ut calculis mares non modo exæquaverint, sed etiam superaverint, ex *Augustino*, dein vero ita coarctatam fuisse earum potestatem in rebus etiam privatis, nedum publicis, ut de re, quæ plus modio hordei valeret, valide contrahere non possent, ex *Chrysostomo* refert. Qua occasione simul originem tutelæ muliebris attingit. Inde, Romanos quoque jam in libera Republica mulieres a negotiis publicis arcuisse, & ad tutorum auctoritatem adstrinxisse, annotat, quoties vel lege, aut legitimo judicio, agere, vel

se obligare, vel civile negotium gerere, vel nuptias contrahere, & in manum convenire, vel libertatē permittere, ut in alieni servi contubernio moraretur, vel rem Mancipi alienare, voluissent. Quod ultimum negotium eleganti de veteri distinctione inter res Mancipi & nec Mancipi digressioni ansam præbuit. Post illam de diversa fœminarum tutela, scilicet tum Pupillari, tum perpetua, ejusque triplici specie, testamentaria, legitima, huicque affini, cessitia, & dativa, five prætoria, de causis item tutelæ muliebris, eamque finiendi modis, agit. Denique *Augusti & Claudii* Constitutiones, in favorem sexus fœminini promulgatas, ne vel nimio amore conjugali, vel severitatis metu, virorum obligationes in se susciperent, neve actioni, qua viri teneantur, se subjicerent, commemorat, & ab iis ad ipsum S^Ctum Vellejanum, quod fœminas ab omni obligatione pro aliis etiam, quam maritis, liberat, transit. Hujus, cum causas, tum effectus exponit, ac variis casibus illustrat, ejusque limitationibus ad tres classes reductis, ad ipsam Decisionem progreditur, quæ ob causæ qualitatem, & singulare munitionis privilegium, mulieri, pro servo libertatis consequendæ causa fidejubenti, exceptionem adimit S^Cti. Inter quæstiones juris, quas tractat, quantumcunque, modicum etiam, pretium pro intercessione acceptum, a S^Cti beneficio remove mulierem, statuit. Generatim autem pretium, quod citra usurarum labem, tum in foro externo, tum interno, pro fidejussione accipi possit, ex periculo æstimat, fidejussori ex conditione debitoris imminente, speque majore aut minore, solutum pro illo recuperatum iri. Ipsum S^Ctum etiam ad fœminas illustres extendit, ac tandem solide refellit eos, qui mulierem, suorum admonitam jurium, ac speciatim huic beneficio renuntiantem, illud non amittere, crediderunt. Ad Decisionem XIX, quæ continentur l. 25 C. de Nupt. præmissis sponsaliorum contrahendorum apud Romanos cærimonis, triplicem nuptias celebrandi modum, confarreationem scilicet, coemptionem, atque usum, explicat, ritusque nuptiales ipsos proponit, rationem præterea, cur in hortis plerumque nuptias fecerint, haud improbabili conjectura ex *Apuleji Apolog. Lib. II* eruit, qui, in villas suburbanas ideo Romanos subinde

subinde secessisse, indicat, ut minore amicorum vicinorumque frequentia tranquillius placidiusque celebrarent nuptias, adeoque sumptibus sportularum nuptialium sese subtraherent, ad quas cives in urbe solebant convolare. Ex hisce facile erit iudicatu, quanto eruditionis apparatu reliquas Decisiones pertractaverit Ill. Autor, quantumque ad melius intelligendas leges Romanas contulerit. Non minus autem ex hoc tirocinio juris apparet, quid aliquando Themis Germanica expectare ab eo possit, cum ipsis rebus agendis fuerit admotus.

HERCULIS FRANCISCI DANDINI, COMITIS, & JCTi Cæsenatis, de Forensi scribendi ratione culta atque perspicua Dialogus primus.

Patavii, typis Jo. Baptistæ Conzatti, 1734, 4.
Plag. 6.

Quanta nostris temporibus dictionis Romanæ in foro coramque tribunali sit negligentia, omnium optime, qui frequentius in judiciis versantur, norunt. Deplorarunt jam dudum clarissimi viri miseram hanc Jurisprudentiæ Romanæ faciem, sed, qua ratione corrigi emendarive possit, hæsitant huc usque, nec, quid decernant, habent. Suscepit idem doctissimus Cæsenatium JCTus, *Hercules Franciscus Dandinus*, haud ita pridem negotium, Dialogumque *de forensi scribendi ratione culta & perspicua* edidit, stili non minus concinnitate, quam pondere argumentorum, & doctrinæ solidioris gloria, commendabilem. Conveniunt *Meranius, Erminius, Pbronimus*, felicioribusque opus aggredi conantur auspiciis, quam olim *Guilielmus Budæus*, tam in præclaris *ad Πανδέκην Annotationibus* pag. 17 seq. quam in opella posthuma, quæ forensibus vocabulis nova, proprio conficta Marte, surrogat & substituit. Putat Cl. *Dandinus*, non nisi perpetua & curata veterum Autorum lectione feliciter exterminari posse hanc barbariem, & cum *Tullius*

Pag. 3 seq.

1. 2.

Y 3

non

- non sufficiat, reliquam JCtorum Romanorum catervam omnibus Jurisprudentiæ studiosis de meliori commendat nota. Ita enim futurum sperat, uti horrida, quæ ante tribunal obtinet, dictio ejiciatur penitus, & Romanæ voces pro barbaris ex purissimo Πανδέκτῃ fonte hauriantur. Exempla proponit, ex quotidianis rerum argumentis ducta, & ubique incommutatas pragmaticorum voces, qualia sunt: *tenuta, una petia terra, fructatus, respective, repartimentum, reflectere* pro considerare, *excomputare, depositare in banco, reportare suum recapitum* seu *receptam a bancherio, trahere bancherio literas solvibiles, intricata computa, deducere prætensionem, tractamentum, participare de lucris, defectus nonadimplementi*, ut alia taceamus innumera, veterum ope JCtorum felicissime emendat. Non possumus non, quin unicum in medium afferamus specimen. Scribit Ulpianus in l. 3 §. 1 π. de rec. qui arb. Post causam jam semel atque iterum tractatam, post nudata ejus intima & secreta negotii aperta, æquum non est, arbitrum nolle sententiam dicere. Hæc vero ab ἀγογὰς δεξιμίας Dandinus ita efferri ait: Non est æquitativum, quod arbiter recuset, laudum proponere post causæ merita pluries discussa, atque hinc inde manifesta. Ejus generis affert Cl. Dandinus complura, lectu jucundissima: ut silentio prætereamus criticas, quas oblata occasione attingit, de emendanda tractamenti voce, de l. 12 §. 16 π. de instr. vel instrum. leg. l. 245 π. de V. S. & l. 17 §. 3 π. de action. emt. vend. inter se conciliandis &c. disceptationes. Optamus Viro de humaniori Jurisprudentia tam præclare merenti vires & otia, quo, quod index hujus Dialogi & finis promittunt, in cæptis pergere laboribus, & politiores literas amplius juvare, queat.

EXERCITATIO MATHEMATICO-JURIDICA de vera Domini directi in Emphyteuticis prædiis æstimatione.

Quid Emphyteuticarii Contractus nomine JCtis veniat, vel tirónibus notum est. Eo nempe indigent contractum consensualem de utili dominio rei immobilis transferendo ea sub lege, ut melioretur, & exinde certa pensio annua in domi-

mi directi recognitionem solvatur. Præcipue circa hocce Emphyteuticarium jus sequentia notanda sunt: 1) quod dominium directum sit apud eum, qui Emphyteusin constituit, utile vero apud illum, qui se obligat ad præstanda ea, quæ ex hoc contractu debentur; 2) quod interitu prædii emphyteuticarii totali jus domini directi exstinguatur; 3) quod annuatim pensio quædam, quæ canon emphyteuticarius dicitur, sit solvenda; 4) quod, quoties Emphyteuta mutatur, toties cum oblatione prædii laudemium sit solvendum; 5) quod quibusdam gravibusque ex causis Emphyteuta dominium utile amittat, præcipue, si intra triennium canonem non persolvat. Casus: Sit domus quædam vel aliud emphyteuticarium prædium, cujus dominium directum habeat *Mavius*, Emphyteuta sit *Titius*, quæritur; si *Mavius* in dominii sui directi alienationem consentiat, quid ex æquo, & sine ullius læsione, *Titius* solvere debeat? Sit pretium medium boni, sive prædii emphyteuticarii = *a*. Tria nunc præcipue perpendenda sunt: A) Quantum sit valor expectationis *Mavii* ratione prædii ipsius; B) Canon; C) Laudemium. A) Expectatio *Mavii* ratione ipsius prædii ex duplici fundamento erit determinanda. D) Ex 2: Sit igitur numerus casuum, quibus ejusmodi prædia totaliter interiisse observavimus, ad numerum casuum, quibus salva mansisse deprehendimus, ut *m* ad *n* erit secundum regulas, a Cel. *Hugenio*, *Bernoulliis*, aliisque, traditas, *Mavii* expectatio = $\frac{na}{m+n}$ scilicet ex hoc capite, E) Ex 5. Unde iterum suppono, esse numerum casuum, quibus apud Emphyteutam prædia mansisse, ad numerum casuum, quibus in Dominium directum etiam utile dominium transisse vidimus, ut *p* ad *q*; erit ratione hujus spes *Mavii* = $\frac{qa}{p+q}$. Quarum duarum expectationum Summa dabit integram *Mavii* expectationem, nempe $\frac{m+n \times q + p+q \times n}{p+q \times m+n}$ A: dicatur hæc quantitas facilioris calculi gratia *C*. Hac expectatione jam determinata, sit id, quod Emphyteuta *Titius* pro prædii liberatione ex æquo dare debet,

bet, $= x$; quæ quantitas talis sit, necesse est, ut una cum omni exinde percipiendo commodo (i. e. usuris, iisque per solutionem in sortem redactis, inde denuo provenientibus fructibus,) per illud tempus, ad quod Emphyteusis est constituta, vel, si Emphyteusis est perpetua, per infinitum vel (quasi infinitum, quod & civiliter infinitum appellabo,) sit æqualis tribus sequentibus quantitatibus in summam redactis, A) Valori expectationis *Mevii*, cum omnibus inde percipiendis commodis; B) Canonibus annuatim præstandis, legitime ratione interusurii computatis, omnique exinde percipiendo commodo; C) Laudemiis itidem, ut mox ostendam, recte computatis. Priusquam vero ad hæcce evolvenda propero, monendum esse censeo; 1) in interusurio computando me sequi *Leibnitianum* modum, in *Actis A. 1683* propositum, ita, ut, posita e. g. forte $= r$ quota usuraria $= s$ annorum numero $= y$, valor fortis anti-

cipatæ sit $= \frac{r}{1+s} y = \left(\frac{1}{1+s} \right)^y \times r$; 2) interusurium æ-

quale debet esse commodo temporis, sive omni emolumento ex re per intermedii temporis spatium percipiendo, hinc si quantitas r post annos y solvenda, statim conceditur, dabitur

tantum $\frac{r}{1+s} y$; ex qua quantitate si commodum per annos u

quæris, (ubi u suppono esse majus, quam y ,) invenies, $\frac{r}{1+s} y$

post annos y producere iterum r , ex quo deinde commodum

usque ad tempus $u - y$ erit $= \frac{u-y}{1+s} \times r$. A) Valorem expectationis *Mevii* cum inde perfruendis commodis quod attinet, erit ob illius expectationem $= C$, quotam usurariam $= s$ (quæ in usuris quincuncibus $= \frac{1}{5}$) & annorum numerum

$= y$. Tota hæc quantitas $= \frac{y}{1+s} \times C$. B) Nunc & de Canonibus; sit Canon annuatim a *Titio* præstandus $= r$. Deberet igitur *Titius* solvere r post annum, r post biennium, r post

post triennium &c. r post annos y ; hos cum omnes anticipet *Mavius*, inde debet detrahi interusurium: ex his quantitibus, interusurio diminutis, perceptum commodum per annos y erit = commodo percepto ex r per annos $y-t$ (ubi t sit numerus annorum, qui indicat, per quot annos r ,

anticipato solutum est,) adeoque = $\frac{y-t}{1+s} \times r$; per dicta in §. n. 2 notato, unde substitutis loco t numeris 1. 2. 3. &c. donec $t=y$, habebis summam omnium Canonum, sequentem nempe

$$\begin{aligned} \text{seriem: } & \frac{y-1}{1+s} \times r + \frac{y-2}{1+s} \times r + \frac{y-3}{1+s} \times r \&c. \\ \dots\dots\dots r = & \left[\frac{y-1}{1+s} + \frac{y-2}{1+s} + \frac{y-3}{1+s} \&c. \right. \\ \dots\dots\dots & \left. \right] r \text{ cujus Summa} = \left(\frac{\frac{y-1}{1+s} - 1}{s} \right) \times r \end{aligned}$$

C) Nunc superest, ut etiam *Laudemia* consideremus. *Laudemia* dari solent domino directo toties, quoties titulo singulari utile dominium in alium transfertur: & quidem moribus ex centum duo solvi solent floreni. Generalius vero hæc determinaturus, pono *Laudemium* = da ; ubi d determinandum est per quotam *laudemialem*, e. g. communiter $d = \frac{1}{50}$. Deinde tempus quoddam medium determinandum, quoties *Emphytevta* mutari soleat; idque ex multis observationibus (e. g. si quis sæpius observasset, prædia per seculi decursum in quinque dominos successive fuisse translata, assumet, singulis vicenniis mutationem fieri solere.) Sit ille numerus annorum = g , erit numerus, sive Exponens, qui indicat, quoties *laudemium* debetur = $\frac{y-h}{g}$ (ubi h vel est residuum ipsius y per g divi-

sum, si g non est exacte pars aliquota ipsius y , vel est = g , si exacte dividit quantitatem y : nam notes illud *Laudemium*, quod solvendum esset eo anno, quò *Emphytevta* finitur, non amplius debetur); debetur igitur da post annos g , debetur da post annos $2g$ &c. debetur tandem da post annos $\frac{y-h}{g}$

$y - b$; sed, quoniam hos valores *Mavius* anticipando accipit, detractis interusuriis, & commodis percipiendis connumeratis, secundum normam in Paragrapho no. 2 expositam, prodit sequens quantitas:

$$\left[\frac{y-g}{1+s} + \frac{y-2g}{1+s} + \frac{y-3g}{1+s} + \dots + \frac{g+h}{1+s} + \frac{h}{1+s} \right] da \text{ cujus summa} = \left(\frac{\frac{y}{1+s} - \frac{h}{1+s}}{\frac{g}{1+s} - 1} \right) da.$$

Harum quantitarum inventarum summa, ut supra diximus, debet esse æqualis quantitati x cum omnibus inde percipiendis

commodis per annos y , $= \frac{y}{1+s} x x$. Unde jam habemus æquationem sequentem:

$$\frac{y}{1+s} x x = \frac{y}{1+s} x c + \left(\frac{\frac{y-1}{1+s} - 1}{s} \right) x r + \left(\frac{\frac{y}{1+s} - \frac{h}{1+s}}{\frac{g}{1+s} - 1} \right) x da. \text{ Et}$$

$$x = c + \left(\frac{\frac{y-1}{1+s} - 1}{\frac{y}{1+s} x s} \right) x r + \left(\frac{\frac{y}{1+s} - \frac{h}{1+s}}{\left(\frac{g}{1+s} - 1 \right) x \frac{y}{1+s}} \right) x da$$

$$\text{Posito } x = \infty \text{ habemus } x = c + \left(\frac{\frac{\infty-1}{1+s} - 1}{\frac{\infty}{1+s} x s} \right) r$$

$$+ \left(\frac{\frac{\infty}{1+s} - \frac{h}{1+s}}{\left(\frac{g}{1+s} - 1 \right) x \frac{\infty}{1+s}} \right) x da. \text{ Ex quo propter}$$

infiniti

finiti naturam deduco, neglectis nempe negligendis $x = c + \frac{1}{s} r + \frac{1}{\frac{g}{1+s-1}} d a$, adeoque infinitis exterminatis,

erit Juris Emphyteuticarii in prædio constituti ad annos infinitos valor finitus. Ponamus quantitatem $a = 10,000$ flor. $m = 1$. $n = 99$. & $p = 99$, $q = 1$, erit $c = 1000$ flor. sit porro $s = \frac{1}{20}$, $g = 20$, $d = \frac{1}{30}$, $r = 4$ flor. His in formula finali rite substitutis invenies

$$x = \left(1000 + 20 \times 4 + \frac{1}{\left(\frac{21}{20}\right)^{20} - 1} \right) 200, \text{ five}$$

$x = 1000 + 80 + 121. == 1201$. flor. quam proxime. Hæc jam sufficient; quodsi vero quis in hac methodo nostra errorem ostenderit, & monstraverit aliam procedendi viam, ei me obstrictissimum profitebor.

CAROLI LINNÆI, DOCTORIS MEDICINÆ,
Bibliotheca Botanica, recensens Libros plus mille, de plantis huc usque editos, secundum systema Autorum naturale in classes, ordines, genera, & species, dispositos, additis editionis loco, tempore, forma, lingua, cum explicatione Fundamentorum Botanicorum.

Amstelodami, apud Salomonem Schouten, 1736, 8.

Plag. 8.

Plurimum interesse noverat Clarissimus Vir, ut assuescerent rei herbariæ tyrones selectui Autorum, possentque in tot tantorumque, haud raro magis pretiosorum, quam utilium, librorum copia familiarem habere hunc aliumve probatæ fidei Botanicum. Neque tyronibus tantum, sed & provectioribus in arte & maturis ingenio viris, rem hoc ipso gratissimam fecisse

cisse sciat, quorum Bibliothecæ, hoc libello directorii instar utur, melioris ordinis ornamentum habebunt. Rei herbariæ fata recensentur in Præfatione sub herbæ crescentis & adolescentis ingenioso lemmate. Dicitur enim foliolis seminalibus suis Botanica progerminasse penes Græcos; inter spolia, devicto *Mitbridate*, qui plantarum heros exstitit, translata fuisse Romanam; magnam illius non tantum in hoc orbis capite, sed & alibi, exilimationem fuisse, utpotè quæ in Asiam Arabiamque migraverit Seculo maxime duodecimo. Maturitatis terminos attingere cœpit decimo sexto septimoque æræ Christianæ Seculo, plurimisque verticillis excrefcens hac, qua vivimus, ætate, uberimo fructuum proventu superbit. Auream vocat hanc nostram eruditi orbis periodum, nominatque inter principes, qui hanc Medicinæ faciem prætulert, in Anglia *Rajum*, in Belgio *Hermannum*, in Gallia *Tournefortium*, in Germania *Rivinum*, quorum vestigia legunt celeberrimi hodiernum, & faxit Deus! diu superstites, principes in re herbaria Viri, in Anglia *Dillenius*, inter Batavos *Boerbavius*, cui Cl. *van Royen* merito ad latus ponimus, Virum, cui Lipsienses horti plurimum debent, in Italia *Michellus*, *Montus*, *Pontedera*, & *Zamichellus*, in Gallia *Jussavii* fratres, *Chicoïnavius*, nec obscuri nominis inter nos quidam. Celebrat Dœstiff, Autor Clarissimum cumprimis *Burmannum*, quo obstetricante pulchrum huncce ingenii fœtum in lucem edidit. Methodum in recensendis rei herbariæ Autoribus talem, quæ naturali proxima est, instituit, antiquos primo loco enumerans, quos vocabulo, cultum, quem statoribus artis debemus, declarante, Patres appellat. Hos omnes habet, quicunque ad devictam usque barbariem, omnium scientiarum & ipsius Botanices juratam hostem, scriptis inclaruerunt, etsi virtutum, quam plantarum, studiosiores exstiterint. Præcedunt Græci, sequuntur Romani, inde Asiatici, barbarique, in scenam educuntur. Uniuscujusque vita, ætas, qua vixit, scribendi ratio, editiones, quotquot profiant, vel ad notitiam Autoris ullo modo pervenire potuerunt, erudite & studiose, sed & breviter, indicantur. A *Sagrita* dicendi initium factum, in quem commentatus est *Julius Casar Scalliger*

liger in *Commentario in libros Aristotelis de Plantis*, Genev. 1566, fol. Si quid tamen fragmentorum *Aristotele* antiquiorum ex *Chironis Centauri* & *Æsculapii* schola a *L. Apulejo Madaurensi* collectum fuit, id ipsi potius *Apulejo* attribuendum esse censet. Multo minus *Homerum*, etsi quædam de moly tradiderit, eapropter Botanicis accenset, sed ea saltem curat, quæ spurii suspitione prorsus carent, & quæ ex instituto Botanici argumenti sunt, scripta. Inde *Hippocratem* leviter saltem attingit, quod, nisi quantum a *Cratæ* suo acceperat, herbarum vires parum declaraverit. Inter Romanos agriculturæ & rei herbariæ studia cum exsisterint conjunctissima, facere haud potuit, quin Rei Rusticæ Autores, quorum omnium novissima & satis elegans editio curante *Gesnero* hic Lipsiæ nuper prodiit, insimul adduceret. Hos imitatus est inter recentiores *Joannes Colerus* in *Oeconomia rurali & domestica*, Francof. 1692, fol. *Carolus Stephanus*, *Carolus Libaltius Hochbergius* in *Georgia curiosa aucta Tom. III* Norinb. 1695, 1716, fol. aliique. Annotandum ante omnia, ne quis, re minus perspecta, omissorum quorundam ex antiquitate librorum reum faciat Nostrum, *Juba*, Regis Mauritanix, de *Euphorbio*, & *Antonii Musæ* de *Vetonica*, libellum, quærendum esse inter monographos, qui unius cujusdam plantæ historiam condere susceperunt. Neque vero antiqui Autores tantum suos invenerunt Commentatores, sed & nostræ ætati propiores. Sic in *Matthiam Lobelium* commentatus est *Christoph. Plantini* in *Stirpium iconibus* secundum ordinem *Lobelii*, qui habetur inter usitatissimos pag. 21. *Plinianis* vero si placeret Germanicam librorum ejus versionem, quæ exstat Francof. 1584. fol. addere, elucescere exinde poterat, qua dignitate hic Autor elatus sit ante hæc tempora inter omnes. Tantæ utilitatis visus est *Matthioli* in *Dioscoridem* Commentarius, ut *Camerarii* opera Bohemico etiam idiomate proset: *Joachima Kameraria Herbar aneb Bylinar*, Francof. 1596, fol. Particularium Autorum Collector perindustrius is exstitit. Post alios, & Cl. *Josepho Monti* magna in disponendis graminibus gratia habetur, qui in *Prodromo suæ Historiæ Bononiensis*, pag. 131 recensitæ, haud male commentatus est. Cum

jucunditate legi poterit inter Autores arborum *Rudolphus Eysenius* in *Sylvæ Virgilianæ Prodomo*, seu de Arboribus glandiferis, Groning. 1695, 12. Monographis addi possent quidam, *Bontekoe het excellenteste kruydt Tbee*, in *s' Gravensh.* 1686, 8, itemque *Stephani Blanckaart Gebruick en Misbruick van te Tbee*, in *s' Gravensh.* 1686. Curiosissimus etiam est *Tractatus Conradi Gesneri* de admirandis herbis Lunariis, Hafn. 1669, 8; ejusdemque de Plantis a Divis Sanctisque nomen habentibus, Bas. 1591, 8. Inter eos, qui minus cognitæ plantas descripserunt, locum habet *Pauli Ammanni Character plantarum naturalis a fine, nempe fructificatione, desumptus*, Lips. 1685, 12. Catalogis horti Acad. Lugd. Batavorum, pag. 71 recensitis, addendus est, quem *Adolphus Vorstius* A. 1643, 12, edidit; neque male anatomiam plantarum percensuit *Theodorus Schoon* in libro *Waare Oeffening der Planten*, in *s' Gravensh.* 1692, 8, sicut inter hortulanos non obscura nomina sunt *Falda*, qui Romæ hortos, *de la Quintinye*, qui Gallix, *Hagenbachius*, qui Germaniæ nobiliores hortos descripserunt. Fœminas quasdam habuimus eruditas, plantarum studiosas, *Mariam Sibyllam Merian*, & *Sibyllam Græfiam*, quarum labores laude indigni censendi non sunt, quamvis pro suo ingenio muliebriter egerint. Expectamus utilissimi libelli, quam doctissimus Autor literis humanissimis, ad nos datis, promisit, novam editionem, hac auctiorem futuram. Sicut in causa propria meticulosiores esse solemus, sic, iniquorum censuram cum prævideret Vir optimus, quam a bonis suspicari non debebat, sequentem ad F. O. M. Collegam nostrum, exarare Epistolam dignatus est: *Ante dies aliquot Amstelodamum rediens, ab amicissimo nobis d'Orvillio, Tractatulum hem meum, Bibliotheca Botanica & Fundamenta Botanices dictum, ad manus tuas demandatum fuisse, percepi, unde mihi necesse sit, antequam sententia dicatur, si non argumentis, tamen precibus, apud Judices justissimos causam meam excusare. Exantlatis pluribus annis peregrinationibus continuis, Lugdunum perveniens, suasu Medici cujusdam clarissimi, Amstelodamum petii, ut schedulas meas in ordinem redigerem, & editori*

tori committerem, atque inde quam primum abire. Charta mea tradebatur transcriptori & typographo, utrique rudi; correctori negligenti committebantur emendationes, & sic prodit opusculum; interdum una correctura, interdum nulla, ad me mittebatur, Lugduni, vel ruri, degentem, & si qua correxi, a typographo non emendata fuere. Absoluto libello Amstelodamum rediens, optassem omnia exemplaria proprio redimere ere, sed, quod maxime doleo, ante dies aliquot suero ad maximam partem distributa, & sic spes ultima mihi excidit. Vestrum jam subiturum justissimum iudicium, facile praevidео. Ut itaque mihi non adscribantur errores istius filii, est, quod unice exoptulo, peto, apprecor. Sit mihi, quae ad scientiam spectant, summa iustitia, Vestrum lubens subibo iudicium; sit mihi gratia summorum Virorum in cit, quae ad literas pertinent, & contumelia hac memet non frangat, sed erigat. Et, si per annum vixero, editionem Bibliothecae & Fundamentorum meorum emendatam & emaculatam promitto.

OBSERVATIONES IN THEONIS FALLOS Græcos priores, & in ejusdem Fragmentum in expeditos Canones. Accedit de Canone Regum Astronomico, ejusque autoribus, editionibus, MStis, Dissertatio, in qua duplex Canon nunc primum editur ex Codice

MSto Lugduno-Batavo.

Amstelodami, apud Jo. Boom, 1735, 4.

Alph. 2 plag. 1.

Duos hos Tractatus Autor Anonymus, horis successivis, jam da longo tempore conscribere incepit. Qui, si aliquanto prius vidisset *Ptolemai* de hypothesebus planetarum libellum, & imprimis Codicem MStum Bibliothecae Lugduno-Batavæ, quædam forte concinnius tractasset, & ab erroribus sibi cavisset, quos nunc, cum Opus denuo refingere, propter ætatem, noller, adjectis passim annotationibus, corrigere instituit. Prior Tractatus versatur circa duo *Theonis Alexandrini* scripta, a

Dodwell,

Dodvello in Appendice ad Dissertationes *Cyprianicas* primum edita. Horum alterum *Fastorum* nomine venit, sed re vera est *Κατένσις*, sive Tabula Astronomica, inserviens ad annum, mensem, diem, in *Alexandrinorum* anno fixo datum, reducendum ad annum, mensem, diem, in *Ægyptiorum* anno vago quaesitum, dato respondentem. Alterum vocatur *Theonis* Fragmentum, estque Caput primum Commentarii *Theonis* in expeditis Canones. Ad hæc scripta illustranda, varia affert Autor, lectu non indigna. Sed copiosior est in altero Tractatu, sive Dissertatione, de Canone Regum Astronomico. Quæ Dissertatio divisa est in *Partes sex*. *Prima* indicat, quinam recentiorum & veterum de hoc Canone egerint, editionesque & Manuscripta ipsius Canonis recenset. *Alter*a notitiam hujus Canonis ex variis Autoribus, *Ptolemao*, *Theone*, *Syncello*, *Calvisio*, *Bainbrigio*, *Petavio*, *Dodvello*, exhibet. *Tertia* agit de variis, quæ in hoc Canone occurrunt, epochis, sive æris: nempe de æra *Nabonassari*; de æra *Philippi*, ab *Alexandri Magni* morte; de æra *Augusti*, a morte *Cleopatrae*; de æra *Diocletiana*: quarum priores *Ptolemaum* autorem habere, non satis firmis, ut arbitramur, argumentis, Anonymus noster sibi persuadet. Idemque hoc loco, postquam multis rationibus ostendere laboravit, *Ptolemaum* non esse Autorem expeditorum canonum sive tabularum, quæ tamen illi a plerisque viris doctis tribuuntur, tandem se ipsum refellit, ex ipsius scilicet *Ptolemai* libro de planetarum hypothesebus, & ex Codice MSto Lugduno-Batavo, doctus, istas expeditas Tabulas utique esse *Ptolemao* adscribendas. *Pars quarta* Dissertationis agit de Canonis Regum Astronomici Autoribus & concinatoribus. Atque hic iterum Noster, quod antea magno opere negaverat, postremo ipse amplectitur, illum Canonem a *Ptolemao* constructum, & deinceps ab aliis continuatum esse. *Pars quinta* formam exponit canonis laudati: quæ ita se habet. Reges Babylonici, inde a *Nabonassaro*, porroque Persici & Ægyptiaci, tandemque Imperatores Romani, ordine recensentur, notatis, & in alia columna collectis, annis integris, quibus imperarunt. Quamobrem illi omittuntur, qui non integro anno

anno in imperio fuerunt. Annus adhibetur Ægyptiacus vagus, diebus constans 365, absque quadrante. Dies a meridie inchoantur: totusque Canon incipit a meridie diei primæ mensis Tthoth, anni primi *Nabonassari*. Hinc usque ad excessum *Alexandri* colliguntur anni 424: inde vero usque ad mortem *Cleopatræ* anni 294. Restat *Part sexta* Dissertationis; quæ recensendo codici MSto Lugduno-Batavo (quem, circa initium, ut videtur, Seculi noni in pergamena scriptum, ex Oriente advexit *Jac. Golius*,) destinata est. In hoc Codice cum aliæ quædam Tabulæ comprehenduntur, tum etiam duplex Canon Regum Astronomicus: quorum alter ad *Phocam* Imperatorem, alter ad *Michaelem* usque continuatur. Utrumque descripsit *J. Vossius*, omissis tamen annotationibus marginalibus, quibus non magnum pretium statuisse videtur. Atque hoc *Vossii* Apographo diligenter usus est *Dodwellus*, variasque ex eo lectiones adduxit in suis ad Canonem (ex MSto *Saviliano* editum) notis. Noster ex Codice commemorato integrum utrumque Canonem nunc edidit, & nonnulla animadvertit, quæ non plane nullius momenti esse existimamus.

COMMERCIIUM LITERARIUM, AD ASTRONOMIÆ incrementum inter hujus scientiæ amatores communi consilio institutum. Tomus I. Autore
MICH. ADELBULNERO.

Norimbergæ, ex officina Adelbulneriana, 1735, 4.

Alph. 1 plag. 8, cum Tabb. æn. 4.

Societati Regiæ Berolinensi dedicatus est Liber, quem & chartæ & typorum nitor oculis, multa vero in eodem contenta animis, Lectorum commendant. Cum nobis singularia nonnulla de exortu hujus Commerciî nota sint, ea hîc publicare, non abs re arbitramur. Anno nempe 1733 D. *Andreas Celsius*, Astronomiæ in Academia Upsaliensi Professor, nec non Societ. Scient. Regiæ Suec. Secretarius, iter per Germaniam, Italiam, Galliam, Angliamque, instituens, Berolini magnam Solis eclipsin d. 13 Maji postquam observarat, Lipsiam,

dein Norimbergam, veniebat. Ibi Commercium literarium Physico - Technico - Medicum salivam ei movebat, adeo, ut de pari Astronomico meditaretur. Cl. *Doppelmayerus*, ut nobis certissime constat, diu jam ideam talis Commericii animo conceperat, tunc vero temporis totus Physicæ suæ experimentali incumbens, nil de eodem cum quoquam communicarat. *Celsius* interea, mensem integrum Norimbergæ degens, Virum hortari haud desistebat, exequeretur propositum, cujus utilitas non nisi maxima esse posset. Sed videns, Cl. *Doppelmayerum* non ferre, nisi de Physica, ac Atlante cœlesti, meditari, tandem cum *Adelbulnero* colloquebatur. Hic, Astronomiæ impense deditus, & patriam ad manus habens typographiam, arripuit occasionem lubens gaudensque, de amato studio bene merendi, & invitationem ad Astronomos forma 8, quæ non ita multo post denuo edita est forma 4, publicavit. Cl. *Doppelmayerus*, sibi injuriam hinc illatam, ac meditationes suas ab alio occupatas, judicans, hanc invitationem nullo modo approbabat, ideoque nullum fœdus cum Autore inire volens, omnem amicabilem compositionem fugiebat, de qua Lipsiensis nonneino, & cum *Doppelmayero*, & cum *Adelbulnero*, commercium literarium habens, valde, sed frustra, laborabat. Gesta hæc mensibus *Julio*, *Augusto*, ac *Septembri*, dicti anni. Sed, quanquam Cl. *Doppelmayerus* non ex partibus Cl. Editoris staret, tamen, multos fautores inveniente Commercio, d. 22 Octobris dicti anni plagula prima publicabatur, quam anno hoc, & sequenti 1734, aliæ XX infecutæ, primum constituunt *Tomum*. Cum de tali scripto, cujus singulæ plagulæ multos diversosque continent Articulos, vix dare recensioem liceat, in genere hæc dicimus. Institutum laudandum, utilissimum, ac, si fieri potest, nunquam interrumpendum, bene ab Editore confectum videmus. Multi, iique laudatissimi, Viri symbolas suas conferunt ad continuandum Commercio. Ex Italia præcipue nova nonnulla advecta, quorum alias non tam cito ad nos pervenisset notitia; atque ex R. P. *Nicasii Grammatici*, S. J. communicatione elegantissimæ, apud Sinas habitæ, Observationes exhibentur, quarum tamen modo

do dictus Pater jam antea nobis ipsis copiam fecerat. Optamus igitur, ut, quo cœpit, tramite diu feliciterque continuetur Commercium, certo persuasum nobis habentes, quotquot vero Astronomiæ ardent zelo, multas Cl. Editori gratias habituros. Non tamen nobis vitio vertet, si de levioribus nonnullis, non ex omnium gustu, quod nobis videtur, futuris, amice ipsum candideque monuerimus. E. g. ex Calendario Astronomico Berolinensi, quæ quovis mense in cœlo observanda sint, exhibet; quod institutum, cum illud Calendarium ad paucorum manus veniat, omnino laudandum foret, modo illa cito satis hic invenirentur. Jam vero, cum raro mense antecedente, sæpius currente jam, ea publicentur, quæ hoc ipso mense observanda sunt, ea quidem Norimbergensibus nova sunt & utilia, alibi vero viventibus tunc modo innotescunt, cum, finito jam mense, nil amplius ad observandum conferunt. Plus enim sæpe rei Astronomicæ interest, nosse, quæ observanda adhuc sint, quam quæ observanda fuerint. Mirantur & nonnulli, ex *Novis literariis Lipsiensibus* multa excerpti, cum tamen in Præfatione pag. 2 Cl. Editor nominatim ea, quæ in *Actis Eruditorum*, vel in aliis lingua nota scriptis, aut ubique exstantibus libris, exhibentur, exclusa voluerit. Sed, uti jam monuimus, levia hæc sunt, quæ bono, imo optimo, instituto parum, vel nil omnino, detrahunt. Quæ numero toto XII pag. 93 usque ad 168 continetur Dissertatio Astronomica, de ratione corrigendi typos & calculos eclipsium solis & lunæ, ob figuram telluris non sphæricam huc usque adhibitam, sed sphæroidalem, Autorem agnoscit eruditissimum Virum, *Nicasium Grammaticum*, qui hujus Dissertationis specimina jam nonnulla prægustanda nobis dedit in literis d. 17 Julii 1733, occasione Dissertationis cujusdam de istius anni eclipsi Solis, ad nos exaratis, quæ lucubratio, cum & forma Tractatus ex typographia *Adelbulneri*, eodem tamen & chartæ & typorum nitore, prodierit, nobis forsan alio tempore plura dicendi occasionem præbebit. Ut vero Lector sciat, quæ in hoc Commercio querenda, ex Præfatione hæc Cl. Autoris verba adjicienda videntur: *Commercium Astronomicum comprehen-*

det omnis generis Observationes Astronomicas, de luminarium eclipsibus, de immerfionibus & emerfionibus satellitum, imprimis Jovis, de occultationibus fixarum, & insignibus planetarum congressibus, de cometis, de stellis novis &c. dein inserere libet monita, vel invitationes Astronomorum, ad observationes quasdam peculiari studio instituendas. Nec ingratum fuerit in illo quoque calculos de insignibus phenomenis in celo futuris mature indicare, in eorum præcipue, qui æphemericidibus motuum caelestium destituuntur, gratiam. His denique adjunguntur recensiones librorum Astronomicorum typis exscriptorum, ut quisque sciat, quid in Astronomicis actum, vel peractum sit. Uno verbo, in plagulis hæc nuntiabuntur, quæcunque ad Astronomiam referri posse videntur. Hæc huc usque Autor bene præstitit, ac, ut speramus, in dies melius præstabit.

NOVA LITERARIA.

Jo. Meursii, Viri Clarissimi, Opera ea apud omnes præstantia atque eruditione censentur, ut pro inutiles ac supervacaneos haberi possit, illa in præsentia laudibus efferre, & cultis doctisque hominibus commendare. Uaum tantum eorum gloriæ, ac literatorum virorum usui & commoditati, deesse videbatur, & id quidem ab universis exoptatum vehementer, ut omnes videlicet Viri adeo excellentis & incluti lucubrationes, in unum corpus collectæ, chalcographico opere publici juris iterum fierent; & quæ dispersæ antea, & inventu partim, partim comparatu, difficillimæ fuerant, facili quis negotio in posterum posset acquirere. Id quidem cum animis suis versarent, & crebris doctorum, & optime de literis meritorum, hominum suasionibus excitarentur, nobilissimi urbis Florentinæ Typographi, Jo. Cafet. Tartinius, & Sancti. Francius, duram arduamque provinciam susceperunt, & ad universa, quotquot exstant, Jo. Meursii Opera, in justum Voluminum corpus inclusa, denuo typis excudenda se composuerunt. Quæ editio ut locupletissima & omni ex parte instructissima evaderet,

deret, nulli labori aut impensæ pepercerunt, ut, si qua *Meursii* Opera *avéxédera* alicubi delitescerent, tempestive hæc sibi compararent, sive Commentarii essent, sive Epistolæ, sive quicquid aliud ad ejus vitam Operaque illustranda pertinere videretur: quo vero ornatissima etiam & luculentissima esset, & vitam Autoris accuratam, & Præfationes eruditas, & Scholia perpetua, & opportunas castigationes, & crebra antiquitatis venerandæ monumenta, partim quidem alias a viris eruditissimis edita, partim vero nunc ab ipsis primum æri incisa, & publica luce donata, seu statuas, seu anaglypha, seu gemmas, seu nummos, seu ædificia, velitis, & Tabulas Geographicas, & urbium imagines, & Indices plures, eosque copiosissimos, adjicere non omiserunt. Quæ quidem omnia *Jo. Lamius*, Vir Clarissimus, in perillustri Florentina Academia publicus Historiæ Ecclesiasticæ Professor, & Bibliothecæ Riccardianæ Præfectus, vel conquisivit diligenter, vel haud incuriose elaboravit, atque perfecit. Eam autem in hac editione viam ac rationem sibi ineundam arbitrati sunt Editores, ut omnia quidem Opera in plures *Tomos* forma *folii* distribuerent, eademque insuper ita in certas classes distincta seponerent, ut, quæ solida atque integra *Meursius* Marte suo elucubrasse, atque absolvisse, cognoscitur, primum locum obtinerent, secundum vero illa, quæ, cum alienæ Commentationes essent, nostri tamen Autoris studio in aliam linguam translata, aut castigata, aut explicata sint atque illustrata. Ea, quæ primi generis sunt, ita rursus divisa ac distributa fuere, ut res Græcorum alias præcederent, & quidem certo inter sese ordine; deinde Romanæ consequerentur; tandem subjicerentur ea, quæ vel varii argumenti sunt, vel recentioris historiæ monumenta complectuntur. Quod vero secundi generis Opera attinet, sacris & ecclesiasticis Scriptoribus primas detulerunt; deinde profanos collocarunt; & hos inter Græci quidem Latinis anteferuntur. At, cum horum Scriptorum plerisque nihil aliud *Meursius* contribuerit, quam Scholia quædam, & Animadversiones, nec ab eo primum editi fuerint; ne Opus in immensum excreseat, & emtores impensa inutili onerentur, eorum

hic rursus Opera excudere, animum non induxerunt, sed ejus tantum in illos Annotationes exhibebunt. Illud tamen perpetuum non præstabunt: si qua enim vel exiguae molis erunt, vel rariora, & inventu paulo difficiliora, videbuntur, ea iterum formis describere, studiosorum hominum commodatibus consulentes, haud superfedebunt. Ceterum, cum multa ac multigena in *Meursii* Operibus vel correctâ deinceps, vel illustrata, a viris πολυμαθεῶταίς fuerint, horum castigaciones, & annotationes, quotquot reperiri potuerunt, *Meursianis* Commentariis opportune atque apposite adscriptæ sunt: Additamenta etiam, quæ ipsa *Meursius* secundis curis meditatus fuerat, suis locis apte perpetuoque inserta. Quin & eo diligentia Editorum processit, ut Græcorum Autorum testimoniis, si qua indigebant, Latina interpretatio subjiceretur; & illis, quibus textus primigenius Græcus deerat, ex ipsis fontibus repetitus apponeretur; & si qua minus recte in interpretationibus se habere visa fuissent, (neque enim in plerisque Operibus Græca *Meursius* Latine veterat) eadem, sedulo retractata, laboriose reficerentur; & quod optabile quidem, sed vix credibile videatur, nonnullis Opusculis, minus absolutis, supplementa quædam identidem attexerentur. Et id quidem omne præstatur charta nitida & pulcherrima, latis paginarum oris vacuis relictis, ut characteres elegantissimi, decore & compositæ exstantes, facile lubenterque legantur. Jam vero *primum Meursianarum* lucubrationum *Volumen* ad umbilicum deductum est, & quamprimum prodibit in publicum; nec parum profecit *secundum Volumen*; idque inprimis curæ habebunt Editores, ut *Tomi* omnes, citissime excusi, & numeris omnibus absoluti, emittantur. Sed, cum nondum cuncta *Meursii* Opera, & ne excusa quidem alias, comparare licuerit, omnes Viri docti, & publicæ utilitatis amantes, enixe rogantur, ut, quæcunque in serie proxime subjecta minime annotata leguntur, si apud ipsos aliosve exsint, Editoribus significare non negligant, quo suo ista ære quærere, & editioni hoc melius consulere, valeant. Item, si qua *Meursii* Opera ἀνέκδοτα, sive Epistolæ sint, sive Commentaria, seu cujuslibet generis alia, quæ

quæ ratione aliqua ad eum pertinere dignoscantur, apud ipsos, vel alios, lateant, cum iisdem Editoribus communicare, aut indicare saltem, ne dedignentur, ut editio hæc tandem locupletissima, quod nos ipsi vehementer optamus, evadat. Et postremo, si qua sint, quorum, utpote ad desideratum spartæ, quam exornandam sulceperunt Editores, decus & perfectionem spectantium, monuerint ipsos, aut de aliorum doctorum virorum in *Meursii* Opera animadversionibus, & illustrationibus, sive dedita opera & consulto, sive obiter & renata, factæ fuerint, certiores fecerint, maximam iis gratiam habituri sunt, & per quos profecerint, nominibus eorum inscriptis, atque honesta commemoratione laudatis, ultro ingenuèque profitebuntur. Opera *Jo. Meursii* edita, quæ nondum inveniri potuerunt, hæc sunt: *Poemata varia*, Lugd. Bat. 1602, 8; *Panegyricus Jacobo I, Regi Britannia, in auspiciis Regni dictus*, Lugd. Bat. 1603; *Meditationes Christianæ in Psalmos 116 & 119*, Heidelb. 1604, 8; *Apuleji Apologia, cum notis brevioribus*, ibid. 1607; *Herodis Inscriptio Græca, totidem versibus expressa*, 4; *Pbilostrati Epistola, cum Dissertatione*, Lugd. Bat. 1616, 4; *Theophylacti, Bulgaria Archiep. Epistola, Græce, cum notis*, Amst. 1617, 4; *Variorum divinorum Liber, sive Orationes Patrum, nunquam editæ, cum notis*, Amst. 1619, 1621, 4; nempe: *Cyrilli Alexandrini in Transfigurationem Domini Oratio*; *Anastasi Antiocheni in Annuntiationem B. M. V. Sermones II*; *Andrea Cretensis in vitam humanam, & de functis, Oratio*; *Methodii de libero arbitrio Sermo*; *Timothei Presbyteri de iis, qui ad Ecclesiam accedunt, Oratio*; *eiusdem (seu potius S. Maximi) de duabus Christi naturis Sermo*; *Hilarionis Monachi de Eucharistico Pane Oratio, Græce & Latine*; *Porphyrri Philosophi omnia, cum notis*, Lugd. Bat. 1620, 4. His addimus Opera *Jo. Meursii cæcendota*, quorum quidem notitia ad Editores pervenit, quæ autem reperiri huc usque non potuerunt: *In Parthenii Erotica Nota*; *Glossarium Latino-barbarum*; *Animadversiones in Harpocratonis Lexicon X Rhetorum*; *Nota in Astrampsychi Oneirocriticon*; *Induciarum belli Belgici historia*; *Athenai Mechanica, Græce, cum notis*; *Apollodori Poliorcetica, Græce, cum notis*;

Julii

Julii Africani Cesti, Græce, cum notis; Meletius de Natura hominis, Gr. Lat. Menander Rhetor de Divisione causarum in genere demonstrativo Gr-lat. cum notis; Familiæ Attica, Dionysia, sive de Bacchi apud Athenienses Festo.

Græcarum Romanarumque Antiquitatum Thesauri, quos summi Viri, *Joannes Georgius Grævius, & Jacobus Gronovius*, conguessere, *Tomis XXV* comprehensi, editique primum apud Batavos abhinc annis XLII, secundum nunc eduntur Venetis. Ut locupletior hæc sit editio, ei *Tomis tres* adduntur, quos *Albertus Henricus Sallengre*, qui in Opere augendo diligenter versatus est, adjecit; quatuor præterea alii colligentur, continentes Opera, quæ vel illos fugerant, vel post illorum obitum confecta, studio hominum doctissimorum in publicam lucem exierunt. Cum autem hac ætate maxime vigeat rerum antiquarum studium, Latinæque & Græcæ eruditionis, quæ superioribus annis propemodum exaruerat, amor; unus, aut etiam alter, *Tomus* adjicietur eorum operum, quæ Viri ingenio, aut summa quadam doctrina, præditi perscripserunt. Porro hæc editio nostro tempore priori illi multis nominibus superior est, chartæ nimirum ac marginum nitore, & magnitudine; typorum, tabularumque ænearum, elegantia ac nobilitate; sedula denique & accurata quadam scribendi edendique ratione, ac diligentia, mendorum omnium expultrice, qua eorum labor & industria, qui libros in vulgus edunt, magnopere commendatur. Hæc cum ita sint, Veneti tamen *Tomis XXXIV* veniunt pretio librarum 1496, nempe 44 in *Tomos* singulos; cum Volumina illa Batavorum, quorum summa est raritas, nunc libris ter millenis ducentis & amplius vendantur. Hominum Societas ducentorum decem & octo ad hanc diem constata est, qui cupide emitioni nomina dedere. Adhuc *Tomis XV* prodire; ceteri, quam primum fieri poterit, sequentur. Græca autem omnis eruditio Romanaque, Veneta hac editione continebitur, curabiturque, ne earum rerum quidquam illustre (si fieri possit) desit. *Tomis sex*, qui, ut supra dictum est, editioni huic addentur, studio, industria, ac diligentia colligentur *Apostoli Zeni*, Poetæ & Historici S. M. C. *Joannis Poleni*, in Patavino Gymnasio Matheseos Prof. & Fr. *Jo. Bernardi Mariae de Rubis*, Ordinis Prædicatorum, qui & de editionis, & Editorum, præstantia monere homines poterunt. Hoc autem nunc monemus, ut, qui Societati nomina adscribere volunt, ad *Jacobum Feltrium*, ejusque Socios, literas Venetias dent. Negotium enim omne editionis ad eos solos spectat, iique sunt, qui suis sumptibus sub nomine *Joannis Baptistæ Paschalis*, Veneti Librarii, rem curant; cui per multiplices occupationes, quibus distinctur, neque dare, neque accipere, literas missas licet. Id postremo omnes intelligant, Venetiis *Tomos* traditum iri, ibique pro his pecuniam pernumeratum.



NOVA ACTA ERUDITORUM,

publicata Lipsiæ

Calendis Maji Anno MDCCXXXVI.

CODEX THEODOSIANUS, CUM PERPETUIS Commentariis **JACOBI GOTHOFREDI**, Viri Senatorii, & Jurisconsulti superioris Seculi eximii. *Premittuntur Chronologia accuratior, Chronicon historicum, & Prolegomena. Subjiciuntur Notitia dignitatum, Prosopographia, Topographia, Index rerum, & Glossarium Nomicum. Opus posthumum, diu in foro & schola desideratum, recognitum, & ordinatum ad usum Codicis Justiniani, opera & studio ANTONII MARVILLII, Antecessoris primicerii in Universitate Valentina. Editio nova, in sex Tomos digesta, collata cum antiquissimo Codice MS. Wirceburgensi & libris editis, iterum recognita, emendata, variorumque observationibus aucta, quibus adjecit suas JOAN.*

DAN. RITTER, Prof. Publ.

Tomus I.

Lipsiæ, sumptibus Mauritiæ Georgii Weidmanni, 1736, fol.
Alph. 8 plag. 8.

Satis constat, quanti momenti sit *Codex Theodosianus* ad interpretanda Jura, atque ad ornamentum elegantissimarum literarum; dudumque doctissimus quisque admiratus est **Jo-**

B b

cobum

cobum Gothofredum, qui Commentariis hoc antiqui Juris corpus instruxit elegantibus, in quibus quasi unum in cumulum congesta videre licet, quæ Græcia vetus atque Latium, Romanumque imperium, Augustis rem publicam tractantibus, habuere notatu dignissima. Commendabat librum præstantis, sed raritas augebat plurimorum desideria, exoptantium, uti de novo typis mandaretur. Jam, quod dudum in votis habuere, oculis usurpare possunt, & his ipsis deliciis antiquitatum frui. Fruentur autem iis majori cum jucunditate, quando intellexerint, hanc ipsam editionem longe superare Lugdunensem. Codex, quo cum Principum Constitutiones collatz sunt, antiquissimus est, & inter cimelia Archivi Capituli Wirceburgensis servatur. Characterem in xis incisum addidit Cl. Editor, atque de antiquitate & præstantia Codicis in Præfatione late disseruit. Convenit autem literarum ductus accuratissime cum illo, quem servant Digesta, quæ in Florentino Palatio videntur, atque imprimis observatum, Codicem Wirceburgensem Seculi V scripturam Romanam ætatis secundæ imitari, & certare, quod attinet ad accuratam literarum delineationem, cum Codice *Orosii Mediceo Laurentiano*, ex quo specimen dedit Cl. *Mabillonius* de Re Diplom. Tab. V. Certe venit Cl. *Eccardo* in mentem, hunc Codicem Pandectis Florentinis forte esse ætate superiorem. At dubius hærebat Vir doctus; Editor autem Clariss. examine habito, & pensatis omnibus, quæ antiquitatem MSti docere poterant, affirmare non dubitavit, esse eum antiquiorem Digestis Florentinis, atque Seculo VI scriptum. Notum enim est, Wisigothos, in Gallia sedentes, Romanorum reliquiis, quibus erat permixtum, ut sua viverent lege, breviarium Legum Romanarum tradidisse, cujus exemplaria, Referendarii Gothici auctoritate munita, ad Comites judicesque trans mittebantur ex aula Wirceburgensis autem Codex Cl. Editori inter primos fuisse videtur, qui jussu Regis *Alarici* conscripti sunt, & ad Comites provinciarum missi, testante id characterum forma, quæ proxime ad Seculum accedit quintum. Aliud se offert antiquitatis documentum. Fuit nimirum, uti videtur, inter Clarissos Wirceburgenses vir sedulus, qui, relegens hoc Romanarum legum

legum breviarium, nonnulla emendavit, & literas, quæ vix apparebant, aut legi poterant, (vel quod liber per diuturnum in foro usum fuerat corruptus, vel in manus venerat barbaras, jacueratque neglectus,) multa cum solertia restituit, & regula, ex nudis crassisque asseribus ruditer confecta, addidit. Est autem literarum ductus, quem observabis in primis pagina ultima Codicis, cujus specimen in Præfatione videre licet, Seculi VIII, & convenit cum charactere, quem dedit *Mabillonius Tab. IX Tom. I.*, & cum *Pastorali S. Gregorii Papæ*, cujus ex Bibliotheca Tegernsseensi specimen habes apud Autorem rem Chronici Gottwicensis *Tom. I pag. 36.* Ex his facile quis judicare poterit, Codicem ipsum, qui Seculo jam VIII, quod in tot hominum manibus fuerat, atque forte sæpius in judiciis evolutus, literarum cum postulare renovationem, non posse non inter antiquissimos, quos habet Germania, numerari. Plura, quæ ad Orthographiam pertinent, observavit Cl. Editor, disputatumque fuit, an a *Burchardo*, Wirceburgensium Præfule, rarissimum hoc Opus ex Italia Wirceburgum translatum fuerit, quod videbatur Cl. *Eccardo.* Præter hunc Codicem rubricæ Theodosiani Codicis collatz fuerunt, cum MSto Codice breviarii Legis Romanæ, quod in Guelferbyтана Bibliotheca servatur. Codex Seculum quidem attingit VIII, Principum tamen Romanorum Constitutiones in illo non apparent, sed Gothica tantum interpretatio, cui ab aliis alia addita sunt. Librum putat Cl. Editor confectum a privato quodam Jurisconsulto, jussu monasterii cujusdam, ad usus practicos. Ex editis libris ad manus fuit *Sichardi* Codex, cui plus tribuit Cl. Editor, quam vulgo solent viri docti. Repræsentavit enim Cl. Vir integerrimum Compendium Legum Romanarum, quod Gothorum jussu confectum fuerat, & sunt iniquæ querelæ illorum, qui, integros libros desiderari in illo, clamitant. Habuit præterea *Sichardus* ad manus Codices MStos bonæ notæ, ex quibus optima fide omnia transcripsit, absque censura critica. Cum *Sichardino* labore conjunctus est, quem debemus *Cujacio*, Codex *Theodosianus*, Lugduni A. 1566 editus. Ex Tiliانا editione Gothofredus excerpsit, quæ erant digna notatu, otiumque fecit

cit aliis. Cum vero maximus ille Ictus, morte præoccupatus, Operi incomparabili ultimam admoveere manum non potuerit factum est, ut manca multa & in notis & in Commentariis superessent. Cum etiam inscripisset animadversiones singulis sedibus tumultuario ordine, alienum hinc inde locum nonnulla occuparunt, quod an incuriæ Cl. *Marvillii* tribuendum sit, ignoramus. Varia Autorum loca fugitivo tantum sunt inspecta oculo a *Gothofredo*, quæ iudicium multamque desiderabant penititionem, monuitque Cl. Editor lectores, singula bene prius a viris doctis expendenda esse, quam transcribantur ex Commentariis. Et, quo quis rectius iudicaret ad l. 7 de *Cognitor. & Procurat.* ubi *Gothofredus* sibi proposuerat, semel de Cognitoribus disserere, in Præfatione dedit Commentarium, disputans de Cognitoribus & cognitoria opera, & illustrans loca ea, quæ *Gothofredus*, nullo habito selectu, cumalaverat. Atque hoc erat, quod movere poterat, ut adderet Virorum doctrina & Juris scientia clarissimorum integras observationes, quod factum ad titulum de Assessoribus, ubi inveniet Lector, quæ *Petr. Burgius*, *Desf. Heraldus*, & *Scipio Gentilis*, tradiderunt, & quæ de cancellariis *Casaubonus* ac *Salmasius* ad Augustæ Historiæ Scriptores notarant. Viderat quidem hæc *Gothofredus*, atque, quæ ipse reliquit, debet tantis viris, sed, uti solet cum operibus posthumis fieri, confusus omnia conjecta sunt in chartam, & sparsa hinc inde, neglectis etiam aliis, quæ tamen ad cognitionem harum rerum penitiorem maxime sunt necessaria. Habes etiam in hoc ipso Tomo observata *Goesiana* ad Titulum finium regundorum, sine quibus omnino cæcutiendum esset. Etenim vidit magni nominis Belga, quæ fugiebant *Gothofredum*, & id demum collegit ex omni re agraria, quod debebat ad harum legum illustrationem adduci. Quæ Cl. *Bess* in libello de ratione emendandi leges, ad leges, quæ hoc Tomo I continentur, attulit, diligenti examine de iis instituto in Præfatione tetigit Cl. Editor, de reliquis, quæ apud eundem occurrunt, ad ipsas leges Deo dante iudicaturus. Quo vero iudicium melius fieri possit, quid in hac nova editione post *Antoni Marvillii* operas præstitum sit, singula, quæ continet To-

mus hic, videamus. Primum occupat locum Chronologia, quam plurimis accessionibus auctam videbunt Lectores. Nuda apparent Consulium nomina in editione Lugdunensi, cum in hac Consulatus fastorum autoritate confirmati sint, additis etiam marmoribus, quæ non modo insigne conciliant fastis ipsis decus, sed & utilissima ideo dudum vila sunt, quod plura Consulium nomina, quæ lapides repræsentant, cognovisse conducit, & Consulatus numeri, toties falso a librariis adscripti, toties etiam neglecti, rectius vindicari non possunt, quam ex fide marmorum. Chronicon historicum *Gothofredi* Chronologiæ subjunctum, auctum est, & hinc inde multum emendatum ex recentiorum scriptis, atque inprimis ex *Anton. Pagi*, Critica ad *Annales Baronii*. Iplis vero legibus, quæ consulatus ordinem sequuntur, subtextæ breves Virorum doctorum observationes, nomine eorum laudato, quo quis internoscat a *Gothofredi* lucubrationibus. Nihil autem mutatum in Chronologia circa leges & observata *Gothofrediana*, sed omnia expressa sunt ad fidem editionis primæ. Fatetur Cl. Editor, multa occurrere & in Chronologia & Chronico, quæ omnino accuratius examinanda sunt, & alia, quæ ne quidem possunt probari, quorsum refert illud, ubi *Gothofredus Gallum*, Cæsarem, mox mutato nomine *Constantem* dictum scripsit ad A. 351, & iterum ad *leg. 2 de incest. nupt. nor. c.* cum tamen *Idatius* & alii Fastorum compilatores, disertissime autem *Socrates Lib. II, Cap. 28* *Constantium* appellant: τότε δὲ ὁ βασιλεὺς, Γάλλον μιν ἀνέψιον ἑαυτοῦ καίσαρα καταστήσας, τότε οὕτως αὐτῷ ὄνομα, εἰς τὴν σφύρας ἀντίστροφῶν ἐπέμψε. Sequuntur Chronologiam Prolegomena, quæ a *Gothofredo* tantum per lacinias disposita, & quasi præparata, relicta fuerant. Hæc a *Marvillio* in XII Capita digesta sunt: in quo tamen viro Cl. Editor desiderat accuratorem, cum plus aliquando promiserit in Indice Capitem, quam in ipsis Capitibus pertractatum est. Exemplum dat in Præfatione ex *Capite VII*, cuius est inscriptio: de usu Theodosiani Breviarii per Gallias & Hispanias, sub Visigothis, Burgundionibus, & Francorum Regibus primæ stirpis, & sub Longo-

bardis per Italiani. Sed de Longobardis in hoc ipso Capite nihil dictum. Disserit autem Cl. Editor in Præfatione de usu *Breviarii* inter Longobardos. Nihil se legisse hæcenus apud eorum scribit, sed notat ex *Brucmanni Histor. Pandect. Florent. Cap. 9.* apud Pisanos quoque lege Romana jus redditum, quod docet Codex MStos *Strozianus*, continens Constitutiones Pisanz civitatis. Neque rari sunt Codices MSti *Breviarii* Gothici in Bibliothecis Italis, conjecturam stabilientes, hoc Juris Corpus & sub Longobardis obtinuisse, quod confirmavit *Sigonius Histor. de regn. Ital. Lib. VIII ad A. 1007.* ex tabulis Mutinensis Ecclesie docens, homines lege Romana vixisse, ubi Compendium *Alarici* Regis intelligendum, quod vulgo inscriptum est *Lex Romana*, probante id etiam *Gothofredo* in Prolegomenis. Putat tamen Cl. Editor, usum *Breviarii* non prius fuisse inter Longobardos, quam regno eorum a Francis destructo, a quibus sine dubio & legum corpus, quod inter Romanas reliquias in Gallia obtinebat, in Italiam introductum. Et, si qua mentio legis Romanæ eo tempore, quo adhuc firmissimum Longobardis in Italia imperium erat, intelligendus, aut Codex *Theodosii* integer, aut Edictum *Theodoric* Regis, aut quod maxime vult, *Justiniani* legum corpus, quondam in Italia maximæ autoritatis, & in Exarchatu Ravennatenſi continuæ observantiæ. Ad Prolegomena accedunt Observationes, & præsertim disserit Cl. Editor ad *Caput I* de Novella *Theodosii*, quæ est de Codicis autoritate, cujus subscriptio est, data XV Kal. Martias Constantinop. *Theodosio* A. XV. ubi *Gothofredus* & alii jam observarunt, clare reponendum *Theodosio* A. XVI. Cum autem in Codice Wirceburgensi subscriptio esset; dat. XC Kal. Mart. *Theodos.* A. XG. late disseruit Autor de G, nota numeri senarii, advocatis in subsidium, quæ hac de re tractarunt *Mabillon, Norisius*, & alii. De die adjecto ad ipsas, Deo dante, Novellas dicetur. Cum vero perlustrandæ essent, Principum Constitutiones, quas *Gothofredus* notis & Commentariis instruxit, difficultates maximæ Cl. Editori fuerunt superandæ. Nulla enim occurrebat lex, quæ non inspecta fuerit; Autorum loca resitutata, lacunæ suppletæ sunt, quarum

numerus

numerus haud erat exiguus. Notas etiam adjecit Cl. Editor, si quando per tempus licuit, quod aliquando vix sufficiebat ad evolvenda tot Autorum testimonia, male vel ab ipso *Gothofredo*, vel a *Marvillio*, apposita, quæ facile observare poterunt diligentes atque accurati Lectores, inprimis ubi placuerit conferre hanc editionem cum priore. Accessit tandem vita Cl. *Marvillii*, a Genevensi viro docto conscripta eleganter, quæ delectare tanto magis poterit, quanto obscurior hactenus hujus Viri fuit memoria.

HISTOIRE UNIVERSELLE. &c.

h. e.

HISTORIA UNIVERSALIS SACRA & profana, inde ab origine mundi ad nostra usque tempora. Autore R. P. Dom AUGUSTINO CALMET, Abbate Senon. & Congregationis S. Vann. & S. Hidulph. Præside.

Tomus I.

Argentorati, apud Jo. Reinald. Dulsfeckerum, 1735, 4.
Alph. 4 plag. 5.

Cum tanta sit hominum animorumque diversitas, ut eadem omnino res alio identidem atque alio convestita integumento, suos semper amatores habeat atque admiratores, quibus, ut reliqua desint omnia, grata saltem novitatis specie se commendet; dubitandum minime est, fore, ut hoc etiam Opus hominis, industria scriptorumque multitudine celebrati, non apud nullos plausum ferat. Quanquam enim Historiarum Universalium tamen immensus est numerus, copia fere ut earum laboremus, nemo tamen unus, uti nunc sunt tempora, vitio dabit Autori, quod suam, quæ præcipua ejus dos est, non dissimili licet ab aliis argumento, dissimili tamen fecerit Historiam oratione ac stilo, ac, quæ convenere, in eandem transtulerit ex aliis. Hac nempe via permultos, qui in erudi-

tis censentur, nec id sine successu, ad gloriam nominisque ce-
 lebritatem grassari, eamque ex voluminum mole metiri, vi-
 deas. Noster quidem certe Historiam suam hoc inprimis
 nomine commendat, quod nullam prorsus omiserit causam,
 notam quantumvis ac pervulgatam, at nihilo tamen secius in
 sex tantummodo *Voluminum* limites eam concluderit. Nihil
 autem hic habes, quod auribus magis, quam animis, scriptum
 sit, non verborum ornamenta studio quodam conquistata, non
 lenocinia, quæ Rhetores expromant, non imagines, ingenii ope
 adumbratas, sed simplices rerum descriptiones, amplioribus
 causarum, unde quævis exstiterit, commentationibus in Prolego-
 mena rejectis. Ubi Autores in diversa trahunt, raro, quid ipse
 sentiat, præ se fert, in postrema recensitarum opinionum ac-
 quiescere visus. Laudat tamen, uti dictis sides constet, quos
 habuit, Autores, omnia vero ad sacri Codicis oracula exigit.
 Ex ea re mirum non est, quod totum fere sacrum veteris in-
 strumentum Pandecten, quoad historica continet, vel descripserit
 ad verbum, vel, ubi concinnius quid scriptum erat, latius
 enarraverit. Nobis propterea satis erit, summa librorum Ca-
 pita indicasse, non omisis paucis iis, quas proprias sibi habet
 ac speculiares, sententiis. Libro igitur I, firmamentum *Gen.* 2
 aerem esse, credit, in quo nubes nebulaeque gignuntur; aquas
 adeo, superiores dictas esse, quo distinguantur ab inferioribus,
 quæ maria, flumina, fontes, suppeditant. In historia *Eg-*
gyptiaca temporum rationes incertas perhibet, *Diodorum* ta-
 men *Siculum* ac *Herodotum* sequitur, atque, sicubi a Codice *S.*
 abeunt, emendat. Circumcisionem *Abrahami* posterorum-
 que, non abolendæ primæ labis, uti *Augustinus* aliique sta-
 tuunt, verum discriminis causa, ac signi, institutam existimat,
 quo ab aliis gentibus distinguerentur. *Manethonis* narratio-
 nem de Regibus pastoribus, *Hyc-* for dictis, ac summa quon-
 dam rerum in *Egypto* potitis, quibus *Jacobi* ac *Iosephi* poste-
 ros indicari, plerique omnes persuasum habent, non equidem
 extra omnem dubitationem positam, at probabilem tamen, ef-
 se arbitratur. Et hæc fere *Libro I.* *Secundus* incipit a *Iobo*,
 cujus historiam trægœdiam esse negat. Dum leges de lepra
 latas

latas enarrat, lepram vestium multitudine vermium, adeo par-
vorum, ut sensus fugerent, vestesque exedentium, excitatam
tradit, ac pari modo de lepra domuum judicat. *Balaam* ve-
rum fuisse Prophetam, opinatur. Angelum, a *Josua* visum,
Mtcharlem perhibet. Chanaanos, a *Josua* fugatos, Africam
versus ad maris latera mediterranei sedes constituisse, docet,
atque ad singularem ea de re Dissertationem, a se conscri-
ptam, Lectores ablegat. Historiam Judaicam Libro III ante-
cedit Græca, quoad regna Argivorum ac Sycionense. In Chi-
nz rebus, cujus primordia sub *Fobi* denum A. 393 post dilu-
vium ponit, perconsensio multus est: omnia tamen, quæ de
longa 22 Dynastiæ serie narrantur, incerta credit. Sequi-
tur *Ogygis* diluvium & *Deucalionis*, regnum Trojæ, historia
Æneæ, Argonautarum, *Herculis* & *Heraclidarum*, *Thesæi*, *Oe-
dipi* & *Jocastæ*, prius denique belli Thebani. Quod ad Ju-
daicam attinet, utrum *Jephtha* filiam immolaverit, an, ut innu-
pta maneret, devoverit, haud decidit. *Librum IV* historia *Sau-
lis*, *V Salomonis*, occupat. *Sexto* tempus Græciæ historicum,
Indi Olympici, Nemei, Isthmici, *Draco*, *Solon*, *Lycurgus*, La-
cedæmoniorum respublica, ac Carthaginiensis, vita *Homeri*,
quem cæcum natum fuisse, ideo negat, quod res solo visu per-
cipiendas tali modo tam eleganter depingere non potuisset,
Hesiodus, *Thales*, *Chilon*, *Pittacus*, *Bias*, *Cleobulus*, *Perian-
der*, *Æsopus*, *Epimenides*, *Sardanapalus*, *Ninus* junior, succes-
sores *Æneæ* in Latinorum regno, *Romulus* & *Remus*, Romæ
fundamenta, Judæorum denique res, regno inter *Judam* & *Israe-
lem* diviso, ex præcis monumentis sistuntur. *Libro VII* regnum
Ezechie, *Nabuchodonosoris*, Babylonis occupatio, regna *Israelis*
& *Judæ* eversa, captivitasque, describuntur. *Libro VIII* historia
Medorum, Assyriorum, Chaldæorum, Græcorum usque ad *Cy-
rum*, traditur. In historia *Cyri* *Herodotum* inprimis sequitur.
Xenophontem plura addidisse de suo, existimat, quæ magis com-
monstrent, qualis princeps magni exempli esse debeat, quam
qualis re vera *Cyrus* fuerit. Finem faciunt res Græcorum ad
A. M. 3573, initium scilicet belli Peloponnesii, Athenienses

inter ac Lacedæmonios conflati. Annexa est Tabula Chronologica, qua, quicquid latius exposuit, comprehensum, uno intuitu conspiciendum præbet.

Die göttlichen Schrifften vor den Zeiten des
Messia JEsus ꝛc.

h. e.

SCRIPTA ΘΕΟΠΝΕΥΣΤΑ ANTE ÆTATEM
Messiæ Jesu, Leges Israelitarum continentia, versione
liberiori quoad Partem primam proposita, ob-
servationibusque tantum non perpetuis
illustrata.

Werthemii, absque mentione Typographi, 1735, 4.

Alph. 5 plag. 21.

Versionis hujus, quæ Pentateuchus in idioma linguæ Germanicæ translatus est, generalia quædam, de librorum divinorum autoritate, deque methodi regulis, quas fuerit secutus, in Præfatione satis copiosa Autor anonymus tradit. Quod ad auctoritatem illius pariter & reliquorum librorum Biblicorum attinet, existimari illos infallibiles, docet, adeo, ut & dogmata eorum, sine ulla contradictione, assumi, & actiones ex eorundem præscripto institui, debeant; ejus opinionis rationem non aliam allegari posse, quam quod origo illorum ab entitate suprema derivetur, quæ inspiraverit eos hominibus quibusdam, & obligationem, ad eosdem assumendos, universo generi humano imposuerit; eam dignitatem consecutos esse libros illos ex Autorum revelationibus, effectibusque insolitis, quibus, ut, singularem iis cum Deo consuetudinem, tanquam interpretibus, voluntatis divinæ placita explicantibus, adscribendam esse, opinarentur homines, factum fuerit; Autores primos a successoribus, scripta illorum allegantibus, in possessione præstantiæ suæ divi-

næ

næ confirmatos, eandemque inter Judæos non levi opera conservatam fuisse; alios deinde accessisse doctores, hæc scripta illustrantes, & tanquam fundamentum suorum tractatum producentes, ut hoc modo regna tandem integra exciperent libros divinos applausu universali, & eosdem regulam publicam dogmatum fidei & morum constituerent. Novus noster Interpres, libros divinos a Deo profectos esse, non negat diserte: providentiæ tamen divinæ, & efficaciz verbi, ne minimam quidem facit mentionem: quod fieri debuisset, omnes studiosi veritatis nobiscum fatentur. Pergit, eundem locum hæc scripta obtinuisse ad nostram usque ætatem, qua majori cura examinentur veritates, ac antea factum fuerit; inter Judæos existisse paucos, qui contradicerent, aut pollerent eo judicio, quod ad formandam contradictionem pertineret; hinc & illos, & scripta illorum fuisse neglecta; simulatque autem ad Græcos & Romanos scripta horum pervenerint, intellectum maximopere colentes, fuisse oppositionem ortam, quod cum placitis suis in principia Biblica componere non possent, plebem autem, rudem eorum, quæ faciunt ad sapientiam, cum in hypothesebus novis deprehenderet verisimilitudinem, quæ flectere mentes hominum posset, assumsisse eas, & cum absurdis, quas foverant, opinionibus commutasse. Sic & alios ad autoritatem iis concedendam, nondum ratione sufficiente convictos, nondumque nexu illarum cum aliis principiis satis evidentibus demonstrato, adductos, nec spem ullam superfuisse, futurum, ut religionis hujus defensores essent idonei ad efficiendam demonstrationem. Ita tandem scriptorum autoritatem divinam consecutam esse, quam quæsierant. An hic efficacia verbi divina nihil fecit? an demonstrationis defectus in mysteriis, omnem captum finitum excedentibus, autorum quasi stupiditati impingendus? Vix credimus, futurum, ut ullius, qui veritatem colit, Theologi assensum assequatur Interpres & approbationem. Existisse quidem ait sapientes tam perspicaces, quibus remanserint dubia, eaque subinde clare satis exposita; quibus fuerit breviter responsum, demonstrationem

nem rerum omnium theologicarum dari non posse, id quod controversæ, cum *Woolstono* & *Tindalio* agitatæ, satis superque declarent. Quæ annectit Interpres novus de jure adversariorum, quo recte sibi exposcant probationem & deductionem, qua nexum thesium inter se & harum cum principiis notis & evidentibus ostendi sibi volunt, ita se habent, ut recte vocentur in dubium. Fieri enim nequit, ut nexus veritatum inevidentium cum evidentibus principiis ostendatur. Unicum producimus exemplum incarnationis filii Dei, cujus nexum cum veritatibus divinis aliis ostendi haud difficulter potest; eundem autem si cum principiis rationis tentaveris, laborem tuum omnem esse inanem experieris: quia conditio rei ipsius adversatur. Sed de hac re dispiciant alii, cum in refutando per instituti nostri leges non versemur. Rem omnem ad duplex momentum, ait, redire, ad *historiarum* nempe, & *dogmatum*, veritatem. Quod ad *veritatem historiarum* attinet, rationem judicat satis sufficientem ad illas amplectendas, cum earum falsitas doceri nequit; accedere scriptorum aliorum fide dignissimorum harmoniam. Quod ad *dogmata*, multa affert de principiis generalia, quorum examen Logici committimus. Multas nobis veritates manere, concedit, quoad modum incognitas, certas tamen, aut saltem probabiles: dogmata & principia, quæ in his scriptis contineantur, attingere ad ea maximam partem, quæ agenda, quæve sint omittenda, ad quæ moveatur homo motivis, voluntatem ad exercitium flectentibus, posse tamen illum miraculis ad fidem adduci. Sed, cum non omnes scripta hæc recte intelligant, doctores omni ferme ætate publicos fuisse constitutos, qui doctrina & instructione sua præire debeant aliis, ex his scriptis colligentes, quæ connectuntur inter se, quorum methodus vehementer differat. Se opinari, præmittendam versionem esse, qua via præparetur ad illud ipsum felicius exequendum, seque hoc scopo arripuisse calamum, ut, versione recte emendata, systema formaretur rerum divinarum, scopo suo accommodatum. Pollicetur itaque multa, quæ ad di-

vino.

vinorum scriptorum rectiorem intellectionem conducant. Quod ut eo felicius procedat, regulas hermenevticas præmittit, quarum sit usum secuturus. Merentur illæ, ut afferantur. Interpretem genuinum iis, credit, uti loquendi formulis, quæ sua ætate usu sunt receptæ, suæque se commendent perspicuitate. Locutiones figuratas a tropis suis esse liberandas, & propriè proponendas: numerum itaque verborum ab interprete iniri non debere, sed attemperari eadem ad scopum præfixum. Interpretem juncturæ vocum rationem habere non debere, sed attemperare se potius ad proponendi modum, aptum satis & materiis accommodatum, prout scopus & regulæ linguæ suæ id requisiverint. Sic etiam eundem ad verborum sonum ornatumque respicere debere. Se itaque a plerisque doctoribus reliquis, qui ad formulas se adstringant, differre. Has causas esse, profitetur, cur scripta divina suæ versione aliam faciem, ac huc usque habuerint, induant; non tamen res ipsas, nec earum notiones, nec scribendi rationem, scriptorum divinorum corrumpi aut mutari; nomina propria ita proferri, prout Oratoris regulis sit conveniens; fecisse se etiam sectiones novas, easque, quæ usu receptæ fuerint, in margine scripsisse, ut suæ versionis tenor cum aliis versionibus eo rectius compararetur. Versionem se adornasse liberam, fatetur, minus autem periphrasin, quod aliqui majori uti potuerit libertate: interea eas loquendi formulas, quæ tædium creent lectoribus, omisisse. Ceterum interpretationem suam & versionem appellare liberam, quatenus adstrictæ, quæ ad verba alligetur, opponatur; nonnunquam conceptus alia plane ratione, ac in textu reperiantur, adjecit tamen in casu posteriori observationibus, proposuisse, nonneminè eruditorum magni nominis occasionem suppeditante; hoc modo convenientiam ostendere versionis cum textu originali voluisse, paucis exceptis locis, in quibus ex antiquitate harmoniam ostenderit, ut distinctè omnia patere. Quod ad observationes attinet, in his sæpius excusasse, quæ assumeret, ut inserviret ornatæ loquendi rationi,

evitaretque repetitiones unius ejusdemque vocis, sæpius nunquam factas. Explicationes fecisse diversas ab aliis, cum fuerint visæ ex mutationes inevitabiles, non diffusetur, operamque dedisse, ait, ut ad notiones, in sua versione sumtas, progrediretur, licet principia non omnia, ne copiosus nimis esset, probaverit; autoritati horum scriptorum, putat, nihil ita decedere, sed confirmari fidem. De rebus naturalibus diserte satis se, cum adversus honestatem illæ non impingant, locutum esse, monet. In locis, ubi desunt observationes, suam versionem cum textu originali concordare, sibi persuadet, quandocunque autem ordinem mutaverit, rationem ejus quærendam, dicit, partim in regulis Grammaticæ, partim Rhetoricæ, artisque ornatè loquendi; supponere itaque se lectorem, facultate rectè res percipiendi instructum, quod alii rite judicare nequeant. Se examinasse singula, & rationes indicasse, ait, quarum examen aliorum committat judicio. Non negat, dogmata, quæ ex locis certis probari soleant, ex iis robur aliquod mutuari non posse; se tantum rationem habere verborum, scribit, & parum curare, quomodo thesî aliqua in-sensum alienum detorqueatur. Exhibere se versionem Partis primæ, quæ ante adventum Messîæ jamjam conscripta fuerit: quod ad reliqua attineat scripta, de iis propediem publicandis curam suscepisse, ordine librorum textus originalis observato. Recenset deinde, quæ ad historiam illius versionis pertinent, & sperare se, ait, Dei fines hoc instituto propagatum iri: ita enim se locutum de Deo, ejusque actionibus, prout ejus proprietates, ad loquendi rationem, nostrâ ætate familiarem, requirant; neglectis diversis eruditorum opinionibus. Concludit tandem cum voto, ut theoria pariter & praxis Deo placens hoc suo labore insigniter promoveatur. Proferemus, ut benevolus Lector eo rectius de labore Interpretis judicare possit, unicum dictum, textu originali, & versione adstricta, & liberiori, & denique nostrî Interpretis, allatis, sumta descriptione imaginis divinæ ex *Genes. Cap. I v. 26 & 27*:

Textus

Textus Ebraeus.

Versio Sebasti.
Schmidii ad-
stricta.Versio Castel-
lonis minus
adstricta.Versio B. Lu-
theri.Versio nova In-
terpretis Wert-
hemii latentis.

ויאמר אלהים

Tandem di-
xit Deus:

Faciamus

Und Gott

Endlich hat-

נעשה אדם

Faciamus

hominem ad

sprach: lasset

te Gott des-

בצלמנו כדמותנו

hominem in

imaginem

uns Mens-

Menschen her-

וירר ברגתהים

imagine no-

nostram, no-

schen machen,

vor zu brin-

ובעוף השמים

stra, secun-

stri similem,

sey, die da

gen, welche mit

ובבהמות ובכל

dum simili-

qui domine-

herrschen u-

ihm eine Nehn-

הארץ ובכל

tudinem no-

stram: Et do-

tur piscibus,

lichteit hätten,

הרמש הרמש

minetur in

aquatilibus,

über die Wd-

über so vieler-

על הארץ:

piscem ma-

volucris

gel unter dem

ley Geschöpfe

הרמש הרמש

raris, Et in a-

eris, pecu-

Himmel, und

über die Wd-

ויברא אלהים

nem calis, Et

inbestiam, Et

über das

Wasser, über

את האדם בצלם

in omnem

que tota ter-

Erde, und u-

der Luft, und

אלהים

in omnes re-

ptile, quod

quid in ter-

über das Vieh,

ברא אתו זכר

reptit super

ra movetur.

auf Erden

kriecht.

ברא ונקבת

terra.

Creavit

Itaque bo-

Und Gott

אתם:

Itaque Deus

minem Deus

schuf den

gemäß ent-

bominem in

ad sui, id

Menschen

stunden ent-

imagine sua;

est, ad divi-

ihm zum Bil-

Menschen. ei-

in imagine

nam, imagi-

de, zum Bil-

ner männli-

(inquam)

nem creavit,

des Gottes

ches, der ande-

Dei creavit

eum, mascu-

schuf er ihn,

re weibliches

lum Et fami-

scilicet ma-

und er schuf

Geschlechts,

nam creavit

rem Et fa-

sie ein Mann-

welche mit

cor.

minam.

lein und

ich sage noch,

Iesu sein.

maht, sie wa-

ren Gott ähnl-

lich.

Ex duobus his versibus patet, quanta sit inter textum originalem & versionem novi Interpretis, quanta item inter versionem *Castellionis* & ejusdem Interpretis, differentia. Noluist *Castellio*, adstricta methodo, textum sequi originalem, ut latinitatis tersioris genio inserviret: ea tamen minus est usus libertate, ut, relicto textu, versioni suæ infereret aut a mente auctoris principalis plane aliena, aut pro arbitrio electa, nulla habita aut textus, aut constructionis, aut aliorum subsidiorum hermeneviticorum, ratione. Paucula verba illa, modo recte inter se comparata, quam audacter reliquerit Interpretis textum, ostendunt. Eadem usus est ille in locis classicis reliquis interpretandi licentia, ut continuationem Operis non optemus, sed eidem mentem, ad studium veritatis Evangelicæ magis attemperatam, apprecemur. Ita candide pronuntiamus, nihil reformatantes tela, si quæ forte in nos emissurus sit Interpres, sicut emisit nuper in *Actorum Eruditorum*, quæ vernaculo sermone Lipsiæ publicantur, eruditissimos Autores, quibus candor suus, studiumque veritatis, eandem de consilio Auctoris, turbandi rem sacram temerariis moliminibus, sententiam expresserat.

JO. CHRISTOPH. WOLFII, Past. ad D. Ca-
thar. & Scholarchæ, Curæ Criticæ & Philologicæ in Epi-
stolas S. S. Jacobi, Petri, Jude, Joannis, bujusque A-
pocalypsin. Accedunt in calce Responsa quædam ex PHO-
TII Amphilochois, adhuc ævendæ, cum versione
Latina & notis.

Hamburgi, apud hæredes Jo. Christoph. Kifneri, 1735, 4.

Alph. 4 plag. 12.

Quartum hoc est Volumen egregii Operis, quod S. Rev. Antor Novo Fæderi ex præfidiis Criticis & Philologicis illustrando impendit. De illius conditione jam olim in his *Actis* nostris A. 1725 pag. 348, & alibi, copiosius diximus. Hoc itaque loco suffecerit monuisse, eandem curam & industriam etiam in hoc Volumine probari, qua se superiora illa commendarunt. Speciatim Vir doctissimus se opponit tum aliorum, tum inprimis L. M. Artemontii, i. e. Sam. Crellii, profa-

ni

nis in sacras literas conatibus. Quæ enim is, ut exemplo res constet, in *Initio Evangelii S. Joannis restituto in Apocal. XXII, 13*, nove, & quod ipse profitetur, contra omnium codicum fidem, ausus est, ut evinceret, ibi voces: ὁ πρῶτος καὶ ὁ ἔσχατος, malo quodam consilio in libros hodiernos illatas esse, ea graviter & solide refellit, & ex hac occasione varia *Jesaja* oracula, quæ hinc mutare, hinc insolenter interpretari, instituit, a corruptelis ejus vindicet. Recte quoque consultum illi visum est, Rev. *Leonardi Twelfsi* vindicias loci *Joannei 1 Epist. V, 7*, & Apocalypseos quoque, quam nuper admodum Angli quidam oppugnaverunt, ex Anglicano sermone Latine convertere, & communiori usui consecrare. Cum vero & spatii, huic Volumini destinati, & otii, aliquid adhuc reliquum esset, in calce exhibuit Responsa quædam ex *Photii Amphilochois*, adhuc ineditis, quorum pars circiter tertia, ex Codice *Coisliniano* Parisiis a *Franc. Dionysio Camusato* descripta, & cum *Colbertino* alio collata, ad ipsum Viri Cl. *Jo. Jac. Wettsteini* opera pervenit. Ex hac parte ea selegit, quæ ad illustranda oracula difficiliora Novi Instrumenti pertinent. Porro omnia ac singula Latine convertit, & notis necessariis illustravit. De ipso *Amphilochois* opere in Præfatione diligenter disseritur, atque inter alia ostenditur, sextam fere partem illius jam exstare inter Epistolas *Photii*, a *Richardo Montacutio* editas. Quod cum ab aliis non esset observatum, factum est, ut nonnulli Responsa quædam, tanquam *ἀνέκδοτα*, ederent, quæ in illis pridem leguntur. Ex eadem Præfatione apparet, Virum diligentissimum Centurias XVI Epistolarum *Libanii*, Rhetoris quondam Antiocheni, Græce una cum interpretatione sua Latina & notis prelo parasse, quæ in Belgio operas *Waesbergianas* cum maxime exerceant, & intra anni spatium lucem visuræ sint. Præterea in calce Præfationis monetur, eundem nunc esse totum in recensenda *Photii* Bibliotheca, quam nova hac opera dignam esse, inde a triginta annis Viri eruditi in Gallia, Italia, & Germania nostra, recte censuerunt. Relatum nobis est, eum inter cetera instructum esse Codice quodam Amstelodamensi, manu exarato, nec contemnendo, alia vero aliunde exspectare. Quod ad Curas ipsas spectat, singu-

lare Volumen in posterum sperare nos jubet, quod Supplementa, emendationes, & vindicias, complectetur. Ab eodem non pauca exspectamus Historiæ Ecclesiasticæ & literariæ incrementa, postquam accepimus, insignem apparatus Epistolicum & Literarium, quem Illustris *Zach. Conradus ab Uffenbach* sibi olim comparaverat, in Bibliothecam ejus nunc transiisse. Constat Epistolicus ille, quod ex Indice edito didicimus, *Voluminibus LXV* in fol. & *LIV* in quarta forma, quæ maximam partem ἀνθρώπων Virorum doctorum, qui Seculum XVI, XVII, & XVIII, hætenus ornavant, exhibent. Summum Numen vitam, valetudinem, animique vires, illi clementer largiatur.

ELEMENTA JURIS GERMANICI, TUM veteris, tum quod hodie in ipsis obtinet rerum argumentis. Tomus I. Ex genuinis principiis eruit, & commoda Auditoribus methodo adornavit, JO. GOTTL.

HEINECCIUS, Jctus, Potent. Pruss. Regi a Consil. Sanctior. & Jur. ac Philos.

Prof. P. Ord.

Halæ, impensis Orphanotropei, 1736, 8 maj.

Alph. 2 plag. 5.

Quod Jurisprudentiæ & rectioribus studiis bene eveniat, nova in dies incrementa capit *Heinecciana* & doctrinæ & meritum fama, atque ita eundo crescit, ut a supremo suo fastigio jam haud adeo abesse longe videatur. Habent sane, cur pro incolumitate tanti civis sui, ad gloriam decusque literarum vere nati, & quicquid est sublimioris doctrinæ, felicissimo ingenio complectentis, conceptis votis Superos implorent, Germani nostri, quippe, quantum ipsis commodi aut præstiterit huc usque, aut præstet quotidie, tam comita & polita Musa, re ipsa satis experti. Quam pulchra enim & decora facie, ex quo carum hoc & illustre nomen eruditus innotuit, inceserint elegantiora studia, Historia imprimis & Antiquitates Romani Juris,

quam

quam feliciter priscum illum squalorem suum ipsæ Romanorum leges deposuerint, & notum est omnibus, & condignis dudum optimorum virorum laudibus celebratum. Post præstantissima tot ingenii & eruditionis exquisitæ specimina, jam novum Vir Illustris laborum suorum velut curriculum ingreditur, quod utinam sero feliciterque emetiatur. Seposito paulisper antiquo Romanorum Jure, de quo, nescimus, an nostra ætate quisquam fuerit præclarius promeritus, ad illustrandas leges patrias convertitur, idque agit, ut harum doctrinam omnem, quod ante eum aut conatus nemo fuerat, aut, qui conati fuerunt, parum dextre perfecerant, in justam quandam formam redigeret. Gratissimus & patriæ & exteris labor, maxime tamen patriæ, cui nemo postea Juris domestici inopiam objiciet. Neque vero avocari se a prudentissimo instituto passus est Ill. Autor ignobili hominum quorundam, qui funesta dudum ad perniciem legum nostrarum consilia contulerunt, judicio, nihil aut sani, aut quod usum præstare possit ætati nostræ, expectari posse a majoribus nostris, clamitantium, quippe barbaris, & omni legum ferendarum peritia destitutis. Quorum ignavus strepitus ne quid aut dignitati legum nostrarum, aut huic ipsi labori, officeret, hos, priusquam operi tam salutari manum admoveret, oppugnandos debellandosque justis armis putavit, omnibusque aut ingenii aut eloquentiæ non vulgaris præsidii instructus, amplissima Præfatione, ipsam libri frontem ornante, pro Jurisprudentia Germanorum, tam veteri, quam recentiori, graviter & ornate dixit. Ubi cum nihil facile prætermittat, quod ad causam hanc eleganter perorandam illo modo pertinere videatur, cum rationibus gravissimis & ex re ipsa sumtis pugnet, & ad harum nervos ipsa robora verborum adjungat, denique cum ad senatoriæ illius facundię, qua pro rostris olim fortissimus quisque Orator usus, majestatem proxime accesserit, nostro judicio illud assecutus est Ill. Autor, ut, qui bene cupiunt Germaniæ nostræ, his jam patrii honoris vindex sit dicendus atque propugnator maximus. Fugatis nunc iis copiis, quæ intervertendi tam præclari instituti causa in aciem processerant, bonis au-

spiciis ornandæ, quam sibi ipse dederat, provinciæ operam studiumque suum omne impendere, & dispersas passim Jurisprudentiæ nostræ reliquias tam dextre ex antiquitatis monumentis variis eruere, tamque apte inter se conjungere, & sordibus purgare vetustatis, cœpit, ut, si quis antea de legibus nostris abjecte & contemptim senserat, is, quam suaviter erraverit iudicio suo, videat, jamque feliciter æmulari Jurisprudentia nostra illam Romanorum, quantumvis splendidam & augustam, possit. Ipsum scribendi genus, ut est tersum & elegans, prorsusque tale, quale in ceteris Illustris Viri scriptis dudum admirati sunt eruditi, ita ordine inprimis & congrua rerum dispositione commendatur, quo fit, ut levi negotio impeditissimæ Juris quæstiones enodari, & obvenientes quæcunque causæ ad sua principia revocari, unicuique lectorum possint. Nam, qua olim Celeb. Autor in *Institutionum Juris Civilis, & Pandectarum, Elementis* usus est docendi ratione, ut primum leges ipsas, & id, quod juris certi est, ex suis fontibus erueret, inde juris quædam principia eliceret, plerisque gentibus communia, & ad id idonea, ut universæ Jurisprudentiæ firmissimi esse loco fundamenti possint, denique ex his ipsis principiis conclusiones certas, & ad usum Lectorum forensem inprimis accommodatas, duceret, similem eandemque prorsus in ipsa Juris Germanici doctrina adhibuit, hoc majoris rem operæ & laboris aggressus, quo minus huc usque creditum est, legum Germanicarum apparatus adornando tanto operi sufficere. Accidit & hoc acceptum inprimis Juris patrii studio, quod jura Germanorum ad eandem hic, ad quam illa Romanorum in *Institutionibus Justinianeis*, exacta normam inveniunt, videantque jura *personarum* primum, postea *rerum*, denique *actionum*, explicata. Est enim, præeunte ita *Justiniano*, Opus universum *Libris tribus* distinctum, sed quorum non nisi *prior*, atque *posterioris* ea pars, quæ in juribus ex obligatione descendantibus terminatur, *Tomum* hunc *primum* absolvunt. In limine Operis generale Caput *de Juris Germanici natura & constitutione* legis. Hic, quid sit Jus Germanicum, ostendit, idque vel *publicum* esse, vel *privatum*, docet.

Pri-

Privatum partim in *Provinciale, Feudale, & municipale*, partim in *non scriptum & scriptum*, dividit. *Scriptum* pro varia legum Germanicarum ratione, aliud *antiquum*, aliud *medii ævi*, aliud *novum*, dicit, de singulis docte, distincte, & accurate, differens, præcipuosque Juris nostri fontes indicans. *Librum primum*, qui tradit *Jura personarum*, ingressus, duplex Germanorum hominum genus constituit, *Liberorum & Servorum*. Ad *Liberos* refert *Nobiles, ingenuos, & Libertinos*, quibus & recentiori ævo *Burgenses* accessere. De singulis sigillatim & copiose agit, ita quidem, ut eorum originem, diversam, si tempora spectes, conditionem, jura, aut communia, aut singularia, vicissitudines & incrementa, ex probatissimis Scriptorum partim, partim Diplomatum, monumentis nos doceat, & quantum in his omnibus a Jure Germanico discrepet Romanum, ostendat. Inde, Juris Romani vestigia secutus Ill. Autor, ad alteram hominum divisionem progreditur, qua dicuntur alii *sui juris*, alii *alterius juri subjecti*. In alterius potestate, seu, quod Germanorum est vocabulum, *mundio*, fuisse servi, domino subjecti, liberi, parentum legibus viventes, uxores, maritis addictæ, minores, tutorum imperio alligati, libertini, adstricti iis, in quorum se potestatem dederant, Ecclesiæ, civitatesque, traditæ in clientelam Principum. Ceteri omnes sui juris homines, Germanis *amond* dicti. Subnata hinc Cel. Autori amplissima materia dicendi de potestate parentum in liberos, quæ cum illa Romanorum nihil fere commune habuit, de modis illam acquirendi, qui sunt, ut apud Romanos, justæ nuptiæ, legitimatio, & adoptio, de modis eandem dissolvendi, qui redeunt ad separationem simplicem, variis temporibus varie institutam, de maritorum in uxores potestate, de sponsalibus, nuptiis, & aliis Germanorum juribus connubialibus, qualia sunt jus dotium, dotalitii, morgengabæ, & augmenti dotis: de tutela maritali, & bonorum communione inter conjuges: de matrimonio ad morganaticam, disparagio, pellicatu, & concubinato: de divortiis & repudiis; porro de personis, quæ sub tutela vivunt, & ipsa Germanorum tutela, quæ vel suprema, vel testamentaria, vel

pactitia, vel legitima, (quo pertinet & materna) vel dativa, fuit; denique de officio & administratione tutorum, modisque, quibus tutela Jure Germanico finitur. Quibus diligenter explicatis, accedit ad tertiam hominum divisionem in *eos, qui integra existimationis, & qui infames sunt*. Infamiam majorem aliam, aliam minorem, vocat. Illa notati, qui arma reliquerant, ignavi, imbelles, desertores, ex praelio fugientes, perfidi, impudici, adulteræ, stupratæ, meretrices, pœnæ additi a sacerdotibus, excommunicati, capitali, vel corporis afflictiva, pœna affecti, manu truncati, vel eam redimentes, & super crimine famoso transigentes; hanc campiones, artem ludicram facientes, & illegitime nati, incurrerunt. Ultimam hominum divisionem in *cives originarios, adventitios, & peregrinos*, ponit, sed quam, ob insignem Germanorum hospitalitatem, non tanti apud hos, quanti apud Romanos, aut olim fuisse, aut nunc esse, momenti, docet. Inter alia tamen, quæ erudite hic disputat, de nobilissimo illo *Albinagii* jure copiose & diligenter commentatur, sed cujus jam nullum amplius in Germania superesse vestigium, cum *Bodino* & aliis contendit. Ad Jus rerum nos Liber secundus vocat, cujus principium divisionem rerum in eas, quæ sunt divini, & quæ humani juris, ipsis Germanis vindicat, ostenditque, fuisse & his *rerum sacrarum, sanctarum, & religiosarum*, diversa genera. Tum ad *res humani juris* referuntur, Romanorum more, *communes, publicæ, universitatibus, & singulorum, corporales* etiam & *incorporales*, imprimis vero *proprie & fiscales*, quam rerum divisionem vere Germanicam Noster dicit. *Propriarum* alix *alodia*, alix *hereditaria*, vel *avita*, alix *ex comparato*, vel *ex conquiritu*, *fiscalium feudales* alix, alix *Salicæ*, aut fuere, aut nunc sunt. Jura rerum Germanis non minus commode, quam Romanis olim, in ea, quæ *in rem*, & quæ *ad rem*, competunt, dispescuntur. Eadem porro jurium *in re* divisio, quam quadruplicem facit Ill. Autor, ita, ut *possessionem* omittat. Diversa est apud Germanos dominii ratio, quod varia prædiorum genera docent, *consistorum, laudemialium, reddituum annuum*, & his plurium. Ad *usumfructum* Germanorum referuntur

runtur ab Ill. Autore *dotatitium*, & *precaria*, sed ab eodem distinguit idem *usumfructum maritalem* & *tutorium*, nec non *majoratum*. Cum modos acquirendi dominium naturales recenset, pluribus agit de *Venatione*, illustri Romanorum jure, de *traditione*, *presentibus testibus*, in *judicio*, nec non *per glebam* & *ramunculum cultello erutum*, *per festucam vel lasowerpum*, *per andelangum*, per porrectas alias res quascunque, quin *per propinationem*, facta. Inter modos acquirendi civiles numerat inprimis *prescriptionem*, quæ tricennaria fuit apud Germanos, nec in omnibus cum Romana convenit, & *Investituram*, proprium Germanis acquirendi modum, in quo totus est explicando, & ad leges nostras exigendo. Servitutes Romanorum non in patiando tantum, aut non faciendo, sed in faciendo etiam, consistunt, quod exemplo *operarum*, *angariarum* & *parangariarum*, *jurium bannariorum*, similiumque, patet. *Hereditas*, Germanorum jure, non testamento, sed vel pacto, vel lege, desertur. *Pacta* nobis vel *dispositiva*, vel *conservativa*, vel *renuntiativa*, vel *acquisitiva*, quorum diversa ratio ex diversis populorum Germanicorum legibus hic illustratur. *Testamentorum* in Germania origo & incrementa singulari Capite exponuntur. Discas vel hoc uno exemplo, qua ratione sensim in Germaniam invecitæ sint Romanorum leges. *Exhereditatio* & *substitutio* antiquissimis Germanis nulla; *codicilli*, *legata*, & *fideicommissa*, ante hæredis institutionem cognita. Amplum inprimis & bonæ frugis plenum est Caput de *Successionibus ab intestato*, vel *ex lege* delatis, ubi, per partes eundo, quæ fuerit descendendum, quæ adscendentium, quæ collateralium, quæ conjugum, successio, disputat Ill. Autor, & veteris Juris reliquias hodie passim superstites digito indicat. Etiam in *acquirenda vel omit-tenda hereditatis modis* percensendis insignis est Autoris Celeberrimi industria. Subuectit his utilem in foris nostris *pignoris* doctrinam, cujus dominium apud alias gentes ad hæredem transiisse, apud alias non transiisse, ipsis adductis legibus confirmat. Jam, ita ferente dicendorum ordine, ad *jura ad rem* conversus Ill. Autor, parum hic commune Germanis cum
Roma-

Romanis fuisse, & pervulgatam illam pactorum & contractuum distinctionem, omnemque illam contractuum familiam, quæ potissimam Juris Romani partem absolvit, exulare majorum nostrorum curiis, animadvertit. Itaque de *pactis* tantum differens, ad quæ omnis redit Germanorum obligatio, hæc in *benefica* & *onerosa* dividit, atque illis *donationes*, *commodatum*, *mutuum*, *precarium*, & *mandatum*, his *emtionem* *venditionem*, *locationem* *conductionem*, *permutationem*, *societatem*, itemque *conventiones aleam continentes*, *facio*, *ut facias*, *do*, *ut facias*, *facio*, *ut des*, accenset. Utrique generi accessorias conventiones addit, *pignora* & *fidejussiones*, *obligationem ad obstagium*, & *ad patiendam depradationem*. Quæ ubi singula persequitur, instructissimum nobis Juris patrii thesaurum recludit, quo si utantur in posterum in rem suam Germani, forsitan pudebit hos aliquando, in tanta Juris domestici luce moribus peregrinis vivere. Dedimus, quæ fieri potuit brevitate, *Heinacciani* Operis argumenta summa, quibus vel leviter inspectis, cuilibet, quam ex Juris nostri commodo cesserit præclarus ille labor, proclive sit judicatu. Jam vero, si ad singularia devenire nobis per angustiam paginarum liceret, illud sane multis specimini- bus doceri posset, non Juris tantum insigni peritia, sed historia- rum etiam, antiquitatum, criticesque, præsidiiis opus fuisse Ill. Auctori ad componendum Opus novum, nulli ita tentatum, omnium votis expetitum, gloriæ futurum non Auctori tantum suo, sed ipsi etiam patriæ nostræ, jam caput erigenti, & peregrinis Romanorum legibus præter meritum turbatos fines suos conquerenti. Sed, quo major est eorum, quæ sunt bona hic & lectu digna, copia & apparatus, hoc minus, quid præ ceteris seligamus, decernimus, id vel duobus verbis significasse Lectoribus satis habentes, eorum, quos rectæ & sinceræ Juris- prudentiæ, intra fines nostros natæ atque educatæ, cura stu- diumque tenet, carere hoc Opere præstantissimo haud facile quemquam posse.

A NEW ESSAY ON MUSCULAR
Motion &c.

h. e.

NOVA EXPOSITIO MOTUS MUSCULARIS, ad ductum experimentorum, observationum, & Philosophiæ Newtonianæ; Autore BROWNE LANGRISH, Chirurgo.

Londini, apud Bettesworthum, 1733. 4.

Plag. 13.

Inter difficiliora doctrinæ Physiologicæ problemata quæstionem de causa modoque muscularis motus esse referendam, neminem, nisi prorsus in his scientiis hospitem, latet. Plerique, mechanice, legibusque motus convenienter illum fieri, concedunt; in vero tamen ejus mechanismo tradendo ob minus perspectam musculorum fabricam interiorem, materiamque impellentem, mire dissentiunt, neque ulla ex datis hætenus solutionibus suis caret difficultatibus. Quibus argumentis motus Cl. Autor, suas quoque tentare vires, & assumpta de attractione & repulsionem corporum pro diversitate polorum hypothesei ex *Newtoniana* Philosophia, novam hujus motus theoriam tradere constituit. Plerique hætenus, nervo vel arteria, ad musculum quempiam tendente, ligatis vel resectis motum illius perire, asseruerunt, quod, uti de nervis facile concedit, ita de arteriis minus valere, institutis sæpius experimentis se esse edoctum, perhibet. Etsi enim carotides arterias canis vivi prope cor absciderit, capitis tamen motum supersistere mansisse, neque minus, crurali arteria dissecta, inferioribus extremitatibus inniti animalia, ipsa tamen aorta descendente ligata, ut nulli rami, etiam minores, sanguinem ad inferiora derivare possint, motum omnino perire, concedit. Id saltem inde patere censet, tantam non esse sanguinis ad producendum motum necessitatem, quanta esse solet fluidi nervorum, sed secundo magis eo spectare arterias, dum partim, prope nervos sitæ, motu suo vibratorio fluidi in nervis motum accelerent, partim humore allato debitum calorem & flexilitatem fibræ concilient; ipsam vero contractionem adeo non juvare, ut po-

E e

tius

- Pag. 22. tius fibras replendo eandem impedire videantur. In tradenda fibræ muscularis structura illis assentitur, qui cylindricam eis figuram intus cavam assignant, eademque ratione transversas etiam constructas esse, quæ retinendis in ordine longitudinalibus apprime inserviant, fibras vero in distinctas cellulas vel vesiculas esse divisas, nullo idoneo experimento probari posse, censet. Fibras corporis nostri esse elasticas, sive vi quadam, si extendantur, iterum se contrahendi gaudere, docet experientia, causa vero minus in aprico est. Hanc ut eruat Cl. Auctor, ab infinita materię vi attrahendi vel repellendi pro diversitate polorum derivare conatur. Terram enim nihil aliud esse, censet, nisi magnum quendam magnetem, omnesque ejus partes simili virtute imbutas, ad se invicem rapi, vel longius recedere, prout polorum, quibus instructæ sunt, relatio illud concedat, quod exemplo solutionis, effervescentiæ, crystallisationis salium, similibusque operationibus chemicis, ab hac causa derivandis, copiose illustrat. Ipsius etiam aeris insignem adeo elasticitatem a vi particularum ejus, a se invicem resilientium, pendere putat. In corporibus solidis elasticis, sibi relictis, quasvis eorum partes, juxta polorum convenientiam dispositas, uniri supponit; inde vero vi externa compresso corpore unius lateris particulæ a se disjungi, alterius lateris nimis appropinquari, unde, mutata polorum cujusvis particulæ relatione ex una parte conatus attrahendi, ex altera repellendi, augeatur, qui, simul ac impedimentum removetur, in effectum ducitur, corpusque in pristinam figuram restituitur. Idem in fibra musculari obtinere asserit. Extensa enim fibra, quasdam ejus partes propius ad se invicem adduci, quasdam autem magis diduci, quam naturalis earum cohesio ferat, unde conatus ille sese restituendi, in corpore deprehensus, pendeat. Nihilominus, fibras corporis nostri perpetuo tensas, sicque in statu violento esse, vel dissectio musculi in animali vivo docet, cujus fibræ in medico vulneratæ cum impetu veluti resiliunt, vulnerisque hiatum majorem reddunt. Uti vero distensio illa ab humorum influxu dependet, ita retractionem dissectarum eandem cum elasticitate fibrarum causam agnoscere, probat. Quodsi enim fibræ nimis
rela-
- 50.

relaxatz fuerint, uti in anasarca contingit, illæ, etsi vulneratz, nunquam retrocedent. Pariter, cum omnes muscoli æquali tensionis gradu in æquilibrio serventur, uno illorum paralytico antagonista ejus tam diu vi propriæ tensionis contrahetur, donec prior restitutus fuerit: quamdiu vero omnes fibræ æqualiter tensæ manent, aptæ sunt ad motum voluntarium levissima determinatione suscipiendum. Ut vero eo melius pateat, quid sit illud superpondium, quod in motu musculari fibris accedat, attendere jubet ad res externas, quæ contractionem fibrarum augent. Sunt ex vel spirituosæ vel adstringentes, quæ, fibrarum interstitia subeuntes ad motum illas incitant, vimque attractricem particularum augent; unde, pariter in musculari motu materiam subtilem atque volatilem per nervos fibris instillari, conjicit. Qua occasione ex structura cerebri, quæ, secretionem satis insignem ibi fieri, docet, contra illos disputat, qui, nullum per nervos fluidum ferri, volunt, quoniam ob tenuitatem suam sensibus percipi non potest, atque nulla verosimilitudine niti illos ostendit, qui, nervos munere suo inflar chordæ trementis fungi, perhibent, cum sic neque distinctis sensationibus, neque motibus, producendis apti essent. Musculos in ipso contractionis actu non inflari, sed potius aliqua ex parte subsidere, minusque, occupare spatium, noto *Glossi* experimento, quo brachium viri robusti vasi vitreo aqua repleto imponitur, ubi, tempore contractionis musculorum, aqua minus occupat spatium, relaxatis vero musculis, iterum assurgit, tuetur, nihilo minus, singulas fibras veluti corrugatas in medio tumidiore reddi, concedens. Iplum vero motum muscularem ab influxu spirituum animalium subtilissimæ & vere æthereæ indolis deducit, quo vis attractionis particularum, fibras constituentium, augeatur, ut propius ad se invicem accedant, quam diu hæc vis extranea in musculo hæret; quæ vero ob summam spirituum tenuitatem brevi iterum evanescit, musculumque in statu relaxationis relinquit. Ut vero discrimen illud inter motus voluntarios & involuntarios distinctius explicet, nova hypothesis supponit, musculorum voluntariorum nervos circa extremitates peculiariter veluti constrictos

Pag. 53.

56.

73.

76.

78.

Pag. 84.

esse, ut tanta spirituum quantitas, quanta ad contractionem musculi necessaria est, penetrare nequeat, mentis vero nutu accedente, majorem eorum copiam, aut eandem majori impetu eo deferri, sicque obstacula illa superari, motumque musculi ob copiosum influxum succedere. Alia vero ratione rem se in musculis involuntariis habere conjicit, inter quos solum fere cor numerat; cujus perpetuus motus reciprocos systoles atque diastoles majorem semper attentionem mereri visus est. Et si enim systole ejus eadem ratione contingat, qua aliarum carni-um contractio, diastoles tamen causam male sanguinis appellentis momento a plerisque tribui censet. Inde potius asserit, nervos, ad cor tendentes ejusmodi circa extrema constrictione, qualem in voluntariis musculis supposuerat, destitui, sicque a perenni influxu perpetuam etiam expectandam fore contractionem; nihilo minus, dum omnes ejus fibræ, mirabili tractu decurrentes, in se ipsas contraherentur, extremitates nervorum, in fibras desinentes, simul comprimi, ut transitus fluido contento denegetur, quo ipso vires cordis debilitentur, ut jam sanguini ab auriculis ad orificia ventriculi propulso cedant, sic ut sensim cor dilatetur, quo ipso novus nervorum fluido aditus concedatur, & contractio protinus iterum inchoetur, eundemque mechanismum in auriculis, tanquam vero cordis antagonista, valere, sine quo nunquam insignem cordis & auricularum vium contrahendi a sanguinis appulsu superari posse, opinatur.

J. C. POHLII, MED. D. OBSERVATIO DE TUMORE capitis fungoso, cum cranii carie, & cerebri colliquatione.

Maria Beckia, annorum septem & quadraginta sexmina, ante tredecim jam annos, negotiis æconomicis intenta, casu infortunato caput illiserat trabi, adeo, ut, fortissima contusione percussa, & humi prostrata, graviore lipothymia corripere-
Symptomata, in principio graviora visa, præter dolores


lores capitis mediocres, brevi remiserunt, tumor vero nucis avellanæ magnitudine enatus est, quem per duodecim annos in eodem ferme statu, sine majori incommodo, gestavit. Anno 1734 novas contusiones ex improvise perpessa est, unde, mensium simul fluxu cessante, tumor ille in dies fuit auctus, in tantam excrevit magnitudinem, quantam Figuræ æneæ & sequens descriptio exhibent. Sedem maxima ex parte quidem tumor habebat in osse bregmatis sinistro, sed futuræ sagittalis limites supergressus, occupabat partem adhuc quandam ossis bregmatis dextri, &, anteriora versus, usque ad futuram coronalem porrigebatur. Tumor exterius erat, qui in Chirurgia nomine sarcomatis insignitur, & adeo extendebantur integumenta externa, ut peripheria tredecim pollices, altitudo vero septem pollices, æquaret. Totus tumor pilis erat refertus, magnitudine capitis infantis recens nati haud minor visus, cum ablati capilli essent. Cum vero tumor non solum continuo incretueret, sed ægra etiam de cruciatibus capitis intolerabilibus conquereretur, qui dolores tum a pondere externo, tum a causis internis, originem suam ducebant, de exstirpatione ejus cogitabam, sectionem vero chirurgicam dissuadebant defectus virium, & status cachecticus hujus miseræ. Nam, licet in secandis ramificationibus arteriarum, integumenta verticis percurrentium, quatenus in statu naturali existunt, hæmorrhagia subsequens adeo metuenda haud esset, nihilo tamen secius pulsus, quem manus, tumori admota, utut obscurum, sentiebat, sectionem suspectam ob metum futuræ hæmorrhagiæ, & hinc necessario subsequaturæ maximæ prostrationis virium, reddebat. Præterea facile prævidi, subesse cariem, eamque absconditam altiores egisse radices, quam ut ferro tuto satis ea exstirpari posset. Hinc, mediante ligatura, tumorem auferre tentare malui. Filo igitur serico (*Fig. II bb*) versus radicem Chirurgus constringebat tumorem, quæ constrictio quotidie augebatur, prout dolores permittebant, quo tempore in tumore observabantur maculæ quatuor, & loca, materia quasi sebacea repleta, per quæ mox post ligaturam liquor purulentus effluebat, & hinc totidem ulcera in parte posteriore enascebantur. (*Fig. II,*

TAB. V
Fig. 3.

aaaa) Post quatuordecim dies, basis, quæ, uti supra dixi, tredecim erat pollicum in peripheria, per ligaturam ad unum pollicem redigebatur; qua cultro resecta, tumor a cranio plenarie est separatus. Hic tumor resectus quatuor libras & sex uncias ponderabat, qui ante sectionem sine dubio fuerat ponderosior, quia antea Ichor & materia purulenta graveolentissimi fœtoris maxima in copia effluxerat, quod ipsum magnam ponderis partem tumori detraxit. Ablato externo tumore, magna festucarum ossæarum copia, per subjectam cranii partem dispersarum, in conspectum veniebat, quæ suspicionem cariei insignis, parum adhuc resectæ, movebant, insperso vero pulvere Aristolochiæ, & aliis remediis adhibitis, caries ipsius cranii plenius in oculos incidebat. Circa cariem corona ossæa (*Fig. III a*) variis eminentiis, cristæ galli instar (*b*) ornata reperiebatur. Neque exteriorem tantum laminam cranii occupabat caries, sed partes cariosæ etiam a lamina vitrea discescerant, ita, ut sinus quidam, tanquam tot ulcera distincta, detegerentur, qui ad cavitatem internam ferrent. Inter hos sinus præcipue anterior, quem nostra Figura (*Fig. III f*) exhibet, pulsum ramificationum arteriarum in dura meninge contemplandum egregio spectaculo, permisit. Licet vero exfoliatio ex parte satis feliciter succederet, sinus tamen supra descripti descensum materiæ purulentæ permittebant, atque corruptionem quandam non solum substantiæ corticalis, sed etiam medullaris, fatalem futuram esse, non uno indicabant argumento. Præterlapsis aliquot hebdomadibus, ægra convulsionibus corripiebatur, quas per sex horas in toto latere opposito, nempe dextro, perpessa, diem tandem obiit supremum 29 Januarii anni 1735. Die igitur subsequente, cum caput aperire demortuæ, remotis capitis externis integumentis, caries cranii conspiciebatur, quantam Figura ænea III demonstrat, quatuor pollices lata, quinque longa. Circa marginem erat quasi ossis excrecentis, ast tamen maxime duri, corona (*Fig. III, a,*) variis eminentiis, instar cristæ galli, (*Fig. III; b,*) ornata & aspera, & in superiore parte circa os frontis sutura frontalis maximam partem erat oblitterata. Suture sagittalis nul-

TAB.V

Fig. 1



nullum aderat vestigium, excepta ejus exigua parte, (*Fig. III, d*) ubi posterius connectitur cum sutura Lamdoidea. (*Fig. III, e*) At in media parte coronæ illius, supra descriptæ, irregularis figuræ tumor ossis cariosi (*Fig. III, c*,) apparebat, qualis in tota ferme parte vitiata laminam vitream jam occupaverat, & substantia erat fungosa, porosa, lapidis pumicis similis, inæqualis, & aspera, coloris nigricantis; interstitia vero, ubi nimirum caries profundius paulo progressa erat, lividum & ex flavo viridescentem ostendebant colorem. Inprimis vero in anteriore parte foramen erat majus (*Fig. III, f*,) quadrangulare ferme digitum admittens, quod antea ramificationes pulsantes arteriarum monstraverat; versus sinistram vero & exterioriorem partem sub osse duriori caverna quædam excurrerebat semilunaris, (*Fig. III, g*,) quæ usque ad alterum in osse hiatum, qui jam sequitur, extendebatur. Nam medio fere ossis cariosi loco, & quodammodo sinistrorsum, foraminulum (*Fig. III, b*,) reperiatur, calamum scriptorium vix admittens, ast tamen penetrans duram matrem. Hæc omnia conspiciebantur cranio adhuc nondum remoto; quo vero eo melius perspicere possint, horizontaliter, ut vulgo solet, refecabatur cranium, ferra jam penetraverat circum circa ad duram matrem, attamen nec elevatorii vi tolli poterat cranium, ut metus esset cum cranio evellendi totum cerebrum, nihilo minus tandem, agitatione sæpius repetita, cranium remotum fuit. Ab omni parte duræ matris ossis cariosi spicula infixæ animadvertentur, quæ cuneorum in modum os cum dura matre connexum tenuerunt. Dura mater, in cetera capitis parte admodum sana, nec maculam, vel aliam læsionem, videndam exhibebat, in loco vero sæpius jam nominato triplo crassior naturali, & magis tendinosa, ac firmior, apparebat, adeoque cum pia matre & cerebro connexa erat, ut hæc superari invicem haud possent. Jam foramen minus, quod specillum exiguum admittere diximus, a latere processus falciformis ultra pollicem in cerebrum subiectum penetrabat. Præterea tertium erat in cranio carioso foramen (*Fig. III, i*,) & veluti sinus ad ambitum læsionis visus, specillum admittens, sub quo interius maxima materiæ puru-

purulentæ foetidissimæ copia accumulabatur, quæ, cum etiam ad ventriculum tertium proserpserit, sensim sensimque notabilem cerebri, & corticalem, & medullarem, partem destruxit, & hinc convulsionum fatalium sine dubio causa extitit.

- TAB. V. Figurarum ænearum explicatio. *Fig. I* sistens Tumoris faciem anteriorem, cujus situs & reliquæ circumstantiæ patent.
- Fig. 1. *Fig. II* exhibens Tumoris faciem posteriorem. *aaaa* Macula, & loca materia quasi sebacea repleta, post ligaturam supuratione in ulcera mutata. *bb* Filum sericum tumorem circa radicem constringens. *Fig. III* Cariei conspectum in cranio demonstrans. *aaaa* Corona circa cariem. *bbbb* Eminentiæ in corona hinc & inde conspicuæ. *c* Caries in media parte conspicua. *d* Sutura sagittalis portio. *ee* Sutura Landoidea. *f* Foramen majus. *gg* Caverna semilunaris a sinu majori sinistrorsum se extendens. *h* Foramen minus. *i* Foramen tertium, vix conspicuum.

TRAITÉ GENERAL DES HORLOGES, &c.

h. c.

TRACTATUS GENERALIS HOROLOGIORUM, Autore R. P. DOMINICO JACOBO ALEXANDRO, Religioso Benedictino Congregationis S. Mauri.

Parisiis, apud Hippolytum Ludovicum & Jacobum Guerin,
1734, 8 chart. aug.

Alph. 1 plag. 2, Tabb. 21. 25.

Desiderata hactenus fuit accurata Horologiorum descriptio. Quæ enim alii dederunt, partim imperfecta, partim adeo rara sunt, ut haberi non possint. Defectum igitur supplere voluit Cl. Autor, dum omnium Horologiorum descriptionem exactam in præsentè Tractatu dare conatur. Præmittit nonnulla ex Chronologia de divisione anni in menses, dies, & horas, & annorum differentia apud veteres, nec non de divisione Operis

Operis sui, ubi simul brevem horologiorum historiam exhibet. Primus, referente Nostro, in Græcia horologia solaria fecit *Anaximander* A. 540 ante Christum natum. *Plinio* autore Romæ clepsydras primus construxit *Scipio Nasica*; *Vitruvius* tamen honorem inventionis tribuit *Ctesibio*. A. C. 490 *Theodoricus* Rex ad *Gondebaltium*, Regem Burgundiæ, clepsydras misit, a *Cassiodoro* inventas, quæ motum siderum repræsentabant. A. C. 809 *Aaron*, Rex Persarum, ad *Carolus M.* Franciæ Regem, clepsydram ex metallo confectam misit, ejus propemodum formæ, quam refert *Ctesibiana* apud *Vitruvium*. A. 1690 R. P. *Dominicus Carolus Vailly*, Religiosus Benedictinus e Congregatione S. Mauri, novum dedit clepsydram genus, quod ope liquoris, tympano, in plures cellulas diviso, inclusi, & successive ex una cellula in alteram defluentis, horas, ejusque partes, accurate monstrat. Inventio horologiorum automatorum admodum dubia: placet tamen Nostro opinio *Moreri*, qui in suo Dictionario eandem tribuit *Gerberto*, monacho, qui per varias dignitates ecclesiasticas tandem A. 999 sub nomine *Sylvestri II* ad Pontificatum maximum adscendit. Erat rerum mathematicarum & mechanicarum ultra genium seculi peritus, ut ideo pro mago haberetur, & *Guilielmus Marlot* in Metropoli Lemensi pag. 48 edit. *Remersf.* A. 1679 narrat, ipsum admirabile horologium fabricasse per instrumentum diabolica arte inventum. *Richardus Wolingsfort*, Abbas S. Albani in Anglia, circa A. 1326 horologium construxit, cui simile non exstabat in universa Europa. A. 1370 *Carolus V Sapiens*, Galliæ Rex, opera *Henrici de Vick*, Germani, Parisiis primum horologium magnum construi jussit, & in turri palatii sui posuit. *Galilaus*, cum usum penduli in dimetiendo tempore detexisset, de ejus ad horologia applicatione cogitare cœpit; sed propositum filius demum *Galilai*, *Vincentius*, executus est Venetiis A. 1649. Demum *Christianus Hugenius* A. 1657 pendulorum ad horologia applicationem adeo perfecit, ut inventum totum ipsi tribui mereatur, quemadmodum videre est ex ipsius Horologio oscillatorio, quod A. 1673 Parisiis primum prodit.

Cap. I.

II.

III.

prodiit. Noster A. 1698 invenit pendulum, quod motum apparentem solis, & tempus verum solare, indicat, & Academia Regia Scientiarum obtulit. Tractationem ipsam Autor noster orditur ab horologiis solaribus. In delineandis majoribus præfert methodum determinandi situm linearum horariorum per calculum, quam in horizontali & verticalibus regularibus atque declinantibus, & in inscribendis arcibus signorum cælestium ac longitudinis dierum, exponit. Progreditur ad clepsydram, ubi totus est in describendo tympano horario, cujus paulo ante fecimus mentionem, & quod serum mechanicarum gnaris non est ignotum. Plus negotii facessit horologiorum automatorum descriptio. Autor noster initium facit a majoribus. Præmittit explicationem terminorum, hoc est, nomen, quibus singulæ partes indignantur, utque recte intelligantur, partes ipsas accurate delineatas oculis spectandas exhibet. Quonium motu pendulorum ad regularitatem reducitur motus horologiorum; primo loco agit de pendulo simplici. Optimum judicat pendulum trium pedum, octo linearum cum dimidia, a puncto scilicet suspensionis usque ad centrum oscillationis, cum unica vibratio intervallo unius minuti secundi absolvatur, & altitudini horologii bene respondeat. Cum tamen longitudinem subinde variari necesse sit; quomodo ex dato vibrationum numero intra horæ intervallum reperitur penduli longitudo, computare docet, & ad usum faciliorem tabulam computatam exhibet. Exponit etiam inventum *Hugenianum*, pendulum intra duos arcus cycloides suspendendi, ut vibrationibus rectificatis motus evadat isochronus. Horologia majora animantur a pondere descendente. Docet igitur Noster, quomodo sit aptandum pondus, ut pendulum vibrationes suas iusto tempore absolvat, & actionem ponderis in rotas, quibus motus penduli efficitur, ex principiis staticis computat. Ponderis vicem in horologiis minoribus supplet elater spiralis, ceteris manentibus iisdem. Generalibus hisce præmissis, horologia automata dividit in majora, media, & minora. Majora sunt, quæ in turribus collocantur; media, qui-

quibus in conclavibus locus quidam assignatur; minora denique portatilia, hodie nemini ignota. Horologia automata majora tempus solare indicant non modo motu indicis, verum etiam sonitu campanæ, tam in horis, quam in quadrantibus horarum. Noster igitur distincte tradit omnem apparatus mechanicum, quo singula præstantur. Docet etiam mechanismum, quo opus est ad repræsentandum motum solis annum per horologia. Nec minus eum exponit, quo nocturno tempore ad excitandos e somno dormientes uti datur: quam horologii partem Galli *Reveil* vocant, nos *den Wecker* appellamus. Horologia communia construuntur juxta motum medium solis, quem ab apparente diversum esse, ex Astronomia constat. Quamobrem, ne quid desit, quod ad perfectionem artis requiri videatur, Noster etiam docet construere horologium juxta motum apparentem sive verum solis. Refert ex Tractatu *Henrici Sally*, qui Parisiis A. 1717 sub titulo: *Regle artificielle de temps*, prodiit, & e constructione horologiorum automatorum multa notatu digna continet, A. 1699 *Carolus II*, Regem Hispaniarum, jam possedisse istiusmodi horologium, ut adeo horologiopæci Parisienses, *Bonnus & Regius*, A. 1717 falso sibi persuaserint, se primos in hoc inventum incidisse. Immo Noster jam A. 1698 Academix Regiæ Scientiarum pendulum exhibuit, quod motum apparentem solis sequitur. Multus quoque est in describendis horologiis, quibus motus singularum planetarum repræsentantur, & quæ *Automata planetaria* appellari solent: quale, post alia, imperfectionibus multis obnoxia, invenit, & in posthumis describit *Hugenius*. Quemadmodum in ceteris, ita hic quoque, singula traduntur, ad captum artificum, & ad executionem operis, sufficientia. Methodum tradit *Hugeniana* meliorem. Postquam igitur abunde exposuit, quæ in omni horologiorum majorum constructione desiderari possunt; eadem diligentia ea persequitur, quæ ad structuram horologiorum mediorum spectant. Agit hic de ponderibus & contraponidiis, quibus utimur ad animanda horologia media. Et, quoniam ab artificibus ponderibus

Cap. IV.

V.

VI.

- ribus quoque substitui solet elater spiralis; ejus quoque rationem accurate exponit. Describit deinde pendulum, quod in istiusmodi horologiis usus est, & omnem rotarum apparatus, quibus agitur, & index circumrotatur. Denique mechanismum repræsentat, quo debito tempore campana pullatur, & eo, quo lubet, dormientes e somno excitantur. Eodem modo persequitur singula, quæ ad constructionem horologiorum minorum, seu portatilium, necessaria: ubi inprimis declarat inventum Abbatis de *Hautesville*, ab *Hugenio* ulterius perfectum, quo animellæ sive rostri motus regularis efficitur.
- Cap. VII. Et, quoniam horologia minora repetitoria etiam construi solent, quæ quovis momento ad desiderium possessoris per pulsus campanulæ indicant horam proxime præterlapsam; hoc quoque artificium exponit. Addit descriptionem instrumenti, cujus ope artifices rotas dividunt, ut sint quantumlibet accuratæ.
- VIII. Colophonem imponit Catalogus Autorum, qui de horologiis scripsere. Recenset Autor librorum titulos cum loco & anno impressionis, ac subinde judicium suum interponit. Primo loco comparent Autores, qui de horologiis solaribus scripsere, quorum magnus est numerus. Succedunt, qui de elepsydri & elepsammiis quædam memoriz tradiderunt, numero admodum pauci. Unus est, qui data opera de elepsammiis commentatus est, *Archangelus Maria Radi*, cujus Tractatus sub titulo: *Nova Scienza di Horlogi a Polvere*, Romæ A. 1655 in 4 prodiit. Ultimo loco sistuntur, qui ad automata spectantia explicuere, sive a se, sive ab aliis, inventa. Et in horum libris recensendis multo copiosior est Noster, ita, ut non modo historiam Autorum, verum etiam ipsius artis, multa cum industria exequatur. Monet inter alia, inventa, quæ ante applicationem penduli ad horologia ab Autoribus traduntur, plus subtilitatis, quam utilitatis, habere, ita, ut non multum tribuendum sit iis, qui ante annum 1650 de automatis commentati sunt. Ostendit, *Planetologium Rheitanum novum*, quod describit *Schottus* in Technica curiosa, non magni esse momenti, utpote supponens annum solarem 365 dierum præcise & quoad proportionem
- IX.

orbium observationibus recentiorum Astronomorum e diametro contrarium. Immo nec automatum planetarium *Hugenianum* prorsus probat, tum quod annum solarem supponit 365 dierum, quemadmodum fecerat *de Rheita*, tum quod proportio revolutionum Planetarum non satis præcisa: etsi enim largiatur, methodo *Hugeniana* accuratiores reperiri non posse, sua tamen methodo, quam supra exposuit, idem obtineri affirmat. In Tractatu *Sulliano* reprehendit, quod desint figuræ, sine quibus difficulter intelliguntur, quæ in hoc genere traduntur. Librum *Derhami*, qui sub titulo: *the artificial Clockmaker*, Londini primum prodiit, deinde apud nos a Cl. *Doppelmayero* in linguam Germanicam translatus, A. 1731 autem Parisiis in idioma Gallicum conversus comparuit sub titulo: *Traité de l'Horlogerie pour les montres & les pendules*, copiose Noster recenset, etsi suum de eo iudicium non interponens. *Oughtredi* tamen conatus in opusculis mathematicis non multum laudat, cum omnia clarius & ad captum artificum accominodatus proponere potuisset. *Gilbertus Clark* A. 1682 dedit Londini *Oughtredum explicatum*, in quo, *Leibnitio* iudice, partem arithmeticam Horologiorum bene tradidit.

**DE ÆRA SEU EPOCHÂ CONDITI, ET
per natales ac mortem filii Dei reparati, terrarum orbis
Dissertatio Chronologica, in qua e S. Scripturæ
infallibilibus oraculis, nec non indubiis Astronomiæ
characteribus, ostenditur mundi ætas, verumque nati
ac passi Christi tempus, Autore R. P. NICASIO
GRAMMATICI, e S. J.**

Ingolstadii, sumtibus Joannis Andreæ de la Haye, Bibliopolæ
Academici, 1734, 4.
Plag. 17.

- Pag. 2. **S**upponit Cl. Autor, 1) annos in S. Scriptura serie aliqua notatos pro integris accipi posse; sic enim anni completi dies redundantes a currentis adhuc deficientibus compenſari, nisi expresse dies, & menses notentur; 2) e fontibus Hebræis potius, quos vulgatam ſequi aſſerit, quam Græcis, ſupputationem petendam; 3) annos, in S. Scriptura ſignatos, vel fuiſſe perfecte ſolares, vel parum ab iis diverſos. Tribus Sectionibus, I de æra mundi conditi, II Chriſti paſſi, III nati, agit. *ſect. I Cap. I* oſtendit, ab *Adamo* ad cataclyſmum præterfluxiſſe 1656 annos.
3. *Cap. II*, ſecundam mundi ætatem a diluvio uſque ad exitum *Iſrael* ex *Ægypto*, ſeu legis ſcriptæ promulgationem, fuiſſe annorum 797, i. e. exiſſe *Iſrael* anno *Æ. M.* (ære mundi) 2454, ante *Æ. V.* (æram vulgarem Chriſti) 1547, evincit. Objectionem,
5. quæ hic moveri poterat, tollit. *Cainan*, cujus meminit *Lucas Cap. III*, nil turbat genealogiam Chriſti. Id enim manet indubium, *Salemum Arphaxadi* anno 35 natum eſſe. Dicatur dein ab ipſo, ut patre, genitus immediate, vel tantum mediate, ut ab avo, quatenus *Arphaxad* anno 18 genuerit *Cainanum*, iſte vero anno 17 *Salemum*. Ibidem in notiſſimo dubio, circa annum geniti *Abrahami*, cum *Auguſtino* duplicem *Abrahami* de *Chara* exitum admittendo, totam rem ſalvat. *Cap. III* tertiam mundi ætas ab egreſſu ex *Ægypto* ad Templum Salomonicum conſtrui cœptum complectitur 520 annos. Obſtat locus *I Paral. VI, 1*, qui 480 annos aſſignat. In ſolvendo hoc nodo ſequitur *Petavium de Doct. temp. Tom. II Lib. IX Cap. XXXV pag. 44 edit. Antverp.* Salomon proin templum ædificare incipiebat *Æ. M.* 2974, ante *Æ. V.* 1027. *Cap. IV* ab exſtructione uſque ad excidium templi 421 annos ſtatuit. Id contigit *Æ. M.* 3395, ante *Æ. V.* 606, ubi Autor noſter iterum *Petavii* inſiſtit veſtigiis. *Cap. V* annos 71 ponit, elapſos ab excidio templi uſque ad ejus reparationem, quæ incidit in annum 2 *Cyri*, & fieri cœpit *Æ. M.* 3466, ante *Æ. V.* 535. *Cap. VI* quatuor *Babylone* olim obſervatas eclipses lunares, relatas a *Ptolemao* in *Almageſto*, calculis ſubduxit R. P. e *Tabulis Hirſanis* editionis *Ingolſtadienſis*, quod mirum videtur, cum ſuppellant correctiores, *Noribergenſis*, & *Parieſiſis* noviffima.

Ex his ergo eruit, 535 annos intercedere inter templum re-
stitutum & Æ. V. *Cap. VII* e vetustissima solis eclipsi, in Si-
nis visa, ostenditur, natum esse *Abram* anno 70 *Thara* pa- Pag. 37.
tris. Tandem *Cap. VIII* concludit, Christum natum Æ. M.
4000, addendo sex ætates 1656 + 797 + 520 + 421 + 41.
71 + 535 = 4000. *Sectio II* de æra mortis Christi inscri-
pta est. *Cap. I*, omnes quatuor Evangelistas feriatim hebdo- 49.
madis VI, & pascha judæorum, suppeditare, docetur, quod
tamen haud prius concedendum erat, nisi evicto antea, post
Augusti reformationem nil in Calendario *Juliano* fuisse mu-
tatum. Solida est ac elegans R. Patris probatio hujus asser-
ti. *Cap. II*, necessario contigisse mortem Christi, ostendit, 57.
inter annum 25 & 36 Æ. V. *Cap. III* accuratius inquirat in 61.
annum mortis Christi, ac perbella tabula evincit, annis 29, 30, 63.
33, vel 36, Christum esse mortuum. *Cap. IV* annos 30, 33, 64.
36, removet, ubi præcipue *Fl. Josephi* nititur testimo- 71.
niis. *Cap. V*, si adstrui debeat, quod anno Æ. V. 29 Christus
mortem subierit, *Coss. Rufo & Rubellio* Geminis, anno 15 re-
giminis *Tiberii*, duo necessario initia imperii illius supponi. 72.
Unum inchoatum anno Æ. V. 14 die 19 Aug. eodem die ultimo
Octaviani Augusti, succedente *Tiberio*, vi cuius, XXII annos,
aliquot menses, *Tiberium* regnasse, asserunt Autores, ex qui-
bus R. Pater adducit *Clementem Alexandrinum*. Alterum
computari potest a tempore, quo *Tiberius* collega imperii, ac
consors tribunitiæ potestatis, assumebatur, testante *Tacito*
Ann. I, 3, Vellejo, Monumento Ancyrano, & Suetonio Tib.
XXI, 1. Hinc ergo haud improbabile, quosdam, & inter eos
S. Lucam, hoc secutos esse initium, cum præcipue *Clemens*
Strom. I pag. 406. edit. Potter. asserat, quosdam *Tiberio*
annos 26 tribuisse. *Cap. VI* evincit, mirabilem defectum 80.
in obitu Domini contigisse anno Æ. V. 29. Nemo vete-
rum annum, quo hoc fiebat miraculum, annotavit, ex-
cepto *Pblegonte*, *Hadriani* liberto, qui per Olympiadas
hunc annum designavit. Sed, cum opera *Pblegontis*
temporum injuria perierint, a variis varie citatur. Sic
Euse-

Pag. 81.

85.

86.

92.

100.

110.

Eusebius ex *Pblegonte* annum citat 4, Olymp. CCII, h. e. annum *Æ. V.* 32 & 33. Sed *Africanus*, integro seculo *Pblegonte* junior, & qui ipsius opus ipse sine dubio vidit, annum 2 Olymp. CCII citat. Notandum tamen, *Africanum*, & qui eum sequebatur, *Syncellum*, biennio citius auspicari Olympiades; hinc ex opinione *Pblegontis*, ac citatione *Africani*, anno 2 Olymp. CCII substituendus erit annus 4 Olymp. CCI, qui coincidit cum anno *Æ. V.* 29, quam sententiam toto Capite valide roborat R. P. *Cap. VII* adstruere conatur Cl. Autor, æquinoctium vernum haud obstare, quo minus anno *Æ. V.* 29 die 18 Martii passus & mortuus dici queat Dominus, & eo tempore celebratum Judæorum pascha. Concedit, Hebræis moris fuisse, ut illum mensem primum suo paschati deputarent, cujus luna XIV in strictissimum æquinoctium incideret, aut proxime illud sequeretur. Sed insuper contendit, eos & illum mensem primum habuisse, cui æquinoctium, latius non nihil acceptum, adhuc apte congrueret, & hoc ideo, ne nimium dilato paschate ægre satisfacerent alteri legis præcepto, quo primitias frugum quinquagesimo a paschate die Domino offerre tenebantur. At, si exactum æquinoctium hoc anno secuti essent, & sequentis lune XIV, expectanda erat 16 Aprilis. Cum vero in Judæa circa finem Martii absoluta jam sit messis frumentaria, impossibile erat, 50 die post 16 Aprilis primitias offerre; ergo assumebatur, incidisse æquinoctium sensu latiore, quando die 17 Martii luna XIV sub vesperam celebrabatur. Sat ingeniosa opinio. *Cap. VIII* ex multis locis veterum conquisitis hunc annum 29 mortis Christi valide stabilit, & sequente *Cap. IX* totus in eo est, ut ostendat, cur plurimi veterum morti Servatoris diem 25 Martii assignarint. Ubi ingenue fatetur, se hoc nescire, omnem tamen movet lapidem, quo ostendat, si eo anno (29 *Æ. V.*) d. 25 Martii pascha celebratum sit, istud luna dichotoma accidisse contra expressum S. Scripturæ testimonium. Totum hoc Caput, plenum quidem conjecturis, nobis tamen arridet, cum modeste satis suam exponat opinionem Autor. *Sectio III* de æra nati Christi agit. *Cap. I*, nec 3, nec 5 paschata a suscepto

Ba-

Baptismo, sed quatuor, supervixisse, clare, ut videtur, monstrat. *Cap. II* evincit, 33 annos cum trimestri circiter in carne vixisse Servatorem, ac natum esse in diebus *Herodis*, de quo dubitandum valde, si modo 32 annos completos inter mortales degisse eum asserueris. *Cap. III* *Josephi* vindicat Chronologiam regiminis *Herodiani*, quod Caput valde & ipsum nobis placuit. *Cap. IV* adhuc laborat *Herode*, ubi, obitum *Idumæi* non in pascha Judæorum, sed in Novembrem, incidisse, probabilius anni *Juliani* 42, quam 41, ostenditur, quod quidem tantum probabile, sed summe probabile, reddidit R. Pater, ac, cum duæ eclipses lunares non sufficiant ad definiendum annum, quo perierit *Herodes*, addit calculum, ea omnia, quæ *Josephus* adducit, spatio 28 dierum, a 13 Martii nempe, deliquio lunæ insignito, ad 10 Aprilis, seu pascha, transigi vix potuisse, probabilius ergo fore, si alteram eclipsin hic intelligamus. Tandem *Cap. V*, omnia contrahens, concludit, Servatorem mortuum anno *Æ. V.* 29, *Juliano* 74, die 18 Martii; hinc, annis 33, mensibus 3, vitæ Christi subtractis, incidet in annum *Jul.* 40 anno mundi 3995, quæ adeo computandi ratio quinquennio integro falsam prævertit æram.

Pag. 114.

116.

118.

122.

123.

126.

129.

ΤΟΥ ΕΝ ΑΓΙΟΙΣ ΠΑΤΡΟΣ ΗΜΩΝ ΑΝΔΡΕΟΥ ΚΡΗ-
της εἰς τὸ γενέσιον τῆς ὑπεραγίας δεσποίνης ἡμῶν λόγος.

h. e.

*SANCTI PATRIS NOSTRI, ANDREÆ CRETEN-
sis, in natalem diem sanctissimæ Dominae nostræ Oratio,
nunc primum e Laurentiana Bibliotheca Medicea
eruta, interprete ANGELO MARIA RICCIO, in Flo-
rentino Lyceo Professore Græc. liter. Publ.*

Florentiæ, ex Typographia Bernardi Paperini, 1732, 4.

Plag. 6.

Cum ex Medicea Bibliotheca, velut ex locupletissimo literarum thesauro, libri & antiquitate & raritate gratissimi subinde prodierint; nec Autor Clarissimus hujus gratiæ inter eruditos expers esse voluit. Primum quidem consilium erat, per spi-

G g

cile.

cilegium, quæ huc usque in *Laurentiana* latuerint, scripta luci suæ reddere. Sed, cum & antea minus ab oculis valeret, & eos literaturæ Græcæ punctis hebetiores sentiret factos, timens, ne iis plane caperetur, invitus, autore Medico, inceptis desistere coactus est. Interim desiderio suo ex parte satisfactus, Orationem S. *Andrea Cretensis*, jam olim Latina donatam interpretatione, emittendam curavit. Cujus viri cum nomen & vita haud satis cognita sint, haud alienum videtur, præmissam ex Cel. *Fabricii* Bibl. Græc. descriptionem paucis attingi. Erat vero is *Andreas* monachus, cui a loco Hierosolymitano nomen est. A. C. 680 ad Concilium Constantinop. missus est, ejusque opera in pugna adversus Monotheletas insignis extitit. Pro tantis meritis Diaconus factus, describendo acta illius synodi, tantam omnium iniit gratiam, ut ex eo tempore Archiepiscopus Cretæ fuerit electus. Sunt, qui postea Cæsaream Cappadocum translatum putant, ibique ad annum 724 degisse. Plures tamen *Andream* hunc a Cæsareensi illo diversum affirmant. Præcipua ejus scripta jam olim Parisiis *Combesius* edicuraverat; in iis vero adhuc desiderari Orationem hanc, idem Cel. *Fabricius* dudum annotavit. Eo magis Editor se operæ pretium facturum, ratus est, si & hanc velut spicam solitariam transmisisset. Oratio ipsa, in Virginis Deiparæ natalem diem habita, ita in prædicandis ejus laudibus progreditur, ut primo regia *Davidis* stirpe utique satam evincat. Cum vero, arborem optime ex fructu dignosci posse, crediderit, Christum filium certo *Davide* oriundum deducit, simul ad Judæorum obrectationem retundendam, vaticiniis *Mosis* expositis, cetera eloquia Prophetarum producit. Inprimis vero multo labore singulum vaticinium *Jacobi Gen. XLIX* de Christo impletum explicat. Deinde vero ad celebritatem diei reversus, *Annam*, *Mariæ* matrem, fortunatam prædicat, quod, demta sterilitate, mulierum beatissimam peperisse ipsi contigerit. Facile apparet, laudes utriusque breviores esse, quam pro Orationis titulo, Autoremque magis explicationem vaticinii illius Jacobæi respexisse. Sermo alioquin dictione satis tersa, & felici ingenio, sibi constat, nec defunt, quæ ad explicandos typos aliquid contulisse videantur.

**ELOGIUM CHRISTIANI GOTHOFREDI
HOFFMANNI, Jctorum Francofurtensium
principis.**

Inauspicato prorsus fato illuxerunt Calendæ Septembres, quæ *Christianum Gothofredum Hoffmannum*, Jctorum Francofurtensium primum, e mortalium cœtu eripuerunt. Rarum hoc seculi sui ornamentum anno secundo supra nonagesimum superioris Seculi protulit Laubana, Lusatiz oppidum, tanti Viri natalibus in posterum nobile. Patrem habuit *Gothofredum Hoffmannum*, Scholæ primum Laubanensis, postea Zittaviensis, Rectorem, prisce disciplinæ custodem, & morum sanctitate commendabilem. Matrem coluit *Martham, Joachimi Güntberi*, Consulis Laubanensis, filiam, insignis pietatis & perfectæ virtutis laude florentem, quam illætabili prorsus funere nondum quadrimulus extulit. Jam in puero inusitata apparebat discendi cupiditas, & pueriles illi vagitus, & insontes illæ lachrymæ, nunquam facilius, quam ostenso libello, & volutatu foliorum ejus, placari potuerunt. Tantum, tamque excellens, ingenium literarum amœniorum cultura erudiendum perpoliendumque dedit optimus parens *Christiano Jacobo Güntbero*, natione Turcæ, sed salutaribus abluto aquis, & sanctioris disciplinæ mysteriis initiato, cujus præceptis sedulo obsecutus Noster, tam mirificos in literis elegantioribus progressus fecit, ut dignus a parente judicaretur, cui ampliorem, in quo excurre-
ret, campum aperiret, & in Gymnasio locum concederet. Ibi sic emicuit generosa ejus indoles, ut omnium commilitonum diligentiam longissime superaret, nec intra scholastica pensa se contineret, sed domestica lectione animum discendi labore indefatigabilem recrearet. Commode accidebat, ut Zittaviensis oppidi Patres Bibliothecam suam, quam a tempore puriorum sacrorum a Divo *Lutbero* restitutorum collegerunt, in meliorem ordinem redigendam decernerent; quam spartam Noster, a parente sibi delatam, avide in se suscepit, & intra exiguum temporis spatium felicissime perfecit, operæ bene navatæ præmium amplissimorum Procerum, sigillatim *Caroli Philippi Stol-*

lil. Consulis docti, eloquentis, & humani, gratiam reportans. Anno hujus Seculi undecimo in Academiam Lipsiensem commigravit, ubi vix per anni quadrantem commoratus, conflictus moderatore *Cbristiano Altmanno*, cathedram adscendit, & *Dissertationem de Senio eruditorum* contra tela adversariorum fortiter atque generose defendit. Jam cupido eum incesse-
rat exteras visendi terras, cum funesta morte amitteret felicitatis suæ statorem, carissimum parentem, quæ subita fatorum vicissitudo pernobilem illam cogitationem deponere eum co-
gebat. Anno decimo tertio hujus Seculi moribus & studiis re-
gendis duorum Principum Ruthenorum stirpis *Galliczyniæ* præficiebatur, quam spartam tanta cum fide, dexteritate, & diligentia, administravit, ut nominis sui gloriam ad barbaras illas olim, nunc cultissimas, gentes transferret, & dignus haberetur, qui cum Principibus illis in Belgium abiret, & præstabilis doctrinæ viros, qui tunc ad sacratissima interiorum literarum & solidioris Jurisprudentiæ adyta juventutem perducebant, præsens coleret. Neque defuisset sibi, aut auspiciatissimam hanc occasionem, fruendi selectissimorum hominum familiaribus sermonibus, e manibus elabi passus esset, nisi auditores, qui ad eum, Doctoris Philosophiæ nomine jam celebrem, frequentes confluebant, precibus suis assiduis atque quotidianis impedimento ei fuissent. Interea jussu Principis Fundani Historiam Mansfeldicam conscripsit, & voluntati Principis cumulatissime satisfecit. Viderat hos improbos *Hoffmanni* conatus illustris Fridericiana, & amplissimo præmio, supremis in utroque Jure honoribus, eosdem condecorabat. Veniebat Philurea in jucundam hujus lætitiæ societatem, ipsumque primum Jus Naturæ & Gentium, post Regulas Juris & titulum de Verborum significatione, denique Institutiones, docere, impetratis regiis codicillis, jussit. In quo munere cum omnes præclari Jurisconsulti partes diligentissime expleret, & facili planaque ratione ad Jurisprudentiæ sacraria viam monstraret studiosis hominibus, tam mirificam laudem consecutus est Noster, ut fama ejus ad ipsas Potentissimi Prussorum Regis aures perveniret, isque tantam in cognitissima ejus eruditione fiduciam collocaret, ut
eum,

eum, triginta annorum juvenem, rarissimo exemplo, ad primariam Juris Professionem in Academia Viadrina obeundam, auctam Consiliarii sanctioris nomine, evocaret. Paruit divinæ voluntati, et eadem obitu incomparabilis *Henrici de Cocceji* Academiæ Viadrinæ illatam non solum feliciter restituit, verum etiam per duodecim, quibus in ea commoratus est, annos almam hanc literarum sedem compluribus, iisdemque profus egregiis, ornamentis ditavit, & eximiiis fecundi ingenii sui monumentis reipublicæ literariæ pomæria longissime protulit. Utinam diuturniori lucis usura frui licuisset Viro in commune bono, & supra modum pæne diligenti! At vero, dum magis reipublicæ, quam sibi, consulit, in febrem incidit, quam purpura rubra, & postea alba, insequeretur, quæ vitæ ejus finem fecerunt, eumque ipsis Calendis Septembribus præteriti anni cælesti patriæ reddiderunt. Funus ejus solenni cerimonia in æternam domum transferunt Collegæ ejus conjunctissimi, & frater inæstissimus, *Joh. Guil. Hoffmannus*, J. U. D. Vir singularibus in Jurisprudentiam meliorem meritis conspicuus, fraternis manibus justas inferias diserta & eleganti Oratione, in amplissimo Academiæ procerum consensu recitata, obtulit. Sic e statione mortali abiit desideratissimus *Hoffmannus*, qui utrique, cui serviit, Regi suo religiosum obsequium præstitit, Academiarum, in quibus Jura caste integreque professus est, salute nihil prius, nihil antiquius, habuit, & illustre rarissimarum virtutum exemplum præbuit. Equabilem in utraque fortuna animum retinuit, amicis integram fidem servavit, temporis accuratam rationem habuit, & non nisi raro, & vespertino tantum tempore, cum amicis colloquia instituit, sed cum his solum, qui de literatorum institutis ad eum referebant, & de communibus studiis sermones habebant doctos & jucundos. Unicam & veram voluptatem in instructissima & rarissimis præstantissimisque Codicibus referta Bibliotheca quæsit, jucundum illud, quod librorum lectio ipsi asserebat, oblectamentum omnibus honoribus, divitiis, commoditatibus, sapienti consilio præferens. Inde nullum annum præterire passus

est, quo non pulcherrimum incredibilis diligentiae suae specimen, idque nec protritum & vulgare, sed selectum, sed publici saporis, proferret, & res rationesque reipublicae literariae mirum in modum juvaret. Digna sunt aurea *Heffmanni* Opera, quorum integrum indicem, antequam manum removeamus a conscribendo, quod manibus ejus incelli, sed lubenter, consecrare decrevimus, elogio, hic proferamus. Evulgavit vero, si annorum, quibus ea publicae luci commisit, computum sequamur, sequentia Opuscula, & argumentorum selectu, & elaborationis accurate, magnopere commendanda: A. 1715 Dissertationem *de fati studii politici; Aufrichtige und unpartheyische Gedancken über die Journale, Extracte, und Monats-Schriften*, Friburgi, usque ad A. 1716, Tom. II, 8; Dissertationem *de origine & conditione procuratorum, Jure Romano & Canonico, nec non eorum progressu in forum Germanicum*, Halæ, A. 1716; *Specimen conjecturarum politicarum de origine & natura legum Germanicarum privatarum antiquarum, earumque ad statum praesentem provinciarum Germaniae, imprimis ad terras Protestantium, habitu*, Lipsiae, eodem anno, 4; *Christiani Weissi Epistolae selectiores, cum Praefatione de utilitate exlectione Epistolarum Virorum doctorum haurienda*, Budissæ, eodem anno, 8; *die Ehre des Hauses Mansfeld in dem Alter seiner Ankunft, grossen Verrichtungen seiner Fürsten und Grafen, insonderheit in dem Leben und Thaten Peter Ernsten, Fürsten des heiligen Römischen Reichs und Grafen von Mansfeld*, A. 1717, ejus libri altera editio A. 1720, 8, prodit; *Ausführliche Beschreibung des Russischen Reichs und Staates aus dem Italienischen übersetzt*, Lipsiae, 1717, 8; *Historiae Juris Romano Justinianei Partem I*, Lipsiae, 1718, 4; *Progr. de origine & causis querelarum de corrupta Jurisprudentia*, ib. eod. an. *die Europäische Fama a Parte CXCIX - CCLI*; *Scriptores rerum Lusaticarum antiquiores & recentiores*, Lipsiae, 1719, 4; *Historiam juris Romano-Justinianei Chronologicam*, Lipsiae, 1720, 4; *Dissert. de Collatione juris Naturalis, Romani, & Canonici, circa doctrinam de emphyteusi, cum legibus & moribus Germaniae, imprimis quoad bona salinaria inclinat* li-
bera

bera S. R. I. Civitatis Suevo-Halenfis, ib. eod. an. *Diff. de ratione interpretandi leges Imperii R. G. publicar*, ib. eod. an. *Entwurf einer Einleitung zu der Erkenntnis des gegenwärtigen Zustandes von Europa*, ib. eod. an. 4; *Gegenwärtiger Zustand der Finanzen von Frankreich*, ib. eod. an. 8; *Gottfrid Hoffmanns kleine Deutsche Schriften, mit einer Vorrede von den Ursachen des verderbten Schulwesens*, Budissz, eod. an. 8; *Theodosii Gibellini Casareo-Papia Romana, mit einer Vorrede von denen Scribenten wider die weltliche Gewalt des Römischen Stuhls, vornehmlich denen, welche vor der Reformation gelebet haben*, Budissz, eod. an. 4; *Progr. de investigandis verborum in Jure significationibus*, Lipsiz, 1721; *Diff. de verborum in Jure Germanico ac Saxonico significatione, nec non antiquis eorum Jurium regulis*, ib. eod. an. *Delineationem Aureæ Bullæ, auspiciis Caroli IV in comitiis Norimbergensibus & Metensibus condita*, ib. eod. an. 4; *Guid. Pancirolli de claris legum interpretibus Librum*, ib. eod. an. 4; *Dissert. de Avariis privatis*, ib. eod. an. 4; *Diff. de Fundamento decidendi controversias de præcedentia inter liberas gentes*, ib. eod. an. 4; *Diff. de Clericorum in fenda, inprimis S. R. I. majora, successione*, ib. 1722, 4; *Francisci de Roze Juris Canonici Institutionum Libros III, cum notis Casp. Ziegleri, & Præfatione de Juris Canonici apud Evangelicos autoritate, ejusque Juris recta discendi ratione*, ib. eod. an. 8; *Gründliche Vorstellung der im Heil. Röm. Reich obschwebenden Religions-Beschwerden*, ib. eod. an. *Georgii Beyeri Delineationem Juris Germanici secunda editione nonnullis libri secundi Capitibus, libro tertio, & Præfatione de Juris Germanici fontibus, illudque recta discendi ratione, auxit* Lipsi. 1723, 4; *Ejusdem Opuscula, & Dissertationes Academicæ*, ib. eod. an. 4, edidit; *Nachricht, wie C. G. Hoffmann in Lectionibus publicis und privatis über alle Partes Jurisprudentiæ privatae & publicæ auf der Universität zu Franckfurt an der Oder mit göttlicher Hülffe zu verfabren gesonnen sey*, Francof. eod. an. 4; *de Fundamentis variantium in doctrina de matrimonio opinionum*, ib. eod. an. *Præcognita generalia Jurisprudentiæ*, Lipsiz, eod. an. 4; *Delineationem*

tionem *Historia Juris Canonico-Ecclesiastici*, Francof. 1724, 8;
Dissertationem de origine sceptrorum, ib. eod. an. *Historia Ju-
 ris Romani Tomum II*, Lipsi. eod. an. 4; *Grundsätze der
 Rechtsgelahrtheit*, Francof. eod. an. *Introductionem in Juris-
 prudentiam Canonico-Pontificiam*, ib. 1725; *Dissert. An no-
 minatio socii criminis sub tortura fieri debeat?* ib. 1716; *de
 Jure separandi feudum ab allodio*, ib. 1727; *de Indole jurisdi-
 ctionis voluntaria ex principiis Juris Romani & Germanici*,
 ib. eod. an. *de Dissensu jurium in puniendo adulterio*, ib. eod.
 an. *de Donatione propter nuptias*, ib. eod. an. *de Principe ex
 justis causis aggratiante*, ib. 1728; *de Significatione & usu par-
 ticulae Quasi in Jure*, ib. eod. an. *de Cæmeteriis ex urbe tol-
 lendis*, ib. 1729; *de Communionis bonorum conjugum vera
 natura*, ib. 1730; *de Jure consuetudinis*, ib. eod. an. *Summari-
 sche Beschreibung der auf dem Augspurgischen Reichstage vor-
 gefallenen Aeltern Religionis*, ib. eod. an. 4; *Novam Scripto-
 rum ac monumentorum, partim rarissimorum, partim inedito-
 rum, Collectionem*, cujus T. I A. 1731, II A. 1733, Lipsiæ, 4, lucem
 adspexit; *Analysin Pacis Westphalicae*, ib. 1731, 4; *Diss. de insi-
 gnioribus defectibus Jurisprudentia criminalis*, Francof. eod.
 an. *Collationem Constitutionis Criminalis cum Sanctione Jose-
 phina*, ib. eod. an. *de eo, quod justum est circa stipendia*, ib. eod.
 an. *Einleitung zu dem Teutschen Jure publico, nebst einer Bi-
 bliotheca Juris publici*, ib. 1733, 8; *Notas in Maximiliani I
 Constitutionem de Notariis*, ib. eod. an. 8; *Diss. de Rege Ro-
 manorum vivente Imperatore electo*, ib. eod. an. *Ad Constitutio-
 nem Joachimi I de successione*, ib. eod. an. *Historia Juris
 Romani Tomum I, longe auctiorem & emendatiorem*, Lipsi. 1734,
 4; *Diss. de minoris ætatis termino legibus & moribus in pri-
 mis novissima Sanctione Hamburgensi definita*, ib. eod. an.
Grundsätze des Teutschen Staats-Rechts, ib. 1735. Inter Pro-
 grammata recenseri merentur, quæ scripsit *de inveterata Duel-
 lorum in Germania consuetudine*, *de Juris Lubecensis antiquo
 quodam codice*, *de effectibus benedictionis sacerdotalis*, *de Fri-
 derico Guilielmo, Prussie Rege, optimi legislatoris exemplo*,
de majore ætate in electione Imperatoris observanda.



NOVA ACTA ERUDITORUM,

publicata Lipsiæ

Calendis Junii Anno MDCCXXXVI.

*THESAURUS JURIS ROMANI, CONTI-
nens rariora meliorum interpretum Opuscula, in quibus
Jus Romanum emendatur, explicatur, illustratur,
itemque Classicis aliisque Autoribus baud raro lumen
accenditur; cum Præfatione EVERARDI OT-
TONIS, Jcti, & Antecessoris.*

Tomus V.

Trajecti ad Rhenum, apud Jo. de Brædelet, 1735, fol. maj.
Alph. 9 plag. 22.

Ergo nunc, faventibus Musis Charitibusque, ad exoptatissi-
mum exitum perduxit pulcherrimum venustissimumque
Opus Cl. Otto, & bonas illas horas, quas præstantissimus selectis-
simisque Opusculis, quæ in hanc Juris Autorum Syllogen com-
migrarunt, emaculandis & exornandis impendit, bene sapien-
terque collocavit, ut omnino jam possit ille hujus rei fructum
ad conscientiam referre, & pro tam luculento beneficio a litera-
tissimis Jurisconsultis quibuscunque gratias mereatur immor-
tales. Nos, qui commerito plausu exceperimus quatuor priores
absolutissimi Operis Tomos, nunc, cum quinti Tomi mentio
facienda est, eas omnes, quas olim diximus, laudes repetimus,
atque, nihil fecisse reliqui Cl. Ottonem, ingenuè fatemur, quam
ut spem illam, quam de incredibili ejus diligentia, & summis,
H h quibus

quibus reipublicam literariam sibi jam dudum obstrinxit, meritis conceperamus, non solum sustineret, verum etiam mirum in modum superaret. Neque enim hic, cujus recensione paramus, *Tomus* aut operum, quæ in hunc translata sunt, præstantia & nobilitate, aut elegantissimis Præfationibus, aut typorum elegantia & chartæ nitore, aut ceteris ornamentis, quidquam prioribus quatuor Voluminibus cedit, ut potius, quid natura & ars efficere possit, hic in unum quasi conspirasse videantur. Primum locum occupat *Hieronimi Groslotii*, Aurelianensis, elaboratissimus *de Usucapionibus* liber, quem decem & octo annorum juvenis Lutetiæ A. 1538 edidit, in quo senilem prudentiam maturumque judicium ubique ostendit, & nodos in difficillimo hoc argumento non tam rupit, quam feliciter dissolvit. Non plane immunis liber ab erroribus est; plura hujus libri capita majorem industriam postulassent, nonnunquam certiora subsidia ex Romanis antiquitatibus arcessenda fuissent; quæ vitia, uti magis ætatis & temporum, quam hominis, sunt, ita pulcherri-marum rerum farragine abunde compensantur. Excipit hunc *Groslotiani* ingenii scætum ejusdem *Groslotii* *Commentarius in spinosissimam illam legem l. 40 de reb. creditis*, (de qua olim in scholis dicere solebant: *lex l. 40, nunquam intellecta*) simul cum eo, quod modo laudavimus, Opusculo typis excusus, in quo singulari ingenii acumine plerasque interpretum tricas evitavit, & certiora interpretandi argumenta attulit. Sequuntur III & IV *Marii Arcadis* & *Petri Aldobrandini* interpretationes ad l. 1 C. de Edendo, neque illæ sua laude prorsus defraudandæ sunt. Quintum locum sibi vindicant *Jacobi Curtii* Εἰσαγωγὴν, id est, *conjecturalium, Juris Civilis Libri VI*, quorum tres priores, A. 1550 scripti, theoretica continent, tres posteriores, A. 1555 scripti, ea potissimum complectuntur, quæ ipso causas orante vel judicante ex facto tractata sunt, qua occasione singularia ejus in *Theophilum* merita amplissimis laudibus celebrat Cl. Otto. Plures hujus Opusculi dotes sunt. Primo enim quæstiones gravissimas & subtilissimas, in foro quotidie obvias, sagacissimo ingenio excussit, post amœnis excursionibus varia attulit ad vitas *JCtorum* & alias *Romanæ gentis*

gentis antiquitates spectantia, tum Græca bene explicuit, eaque aliter a Latinis aliquando usurpari, & Latina perperam in Græcam linguam transferri, docuit. Denique laudabilem operam in verborum Latinorum vi, proprietate, & origine, investiganda consumpsit. Ordo nos ducit VI ad *Antonii Guiberti Costani*, Tholosatis JCTi, *Quæstionum Juris memorabilium Librum*, in quo maximas & intricatissimas Juris Civilis & Pontificii controversias viginti Capitibus pertractavit. Diem plerisque eorum addidit, ut auditoribus suis tempus, quo talia ex cathedra recitaverat, in memoriam revocaret, & exemplum secutus est *Jo. Corasii*, Collegæ, aut decessoris sui, qui in Opusculis suis locum & tempus, quando scripta repetita & recognita sunt, annotavit. Satis docte atque eleganter & longepolitius, ac ceteri illius ætatis JCTi, versatus est in dirimendis maximi momenti controversiis, & variam omnigenæ doctrinæ supellectilem ubique ostendit. Excipiunt *Costanum* tria *Pardulphi Prateji* opuscula: In primo Vir summus titulum Institutionum *de officio judicis* ita interpretatur, ut ex ipso textu axiomata eliciat, per quæ singulis verbis interpretatio aptetur, sed nimis jejune atque tenuiter. Alterum *Prateji* Opusculum comprehendit veteres populi Romani leges, non solum illas, quæ in nostro Corpore Juris laudantur, sed etiam in universum omnes, a Romanis perlatas, ordine alphabetico digestas, & Venetiis A. 1572 una cum Lexico ejus Juris Civilis & Canonici in forma majori editas, sed compluribus mendis deformatas, præsertim in nominibus & annis Consulum, quibus leges perlatæ sunt, ingens deprehenditur corruptio, cui malo exoptatissimam medelam paravit Cl. *Otto*, qui veterum Autorum capita & versus supplevit, aliaque veterum loca, quæ in promptu erant, & meliores legum singularium interpretes, adjecit, & animadversiones suas, oppido utiles futuras humanioris Jurisprudentiæ studiosis, virgultis inclusit. Tertia *Prateji* Commentatio legem Juliam de fundo dotali magis illustrat, quam rite explicat. Venimus jam ad quinque eruditissimorum Juris interpretum *Ant. Lescurii*, *Julii Pacii*, *Jo. Mercerii*, *Fr. Davy Dargentei*, & *Marqu. Freberi*, Commentarios

in vexatissimam legem 38 *de Condict. indebiti*, quæ omnium, qui politio-rem Jurisprudentiam excoluerunt, ingenia exercuit, satis bene scriptos, & lectu dignissimos. Sequuntur *Petri Grangiani Paradoxa Juris Civilis* Lugduni A. 1581 edita, in quibus selectæ quædam recentiorum Juris interpretum sententiæ contra receptam JCtorum opinionem exponuntur. Opus non quidem cum *Alciati*, a quo libri inscriptionem mutuatus est Autor, Paradoxis comparandum, utile tamen & frugiferum. Progredimur ad *Elberti Leonini*, Jurisconsulti Lovanientis, & plurimis legationibus celeberrimi, *Praelectiones in tit. C. de Jure emphyteutico*, quas ab interitu vindicavit *Rutgerus Rulandus*, qui formæ processus judicarii in causis emphyteuticis usitati Francof. A. 1606 præmisit, Opusculum magna diligentia subactoque judicio elaboratum. Scripsit præterea summæ vir industriæ Emendationum libros tam Juris Civilis, quam Canonici, quorum septem ad Jus Civile spectantes *Elbertus Zosius*, ejus ex filia nepos, edidit. Pedem promovemus ad *Claudii Chifletii*, JCI Sequani, Tractatus quatuor, *de substitutionibus, de portionibus legitimis, de Jure fideicommissorum, & de legis Aquiliæ secundo Capite*. *Chifletius*, illustribus gentis suæ trophæis excitatus, insignem bonis artibus opem attulit, & tum vita *Ammiani Marcellini*, tum libro posthumo *de antiquo numismate*, clarum inter præstantissimos viros doctos nomen consecutus est. Accuratio-ri-ora illa, quæ indicavimus, opera futura fuissent, si præsertim operibus de substitutionibus & fideicommissis ultimam manum admove-ri- ipsi licuisset. Interim de bonis omnibus præclare promeritus est discipulus ejus, *Jo. Morelotus*, qui in ordinem redegit lacera illa & dispersa Virbii membra, certisque Libris & Capitibus distinxit. Singularis est illius de secundo legis Aquiliæ Capite opinio, qua existimat, conceptum illud fuisse de servo corrupto, mature autem in desuetudinem ivisse, postquam rigidius multo Prætoris Edictum subsecutum erat, quo actio pænalis & perpetua etiam adversus fatentem in duplum promittebatur, cum Aquilia inficiantem tantum coercuisset. Excipiunt *Chifletiana* Opuscula *Gulielmi Ranchini*, in Montispe-
Ante-

Antecessoris, *tres Libri variarum lectionum*, primum Parisiis A. 1597 editi, deinde Marburgi A. 1717 in *Schminckii* Syntagmate critico recusati, in quibus diversas dapes antiquæ, mediæ, & suæ ætatis lauto apparatu apposuit, & tum ex veterum Autorum locis menda feliciter sustulit, tum vel ex Justinianeò, vel ex novo jure Galliæ argumenta depromsit, eo quidem improbi laboris successu, ut summo plausu exciperentur a supremæ cævæ viris doctis quibuscunque. Hos *Ranbiniani* ingenii sæctus sequitur *Jo. de Solorzano Pereira de parricidii crimine* Dissertatio. Hanc more eorum, qui ad supremos in Jure honores adspirant, Salmanticæ publice proposuerat, & deinceps non contemnendis accessionibus adauctam, A. 1605 ediderat, atque A. 1628 Operi majori *de Indiarum jure* subjecerat, cujus novissima editio *Lugduni* A. 1672 prodierat. Mores diversarum gentium in puniendo hoc crimine non sine magno labore recensuit, sed creberrimis parenthesisibus, non signatis, perspicuitatis laudem amisit. Quicquid sit, diligentiae laude, ingenii fecunditate, & methodo accurata, cunctorum plausum atque assensum meretur *Solorzanus*. Proximum locum tenet *Jacobi Lefschæsserii*, Jcti Parisiensis, cujus stupendam in omni doctrinæ genere eruditionem scripta Parisiis collecta, & A. 1652 secunda vice auctius edita, aperte declarant, perelegans de vocabulis ad Geographiam Juris Romani pertinentibus Observatio. Succedunt *Henrici Ernstii, Helmstädiensis, variarum Observationum libri*, Amstelodami, A. 1636 typis descripti, pretio magis, quam mole, commendabiles. Non tantum enim varia utriusque Fœderis, & priscorum Autorum, verum etiam Pandectarum & Codicis, maxime vero Institutionum, loca obscura ex *Theophilo* in illis bene & egregie explicantur. Post hunc collocata videmus *Josephi Fernandez de Reter ad tit. de Interdict. & relegatis* Commentaria, primum A. 1642 publici juris facta. Posteaquam vero *Nicolaus Antonius*, Hispalensis, post septendecim annos interjectos Libros tres de Exilio Antverpiæ A. 1659 prelo exire jussit, & in eo jura & historiam exulum ex omni antiquitate & vetere Jurisprudencia plenius describerat, Noster A. 1660 notis & additionibus locupletatum

tatum hoc volumen denuo emisit, & tertium Librum de testamentifactione deportati, & actionibus, quibus is experitur & convenitur, adjecit, & legem 17 C. Th. de Pernis erudite exposuit. Quæ sequuntur *novæ veteres vindictæ dignitatis & autoritatis Juris Civilis a Benedicte a Jesu Christo postulatæ*, indignæ sunt, quæ in hunc Thesaurum fuerint translatae. Meliorem fructum spondent *Justi Zinzerlingii* opinionationes variorum de vero intellectu vexatissimæ l. 3 de Naut. sanore, & ejusdem, contra plerosque omnes, genuina explicatio, quæ Lugduni A. 1614 lucem aspexit, *Tuffani de la Rue* amœnæ Juris Observationes, Parisiis A. 1697 excusæ, & *Jo. Koolii* Dissertatio inauguralis ad *Legem Ateriam Tarpejam de multis*, Trajecti A. 1698 habita, Agmen non solum *Tomi* hujus, verum etiam universi Thesauri, claudunt *Everardi Ottonis* Liber singularis de *vita Servii Sulpitii*, & *P. Alfenus Varus ab injuriis, veterum & recentiorum liberatus*, in quorum vitis conficiendis eundem, quem in *Papiniano*, ordinem tennit, & de gente, de patria, de parentibus, de studiis, de libris, de discipulis eorum accurate disputavit, inimicorum criminationes sagacissimo ingenio detexit, nec quidquam omisit eorum, quæ ad ornandos & illustrandos præstabiles hos Jctos pertinere poterat. Dignus profecto *Cl. Otto*, cui ob servatos hos Quirites statua ponatur, cujusque desideratissimum nomen ad feros, si qui unquam futuri sunt, posteros transmittatur. Fruere itaque, Lector, tot apparatusis, quæ *Cl. Otto* Tibi instruxit, epulis, hasque tibi ad palatum fore, nobis sponsoribus vadibusque, certissime confide, & gratias nobiscum age Viro tot innumeris laboribus bonipublici causa perfuncto, denique vegetas ipsi corporis & animi vires precare, ut cetera frugiferi ingenii sui, quæ prelo parata habet, monumenta in lucem conspectumque omnium proferre queat, & promeritum industriæ suæ fructum, longam & tranquillam ætatem, a Deo immortali, ex voto omnium, quibus Jurisprudentiæ salus curæ cordique est, reserat.

GERARDI NOODT, NOVIOMAGI, JURISCONSULTI & Antecessoris, Opera omnia, recognita,
aucta,

aucta, emendata, multis in locis, atque in duos Tomos distributa. Huic novæ editioni inter alia accessit V. Cl. JOANNIS BARBEYRACII historica Vitæ Autoris narratio.

Tomi II.

Lugduni Batav. apud Arnoldum Langerak, 1735, fol.

Tom. I Alph. 7 plag. 14, Tom. II Alph. 6 plag. 14.

Merebantur utique novum hunc ornatum *Noodtiana* Opera, eo quippe dudum eruditi orbis plausu excepta, ut, qui *Noodtium* non legerit, nihil ab eo in elegantiori Jurisprudentia expectari magnum posse ac singulare videatur. Vix enim inter eos, qui aut nostra, aut majorum nostrorum, ætate ad interpretandum Jus Romanum sunt conversi, invenire unum aut alterum possis, qui de ingenii & doctrinæ, eorumque omnium præsidiorum, quibus opus est vetera Romanorum instituta explicanti, gloria contendere cum incomparabili illo Batavorum heroe audeat. Non jam latius in laudes Viri maximi excurrimus, utpote quæ tantæ sunt nostro judicio, ut brevi & incompta oratione vix enarrari satis, nedum ornari condigne, possint. Id tantum dicimus, de juventute bonis literis dedita eos præclarissime mereri, qui eliminata illa & seris posteris dignissima *Noodtiana* Musæ opera ab interitu vindicare, & ut quaqua terrarum parte legi ab unoquoque possint, efficere, quantum in ipsis est, laborant. Quam laudem præ ceteris sibi propriam vindicat novæ hujus, de qua nunc dicendum paucis, Operum Collectionis Editor, qui cur nomen suum dissimulaverit, hoc magis miramur, quo certiore ipse consilii tam præclari, tamque cum nostro omnium insigni fructu conjuncti, a bonis omnibus initurus gratiam videbatur. Is, Opera *Noodtii*, ab ipso Autore A. 1724 junctim Voluminibus duobus edita, de quibus nos in *Actis A. 1725 Mens. Januar. pag. 1 seq.* copiose diximus, inde ab aliquo tempore frustra quæri in librariis tabernis, animadvertens, nec committendum ratus, ut

magno

magno hoc præsidio in posterum carerent elegantiora studia, id sibi datum muneri putavit, ut his denuo publicandis, & in nova aliqua luce collocandis, honestam laudabilemque operam impenderet. Partitus igitur curas suas cum *Langerakio*, urbis Lugdunensis prænobili Typographo, huic nitide & eleganter excudendi, ipse sibi accurate recognoscendi, mendisque omnibus purgandi, Operis provinciam dedit. Qua in re utrique amicissime conspirarunt, nec minori laudi cedit Typographo, præstantissimis illis doctrinæ *Noodtiane* monumentis externum aliquod decus conciliasse chartæ & typorum venustate, quam Editori ipsi, emendatissimum dedisse librum, in quo feliciter sublato videas errores eos omnes, quos vel operarum olim incuria, vel ipsius Autoris in scribendo festinatio, pepererat. Hos colligenti diligenter, opportune in manus venit codex ipsius olim lima Autoris perpolitus, quo commode in rem suam usus est Editor, tanquam optimo dictorum *Noodtii* interprete. Alia, nec ea nihili æstimanda, contulerunt Clarissimi Batavorum Jureconsulti, *Schubtingius* & *Barbeyracius*, ille suis civibus & rectioribus studiis haud ita pridem inmaturo fato ereptus, hic gloriam literarum hoc ipso tempore inter Batavos felicissime suslinens, quorum uterque, in lectione Operum *Noodtii* haud indiligenter olim versati, non pauca observaverant privato studio, quæ, negligentius exscripta, longissime aberrare a mente solertissimi Autoris viderentur. His in consilium vocatis, integritati suæ restituit Editor, quæcunque olim sine offendiculo legi vix poterant, scriptores perperam citatos oratione ejecit, & in horum locum meliores substituit, hisque capita & versus addidit, ut jam nemo de corrupta Autoris mente, aut disturbato verborum ordine, conquerendi causam habeat. Neque tamen in emendando ita audacem fuisse Virum optimum existimes, ut ipsi scripturæ Autoris vim inferret, aut temere mutaret sententias utunque propositas; in quibus etsi non desint, quarum, ni limam adhibeas, vix satis cognosci ratio possit, id quod vel uno exemplo evidenter probat Editor, maluit tamen, quod laudandum utique, lectoris cujusque ingenio expolienda hæc permittere,

permittere, quam in alienos agros falcem criticam immittere. Forma & moles Operis ob illa prioris editionis parum differt, nec quidquam jam scriptorum *Noodtii* accessit, præter breve ejus *Responsum in causa matrimoniali*, Belgico sermone editum a *Noodtio* A. 1596, sed postea Latine conversum a *Pagenstechero*, qui & locum ei dedit in *Irnerio injuria vapulante*. Qui linguae Belgicae non satis gnari sunt, dolebunt, exulare hic loci Latinam interpretationem, quæ, cum quatuor vix paginarum spatium deposcat, addi hic levi chartæ dispendio, sed magno satis lectorum cominodo, potuisset. Præcipuum vero huic Operi gratiam conciliat præmissa eidem vita *Noodtii*, a Cl. *Barbeyracio* conscripta, quam is primum A. 1731 cum aliis nonnullis *Dissertationibus* sermone Gallico Amstelodami ediderat, jam vero, rogatu Editoris nostri, in Latinum translata, & novis passim accessionibus locupletata, variisque in locis immutata, eleganti huic Operum *Noodtii* Collectioni adjunxit. Est hæc, sive ipsam rerum gestarum narrationem spectes, plene & copiose, sive ad dicendi genus & orationis flores respicias, ornate & eleganter scripta, ut vix digniori cuiquam Oratori commemorandarum tanti Viri laudem ac virtutum committi potuisse sparta videatur. Nos ejus historię jam olim, cum Gallice prodiret, præcipua momenta enarravimus in *Supplementis Actorum Tom. X Sect. II pag. 88*, nec jam quisquam est, qui hæc denuo a nobis recitari postulet. Illud tantum hic addimus, cum jam relegimus opellam, & ea maxime, quæ nunc recens sunt addita, inspicimus, videri nobis subinde nimio laudandi herois sui pruritu in transversa actum *Barbeyracium*, nec, modo *Noodtium* admirandum omnibus proponeret, aliorum, etiam qui de elegantiori doctrina meritissumi habebant, famæ pepercisse. Est hoc commune eorum vitium, quod ad describendas aliorum vitas eo animo, ut omnia laudent, accedunt, idque amicitia & meritis viri datum putant, quod sit in alios acerbe vehementerque dictum. Sed, ut sordet ista scribendi ratio iis omnibus, qui suam viro cuique bonæ integritatis esse fidam volunt, ita vix quisquam est, qui non minime omnium ferendam in tanto iusti & honesti magistro pntet. A-

gnosceremus facile iniquitatem *Barbeyracii*, in *Wachtlerum* nostrum, qui, si voluisset, & dignitate & scriptorum fama æqualis esse *Noodtio*, nemine id non fatente, poterat, dictis contumeliosis insurgentis, hunc *imbellem Noodtii hostem* nominantis, *irritosque ejus in impugnandis libris Probabilium Noodtii conatus* judicantis, in alios etiam, qui *Wachtleri* honorem tuendum susceperant, maxime in politissimum *Trotzium*, nuperissimum *Opusculorum Wachtleri* editorem, occulta & indigna viro bono tela vibrantis, arrogantiam & fastum pædagogicum, quo scripta *Wachtleri*, suis libris opposita, exceperit olim *Noodtius*, cujus & turpitudinem, nisi qui cæcus sit oculo utroque, non agnoscat, excusantis molliter, & ignavo humanitatis nomine condecorantis, tantum ne deferenda hic Amici veteris & gloriæ *Noodtiana* causa esset, fatendumque id, quod nemo dissimulat, fuisse in contemnendo adversario, quam defendendo se ipso, fortiozem *Noodtium*. Grata hæc Belgis sine dubio, iis imprimis, qui doctrinæ omnis inde ab aliquo tempore principatum affectant, & surgentem hominis Germani famam fallidiose spectant, quorum si arbitrio res geratur, communi in posterum, quicumque non sub illo cælo habitamus, barbarorum nomine vocemur. Sed, ut illiberalis iste, & ut vere dicamus, rusticus, contemptus nostri, omnia humanitatis jura penitus evergens, & ipsis bonis artibus perniciosus, nihil nos movere loco potest, nec, ut vicissim in gentem nobis tam inimicam utamur armis nostris, quidquam nobis animum subdit, ita, quod *Wachtleri* causam attinet, gaudemus, hanc, vel tacentibus nobis, satis in tuto collocari assensu eorum, quibus aut armorum *Wachtleri* robur, aut certe, quam immeritum is a *Noodtio* tulerit contemptum, vel privato studio satis est exploratum.

Westphälische Friedens-Handlungen und Geschichte, 2c.

h. e.

ACTA PACIS WESTPHALICÆ PUBLICA, Autore JO. GOTHOFREDO DE MEIERN,
Regis Magnæ Britannię & Electoris Hano-
verani Consiliario Aulico,

Tomus

Tomus V.

Hanoveræ, apud J. A. Gercken, 1735, fol.

Alph. 10 plag. 14.

Non solum strenue pergit Illustris Autor exhibere acta Pacificationis omnium illustrissimæ e tenebris suis eruta, & historiz in modum concinne connexa, sed pergunt quoque Historiz Germanicæ Jurisque publici cultores, imo Principes, eorumque Ministri, novam quamque hujus Operis, ex omni parte ornatissimi, Partem gratulabundi excipere. Perfectior scilicet hic est nobilissima ista historia, quam a quoquam expectari poterat: cum, ut ex Præfatione præsentis *Tomis* cognoscimus, novem Autor habeat in manibus Relationes sive Commentarios de toto Westphalicæ Pacificationis negotio, ut adeo, si prius iis fuisset potitus, priores *Tomis* futuri fuerint ampliores. Ac fortasse erunt, qui optent, ut illa hujus Operis Supplementa pariter aliquando in lucem prodeant: quanquam Autor confirmat, eorum, quæ maximi momenti sunt, nihil deesse. Singulorum præsentis *Tomis* librorum (progreditur autem hic *Tomus* a libro XXXIV usque ad XLII,) argumenta a nobis hic indicari, opus haud fuerit. Major est enim & multitudo eorum & varietas: inter quæ tamen primum locum obtinet, præcipuaque consideratione dignum est, quod hic relatatum reperimus de justitiæ justa forma Imperio nostro in conventu Westphalico data, atque ita comparata, ut desinat religionum diversitas cursum sufflaminare almæ justitiæ. Ante vero, quam ipsum hunc *Tomum* ingredimur, in limine ejus offendimus novem Reginæ *Christina* ad Legatum suum, *Salvium*, Suecica lingua scriptas Epistolas, adjunctam habentes versionem Germanicam. Quâ occasione Illustris noster Autor in Præfatione præclare differit de istius Reginæ ingenio pariter ac virtutibus, producens etiam Epistolam Confessionarii Legati Hispanici, *Mannerfeldti*, in qua copiose satis satisque concinne Regina hæc secundum singulas suas actiones & consuetudines describitur ab αὐτόπτη & αὐτηκόω. Nec illud omissendum, illarum Epistolarum ipsa avtographa versari in

Autoris nostri manibus, qui Epistolis his partim præmisit, partim subjunxit, numismata, in honorem *Christine* cula a Catholicis, de religionis mutatione ipsi gratulantibus: quorum primum cum ænigmati instar habeat, suam ejus interpretationem proferit Noster, & cujusvis judicio subjecit liberaliter. Nunc, potiora quædam delibaturi, ad ipsum hunc *Tomum* accedimus. *Libri XXXIV* §. 1 & 6 observat Noster acute, hanc fuisse causam, cur anni 1647 mense Februario inducias Elector Bavarus fecerit (idque molestissime ferente Cæsare,) cum Sueciæ ac Galliæ Regibus, ut duæ hæ Majestates consentirent in ipsius dignitatem Electoralem. Bavari vero longa Epistola §. 5 exhibetur, qua istas is inducias excusat Imperatori, acriori passim utens stilo. Paulo post commemoratur & Colonien- sis Electoris & Bavari ab illis induciis recessio, multæque proferuntur lectu dignissimæ Epistolæ, hac occasione ab utraque parte ad alteram scriptæ. Quod argumentum etiam persequitur *Liber XXXV*. Toto enim hoc in *Libro* plenissime relatum legimus, quomodo & quo prætextu Bavarus illas inducias finierit, quamque id moleste tulerint & Sueci & Rex Galliæ. Illud tamen luculenter apparet, non fecisse id Bavarum eo consilio, ut bellum renovaretur ac magis inflammaretur, sed ut citius pax redderetur Germaniæ. Quatuor hic exhibentur Epistolæ *Christine*, Suecorum Regiæ, dolorem ejus ostendentes gravissimum, quem ipsi attulerat renuntiatio induciarum sive armistitii Bavarica. Harum prima ad Electorem Bavaricæ data est, altera ad Regis Galliæ matrem, tertia ad Galliæ Regem, quarta ad *Mazarinum* Cardinalem. Nos, postquam perlegimus Regiæ hujus ad *Salvium* datas Epistolas supraque commemoratas, facillime credimus, non e Secretarii vel Consiliarii cujuscumque, sed ex ipsius Regiæ, calamo eas fluxisse. In postrema suam ea indignationem his verbis exprimit: *Vix credimus, toto hoc bello, adeo multis vitiis obnoxio, simile factum reperiri. Nam cetera qualicumque prætextu colorari possunt: hac præmeditato consilio facta, & ad decipiendum congesta fuere.* Legitur etiam hic §. IX pag. 99 — 108 *Salvii*, Plenipotentarii Suecici, *Defensio Legationis Suecica*, in qua

qua & iniquitatis accusatur Bavarica induciarum sublatio, & Legati Sueciae defenduntur contra criminationem, quasi penes ipsos culpa esset nondum factae pacis. Asperrimum est hoc scriptum, ejusque statim initio Manifestum Bavaricum appellatur *scriptum famosum*. Ceterum ex Bavari Epistolis, pag. 106 — 117 exhibitis, liquet, id sincere egisse eum, ut pax maturaretur, ut conditiones jam initae ne denuo revocarentur in dubium, ut denique, si Catholici quidam Principes cursum pacificationis sufflaminarent, vel invitis illis pax componeretur. In *Libro XXXVI pag. 130 seq.* exhibentur duo *Projecta Pacis*, alterum Caesareum, alterum Gallicum. Docetur hic §. V pag. 172, Gallos Legatos urfisse, ut Rex suus sessionem & votum in Comitibus Germanicis posthac haberet tanquam possessor Alsatiae; sed respondisse Caesareos, id propterea fieri non posse, quia nunquam Alsatia sessionem in Comitibus habuerit ac votum singulare. *Libro XXXVII* continentur controversiae particulares omnes, quae per totum annum 1647 agitatae sunt in conventu pacificatorio, & ipsa hic exhibentur Documenta, quae vocant. Scilicet litis aliquid intercessit inter domum Austriacam & Wurtembergicam, inter Comitem Limburgicum & Episcopum Herbipolitanum, inter competitores hereditatis Saynensis, inter Comitem Waldecciae & Landgravium Cassellanum, inter Comitem Isenburgensem & Darmstadinum Landgravium, inter urbem Magdeburgum & suum Archiepiscopum, inter Episcopum Bambergensem & domum Austriacam, inter Abbatem Corbejensem & urbem Hildesiam. Praeterea hic legas Camerae Imperialis desideria, Erfurtensumque, eam in sua moenia recipere nolentium, literas, (in quibus docent, eo pacto se incolas habituros, qui jactatis multis privilegiis magnas urbi ejusque magistratui allaturi sint molestias & noxas,) & alia, partim ecclesiastica, partim civilia, certamina. Cognitu quoque dignae sunt, quae in §. XV leguntur, graves querelae civium Lutheranorum urbis Campenae (quae pars est provinciae Transisalanæ,) de magistratu religioni addicto Reformatæ, qui ipsis interdixerit suae religionis exercitio. Legati Osnabrugenses Principum Lutheranorum in

suis literis ad Campenensem magistratum datis pag. 245 ex eo metuetundum censent, ne Reformati fiant persecutores Lutheranorum iis in locis, quorum futuri sint per instantem pacem possessores. Occurrunt quoque hoc in *Libro* plures deliberationes de Camera Imperiali (quæ pag. 250 a Legato Luneburgico vocatur *unicum fere illud Romani Imperii clinodium, quod studiosissime conservandum sit exsolvendis jussu tempore salariis.*) sustentanda, iustissimumque censetur, ejus Assessoribus perfolvi sua stipendia. Talium controversiarum particularium cum & *Liber XXXVIII* plenus sit, ex eo annotamus, quod in §. XIII proferantur querelæ de Postis, quas vocant, id est, tabellariis publicis : qua occasione exhibetur pag. 444 — 456 cujusdam Postarum magistri longus libellus, historiam veluti Postarum Germanicarum continens. In §. XVI repræsentatur *Projectum Instrumenti Pacis Suecici, a Suecia Legatis d. 14 April. A. 1647 Casareanis exhibitum.* Doctissimus Editor pag. 457 in subjecta nota docet, hoc exemplar esse genuinum, alterum vero, quod in libris nonnullis reperitur ab hoc multum differens, esse falsum. *Libro XXXIX* continetur gravissima & maximi momenti historia. Perspicue enim & plenissime hinc cognoscimus deliberationes, per anni 1648 duos menses, Februarium & Martium, in Westphalia a Legatis pacificatoribus habitas. Et initio quidem actum fuit de forma Cameræ Imperialis. Ac legitur hic pag. 483 *Projectum Legatorum Imperatoris in puncto justitiæ, & pag. 484 seq.* Evangelicorum ad illud *Nota & Additiones.* Tandem d. 22 Febr. consultationes de administranda in Imperio justitia finitæ sunt, legunturque pag. 498 Legati præ gaudio lachrymas fudisse, quod de ordine & forma judiciorum publicorum ex voto transactum sit. Ac exhibetur pag. 499 seq. ipsa *Formula constituti Judicii Aulici & Imperialis.* Postea actum fuit de *autonomia*, quam vocabant, sive de libertate religionis. Ac pag. 505 seq. exstat *Projectum Legatorum Cæsaris* hac de re, in quo censetur, omnibus Statibus Imperii immediatis competere jus reformandi exercitium religionis : vi cujus cogere possint diversæ religioni addictos e terris suis emigrare ;

emigrare; hoc tamen non obstante eos subditos, qui A. 1624 publicum Augustanæ Confessionis exercitium habuerint, id retinere debere; quod vero ad Austriacas terras atineat, permittere Imperatorem, ut Comites, Barones, & Nobiles ob professionem Augustanæ Confessionis loco & bonis cedere non cogantur, nec etiam prohibeantur dictæ Confessionis exercitium in locis vicinis extra territorium frequentare, modo in reliquis tranquille vivant & pacifice. Ex eo tempore sæpius actum est cum Cæsareis de libertate religionis Evangelicis Imperatoris civibus concedenda: sed nihil effectum, licet etiam Catholicorum Legatorum nonnulli sentirent mitius. Concertatio illa de religione describitur hic a pag. 501 usque ad 540, ubi & pag. 538 seq. exhibetur, quod ea de re conventum fuit inter Legatos Cæsareos, Suecicos, & Catholicorum Evangelicorumque Principum. Finitum etiam est d. 14 Martii dissidium de Gravaminibus ecclesiasticis; & Articuli mutuo consensu compositi leguntur pag. 562 – 576. Libri XL pars magna (pag. 610 – 690) consumitur disputationibus de satisfactione domui Castellane danda, itemque de concilianda domo Castellana cum Darmstadiensi in causa Marpurgica. Utraque vero res successit ex voto. Nec minus compositæ sunt variz lites de amnestia. Ad ultimum Legati Cæsarei pag. 731 novum pacificationis conclusioni impedimentum objiciebant, contententes, antequam cum Suecis transigeretur de *satisfactione militiae*, conveniendum esse de Articulo, cujus initium: *Tandem omnes*, (vid. pag. 463 & 616) in quo agitur de amnestia in hereditariis Imperatoris terris exercenda; volebantque, ita cum subscribi a Suecis, uti formatus erat a Cæsareis. Adjiciebant, nisi hoc fieret a Suecis, pacem se non esse inituros nomine Imperatoris, nec, quantumvis rogati a Legatis Protestantibus, quidquam remittebant. Exponebant etiam (pag. 744 seq.) gravissimas causas, cur ab eo Imperator, quod velit, recedere nequeat. Cum hac occasione quidam Legatorum Cæsareorum dixisset, Imperatorem Articulum illum: *Tandem omnes*, a Suecis redemisse 600000 thaleris, eaque res fiduciam Protestantium erga Suecos haud modice minueret; noster Autor hic

hic (pag. 749 seq.) exhibet ineditum adhuc *Articulum secretum*, ex quo apparet, quæ occasio fuerit iniuste Suecicos Legatos accusandi proditæ securitatis Protestantium in terris Austriacis. Inspiciatur & pagina 759, ubi Imperatoriorum Legatorum unus exponit Legatis Protestantium, qua de causa Suecici a Cæsare illa thalerorum summa promissa sit. Singularem pag. 742 relatam historiolum omittere nolumus. Scilicet in urbe Monasterio mense Aprili tumultus exoriebatur, cuius hæc erat occasio. Duo temulenti Hispani, habitationem Legati Lusitani prætereuntes, ita exclamant: *Vivat Philippus IV, Rex Hispaniarum; moriatur Joannes, Dux Bregantinus, rebellis*. Lusitanus quidam, vocem hanc audiens, sic responderebat: *Vivat Rex Castiliæ: sed, quod Joannes, Rex Portugalliæ, sit rebellis, mentiris*. Quo facto, duo illi Hispani irruperunt in domum, alterque eorum vulnus accepit. Quod simul ac cognovisset Legatus Hispanicus, statim emisit circiter 120 homines, qui, in domum Lusitanici Legati irrumpentes, omnia trucidarent, vel domum incendio dederent. Supervenit autem Monasteriensis cohortis præfidiaræ præfectus, & hos motus antipatheticos composuit. *Liber XXI*, qui hujus *Tomi* ultimus est, totus consumitur tractationibus de satisfactione militiæ danda. Ubi quatuor quæstiones ventilabantur, 1) quis contribuere debeat, 2) cui sumtus belli sint refundendi, 3) quantum, & 4) quomodo. Primo igitur & Imperator & Elector Bavarie contendebant, sibi quoque impensas in bellum factas restitui oportere. In conventu Legatorum Electoralium Trevirensis causas asserabat probabiles, cur nil a domino suo solvi debeat. Colonienfis paratum se præbebat ad solutionem suæ portionis, modo id inde detrachere sibi liceat, quod solvendum habeat Cassellanae domui. Bavarie Legatus censerebat, solutionem hanc pertinere ad omnes Status Germanie communiter: sed satisfaciendum etiam esse sui domini exercitui. Saxonicus decernebat, soli exercitui Suecico satisfaciendum esse, & quidem nemine Statuum ab onere solutionis excepto. Hanc in sententiam Brandeburgicus ibat & Moguntinus. Cetera hoc in negotio acta persequi singulati-

nos vetat nostra brevitās. Ad ultimum consensum est ab Ordinibus Germaniæ universis, dandos esse Suecis, quibus postremo contenti erant, quinque milliones. *Sextus* hujus Operis *Tomus* jam prodiit. Quare & hujus recensitionem brevi his in *Actis* lectum iri, pollicemur.

HENR. CHRISTIANI SENCKENBERGII,
Jcti, & Consiliarii Rhingravici Daunensis, Prodrōmus
Juris Feudalis, in quo de Juris Feudalis ejusque studii
præcognitis, adminiculis, cognitione ipsa, fatis, fontibus,
cautelis, autoribus, & usu, ad mores Germaniæ præcipue, differitur. Accedunt
Appendices quatuor.

Frankofurti cis Mogum, sumtibus Frid. Guil. Fœrsteri, 1734, 4.
 Alph. 1 plag. 1.

Breve scriptum, sed non brevis laboris, non exigui usus, nec tenuis gloriæ. Viam ingredi, qua omnes commeant, occupare, quæ facilis cuilibet offert occasio, & ambitiose venditare, plebejum est; sed sine duce per anfractus sectari veritatem, quæque ipse non didiceris, docere alios, & modeste docere, hoc vero præclarum magnæque industriz semper fuit habitum. Non una extat Juris Civilis & Publici methodus, sed Juris Feudalis adhuc nulla; cum tamen in discendo non minus, quam docendo scribendoque, non parum a multis peccetur. Ergo derelictam provinciam bene occupavit ab omni utiliori scientia feudali instructissimus Autor, & exemplo prodesse primus voluit tyronibus æque ac provectioribus. Octo Capitibus tractatio absolvitur. *Caput I Præcognita Juris Feudalis* complectitur. Primo requiritur notitia latinitatis barbaricæ, crebra lectione obtinenda. Deinde studium linguæ obsoletæ Germanorum, cujus adminicula docentur, itemque Gallicæ, quia Gallorum instituta feudalia plus ex antiqua forma servarunt; item cognitio historiæ Germanicæ & Italicæ, & quodammodo exterræ, ubi præcipui scriptores, tum generales, tum particulares, recensentur. Sub *Friderico Barbarossa* omittitur *Guntheri Liguri-*

- Pag. II & 35
 in not.
- 17.
- 23.
- 33.
- 44.
- nus, quem Autor non alium putat, quam *Ottonem Frisingensem & Radevicum*, sequiori ævo versibus redditum. Commendatur porro studium antiquitatum Germanicarum, præcipue rei Diplomaticæ, cujus amore Cl. Autor utilem facit digressionem, atque obiter inspergit binas Epistolas, ex quibus apparet, *Jo. Gr. Eccardum*, cum ad Romana sacra transisset, in controversia cum *Nunningio* errorem suum professum, & *Nunningio* publicam palinodiam promississe, quam tergiversando deinceps distulit, cum indignatione Jesuitarum. Denique studium Juris privati civilis, tam antiqui, quam hodierni, condignis laudibus effertur. *Caput II de adminiculis studii Juris Feudalis* inscriptum est. Quæ sunt 1) antiquitates Germanorum militares, ubi quæstio, an liceat in feudis majoribus, domino inconsulto, subvassallos sibi adjungere? affirmatur; 2) doctrina de aliis beneficiorum generibus, quæ vulgo etiam *Lehen* dicuntur; 3) Jus Germanorum publicum, ad cognoscendam feudorum Imperii naturam & immunitates; 4) Exterorum feudalium instituta, ubi quædam de illorum scriptoribus allegantur. *Caput III de cognitione ipsius disciplina acquirenda* agit, ubi de methodo, de præjudiciis fugiendis, de actorum feudalium lectione, &c. *Caput IV fontes* indicat. Commendantur 1) leges antiquæ gentium Germanicarum, quarum collectionem frustra promissit *Eccardus*, obiterque ostenditur, Constitutionem de expeditione Romana perperam *Conradi II* creditam esse, cum privata sit consignatio, sub *Ottonis IV* confecta; 2) Diplomata & Acta MSta, & Observationes exinde concinnandæ. Adduntur in fine regulæ de usu fontium diversorum. *Caput V de Historia disciplinæ per secula*, *Caput VI de notitia optimorum Autorum, imprimis systematicorum*, disserit. De singulis fertur judicium, non (ut vulgo fit) ex titulis librorum, aliorumve autoritate, sed ita, ut ipse Consultiss. Autor prudenter & cum cura legisse omnes videatur. *Caput VII de studio præcipue in his collocando, quæ usus alicujus esse possunt*, doctè & prudenter agit. Cum Bibliotheca Juris Feudalis nondum satis accurata habeatur; specimen daturus Autor, recenset ordine scriptores tam universæ Germaniæ, quam singularum provinciarum, notatque diligenter, ubi quid desideretur, posterorumque indu-

industriæ relictum sit. Ubi de feudis Fuldensibus agitur, occasione controversiæ inter *Schannatum* & *Eflorem* atque etiam *Kayserum* de feeminarum a feudis Fuldensibus propriis exclusione, profert, rogatu amicissimi *Schannati*, Cæsaream ea de re sententiam de A. 1523. Sequitur *Caput VIII de cognitionis acquisitæ in usum deductione*. Accedunt *Appendices*, quarum *I* continet *Delineationem Thesauri Antiquitatum Germanicarum*, qualis a Cel. *Trenero* A. 1729 confecta fuit, quam vero superiori anno *R. A. Noltenii* opera insigniter auxit; *II E-mendationes Libri veteris de Beneficiis*. Unam atque alteram Autor ex ingenio suo affert, satis feliciter. Ceterum *Thomasiana* editio comparatur cum antiqua Colonienfi, quam ignoravit *Thomasius*, quæ quidem vitiosissimas plurimas, sed tamen & bonæ frugis, lectiones suppeditat. Commendamus *Supplementa ad Thomassium pag. 142 §. V, pag. 145 §. XVI, pag. 159 §. LX, pag. 164 §. IV, pag. 168 §. XV. Pag. 169 inde a §. XXI usque ad finem*, omnia quidem in veteri editione differunt, sed admodum depravate, ita tamen, ut prudens lector sanare possit *Thomasianam*. *III Sciagraphiam Juris Feudalis Germanici* legis, qua ipse Autor in erudiendis aliis cum fructu usus est. Tota enim disciplina feudalis brevissimis thesibus docte & accurate comprehensa non potest non placere tyronibus, quos omnis onerat multitudo. Simul hic inter ipsa rudimenta paulatim discunt discernere, quæ vere sunt Juris Germanici, ab institutis Longobardicis, quæ usui aliquando esse possunt, ab iis, quæ inutiliter addiscuntur. *IV Bine Diplomatum feudalium selectissimorum Decades* habentur. Sunt ea Seculi XIII & XIV, pleraque omnia etiam ex originalibus descripta. Observationes, quæ subjiciuntur, breves illæ quidem sunt, sed varia Juris Feudalis Germanici capita illustrent, vel adhuc obscura vel ignorata. Subnectimus subnectendam Consultissimi Autoris *Epistolam ad Fratrem, Jo. Erasm. Senckenberg, Jur. Stud. Altorf. de Prodromo Juris Feudalis nuper emissæ 1735, plag. 2, in 4*. Quæ varia continet memorabilia. Nimirum majus de *Jure Feudali Germanorum* Opus jam diu molitur Autor, atque hunc *Prodromum* emisit, ut eruditorum de suo instituto judicia cognosceret, ut *Diplomata* aliaque subsi-

Pag. 6 seq.

13.

dia eliceret, ut haberent interim tyrones introductionem ad Juris Feudalis disciplinam. Deinde clarius quædam exponit, quæ in Prodomo brevius dicta fuerant. Contra Ill. *Gebauerum* bona Germaniæ dividit non in tres species, sed in duas, in *Alod* & *Leod*, hujusque posterioris speciem facit *Feod*. *Alod* interpretatur prædium ab omni servitio liberum; *Leod* vero servitiis obnoxium. Olim quidem tum Vassallos, tum homines proprios, a servitiis dictos ait *Leodes*, *Liute*; Vassallos tamen servitiorum militarium honore distinctos, eorumque bona in specie *Feod* fuisse appellata. Porro *simultanea investitura* non tres, ut *B. Schilkerus* quondam, sed quinque statuit species, omnia copiosius in majori Opere persequitur. Favent omnes boni Juriumque patriæ amantes diligentissimi Autoris conatibus, opusque tam utile, tam expectatum, votis & subsidiis juvabunt.

MEMOIRES POUR SERVIR A L'HISTOIRE des Insectes &c.

h. e.

COMMENTARII, AD HISTORIAM IN-
sectorum illustrandam compositi, Autore DE REAU-
MUR, Regiæ Scientiarum Academiæ Socio.

Tomus primus, de Erucis &
Papilionibus.

Parisiis, ex Typographia Regia, 1734, 4 maj.
Alph. 3 plag. 13, cum Tabb. æn. 50.

Magno animæ majorique successu, Historiam Insectorum condere aggressus est, post quosdam non ultimi nominis Viros, qui in hoc labore defudarunt, *Swammerdamium*, *Goe-dartum*, *Liscerum*, *Redi*, *Valinerium*, *Malpighium*, *Derhamum*, *Albinum*, aliosque, fulgidum Academiæ Regiæ Parisiensis fidus, Cl. de *Reaumur*, cujus, quæ in Actis Academiæ illius de hoc argumento aliisque quamplurimis, ad historiam naturalem spe-

spectantibus, habentur, Opuscula jam cupidos fecerunt Lectores
 aliorum conatum, quibus ille ordines animalium minutulo-
 rum illustraturus erat. Prodiit denique Erucarum & Papi-
 lionum theatrum, quo jucundissima, quibus illæ in hos trans-
 formantur, spectacula exhiberi cœperunt. Amplior visa
 fuit materia, quam quæ unico Opere exhaustiri posset;
 quo factum, ut proditurum *alterum* istius Historiæ *To-*
mm expectent omnes, quandoquidem prima molimi-
 na ex voto omnino cesserunt. Prima meditatio genera-
 liores de Insectorum historia cogitationes exponit. Conce-
 ptuum & idearum varietas ipsa herbarum multitudine abun-
 dantior esse declaratur in hac historiæ naturalis parte. Ste-
 rilem esse de Insectis commentationem, negatur, quandoqui-
 dem de mechanico, ad bonum publicum redundante, insecto-
 rum usu inter omnes constat. Cochenillæ æque ac Kermes
 celebrata tinctura docet, opuntiz ilicisque cocciglandiferæ
 gallas, nidos scilicet istos, quibus animalcula infecta quæpiam
 formantur, non ultimi momenti esse. Usus quorundam
 insectorum medicus, Cantharidum, millepedum, sanguisu-
 garum, extra dubium positus est. Curculiones, quibus fru-
 menta depascuntur, Teredines marinæ, navibus infensæ, quo
 abigantur, sui considerationem possulant. Vivendi exempla
 desumuntur ab aranea, cujus æque ac formicæ aut apis indu-
 striam prædicamus, suntque ex plebe, qui Mantem, Locustæ
 speciem, precantis supplicem figuram suo modo imitantem,
 cum admiratione intueantur, nihilque fuit hætenus ex omni-
 bus ad rem naturalem facientibus, quibus vel magis ob ad-
 mirandorum frequentiam delectetur, vel ad Numinis cogni-
 tionem efficacius instigetur vulgus, quam minimorum con-
 sideratio, quorum tamen mechanisimus, industria, & finis, in
 plurimis nos latet, paucioribus existentibus, quæ aliquam sui
 hariolationem faciant, qua factum fuit haud semel, ut pro ve-
 ritatibus opiniones imprudentius obtrudantur. Exemplo sint
 Cel. *Maraldi* tradita de tribus saltem in republica apum
 reginis, de singulari grillotalpæ ova sua recondendi industria,
 & sic porro. Quo motus Cl. Autor, perlectis & studiose
 evolutis, qui jam aliquam tenebris istis lucem accenderant,

quæ admiranda maxime omnium est contingentium in minutis Insectis phænomenorum, transmutationem sibi exponendam, novisque a se ipso factis experimentis illustrandam, suscipit. Habuit equidem Cl. *Swammerdamius*, qui inter omnes de hoc negotio efficacissime commentatus est, facies præferentem, verum, sicut, parum sufficere istam methodum, omni modestia demonstraverat, ita, meliora scribendi occasionem se ab ipso accepisse, haud obscure fatetur. Recensetur Celebrerrimi illius Viri insecta in ordines redigendi ratio, qua factum, ut alia sint sibi constantia, nullamque transformationem passa, quæ denuo in ovipara & vivipara subdividuntur, alia, quæ transformantur, suamque, quam ex ovulo habuerant, speciem non servant. Primo ordini accenseri Pulicem, merito taxat, utpote quem *Leuwenhækius* & *Valisnerius* inter illa recensuerunt cum ratione, quæ pristinam formam exuunt. Transformationis legi obnoxia sunt reliqua; leviori scilicet, quæ ex Scarabæorum aut Muscarum sunt genere, notabili mutatione Papilioes, a pristino statu declinant. Nomina etiam diversa sunt, quæ his vel illis mutationibus insectorum imponuntur. Nymphas vocat involucra & crustas insectorum, quæ, pedibus primum formatis, alas ex metamorphosi indispicantur, prout Vespe, Fuci, Muscæ, quibus synonymum quandoque est Aurelia, verum Chrysalides sunt Calyptræ, intra quas, pedibus profus latentibus, ex reptili volaticum fit insectum. Hos terminos ex classicæ autoritatis viris retinuit Noster, suam eorundem placitis methodum superstruens. Postquam enim præmonuit, æquivocam esse transformationis, quæ de insectis prædicatur, notionem, quandoquidem papilio non novum sit productum, sed creatura, sub Erucæ habitu latens, quæ, evolutis reptilem formam præ se ferentibus spoliis, sub volatica demum forma appareat, suam mentem proponit. Ordines scilicet ex sensualibus, formam externam definientibus, characteribus depromit, illam puta formam, quæ nascendi originem, vitæ progressum & terminum, qui transformatio est, insimul definiat. Mirari convenit, quanto animo Cel. Autor hunc spatiosum creatorum campum, ipsis herbarum artis spatiosiorum,

rem, ingressus sit. Labori aliquod levamen dedit jucundissimum, familias insectorum intra domicilia arte facta concludendi, institutum, quo in compendio transformationum spectacula habentur, palatium omnibus Regum vivariis, quibus feroces bestiae concluduntur, præferendum. De Insectis perfectam mutationem habentibus incipit oratio, Erucas puta, quæ papilionem paulo post futurum visceribus suis gerant, vel papilio sint, epidermide, hoc vel illo modo conformata, instructus. Tria sunt, quæ hoc potissimum *Tomo* sibi agenda præfixit: Erucarum ordo, Chrysalidum, quæ sunt Erucæ in Papilionem transiturae, dum mutatio fit, mechanismus & series, papilionum denique, quæ sic exuviis depositis emergunt, familiae. De Erucis hæc habentur. Erucæ sunt Insectum ex ovis Papilionum natum, definito ætatis decursu intra Chrysalidem absconditum connata industria corporibus vegetabilibus aliisque appensum, & diversis stationibus in papilionem degenerans. Differentiæ aliæ desumuntur a duratione. Habentur enim, quæ per æstatem tantum vitæ curriculum ab ovo ad papilionem ducunt, habentur, quæ autumnus ex ovo prorepentes, per hyemem byssino vivunt involucrio, donec ineunte vere metamorphoseos negotium suscipiant, quam in gratiam, quo frigoris injuriam minus paterentur, subterraneis vel aliis reconditis intra truncos arborum similibusque locis absconduntur. Alia a corporis superficie desumitur differentia. Sunt enim toto corpore squamosæ, sunt membranaceæ, hispidae sunt aliæ, aut spinosæ, aut pilis præditæ, aliæ glabra pelle vestiuntur, modo uniformi, modo versipelli, macularumque coloribus luxuriante. Industriæ Cel. Autoris debentur instructi ex numero pedum, quibus Erucæ incedunt, ordines. Commune id omnes Erucæ habent inter se, quod tribus primoribus annulis, quibus corpuscula, modo pluribus, modo paucioribus, abundant, tres utrinque habeant annexos pedes; verum id peculiare habent familiae Erucarum, quod aliis squammosi sint tres isti utrinque priores pedes, aliis glabri. Maxima intercedit diversitas numero pedum membranaceorum, quorum alii ultimum quandoque articulum, alii intermedios, occupant, qui

qui a duobus ad sedecim numerantur. Ex ista numerandi pedes solertia septem Erucarum classes enascuntur. Natalis Erucarum locus non levem iisdem inter se diversitatem conciliat. Habitat scilicet es, quæ Brassicam, Esulam, Urticam, Bistortam, Oleandrum, Ornum, Fœniculum, pro patria agnoscunt, intactis relictis reliquis plantis omnibus, id quod tamen non constantis observationis est in quibusdam. Omnium vero anatomica declaratio, partiumque in iisdem usus, qui solertia insigni exponitur, perinde est. Caput externe squammis horret, pedibus incedunt loricatis tribus utrinque anterioribus, imo & ultimis, intermediis membranaceis, omnibus tamen quasi ocreatis; nam crustam hanc pedum exteriorum ex substantia corporis non esse, pedesque ex hac theca foras trahi, metamorphosis docet. Furcæ pedes terminant, quibus sui sunt articuli, plurimi sine dubio, cum eodem abscondere, retrahere mire, flectere, incurvare, possint. Organa masticationis validissima existunt, effectu id clarum efficiente, maxime in illis, quæ quercuum integra nemora depascunt, foliisque nuda efficiunt, aliter tamen longe comparata, maxillam inferiorem aliquam, aliquam superiorem, non appellaveris, sed laterales potius, dextram aliquam, aliquam sinistram, utramque validissimo dente armatam, quo in proportionem corporis majores Elephas aut Hippopotamus non habet. Labium tamen aliquod superius est, aliud inferius, quo cibos arripiunt, inferiore hoc peculiare obtinente, quod instrumentum, quo fila nent & ducunt, tuberculare obtineat, sicut fila ducendi necessitas, antequam Chrysalides fiunt, plurimis est, imo omnibus, quamvis non omnes sub tegmine byssino mutantur. Sed in capite lucida puncta micant, oculorum officio fungentia. Dorsum ad longitudinem octodecim ornatur stigmatibus, utrinque novem; duodecim scilicet sunt annuli, quibus corpus construitur, excepto primo, secundo, & ultimo, hoc peculiari industria constructa organa obtinent, quibus trachearum & spiracularum instar utuntur bestiolæ. Magna sane est de respiratione Erucarum controversia, an per prædicta dorsi spiracula attrahant emitantque simul spiritum, an diverso a priori loco expirent. Ulti-

mam

nam sententiam amplectitur Cl. Autor, arbitraturque, non thoracis tantum, quæ ori subsunt, spiraculis, sed toto corpore, exhalare easdem, quandoquidem aquæ submersa Eruca bullulas aereas passim ex cute emittat. Curiosum etiam est, aeris penuriam patientius ferre insectum hocce, quandoquidem tribus sub campana horis exantlato aere subsistisse saluum prædicatur. Cor, quale reliquis animantibus est, auriculis ventriculisve instructum, nullum habetur; est tamen machina cordi analoga, systolen & diastolen exercens, totam ventris longitudinem occupans, concatenatam corculorum seriem secundum *Malpighium* præ se ferens, cujus motum secto per medium animalculo observare licet. Integra est isthæc etiam in papilionæ machina, sed contrarium motum servans; nam curiosum est, Eruce humiores ab inferioribus ad superiora, Papilionum vero a superioribus ad inferiora, dirigi. Fibrarum circularium fasciculi, per segmenta dispositi, motum reptilem conciliant. Difficile sane dictu est, quandoquem papilio est Eruce interaneum, an excessisse Eruca, quando velum reptile deposuit, dici debeat, ut juvenis sit animal papilio, an vero in senii limite constitutus. Mirabilis ista res est: pluribus Eruce vicibus, quasi metamorphosi suæ præludentes, spolia exuunt, quatuor id per vitam vicibus peragunt setosæ, & exuvias istas Erucarum simulacra esse deprehendimus; ægrotare diceres, quando periodus ista appropinquat, flaccescunt, quietæ permanent, quale quid & reliqua animalia, cutim vel pilos mutantia, experiuntur, auctioresque forma & natura paulo post apparent. Ultima exuviarum depositio ea est, quæ chrysalidem immediate prægreditur, de quo magno opere priusquam dicere suscipiat Cl. Autor, Papilionem Eruce ad latus ponit, de metamorphosi paulo post acturus. Papilio est Eruca ipsa, alis antea sub tegmine quopiam latentibus, nunc metamorphosi explicatis, volatica facta. Quamvis autem & Mulseæ, Scarabæi, Ephemeræ, Libellæ, aliæque, ex reptili insecto fiant; nihilo minus ea est naturæ æterna lex, ne ex Eruca quidpiam præter Papilionem enasci possit. Genericus istius Insecti character est, quatuor habere alas farinaceas, cum reliquorum quadripennium alæ pel-

lucidæ sint & membranaceæ. Farina isthæ microscopiis armato oculo egregium plumularum squamularumque lufum exhibet; est quæpiam, qua thoraci junguntur alæ isthæ, articulatio, cui etiam sex, tres scilicet utrinque, pedes subfunt, quamvis non omnes sex pedibus incedant; est scilicet papilionum species, quæ quatuor saltem primoribus, cum sex habeat, incedit. Tria in trunco papilionis consideranda veniunt, caput, thorax, venter. In capite consideratu digna sunt organa, oculi, antennæ, proboscides. Oculi equidem videntur utrinque unus esse, sed pro corporis magnitudine maximus mirisque coloribus ludens. Non una est isthæ simplex vîla cornea, sed plurimis arcibus distincta, quarum singula est planum ellipticum politum. Cl. *Purget* calculum istorum punctorum crystallinorum in singulo papilionis oculo duxit, deprehenditque, triginta quatuor millia sexcenta & quinquaginta reperiri. Præmatris instar iridem effingunt ocelli isti, inque eorundem superficie objecta infinitis, prout in vitro polyedro, modis multiplicantur, ex homine exercitus fiunt. Possibilitatem illius rei curiosissime & perquam docte Cel. Autor stabilivit. Pili supra isthanc multangularem evascuntur corneam, quibus, Argo oculatiores esse istas bestiolas, declaratur. Antennæ, quibus caput præmunitur, articulis flexibilibus plus vel minus conspicuis construuntur, quarum usum physicum in concilianda papilioni expiratione constare, suspicatur Cl. Autor, quamvis nihil certi definiat. Luculentum sane est istius rei experimentum, aer ex submersi papilionis antennis sub forma bullularum prodians. Interim magna istius organi in definiendis Papilionum classibus utilitas exsistit. Primum genus continet Papiliones antennis globosis, alterum antennis clavatis, tertium antennis clavam Herculis referentibus. Terminos Gallici idiomatis *masse* & *massue* commodius Latino sermone efferre haud licuit. In quo si quid, prout & in aliis, præter mentem Autoris scriptum est, ignoscendum id est nobis, quibus ad disciplinarum culturam unica, maxime quod elocutionem partium in animalibus, plantis, aut notiones figurarum, attinet, placet Latinitas. Quantum Papilionum genus

nus antennis secundum diametrum crassioribus, quam latis, reliqua antennis, prismaticis, conicis, granulatis, definiuntur. Peculiare id habent Phalenæ, quod plumaceas obtinuerint antennis, quarum majores & elegantiores barbulam ad basin antennarum gerunt, quæ, si major sit, marem, si minor, sæminam, indicat; omnibus mobiles sunt antennæ isthæ, quotquot ex phalenarum classe sunt. Tertium capitis momentum est promusci, modo in unum & dimidium, modo in plures circulos ducta, modo, prout in omnium maximis, quatuor exacte circulos explens. Usus promuscidum istarum equidem non unus esse videtur, maxime tamen notabilis ille existit, quem in suctione præstant, nam hic inversum quempiam ordinem videtur secuta fuisse natura. Cum papilio sit Eruca senex, fugit, id quod infantis est; Eruca vix ovo papilionis egressa manducat, rodit, depascit, id quod provectioris ætatis est. Extrahunt sane Papiliones evoluta & immissa calycibus florum promuscide vegetabilem dulcemque circa pistillum aquam. Quandoquidem vero duplex vas in singula Papilionis proboscide observatur, ita, ut fissus per medium & bipartitus haud absone appareat, alterius canalus usus esse potest inspiratio aeris. Manuum fere officio funguntur isthæc organa, siquidem mire volvere moles his ipsis possunt. Et hoc scilicet organum cum alarum & antennarum consideratione classificationi haud parum inservit. Neque vero præceps ex Eruca in papilionem ruit opifex naturæ, utpote quæ saltus omnis impatiens sit, sed medius quispiam est inter Erucam & Papilionem status, nec unum, nec alterum, visus. Chrysalis est corpus animatum ex Eruca, postquam illa exuvias fecit, interaneis emergens, motum localem nullum, intestinum tamen parte sui postica manifestum, exercens, itidemque respirans, sed sine alimento perdurans, cujus actionis nulla habentur organa, corporibus peregrinis adhærens filo vel vinculo, vel in domicilio byssino, quod Eruca ante mutationem naverat, delitescens, ad perfectæ mutationis in papilionem statutum terminum. Superficierum in Chrysalide non levis est diversitas; dantur gibbæ, glabræ, asperæ, angulares, rotundæ, quas fabas a figura appellant. Aliæ sunt, quæ diurnos, aliæ, quæ nocturnos,

nos, papiliones pariunt, habenturque, quibus cognosci possit futuri foetus diversitas, manifesta signa. Latet sub velo Chrysalidis effectus omni sui parte, mire ad leges animalium in ovo nascentium convolutus, & aquis etiam circumdatus, papilio, ovo haud dissimilis, adeoque est Chrysalis, vel secundinis foetum includentibus; interim novum non est productum papilio, sed vera Eruca. Experimentum fecit Cl. Autor; abscissi Erucarum pedes, & in papilione præcissi fuerunt, quos adeoque constat partem fuisse Erucae & Papilionis communem, cum aliae vel Erucae, vel papilioni, propriae habeantur. Mirum sane videtur omnibus, qui fiat, ut sine nutritione subsistere possit Chrysalis, qua fiat, ut papilio Eruca grandior progignatur ex emaciato per famem sedecim pluriumve dierum corpore. Tres grani unius quartas ponderi Chrysalidis, ex quo formata fuit, donec erumperet papilio, decessisse deprehendit Autor, nec plus. Admiratione dignissima res est, Erucarum, qua sese ad mutationem disponunt, industria, quam ingenio proximam, magnoque magistro edoctam, quilibet intelligit. Quaedam serica corporibus suis fila conglomerata obvolvunt, eademque vel spissa, vel rara, vel sincera, vel terræ remixta, integro globo vel segmentum terræ suscipiente. Supra terram byssina sibi quaedam construunt domicilia, effodiunt hanc, ibidemque lares construunt aliae. Hæ omnes, quæ fila glomerata ducunt, setosæ sunt, capillatæ, hispidæque, quamvis ex lævibus quæpiam hanc sequantur legem. Læves Erucae pleræque, breviori methodo usæ, antequam chrysalides fiant, remoto a planta supra, quam vixerant, loco, rarius in ipsa sese, contorto possicis pedum uncis filorum monticulo, præcipientes dant, & prono pendent capite. Magnus ille est labor, nec uno lectu tela, quæ corpusculi pondus sustinere possit, perficitur; magnus eorum est numerus, qui horizontalem, dum in Chrysalides mutantur, situm servant, eundemque per omnia similem vix habent, prono aliae magis, aliae in sublime elato vertice ultimum diem expectant. Quæcunque horizontaliter collocantur in stirpibus arborum aliisque passim locis, situm huncce suum obsirnant ducto sibi ipsi & probe obligato circa corpus sericeo

sericeo vinculo. Præsens stupendi istius operis spectator & admirator fuit Cel. Autor. Prælagium fati imminentis habent *Erucae*: abstinent a cibo, languent, immotæ jacent, ut mortuas existimes. Salutaris futuro papilioni morbus iste est; nam verosimile est, eo tempore inverti humorum circulum, quem dixerat Autor alio in papilionibus, quam in *Erucis*, circuitu progredi; paulo post, quam hæc facta sunt, novas recuperat vires *Eruca*, paulo post nulla futura, movetur, sese intorquet, gyros agit, omnibusque viribus tentat, quo rumpatur, prout, cum exuvias poneret, per vitam sæpius fecerat, cutis; ecce prodigium, crederes, novellam futuram erucam, quæ eluctatur; diversa est tota facie bestiola, *Chrysalis*, quæ paulo post sic volumine aucta apparet, ut negares, intra *Erucae* cutem delituisse, quam, nisi acutus sis & industrius spectator, incassum, ventis forte abactam, quæres. Observavit tamen Cel. Autor, & observasse quidem in *Erucis*, quæ sericum nent, non magni laboris est, nam intra glomerem mutatio ista peragitur, verum non mediocris fuit felicitas, *Erucae* evanescentis cutim prope monticulum sericeum animadvertisse in illis, quæ pendulæ sunt. Eodem, quo *Eruca* pependerat, loco, ex eadem tela arachnoidea, quam *Eruca* struxerat, *Chrysalis* pendet, carcere suo progressa toto corpore madet, intense sudat, & aeris saltem beneficio crustaceam istam, qua gaudet, duritiem indipiscitur, viginti quatuor horis, dum hæc sic fiunt, effluentibus. Utque constet, *chrysalidem* hancce *Erucam* sub alio volumine & figura esse, stigmata supersunt seu spiracula eadem totidemque, prout in *Eruca* fuerunt octodecim numero, sed habitu diversa, nam cæca sunt foramina, exceptis primoribus, quæ cum thoracicis papilionum spiraculis postea communicant. Respirant bronchiis suis *Chrysalides*; nam suffocari possunt, nam bullulas submersæ emittunt, inde & ventrem motitant durius habitæ, libebitque in iisdem, paulo ante *Eruca* egressis, tenerrimis, madidis, & pellucidis, humorum circulum observare. Peculiaris omnino est *Chrysalidum*, quæ in glomere bombycino fiunt, vivendi ratio. Equidem omnes *Erucae* fila nent, gregarie scilicet aliæ, quæ nidos in vivendi commoditatem aranearum

inſtar ex tela ſtruunt, vel ad ntigrationes filo ſericeo utuntur, quando deſcendunt, ventisque in vicinum arborem abigi optant, aliz ſolitariaz, quæ unica vice in mutationis confinio opus peragunt. Verum ſingularis quispian eſt Bombycis labor, quando ſibi totique generi humano pretioſa & utilia fila ducere ſuſcipit. Non bombyces tantum, ſed omnes Erucaz ſetoſæ, id peragunt, ſuntque ex illis, quorum glomi filo rudiori quandoque, quam ut ad opus artificum & textorum deſtinari poſſint, quandoque etiam ob ſubtilitatem inepto, conſtantes, poſſent arte corrigi, &, prout Illuſtris Montipeſſulanus Præſes de Bon in aranearum filo demonſtravit, domeſtici & familiares reddi. Perutilem ſine dubio præſtituræ eſſent operam pleræque erucarum, niſi ſericeo operi ſolia Lichenis, prout Lichenea & Biſmalvæ Eruca alizque quamplures faciunt, intertexerent, niſi terreis granulis laborem ceteroquin elegantem conſpurcarent. Eluctatur denique ex Chryſalide papilio, non ſimili apud omnes temporis, ex quo mutatio ſuſcepta fuit, intervallo. Decem quandoque, quindecim, vel viginti, dierum, aliquando pluribus menſibus, haud raro integri unius anni fere ſpatio, donec hæc omnia fiant, opus eſt. Mira eſt Papilionis, chryſalide ſua exeuntis, conditio. Toto corpore madet, corrugatas habet alas, breviores viſas, ſed quæ paulo poſt in convenientem formam expanduntur, & ab aere exſiccant, prout decet, indurantur. Rumpitur in thoracis ſui dorſo, qua parte longitudinalis linea ducta hunc in finem eſt, Chryſalis, & majori omnino conatu natales celebrant, quæ glomere ſericeo includuntur, utpote quibus duplex repagulorum ſeries, duplex murus, effringendus ſit, cum ſua ſponte abſcedant illarum, quæ nudæ pendent, cruſtæ, ſolo papilionis incremento id efficiente, ne integræ permanere diutius illæ poſſint. Singulare eſt, immediate poſt exitum exonerari alvum recens nato papilioni, prout Eruca, antequam mutationis ſuæ initium faceret, id ipſum redditis copioſioribus excrementis fecerat, curioſius longe, ſanguineas iſtas eſſe feces, quo factum, ut pluvia ſanguinea cœlitus delapſa infelici omne crederetur in Provincia Galliz circa Aquas Sextias A. 1608, cum papilionum ſorte major

major proventus esset, prout istius rei in vita *Peirescii Gassen-*
dur memoriam condidit. Papilio recens natus, quamvis, si
 Erucam in Papilione superflitem spectes, juvenis aut vir sit,
 respirat, comedit, se suamque speciem generando, & ovula po-
 nendo, conservat. Mirari sane convenit, an majori animo a-
 gendum susceperit, an majori successu ad finem perduxerit, par-
 vi animalculi amplissimam historiam, Parisiensium decus,
Reanmurius.

DISQUISITIO MEDICA ET PHILOLO-
gica de Variolis & Anthracibus, ubi de utriusque af-
fectus antiquitatibus, signis, differentiis, medelis, dis-
ferit PAUL. GOTTLIEB WERLHOFF, D.
Medicus in Aula Hanoverana Regius. Accedit RU-
DOLPHI AUGUSTI BEHRENS, D. Differ-
tatio ad Autorem Epistolica de affectionibus a
comestis mytulis.

Hanoveræ, sumptibus Hæredum Nicolai Færstleri
 & Filii, 1735, 4.
 Plag. 21.

Quid Cl. *Habnio* de variolarum antiquitatibus videatur,
 & quibus argumentis eas non ab Arabicis denuum, sed
 Græcis jam Latinisque, scriptoribus anthracum & carbunculo-
 rum nomine descriptas fuisse propugnet, superiori Anno in his
 Annalibus nostris pag. 206 retulimus. Æquum igitur est, ut,
 cum Medicus quidam elegantissime doctus, qui cum amplissi-
 ma omnis generis doctrina, copiosissima lectione, admirabili
 judicii acumine, & ingenii venustate, parem ubique modestiam
 conjungit, eoque nomine sæpius jam a nobis laudatus fuit, sen-
 tentiam illam examinandam consultandamque suscepit, de
 hujus quoque rationibus in contrarium allatis strictim brevi-
 terque agamus. Summa illorum, quæ disputat, eo redit. Va-
 riolæ

riolæ morbum plane singularem, suisque singularibus characteribus, quorum præcipui percententur, facile distinguendum, constituunt. Atque proinde accuratam, & ab aliis distinctam, sibi que coherentem, morbi historiam literarum monumentis consignaturi, & præcipuos characteres perspicue & diligenter expressuri fuissent veteres illi accuratissimi alias morborum observatores & enarratores, si ejus aliquam habuissent notitiam. Id vero factum non esse, inter omnes constat. Ubi igitur isti characteres indicati non fuerunt, ibi commemoratio variorum exanthematum, pustularum, papularum, ulcerum, crustarum, tumorum, inflammationum, abscessuum, quamvis etiam quædam signa pluribus morbis atque etiam variolis communia simul enarrentur, certos nos de observata eadem lue reddere non posse videntur. Quamobrem perperam hinc variolæ eruuntur, cum omnes ii affectus vel ad morbos variolis affines, vel ad variolas spurias, pertineant, hodieque crebrius occurrere consueverint. Post commemoratas aliorum de variolarum origine opiniones, non incongruam Celeb. Autor putat esse conjecturam, illum affectum in alicujus nationis a commercio ceterarum gentium satis remotæ latebris, & fortasse apud Nigritarum interiorum aliquos, latentem, & velut absconditum, deinceps autem per contagium, & commercia frequentiora, ad reliquas nationes translatum, & magis magisque diffusum fuisse, maxime per Saracenos. Haud enim alia ratione, quam per contagium, propagatur, quod fomitem illum, qui in ipsa nativa humani corporis textura inest, illi inquinamento suscipiendo idoneum, sub statu præcipue epidemico favente, agitatur & accendit. Fomes hic in parte quadam totius massæ sanguineæ crasin ingrediente, tenuissima & *μνογένης*, latitat; qualis autem proprie sit ille, explicari nequit. Quoniam Cl. *Habnii* præfatus in loco quodam *Herodoti*, qui primi & secundi a Christo nato Seculi Medicus fuit, atque in anthracibus & carbunculis veterum scriptorum sententiæ suæ præsidium collocavit, reliquis autem argumentis parum inesse roboris credidit; Celeberrimus quoque *Werlhoffius* id sibi negotii datum esse existimavit, ut utramque rationem præ aliis sub

sub accuratissimum examen vocaret. Quod enim ad locum *Herodoti* attinet, contendit Cl. *Habniz*, historiam & differentias variolarum ab hoc Autore sub pustularum in febribus nomine adeo graphice, ut vix a quoquam ante *Sydenhamium*, descriptas superesse. At enim vero non fuit forsitan Viro Celeberrimo ad manus ipse codex *Actii*, apud quem, & nusquam alibi, exstat *Herodoti* exanthematum sive pustularum in febribus curatio. Certe, si ea integra eo ordine, quo scripta est, perlegatur, prorsus planeque diversam esse patebit ab istis, hinc inde extra contextum a Cl. *Habnio* selectis, & ex tractatione de diversis pustulis, pro solum variolarum historia conficienda contextis & interpolatis excerptionibus, ita eleganter dispositis, ut verarum variolarum satis nitidam historiam complecti videantur. Quod ut eo certius cognoscatur, eadem variolarum historia, & prout a Cl. *Habnio* traditur, & prout in *Actio* extat, a Cl. *Weriboffio* repetita fuit. Sane *Actius* generatim agit per singula capita de singulis febrium symptomatibus, atque eo quidem, quod in controversiam venit, capite ex *Herodoto*, & sua forte solum experientia, non singularem aliquem morbum pustulosum, sed varia partim critica, partim, & præcipue quidem, symptomata febrium intermittentium & continuarum, benignarum malignarumque, exanthemata, eorumque indicia & medelas, satis promiscue pertractat. Pro veterum more secundum generalem distinctionem febrium simplicium, putridarum, malignarum, primo persequitur accommoda singulis exanthemata, ut, de morbo quodam singulari, a communibus febrium speciebus tam evidenter & facile a Medicis & vulgo distinguendo, nihil ipsi in mentem venisse, liqueat. Addit deinde species exanthematum febrilium duas, prius omisas, quarum plures alias addere potuisset. Quanquam vero, variolas inter morbos febriles, de quorum symptomatibus *Actius* hic agit, querendas esse merito, concedatur; attamen certe pro morbo sui generis eas habere convenit, quamlibet ad febrium classem spectante, non pro febris promiscue symptomate, de quo *Actius* ex *Herodoto* sermocinatur. Voca-

bula illa vaga, quibus quidam ex veteribus exanthematum genera appellant, ad variolas frustra trahi, ipsemet fatetur Cl. *Habnius*. Ea vero non incerta tantum & infirma, sed ob id ipsum plane sunt inania, quia in tam singulari, tam memorando, morbo, ubi id non fieri non debuisset, nil certum ac proprium determinant, nil cohzrens neſtunt, ut, si ad variolas applicari deberent, quæ sparsim sub quocunque nomine dicta reperiuntur, ab his illisve antiquitatis amatoribus ad istas detorta, quadrata sæpe rotundis misceri, & morbi tamen singularissimi plena satis descriptio & historia non confectæ esse videantur.

Cap. III.

Restat alterum argumentum itidem discutiendum. Ubi quidem in disquisitionem venit, num ille ipse morbus, quem nos variolas vocamus, Græcis Latinisque scriptoribus vocetur anthrax, vel carbunculus, sive anthraces & carbunculi, adeo, ut non alius sit Græcorum anthrax, quam nostræ variolæ, neque hæ sunt aliæ, quam anthrax Græcorum? Id quidem inter omnes constat, esse quoddam morbi genus a variolis diversum, quod anthrax & carbunculus appellatur. Quo igitur nomine hoc a Scriptoribus Græcis & Latinis denotatur, & quorsum refertur? Quemadmodum Cl. *Habnii* sententiam ambiguum reddere videtur ipsa ejus restrictio, qua omnibus quidem variolis, sed maxime malignis, convenire anthraces nomen, & apud *Celsum* alio loco de his sub carbunculi denominatione, alio de benignis sub titulo pustularum, agi dicitur; ita anthrax, hic accuratissime ab eruditissimo *Werlboſſio* descriptus, natura, fiendi modo, magnitudine, situ, forma, typo, curatione, a variolis planè discrepat. Idcirco mirum foret, recentiores post ætatem Græcorum Romanorumque veterum scriptorum Auctores novam isti vocabulo affinxisse ideam omnes, eamque tantopere diversam ab illa priscorum, a quibus nomen ipsum omnes, imo descriptionem plurimi, petierunt, & quos quotidie in manibus habent, & sat dilucidos reperiunt, & in eandem suam sine ulla ambiguitate allegant sententiam. Verum ad Arabum consensum provocat Cl. *Habnius*. Sed esto, hos veterum anthraces de variolis interpretatos esse. Ipsi erro-

ribus

ribus sat multis in interpretatione & applicatione Græcæ Medicinæ obnoxii fuerunt. Forſan ex ſuperſtitione quadam ſibi perſuaſerunt, Græcis nihil fuiſſe incognitum, adeoque nec hunc morbum. Fortaſſe populi illi indocti, iis, qui ſuperant, ſcriptoribus antiquiores, novum variolarum morbum ob ſymptomata quædam ſpeciemque confuderunt cum veteri illo carbunculo. Fortaſſe, quamvis re verâ diverſos noſſent hos morbos eſſe, miſcuerunt tamen conſulto nomina, & propter aliquam affinitatem vulgatarum apud ſe variolarum nomine Græcorum anthraces itidem inſigniverunt, ut vel noſtris temporibus variis in morbis fieri ſolet. Sed fortaſſe etiam Arabum interpretes aberrarunt, nec ipſorum vocabula recte reddiderunt. Atque ita omnino eſt, docetque Arabici textus lectio, prioribus conjecturis plane non opus eſſe. Fontes itaque adiit literatiſſimus *Werthoſſius*, ex quibus nomina exanthematum generatim, & variolarum atque anthracum, Arabica longo ordine percenſet, & iſtis Autorum locis probat, atque hinc interpretum errores detegit. Scilicet Arabes, quamvis puſtulas tumoresque varioloſos & carbunculoſos ſatis diverſos reputarint, eoſdem tamen ſæpenumero uno eodemque generali tumorum & puſtularum nomine *batbr* extulerunt, aut, ubi carbunculi veri *giamrab* & *atschac* Perſarum intelliguntur, vocabulum adhibuerunt *bhumrab*, quod omnibus exanthematibus inflammatis & malignis, variolis etiam & rubeolis, datum olim eſſe videtur; &, quando variolæ ſive puſtulæ morbi *giadari*, ſeu *giadari bhumak*, dicendæ erant, commune illud nomen *bhumrab* uſurparunt. Ita vero his aliisque vocabulis uſi generalioribus *ἐμπρομίας* aut affinitate facile perturbarunt interpretes. Itaque adeo ſatis manifeſtum eſt, nullum ex permiſſione illa pro vera apud Arabes *συγνομία*, convenientia plena, & *ταυτότητι* utriusque affectus, deducendum eſſe argumentum. Certum vero jam præterea eſt, diſtinctis locis, diſtinctisque cum nominibus, ſignis, medelis, in accurata morborum tractatione de *giadari*, ſive variolis, & de *giamrab*, ſive anthrace vero, pruna, carbunculo, & Perſarum *atschac*, ſive

Cap. IV.

igne, egisse Arabicæ Medicinæ principes, nequaquam vero a *Constantino* Africano primum illam distinctionem inter anthracem & variolas in Medicinam fuisse introductam. Idque cum ex aliis Autoribus probat Cl. Autor, tum maxime ex *Avicenna*, cujus & descriptiones anthracum & variolarum, maxime inter se diversas, integras recitat, & simul ad locos quosdam, qui contrarii videntur, respondet. Provocat Cl. *Habnins* ad curationem variolarum ab Arabibus traditam, quæ plane conveniat cum ea medendi methodo, quam Græci carbunculis accommodarunt. At vero non ita se res habet, sed utraque methodus longissime discrepat. Præterea anthraces quoque & carbunculi Græcorum Latinorumque, secus ac Cl. *Habnins* putat, a variolis longissime abeunt. Præcipue ex *Galeni* loco quodam is sententiam suam corroborare elaborat. At vero locus ille alia omnia probat, cum *Galeni* anthraces a variolis tumore & eschara, effervescencia, pustulis, ulceribus, inflammatione, febris majoris necessitate, distinguantur, nec anthraces cum unica, pluribus, nulla pustula, malignitate discrepent, nec proinde ad variolas distinctas, confluentes, malignissimas, quadrare queant. Quin potius *Galenus* in doctrina de anthrace cum recentioribus consentit. Idque de Græcis etiam & Romanis *Galeno* antiquioribus posterioribusque valet. Cum vero *Galeni* & *Plinii* descriptiones cum Græcis haud plane convenire videantur; sigillatim ad extremum de iis, itemque singularibus oculorum & faucium carbunculis, a quibusdam veterum commemoratis, agit, & denique *Hippocratis* ipsius de anthrace doctrinam examinat, ut differentia a variolis in omnibus pateat. Atque hæc fuerunt, quibus ad doctissimi *Habnii* argumenta respondendum putavit doctissimus itidem *Wertheffius*, maxima tamen & exempli causa commendanda modestia, cum ubique Adversarii sui ingenium, & doctrinam variam, & merita amplissima, sicut par erat, veneretur. Quoniam vero simul metuit, ut quibuslibet lectoribus controversiæ hujus tractatio ad palatum esset, (quod iis profecto non eveniturum esse certe intelligimus, qui antiquitates & historiam li-

tera-

terariam Medicinæ amant,) ipsorum tædio ut occurreret, adniscuit varias de variolis & anthracibus, aliisque affinibus morbis, observationes theoreticas pariter atque practicas, atque alias etiam pro occasione nata annotationes medicas, philologicas, atque literarias, quæ haud dubie omnibus plurimum & enolumentum & voluptatis afferent. Inprimis multum se his delectatum testatur in Dissertatione Epistolari subjuncta Cl. *Beberens*, qui librum hunc ab Autore sibi amicissimo, antequam typis exscriberetur, transmissum, perlegit, hacque occasione præsentem Epistolam exaravit, qua Amico suo tam doctum Opus merito gratulatur, variasque observationes expromit, maxime autem de affectionibus a comestis mytulis agit. Silent plures ex Medicis de mytulorum noxis, pauci eas enarrant quidem, sed non tam venenosæ illorum indoli, quam copioso ului, adscribunt. Quamobrem, quoniam ipsemet Cl. *Beberens* ejusmodi noxas in suo corpore expertus est, eas copiose luculenterque enarrat, & a subtili, acri præsertim, & mobili veneno, quod paucissimis tamen mytulis inest, & forsan morbo cuidam, ut scabioso, vel verminoso, vel cibo illorum noxio, in intestinis adhuc residuo, debeat, deducit.

EUCLIDES AB OMNI NÆVO VINDICATUS: sive Conatus Geometricus, quo stabiliuntur prima ipsa universæ Geometriæ principia; Autore HIERONYMO SACCHERIO, Societatis Jesu, in Ticinensi Universitate Mathesecos Professore, &c.

Mediolani, sumptibus Pauli Antonii Montani, 1733, 4.
Plag. 20, Tabb. æn. 6.

Non vanum esse eorum consilium, qui, methodi Geometricæ rigorem scrupulose tuendum esse, contendunt, sagacissimis, nostri etiam temporis, Geometris indubium habetur. Non Geometriæ modo dignitas, ac propria ipsi

pulchritudo, hoc postulat, ut persuadere aliis vellent, qui limina scientiæ hujus magis ingressi sunt, quam in recondita ejus adyta penetrarunt; sed actum profecto de usu ejus in omnibus scientiis atque artibus esset, si quid incerti aut non satis demonstrati limites ejus ingredi Geometrix paterentur. Recte peritissimos architectos Geometrix imitantur, qui, ne aliqua rima fundamenta operum suorum fatiscant, solliciti cavent, quam imperiti facile negligenter, operosam artificis in re nullius momenti curam acculantes. Sed laudanda profecto est illorum solertia, qui nihil incerti in illa scientia relinqui volunt, cui artes omnes ac scientiæ sunt inædificandæ, & cum inter omnes constet, *Euclidis* systema, factum rerum, quæ levissimæ videntur, accurato examine, eruditis per orbem fere universum probatum esse, laudem omnino merentur, qui incertitudinis labem, quam nonnullis ejus propositionibus alii aspergere conati sunt, ipsis abstergunt. Non est igitur, quod ulli in tanta Geometriæ luce atque opulentia nostrorum temporum humi repere videatur Doctiss. Autor, quod hoc Opere *Euclidis* dignitatem vindicaturus, in primis Geometriæ elementis versetur. Peritis enim satis notum est, neminem arduis atque abstrusis veritatibus Matheseos, ut vocant, mixtæ errendis magis parem esse, quam qui frequenti elementorum meditatione certum Geometriæ usum sibi comparavit. Ut taceamus, ex Neoflatia, quam non ita multo ante Doctiss. Autor evulgavit, quæ ad nos quidem non pervenit, abunde intellexisse eruditos, quantum in Mathesi valeat; ipsiunque omni laude nostra majorem atque acutissimum mathematicorum profectuum arbitrum, Ill. Marchionem *Hospitalium*, in Opere Gallico de sectionibus conicis pag. 259 egregiam Viri peritiam debitis præconiis commendasse. Jam antiquissimis *Archimedis*, *Apollonii*, *Theodosii*, temporibus, eo in pretio *Euclidis* Elementa fuerunt, ut omnes mathematicas scientias promoturi, inventa sua illis, tanquam diu ante stabilitis, atque inconcussis, fundamentis superstruerent. Ipsa vero horum Elementorum autoritas alios, ingenii gloriam forte aucupantes, excitavit,

ut quærerent curiose, an quid in Elementis hisce deprehendere possent, quod sagacissimus *Euclides* prætervidisset, alios dignitas horum Elementorum permovit, ne quid in eis inveniretur, quod tanquam dubium reprehendi posset. Neque adeo tanta hæc nominis celebritas vetare potuit, quin nonnulli ex antiquis pariter ac recentioribus Autoribus, iique magni Geometræ, nævos quosdam, in laudatis his Elementis a se deprehen-
 sos, accusaverint. In tres ejusmodi nævos Doctiss. Autor hoc Opere inquirere, atque ἀντιμαρτυρίας labem *Euclidi* abstergere, instituit. Primus respicit definitionem parallelarum, imprimis axioma, quod est apud Clavium *XIII Lib. I*, ubi *Euclides* sic pronuntiat: Si in duas rectas lineas, in eodem plano existentes, recta incidens linea, duos ad easdem partes, internos angulos minores duobus rectis, cum eisdem efficiat, duæ illæ rectæ lineæ, ad eas partes in infinitum protractæ, inter se mutuo incident. Nemo sane est, qui de veritate propositionis hujus dubitet, sed illud *Euclidi* exprobrant, quod axiomatis nomen ipsi inscripserit, quasi ex solis rite perspectis terminis fidem sibi conciliaret. Non pauci itaque, retenta quidem *Euclideæ* parallelarum definitione, demonstrationem ejus ex illis tantum propositionibus tentarunt, quæ vigesimam nonam Libri primi præcedunt, cum in sequentibus demum propositione hac controversa *Euclides* utatur. Sed, cum antiquorum temporum Geometræ suis hac in re conatibus scopum vix attigerint, factum est, ut multi recentiorum temporum Mathematici, vadum tentantes, necessariam judicaverint novam quandam parallelarum definitionem. Itaque, cum *Euclides* parallelas rectas lineas definiat, quæ in eodem plano existentes, si in utramque partem in infinitum producantur, nunquam inter se mutuo incident, postremis definitionis verbis hæc alia substituunt: Semper inter se æquidistant; adeo, ut singulæ perpendiculares, ab uno quolibet unius illarum puncto demissæ, æquales inter se sint. Sed in diversas rursus abiere partes. Alii enim, iique acutiores, parallelas rectas lineas, ita definitas, ante demonstrare susceperunt, quam porro gradum facerent,

cèrent, ad demonstrandam ipsis *Euclidis* verbis propositionem controversam, cui post vigesimam nonam Libri primi, paucis exceptis, universa innititur Geometria. Alii, non sine gravissimo in methodi vigorem peccato, eas tales rectas lineas parallelas, nimirum æquidistantes, assumunt tanquam datas, ut ad reliqua demonstranda inde progrediantur. Doctiss. Autor, ut suum Geometriz decus, atque a multis annis stabilitam auctoritatem *Euclidi*, asserat, antiquiores Geometras hoc Opere imitatur, nihil propterea sollicitus de natura aut nomine illius lineæ, quæ omnibus suis punctis a supposita recta linea æquidistat. Sed in illud unice incumbit, ut controversum *Euclidis* axioma absque omni petitione principii clare demonstret, adeoque ad concinnandam demonstrationem, nullam ex ipsis prioribus Libri primi *Euclidis* propositionibus arcessit, intactam relinquens non modo vigesimam septimam & octavam, sed nec ipsas quidem decimam septimam aut octavam advocans, nisi ubi clare agitur de triangulo ex omni parte definito. Ut luculentius constet, quantum ipsius demonstratio ab aliorum in hoc argumento tentaminibus discedat, in scholiis nonnullis post Propos. XXI conatus *Procli*, accusationes Cel. *Jo. Alph. Borelli* in *Euclide restituto*, atque remedia, quibus laboranti *Euclidi* succurrere instituit, porro conatus *Nassavadini*, Arabi, atque Cl. viri, *Jo. Wallisi*, indubia hac in re consilia, uberius recenset, excutit, atque partim confirmat, partim explodit. Sic vel tacentibus nobis satis apparet, qua industria Autor prima universa Geometriz principia serio examini subiciat, cum omnino ita inter se cohzreant, ut de singulis commentaturus, omnia simul complecti opus habeat. Reliqui duo navi, *Euclidi* objecti, pro quibus deprecatur, respiciunt definitionem VI Libri V de æque proportionalibus, atque definitionem V Libri VI de rationum compositione. Cum vero Elementorum Geometriz palmaria fere pulchritudo in nexu & simplicitate posita sit; nobis e re Lectoris fore non est visum, si ex Opere hoc omnino erudito, atque tyronibus imprimis commendando, propositiones nonnullas, quæ ex longa demonstratio-

num

num serio advocata, steriles videri possunt, excerptas exhiberemus.

FRIDERICI OTTONIS MENCKENII, J. U. D.
Potentiss. Pol. Regi & Elect. Sax. a Consiliis Aula, & Societ. Scient. Borussicæ Collegæ, Historia vitæ & in bonas literas meritorum Angeli Politiani, ortu Ambrogini, Italorum Sec. XV nobilissimi, Philosophiæ, Jurisprudentiæ, Grammatices, & omnis doctrinæ elegantioris, instauratoris felicissimi, atque omni laude majoris.

Lipsiæ, in officina Gleditschiana, 1736, 4 maj.

Alph. 3 plag. 21.

Cujus amplissimam, eandemque accuratissimam, descriptionem vitæ literariorumque meritorum *Hieronymi Fracastorii* A. 1731 accepit orbis eruditus, ejus nunc exhibemus pari industria parique diligentia elaboratam Vitam *Angeli Politiani*. Certe, quæ de vita ejus & operibus dici possunt, dicta hic videntur omnia. Habuimus quidem adhuc *Dan. Guil. Molleri, Petri Balii, & Wern. Jac. Clausii*, de *Politiano* lucubrationes: quorum ille A. 1698 singularem Disputationem Academicam, iste singulare Caput in suo Dictionario Historico, hic A. 1718 singularem libellum de *Politiano*, edidit. Verum vidit *Menckenius* noster, quem nos in præcipuis laboris nostri sociis numeramus, non ita, quæ de *Politiano* dici poterant, exhausta esse singula, ut non afferri a se talia possint, quorum nulla prorsus ab illis facta fuerat mentio, non ita omnia emendate dicta & circumspecte, non ita sollicitè aliorum scriptorum castigatos ab iis errores esse, ut non multa satis, quæ in clariorem poneret lucem, & fabularum purgaret sordibus, sua relicta fuerint industria. Successit autem ipsi hic labor propterea ex voto

N n

omnium,

omnium, quod singulari quadam felicitate nactus est adiutores optimos, qui, quicquid Italia cognitum habuit de *Politiano* cum eo communicarent perliberaliter. Inprimis laudat *Petrum Giannonium*, illustrem illum Neapolitanæ Historiæ scriptorem, dignum sane meliori fato, quam quod nuper admodum, pessimorum hominum improbitate, expertus dicitur, deinde *Joannem Acamporam*, inter Neapolitanos olim celebrem, *Bostarum*, Abbatem, Florentinæ scholæ insignè ornamentum, & *Alexandrum Politum*, doctissimum *Eustachii* editorem, omnes Italos doctissimos politissimosque, denique fratrem suum, *Carolus Ottonem*, apud Italos nuper peregrinantem, cujus nobili & maxime laudando studio varia huic Operi ornamenta accesserunt, quorum vix aliunde haberi copia potuisset. Elogia *Politiani*, ab ingenti eruditorum choro edita, quæ subiecta videmus Præfationi, manifestum faciunt, dignissimum fuisse *Politianum*, de quo conscriberetur volumen tantæ magnitudinis. Opus ipsum *duas* divisum in *Partes* est, quarum *prior* exhibet largissimam de vita, fatis, doctrina, & moribus *Politiani* commemorationem, *posterior* ejus scripta reddit ex omni parte cognita, nec Latina solum & Græca, verum etiam vernacula. Nos hinc excerpemus nonnulla singularia, & vel consultissimis Historiæ literariæ futura cognitu tam jucunda, quam utilia. Communiter adhuc creditum est, *Bassum* esse gentilitium nomen *Angeli* nostri. Verum ostendit Noster *pag. 3 seq. Ambroginum* fuisse ipsi nomen familiæ, fontemque indicat, unde error ille emanarit. Hic in narrando accuratus est, soleri in refutando, acutus in conjectando. Cum a Monte *Politiano*, vicino Florentinæ oppido, ubi natus erat, nomen gerat *Politianus*, *pag. 21 seq.* alii inde oriundi viri clari commemorantur: quos inter eminet *Bellarminus*, *Bernhardum* vero illum de Monte *Politiano*, qui *Henricum VII* Imperatorem venenata hostia suscipuisse perhibetur, merito omisit, indignum quippe, ejus inter claros laudatosque viros injiceretur mentio. Præceptores *Politiani* *pag. 32* nominantur *Marsil. Ficinus*, *Jo. Argy-*

Argyropylos, Andronicus Theſſalonicenſis, & Chriſtoph. Landinus, quorum inſtitutione adeo profecit in literis *Politianus*, ut ipſa ejus pueritia ſerax fuerit bonorum operum, quæ primum ei locum inter præcociffimi ingenii viros compararunt. Commemorari hic porro videas pag. 75 ſeq. claros *Politiani* diſcipulos: quorum fere præcipui ſunt *Bernardus Riccius, Jac. Modeſtus, Franc. Puccius, Scipio Carteromachus, Guil. Grocinus, Thom. Linacer, Jo. Bapt. Egnatius, Varinus Phavorinus Camertes, Raph. Volaterranus, Petr. Crinitus, Dionyſ. Capnio, & Carol. Antenoreus*; quorum hic ſingulorum notitia ſiſtitur haud perfunctoria. Sunt, qui etiam Papam *Leonem X* diſcipulis *Politiani* adſcribunt ſocium; id quod ex vero fieri, Noſter contra quosdam, qui id negarunt, pag. 97 ſeq. maniſeſtiſſimum facit. Cum de publicis, quibus functus eſt *Politianus*, muneribus agit Noſter, obſervat inprimis, quod obſervare alii neglexerant, fuiſſe eum Doctorem Decretorum, & ad eminentiorem, Epifcopi forſan, dignitatem adſpiraviſſe. De felicitate *Politiani* in Græcis Latino ſermone reddendis, & Latinis Græco, diſſeritur pag. 143 ſeq. Ac præcipue de ejus verſione *Herodiani* diſputatur a pag. 148 uſque ad 160, atque ita ſimul, ut injuſtos ejus cenſores cenſura vexet juſtiſſima. Inter ſumma *Politiani* decora fuit ipſius ſtilus. Itaque is accurato judicio ſubjicitur pag. 178 — 225, multorumque magnis laudibus annectuntur aliorum cenſuræ gravioreſ, ac ſimul erudite expendantur. Pag. 226 — 250 ita Noſter agit de critica *Politiani* peritia, ut ſatis appareat, ipſum acutiſſimis oculis omnes *Politiani* animadverſiones criticas obiiſſe. Hinc pag. 252 — 288 de ejus in Poëſi proſectibus accurate exponit ac diſtincte. Quid in Philoſophia præſtiterit, a pag. 288 ad 296 exponit. Inprimis vero, cum præclara *Politiani* in Jurisprudentiam Romanam, atque præcipue in Pandectarum codicem Florentinum, merita fuerint, hæc ita a pag. 296 ad 319 ediſſeruntur, ut vix addi his quidquam poſſit, nec parum emolumentum ſpondeat hæc tractatio iis omnibus, quibus in deliciis eſt

est Juris Romani historia. Amici *Politiani* nobilissimi quique pag. 319 — 337, obrectatores vero (nam ne maximis quidem literatæ reipublicæ heroibus parcat invidia,) producuntur pag. 338 — 407, de eorumque judiciis limatissimum fertur iudicium. Acerrimas inprimis cum *Georg. Merula*, *Barth. Scala*, *Mich. Marullo*, & *Jac. Sannazario*, similitudines exercent, quos jucundum est, ejurata humanitate omni, gladiatorio more pugnantes videre. Plagii literarii a variis accusatum *Angelum*, fati constat; sed ea culpa liberatur a Nostro pag. 408 — 425. Ut, *ἀνευ παθῶν* de *Politiano* scripsisse *Mentemium*, constet, pag. 426 seq. eum in modum defendit illum a crimine veneris masculæ, ut tamen concedat, eum veteranum fuisse in Veneris castris commilitonem. Ad impactum vero atheismi spretique sacri codicis crimen delatus, pag. 429 — 448 scribit, & si dicendum, quod res est, ex vero, defendit *Politianum*, investigans simul atrocis istius criminationis originem. Gratulamur eo nomine manibus *Politiani*, misere huc usque vexatis, sed jam erigentibus sese, & pristinae integritati suæ felicissime restitutis. Virtutes *Politiani* varix & singulares collaudantur pag. 449 — 454; sed notata simul in eo superstitio, & gloriæ studium præposterum, cum intolerabili ostentatione conjunctum. Quo anno & quo genere mortis exstinctus sit, non consentiunt scriptores; sed planum facit pag. 464 — 482 Autor noster, fatalem ei fuisse annum 1494, mortemque contractam nimio merore, de imminente Medicæ domus ruina concepto. Altera Pars hujus libri scripta *Politiani* lectoribus ponit ob oculos, & quidem *quinque Capitulis*. Horum in primo Noster commentatur de scriptis ejus vernaculis, quantique adhuc fiant ab Italis, ostendit. In secundo Græca ejus scripta (quæ quidem pauca sunt,) & Latina describit, recensitis omnibus eorum editionibus, & accuratæ censuræ subiectis. Hic pag. 509 seq. quatuor offendimus Epistolas *Politiani*, quæ in *Epistolarum* ejus volumine non reperiuntur. Cumque inter monumenta *Politiani* longe emineat liber *Miscellaneorum*, elogia

gia ejus & editiones hic proferuntur studiosissime. In *tertio* Capitulo quartoque de scriptis *Politiani* partim ineditis, partim duntaxat inchoatis, agitur. Ineditorum hæc quidem in notitiam Autoris venerunt: *Librorum aliquot Homeri, Questionum naturalium Alexandri Aphrodisiensis, Aphorismorum Hippocratis, & in hos Commentarii Galenici, Xenophontis de memorabilibus Socratis, Demosthenæ de Syntaxi Orationis, Latinæ interpretationes, porro Miscellaneorum Centuria altera, in Statium Annotationes, in errores lingua Latine liber, in Aristotelis librum de animalibus Commentarii, Ulyssis ad Achillem Oratio, Carmina de sanguinaria Juliani Medici cæde, de Diis gentilium, & in gentis Medicæ laudem, in Fustos Nasonis Commentarius poeticus, ut leviora alia taceamus.* Ad inchoata pertinent varii ejus *in Jus Civile, Medicos, & Philosophos veteres, in artes liberales quascunque, & Praelectionem poeticam, quam dixit Nutricia, Commentarii, Historiæ porro Imperatorum Romanorum, Joannis, Lusitanorum Regis, & Vicecomitum Mediolanensium, de Historiæ Augustæ Scriptoribus Dissertatio, denique ad veteres scriptores Græcos aut Latinos selectissimæ Annotationes.* Denique ultimo loco commemorantur scripta aut supposita *Politiano*, aut certe ita comparata, ut, sintne tribuenda huic Italo, adhuc dubitari possit. Breviter diximus de Opere & forma magno, & selectu rerum admodum præstabili, atque hinc non Italarum tantum, sed eruditorum ad nnum omnium, plausibus dignissimo. Plura non addimus, præter votum, ut libeat optimo *Mænckenio* plurimum sua tanta industria dignorum virorum vitas & elaborare, & publicæ luci exponere, haud dubie non minorem ex his laudis fructum percepturo, quam provenit ipsi ex *Vita Fracassorii Vitaque Politiani.*

RECUEIL DE DIVERSES PIÈCES, &c.

h. e.

COLLECTIO VARIORUM, AD PHILOSO-

Nn 3

phiam,

phiam, Matthesin, Historiam, & alia studia, spectantium, Opusculorum, per Epistolas elaboratorum a GODOFREDO GUILIELMO DE LEIBNIZ, una cum duabus Epistolis, quibus agitur de Philosophia & missione Chinenſi, missis ad Rev. P. BUVE-TUM, Jesuitam, Pequini commoratum; publicæ luci exposita, cum Observationibus in emendationem Philosophiæ Scholasticæ secundum principia LEIBNITII, opera M. CHRISTIANI KORTHOLTI, Aſſeſſoris Ordinis Philosophici, & Collegii Principum minoris in Academia Lipsiensi Socii.

Hamburgi, sumtibus Abrahami van den Hoeck, 1734. 8.

Plag. 6 $\frac{1}{4}$.

Eddidit haud ita pridem Cl. *Christianus Kortholtus* Illustris *Leibnitii* fasciculum literarum Latinarum, quem suo loco recensuimus. Superest earundem maxima copia adhuc inedita, quarum haud paucas collegit Vir Cl. *Frobesius*, Helmſtadii philosophica tradens. In præsens partem Epistolarum, Gallice conscriptarum, cum orbe literato communicatam, avide excipimus, & Cl. Editori, qui nonnunquam notulas suas adspersit, gratias publice habemus. Literæ hæc ad 33 excurrunt, exaratae ad *Dangicurtum*, *Marinonium*, *Blumenthal*, sceminam Illustris, nuptam duci bellico, de *Weiler* dicto, *Grimarestium*, *Widovium*, *Heraum*, *Buvetum*, Jesuitam, & Professore *Luneburgensem*, *Pfeffingerum*. Una Jesuitæ *Gobieni*, & altera *Buveti* ad *Leibnitium*, Epistola immista est huic Collectioni. Jam ad rem ipsam properamus spectandam. Substantias veras *Leibnitius* pro simplicibus seu monadibus habet, speculis quippe universi relativis, quorum convenientia fundamentum præbeat harmoniæ præstabilitæ. Infinita calculi infinitesimalis pro fictionibus idem reputat, utilibus tamen ad compendium universali

Pag. 2.

3.

salium idearum & signorum. *Guido Grandi*, Mathematicus Pisanus eximius, male existimavit, infinitatem ciphrarum seu nihilorum constituere magnitudinem assignabilem. *Alexander Marchetti* sese opposuit *Grandio*. *Leibniti*us, ab utroque super ea causa consultus, consentit *Grandio*, si voces rigide sumantur; *Marchettio* autem, si de approximatione ad nihilum imaginarium sit sermo. Tractavit *Leibniti*us cum *Marino*, Imperatoris invictissimi Mathematico, non solum ratione Observatorii, seu speculæ Astronomicæ, Vindobonæ intra mœnia exstruendæ, sed etiam de rebus aliis, præcipue gnomone, qualem *Cassini*us Bononiæ & *Blanchini*us Romæ erexerunt. Expedit *Leibniti*us notionem corporis, quam ponit in vi, tum activa, tum resistente, additque, corpus haud agere in distans, posse tamen Deum in sacra cœna stabiluisse ordinem superiorem, nec præsentiam corporis Christi realem in sacra cœna involvere id, quod appellamus contradictionem. *Leibniti*us, Duces Mutinenses & Brunsvicenses a communi stirpe Comitum Estensium ac Marchionum Etruriæ derivaturus, eruditus haud penitus satisfecit. Felicitas ea fuerat Illustri *Muratorio* reservata. Vox *etiquette* ex Græco *diptycha* videtur deducenda, si credimus *Leibnitio*. *Augustinus* ingenio caruit systematico, & audacter ea sæpius monuit, quæ postea rursus negavit, vel excusationibus contexit. A. 1712 in nundinis Lipsiensibus spectaculum præbuit canis, ad loquendum assuescitus, qui distincte plus quam triginta vocabula enuntiavit, congruenterque heri sui quæstionibus reddidit responsa, edoctus eloqui singulas alphabeti literas, exceptis *m, n, x*. S. Rev. *Christophoro Matthæo Psaffo* *Leibniti*us tribuit id honoris, ut, ei scientiam & merita inesse, profiteatur. Idem deduxit Francos primos a mari Balthico, in qua sententia invenerunt *Turnemius*, de societate Jesu, & *Nic. Hier. Gundlingius*, quod notarent. Nisi fallimur, opinio magni illius *Leibnitii* nuper a *Joanne Georgio Eccardo* ad summum probabilitatis gradum fuit elevata, & quidem sub initio *Commentarii de Rebus Franciæ Orientalis*. Jesuitarum, qui apud Seres doctrinam Christi expo-

Pag. 4.

5.

7.

9.

27 seq.

30 seq.

40.

42.

53.

58.

59.

amur,

Pag. 69 seq. nunt, literarum Dominicanis ex *Gobieni* & *Buveti* Epistolis
84 seq. paululum possunt illustrari. Ad posteriorem *Leibniti*us mi-
sit exposuitque mysterium illud Arithmeticae dyadicæ seu bina-
riæ, cujus *Fohi*, conditor imperii Sinensis, est autor, quodque
in libro *Ve — kim* asservatum. Cl. *Kortholtus* tandem egre-
gie ostendit naves & veritatis scintillas, quibus Philosophia
Scholastica scatet. Origo corruptelæ inde videtur exorta, quod
præceptoribus septem artium ad falcem suam, in Theologica
tradenda præcepta immittendam, vix initio patuerit alia via, ac
accommodatio philosophiæ *Aristotelicæ* ad Theologiam, &
tentata sic utriusque illustratio. Quam vellemus, id accurate
& copiose a quoquam demonstraretur! Verum, maxima ex
parte hic nobis satisfactum esse, grata mente prædicamus, si-
gnificantes ex superfluo, merito laudari Logicam Illustris *Chri-*
95. *stiani Wolfii* Latinam.

A SHORT HISTORY OF PRIME MINISTERS IN
Great Britain.

h. e.

BREVIS HISTORIA SUMMORUM IN AULA
Magne Britannie Ministrorum.

Londini, 1733, 8.

Plag. 4.

Fata Ministrorum, quorum autoritas in Regum Britannicæ
curia ipsoque regno eminuit, Autor hujus libelli, quisquis
fuerit, mordaci calamo recensuit. Exhibet exempla XXXI
Magnatum primorumque Aulae Procerum, qui a *Wilhelmi I*
temporibus usque ad *Caroli I* ætatem magna apud Principem
gratia, majori in ipso regno potentia, floruerunt, tandem vero
a summo honorum & felicitatis culmine dejecti, misere perie-
runt. Calculum in fine Opusculi ita duxit, ut tres laqueo suffo-
catos, decem capite truncatos, tres ad summam egestatem reda-
ctos, duos truculentis privatorum manibus extinctos, quatuor
in carceris angustiis confectos, quatuor exules, totidem ex inte-
ritu Principum suorum conservatos, unicum verb ad salubriora
consilia reversum, pœnitentiaque actum, numeret.



NOVA ACTA ERUDITORUM,

publicata Lipsiæ

Calendis Julii Anno MDCCXXXVI.

MATTHIÆ BELII NOTITIA HUNGARIE novæ Geographico-Historica. Partis secundæ, Cis-Danubianæ, Tomus secundus.

Viennæ Austriæ, impensis Pauli Straubii, 1736, fol.

Alph. 6 plag. 10, Tabb. 2n. 5.

Ita tandem fuisse in fatis suis gaudeat Hungaria, ut, post horridas tot Seculorum tenebras, post ignava ipsius gentis otia, & ignobilem illam barbariem, jam, unius virtute civis sui, in novam veluti lucem redeat, &, abjecto squalore veteri, suum inter politissimas Europæ gentes locum occupet. Debet hunc cultum, & post seras ætates acceptum referet *Belio* suo, ingenii prorsus summi & industriæ stupendæ Viro, quin vere nato ad gloriam gentis suæ, quam ille tuetur pro virili, sustinetque fortiter, atque quotidianis incrementis splendidior efficit. Nihil is ad sui partim famam dignitatemque nominis, partim ad gentis patriæ honorem atque decus inmortale, illustrius excogitare potuit nobilissimo illo vereque glorioso instituto, quo cœperat haud ita pridem amplissimam rerum Hungaricarum historiam, ex omni ævi monumentis diligenter collectam, in Commentarios referre, & una velut in tabula illius regionis splendorem omnem omnesque divitias repræsentare. Cujus generis laborem si nec animo concipere sine magna laude potuit, quanto majori omnium plausu huic manum admovisse,

in hoc curas suas omnes ingenique vires consumsisse, hunc perfectisse dextre eleganterque, putandus est! Nimirum, suas Musis inter ipsos Hungaros aras focosque esse, vel uno hoc Opere discas, Lector, quod ubi in manus sumseris, nihil ad ingenium vulgi aut scriptorum nostri temporis comparatum, sed eam ubique *Liviana* dictionis gravitatem, eam rerum verborumque ubertatem, animadvertes, cui quod addi possit, nec divinissima aliarum gentium ingenia inveniant. Gaudentes nuper gratulantesque Historiæ tam compositæ & elimatæ *Partem primam* exceperimus, cujus quo majorem sumus elegantiam & nitorem admirati, hoc justiore videbamur nobis metnendi causam habere, ne ipsa prius ætas Viri optimi, quam præclarus iste labor, suum terminum attingeret. Sed, quo nihil magis ex voto nostro accidit, vanum ex parte fuisse hunc timorem, nunc intelligimus, factumque est incredibili Autoris præstantissimi industria, ut, deposita vix manibus *priori Parte*, jam, quæ oculos nostros pascat, *altera* succedat. Adspiravit inprimis honestissimis conatibus Serenissimi Principis *Francisci Stephani*, Lotharingæ Ducis, atque per Hungariam Locumtenentis, munificentia, quem opportuno tempore benignissimum laboris sui adiutorem præsidemque nactus est Autor, cujus & autoritate, illustrissimo, cui est summa rerum in Hungaria administratio, Locumtenentiali Collegio tuendi modisque omnibus sustinendi Operis haud ita pridem cura est demandata. Quo ipso in spem lætissimam adducimur, ita certissime futurum, ut, si porro tantos conatus Superi secudent, nec valetudinem Autoris molestia laborum frangat, brevi non hæc ipsa tantum *Geographico-Historica Hungaria Notitia*, sed, quam expectare nos ille passim in *Volumine hoc secundo* jubet, *physica etiam Hungaria Notitia*, cum *Nobilitatis Hungarica Theatro*, prorsus elaborata & perfecta, ornamentum præbeant Bibliothecis nostris. Nos interim navigantem per immensum æquor votis omnibusque prosequamur, & ut velis plenissimis magnum, quod ingressus est, iter conficiat, conjunctis studiis precemur. Jam vero, rationem habituri Lectorum nostrorum, quibus & ipsis *Beliana* Musæ solertia eximios fructus spondet, quid boni secum ferat *Volumen hoc alterum*, indicabimus paucissimis, id generatim notasse

notasse contenti, nihil, siue rerum selectissimarum copia, siue monumentorum, unde, quæ memorantur, sunt deprompta, apparatu, siue ipsa narrationum suauitate, atque melleo orationis flumine, *Partem* hanc *alteram priori* cedere. Splendet in ejus fronte fulgidissimæ gemmæ insidet Angustissimum *Caroli VI*, Imperatoris, nomen, maximi post hominum memoriam, & amantissimi Musarum, Principis, quo nisi umbram & hospitium præbente, nunquam perficiendi tanti Operis cogitatio subire animum Autoris nostri poterat. Magnifica est atque tanto Principe dignissima Dedicatio, qualem scripsisse nec Oratorum veterum disertissimos quosque pudeat. Excipit hanc doctissima Autoris Præfatio, eorum, quæ sunt enarrata in hoc *Volumine*, rationem reddens, horumque partim summa argumenta, partim, unde petita sunt, fontes, indicans. Tum neminem non mirifice delectet, quam in ipso Commentariorum limine legendam dedit Autor, *Jo. Caroli a Nelwenstein*, S. R. I. Equitis, & in aula *Caroli VI* Poetæ laureati, in laudes *Belianæ* Elegia tersa & venusta, quin ob id ipsum, quod nihil fingat laudum, sed, quæ vera sunt, canat, in dulcissimis habenda. Ad ipsos jam Commentarios vocamur, uberimos hic *Belianæ* partim doctrinæ, partim industriæ, fructus spectaturi. Absolvit hanc *Partem* quatuor Comitatum historia, in quorum & definiendo situ, & explicandis rebus memoratu dignis, ita diligenter Autor, ut qui diligentissime, versatur. Primo loco, quæcunque de Pisoniensi Comitatu, cujus non nisi partem aliquam *Tomus* Commentariorum prior ceperat, dicenda supererant, larga manu expromit, initio dicendi facto a *Tyrnauensi* urbe, cujus origines & fata, hodiernum habitum, prærogativas, & opportunitates, *Capitibus duobus* persequitur. Miramur hic copiam dicendorum, quæ destituisse quodammodo Autorem videtur in reliquarum, quæ sequuntur, urbium, *Modrensis*, *Bazinensis*, & *S. Georgii*, descriptione. Singularum urbium Chorographicam delineationem, in ære eleganter expressam, idem ille, cujus & in *priori Volumine* manum artificem spectauimus, adjecit *Sam. Mikozinius*, qui & in posterum perget immortale hoc Opus suæ

speciminibus artis exornare, etsi publico Geometræ per montanas Hungariæ urbes, & harum sodinas machinasque, muneri, a *Carolo VI*, Imperatore, anno demum superiore, præfatus. Lustratis Comitatus *Pisoniensis* urbibus, jucundum spectaculum ejusdem regionis arces præbent, quarum tres, urbibus vicinas, & ab his cognomen mutuatas, *Pisoniensem*, *Szent-Györgiensem*, & *Boziniensem*, duas deinde alias, in supremo montium vertice eminentes, *Vörösköiensem* & *Szomolanensem*, numerat. Posteriores duas distinctius ante oculos Lectorum ponit Tabula ænea, ejusdem manu *Mikovini* delineata. Arces suo ordine sequuntur Castella, *Cseklés*, *Magyar-Bél*, *Német-Gúráb*, *Szuba*, *Vádrod*, *Cziffer*, Schlosbergiorum aliud, aliud *Kerekessiorum*; tum oppida, privilegiis munita, quorum numero sunt quindecim, *Posony Várallja*, *Rétse*, *Cseklés*, *Semptzi*, *Grinava*, *Cziffer*, *Szuba*, *Cserzte*, *Ompitál*, *Alló-Diór*, *Felső-Diór*, *Szómolná*, *Spáczá*, *Dejte*, & *Boleráz*; denique vicorum magna copia, quorum hic octo & quinquaginta proferuntur. Dixerat huc usque Noster de *Processu Comitatus Pisoniensis extraneo superiore*; jam ad *inferiorem* progreditur, qui tractum illum infra *Tyrnaviam*, & utrumque *Eödemes*, comprehendit. Hujus cum sint partes duæ, altera, quæ inter *Vagum* & *Danubium* media jacet, altera *interamnana*, & *Insularum* spatiis inclusa; de utriusque castellis, oppidis, & vicis, (nihil enim hæc urbium arciumve habent,) tantum Noster, quantum sit scitu cumprimis dignum, commemorat. Jam singulare Caput constituit *Processus Transmontanus*, inter *Carpathum* & *Moravum* situs, ejus arces nobiliores, *Dévenum*, *Borosyánkő*, *Detrekő*, & *Eleskő*, antiquissimum præterea *B.V. Maria* Cœnobium *Tballense*, Castella septem, *Stomphense*, *Detreköiense*, *Malaczkense*, *Lévárdense*, *S. Joannis*, *Ujfalvense*, & *Dévenense*, oppida totidem, *Dévenium*, *Stompha*, *Malaczka*, *Gájar*, *Nagy-Lévárd*, *S. Joannis*, *Rudus Masztense*, atque vici numero complures, exhibentur. Claudat *Pisoniensis Comitatus* historiam singularis & a reliquis distincta Respublica, *Sedes Prædialistarum Vajkensis* dicta, si positum spectes, ad *Insulam Ciuorum* pertinens, cujus & *superior*, & *inferior*.

inferior, Processus, uterque suos vicos continens, Autori materiam dicendi præbuit. Non incommode priori huic *Historia Hungarica* Parti adjecit Noster *Comitatus Pisoniensis Tabulam Itinerariam*, quam nec ipsam carere usu suo, nemo est Lectorum, qui non intelligat. Statuerat jam Cel. Autor *historiæ Pisoniensis Comitatus*, jubente ita locorum vicinitate, *Nitrensem* subjicere; sed, cum huic Commentariorum parti varias præter expectationem objectas difficultates videret, nec moram ullam pateretur operarum industria, in hujus locum *Tbúrócziensem Comitatum* substituit, proximo quoque tempore e diverticulo in viam rediturus. Comitatus hujus descriptio præ ceteris ex voto successit præstantissimo Autori, quandoquidem non vulgaria ei subsidia ipsi regionis incolæ pararunt, quorum liberali studio partim Chorographica Provincie delineatio, omni ex parte respondens expectationi Autoris, partim selectiora veteris & nostri ævi Diplomata, cum nobiliorum domuum Tabulis Genealogicis, in manus *Belianas* venerunt. Sunt & de isto Comitatu præclara *Mikovinii* merita, cujus Mappa Geographica omnem hujus ditionis ambitum, & singularum ejus partium conjunctionem, accurate commonstrat. More suo Noster *historiæ hujus Partes duas, generalem alteram, alteram specialem*, facit. *Priorem Membris duobus* distinguit, *physico*, quod est de natura & opportunitatibus, atque *politico*, incolas, magistratus, atque Familias illustres *Tbúrócziensis Comitatus* exhibente. Hic cum maxime lucernam olet supremorum Comitum *de Réva*, penes quos inde a longis Seculis summa rerum in Provincia *Tbúrócziensi* fuit, catalogus, & illustrissimæ hujus gentis *Tabula Genealogica*, hic dextre in compendium redacta. *Posteriori Parte Processus quatuor* lustrantur, *Sklabinensis*, qui arcem cognominem, oppida *Szent-Márton*, *Szutsan*, *Turán*, vicosque quinque & viginti, habet; *Blatnicensis*, arce ejusdem nominis una, & vicis 23, distinctus; *Moschoviensis*, quem oppidum unicum, *Moschovia*, & vici 30, absolvunt; denique *Znió-Claustrensis*, arce prænobili *Znió*, oppidis *Znió-Várallja*, & *Tót-Próna*, vicis etiam numero 19, inter Hungaros cogni-

tus. Coronidis loco *Comitatus Thürócziensis Tabula itineraria* accedit. Ducit nos filam Commentariorum, & ipsa locorum propinquitas, ad *Zoliensem Comitatum*, cujus explicandis rebus hoc majorem Noster curam atque diligentiam adhibuit, quod terra hæc ipsi nascenti patria contigerit, cui se facile agnovit id genus officiorum, & monumenti publici, debere. Nec adeo molestus labor fuit, regionis hujus historiam colligere, &, quæ vera sunt, a fabulis secernere, partim ob id, quod inde a puero licuit Autori ipsi Provincie illius situm omnesque opportunitates cognoscere, &, quicquid terra ista memoratu dignum alit, curioso oculo explorare, partim ob id etiam, quod civium politiorum in illa gente nemo fuit, qui non liberali manu, quæcunque de Comitatus hujus habitu privato olim studio annotaverat, cum *Belio* suo, cive optimo, communicaret. In enarranda hujus *Comitatus* historia eundem, quem in ceteris, ordinem secutus Autor, *generalia* primum de situ, natura, & opportunitatibus, nec non de Incolis, Magistratibus, Dominis, & Familiis Comitatus, tum *specialia* de duobus Comitatus *Processibus*, superiore altero, altero inferiore, tradit, adjungens his ornamenti loco *Zoliensis* regionis *Mapam Mikovinianam, methodo Astronomico-Geometrica concinnatam*. *Processus superior* urbes liberas regiasque tres, *Neosolium, Libetham, Briznam*, quarum priores duo montanarum prærogativis gaudent, arces etiam duas, *Neosoliensem & Liptschensem*, Castella præterea *Radványensia, Mitsinensia, & Dubravicense*, oppida *Rádvány, Tót-Liptsche, Ponik*, vicosque duos & quinquaginta, habet, de quibus singulis ita copiose diligenterque Noster disserit, nihil ut desiderari jure possit. *Inferioris Processus* liberæ regizque civitates duæ sunt, *Vetusillum, & Carpona*, arces vero tres, olim, quam nunc, nobiliores, *Coryom, Vigles, & Dobronitza*, Castella etiam *Kirdly-Falva, Garam-Szög, Hájnik, Osztrólúka*, oppida *Nagy-Szalatina, Otschowa, Dobrona, Bábarszék, Szász, Pelsötz*, atque vicus sex & triginta. Horum nos, qui brevitati studemus, nomina dedimus, plenioram historiam dedit *Belius*, & vetera scrutari curiose, & nova eleganter enarrare, si quisquam alius, edoctus,

edoctus. Subjecta & huic Comitatus *Tabula itineraria* comparet, cui confidere tuto peregrinantium quisque possit. Ultimus eorum *Comitatum*, quos *Tomus* hic *secundus* complectitur, *Liptoviensis* est, *Zoliensem* proxime attingens, cujus historia non minori, quam reliquorum omnes, cura studioque aut contexta est ab Autore, aut ab incolis, suæ regionis gnaris, recognita. Est & hujus *generale* aliud, aliud *speciale*, Caput, quorum alterum partim situm, naturam, & opportunitates, partim incolas, horumque mores, & magistratus, alterum *Processus* regionis *quatuor*, cognominatos a tot mundi plagis, commemorat. Nulli horum *Processuum* liberæ ac regiæ sunt urbes. *Orientalis* arcem tantum unam, *Liptó-Ujvár*, oppida quatuor, *S. Nicolai*, *Wrbcza*, *Gibba*, *Botza*, vicosque unum & triginta; *meridionalis* oppidum *Teuto-Liptscha*, atque vicos 28; *occidentalis* arcem *Lykawa*, oppida *Rosenbergense*, & *Trium-Szlécs*, vicosque 38; *septentrionalis* denique oppida, *Szelnicze*, *Trnolwetz*, & *Bobrowetz*, vicosque 30, complectitur. Ornant & hanc historiam *Mikoviniana* *Mappa*, atque *Tabula* hujus Comitatus *Itineraria*, quæ ipsa elaudit *Tomum* universum, idque testatum facit, nihil, quod labori suo gratiam conciliare possit, temere a Cel. Autore præterminissum. Summatim hæcenus de *Beliani* Operis *Volumine secundo* diximus, felicissimosque horum *Commentariorum*, & *Hungarici* honoris, per civem suum exsurgentis, successus vidimus. Jam, cum ad ipsos Comitatus, eleganter hic descriptos, pedem promovemus, & jucundis rerum, quæ sunt ubivis obviæ, spectaculis delectamur, eorum, quæ sunt maxime commemoratu digna, nec ita scriptoribus, quicumque olim res *Hungaricas* annalibus complexi sunt, diligenter enarrata, longe majorem esse copiam, quam in ista paginarum angustia a nobis possit explicari, intelligimus. Itaque, cum plura non liceat, jam pauca tantum seligemus, contenti venas indicasse, unde aurum peti *Lectorum* cuique possit. In historia *Tyrnaviensis* urbis non sine dolore vidimus istius civitatis funestissimas vicissitudines, calamitatesque tam atroces, quibus, dubitamus, an ullam unquam urbem atrociores affligerint. Patuit enim hæc ab ipsa inde ori-

- gine sua ad hæc usque tempora sæpissimis hostium incurfioni-
 bus, nunc *Ottocari*, Bohemorum Regis, nunc Hussitarum,
 Pag. 10. per Bohemiam & Hungariam arma sua circumferentium,
 16. 47. nunc *Botskayi*, causam Hungarorum adversus *Bastam* susti-
 55. 60. nentis, nunc *Bethlenii*, amantissimi turbarum Principis, nunc
 63. 64. *Tökölii*, Hungariam superiorem multis modis infestantis, nunc
 17. 59. *Rákóczi*, mala omnia in Hungarorum perniciem meditantis,
 62. 26. nunc ipsius *Heisteri*, Germanorum ducis strenui, quorum exer-
 44. 24. citu aut captam, aut miserrime divexatam, constat; ut alia ca-
 lamitatum genera, bella civilia, incendia, latronum expilatio-
 nes, procerum conspirationes, atque pestilentie furores,
 76. taceamus. Quod vulgo *parva Roma* dicta sit Tyrnavia,
 id non tam amplitudine urbis, quam templorum structura,
 sacrisque institutis, quæ Romanis sunt simillima, factum o-
 stendit Autor. Idem Seminariorum quinque, quæ sunt Tyr-
 navie ad alendos pueros, aut sacri ordinis homines, institu-
 ta, & amplissimis immunitatibus donata, historiam & anti-
 quitates jucunde refert. Turbarum, quibus quassata est
 Tyrnavia, portio non ultima ad Patres Societatis Jesu per-
 venit, quos, variis fortunæ procellis jactatos, & ipsa sæpe
 30. 60. civitate ejectos, ita hic rerum omnium successus destitue-
 runt, ut in eorum caput ipsi conjurasse Dii hominesque vide-
 rentur. Nobilitavit inprimis urbem Tyrnaviam A. 1615 Cæ-
 49. sareanorum & Bethlenianorum conventus, percussumque ab
 his sædus, cujus historiam Noster, tabulasque integras, hic
 profert. Auget & numerum earum urbium Tyrnavia, quæ
 86. jure *stapela* utuntur, & publicis instructæ sunt mercatibus,
 quorum hic octo celebrantur. Conservat Tyrnaviensis mer-
 caturæ florem perpetuum Judæorum ab urbe exilium, qui cru-
 delissimorum facinorum, & effusi Christiani sanguinis, justif-
 85. simam hanc olim pœnam tulere. Varia enim Autor noster
 22. 120. passim exempla affert cædis atrocissimæ, a gente illa Christia-
 nis pueris illatæ; quo crimine ut nullum excogitari turpius
 ignobiliusque potest, ita, quam sit capitale Judæorum in gen-
 tem Christianam odium, omnium optime hinc discimus. Multa
 hic Autor noster de detestando illo Judæorum more erudite
 disputat, *Wagenfeilii*, & aliorum, omnem rem negantium,
 ratio-

rationes enervans, & in antiquissimum Rabbinorum de occidendis Christianis scitum inquirens. Inter illustrissima instituta, quibus regni Hungarici potentiam Augustissimus *Carolus VI* firmavit, eminet inprimis Consilium Locumtenentiale Regium, arcis Pisoniensis fastigia tenens, jam florentissimum presidio *Francisci Stephani*, Lotharingæ & Barri Ducis, quem dignitate hac præcellerat *Nicolaus Pálffy*, Comes *ab Erdöd*, rebus humanis A. 1732 exemptus. Hujus Consilii Assessores, sive e Clero, sive ex Magnatum, & Nobilium, ordine delectos, ipsos etiam Secretarios, Doctiss. Autor ad unum omnes nominat, horumque continuam successionem duabus Tabulis complectitur. Simili industria contextum supremorum Comitum & Vice-Comitum *Thurócziensis* provincie catalogum hic legimus, cui & adjuncta est, quam paulo ante diximus, inclytæ familie Baronum *de Réva*, quæ a longa inde annorum serie supremorum Comitum dignitatem velut hæreditario jure propriam tenuit, Genealogica Tabula, forsan ex domesticis ejus gentis Annalibus concinnata. Digna inprimis lectu sunt, quæ de *Carponeusum* monomachia, quo genere præliorum præ ceteris valuisse istam gentem constat, ex *Gabelmanno*, suavissimo Poeta, copiose memorantur. Est in *Liptoviensi* Comitatu oppidum *Tento-Liptschá*, cui a nostra *Lipsia* nomen tractum, non est, cur dubites, etsi vulgares de origine urbis narrationes non omni ex parte penes doctiores assensum inveniant, nec iis *Belius* temere habendam fidem putet, qui, *Lipsiensium* fuisse coloniam hanc *Liptscham*, incerto rumore edocti, perhibent. Sunt & hic passim, quibus Historiæ naturalis studiosi commodè uti in rem suam possint. Quo spectant, quæ de thermis *Neosoliensibus* & *Ribariensibus*, nec non de aquis admirandis *Zolienfis* terræ, quarum alia est in fodina *Vallis Dominorum*, eroso ferro æs Cyprium relinquens, alia ejusdem fodinæ, chryfocollam generans, alia, *Scrobs Ribariensis* dicta, funestos halitus eructans, porro de foemina in *Neosoliensi* urbe A. 1666 uno partu infantem & vivum leonem enixa, denique de more civium *Libethensium*, tutos a passeribus agros præstandi, erudite sunt & cum sobrio judicio prolata. Nec nobis, qui-

Pag. 155
seq.

307. 311.

310.

478.

565.

393 seq.

424.

438.

Pag.
89. seq.

549.

40. 56,
58. 88,
94.

bus literaria Historia imprimis curæ est, pabuli hic nihil nascitur. Præstantissimi in Hungarorum gente Medici, Historici, & Antiquarii, *Jo. Sambuci*, vita hic & copiose, & eleganter admodum, descripta exhibetur. In Hungaria, maxime *Liptoviensi* agro, eos omnes, qui non sunt ex ordine Nobilium, a causis in foro dicendis arceri, & quicumque in hoc vitæ genere versantur, hos eleganti præ ceteris doctrina commendari, in laudem gentis annotatum legimus. *Academix Tyrnaviensis* incunabula, progressus, fata, leges, atque instituta, ita hic curate atque diligenter enarrantur, ut hinc simul Hungaricarum Academicarum universa ratio cognosci possit. Quam vellemus ex his ipsis, quæcunque sunt notatu digniora, in usus Lectorum publicos excerpere, nisi nos ad alia vocaret, & quasi nolentes traheret, librorum, de quibus postea dicendum, copia. Illorum igitur indicia hic tantum accepisse, satis sit Lectoribus, in quibus vix futurum unum aut alterum putamus, qui non legendi Operis tam elaborati, tanque rerum optimarum pleni, etiam non rogantibus nobis, inflammatum desiderio se sentiat.

*GALLIÆ ANTIQUITATES QUÆDAM
selectæ, atque in plures Epistolas distributæ. Ad Parisi-
num exemplar iterum editæ. Accedunt Epistolæ duæ,
altera Sorbonicorum Doctorum ad Autorem hujus O-
peris, altera March. JO. POLENII
de Olympico Theatro.*

Veronæ, per Jac. Vallarsium, 1734, 4.

Alph. 1. plæg. 6.

Ad hujus Operis commendationem sufficere putamus, Au-
torem nominasse. Is est *Cel. Maffejus*, cui Antiquitas o-
mnis tantum debet, & in posterum debebit, ut hodie fortasse
nemini plus debere videatur. Hic, cum ante hos quatuor an-
nos in Galliam se studiorum causa contulisset, Parisiis A. 1733
Epistolas XXVI edidit, easque partim Latine, partim Gallico
Italiceque, scriptas, quibus varia antiquitatis, Gallicæ imprimis,
cognita, egregie illustrantur. Sed, cum pauca oppido ejus libri
exempla

exempla in Italiam essent perlata, atque cupide tamen is a doctis hominibus requireretur, Veronensis typographus eum, bona Autoris cum pace, atque ab ipso recognitum, recedendum curavit. Jam, si, quicquid in his Epistolis dignum notatu reperitur, commemorare vellemus, fufius, quam pro instituto, de non adeo magnæ molis libro differendum nobis esset. Satis itaque habebimus, unum atque alterum in medium protulisse. Illustris Autor in *Historia Diplomatica* pag. 30 edidit Honestæ missionis ab Imperatore *Sergio Galba* militibus Legionis primæ adjutricis tributz tabulam. Ea cum alia ab eodem *Galba*, eodemque die, data, ac ad calcem *Part. II Verona illustrata*, de qua proxime dicemus, edita, inter reliquas quinque, a *Grutero*, *Fabretto*, *Sponio*que, prolata, quoniam iis omnibus antiquior est, argumen ducit. Sed in eadem missione jam in *Historia Diplomatica* dignum vindice nodum invenisse se, ostenderat *Massejus*. In ea Civitas & connubium conceduntur militibus legionariis; cum ex more Romanorum prisco nemo in legione militare, nisi civis Romanus, posset. Hunc nodum, *Bimardo*, Gallo, de Legionibus, cohortibus, & alis, scripturo, græcum ut faceret, in *Epistola prima* solvere conatur, neque inteliecit, nostra sententia. Ostendit ergo, eam consuetudinem Romanam aliquando sub Imperatoribus esse aliqua ratione neglectam, cum novæ essent in provinciis legiones scribendæ, neque possent, quibus civitatis jus esset, conquiri. Eam rem cum ex his missionibus, tum aliis antiquitatis monumentis, intelligi posse, in quibus *Gentilium* mentio fiat, h. e. barbarorum, neque ad civitatem Romanam pertinentium. In hoc ipso tamen cautum esse ita prisinæ consuetudini, ut, qui e barbaris in exercitum essent allecli, civitate donarentur. Eam rem mirifice confirmare *Aristidem*, qui etiam hac de causa Romanos laudet, quod provinciales militiæ idonei cives fierent: ποιησάμενοι δὲ πολίτας, ἕτω καὶ στρατιώτας ἐποιήσατε, ὥστε τὴς ἀπὸ τῆς πόλεως μὴ στρατεύεσθαι, καὶ τὴς στρατευομένης μὴ ἐπιτεῖν ἤτιον εἶναι πολίτας. Sed, quoniam novis civibus tabulæ donationis traderentur, eas tum demum traditas fuisse, cum post navatam in bello operam dimitterentur. In quo quidem

potuerunt præcos Romanos imitari voluisse, qui, cum post calamitatem ad Cannas acceptam volones illos contra *Hannibalem* mitterent, post virtutem in bello probatam demum civitate eos donarunt, cujus antea spem tantum fecerant. Quod ad connubium autem attinet, inter omnes constat, illis temporibus non licuisse militi uxorem habere, neque civis Romani conjugium ratum fuisse nisi cum cive. Itaque, si quis in ea re a consuetudine Romana discesserat, contubernium illud conjugium erat, non connubium; quæ res eo valebat, ut non possent liberi ad hæreditatem patris aspirare. Hæ itaque tabulæ missionum, in quibus connubium conceditur, eo videntur pertinere, ut probentur matrimonia, quæ ex legibus Romanis rata esse non poterant, id quod inprimis ex ea intelligitur, quæ hoc ipso loco ab Autore primum editur. Nomina, peregrina inprimis, quoniam in scriptoribus Græcis & Latinis sæpe corrupta sunt, & facile corrumpi potuerunt, ex nummis optime cognoscuntur. *Tarcondimoti*, reguli in Cilicia, cujus apud *Cic. Epist. ad divers. XV, 1*, inventio fit, nomen perperam apud *Strabonem, Plutarchum*, & in quibusdam *Lucani* editionibus, legitur, etiam in quibusdam *Dionis* Codicibus; nam meliores recte habent, ut docet *Victorius ad Cic. l. c.* Jam, scripturam, in *Ciceronis* Epistolis receptam, veram esse, mirifice confirmatur nummo, a *Massejo pag. 14* prolato, qui caput hujus *Tarcondimoti* exhibet, nunquam antea in nummis visum. *Sallustiana* inter fragmenta restat etiam *Mithridatis ad Arsacem* Epistola, in qua inter ceteras de populo Romano querelas etiam hæc est: *Bithyniam Nicomede mortuo diripuerat; cum filius Musa, quem reginam appellaverant, genitus haud dubio esset.* Ita habet recentissima editio *Cortiana*. Editio *Aldina* habet, quem regem appellaverat. *Genevensis* & *Plantiniana*: Cum filius Musa, quam Regem appellaverat. Quas lectiones *Cortius*, in congerendis variationibus alioqui diligentissimus, prætermisit. *Massejus* e nummo, quem & ipsum primus edidit, legit: Cum filius Musa, quam Reginam appellaverant &c. In ejus nummi altera parte est caput virile laureatum, cum hac inscriptione: *ΠΕΡΚΛΕΟΥ ΝΕΟΤΑΔΕΩΣ*. in altera caput femininum cum his verbis:

bis: Μῆσης βασιλίσσης Ορσοβείας. Hanc Musam Nicomedis uxorem fuisse putat. Ac, quoniam apud Sueton. in Cas. Cap. 49 de eadem uxore Nicomedis sermo est, ibi quoque Musa pro Nisa legi, Maffejus vult. Magna est inter Antiquarios controversia de sensu formulæ, quæ in monumentis sepulchralibus occurrit: *sub ascia dedicare*. Duodecim diversæ extant de ea formula sententiæ, quibus, post ingeniosam illam Mazochianam, nunc accessit etiam Viri Consulti. Conradi conjectura, sed ad unam omnes ejusmodi, ut Montfauconius nihil decernendum, sed exspectandum, putet, donec aliud monumentum eruat, quod majorem rei obscuræ lucem afferat, *Antiq. Expliqu. Tom. V pag. 100.* Ejus formulæ novam, eamque valde probabilem, affert Ill. Maffejus explicationem. Honorificum habebatur apud veteres, novis monumentis inferri, ἡ δὲ ἡν ἐδίδωτο εἰς τοὺς κείμενος, uti Lucas ait. Id honoris itaque suis quoque præstiterunt Lugdunenses olim, ceterique Galli. Atque, ut id significarent, adjecerunt illam formulam: *sub ascia dedicavit*. Dedicare enim, ut sæpe alias, hic nil aliud est, quam *ponere*. Nam, quod nuperus Religiosis Gallorum veterum Autor de cerimoniis religiosis in his lapidibus dedicandis adhibitis commentus est, nihil fidei habere potest. Hanc opinionem mirifice confirmat Græcum tetraſtichon, in sepulchro Nemausi additum titulo, quod jam a Sallengrio editum est, cujus prius versus hic est:

Ἀνθεα πολλὰ γένοιτο νεομήτω ἐπὶ τύμβῳ.

Huic ipsi formulæ in Inscriptione alia adjiciuntur hæ literæ: E D I X D O. Interrogatus Maffijus, quid hoc esset ænigmati, extemplo respondit: *U de ipsorum denariis dotaverunt optime*, ut, quoniam monumentis interdum aliquot agri jugera adjicerentur, unde custodiæ ipsorum prospiceretur, eodem modo *dotata* monumenta dicantur, quo ulmis dotari vites dicuntur. Neque vero postea rem accuratius pensanti, quod aptius esset, in mentem venit. In Museo Regiæ Inscriptionum Academiæ sunt duæ tabulæ marmoreæ, Athenis allatæ, in quibus perscriptæ sunt nomina eorum, qui pro patria in variis expeditionibus occubuerunt. Ex tabulæ centum

Pag. 58.

64.

88.

feræ

Pag. 106.

fere annos ante *Alexandrum M.* factæ sunt. Itaque ex iis, qualis fuerit eorum temporum scribendi ratio, intelligi potest. Et in plerisque quidem consentit orthographia cum ea, quæ in antiquissimo illo Sigeo monumento est, a *Cel. Edm. Chirbullo* edito. Nam & hic H aspirationem significat, nullum η, nullum ω, sed semper ε & ο, nullæ diphthongi, sed χσ, πσ, &c. Illud etiam eis commune est cum aliis Inscriptionibus, pro A scribi Γ, & Ξ, item V; proprium autem hoc, pro Γ semper scribi Λ, quod non viderat *Sponsius*, qui harum tabularum Inscriptiones primum, sed diminute & corrupte, edidit in *Miscell. pag. 315 &c.* *Epistola 21* subiectum est specimen emendationum *Hieronymianarum*, quod ad *Massejum* in Galliam misit Presbyter *Dominicus Vallarsius*, cujus opera nova *Hieronimi* editio Veronæ paratur. Ex eo, quid de hac editione sperandum sit, aliqua ex parte colligi potest. Omnium autem dignissimæ lectu sunt scriptæ Italico sermone *Epistola 23 & 24*, in quibus accurate describuntur Amphitheatra Nemaufense, Arelatense, Foro-Julienne, Arausionense, &c. & *Epistola Cel. Polenii*, quæ est de Theatro Olympico. Sed hæc sunt ejusmodi, ut neque possint in compendium ita mitti, ut nihil, quod ad accuratam descriptionem pertineat, prætermittatur, neque sine figuris æri incisis intelligi satis, quæ a Viro Ill. adjectæ sunt. Quædam tamen quo minus dicamus, facere non possumus. Et celeberrimum quidem ex his & Amphitheatris *Nemaufense* est Amphitheatrum. Ejus formam primum exhibuit *Jo. Poldus Albenas* in libro, quem de Antiquitatibus Nemaufensibus scripsit, quæ, quanquam paulo rudior est & minus elegantiz habet his, quæ postea comparuerunt, eandem tamen ceteris rebus, quæ potissimum in hoc genere formarum spectantur, facile vincit. *Poldum* secutus *Lipsius*, dimidiatam eam figuram ex ipso *Poldo* inseruit libello de *Amphitheatris Cap. 5*; post hunc autem *Gautierius* ejus figuram dedit, quæ subinde ab aliis repetita est. Hic, cum laude non sit indignus, cum in aliis tamen, tum in eo, vehementer erravit, quod, *Lipsum* secutus, exitus & portas *Podio* subjecit, quæ eo loco neque erant, neque esse poterant, uti Ill. Autor in *Verena illustrata*

illustrata docuit. Quoniam autem magna inter Veronense & Nemaufense, cetera item Amphitheatra, similitudo intercedit, qui *Veronam illustratam* legerunt, iis nec Nemaufensis obscura esse descriptio poterit ac ratio. Quomodo autem, quibus rebus, inter se utrumque differat, ex hac Nemaufensis descriptione intelligi potest. Ac est quidem Veronense hoc Nemaufensi majus & amplius; neque tamen erat, quare *Lipsius* eo, quo diximus, loco ita parvum existimaret, ut ne dignum quidem esset, de quo multa dicerentur; qui, si ipse vidisset hanc molem, longe aliter judicasset. *Arelatum* postquam se contulerat Vir *Illustris*, atque ipse usurpare coeperat oculis, quæ ibi ex antiquo sive Theatro, sive Amphitheatro, dicebantur restare, statim intellexit, Amphitheatrum esse, quod ibi cernitur, sed imperfectum illud, minimeque absolutum, quod quin verum sit, nemo profecto dubitabit, qui particulam operis consideraverit, quam ære excusam adjecit. Atque hanc causam esse existimat, quare *Ammianus Marcellinus Lib. XIV Cap. 15* in commemoratione ludorum, quibus Arelati celebravit Tricennalia *Constantius*, Imperator, Theatralium tantum & Circensium mentionem faciat, & Amphitheatralia spectacula, quæ primo loco nominanda erant, prætermittat. Quod ad ipsius Amphitheatri descriptionem modumque attinet, ab eodem, quo Nemaufense, architecto constructum esse, ex summa utriusque similitudine colligit. Sub Amphitheatro etiam est, quod dignum inprimis notatu judicamus. Ill. Autor jam in *Verona illustrata* ostendit, sub eo, quod ibi est, Amphitheatro esse, quod ad ipsum pertineat, scilicet ductus magnos, ad demittendas ex area pluvias aquas aliasque sordes, & siccam conservandam aream, comparatos. Sub Arelateni autem tantum est operis hujusmodi, ut duo scriptores, qui de hoc Amphitheatro exposuerunt, *Guisius* & *Jo. Sequinus*, superstructum opus minus magni & antiquioris ædificii putarint. *Forojulium* quam celebris olim sub Imperatoribus urbs fuerit, tam ex aliis rebus, tum vero ex eo, intelligi potest, quod in ejus portu altera erat e duabus minoribus *Cælaris Augusti* classibus. Ita-que mirum non est, si in ea urbe etiam Amphitheatrum ex-

structum

structum fuit. Ac est illud quidem superioribus duobus, cum magnitudine, tum præstantia materiæ, longe inferius, quippe non e saxo grandi & quadrato, sed parvo lapide & fragili, factum, sed vel propterea visu dignum, quod, quam superiora duo minime exhibent, interior pars in hoc uno reperitur. Positum est ad pedem montis, quod in Theatris passim invenias, vix in Amphitheatro; quæ res sunt in altero muro faciendos minuit. Usque ad hæc tempora nostra creditum est. Circum esse apud *Arausienenses* ex antiquitate reliquum. Sed Ill. Autor, cum ad eum visendum profectus esset, vidit, non Circum esse, sed Theatrum, quod & ex ea, quam dedit, fusa ejus descriptione cuivis patere potest. Id Theatrum eo dignius visu, ejusque descriptio eo esse debet nobis gratior, quod hoc Theatrum inter omnia reliqua, quæ videre contigit Ill. *Massejo*, ab injuria temporum est integerrimum. In ejus descriptione attigit, velut in transitu, locum *Vitruvii*, ab aliis male interpunctum, ab aliis vero male emendatum. Verba *Vitruvii* ita vulgo leguntur: *Primum Agatharchus Asthenis, Æschylo docente, Tragædiam scenam fecit.* Animadvertit *Perraultus*, sanum sensum hæc verba habere non posse. Itaque pro *Tragædiam* legendum censuit *Tragicam*, sed, quoniam res ipsa ejusmodi est, ut, ne hac quidem mutatione facta, & manente interpunctione, quoniam *Æschylus* pictoriæ artis peritus non fuit, sensus constet, Ill. *Massejus* verba ipsa integra statuit, & ita interpungenda esse: *Primum Agatharchus, Æschylo docente Tragædiam, scenam fecit.* In qua Viri Ill. sententia quid reprehendendum sit, non videmus. Ceterum ea res exemplo esse potest, quamvis facilibus sæpe in locis hæreere doctos homines propter perversam interpunctionem, in quibus nihil eos impediturum erat, si omnis interpunctio removeretur.

FERDINANDI RUIZII VILLEGATIS, Burgensis, quæ exstant, Opera, EMANUELIS MARTINI, Alonensis Decani, studio emendata, & ad fidem

fidem Castelvini Codicis correctas; a BERNARDO ANDREA LAMA iterum recognita ac recensita, nunc primum prodeunt jussu Excellentissimi Domini J. BASILII A CASTELVI, Coloma, Alagon, & Borgia, Comitum a Cervellon, & Buñol, Marchionis a Villa-Torcas, Baronis Oropezzæ, Hispaniæ Magnatis, Cæsaris nobilis Cubicularii, ejusque a Consiliis in supremo Hispaniarum consessu.

Venetiis, typis Jo. Baptistæ Albrizzi, Hieronymi fil. 1734, 4 maj.
Alph. 1 plag. 13.

Tunc demum efflorescit literarum elegantia, tunc ex umbra velut & pulvere protracta humanitatis studia ad lucem aliquam dignitatemque adspirant, cum suos ea *Varrones, Mæcenes*, aut, quod nostra ætate evenit, *Peirescios*, inveniunt, qui remis velisque eo tendunt, ut semper bene sit literatis, & scientiæ in dies majora splendidioraque incrementa capiant. Vigere denuo felici sidere incipiunt literæ elegantiores in Hispania, & barbaries, quam invidi quidam (jurene, an injuria, dicere non ausimus,) ei affinxere, politiori eruditorum doctrina, & ingeniorum proventu, depellitur. Inter eos, quorum autoritate acuitur optimorum civium diligentia, quorum & beneficio illud robur & firmamentum nanciscitur res literaria, venerantur nunc suo jure Hispani & genere & in scientias meritis illustrem *Castelvinianam* gentem, quæ, uti multis abhinc annis propensa in bonas literas voluntate fuit, sic maxima cum voluptate ex suo stemmate jam prognatum decus videt, Excellentissimum scilicet *Jo. Basilium a Castelvi*, Virum de elegantiori literatura vel hoc unico *Villegatis* libro, quem commendandum nobis sumimus, immortaliter promeritum. In hujus maximi Virorum Bibliotheca, insigni librorum copia & monumentorum cimeliis locupletissime instructa, dudum delituerant nitidissima *Villegatis Carmina*, unde vix exiissent unquam, nisi felicissimo quodam fato accidisset, ut ea sub ipsius auspiciis Illustrissimi *Castelvini*, ejusdemque jussu atque autoritate, mendis purgarentur, &, relicto carcerum squalore, in pu-

blicum evolarent. Meruit profecto hanc post fata munificentiam Cl. *Villegatis* musa, utpote tam dulci avena canens, qua vix dulciori scripsisse olim *Theocritus* aut ipse *Maro* videatur: meruit ipsius eruditio, ut apud externos quoque collustraretur. Nam, uti Ill. *Castelvinius* ipse in eleganti & venerum plena dolet Epistola, nemini illustre ejus nomen cognitum fuit præter *Nic. Antonium*, & *Laurentium van der Hammen*, apud Belgas hominem quondam eruditum. Quapropter, ne hujus nitidissimi Poetæ memoria etiam apud nos intercidat, operæ pretium esse ducimus, tantum de vita ipsius in gratiam hominum nostrorum commentari, quantum quidem ex scriptis ejus, & Epistola *Eman. Martini* ad *Josephum Castelvini*, *J. Basilii* patrem, his *Carminibus* præfixa, cognoscere potuimus. Natales suos debet Burgis in Hispania, quod beneficium ipse in quodam Dislicho memoriæ mandavit:

*Burgensis vitam præstet mihi patria, bustum
Præbeat ignota vel niger bidus humo.*

Nec, qua cum infelicitate eruditi haud raro conflictantur, obscuro loco natus, sed ex illustri, & multis majorum imaginibus clara, gente ortus est, id quod augurari licet ex Carmine de *Genetliaco*, ad *Wilcbium*, ubi ita:

*Est illustre mihi, fateor, genus; attamen hoc sum
Culpandus, proavum ni sequar acta magis.*

At summis jam extollendus es laudibus! utpote qui laudabiliter institisti vestigiis majorum, & quam sibi gloriam majores tui Marte pepererunt, multijuga arte & ingenii cultura mirum quantum auxisti. Adultior factus Præceptore usus est summo illo *Jo. Ludovico Vive*, ornamento certe totius Hispanicæ gentis, cujus quid doctrina valuerit, in *Villegate* nostro videtur experta. Inde mirari nos non subeat, cur *Villegas* noster, grætiæ mentis suæ testimonium exhibiturus, tam acerbo luctu obitum Præceptoris sui desleverit in Ecloga peculiari, cui nomen *Viver*. Cum Nostri virtutes non adeo sint nobis cognitæ, colligere eas saltem licet ex sociorum consuetudine. Nam familiaritatem contraxit cum *Guil. Budæo*, ut patet ex Ecloga plane egregia, qua manibus *Budæi* parentat. Inter Amicos etiam numeravit *Antonium*

de

de Fonseca, Pompejopolitanum Episcopum, Gundisalvum Ilescum, Autorem *Historia Pontificalis*, Hispanico idiomate conscriptæ, nec non ipsum *Des. Erasmus*, cui non unum scripsit carmen sepulchrale, cum versibus hendecasyllabis, tum elegiacis. Utinam nos non deficerent historiæ monumenta, ne jam telam, quam cœpimus, abrumpere cogereimur. Quibus vita ejus casibus fuerit obnoxia, quo anno diem obierit supremum, vel ipsos Hispanos fugit, nec ulla ratione extricari potest. Jam vero illud agemus, ut præstantissimi Operis, quod cum internis virtutibus externo quoque habitu se mirifice commendat, more apud nos recepto, notitiam suppeditemus. Sunt in hunc librum præclara merita eruditissimorum in Hispania virorum, *Emanuelis Martini*, & *Bernardi Andrea Lama*, quorum uterque in recognoscendo eliminandoque eo prorsus gnauiter elaboravit. Nimirum, cum *Emanuel Martinus* Valentiz Hedetanorum ageret, ac Ill. *Joseph. Castelvini*, Marchionis Villatorcani, Bibliothecam paulo diligentius lustraret, incidit forte in Codicem, qui, compactus tabellis quibusdam, aluta obductis, antiquitatem quandam præ se ferebat. Defigit in hunc oculos acrius, & novitate allectus, evoluit hoc volumen, ubi Carmina reperit a *Ferdinando Ruzio* exarata. Obstupuit novo & ignoto nomine; miratus tamen insignem Carminum facundiam, & æstum poeticum, rogavit Ill. *Jos. Castelvini*, Patrem, ut Opera illa suis exire tenebris pateretur. Impetravit hoc facili negotio ab Illustri Comite, tumque describi librum diligenter curavit, in eoque totus fuit, ut vitam Autoris ex scriptis ejus erueret, & naves, quibus passim scatebant Carmina, tolleret. Nihilo tamen secius nescimus, quo casu evenerit, ut tum temporis prelo non subjecta, lucem demum adspicerent publicam sub auspiciis Illustriss. *Jo. Basil. Castelvini*, Filii, ad decus literarum, & Hispaniæ suæ maximam spem, nati. Utcunque existimentur ea, operam *Emanuelis Martini* affectam perfecit & exsecutus est *Bernardus Andr. Lama*, Vir doctissimus, & nobis hic cum laude nominandus, eandemque, jussu Illustrissimi Mæcenatis, ut deliciis his orbis literatus frueretur, publici nunc juris fecit. Quod igitur ad ipsum *Villegatis*

Opus attinet, invenies hic, Lector, varia Poemata, tam venustis, tamque festivo, dicendi genere exarata, ut, magis ars, an natus lepore, inde eluceat, vix possis dijudicare. Nam quid elegantius *Eclogis*, quarum sex composuit? quid convenientius simplicitati culticæ & agrestis, quam Carmina, *Marianna*, & *Civice*, inscripta? Alterum, tanquam sanæ suæ tutelam & præsidium, in limine statim affigi voluit, ut eo facilius obrectatorum os retunderet, qui, in omne libidinum genus ipsum prostruisse serarum more, calumniabantur. Dici enim vix potest, quanta verecundia *Marianna* amores declinet, quanta cura, quantaque velut sollicitudine animi, delinimenta illius & illecebras fugiat. Alterum vero omnes dictionis gratias simul complectitur, ita, ut, si argumentum & Autoris nomen permitterent, factum Augustei esse Seculi, facile augurereris. Festinemus ad alia. Oculis enim se tuis offert ampla latis vena perductum Carmen de nuptiis *Philippi & Isabella*, quo nihil venustius, nihil augustius, unquam vidimus. Nam dictio non tantum tersa est & venusta, sed & cothurno quodam se nonnunquam effert, ubi tamen affectata dicendi ratio prorsus exulat. Imprimis potestimus de ludicro taurorum spectaculo, cannarumque lusu, liber lectu dignus est, in quo dulcissimus Poeta vires omnes experitur suas, ut certamen illud bestiarum, rem alioquin difficilem, extricaret, expeditumque mira ingenii vivacitate adumbraret. *Sphæra mundi* salebrosa plurimis, & durisculis, videtur, quo vitio etiam *Æsopi fabular* vulgo insimulant, sed, Autorem effudisse versus illos, non elucubrasse, firmitissime nobis persuademus. Cum enim ipsius Musa non nisi cultissimam semper ediderit prolem, nulli dubitamus, quin ipse hunc ingenii partem studiosius fuerit perpoliturus, si mens ipsius tantum summi Mæcenatis favorem divinare potuisset. *Cybele-Iomastix* poemation est multa eruditione diffusaque refertum doctrina. Quicquid enim in historiarum monumentis de veterum Latinorum, Græcorumque, casibus adversis deprehendes, illud hic jucunde expositum omne videbis, ita, ut, si animum legendo reficere velis, veterum voluminibus supersedere possis, illo carmine non æque. *Sermones* spirant *Horatianam* quandam suavitatem, & poesin redolent liberam, nec legum vincu-

lis adeo circumscriptam, quippe quam efflagitabant saluberrima morum præcepta, quæ sapientiam inculcant animis hominum, reliquas non adeo pensi habent minutias. Reliqua Epigrammatum congeries, quam *Farraginem* vocat Noster, suo se nitore & varietate argumentorum commendat. Nunc enim *Marianna* suos amores exprobrat, nunc amicis vita defunctis Epitaphia ponit, nunc suam sine cera & fuce amicitiam popularibus suis testatur. De dicendi genere hic usurpato non opus est quidquam amplius monere; nec verba nobis suppetunt, quibus horum Epigrammatum exprimi dulcedo possit. Gratulamur igitur Hispanis, & ipsi sibi gratulentur, de tanto nomine & literarum elegantiorum vindice, quo unico, etiam si ipsis *Fr. Sanctii* & *Jo. Ludov. Vivis* decora deessent, splendorem nanciscuntur haud vulgarem. Eant nunc, quibus exterorum gloria fudes in oculis est, qui omnia scripta ab ipsis non profecta iniquissimo conatu illudunt. Videant *Villegatis* Opera, atque ex his discant, Hispanis non deesse exquisita ingenia, quæ, uti regionis beneficio ad res non nisi altas adspirent, sic acumine argutaque dictione exterorum haud paucos superent. De cetero, ut *Illustriss. Castelvinius* porro favere Musis ne dedignetur, ex animo vovemus, eundemque, ut propediem, suæ gentis utilitati serviens, evulget eruditissimos in *Julii Caesaris* Opera Commentarios, in quibus jam totus est elucubrandis, per salutem literarum, & Ipsius gloriam, rogamus. Neminem enim tanto oneri suscipiendo aptiorem novimus, quam Comitem *Illustrissimum*, qui comita sua dictione & absoluta veterum scriptorum notitia immortalem jam sibi famam peperit, seræque posteritatis plausibus dignissimus existimatur.

DELLE OBBLAZIONI ALL' ALTARE

Dissertazione Storico- Teologica.

h. e.

DE OBLATIONIBUS AD ALTARE DIS-
sertatio Historico- Theologica, in duas Partes divisa,
Autore FRANCISCO BERLENDI,

C. R. Teatino.

Qq 3

Venetiis,

Venetii, impensis Angeli Pasinelli, 1733, 4.

Alph. 1 plag. 12½, cum Tabb. 20. 5.

Seneca in *Epist.* 39 egregie monet: *Si videris, quam multi tibi laboraverint, concupisces & ipse ex illis unus esse.* Hujus moniti memor Autor Rev. ad hoc Opusculum in lucem proferendum appulit animum. Dissertatio ipsa in duas abit *Partes*. In *priori* disseritur de oblationibus communibus, quæ inservierunt tum materiz sacrificii, tum alendis viris ecclesiasticis, de ritu offerendi, recipiendi, distribuendi, ac varietatibus accedentibus, de numero Missarum pro vivis ac mortuis; in *posteriori* exponuntur momenta & tempora, quibus suadentibus oblationes communes successerunt particularibus, earum usus varius ritusque diversi, per Seculorum decursum indicati, abusus oblationum, ac remedia, eis subinde opposita. Oblationum originem Autor ex legibus Leviticis ac Judæorum more derivat, ratus, *Irenæum* sibi jam præiisse *Lib. IV Cap. 34*, qui oblati nomen indit *muneris ad altare*, finemque in *colendo*

Pag. 2. *Dio* consistentem adjungit. Dividit Noster oblationes trifariam, ita, ut ex complectantur 1) oblationem rei inter vivos factam Deo vel ecclesiz, e. g. decimarum, primitiarum; 2) donationem mortis causa, aut aliam ultimæ voluntatis dispositionem; oblationem usualement, quæ fit ad altare, vel ad manus sacerdotis, ut inde fiat sacrificium. De tertia specie hæc suscepta est tractatio. Qui indolem ecclesiz primæ Christianæ haud ignorant, arbitrantur omnino, munera a divitiaribus, præcipue vinum & panem, in medium fuisse allata, ut inde symbola evcharistica defumerentur, presbyteri alerentur, indigi inopesque reficerentur. Necessitas ritum invexit, nulla Leviticæ legis conformitas. Cum vero Episcopis & Presbyteris probari hierarchicus principatus, de cujus gliscente initio jam *Paulus* conqueritur, cœpisset, ad schema Sacerdotum Leviticorum provocarunt, ut auctoritatem sibi conciliarent maximam. *Cyprianus* inprimis hoc schema urgere cepit acriter. Successu temporis obtulerunt Christiani ad mensas sacras duntaxat panem & vinum; qui plura obtulerunt, seu piis usibus consecraverunt, in hæreticorum album fuerunt adscripti. *Artoyrus*

voca-

vocabantur, qui offerebant panem & caseum. Verum ea denominatione ad libidinem hæretificationis referenda est, siquidem inde a Seculo secundo ad nonum usque *lac & mel* quoque fuerunt oblata ab eis, qui orthodoxi fuerunt existimati, testibus *Tertulliano de Corona militis Cap. 3, Bollandi Actis Sanctorum ad XVIII Febr. pag. 63, & Joannis Mabillonii Museo Italico Tom. I Part. II pag. 75.* Veteres vinum aqua mixtum obtulerunt ad evcharisticum epulum inde conficiendum, lactis oblatio prohibita Seculo septimo Bracarensi Synodo, dummodo Canones sint genuini. *Innocentius VIII* Norwegis permisit licentiam *calicem sine vino consecrandi, quod ob immensa frigora vinum in ea regione importatum acefcat*, teste *Volaterrano Lib. VII Geog. Cap. de Saxonibus.* Concertant doctores rei moralis apud Pontificios de eo, an integritas consecrationis evcharisticæ adhæreat & affixa sit speciebus panis ac vini non solum de Jure Ecclesiastico, sed quoque de Jure divino. Matrona a risu sibi temperare haud poterat, cum ex manibus *Gregorii M.* panem a se ante factum reciperet, dicens: *Panem, quem propriis manibus me fecisse cognoveram, tu corpus Dominicum perhibebas*, teste *Joanne Diacono in Vita Gregorii II, 41.* Ad panes evcharisticos conficiendos olim singulæ familiæ ac domus farinam purissimam seligebant, ac sacerdotibus mittebant. Mulieres eos parabant, immunes jam a sanguinis menstrui profluvio & effluetæ. De forma panum evcharisticorum seu oblatorum nunquam certa obtinuit consuetudo in ecclesia. Autor de ea disserit §. VIII pag. 10 seq. ac figuram haud unam æri incisam cum lectore communicat. Inter nostrates olim *Philippus Julius Rebtmeierus*, Ven. nunc Brunsvicensium Ecclesiastes, plures panis evcharistici figuras collegit ediditque in Diss. quam de *Oblatis evcharisticis, quæ hostiæ vocari solent*, Præside *Jo. Andr. Schmidio*, A. 1762 Helnestadii concinnavit ac defendit. Græcorum figuras dedit *D. Jo. Michael Heineccius* in *Abbildung der alten und neuen Griechischen Kirche Part. III Cap. 5 pag. 318.* Alios laudat *Jo. Alb. Fabricius* in *Bibliographia antiquaria Cap. XI pag. 401.* Figuras quatuor, alibi haud facile obvias, e Com-

Pag. 6.

7.

men-

- TAB. VI
Fig. 1. mentatione Autoris desumptas, in Tabula adjecta cum Lectore communicamus. *Prima* fuit desumpta ex *Wanslebii* Historia ecclesiae Alexandrinae seu Copticae Jacobitarum. Epigrapha ex *Es. VI* fuit deprompta, ac denotat haec verba: *ἄγιος, ἄγιος, κύριος, σαβαὶθ, sanctus, sanctus, sanctus, dominus. Zebaoth.* Jacobitae credunt, per duodenarium crucium numerum Apostolos denotari. Medium vocant *isbodicon*, id est, *despoticon*, seu *dominicum*, puta corpus.
- Pag. 15 seq. *Secunda* dicitur *Ildefonsi*, quia ea figura huic Episcopo A. 845 divinitus patefacta perhibetur, quemadmodum ipse hoc exposuit in Opusculo suo de pane eucharistico, quod ex Codice Bibliothecae Vaticanae Cardinalis *Bona* describendum, ac ad P. *Joannem Mabillonium*, qui edidit, mittendum, curavit. Forma haec est rotunda instar nummi: in uno latere apparet crux cum literis $\alpha \omega$: in averfa parte legitur nomen Solpicatoris optimi \widetilde{XPC} , hoc est, *Christus*. Huc respicit *Honorius Augustodunensis* in libro, qui inscribitur *Honor Gemma animae* Cap. 29. ita differens: *Panis ideo in modum denarii formatur, quia Panis vitae Christus pro denariorum numero tradebatur, qui verus denarius in vinea laborantibus in premio dabitur, ideo imago Domini cum literis in hoc pane exprimitur, quia & in denario imago & nomen Imperatoris scribitur, & per hunc Panem imago Dei in nobis reparatur, & nomen nostrum in libro Vitae notatur.* Ea igitur aetate jam
- Fig. 3. imago Christi literis ipsis fuit juncta. Tempore *Chrysostomi* in mensa sacra nil nisi crux apparuit, in purpuris crux, in mysticis caenis panis cruce signatus occurrit. Haec figura est
- Fig. 4. *tertie* nostrae interpretis. *Figura quarta* exponitur ita ab *Adolpho* quodam apud *Cesarium* Lib. IX Cap. 3: *In ipsa hostia virginem in sede sedere, infantemque in sinu servare contemplatus est.* Panis eucharisticus, figura impressa insignis, formata dicitur a *Durando* Lib. IV Cap. 41, ac in Ordine Romano. Satis diu tamen in Romana ecclesia panis integer fuit usus sacro consecratus, ac deinde propter distributionem commodiorem fractus. Cardinalis *Umbertus* ita differit tempore *Nicolai II* apud *Canisium* Tom. III pag. 294 ed. recentiss. Sancta Roma-

bul. pag. 312. et 329.
T




Fig. II.





Fig. III.



na Ecclesia usque nunc observat: panem integrum benedicit, & fractum singulis particulatim distribuit, dicens: accipite, & comedite, hoc est Corpus meum. De liturgia, in qua fracti corporis Christi fit mentio, haud ita pridem Mediolani diffidebant viri docti. Sed ea hinc sœneratur lucem. *Anastasius de Melchiate*, sub finem Seculi quarti defuncto, hæc habet: *Hic fecit, ut Oblationes consecratæ per Ecclesias ex consecratu Episcopi dirigerentur, quod declaratur Fermentum.* Pag. 18 seq.

decurrit Autor ad quæstionem illam, an olim semper fermentato pane evcharistico Romana ecclesia fuerit usa. Cardinalis *Thomafius* credit, per fermentum illud fermentatum panem evcharisticum omnino esse intelligendum, cui accedimus cum *Francisco Blanchinio*, ac Rev. Autore nostro. Vas illud, quo antiqui evcharistiam ad alios deportabant, vocabant *sacculum super planetam*. Ut vinum evcharisticum fieret purum, veteres colatoria adhibuerunt, quibus vinum transfundebatur ac defecabant. *Blanchinius* in *Notis ad Anastasium Tom. II Sect. 18 pag. 179* duas produxit colatorii figuras, & ex eo is, quem jam laudamus, Autor. Instruementum illud vocatur in rituali *S. Martini Turonensis Sion. P. Martens* ignoravit hujus vocis potestatem. Noster docet, vocem illam Venetiis esse notissimam, ac notare tubum, per quem vinum extrahitur ex uno dolio in alterum. Calix cum fistula ejusmodi dicitur ab *Anastasio* in *Vita Leonis III calix cum scyphone*. Per scyphonem intelligimus siphonem, per quem aqua in vinum infunditur, & vinum ipsum defecatur. Vocatur ille alias *cola*. Vinum album videntur Christiani primi adhibuisse sacre cœnæ ob locum *Irenæi Lib. I Cap. 9 adversus Hæreses. Benedictus XIII* jussit præferri rubrum, si potuerit comparari, ratus, id sanguini Christi magis congruere. Alii prætulerunt album, ut mundi- tiem altaris ita conservarent cautius. Christianos primos vinum aqua temperasse evcharisticum, neminem fugit. Distin- xerunt veteres anxie inter illos, quorum oblationes essent reci- piendæ, vel non recipiendæ. Qui symbolis evcharisticis poti- ri legitime haud poterant, eis haud licebat oblationes altari asserre seu admovere. Seculo V jam Episcopi eis, quos pro

20.

23.

24.

26.

33.

39.

Rr

impro-

- improbis habebant, interdicebant communione eucharistiae, ac respuebant ipsorum oblationes. Notum est *Augustini* exemplum ex *Epist. VI*. Vocamus illam separationem a communione merito *excommunicationem*, ejus originem & consensum Noster a Gallorum institutis reperit, apud quos, *Casara de B. G. Lib. VI* ita docente, privatus aut populus, qui decreto
- Pag. 48. Druidum haud paruiſſet, a sacrificiis abesse debebat. Prius temporibus patres munera silentio obtulerunt altari; postea vero additæ sunt certæ formulæ. Oblata recondebantur in locum a sacra mensa distinctum. Græci vocant *προσέδωρον*, Romani *oblationarium*. Hinc tractatio desleſcit ad patinas & calices pag. 51 seq. & ad modum sumendi symbola consecrata: ad fistulas, per quas plebei vinum consecratum percipiebant: ad ritum reservandi symbola consecrata ad consuetudinem primæ ecclesiæ, cujus homines quotidie ad sacram cœnam adhibebantur: ad morem, quo per Secula multa panis eucharisticus laicis quoque fuit datus. Memorabilis est locus *Walafridi Strabonis de rebus eccles. Cap. 26*, quem Autor, nescimus, quam ob causam, aſſert: *Notandum, primis temporibus solummodo illis Baptismi gratiam dari solitam, qui & corporis & mentis integritate jam ad hoc pervenerant, ut scire & intelligere possent, quid emolumenti in Baptismo consequendum, quid consistendum, atque credendum*. Videtur Autor id ipsum pro vero reputare, ut eo majorem ecclesiæ conciliet ex immutatione consuetudinis autoritatem. Ministri ecclesiarum olim vivebant ex oblatiis & sſipe menstrua. Episcopus hæc deinceps inter ministros ecclesiæ solebat distribuere; pars vero cuique obtingens vocabatur *sportula menstrua*. Hinc ad 72 seq. sportulas fratresque sportulantes divertitur oratio. Canonicos primos vitam monasticam observasse, tradit Noster pag. 78 cum *Jacobo Grutero* in Notis ad *Lib. I Cap. 17 Vita S. Willibaldi*. In *Parte secunda* de stipendio Missæ disserit, quod quoque *honorarium & denarius* dicitur. Nam oblationi panis & vini, a laicis antiquitus fieri solitæ, successit tandem elemosyna pecuniaria presbytero facta, quam stipendium vocant. De donationibus pro remedio animæ varia hic & ex-
- quili-

quisitiora & jucundiora afferuntur, quæ penes Autorem legi Pag. 115 seq. malumus, dolentes, Indicem, Opusculo subjectum, nimis esse circumscriptum, nec expectationi usurorum hoc libro satisfacturum.

D. JOANNIS GUILIELMI HOFFMANNI
Meletematum Academicorum ad Pandectas Semestria
duo, in quibus multa Juris civilis loca illustran-
tur atque emendantur.

Frankfurti ad Viadrum, apud Jo. Godofredum Conradi,

1735. 4.

Alph. 2 plag. 3½.

Collectæ sunt in hoc *Meletematum* Volumine Dissertationes XXXII, quas Autor per anni spatium in Academia Viadrina publice ad quinquaginta Pandectarum libros habuit. Consilium ejus & Præfatio indicat, & ex unaquaque harum Dissertationum manifestum est, examinandi nimirum dubiam Digestorum scripturam, componendi variorum librorum lectiones, conferendi Græcos cum Latinis, & remediis, quæ Crisis licita & concessa suppeditat, ægris locis, si fieri posset, curam adhibendi. Delectatur præsertim notissimo literas, syllabas, & voces, geminandi auxilio, cui eo certiores sperat veniam, quo per illud in textu existit mutatio minor, aut potius nulla. Dabimus ejus tentaminis exempla quædam. Ita v. c. in l. 3. D. de rit. nupt. verba Pauli: *Si nepotem ex filio & neptem ex altero filio in potestate habeam, nuptias inter eos (me) solo autore contrahi posse*, Pomponius scribit, & verum est; per legem geminationis accipit solo **A**utore, id est, solo **au**to autore. Porro l. 4 §. 5 D. si servit. vindic. Nam, si & arborem impendentem habeat vicinus, quæ **VIAM** vel iter in-vium vel inhabile facit, hoc est, qua viam aviam vel iter in-vium &c. Dein apud Paulum l. 2 D. ad exhib. Exhibere est face**RE** In publico potestatem, id est, facere rei in publico potestatem. Similiter apud Afernum Varum l. 27 de con-

Rr 2

dit.

dit. & demonstr. verba, quæ tentarunt sæpe alii, tametsi in scriptura non tum esset, quæ Fornerius legi jubet non notum esset, Bynckeribakius non tam esset, Noster, binis literis duplicatis, effert non Tum esset, id est, non tutum esset. Iterum apud Paulum l. 38 ad SC. Trebellian. Non enim SOLUSIO est hereditatis restitutio, sed & successio, cum obligatur, id est, Non enim solum solutio &c. Verba Papiniani l. 20 de Compensat. in quibus sine idoneo sensu legitur, quoniam ea non compensatur, ita geminat, quoniam eANON compensatur, id est, quoniam e annona non compensatur. Mox apud Ulpianum l. 4 §. 6 de minor. XXV an. verba, dico, debere cum audiri in integrum se restituentem, per similem ἀναδιπλῶσιν accipit, se restITuentem, id est, se restitui tuentem. Papiniano etiam hoc remedium adhibet l. 25 de constit. pec. Ait ille: Dixi, non esse audiendum, si velit hodie constituta rei fidem frangere, quod secundum antiquæ orthographiæ rationem ita restituit, si velit hodie constitutaEREi fidem frangere, id est, constituta ere (sive bere vel beri) rei fidem frangere. Item apud Paulum l. 29 §. 2 de pignor. Domo pignori data & area ejUSTenebitur, id est, domo pignori data & area ejus usque tenebitur. Addamus binas geminationes ad binas leges ex tractatu de Regulis juris. Nimirum l. 26 de R. J. geminat: Qui potest invitisALienare, multo magISEt ignorantibus & absentibus potest, hoc est: Qui potest invitis aliis alienare, multo magis eis & ignorantibus & absentibus potest. Et apud Paulum l. 167 de R. J. Qui jussu judicis aliquid facit, non videtur dolo malo facereEQUIParere necesse habet, id est, dolo malo facere, quippe qui parere necesse habet. Attulit hujus generis in medium alia permulta, de quibus eo facilius a iudicibus æquis assensum sperat, quo certius est, librarium Florentinum hoc scribendi compendio per geminationem resolvendo infinitis locis usum esse, quorum multa jam indicavit Taurellius, alique. Utitur vero præsertim hoc remedio ad conciliandas varias Florentini & vulgatorum librorum lectiones, nec raro geminationem suam auctoritate Basilicorum confirmat ac tuetur. Aliquando majus aliquid audet,

& ad mutationem unius literæ aut syllabæ descendit. Ita in l. 25 §. 6 de *Edil. Edict.* pro *imitatione* legit *incitatione*; l. 12 §. 4 qui *pot. in pign.* pro *servetur* substituit *versetur*; in l. 52 §. 1 pro *socio*, ejusque verbis, *pretium enim opera artis est velamentum*, pro *artis* legit *partis*; in l. 7 §. 1 ad L. *Aquil.* pro *capite* reponit *lapide*, & quæ sunt alia plura. Conjecturas eas vero sæpenumero Basilicorum testimonio confirmat, quorum allegatione vix ulla pagina vacat, ut facile unicuique manifestum sit, Autorem ubivis Græca cum Latinis contulisse, & horum discrepantiam illorum beneficio diremisse aut conciliaisse. Præterea innumeris locis Basilicorum naves notat & corrigit, tum quos interpretes ipsi, tum quos editores & quondam librarii commiserunt; aliquando etiam de correctionibus, quas in medium protulerunt alii, sententiam dicit. Atque, ut in ejusmodi conjecturis facile incidere possumus in eas, quæ ab aliis jam sunt occupatæ, ita in calce Dissertationis XXIV, & in Præfatione, ipse significavit, quæ a se excogitata invenerit postea apud alios. Applaudimus nos eximie industriæ Consultiss. Autoris, qui, si ita porro, quod precamur, integris ingenii corporisque viribus utatur, atque ita explicare doctrinam haud vulgarem limatissimis scriptis pergat, videtur nobis brevi eam inter nobiliores Juris Romani interpretes famam consecuturus, ad quam nostra hac ætate aspirare, nedum pervenire, oppido paucis contingit.

DE MORBIS VENEREIS LIBRI SEX: IN

quibus differitur tum de origine, propagatione, & contagione horumce affectuum in genere, tum de singulorum natura, ætiologia, & therapeia, cum brevi analysi & epicrifi Operum plerorumque, quæ de eodem argumento scripta sunt: Autore JOANNE ASTRUC, Regia Consiliis medicis, Archiatro AUGUSTI II, gloriose memoriæ Poloniarum Regis, S. R. I. Electoris,

Et Ducis Saxonie, Medico ordinario Sereniss. Principis Ducis Aurelianensis, Et in Regio Francie Collegio Professore Medico.

Lutetiz Parisiorum, apud Guilielmum Cavelier, 1736, 4.

Alph. 3 plag. 5.

Illustris Autor, longo & felici in re medica exercitio usus, & insigni elegantiorum, quales ad Medicinam faciunt, scientiarum supellectile instructus, si quis alius, de nobilissimo hocce argumento cum successu agere & commentari potuit. Nec mirum, eidem, cui quotidianum fuit, morborum hujus indolis atroces effectus, nascendi conditionem, causarum nexum, rimari, atque efficaciorum remediorum selectum experiri, plurima, quæ hætenus de eodem negotio inter eruditos scripta & pertractata fuerunt, mutila videri & manca, vel certe non omnibus numeris absoluta. Inde antiquiorum, quorum tempore lues ista Europam invasit, in diagnosi causarum æque, ac efficaciori therapia, taxatur oscitantia, nimiusque Mercurii, ne venenum esset, metus; recentiorum vero non minus improbatum inconstantia, qua sententiarum suarum noviter excogitarum tenaciores, id omne, quod rectius dictum erat olim, de novo, ornatus, quam verius, declamant, quorum omnium scripta, angustiora plerumque, quam ut tanti ambitus pathologiam continere possint, limam postulare visa sunt Autori, quem in hocce argumento classicam prorsus auctoritatem in posterum habiturum omnibus proponimus. *Primo Libro* morbi, Europam invadentis, historica variis suis ætatibus præmittitur enarratio, & ab ipso ovo dicendi initium fit, declaraturque, nec Græcis, nec Romanis, multo minus sacris literis, quarum Lepa sui generis morbus extiterit, quidpiam de pestifera hac lue notum fuisse. Favent huic asserto Medicorum, Poetarum, Historicorum, silentia. Neque enim, qui aphrodisiacorum omnium dissoluti fuerunt præcones, Poetæ amatorii, temperaturi sibi a maledicentia fuissent, si tam amplam conviciorum scommatumque segetem, qualia hac nostra ætate in Venereos

evo-

evomuntur, habuissent; nec modestior *Regnero*, Satyrico, *Horatius*, nec verecundiores *Maroto*, *Rabelajo*, aliisque, *Catullus*, *Martialis*, *Perfius*, suo quilibet tempore extitissent. Explicantur quædam pro antiquitate morbi allata ex Græcis aque ac Latinis, *Hippocrate*, *Galeno*, Medicis, *Herodoto*, *Suetonio*, Historicis, loca, & si qui antiquorum morbi, Elephantiasin puta Græcorum, seu Lepram Arabum, tantisper ad veneræ luis indolem accedere poterant, diversam omnino ab hac faciem obtinuisse declarantur. Conveniunt reliqua, quæ de ortu hujus morbi, variis ejus nominibus, modoque, quo increbuerit, dici solent, addunturque curiosa plura alia, tum ex aliis, tum ex *Guiljelmi Beckettii* Dissertationibus, quæ habentur *Transactionum Philosophicarum Voluminibus XXX & XXXI*, deprompta, contra cujus pro antiquitate domesticæ & sub nomine *Burning* inter Britannos cognitæ luis argumenta disputatur. Accedunt varia sancita pro avertendo per Galliam, cum primum divulgari inciperet, morbo. *Liber secundus* de contagione, natura, & therapæia morborum venereorum inscribitur, doceturque, ab initio luem veneream inter morbos epidemicos numeratam fuisse, donec familiarius haberi inciperet, siquidem comperitum sit, non nisi proximo contactu de corpore in corpus migrasse, sive hæreditario jure a patre ad filium transierit, sive turpi consuetudine cum ulcerosis fuerit acquisita. Vim sui multiplicativam habet virus venereum ad legem fermentorum, non aliter, ac pus variolarum vulnuscule inditum, aut virus phalangii, quod tarantula audit, específicos quosdam semperque constantes effectus producit. Phlogistæ urentis, coagulantis, sed & fixæ, indolis virus istud esse declaratur, illud ex effectu destructionis corporum, hoc ex modo inficiendi, nam in dissita corpora agere nequit, clarum esse potest. Quamvis autem humores etiam sine contagio ardentis veneni naturam acquirere possint, fieri tamen vix solet spontaneum quodpiam veneris incendium sine contactu corporis virulenti. Sed non unam corpus subeundi commoditatem pestilens ille, quisquis is est, acidus, an verminosus, halitus obtinet, madore, spiritu, traductione per vasa lymphatica varia-

variarum corporis partium intromittitur: genitalia, lingua, gingiva, bucca, omnia, patent. Afficiuntur gravius, quæ veneno propius primoque loco tactæ fuerunt partes, & temeritatis, qua incendio accesserant, culpam luunt; verum pauco ab hinc temporis spatio, quicquid adjacet, nisi restinguatur stygia isthæc flamma, in communionem mali abripitur. Doctissimus Autor, naturam fermenti hoc ipso affecutum fuisse virus istud, arbitratur, quod susceptibilia corpora in motus analogos ciere solet, prout fermentum panis, vini, & cerevisiæ, aliaque hujus generis orgasmica corpora, id præstare solent. Mirum est saltem, qua ratione virus istud corpore susceptum delitescere in sanguine, suamque nocendi efficaciam abscondere, donec nocentius sæviat, possit; sed illustratur id ipsum ex doctrina hydrophobici, aliorumque venenorum, quæ latentem in herba anguem fere semper imitari solent, si successiva fuerint, invenerintque resistentes puritate sua humores, qui corrumpendi sunt paulatim. Variis curationibus mali impetum refrænari, contenderunt varii temporis Medici. Recensentur plures methodi, inter quas prima est Guajaco administrata, quam prædicat *Ulricus Huttenius*, qui in se ipso experimentum cum successu fecerat. Ingeniosa magis visa fuit cura paulo post: diætam ordinasse, venam incidisse, primarum viarum vitia correctæ dedisse, decoctis, Apozemate, sero lactis, aliisque, vitium sanguinis abluisse: pustulas balneo, dolores ardoresque linimento, sublevasse. Accedebant Cauteria, & plures aliæ ægrorum carnificinæ. Hactenus haud incognitæ virtutis fuerat hydrargyrus, verum paucioribus in salutem cesserat, satente *Huttenio*, vix centesimum quemque levatum fuisse, recidivo ut plurimum malo. Inde e Plantis salus quæri cœpta est. Inclaruerunt scilicet circa illa potissimum tempora Lignum sanctum & Sassafras, Chinæ & Sassaaparillæ radices. Verum leniora isthæc remedia mali atrocitatem superare vix poterant; inde Hydrargyrus principatum denuo obtinuit, utut ab antiquis damnatus, nec tamen statim ad interiora corporis admixtus, sed exteriori saltem curæ ulcerum sub forma unguenti adhibitus, vel cerato aut suffu-

suffumigio applicatus. Paulo tardius cœptum est Mercurio uti ad interiora, & primum quidem, præcipitatum ejus rubrum sub nomine pulveris rubei *Joannis de Vigo* inclaruit, inde & crudus ad Pilulas Barbarossæ dictas componendas cum Resinis purgantibus accessit. Multiplex nunc est illius remediij usus, nec inferior fama, dummodo cautelæ practicæ haud negligentur, familiaritate, quæ hodie pluribus cum Hydrargyrosi intercedit, metum prorsus excutiente. Consistere videtur Autori Hydrargyri efficacia potissimum in virtute sanguinem atterendi, vasa corporis sanguifera atque lymphatica secretoria minimis minora permeandi, salivam potissimum movendi, quæ remedii vis mechanice declaratur ex fluiditate, indefinita parvitate, & specifico pondere Hydrargyri. Ipsorum morborum, a Venere nomen habentium, ætiologia, diagnosi, prognosis, & therapeia, per singula capita eundo, exhibetur *Libro Operis tertio*. Largiendum hoc est Eruditiss. Autori, neminem hæcenus ea cura, atque adeo sollicita circumstantiarum enarratione, de morbis hisce egisse, ut de primatu cum eodem contendere ausit. Præmittitur ampla descriptio & historis morbi, sedes mali, differentiz, causæ, allegantur, nihilque ex Anatomia potissimum omittitur eorum, quæ ad plenariam evolutionem rei ullo modo spectare poterant. Accedit *Libro V & VI* Index Chronologicus Autorum, qui de lue venerea scriptis inclaruerunt, ab ineunte morbo ad hæc nostra tempora, cum brevi Operum analysi, epicrisi, & severiore haud raro castigatione.

THE PHILOSOPHICAL TRANSACTIONS,

from the year 1720 to the year 1732 abridged, &c.

h. e.

ACTA PHILOSOPHICA AB A. MDCCXX

usque ad A. 1732, in epitomen redacta, & per Capita
generalia disposita, a REIDIO & JO. GRAY,

A. M. & Reg. Soc. S.

S:

Volu-

Voluminis VI Partes II, III, & IV.

Londini, apud Guil. Innys & Rich. Manby, 1733, 4.

Alph. 3 plag. 20, cum Tabb. zn. 15.

Primam hujus *Voluminis Partem*, in qua Schediasmata Mathematica collecta sunt, recensuimus in *Actis Anni superioris Mense Martio pag. 125 seq.* *Parte II* scripta physica comprehenduntur. *B. Taylor, Desaguliers, & Triewald*, in cohaesionem corporum inquirunt. *Gray* experimenta electrica, *Fabrenheit, Nettleton, Celsus, Graham, Cruquius, & Poleni*, Observationes varias Barometricas & Meteorologicas exhibent: *Desaguliers* de adscensu vaporum, & formatione nubium & pluviarum, agit: de effectibus fulminum singularia quaedam exempla afferuntur: de frigore, mense Jan. A. 1731, *W. Derham* disquirat: idem de igne fatuo notatu non indigna recenset. Sequuntur multorum Observationes de lumine sive aurora boreali; & nonnullæ de parheliis. *Ben. Langwith*, mane iter faciens, iridem vidit, humi jacentem, & ab illuminato rore formatam, cujus figuram hyperbolicam, & positum, (vertex enim admodum propinquus erat, & crura utrinque satis longe porrigebantur,) & reliqua phaenomena, comparando cum ea iridem vulgarem, luculenter demonstrat. Idem, in vulgari iride interioribus colorum ordinibus varios alios debiliores contiguos se identidem observasse, memorat. *Is. Greenwood* effectus vaporum, in puteo quodam antiquo reparando obvios, exponit: *Desaguliers* de vaporibus & aere impuro ex fodinis extrahendis experimenta nonnulla affert. In *Hydrologicis* idem *Desaguliers* machinam describit, ad profunditatem maris certo & expedite dimetiendam; *Henr. de Saumarez & Tb. Jones* de æstibus fluvii Thamesis; *Paulus Dudley* de cataractis fluvii Niagara in Canada, itemque de rivo in America absorpto; *Scheuchzerus* de origine fluviorum quorundam in Europa præcipuorum, item de lacubus Helvetiæ, disserunt. In *Minerologicis* *Fr. Nicholls* Observationes exhibet, ad historiam naturalem metallorum & mineralium spectantes; deinde de
variis

variis stratis, quæ in puteis & metallifodinis reperta sunt, de cobalto, de adamante, de chrysellis, de ambra, de petrefactis sceletis humanis, de terræ motu, de insula ex mari orta, de copioso pumice in mari natante, de genere quodam ignis subterranei, de humo inusitate subfidente, & de præcipitiis montium, tractatur. Sequuntur de magnete & de variatione acus magneticæ, *Taylori*, *Muschenbroekii*, & aliorum, Observationes. In *Botanicis* varia afferuntur ad Anatomiam & generationem plantarum pertinentia: *G. Cramer* de arbusculis ex ligno putrido enatis; *P. Dudley* de malo, fructus sine floribus ferente; *Thom. Fairchild* de motu succi in plantis; *Scheuchzerus* de parvitate plantarum Alpinarum; *W. Houston* de *Contrayerva*; *Douglas* de *Ipecacuanha*, itemque de flore & cultura croci; *Seba* de cinnamomo; alii de oxyoide, de *Mussa*, de cereo Peruviano, & de aliis plantis rarioribus, verba faciunt.

Progredimur ad *Partem III*, Zoologica & Anatomica, Medica, & Chymica, complectentem. Hic, ut multa alia omittamus, *Hans Sloane* de duobus cornibus inusitatæ magnitudinis, in cella quadam nuper repertis, erudite disserit, perquam probabile esse, demonstrans, ea fuisse cornua ingentis alicujus bovis Æthiopici, cujus, post *Agatharchidem*, *Diod. Siculus*, *Strabo*, *Plinius*, *Solinus*, *Ælianus*, & ex junioribus *Ludolphus* nosse, mentionem faciunt. Idem de dentibus atque ossibus Elephantinis, passim sub terra repertis, accurate exponit. *W. Ratty* historiam naturalem cochenillæ & cocci Polonici persequitur. *Fr. Nicholls* cancrum marinum hermaphroditum describit, quem, propter exemplum oppido rarum, in vitro & spiritu diligenter asservat. Et quidem in animalibus, in quibus partes, generationi destinatæ, cum externæ, tum internæ, cum in maribus, tum femellis, duplices reperiri solent, ut in cancris & quibusdam avium generibus, non dubitat doctissimus Vir, veros existere hermaphroditos posse: in ceteris id recte negari putat. Primo autem cancrum marem, itemque femellam, ante oculos seorsim ponit, & schematismo illustrat,

ut de partibus genitalibus utriusque sexus, & de harum partium naturali duplicatione, rite constare possit: deinde catæcrum suum hermaphroditum delineat, ostenditque, si a capite ad caudam bifariam dissectus concipiatur, totam partem dextram femininam, sinistram masculinam, esse, singularibus, non duplicatis, existentibus utriusque sexus membris. Inter ea, quæ de variis morbis atque affectibus corporis humani agunt, imprimis memoranda videtur Observatio D. *Alex. Stuarti*, de morte viri, ex vulnerata vesicula fellis: quippe qua occasione Viro docto innotuit, ad motum intestinorum peristalticum, atque adeo ad chylum in Vasa lactea, & ad ipsa excrementa protrudenda, bilem profus necessariam esse: nam ex motu illo cessante, & distensionem intestinorum, & suppressionem alvi, & alia symptomata, in homine, de quo diximus, orta esse, satis constitit. Omittenda sunt cetera, quæ in hac *tertia Parte* proponuntur; exempli causa, de singulari quodam nævo materno, de implantatione variolarum, de cataractis oculorum, de plica Polonica, de Bronchotomia, de usu pulmonum ad sanguinem rarefaciendum potius, quam condensandum, de hernia aquosa, de sætu per anum excluso, de calculo in vesica dissoluta, & per urethram ejecto, de usu aquæ frigidæ in febribus, de aqua venenata ex foliis lauro-cerasi destillata, de spiritu vini æthereo, & de multis aliis, non minus utilibus, quam curiosis.

Restat enim, ut etiam de *Parte IV* mentionem faciamus: qua partim Chronologica, Historica, & ad Antiquitates spectantia, partim miscellanea, continentur. Et primum quidem locum hic occupant Annotationes magni *Newtoni* ad editionem Gallicam Indicis sui Chronologici, ipso invito factam, atque annotationes sibi oppositas complectentem: ubi, in plerisque ac præcipuis capitibus suam mentem plane non percepisse adversarium, Vir summus ostendit. His subjunctæ sunt *Halleji* quædam Annotationes ad Dissertationes, quas *P. Soucier* Chronologicæ *Newtonianæ* opposuit. *Jo. Ward* de equineo; *Rogerus Gale* de stilo & papyro veterum, itemque de Inscriptione quadam Romana, nuper inventa; *W. Stukely* de Romano pavimento

mento reperto; *D. Simon Degg* de sceleto humano inusitatae magnitudinis, disquirunt. Ex *Miscellaneis*, quæ postremo loco occurrunt, *Observationem W. Cheseldeni*, admodum notatu dignam, afferre placet, de Juvene quodam nobili, ex suffusione, quam cataractam vocant, a nativitate cæco, deinde vero arte chirurgica feliciter sanato. Non dubitare plerique videntur, quin cæcus, cum primum natus oculorum usum fuerit, illico res circumjectas distincturus, & pro iis agnitus sit, quæ sunt, quippe quarum formas & qualitates, coloribus tantum exceptis, jam antea tactu exploratas habeat. Sed, falsum hoc esse, cum ipsa ratio rite attendentem docet, tum experimentum in juvene illo, de quo diximus, factum, penitus confirmat. Habuerat ille, prius etiam, quam a suffusione liberaretur, obscuram quandam lumnipis & colorum perceptionem, sed res ipsas, earumque figuras & terminos, discernere prorsus nequiverat. Postea vero, quam videre cepit, priores illæ colorum ideæ minime sufficiebant, ut per eas deinceps internoscere colores, oculis suis expositos, potuisset: itaque illos non eosdem putabat, quos antea iisdem nominibus designatos conceperat. Coccineum colorem ex omnibus unum judicabat pulcherrimum: ceteri, quo floridiores erant, hoc magis placebant. Nigrum initio averfabatur: &, quamvis paullo post eum facile ferret, tamen, interjectis aliquot mensibus, nigram conspiciens mulierem, ingenti horrore afficiebatur. De distantis rerum principio judicare nullo modo valebat, adeo, ut, omnia objecta visus tangere ipsos oculos, perinde ut objecta tactus cutem, opinaretur. Gratissima autem ea habebat, quæ maxime polita & regularia erant: etsi de eorum forma haudquaquam poterat judicare, nec conjectura assequi, quid illud esset, quod in quavis re visa placeret. Cumque nullas res, quantumvis figura & magnitudine differentes, internosceret, doctus ab aliis, quæ ea essent, quæ videret, quorum scilicet formam jam antea tactu satis perceptam habebat, omni studio advertebat animum, quo ea discernere deinceps oculis posset. Sed multitudine discendorum fiebat, ut complura identidem oblivisceretur, & c. c. in

• cane a sefe internoscendo, diu multumque erraret. Mirabatur vehementer, homines, quos maxime amabat, non videri pulcherrimos, neque easdem res, ut tactu, ita visu, gratissimas esse. Duobus fere mensibus elapsis, animadvertere oculis incepit crassitiem & inæqualitatem corporum, quæ ante id tempus non aliter adspexerat, quam superficies planas, coloribus variegatas. Cumque deinde in corporum imaginibus depictis, quæ similem inæqualitatem præ se ferebant, tactu tamen nihil inæquale deprehenderet, miratus rogavit, uter igitur sensus mentiretur? Effigiem patris sui in perexigua tabella cernens, agnovit quidem admonitus aliquam similitudinem, sed non sine magno stupore quæsiit, qui fieri possit, ut tam ampla facies in tam parvo spatio sit expressa; quippe quod non minus absurdum putasset, quam si vini amphoram in sextarium infundere coneris. Ac principio quidem, quæcunque videbat, perquam ampla existimabat: ampliora videns, minora facile concipiebat: majora vero, quam quæ terminis, quos videbat, continerentur, imaginari nullo modo poterat. Fallus, conclave, in quo erat, esse tantum partem domus, minime tamen concipiebat, quomodo domus videri major, quam præsens conclave, posset: hoc est, ut nos illud interpretandum censemus, non poterat imaginari extensionem, ea majorem, quæ totum oculum implebat: quod neque nos ipsos posse, satis certum est. Ante factam operationem chirurgicam vix alium fructum ex visu sperabat, quam qui legendo & scribendo caperetur, observans, ea re cæcos præflare, quod in tenebris securius agere, quam videntes, queant. Deinceps vero delectationem, a quovis novo spectaculo ortam, & gratum animum erga chirurgum suum, nullis verbis nullisque significationibus satis exprimere potuit. Novissime etiam altero oculo sanato, res, ad quas utramque aciem dirigeret, non illas quidem duplicatas, sed tamen altero tanto fere ampliores, quam prius, se videre testatus est.

RECUEIL DES PIÈCES D'ELOQUENCE

présentées à l'Académie des belles lettres de
Marseille, &c.

h. e.

h. e.

COLLECTIO EXPERIMENTORUM ELOQUENTIAE, oblatorum Academiae bonarum literarum Massiliensis, pro obtinendo Anni MDCCXXXIV præmio: cum panegyricis Orationibus, in mortem Ducis DE VILLARS, Academiae Fundatoris & Protectoris, ultimo confessu publico d. 9 Dec. hujus anni habitis, & Elogiis historicis Academicorum, inde a condita Academia emortuorum.

Massiliæ, typis Petri Boy, Typographi Regii & Academiae bonarum artium, 1735, 8.

Plag. II.

Antiquissima Massilia, celeberrima & mercium, quas Archipelagus cum Africa vastusque Oceanus Galliae oris mittit, & bonarum artium, mercatura, pristinam suam, quam olim obtinuit, famam æquare summis viribus magnoque rerum successu hac ætate armitur. Neque enim, nisi qua parte suis viribus potens & respublica esse desuit, ab illa, qua olim polluit, autoritate quidpiam remisit. Clementissimo Provinciae nunc dictæ, olim Celtarum trans Rhodanum, cælo sita, hyemis, nisi qua pluviis irrigua, injurias nullas perferit, magno & perenni inontium iugo aquilonios impetus eludens. Mores Gallorum comitatem maximam sapiunt, quos exterorum consuetudines (nam orbis concilium hac urbe agitur,) tantisper miscent. Fertilia scientiis ingenia proveniunt, quæ patriam, quæ Celtica est, Græco, Latino, barbaroque idiomate mixta, linguam dulcedine Gallici idiomatis temperant, & animos ipsos ad elegantiam & nitorem compositos efficiunt. Accipit jam a Gallis Massilia, quod olim ipsis dederat. Phocææ Joniæ, Asiæ minoris provinciæ, populi patria profugi, autore *Athenæo*, navibus ad Rhodani ostium

ostium appulerunt, condita urbe Massilia, inde Phocensium filia *Straboni*. Inter maximas sui temporis urbes recensetur a *Plutarcho*, quæ Carthaginem æmulam haud raro navibus terruit, digna inde visa, quæ soror Romæ diceretur. Plurimum certe Cæsaris classem exercuit Massilia, nec nisi libertatem caro venditam victori tradidit. Neque vero armis tantum celeberrima, sed & scientiarum artiumque exercitio & doctrina præpotens, exitit, siquidem eodem tempore & Athenas & Massiliam ad perpoliendos animos juventus Romana missa fuit, inde Athenarum æmula dicta. Gallorum potissimum agros animosque novo cultu ornavit, omnesque passim gentes commercio illexit. Principi fida, muros, quos olim *Cæsari* vix cesserat, a Medico *Crina* restauratos, contra *Carolus V* meliori omine defendit. Super sunt in ornatissimis urbis palatiis antiquissimi splendoris rudera, Græci Latineque idiomatis Inscriptiones, a *Sponio* & *Grutero* ex parte recensitæ, & a *Ruffo* in unum collectæ, quibus & armorum vis, & scientiarum, ad rem nauticam maxime spectantium, & ex schola Dendrophorum acceptarum, prout inventum in Abbatia Salvatoris marmor docet, nitor plurimum innotescit. Antiquissimam & Athenis æquævam Academiam, mirum est, a magno Galliarum Rege *Ludovico*, artes quidem, sed arma plus, spirante, magno honore habitam non fuisse. Habita tamen fuit a successore, tutelam suscipiente, & institutum promovente claro armis Duce *Villarso*, cujus excessum merito lugent Academici, quorum lugubris eloquentia libello hoc continetur; nec difficile est judicatu, quod Oratorem maxime decet, ex vero doloris sensu locutos fuisse. Prædicantur heri Ducis facta libero ligatoque sermone, nec omittitur quidpiam eorum, quæ vel ad ornatum, qui linguæ nationis est, vel ad rei ostentationem, facere poterant. Victos, prostratos, interuicione deletos, hostes undique legas. Dulci flumine decurrit doctissimi *Peysonel*, fratre Medico, seque ipso, clari, sermo, & se formosior ipso est; *de la Viscelede* ita canit, ut melius, quicumque is est, nequeat; nullo incedit cothurno, nec alte volat,

lat, sed, uti decet poetam, libero sermone ornatus, nec tamen obscurius, Herois sui laudes effatur. Præmissi sunt sermones coronari, qui superioris anni præmium eloquentiori destinatum, vel laudem huic propiorem, meruerant. Ad maiorem lingua Gallica elegantiam adspirare, quam qua nunc gaudet, vix poterit. habetque Massiliensis Academia, de quo sibi impense gratulari possit, quod barbari sui, qui nationi est, sermonis duritiem eo usque evincere potuerit, ut Lutetia esse, politissimorum hominum consortio usus Massiliæ, videaris. Eo usque deventum est, ex quo immortalem sibi, instaurata antiquissima Academia, famam peperit *Villarsius*, id quod anno hujus Seculi quinto supra vigesimum factum est, siquidem altero post primi Eloquentiæ sætus prodierunt. Inde quovis anno ad ornate dicendum invitantur statuto præmio, quicumque illi sint, indigenæ, an exteri. Proponuntur publice Orationum argumenta, statuitur brachæum ter centum librarum Gallicarum, qui aurei nummi, in honorem Conditoris cusi, valor est; mittuntur ante statutum decisioni terminum, qui est *Ludovici* dies, Augusti mensis vigesimus quintus, labores, nec nisi, qui ante Calendas Maji mittuntur, concurrunt judicii die. Nominibus Autorum parcitur, ne ignominiosum sit, non optime dixisse; nulla subscribuntur schedulæ nomina, substituitur tamen quodpiam sacrum profanumve lemma, quod nominis vicem gerit. Quem Academicus ordo reliquis eloquentiorem judicavit, huic in ædibus Academicæ ipso criterii die publice summus honor decernitur. Una per septimanam vice indigenæ Academicæ focii in superbo, quod *Villarsius* condidit, armisque suis ornavit, palatio una sunt, & de prælecto quopiam libello vota ordine conferunt, neque civibus tantum, sed & exteris, ille honor habetur, qui in consortio, si digni visi fuerint, admittuntur. Sigillum Academicæ, etsi non libello huic additum, aliunde tamen nobis innotuit, nec indignum id judicavimus, quod in Tabula ænea exprimeretur. Amice conspirat cum hac Academia Parisiensis ejusdem nominis, & communibus juribus usa utraque, socios mutuo admittit. Adjectæ sunt his Commentariis viræ & Elogia Sociorum trium, qui inde ab instaurata Academia diem suum obierunt, *Jo. Petri Rigordi*, Equitis Ordinis S. Michaelis, nat. d. 18 Jan. A. 1656,

Tt

mort.

TAB. VI
Fig. 5.

mort. d. 20 Jul. A. 1727, *Josephi de Vaccon*, Abbatis, & Canonici Ecclesię cathedralis Massiliensis, nat. A. 1687, mort. d. 7 Maji A. 1731, & *Ludovici Gouffier*, Comitis de Roanez, mort. d. 22 April. A. 1734. Nominantur etiam sub libelli finem superioris anni Socii, in quibus cum voluptate legimus amicissimum Musis nostris, & inter Lipsienses æque ac externos clarissimum, nomen *Jo. Ernesti Hebenstreitii*, Medicinæ in hac nostra Academia doctoris publici, quem, in itinere olim constitutum, & Massiliæ aliquot dies commorantem, dignum judicavit Academia, cui illustrem in Societate sua locum tribueret. Gratulatur publico nomine Gallis de uberrimo ingeniorum per omnes Provincias proventu, deque morum politura, & literarum elegantia, &, prout novimus, nec illis nostra displicuisse, ita acturi sedulo sumus, ne quid desideretur eorum, quæ nostra opera ad illos proficisci unquam potuerint.

PAULI ERNESTI JABLONSKII DISSERTATIONES Academicæ de Terra Gosen.

Frankofurti ad Viadrum, 1736, 4.

Plag. 18.

Novo specimine insignem suam Lingue & Antiquitatum Ægyptiacarum peritiam monstrat S. R. Autor, cujus Dissertationem de *Rempbah*, non vulgari eruditione conspicuam, alibi jam recensuimus. Cum enim studioforum Theologię quædam societas publice disputando vires periclitari, atque animum excolere, vellet, hoc maxime argumentum, nondum satis excussum, & e tenebrosa vetustatis nocte evolutum, selegit, ac variis exquisitis rarisque observationibus illustravit. Octo illud Dissertationibus intra annum absolvit, quibus uno fasciculo comprehensis, titulum typographi suavis præfixit, ut libellus videri possit. In *prima* earum exponit, quænam de situ terræ Gosen veterum ac recentiorum fuerint opiniones: ac, plerosque eruditos eam in extremis Ægypti inferioris finibus, Arabiæ & Syriæ vicinis, collocare, nonnullos vero in tractu Nomi Heliopolitani illam quærere, observat, & simul peculiarem opinionem Viri ingenio & eruditione florentissimi, *Hermanni ab Harde*, qui in urbe Phacusa, sita in

Nomo

Nomo Arabiæ, & terram hanc & nomen ejus sibi visus est reperisse, examini subjicit ac convellit. *Secunda* in fundamenta hujus sententiæ & rationes inquit, ob quas situs illius regionis intra fines Ægypti inferioris collocatur. Harum alias cum desumptas esse viderit a natura & indole terræ Gosen, qualem *Moses* depingit, aliam a situ ejus, respectu vel Palæstinæ, vel aliarum Ægypti regionum, aliam a Græca versione, aliam a sede regia tempore Israelitarum, in celebri Ægypti inferioris urbe Tani, singulas ponderat, & ad eas respondet. *Tertia*, verum terræ Gosen situm in tractu Heracleotico quærendum esse, ostendit, & ex præstantia illius regionis, fertilitate, optimarum rerum lætissima copia, olei nempe ac vini, testimonio *Strabonis*, *Plinii*, & aliorum, confirmat. *Quarta* ex indiciis a *Mose* subministratis illius terræ situm porro probat, ubi primo disquirat, quænam Ægypti Metropolis fuerit tempore Israelitarum, ac rationes quasdam pro Heliopoli, quasdam pro Memphi, allegat, simulque nomina harum urbium Ægyptiaca ex lingua eadem docte explicat. Transit dein ad alias urbes, quarum in historia commemorationis Israelitarum mentio fit, Ramessam scilicet ac Pithom, quas tamen ad regionem Gosen pertinuisse negat, ac inter terram *Ramsen* & urbem ejus nominis distinguit. Illam ipsam Gosen appellari putat, ac in lingua Ægyptiaca *Regionem Pastorum* notare ostendit. Ramessam vero urbem eandem cum Heliopoli esse, & *agrum solis* Ægyptiace significare, arbitratur, cum & ipsum nomen Ægyptiacum hujus urbis *On* lucem denotet. *Quinta* sententiam suam stabilire conatur, partim ex consilio Dei, volentis, ut Israelitæ in Ægypto a reliquis ejus incolis seorsim habitarent, partim ex vento australi, quem per קריח notari censet, qui locustas miraculose in Ægyptum advexit, & occidentali, qui ירחיב vocatur ex ejus mente, & eas in mare rubrum deturbavit, partim ex via, qua Deus Israelitas per mare rubrum ex Ægypto proficisci voluit. Hic de tribus stationibus, quas Israelitæ in eo itinere habuerunt, nempe in *Succoth*, *Etham*, & *Piachiroth*, differit, & istam quidem æque ac *Pithom terminum maris*, hanc locum, in quo magna copia graminis & herbarum provenit, Ægyptiace notare observat. In eadem quoque de

mari rubro disserit, per quod Israelitæ transferunt, & quod vocibus *יָם סוּף* putat inſiſſi, non lacum Sirbonitem, ut Vir quidam doctus ſupra allegatus ſibi imaginatus eſt, ſimulque declarat, cur in Ægyptiaca verſione *Mare Sari* illud appelletur. *Sexta* ſitus illius terræ Goſen in tractu Heracleotico, hodie *Phioum* dicto, ex vetuſtis Ægyptiorum traditionibus de *Joſepho* & *Moſe* illuſtrator, & cum cautionibus quibusdam in illis obſervandis, probabilis redditur. *Septima* circa nomen terræ Goſen verſatur, quam Ægyptiis idem ſonare credit, quod Græcis *Heracleopolin*, hoc eſt, *terram Herculi ſacram*, ac, ut alia in hiſtoria *Moſis* occurrentia nomina, *Potipharis*, *Aſenetha*, *Zophnat* *Pancach*, ex lingua Ægyptiaca derivanda eſſe ſit, ita & de hoc ſimile iudicium fert, ac ingenioſe pariter & erudite copioſeque probare annitur. Ea occasione & nomen urbium Ægyptiacarum, *Canobus*, & *Sebennitum*, interpretatur. *Oſtava* de ſtatu idololatriæ apud Ægyptios, tempore *Joſephi* Patriarchæ, vetuſtiſſimo, ac in ſpecie de cultu *Herculis* & *Minervæ*, Ægyptis *Nit* vel *Neiſt* dictæ, commentatur. Ad hanc Ægyptiacam *Minervæ* denominationem refert nomen *Amath*, *Gen. XLVI*, 41, occurrens, filix *Potipharis*, quem & Ægyptiace ſummum ſacerdotem ſolis denotare, ac idem erymon eſſe ab *Herodoto* & *Diodoro Siculo* dicti *Apries*, Regis Ægyptiaci. *Hephra Jer. XLIV*, 30, vocati, acute conjicit. Ibidem ex *Martiano Capella* Satyrico *Lib. II* verba obſcuriſſima, & a nemine eruditorum huc uſque explicata, & ad nomen ſolis Ægyptiacum, iudice incomparabili Viro *Crozio*, pertinentia, allegat, & ænigma illud ſolvit, quod doctorum ingenia magnopere torſit. In fine alia quædam diſcutienda proximo anno pollicetur, quod ut fiat, vehementer optamus, ac, ut valetudinem & vires Deus ei clementer indulgeat, ad theſauros ſuos Ægyptiacos porro referandos, & nobis impertiendos, vovemus.

TAURELLUS DEFENSUS, HOC EST, FAC. WILH. FEUERLINI, D. P. P. Diſſertatio Apologetica pro NIC. TAURELLO, Philoſopho Altorfino, Atheiſmi & Deiſmi injuſte accuſato, & ipſius TAURELLI

RELLI Synopsis Aristotelis Metaphysices ob varietatem recusa, cum Annotationibus Editoris.

Norimbergæ, apud Jo. Adamum Schmidium, 1734. 4.

Plag. 15.

Qui, orbem literarium & ingenia summa atheismo laborare, sibi aliisque persuasum eunt, vulgo ac ingeniis imbecillioribus eam instillant opinionem, qua hæc in transversum aguntur. Quare & inconsiderati atheislicatores & athei, quorum atheismus est planus & demonstratus, generi humano æque sunt noxii. Qui hæretificationibus delectantur, minus peccant, quam ii, qui summis ingeniis labem atheismi adspargere conantur. Amorem & æquitatem generi hominum ii proinde præstant, qui ab atheismi macula liberant innocentes, certe haud convictos. Jure igitur suo præconiis maximis dignus est Ven. Autor, qui *Taurelli* famæ consulere, & famam sinistram ei impactam refellere, studuit. Et quid doctori *Metaphysices* magis est decorum, quam eos in notitiam cujusque producere, qui hoc subtilitatum *Metaphysicarum* atrium, veluti *Augiæ* stabulum, repurgare laudabili conatu jam dudum instituerunt? *Nic. Taurellus* in hisce reformatoribus merito nomen suum fuit professus, *Medicinæ* quondam & *Philosophiæ* in *Altorfina* Academia Doctor. Ut atheismus ei exprobraretur, in causa potissimum erat *Taurelli Synopsis Metaphysices Aristotelis*, quam atheismo infectam crediderat *Zacharias Victor* in *Topica* sua. *Synopsis* illa, a Ven. *Feuerlino* perlecta, ingenerabat longe aliam sententiam. Ipse Autor, ea lectitate, in eam veniebat sententiam, defendendum omnino esse *Taurellum*, pietatemque ipsius erga Deum injuste in dubium fuisse revocatam. Quare ante quinquennium *Synopsin Apologiam pro Taurello* conscripsit, edidit, & in publica eruditorum Disputatione examini opponentium subjecit. Deinde recudendam curavit *Taurelli Synopsis Metaphysices Aristotelis*, Annotationibus subjectis suis, iisque selectioribus, ut lectores ex integra scripti compage de *Feuerlinianis* vel defensionibus, vel excusationibus, ferre possent judicium. *Jacobus Martinus* in *Partitionibus & Questionibus Metaphysicis Taurellum* sæpe refuta-

vit. Ex his ea, quæ ad *Taurellum* pertinent, investigavit dis-
 cte Ven. Autor, & uberiorem *Taurelli* defensionem meditatus,
 hanc Dissertationem conscripsit apologeticam, cujus *Sectio*
prior est historica, *posterior* autem philosophica. Hæc est o-
 rigo libri huius, cujus potiora jam delibabimus. Vitam *Tau-*
relli jam edidit D. Jo. Jac. Baierus, Altorfinus olim Medi-
 cicus, nuper demum defunctus, qui in *Biographiis Pro-*
fessorum Medicinæ, qui in Academia Altorfina unquam vi-
xerunt, primo loco *Taurelli* vitam, ex scriptis ipsius quam
 maxime & singulari studio collectam, una cum scriptorum
 catalogo, exhibuit. Spicilegium nunc additur & sicilimentum.
Taurelli nomen germanicum fuit *Oechlein*. Unde natus fuit
 Pag. 9. versus: *Corpore Taurellus, Taurus es ingenio*. Ipse A. 1575
 Basileæ Doctor fuit creatus Medicinæ, natus Monte Bellicardo.
 A. 1579 vicarius fuit Basileæ Jf. Kelleri Professor. Religionis
 fuit Helveticæ seu Reformatæ. *Aristotelis* doctrinas & erro-
 res ejicere ex animo statuit, omnique conatu fuit enisus. Reti-
 nuit tamen, meliora substituere haud valens, dogmata nonnul-
 la *Aristotelis* parum solida, minusque perspicua. Primus vero
 libertatem philosophandi in Germanicis Academiis adhibuit.
 Catalogus scriptorum *Taurelli* philosophicorum penes Editorem
 est quærendus. Accusatores *Taurelli* exstiterunt Zach. Vie-
 tor, Jacobus Martini, Scheiblerus, Calovius, Quenstedius,
 Lampius, Lascberus, Geretius, Elsvichius, rati, eum de provi-
 dentia divina minus recte sensisse: porro Theologi Heidel-
 bergenses, Gisb. Voetius, Autores Recensionum innocuarum &
 Lascberus, Geretius & Reimannus, arbitrati, ipsum de attri-
 butis Deo perfectionibus minus curate docuisse. Zacharias il-
 le Victor fuit ortu Waldeceensis, præceptore usus Rudolpho
 4. Goclenio, intimo suo posthæc amico, Stoicæ sectæ amator, le-
 ctione multorum librorum commendabilis, Corrector Sufati
 A. 1606, Theologiæ & Jurisprudentiæ peritus, Logicæ cum Ra-
 mo duas assignavit partes, Inventionem & Judicium, *Taurellum*
 putavit de providentia sequi placita *Epicuri*, Stoæ doctrinis
 paululum refragantem. *Taurellus* enim ex sententia adver-
 sariorum statuerat, mundum a Deo tam perfecte fuisse fabrica-
 tum, ut correctore ac defensore perpetuo haud sit opus, nisi
 forte

forte res humane, quippe varietati fortunæ subjectæ, providentiam exigant specialem. Innumeri Disputationum Academicarum scriptores atro carbone *Taurellum* notarunt, quorum bene multos excitat Editor. *Quirin. Reuterus, Barthol. Copenius*, Theologi Academiæ Heidelbergensis, vocant *Atheum illum Medicum*. Hosce secutus fuit *Gisbertus Vostius*. *Rsimmannus* in *Historia Atheismi* pag. 502 negat, a *Vostio Taurellum* ejusque doctrinas atheismi fuisse accusatas. Verum hic ostenditur contrarium. *Vostius* tamen atheismi definitionem & divisionem formavit tam laxam & latam, ut omnes, quotquot in metaphysicis & Theologia naturali vel revelata ipsi errare videbantur, dici possent *Athei*. At atheus est ille, qui, Deum haud existere, plane negat. Qui de uno & altero attributo, ac operationum divinarum modo, aliter ac alter statuit, num is ideo distincte docet, Deum haud dari? Qui temperantiam *Julii Caesaris* negat, num is ideo statuit, nullum existisse *Julium Cæsarem*? Nec tamen negamus, attributa divina ad essentiam Dei pertinere ita, ut ab ea removeri haud possint. Verum, ut unus est perspicacior & solidior altero, sic etiam plura accurate demonstrare potest attributa, quam alter. Sæpius tamen de vocabulis est lis & controversia, quibus nulla respondet solida notio. Nec id mirandum est, cum de *sanctitate Dei* notionem distinctam & satis late patentem paucissimi teneant. *Vostius* hic dicitur primus eorum, qui de atheismo, inspersis exemplis, peculiari scripto egerunt. Accusatio in *Taurellum* formata ab Autoribus Relationum innovatarum A. 1701 pag. 196 est omnium formidolosissima. *Taurellana* e contrario scripta laudarunt *Simon Sulcerus, Herm. ab Elswick, Mich. Piccartus, Jo. Vitenbogardus, Arminianus, P. Badius, Antonius a Sotomayor, G. G. Leibnitius, Immanuel Webberus, Jac. Bruckerus*, alique. Si numero sentientium esset pugnandum, *Taurellus* foret jam plene absolutus. Sed rationibus allatis quoque idem erat absolvendus, quæ *Sectione II* philosophica copiose proferuntur. Autor *atheos* dispescit in apertos atque occultos. Ad posteriores refert *Epicurum & Spinozam*. Distinctionem inter directos & indirectos omnem rejicit. *Athei consequentiales nostra ætate* vocantur *Deisti*.

Quæ-

Pag. 9.

14 seq.

19 seq.

34

25 seq.

30 seq.

37

- Quæstio igitur semper recurrit, an Deista sententiæ suæ erroris de providentiâ ac retributione Dei æquissima nexum recte introspiciat, ejusque momentum intelligat, cum doctrina de existentia summæ Numinis comparatum. Si qui minus nexum illum introspiciunt, ipsi non sunt athei; doctrina autem ipsorum atheismo favet. Posterius debite est demonstrandum, haud ex tripode pronuntiandum, centenaque repetitione crepandum. Grammaticum & verborum expositorem hæc demonstratio respuit; Philosophum sobrii & solidi judicii illa requirit. *Taurellus* ab atheismo fuit immunis, eo quod fuit Christianus, in honorem religionis Christianæ ab *Aristotele* suo recessit, trinitatis dogma pro vero habuit, peccatum originis & satisfactionum Christi pro nobis admisit. Erravit sane, sed erravit haud tam inclementer, quam plurimi sentiunt. At providentiâ Dei haud sustulit, quin potius eam adversus *Aristotelem* aliosque vindicavit. *Taurellus* conciso admodum & sententioso stilo objectiones, sæpe sine addita expressa objectionis nota, proponit, quæ facillime ipsius videantur sententiæ, nisi subsequens responsio atque attentæ & iteratæ lectio docerent, ipsas esse nil nili objectiones. De concursu Dei circa res creatas erudite Autor disserit. Immensitatem, infinitatem, & omnipræsentiam, propugnavit *Taurellus*, tantum abest, ut eas Dei perfectiones in dubium revocaverit. Excusatur & purgatur, imo solide defenditur, *Taurellus*, cujus quoque liber subjunctus fuit, cui est inscriptio: *Synopsis Aristotelis Metaphysicæ, ad normam Christiana religionis explicata, emendata, & completa, a Nicolao Taurello*. Editoris industria variis locis lucem affudit. Ipse monet, corpora, sub quibus Angeli apparuisse leguntur in Codice sacro, vera fuisse corpora, sensibilia, humanisque corporibus quoad partes externas similia. Oracula, nato Christo, haud deserunt, judice *Rabenero*, aliisque. *Aristoteli* immerito Atheismi inuritur macula.
- Rev. Autor eam removel ex *Metaph. Lib. XII Cap. 7, 8*, variaque lectu jucunda adspersit.

Prodire inde ab aliquot mensibus *Tomi II Supplementorum ad Acta nostra Sessiones priores sex*.

NOVA ACTA ERUDITORUM,

publicata Lipsiæ

Calendis Augusti Anno MDCCXXXVI.

ΞΕΝΟΦΩΝΤΟΣ ΚΥΡΟΥ ΑΝΑΒΑΣΕΩΣ ΒΙΒΛΙΑ
ἑπτα. *Xenophontis de Cyri Expeditione Libri septem.*
Græca recognovit, cum Codicibus MSis & omnibus fere
libris editis contulit, plurimis in locis emendavit, versio-
nem Latinam reformavit, Observationibus suis, Tabula
Geographica, & Dissertatione, auxit & illustravit, No-
tas H. STEPHANI, LEUNCLAVII, Æ. PORTI, &
MURETI, recensitas & castigatas, variantium lectio-
num delectum, Indicesque necessarios, adjunxit
THOMAS HUTCHINSON.

Oxonii, e theatro Sheldoniano, 1735, 4 maj.

Alph. 3 plag. 21.

Cui splendidissimam *Cyropædiæ Xenophontis* editionem, A.
1727 publicatam, & a nobis recensitam in *Actis A. 1730 Mens.*
Jul. pag. 307, debemus, eidem nunc Viro doctissimo, *Thomæ*
Hutchinson, alterum *Xenophontis* Operum Volumen, quod *Cyri*
expeditionem complectitur, acceptum referimus. Satis fortasse
hunc *Tomum* laudasse jam videremur, si tantummodo confir-
maverimus, ad *prioris Voluminis* exemplum atque adeo for-
mam compositum esse hoc *alterum*. Sed, quo minus a lon-
giore nobis ejusdem laudatione temperare queamus, & ipsius
Operis splendor, & instituti nostri rationes, efficiunt. Præmis-
sa est pariter huic *Volumini* doctissima *Dissertatio*, in qua *Cel.*
Hutchinson partim de Autore *expeditionis Cyri*, quem *Xeno-*

U u

phontem

phontem esse confirmat, partim de universo, quod Græci confecerunt, itinere, ubi ex Geographia eruditissime omnia, ab illis tacta, & in Tabula Geographica repræsentata, loca illustrantur, copiosius agit. In ipsis Græcis emendandis æque adhibuit omnes fere, quas habemus, hujus libri editiones, quæ melioris notæ feruntur. Insuper ad manus habuit Codicem manu scriptum, qui in Bibliotheca Etonensi asservatur, & ejus lectiones *Joannes Burtonus*, Collegii Etonensis socius, cum Cl. Editore communicavit. Cujus quidem Codicis beneficio lectionem vulgatam alias confirmavit, alias reliquit. Ex bene multis, quæ nunc accesserunt, Græcorum emendationibus pauca tantummodo in medium asseremus. Pag. 201 pro ἐπιπολύ, quod vulgo legitur, rescripsit Autor ex Codice, quem laudavimus, Etonensi, ἐπιτοπολύ. Pag. 385 libri editi legunt, οἱ δὲ πολέμιοι προϊόντων, τέως μὲν ἡσύχαζον, sed lectionem, quam Noster exhibuit, προσιόντων, debemus eidem Codici. Pag. 508 editiones pleræque exhibent δίκαια πάσχειν αὐτόν, pro quibus *Leunclavius* non dubitat scripsisse *Xenophontem* δὲν βίαια πάσχειν αὐτόν. *Stephanus* annotavit, in quibusdam Codicibus legi, βία χρῆναι πάσχειν αὐτόν. Unde scribendum conjecit, βίαια χρῆναι, quemadmodum & *Muretus* legit: sed, præeunte Codice suo, exprimendum curavit Cl. *Hutchinson* βίαν χρῆναι πάσχειν αὐτόν. Pag. 542 vulgo legitur, ἔτοι δὲ προεῖχεν ὡς δέκα σάδια, pro quo nunc est, ἔτοι δὲ ἀπεῖχον κ. τ. λ. Ibi- dem nunc habemus, ἂν πρὸς ἐκείνον ᾗτε, cum vulgo esset ἦτε. Pag. 558 pro προελάσας, quod est in vulgatis, jam ex hoc ipso MSto Codice visitur προσελάσας εἶπε. Pag. 555 nunc repræsentatur, μεθ' ἡμέραν μὲν γὰρ ἐν ταῖς πορείαις ἡγᾶται τῷ στρατεύματι, pro quo adhuc editi habuerunt ἡγᾶσθαι. Pag. 576 editiones optimæ ac pleræque legunt εἶδεν ἂν ἔτι τοῖς πεποιημένοις ὄχθεσθαι. At nunc duce Codice hoc restituit Cl. Editor ἔτι τοῖς πεποιημένοις. Pag. 377 in verbis, παρέχει δὲ ἡ θεὸς τοῖς σκηνῶσιν ἄλφιστα, ἄρτας, ὄνον, ἀργύρια, τραγήματα, fide MSti nixus, nomen ἀργύρια ejecit. Pag. 408 editi plerique omnes dant, οἱ μὲν ἄνδρες εἰ ἤρηνται πορείαν. Quemadmodum vero *Stephanus* & *Muretus* particulam εἰ in οἷδε vel ἔτοι vertendam censuerunt, sic eam, beneficio Codicis, plane omi-

omisit Noster, quod ipsum jam visum fuerat *Leunclavio*. Pag. 480 in editis libris visitur ἐκ ἐγγίγνετο τὰ ἱερὰ καλὰ, sed, vocem ultimam cum non agnoscat Codex MStus, eam ejecit Cl. *Hutchinson*, & cum hic, tum alibi, additam pro scholio habet. Pag. 433 ex eodem MSto vocem ἀρχων revocavit, & exhibuit, ὅτι ἀρχων αἰρεθεὶς κατημέλει. Pag. 456 editi perperam adhuc repræsentarunt, ἐπεὶ ἔτῳ γε τῆτ' ἔχει, cuius loci scripturam integram ex MSto, inserta particula εἰ, hoc modo refert, ἐπεὶ εἰ ἔτῳ γε τῆτ' ἔχει. Pag. 499 editiones quædam veteres dederunt, οἱ παραπλέοντες ἄσμενοι κατέχον, *Stephanus* vero & *Leunclavius* κατέπεμπον. Sed elegantiores nunc ex hoc eodem Codice demere datur scripturam κατῆγον. Quodsi ope Codicis, quem usurpavit, manu exarati multis locis lectionem novam restituit, non minus idem Doctiss. *Hutchinson*, ingenio & conjecturis ductus, faciendum sibi, licet omnino pro modestia sua rarius, existimavit. Quo factum est, ut in non paucis locis verba nunc *Xenophontis* & elegantius & intellectui accommodatius legantur. Pag. 416 in plerisque editis reperitur μισθὸν τῆς σωτηρίας. At, quoniam Codex Etonensis μισθὸν τῆς ἀπορίας refert, levi mutatione reponendum duxit Doctiss. Editor μισθὸν τῆς ἀπορίας, sensu sane & planissimo, & rei convenientissimo. Pag. 489 prius legebatur in plerisque editionibus, τὰς μὲν ἐπὶ τὸ δεξιὸν ἔπεμψεν, ipse vero Codex Etonensis legit ἐπέτρεψεν, pro quibus eleganter, licet ex conjectura, reposuit Noster ἐπέταξεν. Pag. 475 Aldina & Florentina editiones exhibent, ἱκανὸν μυρίαὶς ἀνδράποισ εἰκησις, *Leunclavius* cum aliis loco οἰκησις dat οἰκήσεν, sed, utroque relicto, Nostro placuit οἰκῆσαι, præsertim cum idem jam *Stephano* in mentem venerit. Græcis *Xenophontis* verbis subjicitur æque, ac *priore Volumine*, interpretatio Græca, quam licet summo studio emendaverit correxeritque, non vult tamen propter *Amasæi* & *Leunclavii* merita in *Xenophontem* suam vocare. Interim non Latina solum illa est & elegans, verum etiam menti ipsius Autoris apprime respondet, ita quidem, ut palmam reddere dubiam non immerito videatur Viris, quos modo laudavimus, eruditissimis. In Annotationibus, infimam paginarum partem occupantibus, id egit Cl. *Hut-*

chinson, ut partim *H. Stephani*, *Leunclavii*, *Æ. Porti*, & *Mureti*, notas recenseret aut calligaret, partim ipsa Autoris verba ex diversitate lectionum restitueret, partim idiotismos & lectiones intellectu difficiliore, non omiſſis quoque penitus antiquitatum capitibus, explicaret. Hinc eodem, quo in *priori Volumine*, modo instituit rationes, &, quæ a *Cl. Raphaelis ex Xenophonte* ad illustrandam N. T. G. dictionem notata fuerant, sedulo ac diligenter observat. Accuratissime pariter differentiam verborum apud Græcos mediocrium & activorum hinc inde evoluit, & sententiam *Ludolphi Kuſteri* de hoc argumento non laudat solum, sed & egregie confirmat. Quemadmodum vero id negotii sibi datum credidit, ut ex Annotationibus non eruditi magis, quam tirones, proficere possent, sic eo omnem contulit industriam, ut utrique generi pro virili satisfaceret. Addenda & corrigenda, ad calcem *Voluminis* exhibita, proxime sequuntur duo Indices, quorum primus mensurarum & ponderum, de quibus facta est in *Expeditione Cyri* mentio, exponit nomina, alter vero exhibet res memorabiles. Paucis adhuc mencendum ducimus, varias lectiones Codicis *MSti Regiæ Bibliothecæ Parisiensis* n. 2535, cum editione *Henr. Stephani* A. 1581 collati, ipsi Operi præmissas esse, quoniam, licet beneficio *Cel. Bernardi Montfaucon* transmissæ, serius tamen allatæ fuerunt, quam ut suis quæque locis inferi potuissent. Dolet etiam *Cl. Editor*, & nos cum ipso dolemus, ipem ipsius de impetrando exemplari *Xenophontico*, quod in *Bibliotheca* latet *Vinariensi*, interceptam, aut saltem dilatatam esse,

ΞΕΝΟΦΩΝΤΟΣ ΛΟΓΟΣ ΕΙΣ ΑΓΗΣΙΛΑΟΝ
τὸν Βασιλέα. *Xenophontis de Agesilao Rege Oratio. Græca recognovit, cum Codice MSto Harleiano & omnibus fere libris editis contulit, plurimis in locis emendavit, versionem Latinam reformavit, Observationibus suis auxit & illustravit, Notas H. STEPHANI, LEUNCLAVII, Æ. PORTI, recensitas & castigatas, variantium lectionum delectum, Indicesque necessarios, adjunxit THOMAS HUTCHINSON.*

Oxonii,

Oxonii, e theatro Sheldoniano, 1735, 4 maj.

Plag. 13.

Quæ jam nunc de *Xenophontis* libro, qui est de *Cyri expeditione*, eoque a Cl. *Thoma Hutchinson* edito, diximus, hæc ipsa etiam de Oratione *Agésilæi* Regi scripta a *Xenophonte*, ejusque hac editione, dicta esse volumus. Nam, quemadmodum Cl. Editori non alienum est visum, *Cyri* expeditionem & *Agésilæi* laudes uno legi in Volumine, sic in utroque Opere denuo evulgando idem institutum, eandem tenuit rationem. Itaque eo breviores nunc erimus in percensenda hac *Xenophontis* Oratione de *Agésilæo*, quod, sive interpretationem Latinam, sive Annotationes species Cl. Autoris, idem ipsi pretium, quod superiori Volumini, statuendum esse pronuntiamus. Quoniam vero in hoc quoque libello emendando usus est Codice quodam MSto *Harlejano*, cujus copiam ipsi fecit Comes Oxoniensis, pauca licebit jam exempla proferre, quæ hujus Codicis ope, Nosler emendavit. Itaque pag. 32 ex hoc Codice reposuit συνέβαλλεν, cujus loco hæctenus vulgati libri scripserunt συνέβαλλον. Pag. 50 in editionibus *Aldina*, *Florentina*, & *Leunclavii*, legitur, ὁρμώμενοι ἐν περὶ τῶν Κορινθίων ἐγγύοντο, quod vero in συνεγγύοντο mutandum putarunt *Stephanus* & *Leunclavius*. Sed placet Editori lectio autoritate MSi munita, qua παρεγγύοντο exhibetur. Pag. 65 pro πολλοῦ παρότατος, quod vulgo scribitur, ex Codice reocavit πολυπαρότατος, quævis, utramque vocem Lexicographis ignotam esse, largiatur. Pag. 12 pro vulgari ἀλίσκοιν, jussu Codicis restituit ἀλίσκοιτο. Pag. 45 verbis αἷς γὰρ τῆς τεύσεσθαι αὐτόν, ex MSto addidit vocem αὐτόν, quæ in libris editis deest. Eadem ratione pag. 68 ὅς δὲ δολωσόμενος inseruit τῇ Ἑλλάδι. Pag. 74 omnes editi sine sensu legerunt, τεύχει ἀνάλατα ἡττάσθαι ὑπὸ πελεμίων. Sed optime nunc cernitur ex laudato Codice pro ἡττάσθαι, quod est vulgatum, ἡττάσθαι. Addendis huic rationi subjicitur rerum notatu dignorum Index satis copiosus.

HISTOIRE LITTÉRAIRE DE LA FRANCE &c.

h. e.

Uu 3

HISTO-

HISTORIA LITERARIA GALLIÆ, IN
qua agitur de origine & progressu, decremento & in-
flauratione scientiarum in Gallia & Franco-Gallia, de
ingenio Gallorum, ac studio, quo in literas quovis Seculo
incubuerunt, de priscis scholis, de Academiis in Gal-
lia institutione, de primariis Collegiis, de societatibus
scientiarum literarumque elegantiorum, de præstantis-
simis Bibliothecis veteribus & recentioribus, de Type-
graphiis celebrioribus, ac de rebus in universum omni-
bus, quæ ad literas spectant, una cum Elogiis historicis
Gallorum Franco-Gallorumque, meritis in eas illu-
strium, enumeratione Chronologica scriptorum, animad-
versionibus historicis ac criticis in alicujus momenti
Opera, editionumque recensione, Autoribus denique
laudatis. Opera Monachorum Ordinis S. Be-
nediti ex congregatione S. Mauri.

Tomus I.

Parisiis, apud Osmont, Huart, &c. 1733, 4 maj.

P. I Alph. 2 plag. 8. P. II Alph. 2 plag. 15½, Præf.
 & Index Editionum Plag. 8.

Magnum opus est atque arduum, stupendique plane labo-
 ris, cui manus admoverunt eruditissimi homines; ita
 tamen comparatum, ut, si prosperos habeat successus, tum
 splendorem nominis *Benedictinae* fodalitatis, tum rei com-
 moda literariæ, multis omnino modis sit amplificatorum.
 Perspexerunt insignem ejus utilitatem pridem *Labbeus*, *Ja-*
cobusque, Carmelitarum socius, atque item alius e recen-
 tioribus, notionemque ejus animo informarunt; quin & par-
 tes quasdam ac veluti membra affabre effinxerunt, *Mainius*,
Verderius, *Bulleus*, *Chevillerius*, *Caillius*, *Sammaritanus*,
Tbuanus, *Teisserius*, *Perraultus*, alii. Nemo tamen unus
 fuit, qui non, immensa rerum copia, laborisque tam varii ac
 multiplicis magnitudine, e longinquo ostensa, animum de-
 spon-

sponderet deterritus, ac de sua perficiendi operis facultate desperaret. At enim, quo maiora quæ remoram inicere poterant, impedimenta erant, tanto sese magis exstimulari gloria patriæ senserunt Autores, civitatisque literatæ emolumentis, igniculis veluti subjectis, inflammari, adeo, ut sese suasque vires ipsimet superasse videantur. Ut igitur de instituti ratione paulo fusius exponamus, primum omnium sciendum est, unumquemque e Gallis ac Franco-Gallis, nomen qui suum quodam saltem modo scriptis consecravit, sive super sint illa, sive intereiderint temporum injuria, locum hic habiturum esse. Quin imo ad VI usque Seculum ii quoque laudabuntur, qui non scriptis quidem, at certe rebus præclare gestis, scientiæque fama, inclaruerunt. Eruditæ et Gallica gente exteri etiam accensebuntur, dum quandam modo vitæ partem in Gallia exegerint, fatoque suo ibi sint functi. Atque ex ea re *Irenæi* & *Lactantii* habebitur ratio, omissis contra *Atthanasio*, *Hieronymo*, *Orbasio*, aliis, haud diu satis inter Gallos commemoratis. Cum autem Gallia olim latissime patuerit, a Pyrenæis inde montibus, Alpibusque, ad Rhenum usque Oceanumque porrecta, consultum putarunt Nostri per VIII priora Secula veribus eam limitibus continere. Ab XI autem Seculo Diocæsin Trevirensensem, una cum Moguntina Colonienque Metropolitibus, earumque Episcopis, uti dicuntur, suffraganeis, nec non Basileensem, Ebrodunensem, Aventicensem, sive Lausannensem, Germanis reliquerunt; Argentoratensem autem, quæ semel verumque Gallorum fuit subiecta imperio, cum Leodiensi, Mechliniensi denique Episcopatum, & Ultrajectinum, a Seculo XIV sibi vindicarunt, Lotharingiam, Sabaudiam, Genevam, non minus sibi asserentes. Quamvis tamen etiam operam navarunt Autores, ac minime ut intactum dimitterent, qui meritis suis fuerit illustris, vix tamen ac ne vix quidem plurimorum saltem mentionem injectam esse spondent, cum optimorum hominum virtutibus digni subinde laudatores defuerint. Ordo ab ipsorum serie temporum oblatus, quem sequerentur, optimus est visus; adeoque quodvis Seculum eos dabit, qui vel eodem vitam siniverunt, vel, siubi de eo non consilet, tum temporis inclaruisse commemorantur.

rantur. In Historia ita versabuntur, ut vitæ scriptorumque imprimis rationem habeant: in quibus tum ad ordinem, quo ea se exceperunt, causasque & occasionem illorum elaborandorum, materiam denique, attendent, tum dubia, subiecta, atque deperdita, enarrabunt; ac, quid de scribendi ratione judicarint eruditi, editionum etiam quæ sint optimæ, docebunt. Vitam dum exponunt, nihil odio aut gratiæ daturus se esse, promittunt, candide commemoraturi, quicquid ad ingenium scriptoris pernosendum spectat, ac vel nobilitavit eum, vel labæ quadam & macula adpersit. Scripta, si merentur, recensentur fufius, procul tamen amandata Casuistarum, uti vulgo audiunt, Myflicorumque turba, qui a Seculo XVI orbem scriptis onerarunt. Contra, Acta Martyrum, Sanctorumque vitæ, sed caute, commemorabuntur, si a Gallis, vel in Gallia faltem, fuerint scriptæ. Actis Conciliorum, Canonibusque, ordine temporis servato, locus erit. Reliqua, quæ præstituri sunt, ipse Operis index condocet. Quemadmodum vero magna negotia magnis adjutoribus egent, ita eruditorum, omnium ordinum, opes subsidiaque sibi modeste expetunt Auctores, in eamque rem nominant complures, qui studio industriaque singulari suppetias ipsis tulerunt, digni omnino, quorum exemplo alii ad honesta ejusmodi officia præstanda excitentur. Et hæc quidem de instituti ratione: jam ad rem ipsam convertamur. Ac primum quidem omnium, quis literarum status temporibus ante C. N. in Gallia fuerit, inquirent Auctores. Atque hoc loco non posse se in eorum concedere sententiam profitentur, qui Græciam ipsam, communem illam, qualis magno consensu habetur, literarum parentem, sua Gallis ornamenta debere affirmant, cum hi contra maximam, quarum laude florebant, scientiarum partem Græcis acceptam retulerint: quanquam Gallos, summæ genus solertiæ, in Philosophiam prius dedita opera incubuisse, quam Græcos, *Clemente Alexandrino* teste negari nequit. Utcunque autem obscura sint initia, id certum est, *Mercurio*, Regi olim suo, si *Chronico Alexandrino* fides est, tanquam mercaturæ auctori, artiumque amplificatori, tum *Herculi*, rei militaris, arguteque loquendi, *Apollini*, Medicæ artis inventori, *Minervæ* denique,

inique, bonarum auctori artium, divinos habuisse honores, atque in Theologia sublimius quid consecratos esse. Cum enim ab reliquarum commercio gentium sejuncti fuerint, Philosophiam una cum aliis artibus domi natam, ac a Britannis præter horridum illum homines immolandi ritum nihil derivatum esse, admodum probabile est. Græcis literis usos esse Gallos, *Cæsar* affirmat. Neque audiendus est *Hotomannus*, qui vocem *Græcis* apud *Cæsarem* nulla Codicum autoritate nixus, expungit, multoque minus *Bouterous*, ut qui Romanas in numis literas ostendit quidem, sed antiquitatem eorum non demonstrat. Ceterum mixtus Romanis literis Græcus Gallorum character, Romano sese inter illos priorem esse, abunde loquitur. Quo tempore Galli scribendi artem acceperint, certis omnino argumentis confici nequit. Sive enim a Phocensibus tradita, sive ex Asia in Europam literarum hæc secreta inuenta fuisse, quis contendat, utrinque difficultatibus premi se sentiet, quamvis priori conjecturæ minores obstant. Quæ de variis scribendi modis, tabulis ligneis, cereis, membrana, papiro, aliis, hoc loco afferunt, digna sunt, quæ ab harum rerum curiosis legantur. Sequitur nunc concinna Bardorum, Vatum, qui cum Eubagibus iidem sunt, Druidarumque, historia, quos, tanquam divinarum humanarumque rerum interpretes, ob animorum immortalitatem, a transmigratione admodum diversam, suis in scholis traditam, celebrant Autores, quibus tamen, cum nota sint, recensendis non immorabimur. Seculo ante Christum natum fere VI Phocensium colonia ad Massiliam appulsa, Ionicis legibus ac institutis, atque iis quidem, ut paterent omnibus, publice propositis, utebatur. Tum vero scholas aperiebat, in quibus literarum quicquid est, tanto hominum docebatur concurſu, ut Romani Massiliam ipsis subinde Athenis anteferrent, Græci autem certatim eo confluerent. Hinc coloniz per omnem Galliam missæ, scholæ Druidarum novis donatæ doctoribus, id quod Narbone, Corbilonæ, Arelati, Viennæ, Augustoduni, Lugduni, Nemausi, Tolosæ, Burdegali, quin in universa Gallia Narbonensi factum est; quam Cis-Alpina, Galatia, Celtiberia, hac in re haud ita multo

post laudabili conatu æmulabantur. Græca lingua, Rhodanum transiens, in Celtica non minus, quam jam antea in Narbonensi, Gallia floruit, Romanam autem ab victrice hac gente in Galliam illatam fuisse, constat inter omnes. Celticæ obscuræ sunt origines, quam reiectis aliorum opinionibus eruditorum, ab ipsa gentium dispersione Babylonica arcessunt Autores, atque ad Britannicæ magnæ linguam propius accedere disputant. Ex hac non modo, verum etiam Græca, Latina, & Francica hodierna, orta est Franco-Gallica. Ordinem studiorum illis temporibus multo alium fuisse atque his nostris, ex illustri *Petronii* loco liquet. Plurimi eloquentiæ Latinæ forensi operam dabant; magis tamen ore, quam scriptis, patriæ suæ inservientes. Hi, quorum vitas & scripta recensent Autores, hi fere sunt: *Pytheas*, Philosophus, Astronomus, & Geographus; *Euthymenes*, Geographus & Historicus, *Eratosthenes*, Philosophus & Historicus, non *Cyreneus* ille, qui hujus famam nominis sui splendore propemodum obscuravit, sed alius quidam, illo, integro fere Seculo, junior. Autor est Historiæ Galaticæ, a *Stephano Byzantino* præter rem tributæ *Cyrenæo*, utpote qui plures ante pugnam, inter Prusiam & Attakum pugnatam, annos mortuus est. Sequuntur *Lucius Plotius*, Rhetor, *Marc. Ant. Gnipho*, Romæ eloquentiæ & humaniorum literarum doctor, *Valerius Cato*, Poeta & Grammaticus, *Q. Roscius*, Comædus, *Divitiacus*, Philosophus, *Cajus Valerius Proculus*, Cæsaris Legatus, *Telon* & *Gyareus*, Astronomi & Mathematici, *Corn. Gallus*, Poeta, *P. Terentius Varron*, Poeta & Historicus, denique *Trogus Pompejus*, Historicus. Seculo a C. N. primo, non adeo magna in literis mutatio facta. Suus iisdem pariter atque bonis artibus manebat honos, quibus nec cultores deerant, nec tutores. Numerum scholarum hoc tempore insignem fuisse, perquam est probabile. Narboni enim, Arelati, Viennæ, aliis civitatibus, & hac in re cum Massilia, Augustodunoque, æmulationem intercessisse, dubitari nequit. Id certum est, literatis eas hominibus abundasse omnes. Quantum inter artes sculptoria floruerint ac statuaria, vel unus suo probat exemplo *Zenodorus*. Ceterum eloquentia

tia labi quodammodo ac decrefcere, cujus rei caufas *Quintilianus* percenfet, ac reftituta quantumvis alio longe atque antea habitu incedere. Viri illuftres, qui hoc Seculo claruerunt, hi funt: *Vibius Gallus*, *Oscus*, *Agrotas*, Oratores, *Pacatus*, *Caftor*, Rhetores, *Germanicus Cafar*, *Votienus Montanus*, Orator, *Jul. Montanus*, Poeta, *Jul. Gracinus*, Philofophus, *Claudius*, Imperator, *Julius Florus*, Orator, *Clodius Quirinalis*, *Urfulus*, feu *Surculus*, Rhetores, *Domitius Afer*, Orator, *Petronius*, Poeta, *Demofthenes*, *Crinas*, *Charmis*, Medici, *Abutius Liberalis*, Philofophus, *Gabinianus*, Rhetor, *Julius Secundus*, *Marcus Aper*, Oratores, *Antonius Primus*, Poeta; *Satrius Rufus*, orator, *Artanus*, Jctus, Cn. *Jul. Agricola*. Adhuc Philofophiam tantum humanam traditam vidimus. Jam Seculo fecundo rerum facrarum, a Paganifimi fordibus perpurgatarum, memoria fubit. *Posbinus*, *Irenaus*, alii, *Polycarpi* difcipuli, doctrinæ puriori propagandæ magno cum fuccellu ftudebant: qui quidem hoc minus mirandus eft, quo magis Gallorum animi doctrinis quibusdam, a Chriftiana non admodum remotis, jam dum erant imbuti. Hac divina luce circumfufi, ardentiori bonarum artium colendarum ftudio flagrabant. Græca tumulos efle lingua, cum *Irenaus* doceret Lugduni, fcripta ejus, Græco exarata fermone, docent. Vix enim credibile eft, id quod nonnullis videtur eruditis, Latine jam dum facta efle. Inquinatam autem illam fuiffe, ac peregrinarum mixtione vocum corruptam, extra omne dubium eft. Quot novi cogebantur cætus, tot institutas fuiffe dixeris fcholas, in quibus tamen fidæ ex facris literis corroborandæ ratio ac via maxime oftendebatur. Nam ante IV a N. C. Seculum Rhetoricam, Poefin, Dialecticam, Philofophiam, Mathefin, in fcholis publicis traditas efle, vix probari poteft. Ipsi etiam Epifcopi, quanquam a reliquis, excepta Eloquentia, ftudiis deftituti, voce nihilo minus ac fcriptis cæteris fanchioris commoda egregie promovebant. Scholæ florentiffimæ doctores haud adeo multos dederunt. Plurimi enim jam Seculo I vixerunt. Autores percenfuerunt fequentes, *Paulinum*, Senatorem, *Geminium*, *Rufinum*, Oratores,

Abascantium, Salvium Liberalem, Medicos, Sentium Augustinum, Poetam, L. Ann. Jul. Florum, Historicum & Poetam, Favorinum, Historicum, Philosophum atque Oratorem, Mensuratem, JCrum, Titum Antoninum, Imperatorem, Frontonem, Oratorem, Charmolacum & Zenothemin, JCos. Hos excipit brevis de Lugdunensibus martyribus relatio, nec non recensio Epistolæ Lugdunensis ac Viennensis cœtus ad fratres in Asia ac Phrygia, qua de iis exponunt; tum *Faufus* commemoratur, Actorum Martyrii *Andocki* & sodalium scriptor. Prioris Concilii Lugdunensis, quo statuebatur, paschatis festum die Dominica celebrandum esse, acta recensentur, atque illud, quo *Valentinus & Marcion* damnati dicuntur, inter ficta numeratur. Dum res literarias Seculi *tertii* coarctare instituunt Autores, multi sunt in eo, ut, quos sacræ literæ fecerint progressus, fecerunt autem multos, liquido appareat: quos qui cognoscere avent, hos ad illorum temporum historias ablegamus. Deteriori longe loco bonæ fuerunt literæ, satis habentes, quod fortuna, quacum consistatæ sunt, perquam adversa, non penitus fuerint prostratæ. Equid enim sperare poterant sub *Caracalla*, Musis infesto, ecquid Gallia ipsa nunc discepta in partes, nunc ægre in unum coalescente, mox exterarum gentium impressionibus factis iterum dilacerata? At reviviscere quodammodo videbantur, cum Imperatores Treviris sedem figerent, urbemque, olim jam non ignobilem, locupletem magis ac opulentam redditam, adeo ornarent, ut cum Roma ipsa sere contendere de principatu suo modo posset. Utcunque hæc erant, Augustodunenses scholæ aliquantum de splendore suo remittebant, Trevirensi ceteroquin nulla in re concedentes. Quicquid autem damni fecerant, *Constantii Chlori* opera relaciebatur abunde. Ceterum iniquo literarum, uti sanctorum, sic etiam humaniorum, fato factum est, ut optima præstantissimorum ingeniorum monumenta maximam partem perirent; ex quorum, ad nos quidem propagatorum, numero si judicare vellemus, næ parum omnino, quod ejus ætatis dignitatem tueretur, actum esse, existimari poterat. Suis, quæ inde ad sese derivarunt, emolumentis constricti homi-

homines, qua ratione memoria eorum posteritati traderetur, perparum fuere solliciti. Nobis proinde sufficiat vel nomina eorum adduxisse, de quorum vita scriptisque Autores uberius exponunt, *Irenaei* nempe, *Antonii Caracallae*, Imperatoris, *Cassii*, Episcopi, *Hippolyti*, *Jul. Titiani*, Geographi, Oratoris, & Rhetoris, *Fauslini*, Episcopi Lugdunensis, *S. Martialis*, primi Lemovicenlium Episcopi, *Sexti Julii Saturnini*, tyranni, Probo imperante, *M. Aur. Car.*, Imperatoris, *M. Aur. Numeriani*, Imperatoris, *S. Eugenii*, Martyris, *Cl. Mamertini*, Oratoris, *S. Genesii*, Martyris Arelatensis. Declarato generatim statu reipublicae Gallicae Seculo quarto, Autores scholarum injiciunt mentionem celeberrimorum. Treverensis obsoletae Oratoriae cultum maxime erat illustris. Burdegalensem inter, ab *Aufonio* celebratam, Augustodunensem, itemque Tolosanam, magna intercedebat æmulatio. Insignem profecto hoc Seculum proventum Poetarum, Oratorum, Rhetorum, tulit, pauciores autem Historicos. Utcunque est, Eloquentiae magnum facilitatis, ac ingenuae pulchritudinis, fecit detrimentum. Horridiuscula Poësis, nec tam leniter fluens, quam anterioribus Seculis. Unica fere Historia maximam partem eodem, quo antehac, loco constitit, non tamen injuriarum, quas tempora, difficilia subinde, inferunt, plane inexperta. His, quæ pro instituti ratione breviter delineavimus, ampliore dicendi genere ulterius deductis, ad res ecclesiasticas convertuntur Autores; ac doctorum pugnas & certamina pro tenenda doctrina puriori, tum victorias etiam, uberius enarrant, simul autem, pro eo ac par est, dolent, tantum elucubratissimorum numerum scriptorum intercidisse. Hi vero, quorum ingenii monumenta ætatem tulerunt, vel secus, hi sunt: *Eumenius* Rhetor, atque item Orator, *Massus*, Episcopus Parisiensis, Anonymus, *Claudii Mamertini* discipulus, *Constantini* laudibus clarus. Inoidit in hæc tempora Concilium Arelatense primum. Sequuntur *Cecilius Argicinus Arberius*, Astronomus & Philosophus, *S. Reticius*, Augustodunensis Episcopus, Grammaticorum Burdegalensium delectus, *Thalassius* nimirum, *Phabitus*, *Concordius*, *Macrinus*, *Sucuro*, *Lactantius*,

zins, Orator, ac defensor ecclesiæ, Anonymus Poeta Christianus, cujus extat de laudibus Domini carmen; *Emilius Magnus Arborius*, Rhetor, *Constantinus junior*, Imperator, Orator Anonymus, Monodix in *Constantinum* Autor, *Tiberianus*, Gallorum præfectus, *Leontius*, *Jucundus*, & *Glabrio*, Grammatici, quorum tempore primum Coloniz, Concilium coactum est, *S. Maximinus*, Episcopus Trevirensis, *Luciolus*, *Minervius*, & *Staphylius*, Rhetores, qua fere ætate secundum Arelatenſe Concilium commemoratur, primumque Bituricense; *Gennadius*, Orator, *Crispus*, *Urbicus*, *Herculanus*, Grammatici, *Paulinus*, Trevirensis Episcopus & Confessor, *Attius Patera*, Rhetor, *Fiberius Victor Minervius*, Orator & Rhetor, *Exuperantius* Rhetor, & *Cisarius*, Grammaticus; quo circiter tempore primum *Lutetiis* Concilium fuisse coactum perhibetur; *Paulus*, Episcopus Parisiensis, *Saturninus*, Arelatenſis, *Alcimus*, Historicus, Orator & Poeta, *Sedatus*, Rhetor, *Hilarius*, Pictaviensis Episcopus, *Heliodorus*, Presbyter Pictaviensis, *Salustius*, Gallorum præfectus, *Claudius Mamertinus*, Orator, *Helleſpontius*, Orator, & Philosophus, *Crisſorius Atticus Agricius*, Rhetor, *Attius Tiro Delphidius*, Rhetor, Orator, & Poeta, *Ammonius Anastasius*, *Ursulus*, & *Hermanus*, Grammatici, quo tempore primum *Valentiz* concilium celebratum est; *Theodorus*, *Aufonius*, Medicus, *Marcellus*, Grammaticus, *Neposianus*, Rhetor, & Grammaticus, *Justus*, *Hilarii* discipulus, *Eutropius*, Historicus, *Victorius*, Grammaticus, *Dynamius*, Rhetor, *Gratianus*, Imperator, sub quo primum Burdegalenſe Concilium habitum, *S. Servatius*, sive *Sabbatius*, *Theon* & *Proculus*, Poetæ, *Siburus*, Præfectus prætorio, *Parmenianus*, Donatista, *S. Justus*, Episcopus Lugdunenſis, *Icarius*, Comes Orientis, *Africanus Syagrius*, Poeta, *Valentinianus II*, Imperator, sub quo primum Nemaufenſe Concilium habebatur, *S. Phabatus*, Episcopus Agianenſis, *Aufonius*, Rhetor, Orator, & poeta, *Paulus*, Rhetor, & Poeta, *Gregorius*, Præfectus Gallorum, *Rufinus*, Anonymus, homo literatus, cujus apud *Symmachum* mentio fit, *S. Ambrosius*, Episcopus Mediolanenſis, *S. Martinus*, Episcopus Turo-

Turonensis, *Tetradius*, Poeta, *Latinus Pacatus Drepanius*, Orator & Poeta, *Palladius*, Rhetor, *Sulpicius Alexander*, Historicus. Et hæc fere sunt magnorum atque illustrium partem hominum nomina, quorum historiam, res gestas, scripta, enarrarunt hoc *Tomo* Autores, tanta cura, atque tam ample, ut nos, indice tantum digito eos demonstrasse, satis habeamus.

MEMOIRES DU CHEVALIER D'ARVIEUX,
recueillis par le P. JEAN BAPTISTE
LABAT.

h. e.

COMMENTARII HISTORICI EQUITIS
DE ARVIEUX, publicati a P. JO. BAPTISTA LABATO.

Tomi VI.

Parisiis, sumtibus Caroli Jo. Bapt. Deslepine, 1735, 12.
Alph. 6 plag. 2.

Collectæ sunt hæc Commentationes Itinerariæ, Historico-Geographicæ, a R. P. Labato ex schedis Equitis *d'Arvieux*, Legati olim Regis Galliarum Constantinopolitani extra ordinem, & Consulis Aleppensis, Algeritani, ac Tripolitani, nationis Gallicæ, quibus itinera ejus Constantinopolitana, aliaque in Asiam, Syriam, Palestinam, Barbariam, describuntur, Regionibus quoque illæ, & incolarum mores ac consuetudines, commercia, regiminis status, historia naturalis, alii eventus considerabiles, narrantur. Divisæ sunt in sex Partes, & ordine annorum digestæ, ex quibus præcipuas notabimus res generatim in iis occurrentes, cum speciales locorum descriptiones & historię in ipso libro hoc elegantissimo legi debeant ac mereantur. *Primus* igitur *Tomus* complectitur primum Illustris Viri iter Massilia Smyrnam susceptum, quod copiose describit, ac dein porro in Ægyptum A. 1658, quæ in Regionem, & urbes celebres, Alexandriam, ac Damiettam, fute delineat. Ex-

Pag.

77 - 114.

148.

174 - 237.

curtus

- Pag. 258. cursus quoque ejus in Palæstinam memoratur, ac in eo ur-
 269. bium Tyri, Acræ, vel Ptolemaidis, Seydæ, vel Sidonis, & ejus
 294. 463. commercii, descriptiones sunt notabiles. Porro historia Prin-
 357. cipis Druzorum Fekherdin, item Principis Melhem Maon, &
 379. ejus successorum & Bassarum, sive gubernatorum quarundam
 397. 438. harum urbium, modus regiminis tyrannici, exponitur. *Secun-*
das continet itinera, quæ Vir Illustris suscepit in Galilæam,
 23. 46. Samariam, Judæam, Palæstinam, & ad Loca sancta, ac in iis
 71. 105. urbium Ramæ, Gazæ, Ascalonis, Hierosolymæ, lectu dignissi-
 168. 206. mæ descriptiones occurrunt. Hic de Ecclesia S. Salvatoris, sive
 III. sepulchri, & ceremoniis in ea observatis, de ordine S. sepul-
 117. cri, & ejus Equitibus, quomodo recipiantur, privilegiis horum
 157. Equitum, agitur. Porro excursiones referuntur ad *Jordanum*,
 217. mare mortuum, ad urbes Bethlehemi, Hebronis, in desertum
 264. Sabæ & S. *Joannis*, montem Carinel, ad urbem Nazareth, Sa-
 318. 324. fetam, Barutum, sive Berytum, Tripolin Syriæ, Damascum
 373. 445. a monte Libano, quæ loca describuntur singula amplissime.
 398. *Tomo tertio* profectio Viri Illustris exponitur ad Turabegum,
 Principem Arabum Montis Carmel, cujus aula & regimen de-
 scribitur. Hoc iter jam A. 1718 a doctissimo *Rogio* editum
 separatim fuit, unde descriptionem morum ac consuetudinum
 Arabiæ desertæ incolarum copiosam petas. Ex quo apparet,
 Arabes illos Bedouinos sive campestres non adeo brutos ac ab
 omni humanitate sejunctos, stupidos, ignorantes homines, aut
 improbos, esse, si ea legantur, quæ tota hac parte fusc ob-
 servata sunt de Arabum Religione, de hospitalitate in eorum
 170. campis, & subditorum in pagis, de illorum moribus, de hono-
 179. re, quem barbæ exhibent in juramentis, de eorum justitia & ju-
 188. re, de illorum occupationibus, de eorum habitationibus sub
 204. tentoriis, de eorum vestitu, de eorum oblectamentis, de illo-
 228. rum Medicina, & usu ejus fere nullo ob temperantiam. *Tomus*
 262. *quartus* complectitur descriptionem Geographicam & Politi-
 254. cam urbis & Regni Tuneti sive Tunis vulgo dicti, modum re-
 286. 320. giminis per Day Principem ac Ministros, consuetudines varias
 329. regionis illius, iter Constantinopolitanum, Regis jussu susce-
 49. ptum, urbem Constantinopolin & Adrianopolin delineat, pro-
 436. 498. fopop-

Topographiam Sultani *Mohammedis IV* exhibet, ac historiam memorabilem celebris in Historia Turcica supremi *Vezirii, Kupruli*, ac ejus filii, qui in munere hoc successit, regnante *Mohammedo IV*, enarrat. *Tomus quintus* urbem & Regnum *Algezira*, sive *Algier*, ut vulgo efferunt, amplissime repræsentat, ac de modo regiminiis, de militia, de consilio status, & aliis officiis, de modo excurrendi in prædam, & dividendi inter se captivos, de suppliciis usitatis, de vestibis virorum ac foeminarum, & aliis, agit. *Tomus sextus & ultimus* Epistolæ *Picqueti*, Episcopi Cæsaropolitani, ad Dominum *d'Arodeur*, de itinere suo in Persiam, a pag. 91 usque ad 158, item amplam descriptionem urbis *Haleb*, sive *Aleppi*, viginti duo regiones, in quas divisa est, eorumque nomina, denique ipsius mortis historiam Viri Illustris, continet. Totius autem vitæ curriculum Operi præmissum est, cum variis observationibus, ad ejus nomen & familiam pertinentibus, lectu dignissimis.

Pag. 553.

556.

217. 280.

411. 434.

613.

ANTONII BLACKWALLI, INCLYTI MAGNE Britanniae Philologi, Autores sacri Classici defensi & illustrati, sive Critica sacra Novi Testamenti. CHRISTOPHORUS WOLLIUS, M. A. S. T. B. & Concion. ad D. Nic. Sabbathicus, ex Anglico Latine vertit, recensuit, variis observationibus locupletavit, & Hermeneoticam Nov. Fæd. Dogmaticam adjunxit.

Lipsiæ, sumtu Jo. Christiani Martini, 1736, 4.

Alph. 5 plag. 14.

Majorem in modum lætamur, Cl. *Wollium*, unum ex sodalibus nostris, eumque diligentissimum, voto illi satisfacisse, quod in his *Actis A. 1729 Mens. April. pag. 166* orbi literato publice declaravimus. Illie enim optavimus, ut Cl. *Blackwalli* liber, quem nominatim hic designavimus, Latina civitate donaretur. At vero Cl. *Wollius* Criticam illam

illam Novi Testamenti non tantum ex Anglico Latine vertit, seque adeo interpretem præbuit, verum observatoris etiam partibus fungi, non ab re fore putavit. Dignissima hæc nova est elaboratio, cujus compendiarium nunc enarrationem conficiamus. Esset igitur a re proposita sejunctum, & actum acturi essemus, si ea, quæ in Opere Britannico continentur, omnia hic iterum repeteremus; præsertim cum *prius Volumen* loco jam indicato pag. 158 seq. & *secundum A. 1733 pag. 413 seq.* verbosè satis & copiosè recensuerimus. Quæ cum ita sint, nihil est reliquum, quam ut singulæ Latine hujus editionis argumenta studiose diligenterque commemoremus. Hunc indicem, *Critica sacra Novi Testamenti*, addidit Cl. Interpres, librum perutilem ac jucundum Philologis eruditis accuratius commendaturus. In præmissa Præfatione, causis Latine versionis, quas ipsa ratio probat, declaratis, vitam doctissimi *Blackwalli* breviter descripsit. Fuit is Magister artium, idemque Rector scholæ Derbientis ac postea Bosworthensis in Comitatu Leicestrensi. Tandem vero egregiam Rectoris, hoc est, primarii Pastoris, provinciam in Ecclesia vici Clapham, qui in Comitatu Surriensi situs est, ornavit, deque hac aliquamdiu optime promeritus, ætate tribus libris, *Nova Latina Grammatica, Introductione in Classicos Auctores*, Latine non ita pridem hic Lipsiæ versa, & superiore Anno a nobis recensita, hisque ipsis *Autoribus sacris Classicis*, quorum *posteriori Volumini* non diu ante mortem ultimam manum imposuit, in hæc lucem editis, die 8 Mensis Aprilis, A. 1730, in vico Bosworth dicto, diem obiit supremum. Inprimis autem *Critica Blackwalliana* faustis & fortunatis produit auspiciis, multis quippe ac eximii laudibus a meritis viris cum intra tum extra Magnam Britanniam ornata. Atque hæc ipsæ impulerunt doctissimum Interpretem, ut perdifficilem in se susciperet laborem. Aerius eum commoverunt singulares Virorum maximorum, eximiaque autoritate valentium, B. *Rambachii*, S. Ven. *Marpergeri*, ac Celeb. *Mosheimii*, cohortationes, insignesque utilitates, quas, dum ipse perlegit librum, perspexit in sacrum Nov. Fæd. codicem

dicem redundaturas. Stilus Britannici Philologi ejusmodi quidem est, ut cultioribus hodie Anglis vere probatus, & causæ, quæ agitur, accommodatus, purus item ac significans, jure meritoque dicatur; at idem tamen nimis amplus & copiosus a Cl. *Wollio* vocatur, ut verborum copia sacrorum imprimis Oratorum propria esse solet. Quo majorem ille navavit operam, ut, nulla sermonis Anglici proprietatum habita ratione, & verba, & cogitata, *Blackwalli* fideliter, perspicue, atque verbis Latinis, incredibili studio ac meditatione, enuntiaret. Munditiæ ac elegantiz Romanæ præcipue studuit, & cavet etiam atque etiam, ne Autorem, qui pure ac nitide scripsit, & barbarici sacro Nov. Fœd. sermoni toties obiecte sese opposuit, ipsum barbare ac sordide differentem in sua induceret versione. Hoc consilio *Ciceronem* de Oratore, *Gellium*, *Quintilianum*, & alios melioris notæ Autores, in auxilium vocavit. Autori solenne est, ut interiorum sacrorum Nov. Fœd. oraculorum connexionem copiosa & liberiori, sed ea perquam nervosa, & significante, amplificet interpretatione. Hanc etiam Latinâ veste induere conatus est Clarissimus interpres, sacris Oratoribus, hanc Nov. Fœd. Philologiam lecturis, & in usus suos conversuris, ea ratione serviturus; ut eo, quem significavimus, loco pro se ipse verba fecit Doctiss. *Wollius*. Idem, dum loca ab Autore excitata recensuit, in eo elaboravit, ut, quoad ejus fieri posset, eadem investigaret ac venaretur, nec vero iis omissis, quæ sine mentione Capituli, paginæ, ipsiusque sæpenumero libri, indicata invenit. Rev. *Blackwallus* multos testatus est scriptores, quorum tantummodo Anglice verba expressit, nec raro exposuit liberius. Hos etiam opera mollesse sedula quæsit ac evoluit is, qui versionem confecit. Eisdem in rebus ipsis nonnulla expolienda, corrigenda, uberius illustranda & amplificanda, se obtulerunt.

Ad observationes *Wollianarum* quod attinet, eæ variz sunt, hoc est, Theologicæ, Philosophicæ, Philologicæ, Criticæ, Historicæ, Hermeneuticæ, Homileticæque. Has quidem, seu in contextu positas, seu extremis paginis subjectas, stellulis ubique ab iis lecrevit & segregavit, quas Autor interdum adjecit, nu-

meris arithmetica distinctas. Nos de illis, quæ Cl. Wollio debentur, observationibus generatim ac univèrse, non invita, sed secunda, veritate, prædicare nulli dubitamus, eas non centies repetitas, & e medio sumtas, sed novas plerasque omnes ac minime vulgares, & ex interiori eruditione petitas, atque ita præterea copiosas esse, ut tertia minimum parte liber nunc major sit, quam Anglicus fuit, ut ex Rev. Blackwalli manibus exiit. Immo etiam id sibi datum credidit Interpres, ut utiliorem pariter ac jucundiorem redderet eundem. Nam non solum antiquas locorum Nov. Fæd. expositiones nova confirmavit arte, sed novas etiam addidit; ejusmodi sunt pleræque omnes. Illuc pertinet etiam, quod argumenta rerum nulli non Capiti verbosius, ubi omissa fuerunt, & singulis paginis compendiosius præmisit, quæ plane præterita sunt ab Autore. Quæ sane præmissa argumenti significatio, majusculis literis descripta, & duabus semper lineis inclusa, præter citandi commoditatem, & rerum omnium in una veluti tabula representationem, nitidam quoque & elegantem speciem Latinæ conciliat versioni. Ex hac ipsa quarumvis paginarum summa capita si describamus, operæ pretium facturi videmur, ad Opus Blackwallianum mirifice adamandum viros excitaturi, qui periti & idonei harum rerum judices sedere valent. Inscribitur

Fig. 6 seq. nimirum *Tom. I Part. I Cap. I de Hebraïsmis Nov. Test. probatis*; *Cap. II de Solæcismis Nov. Test. delendis*; *Cap. III de quibusdam Nov. Fæd. vocibus vindicatis*; *Tom. I Part. II Cap. I de stilo Nov. Test. classico*; *Cap. II de variis Nov. Test. elegantiss*; *Cap. III de nativa Nov. Test. eloquentia vindicata*; *Cap. IV de Judiciis Patrum de stilo Nov. Test. laus*; *Cap. V de eleganti stili Nov. Test. varietate*; *Cap. VI de sublimibus Nov. Test. figuris*; *Cap. VII de arguta Nov. Test. dictione & ratiocinationibus sacris*. Hoc ipsum Caput Cl. Wollius de suo addidit, ne quid huic Criticæ deesse videretur. Sicut vero doctissimus Autor continuam scriptorum classicorum sacrorum & exterorum instituit comparisonem; ita Interpres in hac additione idem secutus est exemplum. Et in *arguta* quidem Nov. Test. *dictione* dilucidanda istud ante oculos

oculos habuit, quod in his *Actis A. 1729 pag 163 seq.* illa de re jamjam communivimus. In enodandis vero ratiocinationibus exempla refert, & sub judicium vocat, ex Philosophis antiquis excerpta, *formam*, hoc est, *modum*, addit *concludendi*, eumque his, simili tractandi ratione adhibita, comparat sanctiora, eademque multo selectissima. Inter alia ad Jo. IV. 19, adversus Ven. *Wolffium* suam tuetur explanationem, quam certo quodam loco propoluerat, ex unica ratiocinandi dexteritate. Hæc eadem juvit ipsum in nova, quam facilem, ut arbitramur, ac simplicem, & ab omni ingenioso acumine alienam, excogitavit, oraculi *duvovts Rom. VIII. 18--25*, interpretatione, dum *creaturam*, quam vocant, *gemebundam de Judæis extra sacram Christi civitatem viventibus*, & gloriosum *Messiam*, *inversa divina æconomia*, anxie expectantibus, exponit, hancque S. Pauli sententiam esse contendit, *consummatam credentium Novi Testamenti Judæorum* *ἐσθλαίον*, ejusdemque *patefactionem*, non prius, quam *Messia* quandoque gloriose apparituro, *incredibili cum jucunditate adventuram esse*. Ex Paulinis hæc una est ratiocinationibus, quæ hoc loco in primis enucleatur. Nil temere effundit novæ hujus Autor enodationis, verum eas addit rationes, quæ legentium non extorquent assensum, sed facile consequuntur. Sed, his explanationis, ad *Cap. VIII* nos convertimus, hoc insignitum indice, *de diversa Scriptorum Nov. Test. charactere*; *Cap. IX, de propriis Scriptorum Nov. Test. virtutibus*. Tomi II Partis I *Cap. I* agit & inscribitur *de stilo Nov. Test. a vitiis objectis amplius vindicato*; *Cap. II de elegantiss sacra Nov. Test. dictionis*; *Tom. II Part. II Cap. I de divisione Nov. Test. in Capita & commata*; *Cap. II de variis Nov. Test. versionibus, speciatim Latinis*; *Cap. III de locis quibundam Nov. Test. in Britannica Versione male translatis*. Tomi II Partis III index est, *Caput unum de variis Lectionibus Nov. Test. quo nullum majus in toto extat Volumine*. De cetero quatuor adjectis Indicibus de *Blackwalliana Critica* bene meritis est Interpres, 1) *Autorum*, 2) *Locorum sacrærum*, *inprimis Nov. Fed.* 3) *Vocum ac phrasum eximiarum*, 4) *rerum me-*

Pag. 206.

304 seq.

332 seq.

341 seq.

392 seq.

427 seq.

492 seq.

503 seq.

519 seq.

morabilem. Nec vero elegans Opus ulla ratione deformari passus est mercator, qui sumtus præbuit. Chartam enim coemit puram, & oculis non injucundam, in qua illud typis etiam nitidis descriptum fuit. Simul ut evolvitur liber, & index ejus primarius adspicitur, ornat eum effigies *Blackwalli*, ad eminentis in Magna Britannia artificis, *Virtus*, exemplum hic Lipsiæ eleganter sculpta & expressa. Nihil addimus, nisi hoc unum, quod jure nobis videmur posse contendere: hæc Latina Critica *Blackwallio* — *Wolliana* est thesaurus variz, & sacræ & profanz, doctrinæ, ac omnis interioris, quam sanctior hodie Theologia flagitat, eruditionis, & sacra Nov. Test. Philologia non immerito vocatur, quæ, quam lucem, dignitatem, ac singularem reverentiam, toti sacrosancto Codici *Salomo Glassius* Philologia sua asferre voluit, eam omnem unis Novi Fœderis tabulis, copioso præstantissimorum auxiliorum apparatu concessit.

Accedendum nunc nobis erit ad *Hermeneuticam* Nov. Fœd. a Cl. *Wollio* elaboratam & adjunctam. Separatus ejus index hic est: *Hermeneutica* Nov. Fœd. *Acroamatico - Dogmatica, certissimis desecata Philosophia principiis corroborata, eximisque omnium Theologiæ Christianæ partium usus infervens*. In Præfatione Cl. Autor & hujus totius indicis, & conjunctæ cum Critica *Blackwalliana* *Hermeneuticæ* suæ, rationem reddit. *Blackwallus* sacris Nov. Test. Philologis auxilia præbuit philologico-critica. Quare non ab re fore existimavit Cl. *Wollius*, si hermeneutica subsidia cum his amice copularet, atque ita utriusque generis opes & copias erudito exhiberet interpreti. Cl. Anglus dictionis Nov. Test. dignitati ac munditiei ex sacrorum & exterorum classicorum Autorum consuluit comparatione. Itaque Cl. *Wollius*, eadem tractandi ratione adoptata, planum facere voluit, libros, quorum divinæ sunt origines, non aliam prorsus, atque toto genere disjunctam, enodandi flagitare artem, quam alii scriptores, inprimis dogmatici, poscant & requirant. Quod solas Nov. Test. tabulas hæc sua juvit seriptione, has declarat causas. Est inter utrumque sacrosanctum Codicem interius aliquod vinculum; cum

cum Nov. Test. in vetere latere, Vetus autem in Novo patere, non immerito dicatur. Tum vero nemo dubitat, quin Theologia Christiana ex sanctissimis Nov. Test. Tabulis multo enodatiorem ac perfectiorem capiat demonstrationem. Iis præterea hæc inserviet Commentatio, qui sacris studiis non operantur, dummodo Græcæ linguæ periti sint, quam in scholis & Gymnasiis non tantum Theologi futuri addiscunt, verum ii etiam, qui Jurium peritiæ, aut Medicinæ, aut Philosophiæ separatim, suum consecraverunt ingenium. Hi contra Hebraicas & Chaldaicas literas, quibus Vet. Test. conscriptum est, ne attingere quidem solent. Nec vero novas Vet. Testamentum regulas interpretandi exigit, sed hæc quoque ipsæ, quas Nov. Test. requirit, ad idem pertinent, uno excepto illo, quod sanctarum Orientis linguarum proprietates & ultimæ historiæ sibi quodammodo vindicant. Philosophiam purgatam ac defecatam erudito interpreti commendavit Cl. *Wollius*, quod seculo, quo vivimus hodie, philosophico illi, qui in Philosophia plumbei, inertes, & toti alieni, reperiuntur, nullo in erudita civitate loco ac numero versantur. Adhæc vult Cl. Autor expendi, artem ratiocinandi Virorum eruditorum Librum veluti Symbolicum esse, in cuius si dictata omnes jurarent eruditi, nullæ amplius lites & controversiæ in sacra & literata ferrentur civitate. Has etenim aliter componi posse negat, quam si rationes sunctionum reddantur, si in disserendo *modus concludendi*, quem alii *formam ratiocinationis* vocant, disertis addatur verbis. Philosophiam hoc poposcit propositum, propterea quod non *popularem & exotericam*, sed *eruditam* atque *acroamaticam*, Autor tradidit interpretandi rationem. Hæc namque Hermenevtica nobilissima pars est Philosophiæ, hoc est, Logicæ. Archiori insuper vinculo naturales ac patefactæ veritates inter se nexæ & jugatæ sunt, quam ut sine illarum ignorance hæc solidius & accuratius dignosci ac defendi queant. Hæc ubi idoneo quodam *Jo. Bened. Carpzovii*, magni olim Theologi, testimonio confirmavit, non *falsam* ac *deformatam*, sed *veram & purgatam*, & vero ne hanc quidem ut *normam* ac *principium*, sed ut *organum*, at idem tamen paulo cultius.

culius atque ad rem institutam accommodatius se commendare fatetur. Addit dictis, se nullius in magistri verba jurasse, sed optima quæque, & cum veritate congruentia, ex *Aristotele*, *Cartesio*, *Gassendo*, *Lockio*, *Rüdigerio*, *Müllero*, *Wolffio*, aliisque, delegisse, & in usus suos convertisse. Cum vero, ut *B. Carzovius* præ se tulit, melior Exegeteos sanctioris pars *Dogmatica* esse debeat; *Dogmaticam* Hermeneuticam suam inscripsit *Wollius*. Non enim *verborum* tantum, sed *rerum* etiam, hoc est, *dogmatum*, inprimis eruditam demonstravit declarationem, & ex hac utraque conjuncta *Theologiam Dogmaticam*, *Polemicam*, *Moralem*, ac *Paracleticam*, atque adeo *Homileticam* quoque, duxit ac terminavit. Ita vero ille, *Jo. Georgii Neumanni*, Inclyti Vitembergensium Theologi, autoritati obsecutus, *sobriam* hic *Philologiam* ac *Philosophiam*, una cum *erudito elegantiorum literarum usu*, auditoribus suis inculcavit Academicis.

Totum vero Opus constat ex *Introductione* satis copiosa, & *Regulis* Nov. *Fæd. Hermeneuticis*. In illa hanc Cl. Autor sequitur tractandi rationem, ut certas semper *Sos* præmittat, hasque

subjectis observationibus demonstret ac illustret. Initio probat

- pag. 1 seq. existentiam *Acroamaticæ* Nov. *Fæd. Hermeneuticæ* ejusque
 §. 1. vel animo tantum conceptæ, vel literis mandatæ, ex historia
 pag. 4 seq. civitatis sacræ, quam in antiquiorem & recentiorem dividit.
 §. 2 — 17. Antiquiori præmissa, recentiorem contexit, inde ab eo tempore
 pag. 47 seq. ductam, quo *B. Lutherus* sacrum Codicem e tenebris in lucem revocare cepit. Speciatim naturam Hermeneuticæ Nov.
 §. 18. *Fæd.* cœtum consideravit, ut *Evangelico-Lutherani*, *Romani*, *Reformati*, ac *Sociniani*: ubi quinque artes ac griphæ
 pag. 17 seq. interpretum, qui *Fausto Socino* favent, recensentur. Inprimis
 §. 19. 20. singulari studio evoluitur, per *sapientiam*, *philosophiam*,
 pag. 20. *rationem*, *rectam* & *sanam rationem*, quam *Sociniani* toties
 §. 21. 23. *crepant*, *ingenium versutum*, *vasrum*, *captionibus* & *griphæ*
 §. 22. *assuetum*, nec non *mysteriis sanctissimis inimicum*, re ipsa intelligendum esse: qua occasione *Evangelicæ* *Servatoris* contra *Val. Schmalcium* a suspitione absurdi, & notio *rationis*
 pag. genuina, ad usum sanctioris Theologiæ, ab ambiguitate accu-
 23 — 25.

rate

rate vindicator. Ad Hermeneviticam N. F. separatim elaborandam Autorem singularis ejus commovit utilitas, & ratio doctorum Nov. Fœd. interpretum, qui aut nimia *memoria*, aut nimia *ingenii*, aut utriusque facultatis æquali virtute valuerunt, paucos contra *eruditum judicium*, quod vim ratiocinandi in explicando adhibet, juvit. Quo loco recensentur vitia interpretum, qui sola valent *memoria*, nec non eorum, quos *ingenium* juvat *secundum*, ut 1) possibiles sensus, ex quibus *Scepticismus* nascitur *Exegeticus*, 2) *Syncretismus Exegeticus*, quo plures possibiles vocum sacrarum potestates ac notiones in uno eodemque loco conjungunt, & in concordiam redigunt, 3) incredibilis regularum copia Hermeneviticarum, quarum ope minutis sacras literas ambagibus dissecant, 4) ingeniosæ ratiocinationes. Ubi tamen tres virtutes emendatæ mentis, *discrimen*, *venustas*, & *sensus veri & falsi*, ad eruditum requiruntur interpretem, quarum prima ad *memoriam*, altera ad *ingenium*, & tertia denique ad *judicium* pertinere censetur. Ex iis Nov. Fœd. interpretibus, qui vim ratiocinandi ante oculos positam habuerunt, C. E. Brochmannus, Jo. Georg. Dorseheus, Fr. Jul. Lutkens, Jo. d'Outreïn, & Ven. Jo. Laur. Morbemiùs imprimis, laudantur, & Cel. Wolfii Curæ Philologicæ & Criticæ excitantur, ubi plures illuc pertinentes nominantur Autores. Consequitur *definitio Hermenev. Nov. Fœd. nominalis*, & *realis Hermenev. Acromaticæ* generatim spectatæ, ubi planum fit, eruditi esse interpretis, non solum ut *verba* sciat Autorum, quos declarat, sed eorum etiam *systemata*, ex quorum concentu *reales* ipsorum sententiæ petendæ. Hac in *profanum* & *sacram* divisa, *realis Acromaticæ* Nov. Fœd. Hermenev. speciatim additur *definitio*, ac *divisio*, 1) in *totalem* & *partialem*; hæc singularem aliquem librum sanctiorem, illa vero *totum Nov. Fœd. Systema*, idemque *historicum* & *dogmaticum*, explanat. Cum vero omnes Philosophi & dogmatici scriptores ex suo singulari, cui faverunt, systemate explicandi sint; officio suo satisfactorius Autor, *dogmaticum* aliquod totius Scripturæ sacræ, sigillatim Nov. Tell. *Systema*, purgata ratione & divina patefactio-

Pag. 27

§. 24.

pag. 29.

31.

34.

30 seq.

pag. 34

§. 25.

pag. 36

§. 26.

pag. 37

§. 27.

pag. 40.

pag. 41

§. 28.

pag. 42

§. 29.

pag. 43

§. 30.

pag. 45.

43 - 45.

- ne in auxilium vocata, concinnavit, in quo simul eorum, qui
 cœlestes violant veritates, sententias, nullo tamen cœtu no-
 minatim designato, infirmavit ac diluit. Ex hoc systemato
 dogmatica, contendit, oracula exponenda & illustranda esse.
- Pag. 43. 86 Conjungitur cum data divisione 2) in *verbatem* & *realem*, seu
 seq. *idealem*; quæ altera, rationibus ab utilitate & necessitate pror-
 92 §. 31. sus eximia ductis, majorem in modum commendatur. Her-
 menevtica Nov. Test. *realis* 3) est vel *Dogmatica*, vel *Hisso-*
 pag 93. *rica*, *Dogmatica* vel *mixta*, vel *pura*; illa ad *dogmata mix-*
 64 seq. *ta*, hoc est, ex ratione ac revelatione simul patentia, hæc ve-
 ro ad *mysteria*, pertinet. Cum in tota hac descriptione, tum in
 hac maxime pertractatione, totus in eo versatur Autor, ut re-
 centiorem purgatam Philosophiam erudito commendet expla-
 98. natori. His jactis fundamentis, *causas novem Philosophia ex*
Hermenevtica exulis recenset & proseribit: 1) est ignorantia
 ejus, 2) abusus locorum *Paulinorum*, 1 Cor. II, 4 — 13, 2 Cor.
 X, 5, Col. II, 8. Accedit 3) misera Scholasticæ Philosophiæ
 99 seq. facies, 4) perpetua Socinianorum Philosophiæ ac rationis ja-
 ctatio, qua rationem eam, qua valent ipsi, pro norma sacras
 literas interpretandi haberi volunt, 5) bona intentio, vel saltem
 100 seq. opinio, hoc velo tecta, 6) mala intentio, 7) rejecta temere a
 multis distinctio inter ea, quæ supra & contra rationem sunt,
 101. 8) ambigua, & tantum non impia, notio, vocabulo *Mysterium*
 102 seq. a Deistis & Socinianis subjecta, 9) exercitatio, quæ inscribitur,
 paradoxa, Philosophia Scripturæ interpres, quæ Eleuthero-
 poli, hoc est, Amstelodami, A. 1667 in lucem exiit. His, &
 106 seq. quæ huc pertinent, declaratis, *gradus certitudinis*, ad quorum
 normam dogmata sacra cum natura notis conferenda sunt, de-
 92. finiuntur, & *quinque legibus* inclusi exhibentur. Hermenevtica
Dogmatica pura porro est vel *generalis*, sive *communis*, vel
specialis, seu *propria*. In illa convenit utrumque, Vet. ac
 107. Nov Testamentum, hanc vero solum sibi vindicat Novum. At-
 que hæc Nov. Fed. *propria* in *Antitycam* & *Antipropheti-*
cam dividitur. Ut enim Hermenevt. Nov. Test. typorum &
 vaticinationum Messianarum eruditam tradit enucleationem;
 ita Hermenevt. Nov. Test. docet, quemadmodum utrimque
 gen.

generis veritatum complementa, ab ipsis divinitus actis & eruditio hominibus indicata, explicari debeant. Ut adeo *'Avri* in voce *Antipropheticus* ad sensum Vet. Test. *Propheticum*, sicut in vocabulo *Antityptus* ad sensum Vet. Test. *typicum*, referatur; ut novam istam appellationem accurate ipse explanat Autor. Ubi etiam de *mystico*, quem & *typicum* vocat, Vet. Test. sensu multis exponit verbis, atque ex certissimis demonstrat principiis, ad *divinos typos*, ac *vera oracula Messiana* rite dignoscenda, quæ in Acroamatica Theologia valere debeant, ipsam *authenticam* Spiritus S. in Nov. Test. non posse non requiri declarationem. Ne cui vero ingeniosæ hie fictioni locus detur, *tria veri sensus antitypici & antiprophetici*, in Nov. Test. tabulis seiscitandi, communicavit indicia. Disputat contra eos, qui non omnes Vet. Test. typos a viris divinitus instructis, qui Novum Fœdus condiderunt, enucleatos esse opinantur, hosque ingeniosos interpretes ad scepticismum exegeticum viam parare ostendit. Hæc postquam omnia debitis vallavit præditiis, *fundamenta divisionum*, hætenus in medium prolatarum, enodat, ex sensu nimirum Nov. Fœd. ducta, qui est vel *verbalis*, sive *Grammaticus*, & *literalis*, vel *realis*, seu *ideal*, isque vel *dogmaticus*, vel *non-dogmaticus*, sive *historicus*. *Dogmaticus* iterum vel *mixtus*, vel *purus*, est. Hic denique vel *generalis*, seu *communis*, est, vel *specialis*, sive *proprius*, qui in *antitypicum* & *antipropheticum* dividitur, & singulari solertia enucleatur, ut *divini innati typi* ab *humanis illatis*, quorum ingeniosi hodie interpretes Autores esse solent, secernendi ac segregandi sint. Cum his sensus Nov. Test. speciebus alii *mysticum* Nov. Test. *sensum* conjungendum esse contendunt, id vero vel bono vel malo consilio seiscunt. Cl. *Wollius* cum his congreditur, nominatim cum Cel. *Rambachio*, qui ingeniosa magis, quam solidiora, sensus mystici suppediavit criteria. At vero Cl. Autor rejicit sensum *mysticum*, *moralium*, & *spiritualem*, in *parabolis* Christi, & eruditam harum enodationem cum declarat, tum exemplis illustrat idoneis: quo in argumento Homiletas quosdam ineptos, qui sacras Domini parabolas imperite interpretantur, non sine sale perstringit. Nec largi-

Pag. 110
seq.
111 seq.

112. 116.

117.

120.

121 §. 32.
pag. 123
seq.

127.

122.

130.

131.

- Pag. 137. largitur, in *miraculis Jesu* mysticum latere sensum. Negat
denique, eundem in sanctissimis Nov. Test. *historiis* venan-
dum esse. Sed Patres olim *bono consilio*, nec eo tamen lau-
dando, has ingeniosas in deliciis habuerunt *allegorias*; ut *Ori-*
9. 143. *genes*, & ejus amici, *Origenista*, ex juniore schola, cui patrocini-
nabantur, *Platonica* in sacram Christi civitatem easdem trans-
tulerunt. Introductionem finiunt *quinque Axiomata*, ex allata
145 §. 33. reali Hermenev. Nov. Test. definitione petita, quæ, ut
consecrariorum, hoc est, *Regularum Hermeneuticarum*, prin-
cipia ponuntur. Ut adeo hæc ipsa fundamentum primariæ, con-
stituunt Tractationis, quæ nunc demum consequitur.

- Regula* Nov. Test. *Hermenev.* tot *Capitibus* traduntur,
quot *Axiomata* posita sunt, ex quibus illæ ducuntur. Itaque
quinque sunt *Capita*, in quibus regulæ inveniuntur declaratae.
pag. 147. *Cap. I de Regulis Generalibus ipsum interpretem ad erudi-*
tam Nov. Fed. explanationem preparantibus inscribitur.
148. *Axioma*, quod hic præmittitur, hoc est: *Erudita Hermenev.*
Nov. Fed. est firma facilitas intellectus hominis eruditi,
ejusque in probabilitate hermenev. exercitati. Hinc tredecim
regulæ Hermenev. cum consecrariis ducuntur, quas breviter
nos indicabimus, ut appareat Lectori, quo valeant: 1) com-
mendat interpreti erudito artem ratiocinandi, 2) judicium per
eam cultum & expolitum, 3) interiorem naturæ & graduum
149. probabilitatis hermenev. peritiam, quorum mensura, hoc est,
153. robur ac ratio, enucleatur, 4) animum a perturbationibus,
159. temere adscitis opinionibus, ac definitionibus nominalibus, ho-
die usitatis, vacuum, 5) veræ lectionis ex probatissimis Codici-
163. bus explorationem, 6) genuinum versionum usum, 7) prom-
tam rerum sacrum contextum circumstantiarum notitiam,
176. 8) concentum sive systema doctrinarum sacrarum, 9) exqui-
178. sitam linguæ Græcæ, vocum, ac phrasum, ac proprietatum,
179. Græcarum cognitionem, 10) doctrinam de Terminis Gram-
183. matico - Rhetorico - Logicam, 11) naturam propositionum
190. sacrarum periodicam ex arte Rhetorica, 12) veritatem earum
196. enuntiativam, una cum ratione vocum nativa, ex Logica; ubi
200. & *Tabula Vocum 90 Nov. Test. relativarum* communi-
202. catur,
210.

atur, 19) veritatem ratiocinativam, seu ratiocinationes fa-	Pag. 230.
ceras <i>Capitis II</i> hic est index: de <i>Regulis generalibus</i> , ipsam	242.
<i>erudita Nov. Fæd.</i> explanationis indolem ac naturam decla-	
<i>rantibus. Axioma II</i> , fundamenti loco positum, hoc est:	
<i>Erudita Hermenev. Nov. Fæd.</i> ex <i>consensione rerum omnium</i>	
<i>orationem Græcam circumstantium verum Auctorum sensum</i>	
<i>ratiocinando firma concludit facilitate.</i> Ex hoc 5) derivan-	
tur regulæ: quarum 1) præscribit interpreti accuratam antece-	243.
dentium & consequentium, nec non ipsius subjecti ac prædica-	
ti, singularis propositionis enodandæ connexionis evolutionem,	
2) ratiocinationem circa sensum vocum graminaticum, 3) cir-	247.
ca sensum Auctorum sacrorum idealem sive realem, 4) circa	252.
gradum ac pondus veritatis Hermenev. dimetiendum, 5) jubet	255.
cavere sacrum enarratorem a mera possibilitate & conjectura.	257.
Hæ sunt <i>generales</i> regulæ, quæ ad profanum non minus,	
quam sacrum, requiruntur interpretandi negotium. Nunc	
sequuntur <i>speciales</i> , hoc est, ex, quæ solam excellentiorem	
Nov. Fæd. divini scilicet Codicis, expositionem juvant, ejus-	
que adeo <i>proprie</i> sunt. Hinc <i>Cap. III de Regulis specialibus</i> ,	262.
<i>in singularem erudita Nov. Fæd.</i> explanationis usum cum cura	
<i>semper convertendis</i> , exponit. <i>Axioma III</i> , quo regulæ nituntur,	
ita se habet: <i>Auctores Nov. Fæd. divinitus acti sunt homines,</i>	
<i>fidemque Vet. Test. interpretes.</i> Regula 1) eruditum Nov.	267.
Fæd. scrutatorem jubet certum esse, scriptores a Deo eruditos	
nusquam obscure, aut per barbarissimos ac solæcissimos, locutos	
de industria esse, 2) nativam orationis <i>δενότυπα</i> in loco sem-	270.
per usurpasse, 3) verissimas res esse, quas cum humano com-	272.
municarunt genere, 4) reinovendas veras a Nov. Test. con-	275.
tradictiones, & conciliationem contra <i>ἐναντιοφασίαν</i> sacra-	
rum iudicio fultam instituendam, 5) sensum realem antitypi-	277.
cum in Nov. Test. querendum, 6) Novum a Vet. Test. tan-	207.
quam clarius ab obscuriori, disserre, 7) Nov. Test. perfectio-	207.
rem Dei patefactionem esse, ultra quam explanationes haud	279.
evahendæ. <i>Cap. IV de Regulis specialibus, in Hermeneutica</i>	ibid.
<i>reali ab erudito Nov. Fæd. explanatore observandis</i> , agit.	
<i>Axioma IV</i> hoc ponitur: <i>Datur, præter verbalem, Hermeneu-</i>	280.

- Pag. 281. *neptica Nov. Fæd. erudita realis, eaque vel dogmatica, vel Non-Dogmatica.* Regula inde ducta interpretem jubet cavere, ne tantum realis sit explanator, contra vero inculcat ei, ut sit etiam realis, idemque vel dogmaticus, vel non-Dogmaticus, qua occasione quatuor exhibentur Tabulæ: in prima dogmata credenda, in altera moralia, in tertia paracletica, & in ultima denique Historiæ Nov. Fæd. dogmaticæ, in usum Theologiæ Acroamatiæ, repræsentantur. Reg. 2 duplex interpretis eruditi officium commendat, quod in eo vertitur, ut sensum exploret verbalem una cum reali, sive ideali. Cap. V, idemque postremum, hanc præmissam habet inscriptionem: *de Regulis specialibus, ex sine Hermenev. Acroamatica in eruditam Nov. Fæd. enodationem redundantibus.* Axioma V, ex quo tres Regula in lucem proferuntur, his est verbis conceptum: *Erudita Hermeneutica Nov. Fæd. sacra eo valet, ut Theologia divinitus inspirata perfectius hinc demonstrari queat.* Ergo, secundum Reg. 1, Theologia inspirata realis dogmatica, mixta & pura, eaque Dogmatico-Polemica, Moralis ac Paracletica, perfectius interpreti demonstranda. Cum vero definitio ac divisio demonstrationis principium & criterium speciale ac proprium sit; Regula præscribit 2, ut eruditus Nov. Fæd. enarrator definitiones ac divisiones elaboret, unde Theologico-reales ducat conclusiones. Quo loco de variis methodis Theologiam tractandi disseritur, contra *Analyticam* nonnulla modestissime monentur, & *Synthetica* ceteris antefertur, qua initium sit 1) ab *existentia* dogmatis demonstranda; ubi, quid ex purgata ratione, & quid ex S. Scriptura, petendum sit, cum cura discernitur. Huc & *Historia Ecclesiastica Dogmatica* refertur, & prudens illius usus certis observationibus circumscribitur, & idoneis exemplis roboratur. Existentiam probatam excipiat 2) *definitio*, hanc 3) *divisio*. Utramque consequantur 4) *Axiomata*, inde perfecta, ex quibus 6) *confectaria* deducenda, adjuncto *concludendi modo*, si quem peritiores desiderent. Atque his 7) *scholia* subnecti possunt. Hanc *methodum* vocat Autor *Philosophicam Syntheticam*; at amat ille tamen atque in deliciis habet

bet interiorē meditando rationem *Mathematico-Philosophicā*, quamvis in animum inducat, ut credat, ad eam aptiores esse, qui in ipsa interiora rerum adyta penetraverint, quam qui *externa* ejusdem *figura* tantum, sine nuce veritatum gustata, delectentur. Hanc vero methodum, ita comparatam, cum sua haud pugnare, sed amice potius consentire, sciscit. *Reg. 3* & ultima hunc eruditi Nov. Fœd. interpretis finem constituit, ut ideam eminentiæ, ejusque vel supernaturalis, vel antitypicæ, in Theologia ex Nov. Test. demonstraret.

Atque hæc sunt *triginta* illæ *Regulæ Hermenevticæ*, quas in erudita Nov. Fœd. explanatione commendavit Autor. Istæ vero cum generales ac universæ sint, omnes speciales, quas modo cunque, in usum cumprimis eorum, qui latiorē ipsarum ambitum haud satis capiunt, facileque offendunt, excogitare licet, quasque ipse in separatis Dissertationibus adhuc in lucem orbis eruditi protulit, sub illis comprehenduntur, ac, veluti consecraria, hinc eliciuntur. Hoc modo Autor, Philosophia & severiori meditatione adjutus, nimium regularum diminuit numerum, quas nonnulli præter necessitatem adauxerunt. Nec vero posuit tantum Axiomata, & regulas hinc duxit, sine indicata ratione, sed explicavit omnes præterea notiones & sumtiones, demonstravit eas accurate, semperque *modum concludendi Logicum* disertis nominavit verbis. Quid? quod & *Praxin Nov. Fœd. Græcam*, hoc est, locos selectiores, addidit, in quorum enodatione ad normam regularum, quas fixas esse voluit, versatus est, eximio easdem ulto confirmaturus. Planum fecit, quavis oblata occasione, quantum realis & idealis sensus grammaticum juvet ac verbalem, & locos, quos cœlestium violatores veritatum in dubium vocarunt, omnia fere, quæ volunt, ipsis dando & concedendo, ex certissimis principis vindicavit, suæque integritati restituit ac sinceritati. Rebus omnibus explanatis, quatuor confecit Indices, eosque copiosos ac utiles: nimirum Indicem 1) Autorum, 2) Locorum Nov. Fœd. 3) vocum Nov. Fœd. potiorum, 4) rerum memorabilium. De reliquo, cum auditoribus præcipue suis hunc consecraverit librum, iis ipsis ea in posterum declarabit,

quæ

quæ aliis fortasse obscuriora videbuntur; quandoquidem hoc ipso jamjam tempore, ista duce scriptione, Collegium instituit Hermeneuticum, cum Hermeneuticam sacram universam in Collegiis Exegeticis adhuc tradiderit. Nos quidem, re bene putata, nulli dubitamus, recensitam hæcenus scriptionem, in qua ratio sacras literas interpretandi ad eum certæ rationis gradum, quem sapientiores jam diu in votis habuerunt, eve-cta est, cui & ab elegantiori dictione non vulgare pretium accedit, iis, qui eruditioni Theologicæ ex animo bene cupiunt, perlegendam etiam atque etiam commendare: quin etiam speramus, *Hermeneuticam* Vet. Test. si quam elaboraverit, sicut in Præfatione significat, Cl. *Wollius*, & reliqua ejusdem, quæ & in Theologiam universam, & in nonnullas S. *Pauli* Epistolas jam meditatus est, & ea, quæ hodieque meditatur, illuc pertinentia ingenii monumenta, sacræ & eruditæ civitati maximopere probatum iri.

OPUSCULA, AD HISTORIAM JURIS ET maxime ad POMPONII Enchiridion illustrandum pertinentia, collegit JOANNES LUDOVICUS UHLIUS. Præfationem præmisit JO. GOTTL. HEINECCIUS, Jctus, Potent. Pruss. Reg. a Consil. Sanctior. Jur. & Phil. Prof. P. Ord. & Jll. Frider. b. t. Prorector.

Halæ, impensis Orphanotropei, 1735, 4.

Alph. 2 plag. 8½.

Est hoc fere proprium magnis ingeniis, ut non ab ipsis tantum præclaræ quæque atque salutaria perveniant, sed ut aliis etiam, quibus naturam in tribuendis dotibus minime contigisse novercam intelligunt, ad similia tentanda animos inspirent, & quæ sufficiant bonis conatibus, instrumenta suppeditent. Illustris *Heineccius*, cum ei satis esse posset, ad veterum Jureconsultorum gloriam eruditissimis scriptis adspirasse, eademque, inter plausus publicos, plenissime potitum, no-
luit

fuit his finibus omne suum eruditorum commoda promovendi studium contineri, sed illud imprimis adjiciendum suis in re-
 chiora studia præstantissimis meritis exilimavit, ut, si quos ex
 discipulorum corona, qua se quotidie, dolentibus quantumvis
 invidis, cinctum pulcherrime ac velut circumseptum videt, ma-
 gno animo contendere ad doctrinæ politioris laudem animad-
 verteret, horum honestum impetum consilio partim, partim ap-
 probatione, confirmaret, simulque viam ipsis monstraret, qua
 mature prodesse eruditis, spemque lætam de se concitare do-
 ctinæ excellentioris possint. In quorum numero cum præ cete-
 ris eminere ipsi videretur *Jo. Lud. Ublus*, quem *Juvenem or-
 natissimum*, & ad interioris Jurisprudentiæ omnisque huma-
 nioris literaturæ adyta incredibili industria contendentem,
 vocat, quem & suum passim nominat, & nos ipsi *Heineccia-
 ne* sæpe applaudentem sæpius coram audivimus, autor huic
 fuit, ut industriæ suæ aliquem ad eruditos redundare fructum
 pateretur, & ad edenda denuo nobilissimorum Jctorum scri-
 pta, quæ illustrandæ Juris Romani Historiæ inservire, aut
 Commentarii ad *Enchiridion Pomponii* vicem sustinere pos-
 sent, curam studiumque converteret. Qua cum nihil illi opta-
 tius accidere, ex præceptoris consilio gloriam captandi, occa-
 sione posset, mora nulla interposita, obtemperavit prudentissi-
 mis monitis, &, ut commodius deinde legi posset *Enchiri-
 dium Pomponii*, non ita cuilibet lectori obvium, selegit, quos
 Jurisprudentiæ elegantioris studiosis in manus traderet, præ-
 stantissimorum Commentatorum quaternarium, eorum nempe,
 quos vel aliunde satis constaret, ad illustrandum partim,
 partim emendandum, *Pomponium* præclara quæque contulisse.
 Enatum hinc præsentem *Opusculorum* fascem vides, in cujus vel
 ipsa fronte incomparabilis *Cujacii* nomen fulgidissimæ gem-
 mæ instar splendet. Habes enim hic 1) ipsum *Pomponii En-
 chiridion*, seu *L. 2 D. de Origine Juris*, cum *Notis*, seu, ut
 ipsi Autori vocatur, *Commentario*, *Jacobi Cujacii*. Non in-
 dicat in Præfatione Ill. *Heineccius*, unde potissimum petitur
 sit Opus, nec nobis certo satis constat, an sit unquam sigilla-
 tim editum; accessisse tamen Operibus *Cujacii* conjunctim

editis, quorum editio *Wechellana* id *Tomo II pag. 83* habet, vix unus est, qui nesciat. *Pascent* egregie *Lectorum* animos *Cusjacia* hæc bellaria, etsi non large nimis, satis tamen laute atque suaviter, instructa, unde vis illa sagacissimi ingenii, quam cetera Viri magni scripta ad unum omnia spirant, plenissime elucet. Est enim verborum æque ac rerum solertissimus investigator, felix inprimis in restituendis aut emendandis Autoris sui verbis, & cum ipsis rationum nervis insignem *Authorum veterum* omnisque generis antiquitatum notitiam conjungens. Succeedunt 2) *Christoph. Adami Ruperti Animadversiones in Enchiridion Pomponii*, Jenæ olim forma minima excusæ, sed tum ita mendis operarum deformatæ, ut, meliori habitu vestitas jam videre, non possit non cuilibet nostrum gratissimum accidere. Fuit *Rupertus*, quod omnibus notum est, Germaniæ nostræ & sui ævi gloria, maximorum Virorum sine dubio famam æquaturus, nisi in ipso ætatis & doctrinæ flore constitutum immatura fata occupassent. Eadem laus, quæ ceteris ejus scriptis, maxime in *Autores veteres Commentarii*, passim tribuitur, ad ipsas has *Animadversiones*, fuscior olim *Georgio Richtero* Altorfii scriptas, sed mortuo deinceps Autore publicatas, pertinet, suntque in his multa Operis *Pomponiani* capita erudite enodata, multa etiam veteris Jurisprudentiæ momenta dextre explicata. Insignem igitur *Lectori* usum spondet, & in magno utique pretio habendus labor videtur, etsi nec suis careat labeculis, aut, si benignius sit judicandum, limam passim Autoris sui desideret, quem, ut sanandis locorum vulneribus non æquale ubique acumen adhibuisse apparet, ita, si diutius in vivis fuisset, & publicandi Operis sui ipse curam suscepisset, nullum est dubium, pauca ea, quæ jam forte offendere lectorem possunt, felici industria emendaturum fuisse. Exhibet nobis 3) Editor *Cornelius van Bynckers-Boek*, incomparabilis Batavorum Jureconsulti, *Præmissa ad L. 2 D. de Origine Juris*, ab ipso Autore olim inter *Opuscula variis argumentis*, quæ conjunctim A. 1719 Lugduni Batavorum lucem publicam viderunt, postea Halæ A. 1729 cum eisdem *Cel. Autoris Opusculis* denno edita cura *Franc. Caroli* Con-

Conradi, tunc in Lipsienſi Academia Jura docentis, nunc Helmſtadienſis Antecelloris, cujus & Praefationem, eruditam æque ac copioſam, non incommode hic repetitam legimus. Doceat te vel ipſum Operis rubrum, non hic quaerendum ad *Enchiridion Pomponii* Commentarium pleniffimum, ea re-quentem omnia, quæ ſunt ante a Viris doctis obſervata, ſed nova tantum & ſingularia, ſecure prætermiſſa illi Commentatorum turbæ, & ob id inprimis magni æſtimanda, Opere hoc *Bynckerſhoekiano*, id eſt, docto, eleganti, & polito, contineri. Ut hinc laudandum valde videatur Cl. *Ublis* conſilium, qui velut ad ſupplendos *Cujacii* & *Ruperti* labores pertinere id libelli, neque adeo ab illis hoc in loco ſejungendum, recte exiſtimavit. Qui novit *Bynckerſhoekiana* Muſæ decus atque gloriam inſignem, non, ut præſenti Operi hederam ſuspendamus, is poſtulat. Omnia ad tantæ Viri laudes dixiſſe putabimur, ſi, quod vere Ill. *Heineccius*, tanto magis quemque proſeciſſe videri in *Juriſprudentia*, quanto magis illi placeant Opera *Bynckerſhoekii*, dixerimus. Quæ ſubjuncta eſt his *Prætermiſſis*, *Chriſtfridi Wachſleri*, præſtantiffimi olim cauſarum patroni *Dreſdenſis*, eorundem *Prætermiſſorum Recenſio*, non niſi plagulæ unius ſpatium implem, migravit huc ſine dubio (quod, neſcimus, cur diſſimulet hic Editor,) ex *Opusculis Wachſlerianis*, horumque pag. 712, quem in locum tranſtulerat Editor *Trotzſius* ex *Actis* noſtris A. 1720 *Menſ. Mart. pag. 112 ſeq.* Vellemus, ipſa evolvere *Acta* noſtra placuiſſet *Ublis*, ne omitteret illam *Wachſleri* alteram *Prætermiſſorum Recenſionem*, ibidem obviam, ita, ſi quid judicamus, comparatam, ut elegantia & bonarum rerum copia alteri haud quidquam cedat, atque adeo utraque hic conjungi ſatis commode potuerit. Sed levis eſt hæc jactura, ſi, recenſentis magis, quam illuſtrantis, munere deſunctum illic *Wachſlerum*, conſideres. In his, quæ falſe præſenti continentur, aliquanto plus præſtitit, emendationes locorum *Bynckerſhoekianas* ſubinde ſub examen criticum vocans, inprimis *Ciceronis* *Juriſprudentiam*, quam ille *Batavorum* Heros ſabefactatum iverat, novis rationibus communiens. Quam ipſam controverſiam ut hic pleniffi-

me disputatam legerent istarum rerum curiosi, accessit sub finem *Antonii Schultingii*, Clarissimi olim Franequeranzæ Academiæ Jureconsulti, de *Jurisprudentiâ Marci Tullii Ciceronis*, tersa & facunda Oratio, recitata publice Franequeræ A. 1702, postea ad calcem *Jurisprudentiæ Antæ-Justinianæ*, immortalis Operis, adjecta. Opusculis his pulcherrimam coronidem imponit Ill. *Heineccius de Variis Saturninis Jctis* Programma, ante aliquod tempus in Academia Viadrina publicatum, non ex mole sua, (est enim perbreve,) sed ex rerum optimarum selectu, æstimandum. Hæc igitur, quæ jam pro instituti nostri ratione breviter enarravimus, *Opuscula* conjunctim hic prodeunt opera & cura *Ublii*; cui non illud tantum debes, quod scripta hæc omnia emendatissima jam legas, sed & illud imprimis, quod ad calcem *Opusculorum* accuratus rerum Index accesserit, & in *Cujacii* libello *Enchiridion Pomponii* cum ipsis *Cujacianis* notis commode conjunctum, Scriptorum loca accuratius, quam factum a *Cujacio*, indicata, &, quæ Græca hic leguntur, eorum causa, qui hospites sunt in istis deliciis, sermone Latino sint donata. Eo nomine gratias habebis diligentissimo Juveni, ejus labor vel ob id bono cuique probabitur, quod placuerit magno ingeniorum æstimatori, *Heineccio*, qui, ut Operi huic omni ex parte decus suam constaret, amplissimam ei & Autore tanto prorsus dignam Præfationem præmisit, in qua, quicquid de *Pomponio*, nobilissimo illo *Enchiridii* Autore, quicquid de vita ejus, varia doctrina, librisque numero permultis, sed maximam partem deperditis, ex veterum Scriptorum monumentis cognosci potest, collegit diligenter, & vana oratione exposuit, præterea, velut in transcurso, larvato illi *Schützio*, & suo, & omnis doctrinæ elegantioris, jurato hosti, animose respondit, postremo *Opusculorum*, ab *Ublio* collectorum, dignitatem commendavit, multaque diligentia id egit, ut, quæ *Cujacii* & *Rupertii* quantumvis acute videntes oculos effugerant, ipse ex solidioris Critices penu suppleret, &, si quid illis rectius aut ipse observasset, aut observatum ab aliis novisset, id larga manu expromeret.

MENSIS AUGUSTI A. MDCCXXXVI. 373
BERNARDI SIEGFRIED ALBINI, ANA-
tomes & Chirurgiæ in Academia Batava, quæ
Leidæ est, Professoris, Historia musculo-
rum hominis.

Leidæ Batavorum, apud Theodorum Haak & Henricum
Mulhovium, 1734, 4 maj.

Alph. 3 plag. 17, cum Tabb. æn. 8.

Expectatissimus omnibus Anatomes cultoribus, maxime il-
lis, qui Musculorum viriumque motricium corporis humani
cognitione delectantur, existit Liber iste, de quo jam, antequam
prodiret, fama increbuerat, magni in difficili hac Anatomes
parte ponderis & singularis prorsus utilitatis fore. Mediocria
de Eruditiss. Autore sperare, nefas videbatur omnibus, nec
vota frustratus est eventus rei. Quamvis enim vix dici ali-
quid de hoc argumento possit, quod non dictum fuerit a tot
tantisque Myologiæ gravissimis exercitatissimisque Autoribus,
negari tamen nequit, desideratissimum fuisse hoc Opus eo po-
tissimum nomine, quod opus fuerit aliquo conciliatore varia-
rum sententiarum & terminorum, quibus paucissimi Myolo-
gorum conveniunt. Post rem scilicet herbariam, quæ hac æ-
tate gravissime itidem conflictatur cum polyonymiis, synony-
miis, & homonymiis, vix alia est disciplina, quæ vitiiis in di-
ctione gravius exerceatur, Anatome, maxime quod musculos
attinet, quorum non tam ipsorum, quam nominum, tædiola
multitudo, & quo termino apud hunc aliumve Autorem qua-
rendi, vel qua constanti ratione declarandi sint, tyronem ar-
tis deterrent. Hoc beneficio potissimum nos obstrictos sibi fe-
cit Cl. Autor, quod singuli musculi onomatologiam sollicitè
exponere, ex Autoribus in unum colligere, unoque adeo
conspectu sistere, allaboraverit. Methodus ipsa, singulum mu-
sculum singulo Capite recensendi, historiam uniuscujusque o-
mni, qua patet, ambitu adducendi, leviores etiam aliis visas
circumstantias pro definiendo ortus & progressus termino, dire-

tionis, diametri modo, declarandi, omnibus placet. Prout est fumæ in secando dexteritatis, fieri aliter non potuit, quin variorum hallucinationes detegeret & emendaret. Habituri hunc librum sumus fidelem cultri Anatomici ducem in istis potissimum musculorum tricis impedimentisque, ubi vel parvitate & mutua fibrarum decussatione, vel, etiamsi majores fuerint, dubia sua, utrum pars, an totum sint, relatione, ingenia exercentur. Assuescendum nihilo secius erit novis quibusdam terminis, antea a nemine usurpatis, quos Vir Clarissimus huic doctrinæ intulit. Habituri sumus Tragicos, Antitragicos, Epitranios, aliosque, quos tamen, tanquam intrinsicum significandi valorem habentes, lubenter admittimus. Generaliora, ad Historiam musculorum universam spectantia, præmittuntur *Libro primo*, quo de fabrica usuque partium in musculo erudite ad mentem recentiorum disseritur, propositis & fideliter communicatis administrationis Anatomicæ subsidiis, quibus musculus in elementa partesque constitutivas clare reduci possit. Præmittitur hoc ipso brevis omnium musculorum enarratio, inter quos sunt, qui novitate placere possunt, constrictores isthmi faucium, curvatores; coccygis, scaleni quidam minores, pro majoris parte huc usque habiti, aliique; etsi falsus sit Cl. Autor, ejusmodi musculos non in omnibus cadaveribus, sed in quibusdam, reperiri, quorum rarius visorum musculorum, Stylohyoidei alterius transversi, perinæ, biventris cervicis, aliorumque, catalogum annectit. Sicut autem Musculorum seriem aliquibus auctiorem effecit, ita eandem ex altera parte imminutam reddidit, siquidem sphincteres vesicæ, aliasque ex fibris motricibus compositas partes, ex albo Musculorum delevit, quod albicantibus, non carneis, fibris constare deprehendantur, nec in legitimam muscoli formam collectæ sunt. Proponitur omnium commodissima musculos administrandi methodus, Autori familiaris. Primo loco suadet, spectandos esse musculos, qui sub cute jacent, nec advertendum esse animum ad alios, donec hi omnes a pinguedine liberati, nitidissime detecti, discentibus declarati fuerint. His deinde dextre remotis, sequens musculorum stratum eadem industria perquirendum est, sicque per-

pergendum ad Musculos ultimæ ossibusque proxime adjacentis
 seriei, musculo omni transversim dilcisso, & a vicinis undi-
 que separato, tum ad originem, tum ad insertionem usque,
 Quo dilcentium aut secantium commoditari inserviret, to-
 tum corpus sollicite in plurimas regiones dividit, quique
 in singula ambitus totius corporei provincia siti sint musculi,
 quique sese mutuo tegant, quo sibi subjaceant ordine, exponit.
 Corpus viri universum in octo & quadraginta, feminæ in sex
 & quadraginta, dispescit regiones, quarum alie geminæ sunt,
 alie singulares, alie utrique sexui communes, alie alterutri
 propriæ. Hac lege sibi ipsi lata, omni *Libro secundo* musculos,
 qui cuti immediate subjacent, reliquosque subtus premunt, re-
 censet. *Tertius* denique *Liber* bis centum & triginta Capitibus
 totidem musculos amplissime describit, non illo ordine, quo
 hactenus ab Autoribus descripti fuerant, quibus musculos unius
 ejusdemque partis, utut diversis in locis enatos, recensere insi-
 mul volupe fuit, sed diverso, scilicet uniuscujusque regiones
 musculi, nullo habito ad partem, quam movent, respectu, prout
 prope se invicem collocantur, una incedunt, quo ipso sua
 sponte apparet, a summo corporis loco, nempe epicranio, di-
 cendi initium fieri debuisse, cujus caro non, ut hactenus, mu-
 sculi frontales & occipitales, aut occipitofrontales, sed epicra-
 nius unus, audit. Plura sunt laude digna, quæ ad condendam
 specialem omnis musculi historiam de suo addidit Clariss. Autor,
 nihil intactum relinquens eorum, quæ vel ad secandi dexteritā-
 tem, & rite a se invicem dignoscendam vicinam & perinde vi-
 sam carnem, vel ad affectionem musculi, variasque ejus cir-
 cumstantias, pertinere illo modo poterant. Adduntur propriæ
 observationes variarum discrepantium, & in omni subjecto non
 convenientium, alicujus musculi circumstantiarum. Ante o-
 mnia, qui plerumque constantiam secantium miris modis ex-
 ercent, musculos trachelomastoideum, transversalem cervi-
 cis, cervicalem descendentem, qui sacrolumbalis pars posterior
Comperi, feliciter explicuit. Facere tamen hæc potuit, quin
 longissimum dorsi & sacrolumbalem eodem Capite declararet,
 ob indissolubilem, nec nisi naturæ vim inferendo distrahendam,
 utrius.

utriusque nexum, ita quidem, ut parum absit, quin uterque ille musculus pro bicipite quodam, in duas longissimas caudas abeunte, ab ipso *Albino* habeatur. Adjecit musculorum manus Iconographiam, *Joannis Wandelaar*, eximii Artificis, opera factam, prorsus elegantem, cui omnium musculorum corpora similem optare vel expectare velle, summum esset in re Anatomica votum attigisse. *Quarto* denique *Libro*, qui mere Physiologicus est, omitti de industria hactenus musculorum effectus ordine exponuntur.

DESCRIZIONE E STUDI DELL' INSIGNE

Fabrica di S. Maria del Fiore, &c.

h. e.

DESCRIPTIO ET ACCURATÆ DELINEATIONES insignis fabricæ templi Metropolitanæ Florentini S. Mariae de Fiore, pluribus Tabulis æneis incisæ, & Magno Duci Florentiæ, JO. GASTONI, dedicatæ, a BERNARDO SANSON SGRILLIO, Architecto.

Florentiæ, apud Bernardum Paperini, 1733, fol. maj.

Plag. 12, Tabulæ æneæ 17.

Satis constat, urbem Florentiam quamplurimis pulcherrimisque abundare Architectonicæ artis operibus, quorum plerorumque delineationes admodum accuratas novissime collegit, atque in lucem edidit, nobilis Architectus, *Ruggierius*. Sed nemo tamen huc usque describere aggressus est fabricam omnium præcipuam & plane admirabilem templi metropolitanæ & cathedralis S. Mariae de Fiore: si *Fontanam* excipias, qui nonnulla attigit in sua templi Vaticani descriptione. Cum igitur non paucas, easdemque summo studio factas, ædis illius delineationes reliquisset *Jo. Baptista Nelli*, Senator Florentinus, & ædis provisor, non ita pridem defunctus, rem gratissimam se facturum credidit egregius Autor noster, Architecturæ professoribus, si eos diutius carere non pateretur instructione

ctione tam necessaria ad majoris molis fabricas: quarum cum rarissima est occasio, tum tot ac tantis subiecta difficultatibus effectio, ut, nisi habeas, quos imiteris, excellentissimos artis magistros, vix ac ne vix quidem fieri possit, ut non sæpe & graviter offendas. Itaque delineationes *Nellianas* ille quidem septendecim Tabulis æneis majoribus elegantissime insculpsit; descriptionem vero luculentam addidit nobilissimus *Ticciatus*. Cœptum est superbum illud & magnificentissimum opus sub finem Seculi decimi tertii: nec prius absolvi, quam A. 1435, potuit, dedicatum a Pontifice *Eugenio IV.* Proximum ei est aliud antiquum templum S. *Joannis Baptistæ*, cujus etiam ipsius delineationem & succinctam descriptionem adjicere visum fuit.

LA NUOVA PRATICA DI PROSPETTIVA, &c.

h. e.

*NOVA PRAXIS OPTICES, IN QUA NO-
væ quædam opiniones exponuntur, cum regula generali,
in qualibet superficie rem quamlibet delineandi: Opus
Pictoribus, Architectis, & Sculptoribus, maxime uti-
le & necessarium. Autore D. D. PAULO
AMATO, Sacerdote, & Architecto
Panormitano.*

Pars I.

Panormi, inchoatum a *Vincentio Toscano*, 1714, & ad finem
perductum ab *Onuphrio Gramignano*, 1733, fol.

Alph. i plag. i, cum Tabulis æn. 35.

Paulus Amatus, Ciminensis Sacerdos, Jurisprudentiæ Do-
ctor, & civitatis Panormitanæ Architectus, cum diu floruif-
set, atque in artibus Architecturæ, Geometriæ, & Optices, Pa-
norini semper primas obtinuisset, compluribus pulchre &
splendide exstructis operibus clarus, annum ætatis agens octo-
gesimum primum, extinctus est. Reliquit ille librum, quem
nunc in manibus habemus, imperfectum: qui ab ipso subje-
ctus prelo typographico, A. 1714, quo vivere desuit, nuper de-

num publicam adspexit lucem. Varia in eo proponuntur, ad perficiendam Optices praxin, & delineandi artem, opportuna. Et in Proœmio quidem cum de nomine, scopo, præstantia, jucunditate, utilitate, & necessitate, artis laudatæ, tum de præcipuis Autoribus, qui eam scriptis suis illustrarunt, succincte agitur. *Pars prima* distributa est in septem Capita: quorum tria priora complectuntur principia quædam geometrica de planis & solidis: reliqua de ichnographia, orthographia, scenographia, & quomodo res quæque in qualibet superficie optice delineandæ sint, exponunt. Sequitur Tractatus opticus; qui, nescimus, an pro altera libri Parte habendus sit: neque enim id notatum est. Atque ille tribus constat Sectionibus: tertia imperfecta est: quarta, quam addere Autor in animo habuerat, plane desideratur. Principio duobus Capitibus definitiones & fundamenta Optices practicæ afferuntur, deinde aliis duobus de nova quadam Autoris methodo tractatur. Sectio prima Capitibus decem; altera novem; tertia quinque, absolvitur. Postremo rogant libri Editores, ut vitiiis cum typographi, tum sculptoris, lector ignoscat: neque enim fieri potuisse, ut illa, propter defectum & corruptionem exemplaris manu exarati & delineati, fatis evitarentur.

GLI ECCELSI PREGI DELLE BELLE ARTI, &c.

h e.

EXCELSA PRETIA PULCHRARUM ARTIUM, & *mutua earum conjunctio cum scientiis mathematicis, demonstrata in Capitolio ab Academia, quæ dicitur DEL DISEGNO, occasione Panegyris, sollemniter celebratæ A 1732, principatum Academiæ tenente Equite, SEBASTIANO CONCA, ad CLEMENTEM XII.*

Romæ, apud Jo. Mar. Salvionium, 1733, 4.

Plag. 13½.

Nemini facile ignotam esse arbitramur Academiam Pictorum, Statuaria, & Architectorum, quæ Romæ a Clemente

mente XI, Pont. Max. inflaurata & ordinata, nomen a designando accepit *del Disegno*. Neque illud obscurum esse potest, quod tres illæ artes hodie apud Italos, quasi κατ' ἐξοχήν, vocari soleant *belle arti*, quas pulchras Latine dicere malimus, quam bonas aut liberales, quoniam bonarum & liberalium artium vocabula tam arcte restringi se non patiuntur. Mos est atque institutum hujus Academiæ, ut singulis annis, sub principium Maji, solennem celebret Panegyrim; in qua juvenum, istarum artium studiosorum, specimina, superiori anno ad elaborandum proposita, publice examinantur, & præmia quædam ab Eminentissimis Cardinalibus, qui præsentibus sunt, distribuuntur. Fieri istud solet in palatio quodam Capitolino, variis emblematicis & insignibus ad eam rem exornato, quo magna hominum vis confluit, ad audiendos concentus musicos & Orationem solennem, quæ hac occasione recitatur. Huic nonnulla adduntur Carmina, ab iis elaborata, qui Pastores Arcades vocantur. In præsentis libro, qualis fuerit Panegyris A. 1732, quæ specimina fuerint exhibita, & qui præmia reportaverint, exponitur. Adjecta sunt Carmina & Oratio, quam de excelsis principibus artium liberalium, (de quibus scilicet diximus,) & de mutua earum conjunctione & harmonia cum scientiis mathematicis, recitavit Rev. *Aeneas Silvius Piccolominius*. Hæc Oratio lingua Italica, Carmina partim Italice, partim Latine, conscripta; ipse vero liber eleganti charactere typographico in charta augusta expressus, & partim literis majoribus nitide effigatis, partim aliis similibus sculpturæ ornamentis, distinctus, & ad rerum seculique ingenium accommodatus est.

NOVA LITERARIA.

Mediolani haud ita pridem, cura *Philippi Argelati*, Viri Clarissimi, prodiit Operum *Caroli Sigonii Tomus quintus*, de cujus pretio ut certius constare possit Lectoribus nostris, en, ipsius *Argelati* Programma, nuper editum, & ad nos transmissum, hic legendum damus:

Si omnes, quotquid haecenus intercefferunt, mora causas recensere velim, quibus impeditus, quinti Sigonianorum Operum Tomi editionem in hanc usque diem differre coactus sum, longa nimis, Lector humanissime, in maestissimum commentarium excurreret Epistola; quamobrem unam tantum, ex qua ceteras omnes facile dignoscas, in medium proferre liceat ad excusationem nostram: rerum nempe publicarum statum apud nos bellorum motibus agitarum, unde literis minus honoris est habitum, eaque sublata sunt praesidia, sine quibus, industrio licet homini, difficile nimis, ne dicam impossibile, eam operam praestare, quae gravissimis impensis absumitur, vel ad inquirendos & comparandos MStos Codices, vel ad excitando literatos viros, ut expolienda huic editioni elucubrationibus studiisque suis manum conferrent. Quae cum ego anxio nimis animo in hac editione paranda consecutus fuerim, factum est, ut, crescente in dies materia, incepto huic Operi apprime necessaria, modum, quem ab initio mihi proposueram, excefferim, & sextum Tomum addiderim, quo editio nostra erit absoluta, extra quam ne minimum quidem Sigonianorum Operum alibi sit inquirendum, quod fatearis, necesse puto, postquam Elenchum Epistola huic additum perlegeris. Quod ad quintum hunc Tomum pertinet, brevibus exponam. Continet is libros de Republica Atheniensium, quae Rempublicam Hebraeorum scientiarum cultu ac soliditate imitata est. Et, quoniam in hac illustranda expertus sum me literatis viris, ac potissimum Geographis, placuisse, quod novam Geographicam Tabulam Palaestinae, summa diligentia delineatam, exhibuerim, & quod omnes omnium ante nos curas in eo studio vicerim communi doctorum testimonio, ad eam iterum palmam contendere volui, Atticam universam, quam ceteri vix cursu velocissimo praeterierant, distinctius perlustrando, & sub tuos oculos, erudite Lector, Apollinis Regiam, & literarum humaniorum sacundissimam inter nos matrem, iterum effingendo. Id factum est opera & studio eruditissimi Viri, Hebraicarum Graecarumque literarum peritissimi, e Societate Jesu, qui nomini suo parvus, laudem omnem in Societatem suam, studio-

studiorum & doctrinarum altricem, cumulatam voluit, mihi-
que altum silentium imposuit, modestia sua potius, quam de-
siderio meo, nimis obsecutus. Et sane non ipsa tantum rei no-
vitas, sed & diligentia, qua doctissimus Autor delineaverat
Tabulam hanc, non minori Chalcographi peritia exsculptam,
tibi carissimam facient, eamque si comparaveris cum Velia-
na, qua ipsius Anonymi iudicio in sua Praefatione praestantia
ceteras antecellit, percipies, quanti nostra facienda sit, qua lo-
cos omnes, vel ab ipso Sigonio, vel ab Autoribus Gracis, indi-
cator, unice repraesentat, ingenti literatorum Virorum commo-
do, Gracaeque ipsius Historiae luce, postquam Attici, qui artes
omnes optime coluerunt, in Geographia sua nobis tradenda
parci adeo fuerint, ut vix nobis per veterem Atticam iter ape-
ruerint. Ad illud itaque in tanta temporum distantia resti-
tuendum, Autor noster in eo totus fuit, ut Athenarum primo
latitudinem & longitudinem polarem, quantum fieri potest,
solidissime stabiliret, aequinoctialibus observationibus inhae-
rens, & juxta Vitruvii ac Ricciolii sententiam in longitudi-
ne XII graduum differentiam notavit ab eo, quo Galli & Ger-
mani Geographi haecenus celeberrimam eam urbem collocave-
rant. Fluminum praeterea numerum & cursum sedulo inqui-
sivit, Illissum, Eridanum, atque Cepbissum, distinctius signa-
vit, quam fecerint Cluverius, Laurenbergius, & Cellarius. In
urbium tandem nominibus recensendis Meursii nomenclatorem
probavit, atque, ut differentiam eorum nominum inter Sigo-
nium & Meursium ostenderet, utrumque nomenclatorem com-
posuit, in quo Populi omnes Attici Graco Latinoque sermone
cientur, & utrinque ceteros alios addidit, qui ab alterutro,
vel ab utroque, praetermissi fuerant, quorum & memoria in
Gracis scriptoribus invenitur, eaque occasione Sigonium, a
Gronovio erroris postulatum, in sua Praefatione ad Tomum IV
Thesaur. Antiqu. Grac. feliciter vindicat, duasque Lambras,
testimonio Gracorum, a Meursio editorum, olim fuisse demon-
strat, & Laurenbergium, etsi praesentem Atticam perlustran-
tem, non semel caecutisse aemonstrat. Quamobrem, cum ipse ob
Tabula angustiam Athenarum situm & murorum ambitum

delineare minime potuerit, indicatis majoribus Aedificiis, & Templis, quod mente proposuerat, Venetos Græci Thesauri editores hortatur, ut novam Tabulam parent, in qua repetitis curis exhibeatur, quicquid ab ipso minime fuerit observatum, ut nihil tandem ad plenam Attica notitiam desiderandum superfit. Jam vero aliqua delibanda sunt de ceteris Autoris nostri laboribus in illustrandis ipsis libris de Atheniensium Republica, in quibus ne verbum quidem Græcum a Sigonio addibitum dolet Gronovius in dicta sua Præfatione, quasi vitio verterit homini de Græcorum Republica scribenti, ejus gentis Autorum testimonium dissimulasse. Quæ sane accusatio licet alia etiam ratione facile refelli potuisset, visum tamen est accuratissimo Viro, commodissimum antiquitatis cultoribus futurum, si veterum Græcorum locos, unde hauserat Sigonius enarrationes suas, productis eorum verbis indicaret, atque ita Sigonio adversus asperiorum Criticorum exceptiones in posterum inconcussam fidem firmaret. Ad eos vero locos in tanta Sigonii brevitate inquirendos quantum laudatus Autor noster insudare debuerit, nemo melius aestimaverit, quam qui Græcorum dicendi luxum animadverterit, eorumque libros evolaverit. Ex quo tandem labore id ipsi factum est apertissimum, nullum alium vel ante vel post Sigonium Atheniensium mores, leges, consilia, magistratus, judicia, & alia singula, quæ celeberrimam Rempublicam constituerant, distinctius enarrasse. Tandem aliqua in Auctarium Chronologicum præfatus Autor noster, Sigonianum librum de Atheniensium Lacedæmoniorumque temporibus, mole quamvis exiguum, maximi tamen pretii in suis animadversionibus facit, quod Græcarum rerum omnium seriem ab initio gentis ordine complectatur, & quicquid a ceteris enarratione longa scriptum fuerat, paucis colligerit. Id unum in Sigonio minus accuratum sensit, Chronologia nempe incunda rationem; quomobrem periodi Julianæ subsidio usus, itemque Autorum testimoniis, atque Astronomicis observationibus, quæ viam ad cognoscenda tempora unice possunt aperire, inito calculo ad Solis ac Lunæ Eclipses Thucydidis memoratas, annum Peloponnesiaci belli, ac Trojani excidii, melius designat, & utramque Chronologiam Atheniensium & Lacedæ-

Lacedaemoniorum feliciter profequitur, Regum atque Archontum serie in Tabulis Graecis, Latinisque nominibus, disposita, suisque Olympiadibus alligata, in quarum designatione quoties a Sigonio discessit, in subjunctis annotationibus rationem explicat. Ex his omnibus, Lector humanissime, facile conjectaberis, quanta sit ad Graecarum antiquitatum explicationem in hac nova editione nostra studiosis omnibus commoditas comparata. Sed ad Latinas transeamus. Habet hic Tomus libros etiam de antiquo jure Civium Romanorum, Italiae, Provinciae, & de Judiciis, quibus duplicem Praefationem praeposuit J. C. Ludovicus Voigt, natione Saxo, in hac urbe plures jam annos moram trahens, Graecae Latinaeque eruditionis, atque cultioris Jurisprudentiae, amantiissimus, & inter privatos Lares inque Gymnasio Nobilium legitimam trahens scientiam. In prima Romana Jurisprudentiae origine, cum celebratissimo Gravina e purioribus sincerae Philosophiae fontibus repetita, qui sit verus ipsius Jurisprudentiae genius, quaeque ratio ad eam comparandam ineunda sit, ablegatis forsensum rabularum deliriis, qui, noverint licet aliquando Romanas leges, earum tamen sincerum sensum & vim assequi non possunt, quod Romanae totius antiquitatis ignari per ipsum Romanum forum peregrini & barbari vagentur, & enormiter errent; quamobrem ad hunc errorem reparandum Sigonianos hosce libros unice opportunos demonstrat, e quibus veram Romanae Jurisprudentiae indolem haurire possumus. In altera vero Praefatione, Libris de Jure Italiae praefixa, Republica Romana triplicem statum distinguit, Regium nempe in Consulibus, Aristocraticum in Senatu, & popularem in Plebe, ac Tribunis, atque variam cujuscunque status naturam exponit, cumque de populari differit, latius ad Comitiorum explicationem descendit, eorumque diversa genera diligenter observat, recensitis cum Paulo Manutio Romanis Tribubus, quae in comitia veniebant, earumque convocandarum rationem, & habendorum Comitiorum causas & modum, enarrat, unde sit facilis apparatus ad Sigonii libros & Gruchii, quos inter occasione legis Curiata explicanda oborta sunt controversiae, quae hactenus eruditos omnes in utramque partem tra-

xerunt:

xerunt: ad Gruchium vero Cl. Voigt accedere videtur, servato in re tam obscura, ut par est, Sigonio ceterisque honore debito. Libros vero singulos, editis veterum annotationibus, quæ in sapius recitato Thesouro Antiq. Rom. inveniuntur, perpetuis commentariis illustravit V. C. Joannes Madernus, Latina eruditione exercitissimus, eamque operam præstitit, quæ lucis plurimum tam Sigonianis libris, quam Romanorum ipsi legibus, allatura sit ad Scientiæ Juris incrementum, & ad studiorum omnium commodum atque utilitatem. Hæc sunt, quæ te prægustare volui, Lector humanissime, ac, si probaveris, ut spero, postremas nostras curas habebis in sexto Tomo, qui erit ultimus, atque hæc continebit: Emendationum Libros II; Disputationum Patavinarum Libros III; Disputationes de binis Comitibus, & Lege curiata; de Nominibus Romanorum; Fragmenta Ciceronis Scholiis illustrata; Aristotelem Rhetoricorum Lib. IV e Græco in Latinum conversum; Orationes VII; de Dialogo Librum; Orationes III pro Libro, cui titulus: *Consolatio Ciceronis*; Judicium de Romanæ historiæ Scriptoribus. Clarissimus Muratorius in Vita Sigonii sequentia ejus Opera indicavit: Demosthenis Orationem in Philippum e Græco translata; Confutationem Censuræ Antonii Bordinelli sub nomine Sauli Ronchi; Vitam Ægidii Foscararii, Jurisconsulti; Vitam Onuphrii Zarabbinii, Cotineolensis. Sed ad eos inveniendos diligentia nostra usque modo fuit inanis, ideo, si apud quempiam existant, rogo, ut ad nos mittere dignetur, gratias vel pretium accepturus, quo eos etiam edere possimus. De ineditis in eodem Tomo cura nostra lucem accipient sequentia Opuscula: De Origine Scholarum Bononiensium; de Donatione Constantini Magni; Orationes II; Epistolæ; Elogia in mortem Sigonii. Si quæ interea suppetent tam claræ Autoris scripta, in publicum emittere non negligam, ut gratiæ utilitatique tuæ, Lector humanissime, consulam. Vale.

Si quid & nostræ valent preces, eos quorum literaria suppellex Opusculorum aliquid Sigonianorum servat, ne expetentem hæc Argelatum desituant, literarum causa publice enixeque rogamus.



NOVA ACTA ERUDITORUM,

publicata Lipsiæ

Calendis Septembris Anno MDCCXXXVI.

THE NAVAL HISTORY OF ENGLAND, &c.

h. e.

*HISTORIA NAVALIS ANGLIÆ, A VI-
ctoria Normannica A. 1066 ad A. 1734 deducta, e
comparis ætatis Scriptoribus, domesticis atque exteris,
Documentis authenticis, manu exaratis Commentationi-
bus, Tractatibus atque Annalibus rarioribus, collecta
a THOMA LEDIARD, Linguarum Occidenta-
lium Professore, S. R. M. Magn. Britann. in
Germ. infer. Legati extra ordinem
Secretario.*

Volumina II.

Londini, apud Joannem Wilcox, & Olive Payne, 1735, fol.

Alph. 10.

Non ignotum in Republica literaria *Ledardi* nomen est, qui non in Anglia solum, sed in Germania etiam, scriptis aliquot editis & Anglorum & Germanorum commodis inter-
vire studuit. Cum Hamburgi ageret, ibidem linguæ Angli-
cæ Grammaticam Germanico sermone typis exscribi cura-
bat. Est enim utriusque linguæ peritissimus. Et constat, eum
Germanicæ linguæ intelligentiam in civium suorum usus ver-
tere. Neque enim solum Clarissimis Viris, qui *Bayli* Dictio-

Ccc

narium

narium Historico. Criticum Anglice interpretatur, atque numero multis observationibus augent, in vertendis libris Germanicis, ad institutum eorum facientibus, operam suam præstat, verum etiam aliis Commentationibus Anglice reddendis & Germanorum honori, & Anglorum utilitati, consulit. Non possumus enim non ejus labori plaudere, quem in Celebrerrimi Jo. Jacobi Mascovii, ornamenti utriusque nostræ Reipublicæ egregii, *Commentariorum rerum Germanicarum* interpretationem Anglicanam impendit. Ejusmodi enim Operis, quod Italorum atque Belgarum plausum jam consecutum est, versio non potest non & Anglis persuadere, neque in Germania nostra eruditissimos Viros deesse, quorum scripta præstantissimis exterorum Commentationibus palmam reddant dubiam. Sed in rem præsentem veniamus. Anglia nulla re magis alias regiones antecellit, quam quod mercatu instituendo, atque naves armatas in expeditionem ducendo, principatum tenet: Quis igitur Cl. Lediardo vitio vertat, quod in recensenda & genuinis documentis navali Angliæ historia operæ studique posuerit plurimum. Amplitudo operis, & instituti ejus ratio, vix permittit, ut, exemplis quibusdam in medium prolati Lectori nostrum doceamus, quo successu res suas egerit Cl. Lediardus. Sufficiat igitur, summatim indicasse, quid Clariss. Autor Historia Navali sibi velit; quibus subsidiis instructus, ad eam elaborandam accesserit; & qua methodo eam persecutus sit. Navalem Historiam dum Cl. Autor tradere instituit, id agit potissimum, ut ante omnium oculos exponat atque declaret, quomodo navalis Anglorum potestas successive ad illud fastigium pervenerit, quo nunc eminet. Eam in rem a Normannica Victoria Historiæ hujus originem repetit. Sunt quidem ejus ætatis Historici tantum non omnes Monachi, qui, rerum publicarum ignari, de re nautica Anglorum explicate non disserunt. Neque etiam Cl. Autor propterea operæ duxisset pretium, ab hac periodo suos ordiri Commentarios, nisi illi fuissent observationes singulares e scriptis exterorum Historicorum petitiæ, quibus hinc Anglicanæ historiæ periodo lucem aliquam accendit. Sub *Elisabetha* auspiciis navalis Anglorum potestas mirum in modum crevit, &

funda-

fundamenta jacta sunt gloriæ, quæ e navalibus pugnis & mercaturis in diffusis regionibus factis in Anglicam gentem redundat. Id causæ est, quare nauticæ rei statum ætate *Elisabete* latius atque studiose describat. Neque etiam tacitus præterit facta atque successus moliminum *Oxenhami*, *Drakii*, *Halvinskii*, *Raleighii*, hominum in maritimis rebus exercitissimorum. Quis diversus status potestatis Angliæ navalis sub unoquoque Rege fuerit, data opera exponit, atque indicat, quo itinere nova in America Regio detecta, a quibus & quo tempore ab Anglis inhabitata, quid ad mercatum Anglorum inde redundarit commodi. Qua quidem occasione, quemadmodum de primis Americæ inventoribus, *Christophoro Columbo*, *Joanne & Sebastiano Caboto*, atque *Magellano*, late differit, sic digna lectu sunt, quæ de recentissima atque omnium optima Anglorum Colonia *Georgia* sub finem Operis edisseruit. Vix opus est, ut moneamus, Clariss. Autorem de mercatura Anglorum in *India Orientali*, *Turcia*, atque *Russia*, non sine cura agere, ejusque mercatus historiam recensere. At, subsidia quod attinet, quibus Clariss. Autor in elaborandis hisce Commentariis usus est, non meminimus quidem alicujus Scriptoris, qui ante eum Navalem Angliæ Historiam in unum collegerit Volumen; non desunt tamen Historici, qui eam aliud agendo suis Annalibus inserunt, vel suarum Historiarum partem faciunt. Horum igitur scripta sedula manu verfavit. Neque solum Anglicos consuluit Historicos. Etiam exterorum Historicorum serinia compilavit, ubi navales pugnas cum Gallis exponit, & hujus regni Historicos in subsidium vocat. Ubi de expeditionibus maritimis contra Belgas atque Hispanos susceptis verba facit, non scriptores solum evolvit eorum parti faventes, verum etiam ex Italorum, Germanorum, Danorum, atque Suecorum, Commentariis proficere studuit. Præterea ad *Cottonianam* Bibliothecam, quæ thesaurum Historiæ Anglicanæ continet, illi patuit aditus. Gubernatoribus etiam atque magistris navium diversos Annales MStos debet, quibus magno suo cum commodo usus est. Præ ceteris *Guilielmum Jones* laudibus celebrat, quod, communicando diversa ad rem nauticam Anglorum pertinentia MSta, publico usui inservierit.

Quæ cum ita sint, non dubitandum, quin Cl. *Lediardus*, Navalem Angliæ Historiam edendo, operæ fecerit pretium. Quoad fieri potuit, ordinem Chronologicum ubivis sequitur. Atque, ut majori cum voluptate Commentarii ejus legantur, non solum res gestas recenset, verum etiam observationibus additis characterem summorum virorum, de maritimis rebus meritisimorum, describere satagit, de rebus ad hanc Historiam facientibus nonnunquam disputationes instituit, suumque judicium addit, atque in statum potestatis navalis in exteris regionibus inquirat. Animus erat Cl. Autori Introductionis loco Dissertationem de navigiis veterum præmittere. At vero curavit consilium. Magis enim e re esse duxit sub initium Operis de navalis apparatus splendidissimi Magnæ Britaniæ Regis præsentis statu commentari, gubernatores atque magistros navium recensere præcipuos, atque de eorum muneribus atque stipendiis differere. Ut ex hac etiam Dissertatione Lectores capiant commoda, de numero navium Regiarum, earum ratione, atque pretio, observationem Cl. *Lediardi* sub finem recensione hujus exhibebimus:

E Navibus armatis atque tormentis instructis una constat -- omnes

7	100	35, 553 Libris	248, 871 L.
13	90	29, 886 —	388, 518
16	80	23, 638 —	378, 208
24	70	17, 785, —	426, 840
30	60	14, 197, —	425, 910
34	50	10, 606 —	360, 604
25	40	7, 558 —	188, 950
1	30	5, 846 —	5, 846
29	20	3, 710 —	107, 590
30 naves minores, supponitur, earum unam constare		2, 000, —	60, 000

209 Naves constant

2, 591, 337 Libris

Licet hæc ingens sit pecuniæ summa, idem tamen propemodum

MENSIS SEPTEMBRIS A. MDCCXXXVI. 389

dum numorum numerus 40000 nautis atque militibus, tempore belli alendis, quovis anno debet impendi.

HISTOIRE CRITIQUE DE MANICHÉE ET
du Manicheisme, &c.

h. e.

HISTORIA CRITICA MANICHÆI ET
Manichæismi, Autore DE BEAU-
SOBRE.

Amstelodami, typis Joannis Friderici Bernard, 1734. 4.

Alph. 3 plag. 16.

Terriculamentum quondam erat *Manichæismus*, ipse vero *Manichæus* videbatur exstitisse ab orco tanquam monstrum horrendum, infame, ingens, cui lumen ademptum. Utrumque *Petrus Bélius* veluti caput Medusæ ac diram Erynyn Theologis objectavit. Terrorem ademit nobis Vir Cel. motosque composuit fluctus, docens, *Manichæum*, ad libellam criticam expensam, toto cælo distare ab illo *Manichæo*, cui *Bélius* lineamenta, vultum, ac vocem, dedit. Veneramur industriam ac leporem dictionis, rerumque amœnam varietatem, ab Autore in causa critica, fastidii plena, pulchre adhibitam. Opus inscriptum est *Perillustri Tbulemeiero*, Augustissimi Borussiae Regis ad negotia status peregrina Administro, Musarum delicio, doctrinæque melioris fantori. Præfatio ansam & originem Operis hujus elaboratissimi exponit. Cel. Autor in eo erat, ut exquireret primordia & fontes sectarum, & Waldensis, & Albigenis. *Petrus de Waldo* suppeditavit fortassis denominationem; at sectæ conditor haud exstitit. Albigenes interciderunt, Waldenses restant. Primi fuerunt quadraginta viri, & nobilitate & sacerdotio Aureliæ inclyti, quos Rex *Robertus*, *Manichæismi* crimine insimulatos, A. 1022 vivos concremari jussit, quos inter eminebant decem Canonici, & sanctitate & literis cultissimi. Cruciatu ipsi pertulerunt ma-

gna cum constantia, spe & lætitia mentis, quæ ipsos hostes in admirationem rapuit. Dabit Autor eorum historiam criticam post *Paulicianorum* & *Bogomilorum* historiam, eadem ratione abbreviatam. Adspiret Numen conatibus tam gloriosis, tantaque difficultate obseptis. *Manichæismi* illud crimen quo magis illis intentabatur, eo plura capiebant Albigeneses incrementa, & passim per Europam impensius invalescebant, ut vix rogi ad eos supplicio destruendos sufficerent. Noscantur igitur hæreses *Manichæismi*, & errores Albigenesium, oportet, antequam utraque secta in contentionem adduci, & utrimque comparatio legitima institui possit. Hæc est illa illustris origo hujus limatissimi Operis. Recentiorum sententias Autor seposuit, fontes affectatus, unico excepto *Tillemantio*, qui tamen credulitate & anticipatis opinionibus laboravit. Græcorum singuli, de *Manichæismo* judicantes, sitim restinxerunt ex Actis disputationis *Archelai*, Episcopi in Cascar, cum *Manichæo*. *Zaccagnius*, Vaticanæ præfectus, Acta illa primus emisit plena & integra. Autor operose ostendit, Acta illa esse meram fictionem. Ex hac fictione deducti sunt errores, *Manichæo* perperam attributi, quibuscum tot viri boni pro aris & focis conflictati fluctus in simpulo moverunt. *Photius* illa Acta tribuit *Hegemonio*, qui quingentis annis post *Manichæum* scripsit. *Eusebius* haud meminit Actorum disputationis *Archelai*. Opus suum Autor bipartitus est. *Parti prior* est historica, *posterior* dogmatica. De religione *Zoroastris*, ejusque in Persiæ vicissitudinibus, de religione Christianorum per Turkestaniam, aliisque rebus cognatis, immiscentur varia, eaque solidissima, *Parti priori*. In *posteriori* enodantur capita doctrinæ a *Tyrbone*, *Manichæi* discipulo, propositæ; errores a consecutionibus & corollariis inde profluentibus secernuntur; Theologia *Manichæa* in systema redigitur. Origo *Manichæismi* resolvitur in autoritatem, quam sibi arrogabat *Manichæus*, docens, sese ea tradere, quæ Christus Apostolos celaverit, nec tamen sese venditans pro *Paracleto*, vel Spiritu sancto. Ut generalem religionum reformationem induceret hæresiarcha, repudiavit Vetus Testamentum, Novum emendaturus. Ut emendationi viam aperiret illi, dicitur,

Præfat.
pag. 8.

pi.

elitavit, scripta Nov. Test. esse adulterata, nec profecta ab Apostolis virisque Apostolicis, sed a Christianis Semi-Judæis. Argumenta, quibus id sese confecturum crediderat, erant sano ficulnea, uti ex recensione allata ac confutatione patescit. *Manichæi* hic liberantur a crimine, perperam eis intentato, quod libros Nov. Test. depravarint. Retorquetur id crimen in Catholicorum nonnullos male sanos, exemplisque comprobatur. *Manichæus* Veteris Testamenti libros substituebat alios, siquidem cuicumque nationi Prophetæ exsisterint sui: refugiebat ad apocrypha, Seculo secundo ad hæreses Docetarum & Encratarum corroborandas efficta, perhibentium, (Docetas intellige,) *Verbum* suscepisse nonnisi externam hominis figuram, haud naturam vel substantiam. Encraticæ matrimonia & usum carniū improbabant. Dogmatum falsorum fundamentum erat unum. Credebant enim, corpus & materiam esse per sese aliquid mali. *Lucas* seu *Leucas* apocrypha illa confinxit, qui fere sesqui seculo ante *Manichæum* vixit. Enumerantur ab Autore libri *Manis*, & primorum ejus discipulorum. Deinde sequitur systema Theologiæ *Manichæi*, rati, Dei naturam esse extensam & definitam, personasque Trinitatis esse consubstantialiales, sed distinctas in modum trium personarum humanarum. De Concilio Nicæno, de sectis inibi obviis, de Sabellianis, de *Æonibus*, & Emanationibus divinis, differitur in *Partis posterioris Libro tertio*. Hæc est summa hujus *Tomi primi*. At nunquam non genuino nexu influunt & copulantur observationes inexpectatæ & admodum reconditæ. In *Tomo secundo* comparebit historia critica trium *Manichæi* præcursorum, *Basilidis*, *Marcionis*, & *Bardeesanis*. De Valentinianis, de Gnosticis, quos fuisse Christianos Autor negat, de doctrinis cardinalibus Philosophiæ inter ethnicos & Hebræos varie propositis, multa & insignia propositurus. Præjudicium ab autoritate & sanctitate Patrum vulgo depromi solitum hic diluitur & repudiatur. *Manichæus* credebat, Deum esse lucem vivam & materiæ expertem, in supremo cælo ab æterno residentem, semper stipatam substantiis intelligentibus, puris & immortalibus, quas *Æones* a duratione æquali vocavit.

Pag. 13

15

22 seq.

Pag. 25.

vit. Statuebat porro, hæc emanasse ex substantia divina, siquidem creationem ex nihilo rejiciebat, & materiam pro omni mali fomite reputabat. Cælum supremum, & substantias intelligentes, in eo habitantes, vocabat cum aliis *mundum intelligibilem*, eumque *æternum*. Luminosa substantia, ex qua cælum fuerat formatum, æque æterna erat, ipso jndice, ac ipse Deus, quippe qui ex nihilo producere aliquid haud valeat. Sed cælo & Æonibus tribuebat *æternitatem secundam*, siquidem ipsis sit causa, nempe Deus. Ex essentia Patris credebat Filium & Spiritum sanctum, duas personas, emanasse. Quæ duæ emanationes ex ejus sententia erant reliquis *superiores*. Ipsas Patri consubstantiales esse, opinabatur, nec tamen profus independentes. Primam Emanationem seu Personam putabat in sole ac luna residere, inde a condito quidem mundo materiali, idque in sole per potentiam, in luna vero per sapientiam. Secundam ponebat in aere. Utramque, credebat, Patris jussa ad finem mundi usque exsequi. In angulo spatii immensi residere statuebat malignum Dominum, quem *Manichæus* vocabat *materiam, demonem, tenebras*. Imperium ejus in quinque regiones distributum existimabatur. Summo tenebrarum principi parebant malignæ substantiæ quamplures. Imperia Dei & Dæmones separata credebantur invicem muris nescio quibus, ac ab uno latere vicinis. Deus novisse putabatur tenebras; ac tenebræ lumen haud agnoscebant. Tenebræ cum irrupturæ essent in lumen, Deus ipsis *primum* opposuit *hominem*, quinque elementis substantiæ cœlestis armatum. Qui cum esset justo imbecillior, Deus in subsidium ejus misit *Spiritum viventem*, qui ipsum liberabat. Inter hæc Dæmones partem substantiæ cœlestis rapuerant, unde evenit, ut Lumen & Tenebræ invicem confunderentur. Ita *Manichæus* sese felicissime existimabat originem mali, & peccati labem, expediisse, atque eam cum sanctitate Dei in concordiam redegisse. *Spiritus vivens* ex opinione *Manichæi* Dæmones subegerat, & ex cælo in aerem dejecerat, ubi ipsi per vim admodum circumcilam excitant tempestates, tonitrua, fulgura, morbos contagiosos, & pluvias. Matrimonium, corporum

porum multiplicandorum causam, horrebat *Manichæus*. Veram, Christi nativitatem, conversationem, alimoniam, affectus innocentes, perpeſſiones, ejus in cruce sublationem, resurrectionem, negabat, faciens hætenus cum Docetis. Quare haud potuit, quin quoque carnis nostræ resurrectionem insiciaretur. Conjugia a Satana esse excogitata, somniabat, quam sentiendi libidinem *Gichtelio* ac *Gotthofredo Arnolde* nuper denovo arrisſisse, est in propatulo. Theologia *Jacobi Bæhmii* in plerisque capitibus cum *Manichæi* systemate concordat. *Manichæus* porro improbabat usum vini & carnis, unde robur suppeditetur carni ac cupiditatibus insulsis. Quare electos suos jubebat amplecti voluntariam paupertatem, & abstinentiam ab omni negotio civili. Imperfectioribus indulgebat plura, quippe qui ad perfectionem Evangelicam nondum adspiraverant propter cupiditatis præpondium. Sanctis tamen suis permittebat usum Musices & sumentorum. *Manichæo* probabatur transmigratio animarum, cujus interventu animæ impuriorensensum defæcari & expurgari possent per varios casus & tot discrimina rerum. Gradui primo conveniebat allevatio in Lunam: secundo tribuebatur levatio in Solem: tertio depurationis gradui congruebat deportatio animæ ad locum, quem columnam gloriæ appellabant *Manichæi*. Cum singulæ animæ & partes substantiæ cælestis a materia secretæ fuerint, exitidium orbis hujus adſpectabilis instabit. Ignis horridus squallidusque prorumpet ex cavernis. Angelus *omophorus*, qui terram in situ & æquilibrio sustinet, eam in flammam demitter, compage & retinaculo solutam, ac præcipitabit massam hanc inutilem ad tenebras exteriores, quorsum dæmones relegandi sunt in perpetuum & animæ inertiores, quæ anfractum depurationis tunc nondum perfecerunt. Hoc est illud famolium ac fabulosum systema *Manichæi* ac *Manichæorum*, ex sententia Ven. Autoris. Ad testimonia Scriptorum fide dignorum & obrussam criticam singula sunt admodum exacta, id quod lætatio Operis quemque condoccebit. Quæ Tomo huic defunt, proximo ea plenius illustrabuntur. Adjiciemus huic recensione compendiarie nonnulla, alias vel incognita, vel haud satis

Pag. 31.

Ddd

pro-

- Lib. I probata, quorum notitiam sparsim suppeditavit Autor. Tra-
 pag. 6. ductio Actorum *Archelai* restat duntaxat Latina, facta ante Se-
 culum septimum. *Scythianus* fuit ætate æqualis *Manichæo*,
 26. teste *Photii* fragmento in *J. A. Fabricii Tom. V Bibl. Græc.*
 28. pag. 283. *Colbergius* perperam ubique sese invenisse putavit
Manichæos. *Pysbagoras* & *Zoroastres* eadem ætate floruerunt.
 30. *Simon Magus*, Ex-Judæus, errores *Manichæismo* affines
 35. fovit, animamque symbolo *Helena* expressit. *Basilides* primus
 39. e Christianis fuit *Manichæismi* autor. Philosophi Theolo-
 giam Christianam docebant primis Seculis summa cum liber-
 40. tate, qualis jam in ecclesia haud toleratur. *Manichæismus* er-
 41. ror est Persis ac Indis olim diu probatus. Evangelium Christi
 notat ejus prædicationem & doctrinam. *Terebynthus* & *Bud-
 das* idem notant; Chaldæi enim terebynthum vocant *Butam*.
 54. *Manes* fuit nomen honorificum, quod ostenditur pag. 73 seq.
 Nescio tamen, quam ob causam Ven. Autor occasionem arri-
 pias quæcunque, ut Viro in republica literaria & ecclesia sa-
 ne magno, *Joanni Christophoro Wolfio*, adversas sententias de-
 fendere, eumque reprehendere possit. Nec Persas, nec *Mani-
 chæum*, adorasse Solem, Autor ostendit pag. 106 seq. qui *Gotbo-
 freddi Arnoldi* errores historicos nonnullos agnoscit, eumque
 114. satis celebrat. Historiam de *Manichæo* ex Orientalium scrip-
 tis contractam prædicabunt omnes, tanquam opus, quod ex
 135 seq. Phidiz exiit officina. *Manichæum* Græca calluisse, Musicæ,
 ac scientiarum Mathematicarum, Astronomiæ, Medicinæ, Pi-
 157 seq. ctoriæ, & inprimis Geographiæ, fuisse peritissimum, pauci
 norunt. *Zardasch* seu *Zoroastres* designat amicum ignis pag.
 163. *Zoroastres* Philosophiam qui pernosse cupiunt, Nostrum
 162 seq. adeant, necesse est. De Magis, de Ormizda, & Arimano, cau-
 167 seq. sisque affinibus, fercula deinceps apponuntur exquisita. In
Gotbolfredi Arnoldi Historia Ecclesiastica ipse haud pauca no-
 tat & improbat Autor, paulo tamen inclementiori judicio Vi-
 rum Cel. *Joannem Christophorum Colerum* fuisse usum, ad-
 239 seq. dens. Nostrum est, venerari industriam & elaboratissimum
 Autoris magni Opus, ac Tomo secundo propitiam comprecari
 Lucinam, In præsens enim tar prata biberunt, dummodo id ad-
 didisse

didisse licuerit, historiarum dogmatum *Manichæi* Autorem Cel. interposuisse Commentationem de eo, quod libri apocryphi & fabulosi miracula Evangelii nostris enarrata haud concutiant, sed, in religionis Christianæ firmitatem, potius stabiliant. Habeat nos ita in recensendo suo Opere æquissimos Ven. Autor, & fortassis æquiores, quam ipsum interdum in Diario erudito, *Bibliothèque Germanique*, experti sunt nostratium nonnulli, humanitate sua, ut acerbis ita telis exciperentur, non sane promeriti.

HISTOIRE DES PAPES DEPUIS S. PIERRE
jusqu' à Benoit XIII inclusivement, &c.

h. e.

HISTORIA PAPARUM INDE A S. PETRO
usque ad BENEDICTUM XIII. Tomus III, ab
EUGENIO III usque ad ALEXANDRUM V, To-
mus IV, a JOANNE XXIII usque ad PIUM IV, ex-
hibent vitas, facta, & scripta Pontificum Ec-
clesiæ Romanæ.

Hagæ Comitum, apud Henricum Scheurleer, 1733, 4 maj.

Alph. 7 plag. 9.

Qnam ante aliquod tempus telam sumus exorti, jam perte-
xere est animus. De *Tomis I & II* disseruimus in hac *A-*
ctis A. 1734 Mense Jan. pag. 7 seq. Hisce porro alias *Tom-*
orum bigas Autor, candore ac judicio pollens, adjunxit. In
limine Operis apparet Epistola, vices prologi sustinens, ac ab-
stergendæ, vel potius reprimendæ, aliorum censuræ destinata,
quam cum maxime Autor Anonymus, qui Hagæ Comitum lite-
rarias edit Ephemerides, *Lettres serieuses & badines* inscriptas,
in *Tomum* utrumque priorem hujus de Pontificibus Romanis
Historiæ strinxerat *Vol. VII Part. II.* Momenta apologiæ signi-
ficare liceat. *Zosimum* Papam laudasse Concilii Nicæni con-
sulta, loco Sardicenis, adversum Episcopos Africanos, Ephe-
meridologus largitur, & id simul in Nostro notat, causam
cum *Baronio, Bellarmino, Norisio, & Perronio*, interserens, Ca-
nonibus Synodi Sardicenis Canones Nicæni fuisse expositos,
quasi liceat, commentatorem *Aristotelis* laudare, ac ipsum in-

Ddd 2

telli

telligere *Aristotelem*. Subterfugium hocce jam occupaverat Noster *Tom. I pag. 189*. Subit mirari, cur *Zosimus*, *Bonifacius*, & *Celestinus*, Papæ Romani, eo nomine admodum ab Episcopis Africanis exagitati, suffugio tam subtili sese noluerint tueri. Addit Noster, Canonem illum famosum Sardicensem repugnare Canonibus Synodi Nicænæ. Deinde defendit suam olim pro *Nestorio* allatam apologiam; contra vero crimen calumniæ *Evagrius*, in *Nestorium* acerbiori, intendit. Nec idem abnuit, homines Romæ in album adscisci ac adscribi Sanctorum ex variis causis minus legitimis. Tandem ipse purgat sese ab objecta sibi Indifferentismi ac Libertinismi labe. Quibus præmissis, Autor cursum, quem sibi proposuerat, ingreditur. Typographus vero nuntiat, *Tomum V* propediem in lucem exiturum, ac Opus ita iri expeditum. Liceat nobis in

Tom. III
pag. 3.

præfens delibare unum ac alterum Historiæ ipsius momentum. Legati ecclesiæ Armenorum A. 1145 Viterbii mentionem injecerunt de *Sacerdote Joanne*, Principe Christiano, Nestorianismi affectatore, qui Perlas devicerat. De eo plura leguntur apud *Abulpharagium Dynast. IX pag. 280 seq.* *Paulum Marcum Venetum de Region. Oriental. Lib. I Cap. 51 seq.* *Athanasium Kircherum in Cbina illustrata Part. I Cap. 1 pag. 47 seq.* *Petrum Maffejum in Historiarum Indicarum Lib. I pag. 15 seq.* *Thomam Hyde in Appendice ad historiam religionis veterum Persarum pag. 522*, *Brianum Waltonum ad Polyglotta in Prolegom. XV fol. 98*, *Jo. Georg. Eccardum Tom. II Corporis historici pag. 1451 seq.* *Eugenius III*, Roma profugus, Treviris agitavit Concilium, in quo scripta *S. Hildegardis* fuerunt approbata. *S. Bernbardus*, fidelissimus Paparum minister, & infelix expeditionum sacrarum præco, passim ab Autore reprehenditur. Judicia a *P. Ballo* lata huc raro ab eodem adoptantur. Ignis supplicia intrepide subierunt multi, qui adhæserant doctrinis stupidi ecclasticique hominis, sese *eum* vocantis, ac pro filio Dei venditantis, judice vivorum ac mortuorum. Sic non ipla martyria, sed caulæ, faciunt martyras. *Eugenius III* in controversia de electione Archiepiscopi Magdeburgensis haud inficiatus fuit, Papas nil posse validi pronuntiare, quod Deo ac Canonibus Ecclesiasticis repugnet.

6.

8.

14.

gnet. Idem iusserat creari Bacularios, Licentiatos, & Doctores Juris Canonici, quod *Gratianus* nuper compilaverat. Volupe est lectitare controversias *Friderici Barbarossæ*, cum Pontificibus Romanis exercitas, nec non Patriarchæ Hierosolymitani adversus Ordinem Hospitaliorum lites, Romam delatas, in quibus *Joannitarum* dona plus valuerunt, quam legitima contra conquerentium causa. *Friderico* Cæsari jura regalia, quæ Imperatoribus sunt in Pontifices, egregie fuerunt perspecta. At horum veritas Romæ habebatur pro retrusa ac abdenda. Fabulam ea redolent, quæ *Conradus Urspergensis* pag. 299 de genere mortis tradidit, quo *Adrianus II* Papa, videlicet ex mulca in os ingressa, periisse dicitur. *Guilielmus Tyrius* verum *angine* significavit morbum. *Alexander III* electionem sui submittere Concilio œcumenico recusavit, mori per tempus manusque tradito frustra confusus, cum exemplorum satis, haud abnuente ipso *Fleurio*, in contrarium exisset. Ut Seculo XII Legatus, a Pontifice ad Reges missus, autoritate posset sua gaudere, Pontifex eo fine prius precibus suis proceres regnorum permulsi. *Manuelem Comnenum*, Imperatorem Græcum, *Alexandro III* palasse, ac thesauros misisse, ut Imperator fieri posset Romanus, plerisque est incognitum. Episcopos, qui juribus ac potestati Regum improbe ac pervicaciter obstituerunt, laus, a miraculis delumta, ab obitu mansit. Exemplo est mors *Thomæ*, Archiepiscopi Cantuariensis. Quantum regie majestati noceant regulæ politicæ, quas Romana tenet curia, exemplo Regis Angliæ, *Henrici*, perdoceatur. Exemptiones monasteriorum a diocesani Episcoporum limitibus debentur Abbatum Præsidumque numis, quibus ipsi Romanam sibi curiam devinxerant. Quod ex *Heissio* Autor refert de *Henrico Leone*, Cæsarem, in Alexandriæ hærentem obsidione, derelinquente, atque ad nutum Pontificis domi diadema imperatorum expectituro, id oppido est falsum, prouti demonstrarunt *Joannes Fridericus Pseffingerus ad Vitriarium Part. II Lib. I Tit. XVI pag. 174 seq.* & *Joannes Christophorus Harenbergius in Historia Ecclesiæ Ganderibemensis Diplomatica pag. 341 seq.* Nec inficiari audemus, in hisce *Tomis* posterioribus minorem sub-

Pag. 15.

24 seq.

34.

36.

41.

63.

70.

73.

75.

78.

Pag. 80,

inde fontium curam fuisse habitam, quam in prioribus. *Friedericum Barbarossam* Venetiis ab *Alexandro III* Papa pedibus fuisse conculcatum vel contactum, id quidem merito ab Autore pernegatur, enarrante potius rem ibi gestam ex *Romualdo*. Qui negantibus argumentis pondus omne detrahunt, hic exemplum inveniunt criticum, quod suadet, ne credamus, nullam argumento ejusmodi viam inesse. De cetero *Naucerus* fabulam illam recenset *Vol. II Chronici memorabilium omnis aetatis & omnium gentium, generatione 40 fol. 195*, & quidem instar veræ. Autor locum hunc ita allegat: *Naucerus Vol. II Chronograph. Gen. 60 pag. 846*. Unde patet facile, librum ipsum, si saltem perfunctorie, Autori haud fuisse lectum. Instar vero omnium ad fabulam illam refellendam faciunt *Alexander III* in *Epistola ad Capitulum generale Cisterciense* apud *Martenium & Durandum Tom. I pag. 1848*, ac *Romualdus*, *Salernitanus Archiepiscopus*, in *Chronico MSto* apud *Baronium Tom. XII Annalium ecclesiast. ad A. 1177 n. 68 pag. 714 seq.* Nec tamen sit improbable, locum hunc *Chronico Romualdi* ab aliena manu esse additum, eo quod de *Romualdo* tanquam de persona tertia in eo differitur, isque vir dicitur prudens & literatissimus. *Alexander III* conscripsit literas ad Sacerdotem *Joannem*, in ultimo Oriente Regem, quæ sunt ipsa ejus *Epistola 48*. Commemorabilis porro est admodum *Petri Waldi*, civis *Lugdunensis*, constantia. Singulare videtur factum *Casimiri*, Ducis *Poloniae*, qui petiit a Papa *Constitutionum* suarum regaliū confirmationem. Electionem *Lucii III* A. 1181 soli purpurati patres, qui vocantur *Cardinales*, effectui dederunt, exclusis more novo reliquis Sacerdotibus ac populo. Idem *Lucius* A. 1184 fulmen anathematis in quosvis hæreticos, præcipue *Waldenses*, audientibus Imperatore ac summatis, evibravit, adjecta clausula de ejus festa redintegratione seu repetitione. *Innocentius III* diem *Viridium* ei cerimonizæ addixit, atque eo tempore orbis secus sentiens, ac Pontifex Romanus, in die cernæ Domini dedicato inferis adjudicatur, laniis, ac larvis. Autor, serione, an per jocum? credit, *Jesum* quodcumque *jusjurandum* interdixisse. Episcopi

84.

94.

96 seq.

97.

piscopi Scotizæ A. 1188 exempti fuerunt a jurisdictione antistitum sacrorum Angliæ, ac eorum censuris, solique sedi Romanæ sine ullo interventu subiecti. Miramur, Autorem *Rogério Hovedeno Part. II Annalium ad A. 1191 pag. 639*, ac *Baronio*, ad hunc provocanti, fidem habuisse, qui crediderunt, Papam diadema *Henrico VI*, Regi Germanorum, insolenter imposuisse. *Hovedenus* ita disseruit: *Sedebat Papa in cathedra pontificali, tenens coronam auream imperialem inter pedes suos, & Imperator inclinato capite recepit coronam, & Imperatrix similiter, de pedibus Papa. Dominus autem Papa statim percussit eum pede suo coronam Imperatoris in terram, significans, quod ipse potestatem ejiciendi eum ab imperio habeat, si ille demeruerit.* Quis temere extraneo scriptori hæc esse vera largietur, dum Autores domestici ac ætate rei gestæ suppartes hanc insolentiam taceant, ac potius contraria referant. Provocamus ad *Ottonem de S. Blasio*, ad Monachum *Weingartenensem*, ad *Guilielmum Britonem*, ad *Arnoldum Lubicensem*, ac ad ipsum *Innocentium III* Papam, *Celestini III* successorem. Operæ pretium est, vitari legisse *Innocentii III*, in qua adornanda Autor nulli labori pepercit. Pontificis hujus haud ignotus est sermo de eo, quod Papa non solum omnia, sed etiam omnium hominum, peccata possit remittere, eorumque reis gratiam facere. Crudelitatem jussu ejus in *Albigenses* editam horret animus meminisse. Nemo sane, qui facia *Paparum* attente legerit, eos pro Deis vel Dei vicariis habebit, si Autorem nostrum fide duxerit haud indignum, qui, *S. Franciscum* fuisse furiosum ac fanaticum, ostendit. *Joanni XX* vitio id tribuitur, quod inconsideratus ac præceps fuerit in loquendo. *Laborat*, inquit Autor, *novo eruditissimum communi, qui in eo consistit, ut in rebus gerendis caveant prudentia ac attentione in minimis quoque momentis desigenda*, *Nicolaus III* Diplomatum fictis ac donationi, quæ olim *Constantino Magno* in acceptis referebatur, auctoritatem suam superstruxit, præiens *Episcopis & cœnobitis* exemplum, quod imitari possent. Ipse quoque in gratiam *Minoritarum* edidit Bullam, in qua demonstrare sustinuit, Jesum nil proprii tenuisse, quo ipso

Pag. 110.

112.

121 seq.

135.

139 seq.

151 seq.
267.

259. 270.

PRO-

- proiecit in orbem Christiani cœtus Eridos pomum. Seculis XIII ac XIV Pontifices Romani tot fulmina dirasque in quoscunque, levissimis plerumque de causis, evibrarunt, ut dubites, cœlumne sæpius fulgure fuerit gravatum, quam animus Papæ. Quo ipso id fuit effectum, ut censuræ ecclesiasticæ cœperint despiciatui haberi. *Nicolaum IV* nonnulli primæ autoritatis vocarunt Antichristum. *Menardus*, Comes Tirolensis, cujus *Apologiam* exhibet *Aventinus*, Episcopos eodem oneravit elogio. *Bonifacii* artes, quibus ad Pontificatum adspiravit, ac imperandi audacia, Reges commoverunt, ac sensim a sede Apostolica abalienarunt. *Philippus Pulcher*, Rex Galliarum, fuit e primis, qui usurpationibus Papæ, in immensum grassantibus, mascule ac intrepide sese opposuit, quod exemplum sensim alii Reges imitatione sua judicarunt dignum. *Robertus Galus*, sanctulus, libri sui *Cap. I* Pontificem Romanum appellavit *idolum*. *Dantes*, Florentinus, in libro de Monarchia refutavit eminentiam *Constantini Magni* donationem. In eo ipse, qui hæc asterisco signavit, vacillavit Autor, quod *Dantem* haud potius ad Seculum subsequens retulerit, quo quippe potissimum claruit *Dantes*, fato functus A. 1321. Pontifices duabus viis rebus Regum singulis sese immiscebant, modo dictitantes, actioni huic vel illi inesse peccatum, modo cum *Bonifacio VIII* perhibentes, Pontificem esse summum terræ Monarcham, a cujus arbitrio ac benignitate Reges potestatem suam debeant derivare. Miratur autem de eo, quod Protestantes *Bonifacium VIII* haud numerent in suis, quippe qui dogma de transsubstantiatione pro falso reputaverit. Protestantes autem majori mirantur jure, cur Deistæ eum assessoribus suis haud annumerent. Hi enim Deistæ non solum transsubstantiationem repudiant, sed complura *Bonifacii* secretiora dogmata, a quibus abhorrent Protestantes. Autor composite ac eleganter hæc Vitas scripsit. Si quid in illo desiderare ac requirere velis, id cumprimis in eo consistit, quod raro ex fontibus bibere, quod libros generatim, nec accurate satis eorum loca, designarit, quod Reformationum scriptoribus iusto crebrius sit ulus, præcipue quod *Balii* fere nimis fuerit admirator, quod

Jan-

Janfenistam agere constituerit ac Pontificium, cum tamen continuo ex *Heideggeri* Historia Papatus, *Lenfantii*, *Beaufobrii*, *Juriet*, ac *Balii*, scriptis arva rigaverit. Mirabuntur nonnulli, quare crediderit, *Henricum VII* Luxemburgicum, Regem Romanorum, per *Bernhardum de Montepulciano* pane eucharistico venenato fuisse enectum. Ipse provocat ad *Baluzium*, qui in *Vitis Paparum Avenionensium* Tom. II pag. 367 ad *Nauclerum* Gen. XLIV recurrit: ac *Joannem Vitoduranum*, ab *Hottingero* laudatum. Sed in *Vitodurani* Chronico, quale *G. G. Leibnitzius* edidit, series historię ad *Henricum* illum VII non pertingit. *Naucleri* autem quanta in hisce sit fides, inter omnes facile constat. Sed, qui ingentem percurrunt campum, eis vitio haud est vertendum, si haud ubique cernant ut serpens Epidaurius. Qui pragmaticam rei Pontificię ac Imperatorię, immo totius fere Christiani orbis, historiam legere avent, sitim suam hic resinguent. In Tomo IV dissidia intestina Pontificum, Hussitarum turbę dissensimę, Conciliorum autoritas, ac reliqua haud minoris momenti corollaria, cohęrenter edisseruntur, tanque venuste, ut legere facilius incipias, quam desinas. Juvat nosse characterem animi Pontificum, ubique ex uno alteroque scripto, immo ex nexu gestorum, vitis singulis subjunctum. Superest in pręsens nihil, quam ut Lectorem ad suavitatem Operis ipsius degustandam remittamus.

Pag. 381.

STANISLAI SANTINELLI, CONGREGATIONIS a Somascha Clerici regularis, Dissertationes, Orationes, Epistolę, & Carmina.

Venetis, apud Christoph. Zane, 1734, 4.

Alph. 1 plag. 19.

Non parum eruditissimo *Santinello* debet Respublica literaria, quod ex pluribus illis, quę melioribus annis scripsit, Opusculis potiora, ut ab interitu vindicarentur, uno fasciculo collecta juris publici fecit. Ex Dissertationibus quidem duabus,

Ecc

quę

quæ primum locum occupant, prior de Romanorum veterum nobilitate, undeviginti constans Capitibus, quibus de nomine & natura nobilitatis, ejusque generibus, ut & iis, quorum fuerit, quibusque insignibus ostentetur, copiose ac erudite doctissimus Vir disputat, jam A. 1717, Venetiis, apud *Jo. Baptistam Recurti*, lucem adspexit. Hic tamen recognita ab Autore cum typis repetatur, non minus Lectorum studium accendit, quam altera, quæ nunc primum prodit, de disciplina & moribus Romanarum sceminarum, duodeviginti Capitibus ea omnia complexa, quæ ad argumentum hoc penitus excutiendum undiquaque conquiri potuerunt. Dissertationes hæc excipiunt Orationes, quarum sex priores de sanctissima Triade agunt, habitæ in sacello Pontificio a convictoribus Collegii Clementini ab anno 1707 usque ad annum 1712, quo tempore & Romæ apud *Jo. Franciscum Cbracas* lucem adpexerunt. Quæ subjunctæ cernuntur octo numero, dictæ sunt in funeribus illustrium Virorum. Quatuor ex iis separatim ediderat ante, primam nempe *Jo. Baptistæ Nicolosi*, quartam *Angeli Zoni*, magnorum Venetæ reipublicæ Cancellariorum, exequiis cohonestandis, recitatam, quarum illa A. 1717, hæc A. 1724, Venetiis locum adspexit, quemadmodum & anno insequenti prodiit ibidem, quæ quintum hic locum occupat, Oratio, in funere *Petri Barbadici*, Patriarchæ Venetorum, dicta, quam A. 1731 secuta est Oratio funebris *Josephi Bolagno*, Cæsarei apud Venetos Oratoris, memoriæ dicata, ordine hic septima. His quatuor alias ejusdem argumenti adjecit Eruditiss. *Santiniellus*, inter Oratores nostri temporis, qui ingenii laudem cum dictionis nitore conjungunt, jure suo numerandus. Orationes excipiunt Epistolæ, quibus varia antiquitatis capita, de numero nempe Senatorum Romanorum, de iis, quibus præter illos venire in Senatum licuit, de pedariis Senatoribus, de appellatione patrum conscriptorum, qua occasione *Livii* locus obscurior *Lib. II Cap. 1, traditumque inde fertur, ut in senatum vocarentur, qui Patres, quique conscripti essent*, deletis iis, quæ glossemata olent, ita emendatur: *traditumque inde fertur, ut senatores patres conscripti vocarentur*, de patriciis porro, ex quibus Senatores lecti,





Fig. I.



Fig. III



Fig. II.

lecti, & quorum in ordinem plebejos, ut inde inter Seniores referri possent, transferendi jus penes universum populum fuit, petrachantur. Sed notatu inprimis dignæ septem Epistolæ, quæ de antiquis Venetorum numis agunt. Hi sunt, quos vulgo *mattapanes* appellant, quorum originem ad *Henricum Dandulum*, Duce[m] Venetorum, *Andreas Dandulus Lib. X Chron. Cap. 3* refert his verbis: *Subsequenter Dux argenteam monetam, vulgariter dictam Grossi Veneziani vel Matapani, cum imagine Jesu Christi in throno ab uno latere, & ab alio cum figura S. Marci & Ducis valore viginti sex parvulorum, primo fieri decrevit.* Iplius tamen *Henrici Danduli mattapanis* adhuc nullus visus: antiquissimus, de quo constat, est *Petri Ziani*, qui *Henrico Dandulo* successit. De vero quidem pretio & nomine non satis rem expedit *Doctiss. Santinellus*, qui de posteriori, *quid significet*, inquit, *ac unde deductum sit nomen mattapanis*, nemo querat, nisi ineptire qui velit. De variis tamen horum numorum generibus & statibus tribus, prima ab *Henrico Dandulo* ad *Andream* cognominem, cui *mattapanem* veterem assignat, altera a *Jo. Gradonico* ad *Christophorum Maurum*, cui novum, & tertia a *Nicolas Marcello* ad *Andream Gritum*, cui restitutum tribuit, de typo item & inscriptione cum adversæ, tum aversæ partis, in quibus omnia, ad Græcorum morem, curate agit, cumque *Ducangius* inscriptionem adversæ paginæ ita legat: PETRUS ZIANI VENETI S. M. legendum potius docet: S. M. VENET. (quod est *Sanctus Marcus VENETICUS*, pro quo postea VENETUS dixere,) PETRUS ZIANI. Literæ vero IC XC, imaginis Servatoris aversa in parte adscriptæ, prout in numis Græcorum Imperatorum sæpe occurrunt, ita, quid in numis Venetis, ad imitationem eorum cussis, sibi velint, nominis quippe sanctissimi IHCOYC XPICTOC, quarum vocum primam & ultimam literam sistunt, tametsi & tribus aliquando literis IHS XPS idem illud nomen Servatoris optimi exprimitur, indices, per se pronum est intelligere, tametsi non indigna lectu sunt, quæ ea de re *Doctiss. Santinellus* congeffit. Nec vero silentio prætermittenda

TAB. VII

Fig. 1.

Pag. 271.

tenda Epistola ultima ad *Bernardum Mariam de Rubels*, Ord. Prædicatorum, qua de vasculis, in vinea Sancti Cæsarii, quæ juxta est collegii Clementini, ad viam Appiam, inter Cælium montem & circum *Caracalla*, ex quodam sepulchro effossis, agit. Fuere eorum CL, quot ex uno sepulchro haud ita crebro eruta constat. Singulis inscriptum est nomen aliquod & nota temporis, ut ex duobus patet, a Cl. *Santinello* representatis. Unguentaria illa haud dubie, toto nempe myrothecio in funere hominis prædixit, cujus in sepulchro inventa sunt, consumto. Inscriptum vero illis unguentarii nomen & dies repositi unguenti ad pretium unguenti & ætatem (optima enim, quæ recentioris,) dignoscendam. Sequuntur postremo, una cum Dedicatoriis aliquot Epistolis Orationum ante editarum, Carmina & sacri & profani argumenti, quibus Index rerum, lectoribus, ut sparsa hic illic sine labore inveniant, ulu futurus, subjicitur.

TAB. VII

Fig. 2.

Pag. 281.

MODESTINI ET POMPONII IN COLLOQUIIS familiaribus de statu Cameralis Judicii in Imperio supremi ad Ordin. Cam. Partis primæ Titulos potiores Meditationes Acroamaticæ.

In officina Nic. Lud. Winckleri, (absque mentione loci,) 1735, 4.

Alph. 2 plag. 6.

Weزاریه edita sunt octo hæc *Colloquia de Judicio Imperii Camerali*, quod nunc ea in urbe est, scripta ab uno ex illis Germaniæ nostræ Areopagitis, cujus nomen jam dudum illustrarunt libri notæ optimæ. Et primo quidem in Colloquio queritur Perillustis Autor de salariorum, Cameralibus judicibus destinatorum, incerta solutione, itemque, quod exstructa nondum sit, cujus tamen exstructio dudum decreta ab Imperatore & Principibus Imperii, nova, eademque satis ampla, Curia Judicii: respondetque simul ad querelas eorum, qui, multas lites in Camera spirare, non expirare, clamitant: e jusque rei in culpa esse judices Camerales negat, & accurate vindicat

vindicat eorum innocentiam. Hac occasione describit processum fori Cameralis, modumque distributionis Actorum & Relationum. In *secundo*, præmissa *Ordinationis Cameralis* historia, de Judice Camerali agitur, ejusque dignitate, solenni introductione, requisitis dotibus ac virtutibus: de Præsidibus item Judicii, de numero Assessorum, deque eorum conditione ac dignitate, de præsentatione denique eorum, multis agitata controversiis. In *tertio* non solum de vestitu accinctoque gladio Assessorum disseritur, verum etiam de privilegiis eorum & immunitatibus. In *quarto* exponitur de virtutibus eorum, qui creari volunt Assessores, deque modo receptionis in hoc Collegium: de Vicario Judicis Cameralis: de examine præsentatorum ad suscipiendum Assessoratum: de officiis Assessorum, deque legibus Collegio eorum præscriptis. In *quinto & sexto* de officio & munere Judicis Cameralis agitur, de tempore item frequentandi Senatus, de modo & ordine referendi in Senatum Camerali, de ratione distribuendorum inter Assessores Actorum, deque aliis, quæ huc pertinent. Nam nec Procuratorum & Advocatorum Cameralium mentio omittitur. In *septimo* lex illa illustratur, qua referens, quem vocant, innotescere vetatur litigantibus. Hic & subsequenti in Colloquio, quod est ultimum, reliqua *Ordinationis Cameralis* Capita, sive Tituli, perlustrantur & illustrantur. Pag. 323 - 406 exhibentur aliquot *Documenta*, quæ vocant, quorum facta fuerat mentio in *Colloquiis*. Multa eorum exhibent ritus solennes introductionis Judicis sive directoris hujus Cameræ. Alia aliquot jus & morem præsentationis Assessorum describunt. Plura ex hoc Opere afferremus, nisi persuasissemus nobis, id cupide perlectum iri a Juris Germanici Notitiæque Imperii studiosis, & nisi jam Illustris Editor *Actorum Pacis Westphalica* in Præfatione ad *quintum Tomum* recensione hujus Operis, cujus & Autorem nominatim indicat, defunctus esset pereleganter. Illud, superest, ut inoneamus, multa ab Autore Perillustri hujus Operis indicata videri obscurius, non nisi iis plenius intelligenda, qui in isto Camerali Collegio sunt aliquamdiu versati, & operam dederunt observationibus. Conjunctum cum hisce

Colloquiis ab eodem Autore edita est, plagulis 17 constans, *Idea Philosophiæ simulata, non vera, in scientia Juris & forensi*: qui liber primum A. 1720 prodiiit ita inscriptus: *Schlendrianus, celebris Practicorum magister, brevi Schediasmate neo-Practicis forensibus commendatus per Guil. Franckenbergium*. Nova vero hac in editione non solum titulus libro præfixus est alius, sed adjecta etiam Præfatio pererudita. Est quoque hæc editio uno Capite auctior: ac cetera etiam Capita (quibus *Aphorismorum* nomen dedit Autor,) facta sunt & ampliora & politiora. Idem dici oportet de subjectis *Colloquiis*, quibus duo nunc nova sunt annexa. Totum scriptum est sapiens pariter ac elegans satyra in *Practicos*, quos vocant, *Juris forenses*, eoque sine compositum, ut moneantur Jurisprudentiæ civilis studiosi Academici, ad praxin forensem aspirantes, ne (his verbis ipse Autor Præfationem claudit,) *illotis manibus ad tam accedant, veramque, non simulatam, Philosophiam acquirere summa ope & alacriter annitantur*. *Schlendrianus* pag. 22 est, qui imperitiam suam velat pallio recepti moris in praxi forensi, & pag. 26 ita definitur: *Est sollicita rerum externarum in officio quocunque publico observandarum in verbis, formulis, & gestibus, imitatio, ad locum qualitercunque sustinendum utilis, doctrinæ tamen solidioris adjumento non instructa*. Quæ definitio Autori præbuit occasionem disserendi etiam pag. 29 seq. de Ecclesiastico *Schlendriano*, & pag. 32 seq. de *Schlendriano* politico atque aulico. Ad forensem *Schlendrianum* quod attinet, lepide hic & argute describuntur artes lucrosæ Advocatorum, majori astutia pollentium, quam virtute & eruditione. Subuexis in *Colloquiis* exhibetur status Judicii Imperialis, inprimis rursus quidam forenses. Prope obliti eramus, priori in Opere subinde occurrere amœnas & terfo stilo concinnatas digressiones, e. g. pag. 2 seq. de vita aulica, pag. 70 seq. de urbe Wezlaria, deque vivendi genere, quo & incolæ utuntur & Assessores Cameræ.

AN ESSAY ON THE IMPROVEMENT OF
Midwifery, &c.

TEN-

h. e.

TENTAMEN DE ARTE OBSTETRICIA
emendanda, maxime quod manualement ejus operam atti-
net; cui accedunt quinquaginta Casus, quinque & vi-
ginti annorum experientia collecti, per EDMUN-
DUM CHAPMAN, Chirurgum.

Londini, typis A. Blackwall, impensis T. Cowper, 1733, 8.

Plag. 9.

Obstetricibus potissimum se scripsisse fatetur Autor in Præfatione, ultra quarum captum sint ea, quæ hæcenus a magnæ autoritatis viris scripta fuerunt; primum, quem intendat, scopum esse, quo edoceantur mulieres, quæ parturientium curam susceperunt, mature intelligere pericula, eorundemque auxilium a sagacioribus petere, quandoquidem per Angliam, maxime Londini, in usu parum sit, viros parturientibus admove-
 vere, quorum fama haud raro periclitetur, si, serius advocati, in dubio rerum statu versentur, an matre salva foetum morti tradere, an, expectata embryonis morte, puerperæ salutem in ancipiti versari, velint. Quem in finem, ommissis, quæ ad theoriam facere poterant, ad manualement potissimum operam animum intendit. Ante omnia sermonem instituit de foetu, cujus caput partui vicinum prævum situm obtinet, condemnans morem eorum, qui illud ossi pubis impingens remouent, & in situm naturalem reducere student, quandoquidem sine temporis jactura id nunquam fiat, viriumque puerperæ jactura notabilis metuenda sit; unde, consilii esse, declarat, manum promte immittere, pedibusque arceptis infantem educere. Verum enim vero capitis in angustia viarum detenti, nullamque manum admittentis, aliam ait omnino rationem esse. Ab instrumentis, quantum potest, abstinet, laudat tamen capitis extractoria duo, alterum, quod Forceps eidem appellatur, cujus se inventorem prædicat, alterum, quod retiforme (*Fillet*) audit. Illo potissimum asserit se plurimum matrum æque ac infantum vitam

vitam salvam reddidisse, quandoquidem & viventium adhuc embryonum capita, sic male flexa, possint in rectum tramitem reduci. Duobus hemisphæriis constat instrumentum hocce, molliori, nec fragili, metallo factis, quorum unum post alterum manu obstetricantis tectum, utrinque capiti fœtus admoveatur, & manubrio preliis prehenso firmatur. Parum interest, excavatumne sit, an planum; neque etiam, si caute administretur negotium, vel excoriationis, vel læsionis, vel alius cujusque violentiæ, periculum subesse dicitur. Allegantur scilicet ab Autore casus, qui innoxium istius instrumenti usum, vivosque embryones hoc ipso extractos, perhibent. Quodsi tamen in simili alioque capitis statu de morte embryonis constet, prout id ex signis fœtoris, *abscedentis cuticula, sonantium tactu ossium bregmatis, pulsus cordis sub costa, aut lingua motum exercentis, dummodo hæc loca attingi possint*, facile cognoscatur, instrumenta pro evacuando cerebro promptissimi usus esse monet. De artificio invertendi embryonem multa assert, recensens impedimenta, quæ manui obstetricanti immittendæ in uterum, adeoque pedibus arripiendis, sese opponant, prout sunt vaginæ, ipsiusque orificii uteri interni, quod *os Tince*, sine dubio a similitudine cum ore piscis Tince, appellat, angustia, ossisque sacri & totius pelvis prava conformatio, quibus omnis scientia aut peritia artificis fere semper eludatur. Partium embryonis in utero latentis manu peragenda exploratio sæpe in hisce tenebris esse debet, quæ adeo facilis non est, ut non peritioribus in arte etiam quandoque imponere possit. Id tamen agendum est semper, ut ad pedes embryonis pertingat manus, quos ubi attraxeris, id agendum est sedulo, ut tenelli facies os sacrum matris respiciat, atque pro strangulatione evitanda, qui a contractione uteri circa collum fœtus supervenire poterat, digitus ori ejus immittatur, quandoquidem, nisi hæc omnia sic fiant, adhesio menti in acuto ossis pubis processu, aut ossis coccygis curvatura, difficilem & lethalem haud raro adhesionem causari posset. Pessimi sæpius sese offerunt infantis situs, quibus manus immittendæ, adeoque versionis peragendæ, fiducia omnis præcluditur, qualis sunt umbilici sese offerrentis,

Spinæ

spinæ dorsæ, pectoris apparentis, aliarumve partium, situs, quibus orificium uteri omnino præcluditur. Maxime difficultatis est brachium tenelli propendens, cujus in uterum reductio sine successu tentatur; situs enim exinde hæc raro ex pravo in peiorem mutatur. Id unicum tunc superest consilii, ut, pedibus arreptus, si fieri possit, extrahatur embryo; caput enim orificio inducere velle, consultum minus est; mortuo sætui amputatur brachium, dummodo de morte certo constet. Curiosum allegat exemplum Cl. Autor adulti hominis, cui, sic nascenti, propendens brachium, cum mortuus putaretur, abscissum fuit, corrigente hunc errorem suum chirurgus promptissima extractione, & hæmorrhagiæ suppressione; satius scilicet erat mutuum, quam mortuum, nasci. De secundinis sequentia habet: Adhærentes fortius, & partum immediate non subsequentes, atrocissimorum malorum causa sunt; neque, prout *Dionis* videtur, minutulæ abortivæ unius alteriusve mensis placentalæ impu- ne remanent, quin hæmorrhagias febresque putridas post se trahant. Inde permittendum non est, ut, latentibus adhuc secundinis, uterus claudatur, quin statim, edito in lucem partu, immissa manu tentandum est, quo molliter deglubatur uterinum hepar, integrumque extrahatur. Hæmorrhagiarum uterinarum causa sunt secundinæ vel omni, vel aliqua ex parte ante terminum abscedentes, & abortum post sese trahentes, quæ, ut partus promoveatur, imperant. Hæmorrhagiæ partui succedentes, vel relictam secundinæ particulam, vel remanentem molam, vel injuriam utero factam, vel fibrarum ipsarum uterinarum atoniam, & contractionis impotentiam, supponunt. Priori in casu tentandum est, an immitti manus orificio uterino, & si quid peregrini superest, tactu explorari & extrahi possit. Ceteroquin conclamata fere res est, violentiori tamen uti remedio præstat, quam nullo, adeoque nudam puerperam aqua, vel aceto frigidiusculo, irrorari imperat, stragulis leviter tectam, quo ab horripilatione sili sanguinis per vasa decursus possit. Doctissimus Autor, cum sibi videretur brevius justo maximi ambitus negotium expedivisse, ad magnorum in arte virorum, *Chamberleni, Deventris, Dionis*, systemata provocat, inde casum viginti

Fff

quin-

quinque annorum praxi observatorum seriem instituit, ex quibus sunt, qui Forcipis, quo caput embryonis incarcerationum feliciter instauratum, vivoque fœtu ad exitum dispositum fuit, usum illustrent, quem, utrum ille ipse sit, quem *Pulsyn* describit, ob Iconis defectum pro certo affirmare non audemus. Inter rariores observationes est prava uteri conformatio in femina, cujus orificium interius tua versus intestinum rectum directione ordinariam partus viam eluserit, feceritque; ut, facta in intestino recto incisione, & perforata sine dubio insinul vagina, per anum educendus fuerit immaturus septem mensium fœtus, matre paulo post expirante, quo in loco nihil legimus de symptomatibus, quæ partum accelerandum suaderent, præter impatientiam gravidæ, & adstantium nova sciendi cupiditatem. Reliqui casus Autoris ingenium & dexteritatem abunde docent.

**PARIS INTERCOSTALIS ET VAGI CORPORIS
humani Nervorum ab utroque ejus latere obviatorum A-
natomes, cujus Pars prima in Nov. Ad. Erudit. A.
MDCCXXXIV Mens. Febr. pag. 65 legitur, Partem
alteram exhibet AUGUST. FRID. WAL-
THERUS, Archiat. Reg. &
Prof. Publ.**

Quandoquidem præcipuos, & ab utraque humani corporis parte obvios, nervos, qui ab vago, perinde ac intercostali trunco deducuntur, talesque, ante id tempus tradere cœpimus, quales in singulo cadavere luculenter cognovimus, jam porro referre, quod in observatione reliquum est, haud refragamur, quod paginarum angustia nos prohibuerit, quo minus cuncta, quæ huc spectant, prima expositione complecteremur. Quare duo hujus doctrinæ argumenta in mentem revocare expedit, quorum unum est, quod intercostalem nervum, ab capite ad infimum usque ventrem, prosecuti sumus; alterum vero repetendum erit, quod, occasione cardiacorum nervorum, etiam paris vagi, & intercostalis, nervos tractione miscere consultum fuit visum; nihilo minus quandam
supre-

supremi vagi nervi, & intercostalis, deinde vero aliam noni capitis nervi, atque ejusdem vagi, communicationem tum quoque adjecimus, ut tantum insigniores rami in collo, & pauciores in pectore, quos vagus utrinque nervus reddit, superesse exponendi videantur, donec progressus ipse vagus, velut absoluto itinere suo, tandem omnis in plexus, & quidem intra abdomen, desinat; quantos etiam intercostalis, sed filorum incredibili nervosorum numero auctus, inter alia, quæ præstat, ramis, qui conveniunt, perficere solet. Igitur vagus nervus, quoad cum nono capitis nervo, & intercostalis ganglio cohæret, quodammodo, & præ ceteris in collo locis tumet, & primum ramum, tanquam alteram, minoremque sui partem, aut socium quasi nervum, ex cranio desert; sicut eleganter declaravit *Cl. Winslow des Nerfs sympathiques moyens*. Ejus vero rami progressum colli cadaveris anatome clarius prospicere licet, si vena jugularis interna, sub altitudine tertiæ circiter vertebræ præcidatur, cauteque reclinetur. Tum vero is vagi ramus, juxta pterygoideos musculos, & lateralem digastricum, descendere ad linguam visitur, omniaque porro inde fiunt, quæ laudatus *Winslow l. c. n. 12, 14*, perhibuit. Nam ipso sub vena jugulari loco, quem modo indicavimus, minor ejus rami propago aliquo intervallo jugiter deducitur, atque in arcum retro deflectit, & abit; quippe qui obviam fertur secundi vagi nervi ramo, ut ita tenuiori filo uno, alteroque, perinde cum isto ramo, atque cum tumido vago, ipso communicet. Nam ante, quam nonus capitis nervus ab vago discedit, ab hocce redditur, & ante internam carotidem ad pharyngem se refert alter nostri trunci ramus; qui in partes divisus, unum etiam, alterumque filum, quod ex arcu, quem modo diximus, promittitur, secum ad pharyngem ducit: & hæc omnia, ita visa, irretiuntur tela cellulosa, qualis & subjectas, & ad carotidem confitas, juguli glandulas inter alia investire solet. Quo vero loco nonus capitis nervus vagum circiter relinquit, ibidem hic tertium ex se edit memorabilem ramum; ceteroquin parem crassitudine primi, majorem vero secundo, & longiorem. Qui humiliore loco brevioris itineris socium ab

ganglio intercostalis nervi accepit, & uterque ramus, præterquam quod furculo medio jungitur, sub arteria porro carotide, & partim juxta eam, pergit, ac nervosa fila vicinis membranis partibusque præbet; donec transeat vagi noster ramus ad ossis hyoidæ cornu, quod inter atque processum scutiformis cartilaginis hic transit, & occultatur, cum scilicet ligamentum perforavit, ut communicationem cum recurrentis nervi propaginibus præstaret. Tandem, in præsentî nostro exemplo, vagus ipse nervus, quo fere loco is colorem, in reliquo collo consuetum, & crassitudinem æquabilem, accepit, jam quoque ramum quartum, & satis quidem notabilem, juguli musculis vicinis, atque membranis, obtulit; qui, neque ita multo post, quam ipse originem traxerat, & inter descendendum, cum nono capitis nervo, media inter utrumque propagine communicavit; etiamsi crebrius non nisi tres memorabiles vagi rami his locis in collo sufficere soleant. Sed alia, valdeque minuta, nos modo intacta relinquimus nervosa fila, quæ vagus nervus fortassis reddit, cum ipse porro descendit, ac cellulosa tunica nonnihil involvitur, & ubi ad intercostalem nervam, deinde vero ad carotidem quoque arteriam, venamque jugularem, & in reliquo quidem collo iste pressius detinetur; quod hæc fila, præ parvitate, communiter vix censerî, nedum luculenter demonstrari, possint. Inter subclaviam venam, arteriamque, truncus nervi vagi ingreditur pectus; & circum subclaviam arteriam, is validum nervum ad laryngem faucesque recurrentem mittit. Hinc, sub altitudine tertie desinentis thoracis vertebrae, ramum ipse truncus cardiacum magnum, ab latere aortæ, cor versus delegat; de quo suo loco dictum fuit. Inde vero, & sub dextro pulmone, vagus noster occultatur nervus; scilicet, qua parte viscus ab asperæ arteriæ pendere ramis videtur; & hoc ille loco duos notabiles reddit pnevmonicos ramos, denno ante viscus bipartitos, neque vere implexos. Etiam ultra hujus pnevmonici plexus, ita vulgo dicti, confinia, & quidem in thorace, ubi jam progressus ipse vagus nervus est, tum porro is furculum retro ad pulmonem, & aliquo ab prioribus istis intervallo, misit: dum

ab eodem nervi pergente trunco, neque minor ramus secedere ad pericardium videtur; sed postea gulæ, cui jam adhæret vagus truncus, ramos ipse, & majorem quidem unum, & paulo minorem alterum, concedit, qui, cum oppositi lateris vagi nervis, gulæ veluti innascuntur, & magnis anastomosibus, quasi insularibus tractibus, duobus, vel tribus, invicem communicant, & posteriorem gulæ faciem ambiunt; sicut etiam ad hanc usque corporis partem jam deferendi exponendique sinistri vagi occasione magis elucescet. De vago sinisterrimo nervo, &, quoad ex capite per collum is descendit, plurima, ut in nervo dexteriore, se habent. Etiam inter tertium, quem ab dextris descripsimus, vagi ramum, & inter socium, qui ex intercostalis ganglio educitur, sed exiguo ab utroque trunco intervallo, per brevem intermedium nervum stabilitur communio. Atque, in thorace, quo loco nervus recurrens circum arcum aortæ fecit flexum, atque porro, ubi surgit nervus, ibi notabilem cardiacum ex se ramum edit; de quo nos perinde, ac de altero minore cardiaco, furculisque aliis recurrentis sinistri nervi, occasione plexus cardiaci, prima anatomes expositione locuti sumus. At sub nervi recurrentis ab vago discessu, tres furculi inter alia ad asperam arteriam educuntur, ac proxime sequens major paulo ramus ad pulmonem sinistrum deferitur; & parte quadam pericardio destinatur. Nihilo minus progressus idem sub pulmone vagi truncus, tumorem illico gangliiformem induit, ac tres alios ramos ad pulmonem sinistrum inde ablegat; sed inter hos maximus est, qui medio promittitur loco. Neque tamen sine plexus omni nota hi nervi prodeunt: & ex maximo illo ramo, quem ganglion edidit, jam ad angulum rectum alius, intervallo sesqui lineæ, & insignis nascitur nervus; qui tantus est, ut etiam quasi pristini formam trunci mentiatur, cum idem tramite magis recto, longoque itinere, scilicet, ad gulam firmatus, in thorace pergit, & quantum in se est, trunci ~~explere~~ illius vices videtur. Nam fere truncus, qui ab collo deducebatur, & ganglion sinistrum effecerat, jam potius ad latus gulæ oppositum, nervumque dexteriorem, sub altitudine circiter nonæ pectoris verte-

bræ augendum, statim quidem sub ganglii loco, oblique, & post gulam, divertit; sed noster ramus, qui modo in locum ejus trunci substituitur, alium pariter notabilem, & ab deflectente trunco pristino acceptum, sed gulæ magis innexum, sociumque, tamen inferiori loco visum, sibi consciscit; uterque enimvero nervus cum gula ad abdomen transit, & invicem communicat, minoremque plexum stomachicum, ab priori, & incipientis stomachi facie fingit; denique ampliori præcipue visceris parti, ramis hic plexus prospicit, & cum majore dexterioreque plexu communione stabilivit, qua de re non ita multo post dicemus. Verum dexter, & ita accessione sinistri magnopere auctus, noster vagus nervus, tum gulæ porro adheret, tum abdomen subit, stomachique superiorem, & paulo posteriorem, locum attingit. Inde vero truncus vasa gastrica superiora jungit, magnumque stomachicum, & pluribus de causis observandum, valdeque notabilem, efficit plexum. Quem nos etiam cum lateralibus, atque cum subjectis, sive plexibus, sive gangliis intercostalium nervorum, aut immediate, aut mediate, hoc nobiliore instituto, quo minori quidem intervallo, communicare monemus: & hanc omnem rem nos ita porro declaramus. Nam, ab sinistris, inde ramus, cum minoribus filis fociis, ad stomachicum sinistriorem plexum, tanquam ad multo minorem, sed paulo priorem, circiter pollicis majore intervallo delegatur; atque omnis ita conspicua utriusque plexus communio absolvitur. Verum ad aortam, & celiacæ arteriæ truncum, proprie demittitur ille dexter plexus, & statim ipse dirimitur in tres fere partes. Quare sinisteriores ipsius propagines cum ramis semilunaris, nervi intercostalis sinistri quidem ganglii, in abdomine primi, coeunt; & ab hac nervorum conjunctione, præter notabilem ramum unum, vel alterum, plures quoque minores ad splenicam arteriam, ipsamque splenem, cum meseraici superioris plexus procedunt furculis; cum interim, & sub eadem corporis altitudine, ab stomachio plexu, altera fere mediæque pars laudati plexus stomachici nervorum progreditur. Verum, magis ab dextris, & supremo fere loco, majorem ner-

vum hepaticum stomachicus dexterior plexus, cum aliis surculis, versus hepar demittit; quales postea semilunaris dexterioris ganglii procedentibus propaginibus, pariter hepatis dicitur, augentur. At eodem illo stomachici plexus supremo fere loco, paulo aliter ab hepaticis deveniunt rami; qui via super stomacho decliviori ad pylorum, pancreas subjectum, & ad duodenum pergunt: imo vero, sub duodeno, ex hisce ramis nonnulli locos sibi consciscunt nervos, meseraici quidem magni plexus propagines. Verum, hinc etiam numero filorum auchi admodum nervi hepatici omnes, arctius, aut hepaticæ, & in nostro exemplo bipartitæ arteriæ, aut etiam venæ portæ, tenaciter adhærescunt. Quod si ex pinguis capsulæ habitu, quæ ab inventore *Gliſſonio* nomen habet, & ab ambitu venæ portæ, fila nervola, satisque inter hæc exercitia discernenda, eruamus, & demamus, tum neque in ea obductione robur superest, neque musculosæ adsunt fibræ, quæ tonicum quidem motum in vivis præsent; qualem perorare, & vehementer prædicare verbis alii solent. Quare ex duplici fere fonte ab dextris filorum nervosorum ille fit congressus, quem alii hepaticum plexum dixerunt; sicut alterum ab sinistris splenicum vocaverunt. Tandem, ubi dexterioris plexus stomachici, majorisque, medii nervi, qui juxta arteriam celiacam sunt, ad plexum meseraicum tendunt componendum, tum neque renalia ganglia, plexusque, ab nexu cum nervis meseraici plexus, vagique propaginibus prorsus esse immunes solent; sicut de nervo intercostali fuisse magis docebitur: tantum in hoc genere omnia anatome diligenter pervestigare, & denudare, sed crebrius, cauteque, singula trahendo experiri; imo, sive plexibus, sive gangliis dicatos minores nervos tendere, & cuncta, quam fieri potest, persequi cultro; denique minima, nimiumque implexa, non nisi aptiore conjectura assequi decet. Quare media pars omnis dextri stomachici plexus miscetur copiosis superioris meseraici plexus filis; & hic plexus cum initio arteriam meseraicam cingit, tum ad aortam porro antèrè adhæret; ut, hoc saltem exiguo nobis viso jure, vâgi ramos, ad meseraicam inferiorem quoque arteriam, plexumque, hoc loco

eo visum, deferri putetur; & hoc ipsum ita magis conicere, quam extricare fila, & cultro anatomico persequi, licet. Quicumque vero æstimaverit incredibilem illam nervorum copiam, qui ad meseraicam arteriam conveniunt, & qui deinde multiplicantur, ac fiunt; & aliam porro qui addiderit, quanta quidem copia nervorum ab origine inferioris meseraicæ arteriæ, & ejus juxta ramos, visitur: ille robur, quo universum mesenterium gaudet, præcipuumque, post arterias, nervis adscribet. Quemadmodum omnium nervorum descriptionem adhuc dedimus, sicut anatome ipsos exquirere opportunum visum fuit; ita de utroque intercostali nervo, quod superest, modo dictori, neque sinistri lateris nervos, antequam de dexterioribus loquamur, proponere dubitamus. Duorum nervorum, qui cum aorta arteria abdomen subeunt, quales in pectore, ex propaginibus intercostalis fiunt, quæ ultimis quatuor costarum intervallis oriuntur, ac confluunt, nos jam mentionem fecimus: nam his locis etiam anatome intercostalis nervi, & expositionis prima parte, nos nuperrime substitimus. Ex his nervis superior, ac major, illico ganglion, quod semilunare vocant, struit; sed ab eodem ganglio etiam quidam nervus vicino diaphragmati, sicut in sinistro quoque latere accidit, conceditur; dum interim alii inde rami ad ganglium minus tendunt, quod juxta arteriam celiacam, locoque plexus splenici est; cui, parte corporis altera, hepaticus opponitur: nihilo minus alii surculi simul ad stomachicum majorem plexum perveniunt, ac denique nonnulli ad subjectum renalem & propinquum deflectunt. Auget admodum id semilunare ganglion alter illorum quidem nervorum, qui abdomen subierunt; cum is ex parte illi impenditur; licet reliquum ejus, quod habetur, cum nervo socio singulari, qui pressius juxta aortam ab decimæ vertebræ transverso progressus loco, & quidem ex vertebrali nervo, pariter ad abdomen deducitur, jam tria ganglia exigua, juxta succenturiatum renem, & emulgentia vasa fingat. Nihilo minus cum utroque hoc nervo convenit, & hæc ganglia, plexusque ramorum alius nervus auget, qui demum ab intercostali, & quidem sub undecima costa, promittitur;

tur; etiamſi hujus quoque pars nervi ad ganglium meſeraicum majus, quod juxta meſeraicam arteriam ſuperiorem, plexumque ejus nominis, eſt, proferatur. Hoc enimvero arteriæ loco plexus nervorum inſignis partim eandem arteriam irretit, partim aortæ faciem anteriorem obducit, & propaginibus ſuis ad inferiorem meſeraicam pergit. Sed revertimur ad intercoſtalis truncum, unde quodammodo digreſſi ſumus; & hunc valde tenuem cum duobus filis lumbaribus, & ſub media diaphragmatis extremitate lumbari, ad abdomen tranſire, obſervamus. Quare ſequitur in ordine tradendum lumbari trunci ganglion. Quod pollicis majorem longitudinem habet, & præter inſignem ramum unum, porro duo alii minores, ſcilicet ad latus aortæ, & adiacens meſeraicum inferius ganglion, plexumque, qui arteriam inferiorem meſeraicam partim inveſtit, partim aortæ præſigitur, inde ab hocce ganglio proferuntur. Poſt ramos, quos modo diximus, denuo ex ganglio pronascentur alii duo, qui deinde confluunt, nervumque componunt, qui porro ad medium vertebræ lumbaris quartæ locum concedit, & cum ſocio oppoſiti lateris varie communicat; ſiquidem porro, ante os ſacrum, alter cum altero ſerme coaleſcit, & juxta inteſtinum rectum, cum vaſis hæmorrhoidalibus internis, propemodum ad uſque extremitatem ejus inteſtini pergit. Ipſe autem truncus nervi intercoſtalis, ab lumbari ganglio reliquus, jam veluti redditur vertebralibus nervis, ac ſigillatim, in exemplo, is majorem ſui partem nervo, inter quartam quintamque vertebram egreſſo, impendere videtur, quod tenuior ipſe truncus hanc poſt communicationem fiat; nam, quicquid ſuperest, id lateri vertebræ quintæ lumbarum, & oſſi ſacro intra pelvim attenditur; nihilo minus nunc acceſſionibus ab mediis ſacri oſſis nervis denuo augetur, nunc vero ſurculos mittit, quales ægre magis diſcernuntur; denique utriusque lateris nervus invicem communicat, & ita quidem ſub finem oſſis eſſe deſinit. Sed nervus dexter intercoſtalis, ſicut ille ab ſiniſtris progreditur, donec ad ſextam uſque coſtam perventum ſit. Nam hac ſub coſta, ut a ſiniſtris, quatuor nervi, & quidem ſucceſſive e coſtarum intervallis producti, atque

Ggg

notabi.

notabiles confluunt; facti autem inde duo nervi, ad ganglion femilunare, hinc ad plexum majorem stomachicum, porro ad ganglion, plexumque coeliacum, denique ad meseraicum ganglion superius, & ejus nominis plexum, tandem vero, & quodammodo ad renalia ganglia superiora dextra, plexumque nervorum renalem, ut a sinistris diximus, accedunt. Præter ea, duo nervi ab intercostali quoque trunco, sub decima & undecima delati costa, ad ganglia quidem renalia, & plexum, demittuntur; sed medius inde natus, notabiliorque, ramus, ad inferius meseraicum ganglion, plexumque meseraicum inferiorem, pertendit. Sequitur deinde spectandum ganglium lumbare dextrum. Atque ex eo nascitur nervus, qui duorum minorum comes est, meseraicumque inferiorem plexum augeat; postea vero ille ramus e trunco ipso pronascitur, qui oblique ad pelvim, & extremum intestinum rectum, descendit, ut in latere opposito de simili diximus; siquidem & reliqua omnia de ramis, truncoque se habent, quemadmodum a sinistris cuncta progredi significavimus. Postquam de intercostalis in imo ventre ramis, gangliisque, diximus, quædam repetere; sed de utroque latere, sicut commodum erit, ita modo agere liceat. Atque supra emulgentia vasa utrinque numeravimus tria renalia superiora & minora ganglia, hinc vero loco priori & acclivi femilunare ganglion est, modoque itur ad aliud coeliacum minus, quale a dextris quidem hepaticum, ab sinistris vero splenicum, vocari potest; saltem utrumque continuatur ramis, & quodam retiformi ramorum plexu vere definit in magnum meseraicum plexum. Quare, ab principio, & ab utroque meseraicæ arteriæ superioris latere, habetur singulum, sed majus ganglion; & id sex circiter lineas esse longum visitur. Nam, præter renalia illa ganglia, inferioribus quoque locis, ac sub vena emulgente, vidimus ganglion mediocre aliud, & quidem nervo uni alterique inhaerens, quales nervi inde ad ganglion meseraicum inferius, plexumque ejus nominis inferiorem, deferuntur. Quod ita ganglion meseraicum inferius quodammodo superiore minus est, & ad arteriæ inferioris meseraicæ collocatur principium; sed ex his omnibus ganglia majora,

quin-

quinque vel sex lineas: minora autem duas circiter lineas longitudine conficiunt; & parte quidem posteriori illa extenuantur, de reliquo oblonga, quasi lumbricalia, sunt: at minora magis ad rotundam, depressamque formam accedunt. De vasis sanguiferis, in exemplo visis, coronidis loco addimus: sub arcu aortæ, & quidem ex priore hujus facie, in thorace, quatuor provenisse arterias minores, ac propemodum magnitudine pares. Ex his prima & secunda, tanquam bronchiales arteriæ, ad pulmonem dextrum sinistrumque processerunt. Deinde tertia, tam pulmonum, quam gulæ, communis fuit; & tandem quarta tantum in hanc convertebatur. Tres illæ priores modicis & propemodum paribus originum intervallis distinguebantur, quarta vero arteria septimæ circiter thoracis vertebræ sub altitudine fuit nata. Atque porro eadem anatomicæ notavimus: in latere dextro arteriam intercostalem supremam, & quidem ex subclavia, demitti; qualem sinistra subclavia minus reddidit. Etiam duæ phrenicæ, & magnitudine pares, arteriæ erant, dexteriorque propemodum ex angulo secessionis cœliacæ, sed sinistra ex hujus principio nascebatur: at gastrica superior, proxime ante majorem cœliacæ partitionem, ex eo trunco educebatur, comitemque venam illico accepit, quæ propinquum venæ portæ truncum junxit. Duæ in exemplo erant hepaticæ arteriæ, ex singulo trunco ortæ, atque una extra *Glissonii* capsulam, altera intra eandem, ad viscus deferebatur. Inter utramque minor alia, ex hepatico-gastrico trunco, scilicet ex parte dextra cœliacæ, & antequam gastrica, quæ dicitur arteria dextra, sive inferior, oriretur, scilicet stomacho dicata gastrica superior, & dexteriori loco prodiit; qualem nos alio quoque tempore inter plura ejus generis vasa descripsimus.

LUDOVICI A RIPA, ASTRONOMIÆ ET
Astrologiæ in Gymnasio Patavino Professoris, Dissertatio
Meteorologica; cui accedit Solutio & constructio
duorum Problematum Geometricorum.

Venetiis, 1733, 4 maj.

Plag. 9, Tab. æn. 1.

Hoc altero Specimine Doctiss. Autor solertiam, qua in ornando munere sibi demandato versatur, eruditus probat. Jam enim ante nonnullos annos nos Miscellanea ejus in *Actis hifce* (*A. 1726 M. ns. Jan. pag. 27 seq.*) laudasse meminimus, quibus inter alias de rebus naturalibus Commentationes, scientiam quoque rerum, quæ in aere oculis nostris obijciuntur, illustrare satagit. Hoc Opusculo laboribus Academicis, quibus tyronum in Philolophia institutioni inservit, præfaturus, ad Meteorologix studium ipsos invitat, præmonstrans, qua via eundum sit, quibus præfidiis instructum esse deceat, feliciter in hac doctrina versaturum. Cum eruditus omnibus hodie satis exploratum sit, rem physicam, Geometria faciem haud præferente, apte non posse tractari, Autor publice declarat, se Auditoribus suis nihil appositurum, quod calculis explicari ac confirmari nequeat. Sui igitur exemplo ardorem juvenum accensurus, qua diligentia Mathesin cum Physica combinaverit, exponit, atque ad Opus a se multo studio elaboratum provocat, quo Algebræ ad res physicas applicationem tentavit, quod, multorum votis expetitur, brevi tempore typis expressum iri, pollicetur. Interea hoc Opere de satis scientiæ, quam profiretur, atque omni historia, uberius commentatur. Origines Meteorologix altius repetit, vestigia ejus inter Chaldeos, Phœnices, atque Ægyptios, inquirens, & cum in illa antiquissimorum temporum caligine historiarum monumentis destituatur, nonnulla conjecturis supplet, quas vel ex affinitate, vel mutuo commercio, quæ Meteorologix cum aliis scientiis ac artibus intercedunt, repetit. Cum ex Oriente ad Græcos scientiarum cultura transisset, *Thales* Milesius primus est, de quo certo affirmari queat, quod de meteoris sedulo philosophari aggressus sit. Cum enim aquam pro primo rerum omnium principio supposuisset, miram vaporum vim, pluviarum, roris, pruina, aliorumque ejus generis corporum, aeris innatantium, non potuit non animadvertere. Ventos quoque, eorumque miros effectus, observavit, cum, *Plutarcho* referente,

rente, ventis eteliis, aquas detinentibus, ne in mare effluant, Nili exundationem deberi, putaverit. Multa forsan *Thaletis* placita ad meteora spectant, cum materiam mutabilem ac fluxam, aliaque de natura rerum, prodiderit, quæ historiæ Autorum non accurate satis, ex mente ipsius, interpretati sunt. Alio autem argumento de præclaro ipsius rerum meteorologicarum studio constare posse, Doctiss. Autor arbitratur. Per-
vulgatum enim est, ipsum astrorum scientiam a Phœnicibus ad Græcos attulisse, omnem Græciam usum eorum edocuisse, atque, ut in itineribus per mare cynosuræ signum sequerentur, monuisse. Præterea solis & lunæ motus exposuit, & cur fiat, ut Dies crescant ac imminuantur. Dierum quoque numerum in anno solari definivit, ac non modo eclipsis rationes explicavit, sed, ut veteres memoriæ prodiderunt, prædicendi quoque modum instituit, imo ipse eclipsin prædixit, eventu asserta ejus comprobante, quod adeo arduum visum est Græcis, ut tanquam Deum ipsum suspicerent, primumque inter septem Græciæ sapientes locum ipsi tribuerent. Testimonium de eclipsi, quam *Thaletem* prædixisse ferunt, perhibent *Diogenes Laertius*, *Plinius*, & *Platarchus*, fulti autoritate *Herodoti*, qui *Lib. I* refert, cum dubio Marte quinquennale bellum inter Lydos atque Medos gestum fuisset, atque sexto anno adversis concurrerent aciebus, in media evenisse pugna, ut in noctem subito verteretur dies. De hac vero diei immutatione *Thaletem* Milesium Iones præmonuisse, anno quoque, quo evenitura esset, indicato. Improviso spectaculo exterriti utriusque exercitus milites, pugna desistebant, atque pacis consilia inibant, quæ, intercedentibus vicinis Regibus, conclusa, atque sædus sanguine utrinque hæsto firmatum fuit. Sunt vero hujus eclipseos tempus, qualitas, & duratio, omnino incerta, quod non solum ex variis & valde inter se pugnantibus veterum sententiis, sed ex recentiorum quoque Astronomorum in hac re dissensu, apparet. Argumenta dissidentium partium recenset *Stanlejus* in *Histor. Philosoph.* sequæ illis adduci fatetur, ut dubitet, dissensusne tantus ab Astronomorum calculis & diversis Chronologorum rationibus oritur. Sed, non esse *Tha-*

leti tribuendam tantam rerum Astronomicarum scientiam, Autor arbitratur, quantam ad prævidendam eclipsin concedi necesse est. Argumentum potius ex illa veterum narratione colligit, ad demonstrandam insignem *Thaletis* in Meteorologicis peritiam, cum vero admodum simile sit, prædictas a *Thalete* tenebras non ab interpositione Lunæ, sed ab imperfecta quadam elementari constitutione, obductas fuisse, cujus ille tempus, habita regionis ratione, tempestatumque conversionis, prævidit. Hoc cum non nisi ab homine Meteorologicæ admodum gnaro præstari potuerit; illo tempore hanc scientiam aliquo modo florere cœpisse, existimat. *Dodwellus* ante jam suspicatus est, *Thaletem* tenebras subito exortas a regionis potius tempestatisque exhalationibus observatis, quam veram eclipsin, prædixisse. Non inanibus argumentis sententia hæc confirmatur: *Cleostratus* enim nondum in signa Zodiacum diviserat, neque supputationis exordium ab ariete constitutum erat. Lunaris Syzygiæ mensuræ intervallum accurate nondum constabilitum erat, non determinati ejus cycli, epicycli, nodi, &c. Id cum negari nequeat, quæ cœlestium luminarium tabulæ esse poterant? Quæ certæ supputationes? Equidem, *Thaletis* ætate plures eclipses a Babyloniis jam observatas fuisse, historiarum monumenta testantur, sed, nullam, si ab hac discedamus, prædictam fuisse, veteres commemorant. Imo, referente *Plinio Lib. XLVII Cap. 14*, sapientia prope divina habebatur *Sulpicii Galli*, qui anno tandem *Varroniano*, quingentesimo octogesimo sexto, mox futurum Solis deliquium, prædixerat. Constat præterea ex allatis *Herodoti* verbis, *Thaletem* non mensem, non mensis diem, sed annum, quo tenebræ fuerint oborituræ, indicasse. Quibus accedit testimonium *Josephi Antioceni*, asserentis, obscuracionem hanc pluribus horis perdurasse, cum omnibus jam notum sit, in eclipsi solari tenebras exiguæ durationis esse; ut profecto factum a *Thalete* indicium cum Astronomi prædictione non satis conveniat. Discipulus *Thaletis*, *Anaximander*, licet male de mundi systemate, & primorum hominum origine, opinatus sit, de meteoris tamen egregie disputavit, atque primus docuit, ventum esse æ-
ris

ris. fluxionem αἶρος ἰσχυρὰ καὶ χυρὰ, motis in eo & colli-
 quatis partibus materiæ tenuissimis & fluidissimis. Testatur
Seneca in Natur. Quæstion. ipsum docuisse, tonitrua, fulgura,
 presteres, atque typhones, nasci ex aere, in nubibus spissis cras-
 sisque concluso, e quibus ob partium tenuitatem levitatemque
 vi maxima erumpat; ruptura vero nubis sonitum edi, atque,
 divulsione juxta nigricantes nubis partes facta, fulgorem exi-
 flere. Qui *Anaximandro* successit *Anaximenes*, cum, primum
 rerum omnium principium aerem esse, statuerit, varias, quæ
 in aere accidunt, mutationes procul dubio diligenter rimatus
 est. Nubes compingi aere quam maxime densato docebat,
 pluviam nubibus magis compressis, nivem particulis congela-
 tis, laxè inter se coherentibus. Tonitrua & fulgura mari a
 remis dissecto comparabat, terræ vero motus terræ casus esse,
 statuebat, ex siccitate aut pluvia exortos. Mittimus *Anaxago-
 ram*, quem sedulam quoque huic scientiæ operam dedisse, Cl.
 Autor demonstrat, licet egregias suas doctrinas scepserit contami-
 naverit. Insequenti tempore Naturalis Philosophiæ, Astrono-
 miæ, ac Meteorologiæ, studium deferuisse videtur, cum Philo-
 sophi, *Socratem* secuti, neglecta rerum naturalium contempla-
 tione, animum ad contemplandum summum Numen adjicerent,
 atque in Philosophia morum tantum versarentur. *Socratem*
 tamen rerum naturalium contemplationem minime contem-
 sisse, Autor existimat, licet nonnulli ex lectoribus ipsius no-
 minis ejus autoritate suam vel ignaviam vel ignorantiam Phy-
 sicæ excusare susceperint. *Socrates* enim non magni facere il-
 los Philosophos solebat, qui, rerum physicarum studio addicti,
 via nulla ac ratione inventa, nullaque methodo ac regula pro-
 posita, inepto conatu impossibilia tanquam possibilia quære-
 bant, summaque audacia cerebrî sui figmenta pro explorata
 veritate aliis obtrudebant. Summus vir id unum contende-
 bat, a Philologis Physicæ cultoribus fieri debere, ut regulas inve-
 nirent, quibus possibilia ab impossibilibus distingui queant, ex-
 que res, quarum certam notitiam sperare nobis licet, ab illis
 caute distinguantur, quibus, supra intellectus humani vires po-
 sitis, frustra homines inhiant. Propterea solenne illud car-

men suum in ore frequentius habebat: Quæ supra nos, nihil ad nos: stultum esse, relictis rebus humanis, illis sese immergere, quæ nihil ad hominem pertineant; scientiarum pretium positum esse in usu, &c. Arithmeticam igitur vehementer laudabat, Geometriam, cum certas mensurandæ terræ regulas exponat, commendabat, & siderum scientiam, cujus præsidio cives in dissitas regiones navigent, atque tempora commodè dividant, valde extollebat, siquidem absque illa nec ager rite colli, nec commercia institui, nec jus ipsaque religio apte tractari queant. Quam sedulam operam Astronomiæ, Meteorologiæ, ac Historiæ naturali, dederit, Comicus *Aristophanes*, hanc solertiam in opprobrium ipsius versurus, vel invitus prodit. Objicit ipsi, quod meris occupetur nugamenti, nubes pro Diis colens, atque curiosum insectorum studium naso suspendit adunco, exprobraturus cum maximorum, tum minimorum, mundi corporum continuam contemplationem. Tandem quasi ad instaurandam Philosophiam naturalem prodire *Democritus* & *Aristoteles*. Cum crimina & errores sectatorum *Aristotelis* magistro huic æque, ac *Socrati* discipulorum deliramenta, fraudi fuerint; quantum utrique Philosopho debeatur, & quod sanam Philosophandi methodum ipsi coluerint, fufius Cl. Autor demonstrat. Certe nemo acutius *Aristoteles* meteora inspexit, nemo causas illorum solertius indagavit, quanquam argumentum hoc non prorsus exhaustum, siquidem ipse candide fateatur, se multa tanquam dubia proponere, alia simpliciter indicare, neque in recondita naturæ penetralia se pervenisse. Nobis jam non vacat, quid hæc in parte vel ab *Aristotele*, vel ab aliis Philosophis post ipsum, præstitum sit, copiose referre, cum harum rerum studiosis ignotum esse nequeat, qua via ac methodo recentiores Geometria duce in hæc naturæ adyta penetraverint. Summæ cuique decus ac laudem Doctiss. Autor tribuit, atque invidendis, sed profecto debitis, laudibus summum *Newtonum* extollit, qui sagacissimo ingenio plura ac magis abstrusa naturæ mysteria patefecit, quam sperare mortalibus fas erat. Ejus imprimis, aliorumque celeberrimorum Virorum, laboribus debetur, quod, vix transacto Seculi unius curri-

curriculo, Arithmetica nova, nova Geometria, nova Mechanica, nova Optica, Astronomia nova, inventa, atque ita præclara Meteorologiæ adjumenta comparata sint. His viam præmonstrantibus, Academiæ Europæ fere omnes jam de objecto, regulis, fine, ac methodo philosophandi conveniunt, quod ex Actis Academiarum, Florentinæ, Londinensis, Parisiensis, Berolinensis, Petropolitane, abunde apparet. Methodum hanc uberius exponens Autor, dum varias, quas Philosophi in scrutanda veritate vias iniere, ad examen revocat, oblatam amplectitur occasionem, suam de vi attractionis sententiam dicendi, cui inter naturæ leges locum concedendum esse, nonnulli nostrorum temporum Philosophi contendunt. Existimat, *Newtonianos*, dum attractiones, non ut qualitates occultas, aut sympathias, sed ut leges naturæ universales, introducunt, ad Physicam *Aristotelis* multum accedere, ut, revocata nostris temporibus hac sententia, forte aliquid non contemnendum addi posset libro *Launoji* de varia *Aristotelis* fortuna. Non inficiatur Cl. Autor, esse in natura phaenomena multa, quæ longe captum suum superent, gravitatem, vim elasticam, & alia, sed a se impetrare non potest, ut illis accedat, qui, corporibus omnibus vim inesse, contendunt, qua sese attrahant & pellant. Gravitatem enim habere leges suas, animadvertit, per quas motus, &, qui ab illis pendent, effectus, explicantur. Elastica quoque leges suas habent, quarum licet causam ignoremus, ipsæ tamen ad stabilendas demonstrationes prorsus sufficiunt. Si quis contra ad attractiones se convertat, illas in magnete, corporibus electricis, atque in vitro, observabit, compellentes fluida magno impetu ad notabilem altitudinem, aut guttas oleosas per laminas contiguas & inclinatas sponte sua illarum virtute adscendere, videbit. Si igitur attractionum & repulsionum vi reflexiones, refractiones, & dispersiones lucis fieri largiamur, præcipiti saltu iisdem causis attribui virtutem aeris elasticam, aliosque corporum solidorum innumeros fere effectus, arbitrat Cl. Autor. Candidè igitur fatetur, se in tanta rerum varietate non invenire, ubi consistat, neque data sibi suppetere, quibus ratiocinando innitatur, quando horum omnium effectuum generale principium

Hh h

pium quærat. Advertit præterea, quot phænomena sint, quæ modo commemoravimus, totidem leges esse, quibus ea regantur. Quid enim, verbi gratia, gravitas ad magnetis attractiones attinet, cum hæc massis proportionales non sint, non decreſcant reciproce ut distantiarum quadrata, cum diverſis accidentibus non sint obnoxie, unoque mallei ictu virtus magnetica diſſipetur ac deſtruatur? Si ergo diverſæ leges ſunt, neceſſarium eſt, diverſas etiam eſſe cauſas. Philoſophi vero illi, qui nihilo minus effectus omnes juxta ſuum ſyſtema ab attractione ortos concervant, & illos ad unam referunt naturæ legem univerſalem, & immutabilem, tenui quidem labore cauſam cujuſcunque abſtruſi phænomeni reddunt, ſed vocabulum tantum pro cauſa adducunt. Si leges in diſſimilibus attractionum generibus diſſimiles omnino ſunt, maniſeſtum eſt, illas a cauſis diverſis pendere, ac proinde male pro generali naturæ canone ſumi. Obſervavit diligentiffimus *Muſſchembrakius*, magnetis vim attractivam, in diverſa a polo diſtantia, non habere legem ſtabilem ac firmam, nonnunquam eandem eſſe in ratione inverſa diſtantiarum, ſed modo in majori, modo in minori, pro majore, vel minore, magnetum perfectione. *Tatlorus* expertus eſt, aliquando virtutem ejus in ratione plus quam triplicata & ad inverſam quadruplicatam accedente eſſe, quod verum eſſe, repetito experimento vidit *Muſſchembrakius*. Recte igitur ex ambiguis hiſ experimentis colligitur, magneticas attractiones ab attractionibus gravitatis proriſ diverſas eſſe. Hiſce præmiſſis, Cl. Autor brevem meteorologicorum *Ariſtotelis* analyſin ſubjicit, &, quomodo in exponendo hoc Philoſophiæ naturalis capite cum antiquiorum ſcriptis, tum recentiorum inventis, uſurus ſit, commemorat. Appendicis loco ſolutionem & conſtructionem duorum Problematum Geometricorum, ad quæſtiones de maximis & minimis pertinentium, addit, quæ peritus architectus ſagaciſſime, mechanica praxi cum Geometricis demonſtrationibus Autoris egregie conſpirante, ſolverat. Alterum eſt, invenire minimam lineam, quæ duci poteſt per punctum datum A, intra angulum datum F D G. Ducebat laudatus artifex ex dato puncto A lineam

TAB. VII
Fig. 3

lineam AD , & descripto diametro AD circulo, circa punctum A revolvere capit regulam CB , & motum hunc tunc cessare fecit, cum invenit circino $AC = EB$. Hanc enim CB maximam longitudinem esse, quæ in angulo dato circa datum punctum volvi potest, non sine ratione asseruit, cum geometrica Cel. Autoris constructio ope hyperbolæ praxi huic egregie consentiat. Alterum Problema hunc in modum conceptum propositum fuerat: Dato angulo, & dato puncto intra eundem angulum, & data latitudine lecticæ, quæritur maxima longitudo illius rectanguli, constituentis basin ejusdem lecticæ, quæ volvi potest, circa datum punctum, tanquam obicem, in dato angulo; quod ex Geometria Cl. Autor his verbis enuntiat: dato puncto A in dato angulo FDG , invenire minimam tangentem circuli, descripti a radio AD , centro A intra datum angulum. Ingeniosa methodus est, qua artifex Problema hoc solvit, atque penitus cum Cel. Autoris constructione per duas tertii ordinis lineas conspirat. Sed, cum jam satis in enarrando hujus Opusculi argumento copiosi fuerimus, ulterius illi immorari nobis non licet. Unum hoc addimus, monere Cl. Autorem, delineationem curvarum secundi generis, quibus in construendo Problemate usus est, commode absolvi posse subsidio machinæ cujusdam, unico & continuo motu illas describentis, quæ nihil, præter vulgares & notas descriptiones hyperbolarum, supponat. Imo artificium hujus instrumenti, adhibita mediocri solertia & industria, traduci posse ad construendam quamlibet aliam curvam, & hoc pacto Geometriam longius posse provehi, methodum constructionum reddendo facilem, usui promptam ac præratam.

DITHMARI HACKMANNI PRÆCIDANEA SACRA.

Lugduni Batavorum, apud Conradum & Georgium

Wishofios, 1735. 8.

Plag. 22.

Primus est hic *Tomus* Animadversionum Philologico-Criticarum ad Textum originalem Vet. Test. exhibens *Genesis*,
Hhh 2

sin, Exodum, & Leviticum, quem Reverendus Autor cum orbe erudito communicat, cui similem mox adjiciet *alterum Tomum*, ac postea quoque in eo studio decurrere perget, donec integrum corpus Biblicum haud absimili methodo emensus fuerit. In hoc igitur specimine doctrinas venerandorum suorum Præceptorum, *Ikenii, & Schultensii*, secutus, linguæ Hebraicæ ex affinis novam lucem affundere, radices ejus deperditas restituere, ac primam earum significationem eruerе, conatur, & non vulgares solum interpretum ac Grammaticorum sententias, sed & Masoretharum variantes lectiones, sub examen vocat, ac, *Ketibb* pro *Keri* retinendum esse, monstrat, quod ex sequentibus locis patebit. *Genes. I, 2*, ita vertit: *Spiritus Dei, sive tertia Sacrosancta Trinitatis persona, molli fotu incubans erat super faciem aquarum, gallina instar, ova dura insidentis, & ad maturitatem quandam perducen- tis*. Scilicet, verbum *הָיָה* Hebraice & Arabice *emolli- vit* significare, putat, quo significatu duo alia loca *Deuter. XXX, 11, & Jerem. XXIII, 9*, explicanda esse censet pag. 2—10. Porro *Genes. VIII, 17*, lectionem Masoretharum margi- nalem vocis *נִצַּח*, in textu occurrentis, per *נִצַּח* inutilem esse, arbitratur, quia omnia verba Hebraica, inchoata a *נ*, ex dialecto præcipue Arabica, etiam a *י* inchoari poterunt. Unde in conjugatione Hiphil antiquus Imperativus utroque modo in usu fuerit. Ac eo similem formam *נִצַּח* *Psal. V, 9*, trahit, suamque opinionem magno exemplorum numero confirmat, pag. 12—14. *Genes. Cap. XXV, 29*, sic explicat: *Et decoxit, seu cum fervore intumescere fecit, Jacobus jusculum, ex sensu proprio verbi נִצַּח, quod de aquis fervescentibus cum tumore, vel tumescentibus cum fervore, primario usurpa- tur, ac dein metaphorice ad animum fervescentem, infla- tum, ac tumidum, transfertur, ex quo loca quædam Deut. I, 43, Exod. XVIII, 11, Jerem. L, 29, illustrat. Dein Genes. Cap. XXVII, 3, τὸ נִצַּח vocabuli נִצַּח non redundare, juxta Ma- sorethas, sed majorem emphasin afferre, & significationem intendere, aliis exemplis probat, ac verba ita transfert: Ve-*

bare

nare mihi venationem optimam & egregiam, multisque aliis
 præferendam. Cap. XXXVII, 36, vocem עָרֵס primario Eu-
 nuchum, sive spadonem, secundario aulicum, seu ministrum
 regium, a עָרַס forte σπᾶν, vellere, contorquere, denotare
 cenlet. מַכָּה, autem, proprie mactatorem, tum ad coquum,
 cujus officium est mactare, tum ad satellitem regium, qui
 carnificis munere fungitur, sese applicare, pag. 34 seq.
 Cap. XLIX, 22, occurrens locus difficilis, hunc ei sensum
 habere videtur: Filius findentis vitis est Joseph, filius fin-
 dentis vitis ad aquam positus, cujus filia, sive tenuiores pal-
 mites, geniculato cursu scandunt supremas partes pedamenti,
 hoc est, statuminis lignei, quo vitis in vinea pedatur, ne
 terram botris onusta perlerpat, eumque ex indole linguae O-
 rientalis eleganter demonstrat. Nam radicem פָּרַר primario
 notare ait findere, scindere, tum ad fissum arboris
 corticem, tum ad ventrem mulieris scissum, protruso in
 lucem fructu ac foetu, referendam, עָצָר spatium cum pom-
 pa, pulchre de ramis tenuioribus vitis libere luxuriantibus, se-
 que in altum diffidentibus, usurpari, מִשְׁכַּן murum domus,
 seu urbis, speciatim vineæ, qui Latinis pedamentum dicitur,
 significare, pag. 44 – 60 Exod. IV, 2, vocem מָן
 non in מָן & מָן, sed in מָן & מָן, resolvit, ac ea occasio-
 ne in etymon מָן מַנְנָה, inquit, & vertit voces מָן
 מָן. Exod. XVI, 15, per donum munusve divinum cæli-
 tus datum, a radice obsoleta in Bibliis מָן, quæ a præciden-
 do, in donis, speciatim secundo, divinis, secundario distri-
 buendi sensu, frequentata, apud Arabes hodieum donandi,
 largiendi, retinuit usum. Simul autem Ps. LXI, 8, illustrat,
 ac vulgarem Grammaticorum sententiam, qui מָן de re so-
 lum, & מָן persona tantum, usurpari volunt, refutat pag. 65 –
 73. Cap. VI, 3, ita transfert: Apparui quidem ego, qui sum
 Jehova, Abrabamo, Isaaco, & Jacobo, Deus omni sufficien-
 tissimus, ac particula כִּי vocis מָן præfixa emphatica
 ipsi videtur, interiorem rei naturam veramque conditionem
 depingens, æque ac Jes. XI, 10 & Eccles. VII, 11. Ps.

XXXIX, 7, *Job. IV, 19*. Vox autem שרר ei non substantivum, sed adjectivum, est, a radice שרה Hebraice & Arabice, *irriguus fuit*, notante, simulque observat, vocem יהרה, hoc est, is, qui *existit* ab æterno, & in omnem æternitatem *existet*, puncta aliquando טר ׀ אלהי, aliquando טר ארני, sibi appropriata circumferre, pag. 74 – 90. Cap. XIII, 16, allusionem fieri credit ad brachialia & ornamenta frontem cingentia, quibus Israelitarum virginum ditiores ornatae incedebant, ut continuæ præceptorum memoriarum imago ipsis insinuaretur. Vocem enim טשפור a radice טפה, id est, *creberrime pulsavit*, per *ovopαρονειναι* forte efficta, & ab Arabicis & Syris servata, derivat, ac sic *ornamentum frontale, inter oculos ad nasum usque dependens, seque frequenter agitando*, adeoque frontem continuo *pulsans*, טשפה in singulari significare existimat, pag. 90 – 112. Cap. XIV, 27, de sensu vocis לאיתנו fuse commentatur, ac ex radice יתן, in Arabica lingua per litteram י scripta, cum י alternantem, *perennis fuit, jugi & inexhausta fluxit vena*, explicat per *astum continuum*, ac fervorem maris non interruptum, quo sua aquarum volumina reciprocare solebat, ac vocem איתן, quam in superlativo positam credit, per N præfixum ad illustrationem mensis ׀ איתני dicti, 1 Reg. VIII, 2, ob crebros umbres in hoc mense cadentes, & alia loca Scripturæ rectius intelligenda applicat, pag. 113 – 126. Cap. XXV, 20, ׀ פני facies, dualiter enuntiatur, & per אש אל אחיו constructum, numerum facierum *quaternarium* repræsentare in Cherubinis, monet, & phrasin obscuram טעור ׀ צעצעי 2 Chron. III, 10, per opus *diversarum formarum* ex radice צע, *formavit, figuravit*, ingeniose transfert, pag. 134 – 152. Cap. XXXVIII, 8, duas voces כנו & הכיור plenissima luce perfundit, ac, illam *vas rotundum*, labrum nempe æneum, hanc *operculum, seu tegmen*, ejus æneum, significare, ostendit. Nam *thema* in sacris deperditum, apud Arabes autem in gyrandis, inque formam rotundam colligendi, notione occurrit, ac inde quadriliterum כיר, sub-

salta-

saltationis orbicularis idea, relictum est 2 Sam. VI, 14. Hinc
 & כר *felix*, sive rotundior domuncula, deriso camelino im-
 posita, ad sequiorem sexum in itineribus faciundis portandum,
 Genes. XXXI, 34. & ככר *primario massa panis in orbem*
convoluta, secundo omnis rei, ut talenti, regionis, ac cer-
 ti alicujus terrae tractus, oritur. Alterum autem vocabu-
 lum כן ex radice כנן Hebraeis vindicanda, ac sub certissimo
 regendi significatu apud Arabes servato, tam *proprie*, quam
improprie, in variis sacrae & profanae scripturae locis agno-
 scenda; deducit pag. 192 — 196. Levit. Cap. VI, 2, disqui-
 rit, quid קרס Masoretharum de מ minusculo קרר
 sibi velit, & vocem ipsam locum, ubi ignis continuo accen-
 ditur & ardet, explicari debere putat, quia מ *Heemanti-*
um in nominibus verbalibus, in omnibus linguarum Orientalis
 dialectis, ab initio praefixum, locum significat, in quo ipsa
 verborum suorum actio peragitur, quod multis exemplis pro-
 bat pag. 197 seq. Cap. VIII, 31, verbum כרר ex origine
 sua, *jungere ac injungere*, ideoque *mandare, praecipere*, signi-
 ficat, scilicet a corporea idea jungendi ad incorpoream facile
 translatum, ex quo nonnullorum locorum Scripturae empha-
 sis illustrat pag. 217 seq. Cap. XVI, 8, vox קרר ipsi
 denotare videtur locum aliquem limitibus suis descriptum,
 ad quem circus piacularis diei expiationis amandus & vi-
 vus asportari debebat, ut ibi sub sanctissimo religionis nexu
 custodiretur, ac libero pastu gauderet, a radice קרר, *separa-*
vis, in conjugatione, cujus character, *geminatio* nempe me-
 diae radicalis, cum inserta aliqua קרר antiquitus usurpa-
 tus fuit, quod ex linguarum Orientalis analogia probabile reddere
 annuitur, ac ex eadem Ps. XLV, 3, קרר ימים illuminat.
 Et eundem locum v. 22, קרר נדח, id est, tentum resectio-
 nis, dictum fuisse observat, hoc est, eximiam quandam agri e-
 jusdem campestris partem ab usu promiscuo resectam, & huic
 ipsi sanctissimo destinata, pag. 273. Cap. XIX, 15,
 verbum כרר non solum significationem, oculo attento in-
 spiciendi, nec in corde tantum acerbam ac arguinem fo-
 vente,

vente, sed etiam oculi *vindictæ* aut *ultionis* occasionem capantis, *μεταφορικῶς* complectitur, ex usu antiquo linguæ affinis Arabicæ & Syriacæ, unde duo Scripturæ loca *Nabum I, 2, Ps. CIII, 9, & alia*, lucem accipiunt.

**EXPLICATIO GENTILIIUM FABULARUM ET
superstitionum, quarum in Sacris Scripturis fit mentio,
vario hinc inde sensu præter literalem, ut allegorico,
moralis, anagogico, &c. exornata per CASP.
HARTZHEIM, S. J. Sacerdotem.**

Patavii, apud Jo. Manfrè, 1731, 8.

Alph. 1. plag. 9.

CL. Autor, veritates sacri Codicis ex ipsis Poetarum fabulis illustrari quodammodo posse, opera sua in aprico posuit denuo. Pluribus enim, quam centenis, quantum quidem supputando assecuti fuimus, locis Biblicis ex Mythologia, ex proverbiiis & idololatria gentilium, lucem affundere studuit, quorum indicem ad calcem exhibet. Poterat Cl. Autor plura illustrare, cum vel ex Proverbiis *Salomonis*, & compluribus Prophetis, non nisi unicum tetigerit, licet in Apocryphis copiosior sit. Sed forsan alia occasione plura & majora dabit. Quilibet hariolari, vel nobismet tacentibus, poterit, Cl. Autorem sequi & textum, & computationem Capitum, & librorum Biblicorum seriem, prout in versione vulgata occurrit. Nonnunquam tamen ab eadem deflectit; v. c. ad *Jobi XLII, 14*, ubi Vulgata nomen tertix filix *Jobi Keren hapuch* reddit, cornu sibi, legit cum LXX Interpretibus *Κέρας Ἀμαλθείας*, ut occasionem nanciscatur de cornu Amaltheæ differendi. Breviores interdum & minus operosæ sunt ejus annotationes, cum primis quod ad sensum literalem, v. c. ad *Amos. VIII, 14*, quibus adeo vel solius Summe Ven. *Drylingii* Observationes sacras, in quantum ad campum mythologicum spectant, merito prætuleris. Sed hoc sollicitius Cl. Autor ex Patribus venatus est sensus Allegoricos, Morales, Anagogicos, quos nunc morari prohibemur.

In Anni præsentis Actorum nostrorum *1731. Aug. pag. 368 lin. 26*
pro perveniant lege perveniant.

NOVA ACTA ERUDITORUM,

publicata Lipsiæ

Calendis Octobris Anno MDCCXXXVI.

SICILIA SACRA, DISQUISITIONIBUS
& Notitiis illustrata, Autore Abbate Netino & Regio
Historiographo, DON ROCCHO PIRRO, S. T.
ac U. F. D. Regio Capellano Canonico, &c. Editio ter-
tia, cura & studio ANTONINI MONGITO-
RE, S. T. D. Metropolitanæ Ecclesiæ Panor-
mitanæ Canonico, &c.

Tomus I & II.

Panormi, apud Hæredes Petri Coppulæ, 1733, fol. maj.

Alph. 14 plag. 22½.

Qui singularis cujusdam Regni aut Provinciæ statum Eccle-
siarum inde a Christianæ Religiónis initio usque ad sua
tempora libris seorsim describere aggrediuntur, insignè pro-
fecto ii rerum sacrarum Historiæ beneficium afferunt. Et
hoc potissimum nomine eruditorum orbem jam olim sibi ob-
strictum reddidit *Rocchus Pirrus*, Abbas Netinus, & Regis Hi-
spaniarum, *Philippi IV*, dum vixit, Historiographus, qui, quic-
quid ad illustrandas Siculorum Ecclesias, evolutis quampluri-
mis libris, adhibitis etiam monumentis, antiquis æque ac re-
centioribus, diuturno labore congefferat, tandem, communi o-
mnium beneficio, in præsens Siciliæ sacræ Opus intulit, præ-
stan-

stantissimum certe, adeoque dignissimum, cujus argumentum jam exponamus Lectoribus. Integrum vero quatuor absolvi-
tur Libris. *Primus* Notitias exhibet trium Ecclesiarum Me-

Tom. I tropolitarum, & quidem 1) Panormitanæ, 2) Messanen-
pag. 1. cui præmissi est ab Autore Cl. ad primam Præfulatus origi-
313. nem in Messanenſi Ecclesia investigandam, de Epistola Deipa-
323. ræ, quæ ad Messanenſes scripta fuisse dicitur, Dissertatio,
451. 488. 3) Montereſalenſis. *Liber secundus*, quo Siciliæ Episcopatus,

qui temporum calamitate perierunt, commemorantur, comple-
ctitur Notitias XIII Ecclesiarum, 1) Tauromenitanæ, 2) Trioca-
litanæ, 3) Leontinæ, 4) Lilybitanæ, 5) Tyndaratinæ, 6) Ther-
mitanæ, 7) Drepanenſis & Alesinæ, 8) Troinenſis poſt Sa-
racenos, 9) Cronienſis, 10) Camerinenſis, 11) & 12) earum,
quæ dubie & falſo in Sicilia conſtituuntur, quibus in Notitia
13 accedunt Episcopi Siculi, qui certæ addicæ Ecclesiæ non
potuerunt. *Liber tertius* Episcopatus Siciliæ viſit nunc flo-
513. rentes, eorumque Notitias 8, Ecclesiarum nempe Episco-
palium, 1) Catanenſis, 2) Syracusanæ, 3) Agrigentinæ, 4) Pa-
ctenſis, 5) Cephalæditanæ, 6) Mazarenſis, 7) Melitenſis cum

Tom. II Prioratu Meſſanæ, 8) Liparenſis. Sequitur *Liber quartus* &
pag. 969. ultimus, quo Abbatiarum & Prioratum Notitiæ habentur.
Hæ vero Abbatiæ, quæ in Sicilia florent, cum non unius e-
juſdemque ſint ordinis, liber ille ſeorſim in quatuor Partes
dividitur. *Prima* Abbatiarum *Ordinis S. Baſilis M.* triginta
Notitias continet, quarum 1) eſt Archimandritatus S. Salvato-
ris, Meſſanæ, 2) S. *Maria* de Crypta, ſeu Gructa, Panormi,
3) S. *Nicandri* de Meſſana, 4) S. *Pantaleonis*, 5) S. *Maria*
de Maſſa, 6) S. *Georgii* de Triocala, 7) S. *Maria* de Bordo-
naro, 8) S. *Elia* Ebuli, ſeu de Ambula, 9) S. *Mi. bueli* Ar-
changelî de Troina, 10) S. *Angeli* de Brolo, olim de Liſico,
11) S. *Maria* de Mili, 12) S. *Philippi* de Fragala, olim de
Myttiro, 13) S. *Philippi* Majoris, ſeu Grandis, 14) S. S. *Pe-
tri & Pauli* de Italia, 15) S. S. *Petri & Pauli* de Agro, olim
de Agrilla, 16) S. *Maria* de Gala, 17) S. *Maria* annuntiatæ
Mandanighii, 18) S. *Gregorii* de Gypſo, 19) S. *Nicolai* de Fi-
co, 20) S. *Salvatoris* de Placa, 21) S. *Philippi* de S. Lucia,
22) S.

22) S. *Pancratii*, 23) olim S. *Nicolai* de Regali Mazaræ, 24) S. *Maria* de Alto, 25) S. *Maria* de Castania, 26) S. *Maria* de Laccu, 27) S. *Maria* de Flumine Nisi, 28) S. *Petri* de Deca, 29) S. *Dominica* de Monte Dei, 30) S. *Michaelis* de Fulgerino, seu Filarino. *Parte secunda* Siciliensium Abbatiarum & Prioratum *Ordinis S. Benedicti* Notitiæ exhibentur numero, uti quidem Titulus Libri IV habet, XXXV, quarum tamen in ipso Opere non nisi unam supra triginta invenimus. *Parte tertia* Abbatiarum & Prioratum *Ordinis S. Augustini* Canonicorum Regularium atque Religiosorum Militarum Notitiæ habentur. Quorum Sanctorum Sanctarumve memorie sacræ sint singulæ ordinis cujusque Abbatie, ordine suo commemorare superfedemus, ne limites instituti egrediamur; indicasse vero juvabit argumentum, quod quatuor illis Libris eorumque, uti vocantur, Notitiis, describendum sibi sumsit Autor doctissimus. Scilicet inde ab illa ætate, qua in Siciliam illata fuit Christiana Religio, Præsulatus cujusque majorumque Beneficiorum exponitur institutio, commemorantur Archiepiscopi, Episcopi, Abbates, & Piores, singulorum deinde jura & Privilegia explicantur, antiquitatis monumenta adduntur; Civitates porro Diocesum, cum præcipuis illarum templis, religiosisque familiis, tandem viri Siculi, qui vel sanctitate, vel doctrina, illustres fuere, describuntur. Præterea, uti Auctionarium sacrum, quo pleraque enarrantur, quæ ad sacras tum religiosorum, tum monialium, atque ad Parochiales & Collegiatis, quæ dicuntur, ædes spectant, singularum Ecclesiarum Notitiis accessit, ita illarum Episcopaliū, quæ etiamnum in Sicilia florent, & *Libro III* describuntur, sua cujusque insignia in æs incisa in fronte sese conspicienda præbent. Latissimus est Historiæ campus, quem emensus est Autor Cl.; nondum vero labor ejus hic substitit. Etenim, ut temporis & annorum constaret ratio, atque adeo ad unam Notitiæ omnes legem & veluti normam constituere, visum est Nostro, Operi præmittere *Chronologiam Regum Sicilia*, quam dux sequuntur *Disquisitiones de Patriarcha & Metropolita Sicilia*.

Pag. 1064.

1280.

1326.

Tom. I

pag. 1.

una

Pag.
75. 94.
105.

una cum *Præfulum Siciliensium electione*, quæ argumentum constituit tertiz. Opus claudunt quinque Indices, 1) Titulorum totius Operis; 2) Chronologicus Episcoporum Siciliensium; 3) Alphabeticus eorundem per eorum nomina; 4) Alphabeticus Sicularum Episcoporum cognominum; 5) Rerum notabilium. Ceterum prima non est, quæ præsens nobis sistitur, Operis editio; qua singulas fere Partes Seculo superiori inde ab anno trigesimo usque ad quadragesimum quartum, Autore adhuc superflite, primum illud Panormi prodierat. Integrum deinde accessit Antiquitatum & Historiarum Siciliæ Thesaurus, qui ante decennium Lugduni Batavorum editus est, cura *Petri Van der Aa*, cum Cl. *Petri Burmanni* Præfationibus, in qua vero editione, quod observatum est nostro Siciliæ Editori Cl. Panormitanæ Editionis menda non omnino sublata, ac nova inuenta, inter quæ scdum illud, quo in Messanenfi Prioratu, integra Autoris pagina prætermissa, narrationis ordo valde turbatur. Tertium igitur illud prodit, editione quidem præfenti, cui emendandæ poliendæque quam laudabilem impenderit operam Vir Cl. *Antoninus Mongitore*, S. T. D. & Metropolitanæ Ecclesiæ Panormitanæ Canonicus, &c. facile apparebit ex sequentibus: Quemadmodum non ultimam ille curarum suarum partem existimavit, tollere menda, quibus editio Panormitana Typographi incuria scatebat, ita primum quidem additamenta ipsius Autoris, quæ Appendici *Tomi primi* accesserant, suo quæque loco inseruit. Monumenta deinde addidit, quæ ejusdem Autoris oculos effugisse,prehendit, ea porro, quæ aut temporis lapsu immutata, aut a veritate aliena esse, animadvertit, solcite emendavit, & in postremum paginarum locum rejecit, interdum ope adjunctus exemplaris illius, cui *Pirrus* ipse, postquam Opus curis secundis subjecerat, manu sua quædam subinde addiderat, quædam subtraxerat, cujusque postea facta fuerat Editori Cl. copia: Tandem nonnullos a *Pirro* prætermisos Episcopos sedibus suis assignavit, Præfulumque scriem ab anno, quo ille scribere desit, ad hæc usque tempora deduxit. Sicuti vero hæc omnia debentur Editori doctissimo; ita solus ille non fuit, qui editio-

ne præſenti eruditorum gratiam iniit. Abbatiarum Sicilienſium *Ordinis S. Benedicti*, quæ *Parte II Libri IV* deſcribuntur, non niſi tres priores Notiæ lucem olim aſpexerant, cum *Pirrus* morte præventus, quod animo conceperat Opus, ad finem illud deducere non potuiſſet. Ne quid igitur eſſet, quod jure in eo deſideraretur, manum eidem admovit *Vitus Maria Amicus*, Nobilis Catanenſis, *Ordinis S. Benedicti*, qui non ſolum reliquas ordinis ſui Cœnobiorum Notiæ, quarum octo ſupra viginti fuere, verum etiam illas Monaſteriorum *Ordinis Cifterciensis*, Editoris rogatu adornavit, & Siciliæ ſacræ addendas conceſſit; quo factum, ut *Pirri* Opus integrum ſuiſque numeris abſolutum tandem editione præſenti prodierit. Ceterum, quantum laudis jam olim ab eruditis hoc nomine reportaverit Autor doctiſſimus, optime intelligitur ex Elogio, quod ex Cl. Editoris Bibliotheca Sicula Præſationi acceſſit. Nihil igitur addimus, niſi quod *Pirrus* de Sicularum Eccleſiis hoc Opere præclare mernerit, monumentumque exegerit omnire perennius.

HISTOIRE CRITIQUE DE L'ETABLISSEMENT de la Monarchie Françoisſe dans les Gaules, &c.

h. e.

COMMENTARIUS HISTORICO-CRITICUS
de Origine Monarchiæ Francicæ in Gallis; Au-
tore Ven. Abbate DU BOS, uno ex quadra-
ginta, & Secretario perpetuo Aca-
demie Francicæ.

Tomi III.

Parisiis, apud Ofmontum, Huartum ſeniores, &c. 1734, 4 maj.

Tom. I Alph. 2 plag. 22, Tom. II Alph. 3 plag. 8,

Tom. III Alph. 3 plag. 4.

173

EA

Est hoc moris nostri, ut tum ad historiam libri, tum ad ejus summam, & singularia ac paradoxa momenta, attendamus, antequam judicium subjungamus. Ratio, quæ Autorem ad tantum Opus conscribendum adduxit, est partim communis, partim propria. Posterior in eo consistit, ut intelligatur, Francos Monarchiam in Galliis, haud effrenatæ ac ferocissimæ tyrannidis ministerio, sed mitiori pacto, parasse. *Tomus primus* Proœmium, partem *notitiæ dignitatum Imperii*, ac alterius *notitiæ*, quæ dicitur *provinciarum & civitatum Gallie*, duosque Libros, complectitur. In Proœmio scopus scriptionis, initia Francorum eorumque regni in Gallia, ac scriptores, quondam de eis commentati, edisseruntur. An legerit Ven. Autor *Johannis Georgii ab Eckhart* Commentarios de Rebus Franciæ Orientalis, subdubitare liceat. Ad primam certe Francorum patriam eruendam animum haud appulit. Francorum tribus nonnullas & in Italiam & in Galliam hostiles fecisse impressiones & excursiones, largitur. Sed, quo minus corpus eorum ipsum, quod in Galliis sedes obtinuit, pro invasoribus ac usurpatoribus venditet habeatve, a se impetrare haud potuit. Persequitur deinde famosam nationum Germanicarum migrationem, A. 407 invalescentem. Cum *Valentinianus III* A. 439 ad Italiam tegendam milites e Galliis revocaret, *Clodion*, tribus Francorum Saliorum Dux, ex tractu Tongrorum ad Cameracum accessit, idque expugnavit A. 443; Franci autem Ripuarii terram, Rheno inferiori ac Mosæ inferiori interjectam, occuparunt. *Actius* in eo erat, ut *Clodionem* ejicere aggredere-
tur. At interstrepuit curas ejus *Attila*, Francisque Salicis veniam peperit, quibus terræ occupatæ fuerunt relicte, ita tamen, ut ulterius sese haud moverent, eosdem cum Romanis amicos hostesque haberent, ac suo viverent jure. *Meroveus* ac *Childericus* imperio egregiam navarunt operam, & posterior fortassis Dux bellicus Imperatoris extitit. *Chlodoveus* anarchiam, Italiæ ab *Odoacro* & Ostrogothis infusam, strenue in suam convertit utilitatem. Hoc erat fundamentum Monarchiæ Franciæ in Galliis. *Fredegarius*, qui *Gregorium Turonensem* in compendium misit, locum quendam *Gregorii* fini-
stre

fire intellexit, ac errore gravi *Childericum*, ejusque filium, *Chlodoveum*, delineavit tanquam inimicissimos Imperio Romano. *Aimoinus*, Seculi undecimi scriptor, *Gregorium*, *Fredegarium*, & Autorem, qui *Gesta Francorum* conscripsit, secutus, ac primum sinistre interpretatus, de primis quinque Regibus, eorumque in Romanum Imperium animo, scripsit ea, quæ Autori haud probantur. De *Gregorio*, Episcopo Turonensi, critice disserit idem pag. 22 seq. dignumque memoratu judicat, *Gregorium* de Concilio Aurelianensi, quod *Chlodoveus* A. 511 convocasse perhibetur, & cujus canones vulgo circumferuntur, prorsus tacere. Dolendum est, *Gregorium* annos haud addidisse, ac *Fredegario* defuisse judicium. Acta Sanctorum igitur sunt in medium proferenda ac consulenda. Conqueritur deinde Autor scriptorum quorundam interitum, Chronica recenset, & apparatus reliquum historię Francicę late exsequitur, monens, cantica duo, quibus horę canonicę huc usque resonant, nempe: *Vexilla Regis prodeunt*, & *Pange lingua gloriosi praelium certaminis*, Autore gaudere *Venantio Fortunato*. *Zosimus* confederationem Armoricarum gentium meminit sub *Honorio*. *Adrianus Valesius*, qui primum Volumen Historię Galliarum Francicarum edidit A. 1646, opinionem receptam secutus, Francos pro usurpatoribus Gallię habuit, ac sese in eo fefellit. *Fredegarius* aberrandi ita fenestram primus patefecit, ansamque præbuit. Ut hanc opinionem refelleret, *Librum* suum Autor conscripsit primum. *Libro secundo* complectitur res gestas Francorum ab A. 407 usque ad annum 456. *Libro tertio* edisserit regnum *Childerici* & *Chlodovai*, a sacris Christianorum adhuc alieni. *Libro quarto* *Chlodovai* ad sacra Christiana transgressi acta exsequitur. *Libro quinto* enarrat facta ab obitu *Chlodovai* ad annum 536. *Liber sextus*, seu postremus, inservit exponendo Gallorum statui, qualis is exstitit sub regno *Chlodovai*, ac primorum ejus successorum. Exordium *Libri primi* ex magna parte est insigne antiquitatum expositionibus, quibus fit planum, quomodo jus Romanum Gallis fuerit impertitum, quâ ratione incolę fuerint divisi, quænam fuerint inter eos linguę, quisam mores, a Romanis adsciti, quænam religio,

Tom. I
pag. 25.

27 seq.

30 seq.

46.

49.

Pag. 23 seq.

104.

religio, & quanta Episcoporum autoritas, nec non Judæorum, quænam distinctio *curiales* inter & *possessores*, quænam militantium militæque fuerit indoles. Inferuntur passim res eruditissimæ, quas inscriptio libri haud spondet. Differit enim Ven. Autor de comitiis generalibus *pag. 35 seq.* de ducibus Imperatorum per Galliam bellicis *pag. 43 seq.* de immutatione ordinis militaris, a *Constantino M.* inducti, *pag. 54 seq.* de muniis civilibus & gubernatoribus Galliarum sub *Constantino* eodem, ejusque successoribus, *pag. 61 seq.* de *ripa Saxonica* tum in Britannia magna, tum in Galliis, *pag. 77 seq.* de militibus peregrinis, eisque Romanorum mercenariis, seu foederatis, *pag. 94 seq.* de *Lætis*, seu *Lætianis* speciatim, *pag. 102 seq.* per quos barbaros Romanis beneficio militari devinctos intelligit. Ob hunc nexum ipsi fuerunt homines militares proprii, liti, lito-nes, quos Germani *leute* & *lide* vocabant. Autor eos a *Latitia* putat dictos, quod est frivolum. Nec *Latii* constituerunt certam gentem, licet *Carolus du Fresne* ita statuerit. Exsisterunt enim *Læti* Teutoniciani, Suevorum, Batavorum, Francorum, civitatis Lingonum ac Nerviorum. *Terra Latice* in lege *Honorii, Cod. Theod. Lib. XIII tit. 4 leg. 9* asservata, sunt agri, foederatis illis barbaris in beneficium data, ut illi ob eum nexum ex arbitrio Imperatoris Romani signa sequerentur. Differit porro Autor de tributis publicis ac subsidiis pecuniariis, in Gallia per Romanos exactis, *pag. 124 seq.* de Burgundionibus ac Alemannis, Galliarum confinibus, *pag. 161 seq.* de Saxonibus, insulisque Saxonum, id est Nordstrand, Heiligeland, & Buren, *pag. 167 seq.* de Francis porro *pag. 177 seq.* quorum originitio, primæ sedes, ac amplitudo diffusa, Saliorum peculiaris natio, haud evolvuntur. Operæ pretium fuisset, ibi contulisse *Jacobi Caroli Speneri Notitiam Germania antiqua*, ac *Jo. Georgii ab Eckhart Commentarios de rebus Francia orientalis*, nec non de patria legum Saliarum Ven. *Guthfredi Besseltii* Chronicon Gottwicense, ejusque *Tom. I Lib. IV.* Differit Ven. Abbas *du Bor* præterea *pag. 208 seq.* de Gothis: tum de Alanis, Hunnis, aliisque populis nationis Scythicæ, *pag. 213 seq.* Hisce exponendis *Liber* intervit primus; reliqui vero *Libri* rebus

rebus Francorum Gallicis magis ſunt proprii. *Tomus primus* primum ac ſecundum complectitur: ſecundus tertium ac quartum: tertius vero quintum & ſextum. Utroque poſteriori multa Romanæ hiſtoriz connexa momenta perpulchre ediſſeruntur. Ubique nitet ordo: aridet ventilaſ ac perſpicuitas ſtili: ubique regnat pragmatica ſcribendi indoles, quæ ſola Lectorem reddit prudentem & ſimul eruditum. *Libro ſecundo* facit planum Autor, *Theodoſii* filium natu majorem, *Arcadium*, tutorem fuiſſe quaſi Imperii occidentalis, ejusque ſucceſſores confirmariſſe *Avitum*, *Majorianum*, & ceteros; nec tamen juſ illud reciprocuſ Imperatoribus Occidentaliſ fuiſſe in Orientales. Adverſus *Grotium* oſtendit, juſ civitatis Romanæ non inhæſiſſe domicilio, ſed ſanguini ac paternæ hereditati, quantum ad traduſionem attinet in poſteros. *Gregorio Turonenſi* fert opem, qui, Francos, *Childe-rico* ad Thuringos fuga elapſo, tradidit, *Agidio*, præſecto militiz Romanæ, ſeſe dedidiſſe, ut is iſſis jura diceret. *Petrus Daniel Huetius*, hoc ipſum verifiſilitudini omni repugnariſſe, credidit. Ut igitur probabilem *Gregorii* Noſter reddat ſententiam, omnes contendit nervos. Multus eſt in illuſtranda expeditione *Audoacrii*, Saxonum Regis, qui Gallias irrupit, & uſque Andegavum fuit progreſſus. Rem ipſam ſatis perplexè enarravit *Gregorius Turonenſis Lib. II Cap. 18*, in qua obſcuritate lumine perſuadenda Abbas Ven. multum operæ conſumſit. Solennem *Chlodevæi* ad ſuſcipiendam luſtrationem ſacram acceſſum copioſe delineat idein: diſſerit de *Theoderico*, Oſtrogothorum Rege, *Odoacrii* victore, pag. 353 ſeq. de *Chlotilde*, *Chlodevæi* uxore, pag. 365 ſeq. *Tolbiacum*, ad quod *Chlodoveus* Alemannos devicit, reputat pro loco, qui nunc vocatur *Zulpich*, & haud procul a Rheno ac Colonia Agrippina abeſt. 401.

Lex *Mundana* appellabatur collectio legum, non eccleſiaſtica. Tom. III
rum, ſeu canonicarum, ſi Autori habemus fidem. Operæ præ- pag. 353 ſeq.
tium quoque fuerit annotaſſe, ſcriptum: *L'origine des diffé-* 275 ſeq.
rens, qui étoient entre les Rois de France & les Rois d'Angle-
terre, quod obvium eſt penes *G. G. Leibnitium* Tom. II *Codi-*
cis Diplomatici pag. 66, delectationis cauſa, regnante *Ludo-*

Tom. II
pag. 9 ſeq.

15 ſeq.

55 ſeq.
111 ſeq.

155 ſeq.
301 ſeq.
413 ſeq.

401.
Tom. III
pag. 353 ſeq.
275 ſeq.

vico XI, literis fuisse consignatum, fideque satis dignum. Complura ejusmodi singularia Venerabilis Vir *Libro sexto* inseruit. Hoc enim repræsentat faciem status Galliarum, qualis is intra Seculum sextum ac tria secuta Secula exstiterit, regalem potestatem *Chlodevæi* ac successorum, ad quam scemine hand adspirare potuerint, divisionem populi in plures nationes, Burgundiones, Francos, Allemannos, Visigothos, Bavaros, Teitalos, Saxones, ac Britannos insulares, formam regni sub *Chlodevæo* successoribusque, potestatem Episcoporum *pag. 378 seq.* formam seuatus urbium, ejusque regimen, *pag. 437 seq.* bella urbium mutua sub Merovingis, terrarum Salicarum indolem, *pag. 468 seq.* cujus nulla portio hereditatis in mulierem transibat, de relictibus regalibus descriptionem. Hand injuria gratulamur tanto tanque Venerabili Scriptori de monumento æternitate digno, propitiæque eidem porro valetudinem, vimque ingenii limatissimi inoffensam, debite ac reverenter comprecamur.

DISSERTATIO HISTORICA AD VINDICANDAM veritatem contra allegata ad concordiam in causa Præcedentiæ, in qua antiqua Ambrosianæ Ecclesiæ disciplina, & Metropolitani Mediolanensis dignitas, illustrantur.

Mediolani, 1733, 4.

Alph. i. plag. 18.

Autor est hujus Dissertationis Vir doctrinæ varietate inclitissimus, *Josephus Antonius Saxius*, Bibliothecæ Ambrosianæ, quæ Mediolani est, præfectus. Occasionem scripto suppeditavit liber *Nicolai Sormani*, qui est Collegii Ambrosiani Doctor. Eo enim hic D. Præpositum *S. Ambrosii* contra primarium Metropolitane Ecclesiæ hujus ordinem, in causa præcedentiæ, tutebatur. Notat in *Sormani* libro Nosler varia, tum quod ille, Metropolitani Clerum extra urbem egisse vagum peregrinumque, statuis-

statuisset, tum quod, eum commemoratum esse in Ambrosiana Basilica usque ad decennalem Mediolani obidionem, A. 561 a *Lamberto*, Teutonico Rege, institutam, retulerit. Utrumque enim a Nostro ad fabulas refertur. Scilicet *Sormani* scopus in eo vertebatur, ut, præsidisse Ambrosianæ Basilicæ semper Diaconum Cardinalem, ostenderet. *Saxius* largitur, *Fortem* occurrere, eumque unicum, qui ea fuerit gavilus dignitate; *Landulsum*, S. *Ambrosii* Præpositum, & simul Clericum ex Ordine Majori sanctæ Mediolanensis Ecclesiæ, in hunc numerum suscipere recusat. *Sormanus* in ea est opinione, Præpositos S. *Ambrosii* semper de gremio Metropolitani Ordinis profluxisse, adeoque pares Canonicis ordinariis etiam in præsens habendos, quippe quibus, puta Præpositis, semper adhaerit dignitas Primicerii majoris Cleri. Ipse ingentem paginarum molem intra dierum quindecim angustias impleverat, & pompam chartarum veterum contra Monachos produxerat, qui simul cum Canonicis constituunt Clerum Basilicæ Ambrosianæ. Prodiit igitur hæc Dissertatio Cel. *Saxii*, ut partim integritas sacre Mediolanensi historiæ restituatur, partim decus Metropolitani Ordinis inmerito læsum vindicetur. Hoc fine integrum *Sorman* Opus Noster recudendum curavit, ommissa tamen Italica versione, cum *innocentes controversia*, qua inter sacros Ministros agitantur, usque ad inconditum muliercularum judicium deferri non debeant. Scriptum Cel. *Sorman* constat Capitibus XVIII. Primo disserit de primæva Cleri Ambrosiani institutione; secundo de sede prima Cleri Mediolanensis; tertio ostendere cupit, Clerum Cardinalem, vivo *Ambrosio*, a Portiana Basilica sedem translulisse ad Ambrosianam; quarto docet, hanc eandem post mortem *Ambrosii* diu extitisse cathedralem; quinto tradit, qua ratione Clerus Cardinalis sedem intra urbem ad S. *Maria* transfulerit; sexto declarat, Clerum primarium secedentem intra urbem suffecisse ad cultum Ambrosianæ Diaconum ex suo ordine cum XII Decanatis; septimo tradit, Diaconum Celsodem Titularem de Ordine Majore ante Seculum VIII sessisse in Ambrosiana; octavo remouentur obices *Puricellii*, ut probetur, Cardinalem illam

Pag. 117
seq.

35.

39.

31.

- lam Diaconiam sublatam haud esse, sed adhuc durare; *nono* & *decimo* consulantur fundamenta Monasterii, Diplomata *Tadonis* & *Agelberti*; *undecimo* Bullæ Pontificum laudantur, e quibus pateat, illum Diaconum Cardinalem quiete tenuisse Basilicam usque ad Seculum undecimum, artesque declarantur, quibus Monachi gradatim adfenderint ad ea, quæ in eadem Basilica obtinent, ante quos jam Diaconus ille Cardinalis, Presbyteri, imo Canonici, ibi exstiterint. *Duodecimo* Capite probatur dominium & antiquior origo Canonicorum ex duplici Concordia sub *Clemente III* A. 1191 & *Urbano VIII* A. 1630; *decimo tertio* docet Autor, cur ad hæc scribenda appulerit animum, monetque, adventu Monachorum Diaconum Cardinalem haud fuisse sublatum; *decimo quarto* disserit de origine omnium Præpositorum & Canonicorum in Urbe ac Dicecesi; *decimo quinto* ostenditur, *Landulphum primum* Præpositum S. *Ambrosii* adhuc A. 1094 appellari *Ordinarium S. Mediolanensis Ecclesie*; *decimo sexto* proferuntur certi quidam essentiae characteres, ut probetur, subesse titulo Præpositi S. *Ambrosii* idem Sacerdosium Majoris Ordinis, & Canonicos omnes ejusdem Basilicæ esse in Majorem Ordinem adoptatos; *decimo septimo* agitur de dignitate Præpositi S. *Ambrosii*; *decimo octavo* disseritur de Primicerio Majore. Subjunguntur Protestationes Autoris, Catalogus Imperialis Capituli S. *Ambrosii*, porro Diplomata *Sigismundi* & *Leopoldi* Imperatorum pro Imperiali Canonica S. *Ambrosii*. Primam templorum originem & sepulchris fluxisse, Autor tradit, & ædes S. *Ambrosii* extra muros collocat, Basilicamque veterem; at novam intra mœnia concludit. S. *Simplicianus* Notarios in Ecclesia Mediolanensi condidit, Lectores confirmavit. *Honorio* & *Arcadio* Imperatoribus, Italia tota ex XVII Regionibus composita, at in duas duntaxat provincias divisa fuit, quarum unam *Urbicam*, alteram *Italicam*, appellari placuit. Harum primam, Regiones decem complexam, moderabatur Papa, jure metropolitico; altera, quæ proprio nomine erat Provincia Italiz, septemque alias Regiones complectebatur, nempe Venetias, *Familiam*, Liguriam, Flaminiam, Picenum Anagninum, Al-

pēs Cottias, & utramque Rhetiam, tota obtemperabat Archiepiscopo Mediolanensi. *Athanasius* hoc sensu in *Ep. ad solit. vir.* Archiepiscopum Mediolanensem vocat *Italiæ Metropolitam*, ut videtur Nostro. *Puricellius* hic habetur pro fautore Monacensium, haud pro genuino Historico. Promittit Cel. *Sormanus Topographiam Mediolanensem*, in qua Diplomatum copia sit exstitura. Opus id ipsum ut mox prodeat, enixe omnino optamus. Annis 740, 776, 781, sederunt in Ambrosiana *titulares custodes Diaconi*, uti ex *Puricellio* ostenditur, eosque fuisse de *Ordine majori & Cardinali*, ex Tabula donationis ad A. 790 indicatur. Quo anno *Puricellius* Diaconiam illam Cardinalem desisse putat, Nostro admodum indignante. Hinc enarrantur jurgia Canonorum cum Monachis, & Diplomatum productis illustrantur. Fatetur quoque *Sormanus*, vitam canonicam initio regulæ fuisse adstrictam, & Canonicos in communi contubernio certis regulis vixisse una simul, more Fratrum, sub Prælati regimine. Seculo decimo Clerus per Italiam & Galliam uxores duxit, & undecimo pugnavit vi ferroque contra interdicentes. Cel. *Saxium* & *Sormanum* esse Canonicos Basilicæ Ambrosianæ honorarios, ibique Bibliothecæ præesse, ni aliunde nossemus, docemur pag. 142. Si nobis haud licet esse arbitris inter Viros, muniis & loco tam vicinos conjunctosque, id tamen indulgebunt Lectores, ut ex Dissertatione historica inelytissimi *Saxii* nonnulla quoque proferamus. Inprimis iste auctoritatem *Landulfi* una cum Cel. *Muratorio* fere pro nulla habet; *Sormanum* fallere, tradit, qui ex *Procopii Lib. I Cap. 1 de bello Gotico* conprobaturus fuerit, *Datium*, Mediolani Præfulem, Seculo sexto multa literis edidisse, cum *Procopius* toto suo opere de *Datii* scriptis nullam mentionem fecerit: munus *Notarii* Mediolani viguisse, antequam S. *Simplicianus* Episcopalem ibi sedem inierit; *Notarium* & *Acoluthum* satis differre, contra *Sormanum* monet; mitram Pontificalem, qualis est hodie, vix viguisse ante annum 1000 in Ecclesia, tradit; Chorepiscopos jam ante natales *Ambrosii* exstisse, uti ex canonibus Conciliorum pateat: ad IV usque Seculum omnes ecclesias fuisse æ-

quales,

Pag. 26.

30.

31.

33.

36.

113 seq.

114.

9.

10.

14.

17.

20.

- Pag. 22. quales, nullas exstitisse antea majores vel cathedrales; Basilicam Mediolanensem & veterem & novam intra urbem fuisse; 29. S. *Augustinum* intra urbem sacro latice imbutum; Canonico- 31 seq. Monachisimum a *Sormano* fingi; *Ambrosii* domum in urbe fuisse; Præpositum S. *Ambrosii* nondum esse in Metropolitanum Capitulum, licet id merito fieri possit, adoptatum; coronationes in templo Ambrosiano Seculis deinum seris ab Imperatoribus fuisse susceptas. Omittimus reliqua, memoratu dignissima, id facile odorati, diligentiam & perspicaciam ex scripto Cel. *Saxii* undique elucere, nec Lectorem moræ, scripto impensæ, pœniturum. Nolumus vero nobis arrogare disceptationem inter viros dissentientes longe celeberrimos. Nam non opis est nostra, tantas componere lites.

JACOBI VOORDA, JCTI, ET ANTECESSORIS Trajectini, Interpretationes & Emendationes Juris Romani; quibus accedit ejusdem Oratio pro Decretalibus Pontificum Romanorum Epistolis.

Trajecti ad Rhenum, apud Jo. Brædelet, 1735, 8.
Plag. 17.

Non heri demum aut nudius tertius innotuit in literaria civitate clarissimum *Jacobi Voorda* nomen, sed jam olim præclaro ad *Falcidiam legem* Commentario locum inter summa, quibus Belgium superbit, ingenia sibi vindicavit. Dedit hic nuper JCTus assidue lectionis fructum, varias novasque Juris Romani interpretationes pariter & emendationes. Dignum est omnino volumen, quod a nobis paulo consideretur accuratius. Cap. I examinat, quando lex cesset propterea, quod cessat ipsius ratio. Cap. II expuncto tō his rectam probamque esse tradit lectionem *Elorentinam* in l. 17 §. 1 π. de adoption. Cap. III nihil notandum esse in l. 15 §. 3 π. ex quibus causis majores, probat. Cap. IV, unde sui heredes dicti, inquirat. Cap. V ad l. 3 §. ult. π. si minor, fals. mod. dix. com.

commentatur. *Cap. VI l. 42 π. de condict. indeb. & an cesset hæc conditio in pœnis solutis?* explicat. *Cap. VII Casus, quibus idem individuum duobus suis existit hæres, proponit.* *Cap. VIII l. 1. §. 14 π. de cloacis levi scripturæ viro liberat.* *Cap. IX* nonnulla de optionis legato, cum ex antiquo, tum ex novo Jure assert. *Cap. X questioni, quomobrem in factum actio adversus mensores agrorum a Prætorē constituta sit perpetua?* respondet. *Cap. XI nova ratione rō suus pro suo hærede* explicat *l. ult. C. de curat. furios. & prodig.* *Cap. XII emendationes in l. 17 §. 18 π. de ædilit. edicto repudiat.* *Cap. XIII concordiam inter l. 37 π. de judiciis l. 5 §. 1 π. ad leg. Juliam de vi publ. & l. 1 C. de appellat. tentat.* *Cap. XIV* quasi agnationis species quatuor constituit. *Cap. XV, ei, cui argentum factum relictum est, supellectilem non deberi, quamvis nemini legatam, ostendit.* *Cap. XVI l. 16 seq. π. de consl. pecun. illustrat.* *Cap. XVII* lectionem *l. 1. π. ad leg. Jul. repetund. defendit, & l. 7. §. 1 eod. leviter emendat.* *Cap. XVIII §. 4. J. & l. 16 π. de injuriis, rejectis aliorum opinionibus, in concordiam reducit.* *Cap. XIX verba finalia l. 67 π. de solut. explicat, non reformat.* *Cap. XX* priores duas emendationes, quibus *l. 95 §. 3 π. de solut. subvenit, curatius defendit, rejecta tertia, cui novam substituit.* *Cap. XXI ex Novella Justiniani ad fidejussores omnes ipso jure extendit responsum Modestini in l. 41 pr. π. de fidejussl.* *Cap. XXII, an nepor, exheredato filio hæres scriptus, suus hæres existat avo, si uterque in potestate morientis fuit, interrogat.* *Cap. XXIII* capita Edicti quædam emendat. *Cap. XXIV l. 53 π. de R. J. illustrat.* *Cap. XXV* evincit, legata hæredi uni etiam aliter quam per præceptionem relictæ peti posse actione familiæ herciscundæ: & præceptiones aliis quoque actionibus recte peti jure tam veteri, quam novo. *Cap. XXVI, in hereditate fideicommissaria num quid inter sit, legatum hæredi ex parte scripto & hereditatem restituere rogato sit datum, an prælegatum?* indagat. *Cap. XXVII, idem huc in prælegatis & legatis, si hæres ex parte scriptus, cui in data sunt, repudiet hereditatem, obtinere, demonstrat.* *Cap. XXVIII etiam in prælegatis*

gatis regula: nemo a se potest capere, locum vindicat. Cap. XXIX duorum locorum sententiam, immutatis verborum interpunctionibus, restituit. Cap. XXX l. 86 π. ad legem Falcid. exponit. Cap. XXXI ex l. 110 §. 1 π. de R. J. actionem rei judicata nonnunquam quoque dari in procuratorem, concludit. Cap. XXXII variores participiorum quorundam notiones, indeque emendationem e. g. pr. π. de pœnis & pr. I. de emt. vendit. eruit. Cap. XXXIII, cur propositum primum nec omissum a Juliano sit Edictum de alienatione judicii mutandi causa facta, disputat, ejusque usum in Jure novissimo tradit. Cap. XXXVI pugnantes invicem l. 6 pr. & l. 8 π. condun. prædior. sistit. Cap. XXXV de variantibus quibusdam lectionibus fert judicium, ita, ut auctoritatem πᾶνδέρης Florentinæ limitet, & vulgatam in l. f. §. pen. π. quod legat. l. 14 pr. π. de interrog. in jure fac. l. 8 π. de condit. inst. l. 71 pr. π. de legatis I anteponat lectionem. Cap. XXXVI, non temere multiplicanda loca, quibus JCTi exponunt tantum, non probant, sententias aliorum, suadet, nec in hunc censum referri vult l. 5 §. 3 π. de rei vind. Cap. XXXVII usum, quem Jure novissimo fert l. 8 pr. π. de in offic. test. considerat. Cap. XXXVIII emendationem in l. 2 π. qui potior. in pign. reprehendit. Cap. XXXIX l. ult. C. de novation. illuminat. Cap. XL de lectione l. 11 π. de div. tempor. præscript. disceptat. Cap. XLI, quid juris sit, cum quis filium exheredaverit adjectis formulis; si quis mihi hæres erit; si hæres hæreditatem adierit; quisquis erit hæres &c. ex antiquitate repetit. Cap. XLII frequentem Interpretum senatum ad l. 33 π. de O & A in scenam producit. Cap. XLII l. 86 π. de acqu. vel. omitt. hæred. explicat & emendat. Cap. XLIV ad l. 1 C. de restitution milit. commentatur. Cap. XLV lectionem l. 3 & 4 n. de regula Caton. propugnat, & quid Catoniana ab illa distet, quam l. 29 π. de R. I. exhibet, regula, ostendit. Satis dictum videtur, ut appareat, tales inesse huic iibello tantique ponderis observationes, quæ a cultore humanioris Jurisprudentiæ nequeunt sine dedecore ignorari. Sed age, eligamus aliquot capita, ex quibus speciminis ostendamus loco, quam solide ubivis suas Cl.

Autor

Autor corroboret sententias. Neque illa diu nobis erunt in *questione*. Caput statim *primum*, quid de reliquis judicari debeat, ostendit, in quo quidem de eo sollicitus est Cl. *Voor- da, an & quando cesset lex cessante ipsius ratione?* Omnem octo regulis, vel, si mavis, annotationibus, absolvit tractationem: 1) Si plures sunt legis causæ, lex non cessat, quamdiu vel unica superest illarum; 2) Sin unica causa, ea cum tempore vel statu reipublicæ mutata, lex vigorem amittit suum; 3) Si unica illa ratio certis tantum casibus cesset, sæpe res incidit in scripti voluntatisque quæstionem; 4) In interpretandis legibus mens sola ferentis examinatur, non captantur verba; 5) Si cesset ratio, videndum, an simul sententia legis & constituentium voluntas cesset, quo quidem casu lex omnem vim, effectum, & potestatem, amittit; 6) Judicium præsertim ex ipsis legum verbis est faciendum, quibus si casus dubius nominatim & aperte comprehendatur, ulteriori voluntatis quæstioni nihil loci relictum est, & standum legis duriori licet sententia; 7) Si lex generatim scripta neque nominatim complectatur neque excipiat casum dubium, ex eo res pendet, num habeat locum in proposito, quod ferentes hac lege scribenda tentaverunt; 8) Quodsi illud deprehendatur, nec voluntas, nec sententia legis cessat, quamvis ratio locum non inveniat. *Cap. IV*, qui *sui hæredes* sint, examinat, & cum ipso Imperatore sacratissimo interpretatur *domesticos*, hac voce indigitari existimans, quicquid in patria potestate dominiove Quiritario est constitutum, v. §. 9. *l. de testam. ordin.* & *l. 6. pr. π. quod cuiusq. univ. nomen*. *Cap. XXII*, ad conceptum *sui hæredis* gradum pertinere proximum, affirmat, indeque nepotem, patre exheredato superstiti, *suum hæredem* esse non posse, contra *Goveanum, Cujacium, Fabrum, & Averranium*, contrariæ adductos sententiæ, evincit. Juris peritiam civilis potissimum *Cap. XXV — XXX* luculenter prodit, variasque ad intricatum de *legatis* caput spectantes quæstiones tanta enodat *ἀκριβείᾳ*, ut ipsum *Labeonem Trebatiumve* de jur. respondentes audire credas. Observationibus non inelegantem junxit *pro Decretalibus Pontificum Epistolis* Orationem, quæ leges illas summo laudat

Pag. 1.
2.

6. 7.

8.

13.
14. 15.

83 — 86.

91 seq.

opere, quippe 1) ad præsentem tunc rerum statum accommodatissimas, 2) salutis civium, id est, clericorum, inservientes, & 3) finis, quem intendebat legislator, respondentes ex asse. Quo animo cuncta scripserit Cl. Autor, statim apparet legentibus, ignorantibus vero adjectum Doctiss. *Hermkbuysenii* ostendit Carmen.

ORIBASII ANATOMICA, EX LIBRIS Galeni, cum Versione Latina JOANNIS BAPTISTÆ RASARII, curante GUILIELMO DUNDASS, cujus Notæ accedunt.

Lugduni Batavorum, apud Jo. Arn. Langerack, 1735, 4.
Alph. i plag. 16.

Quamvis, *Oribasium* omnia ad verbum fere ex *Galeno* descripsisse, constet; tamen, quoniam non pauca nunc in eodem extant, quæ in libris *Galeni* desiderantur, multa etiam congesta, & sub propria capita redacta & disposita repertiuntur, quæ non sine lectione plurima apud *Galenum*, ejusque Commentatores, quispiam collegerit, denique is & pure Anatomica tradidit, prætermisiss omnibus cum Sophistarum & sectatorum turba rixis & altercationibus, quibus *Galenus* sæpe nimium quantum insistit, nova editione is non indignus videtur. Quam cum curaturus esset Cl. *Dundass*, textum diligentissime cum *Galeno* contulit, unde plures annotationes textui & versionis subjectæ prodierunt. Idem etiam Autorem suum *Galenum*que cum libro MSto de ossibus ad tirones, X vel XI Seculi, Romæ abs se comparato, contendit, cui labori variæ non minus annotationes debentur. De musculis nihil dicere decreverat, quoniam Tractatum de musculis in editione *Charterii* ex *Oribasio* desumptum esse norat. Sed tot mendis erroribusque plenum epim deprehendit, ut operæ pretium putarit, denuo adire *Galenum*, emendationes ejus autoritate confirmaturus, lacunasque, si fieri posset, suppleturus. Quo factum est, ut Græcum textum quamplurimis in locis repur-

g rit,

garit, vel saltem posse emendari declararit, quoniam non omnia iple correxit. In versione *Rasarii* nihil mutavit, quamquam in ea non pauca sunt, quæ rectius verti possent. Quia enim non certum est, vitione ingenii, an exemplaris Græci, quo usus est *Rasarius* beneficio *Nicolai Sammichelii*, Novocomensis, in adornanda versione erraverit, ab emendatione abstinere satius putavit, præsertim quoniam in ipso codice *Sammichelii* rectius potuerunt esse scripta, quam in illo, cujus fidem secutus est *Morelius*. Quamvis & hoc incertum esse possit, librarium *Sammichelii* inspexerit *Morelius*, nec ne? Sane in versione *Rasarii* plura sunt, quæ lectionem ex *Galeno* ab Editore allatam confirmant, & si a *Rasario* non fuerint ex ingenii penu depromta, fidem libri *Sammicheliani* saltem in iis commendant. Quare, ubi versio *Rasarii* a Græcis *Morelianis* discedit, eam diversitatem pro lectionis Græcæ diversitate aliquando habere licet, & inde conclusiunculas, quæ textum sanent, expromere. Annotationes criticam textus *Oribasii* non minus, quam *Galeni*, aliorumque Scriptorum, præcipue Medicorum, emendationem respiciunt; quem in finem quoque ad calcem Operis observationes quædam temporales *Cel. Dunderkeri* extant, ad emendationem aliquot locorum comparatæ. Ut Lectoribus nostris de ratione Annotationum *Cl. Dundasi* eo rectius conslet, par earum sine ulla mutatione speciminis loco asseremus. Ita vero ille pag. 50 ad verba καὶ τοῖς ἀνὰ τρεῖς μύθοις: *Rasarius* videtur legisse ἀνὰ τρεῖς μύθοις. Vertit enim: & in iis, qui educantur. Quod fateor me omnino non intelligere. Si nostram retinemus, verti debet: & in iis, qui evertuntur, aut prosteruntur. Sed aque ignoro, quomodo hoc facere potest ad motum cerebri cernendum. An ἀνὰ τρεῖς μύθοις? Vox artis Chirurgica notissima. Utitur ea *Galenus* p. ult. laudat. & VII 457, & *Paulus Aegineta* edit. *Basil.* pag. 211 meminit ἀνὰ τρεῖς μύθοις & ἀνὰ τρεῖς μύθοις, ubi agitur de perforatione in capitis vulneribus. Superest, dum occasio fert, ut locum *Galeni* in eodem Tractatu de Instrumento odoratus p. ult. citat. apponam, quem parum intellexit *Charterius*, ut apparet ex versione ejus. Verba *Galeni* hæc sunt: ἔκον οἰσ-

θα χερῇ, καὶ μάλιστα ὅταν ὕπτιοι τύχωμεν, ὅλης νυκτὸς κα-
 τακείμενοι· φθάσει γὰρ ἀποπληξία τις, ἢ καίρος, ἢ ἐπιληψία,
 συνίστασι τῶν κοιτῶν αὐτῷ πληρωθεῖσάν. Id igitur creden-
 dum non est, praesertim cum supini tota nocte cubamus. Im-
 pediret enim, ne apoplexia, aut carus, aut morbus comitialis
 oppletis cerebri ventriculis, fierent. Ita Charterius vertit, cum
 verti debeat sine dubio hunc in modum: Id igitur creden-
 dum non est, maxime etiam, cum cubuerimus supini tota no-
 cte. Nam eo citius excitaretur, vel induceretur, apoplexia quae-
 dam, aut carus, aut epilepsia, oppletis cerebri ventriculis. Ad
 verba pag. 114 πύλας ἥπατος: Riolanus *Anthropograph.* II, 21,
 sic loquitur: Scribit Ruffus Ephesius, ex aruspicina observari
 in hepate, πύλας, καὶ τραπίζαν, καὶ μάχαιραν, καὶ ὄνυχον, quae
 in homine obscura sunt & incerta, ac nullius in Medicina usus,
 I, 28. Quid sit ὄνυχ, vix intelligitur. Sed, mendum subesse, depre-
 hendi ex Theophrasto *Protopatario* II, 2. Scribit, virum quen-
 dam ex eruditis Medicis istis lobis nomina haec imposuisse,
 τραπίζαν, ἑστῖαν, μάχαιραν, καὶ ὄνυχον, mensam, focum,
 cultrum, & aurigam. Ergo pro voce ὄνυχ apud Ruffum re-
 ponendum ὀνίχος. Notandum primo, legendum non ὀνί-
 χον, sed ἡνίχον, ut in edit. Morel. & Fabric. in *Bibl. Graec.*
 Deinde non temere mutandam esse vocem ὄνυχον apud Ruffum
 in ἡνίχον propter auctoritatem Scholiast. in Nicandr. *The-
 saur.* pag. 27, cujus haec sunt verba: Τραπίζαν καὶ πύλην, μέ-
 γη τιναῖ ἐστιν ἐξημμένα τῷ ὕπατος, ὡς περ καὶ ὄνυχ, καὶ μά-
 χαιραν, καὶ κέντρον. Locum hunc adducit Stephanus in *Thesauro*
Ling. Graec. v. ὄνυχ, ubi recte exhibetur ἥπατος, non ὕπατος,
 ut in edit. Morel. Paris. 1557, quam hic secutus sum. Huc
 pertinere videtur locus Artemidori *Onciocr.* I, 46: ἥπαρ δὲ
 τέκνον, καὶ διόν, καὶ Φερτίδας. Hepar vero filium, & victum,
 & curas, vertente Cornario. Crediderim, Cornarium legis-
 se βλον, non διόν. De hac tamen diversitate flet Rigaltius. *Vid.*
Sam. Petiti Misc. VII, 1, ubi Alcæi locum tentat emendare
 apud Athen. *Deipnosophist.* Locum ita habet: ἐκ δὲ ποτηρίων πώ-
 νης δινομένην παρίσθον. Aliam conjecturam facit Calaubonus,
 quem vide. Judicent peritiores, utra sit melior. Sufficit no-
 bis,

bis, quod οὐζ interdu[m] poculum quoddam significet, & ad mensam satis commode referri possit.

FRIDERICI HOFFMANNI MEDICINÆ
Rationalis Systematicæ Tomi quarti Pars tertia, de-
Urinam spasmodicorum & convulsivorum morborum
perspicua & demonstrativa methodo tradens.

Halæ Magdeburgicæ, in officina Rengeriana, 1734. 4.

Alph. 3 plag. 16.

Magnas omnino immortalesque Illustri Autori debemus gratias, quod, cum ea, qua nunc est, ætate satis provecta & gravi, compluribus aliis negotiis haud parum distrahatur, nihilo tamen secius de posteris & universa Medicorum familia bene meriturus, tempus a reliquis curis vacuum in elaborando & magis magisque ad umbilicum deducendo præstantissimo Medicinæ Systematicæ Opere pro sua virili collocet, atque novo nunc rursus *Tomo* non minimam morborum, eorundemque & explicatu & curatu perquam difficilium, particulam explanet. Qua quidem re quemadmodum artem medicam a variis erroribus, atque vocibus etiam, quæ nihil prorsus significant, & nec intelligi, nec explicari aliis, queunt, repurgare, sanitatisque & morborum cognitioni majus lumen accendere, & planam ad tutas, faciles, & efficaces, medicationes viam aperire, &, ut paucis rem complectamur, Medicinam magis certam, claram, & fructuosam, reddere contendit; ita id jure suo consecutus est, ut, quod de *Virginio Rufo Plinius* prædicat, gloriæ suæ supervixisse, ac posteritati vivus interesse, videatur. Id certum nobis est exploratumque, hunc ipsum *tertium Partis quartæ Tomum* reliquis esse nec doctrinæ gravitate, nec remedium præstantia, nec ulla laude, quæ istos tam commendabiles per universam fere Europam reddidit, secundum. Sisit ille *duabus Sectionibus* morbos atroces convulsivos, qui vel universum corpus occupant, vel certas

tantum partes infestant. . . Principatum ex iis tenet Epilepsia. Quando enim contingit, ut sanguis crassus vel etiam copiosus intra duræ matris sinus consistat, motus illius systalticus, & ab eo pendens regressus ad cor, facile impediri solet, & hinc major, quam par est, sanguinis per arterias advehi copia ibidem congeritur, ut tunc non amplius subtilissimæ æthereæ particulæ, sed rudiores aqueæ & aëreo-elastice magis expansivæ indolis, quæ sensus & motus omnino turbant, in cerebri ac nervorum tubulos deriventur. Ab hoc autem sanguine in sinibus duræ matris & venis jugularibus subsistente, vasa nimium dilatantur; hinc nervosæ fibræ comprimuntur, indeque strictura spasmodica in nervosa hac membrana generatur, quæ proxima & princeps mali epileptici causa a Nostro habetur. Quoniam enim ita tenuissima piæ matris arteriosa vascula & corticalia cerebri substantia nimis comprimuntur, inde fit, ut præter voluntatis imperium fluidum illud subtilissimum nerveum copiosius & majori impetu in cerebrum & nervorum tubulos influat. At vero dura mater omnium Anatomicorum consensu reliquarum membranarum radix & principium est, & arcum propterea cum ipsis alit consensum. Ac proinde mutuo inordinatæ illæ commotiones communicantur. Quoniam vero auctiori duræ matris spasmo nervi potissimum, qui ad sensoria feruntur, fortiter constringuntur, ut omnis fere liquidi tenuissimi influxus intercipiatur, in completa & perfecta epilepsia omnes, tam interni, quam externi, sensus cessant. Contra vero ad organa motoria major atque vehementior fluidi hujus mobilissimi fit impulsus & influxus; & hinc terribilis illa artuum & musculorum distensio, contractio, succussio, & agitatio, est deducenda. Præterea vero constat, par nervorum octavum, quod & vagum dicunt, ex cerebro ad præcipua interna viscera, partesque nerveas, ad motum & sensum præstandum aptas, ramos suos dispergere; in quos dum fluidum nerveum majori nisu & vehementiori impetu influit, partes quoque illæ sub paroxysmo in motuum præternaturalium & violentorum consensum rapiuntur. Hinc cor palpitat, artæriæ celeri & inæquali micant motu, respiratio fit suspiciosa cum sibilis,

bilo, salivæ fluunt ex ore, vox perit, murmuræ & borborygmi in abdomine sentiuntur. Ad malum hoc itaque sanandum opus est, ut causæ remotiores emendentur atque corpore proscribantur, simulque vehementior duræ matris & partium nervosarum spasmus mitigetur, cum per sedativa, quæ motus effrenes & impetuosos componunt, tum roborantia, quæ ad imbecillitatem & atoniam ab atrociam spasmorum relictam, unde novo paroxysmo ansa subministratur, tollendam valent. Inter externa remedia ad compescendos motus effrenes comparata refert imprimis linimentum quoddam, longo usu comprobatum. Facilis nunc & explicita erit motuum convulsivorum ratio, quæ in simili valida & violenta strictione membranarum, quæ spinalem medullam ambiunt, & inde productarum partium, consistit. Quas percuraturus, causas materiales, quæ malum sustinent, corrigat, ad exitum præparet, & tandem e corpore eliminat, violentas & irregulares partium nervosarum motiones mulceat, & denique, ne more suo recrudescant, genus nervosum roborat. Motuum vero spasmodicorum vagorum causa refertur ad strictionem spasmodicam earum potissimum membranarum, quæ juncturas & articulos nostri corporis invellunt; ex quibus vero lege consensus ad universum nervorum genus, hinc etiam membranas cerebri atque medullæ spinalis nerveas, sæpissime propagatur. Hinc & eadem fere hic agit Medicus, ut scilicet materiam subtilem venenatam, quæ tantos in systemate partium nervosarum ac membranacearum excitat tumultus, emendet, & evacuet, impetuosas partium harum motiones sedet, causas & sordes crassiores, quæ malum sustentant, perennemque fomitem subministrant, tollat, partium denique infirmarum robur, ne morbus redeat, renovet. Qua occasione Autor itidem linimentum quoddam collandat. Gravis & rari morbi cataleptici causa collocatur in liquidi tenuissimi influxu in nervos, motibus voluntariis sensibusque destinatos, ob fibrillarum nervearum in sensorio communi, medulla scilicet oblongata, spasmodicam constrictionem intercepto; cum e contrario in nervos actibus vitalibus & automaticis dicatos is ipse naturalis, quin imo ex parte impetuosior, existat,

Cap. II.

IV.

Cap. V.

stat. Unde omnis medendi ratio & ad spasmodicas fibrillarum nervearum stricturas laxandas, & causas materiales sive mediatas prudenter removendas, redit. Malum hyssericum in hanc morborum familiam quoque adscribitur, cujus primam originem utique ab utero, ejusque membranosa & vasculosa substantia, & vasis eo pertinentibus, inprimis spermaticis petendam esse putat. Quarum partium spasmodicæ constrictiones postea nervos vicinos ossis sacri & lumborum petunt, & ob consensum totius medullæ spinalis a partibus inferioribus ad superiores sensim se propagando nerveas membranas paulatim pervadunt. In ipso proinde paroxysmo mali ferocia internis externisque placetur, ubi inprimis pilulæ antispasmodicæ quædam ab Autore prædicantur. Extra paroxysmum primæ viæ expurgentur, serum vitiosum liberrima perspiratione educatur, spasmiq; & convulsivi motus sepiantur, menstruus fluxus in ordinem redigatur. Ad extremum incomparabilem conjugii virtutem ad expugnandum hoc malum Autor extollit.

VI.

Idemque recte contendit, malum hoc longe diversum esse a malo hypochondriaco, cujus causa repetitur a motus peristaltici ventriculi & intestinorum præternaturali constitutione, & tali quidem, ut is partim & in uno loco dejectus atque destructus, partim atque alio in loco intensior, & passim inversus, id est, ab inferioribus ad superiora tendens, existat, adeoque resolutio, & distensio spasmodica simul, sed diversis in locis, adsint. Id propterea agendum, est, ut amurca flatulenta non minus, quam sordes cujuscunque generis, emendentur, & per alvum exturbentur, spasmi consopitis inversus ventriculi & intestinorum motus peristalticus in naturalem redigatur ordinem, isque languidus corroboretur, ut, cibus recte digestis, chylus reliquique humores generentur boni & spirituosus, stagnantes succi discutiantur, circulus sanguinis, uti per abdomen, ita etiam per universum corpus, æqualis restituatur, succique, auctis per urinam & cutem excretionibus, ab omni acrimonia repurgentur, denique toti partium nervosarum systemati novum robur concilietur.

Sect. II.

Cap. I.

Inter spasmos & convulsiones particulares, de quibus in *altera Sectione* agitur, primum tenet locum

cum cordis palpitatio. Ad eam perficiendam semper requiritur ex mente Autoris, ut 1) cordis ventriculo dextro infensum quid, quodcunque fuerit, inhærescat, 2) major & impetuosior fiat fluidi nervei ad nervos cardiacos influxus, & 3) propterea naturali major ac summe violenta musculi cordis subsultatio atque contractio insequatur, quæ sæpius atque celerime continuata non prius cessat, quam expulsum fuerit inimicum, & remotum impedimentum, 4) ut tam violenta agitatione cor e sede sua, quoniam liberum est, pendulumque, dimoveatur, ac 5) non raro ad sinistrum maxime latus protrudatur, quoniam a dextro latere ad sinistrum fit impellus, ut 6) denique humorum per arteriarum vasa irregularis sit progressus, quin interdum plane per aliquot minuta cesset. In curatione eo respiciendum est, ut nimia commotio partium fibrosarum & nervearum cordis & vasorum apte sopiatur, ad sanguinis stasim circa cor & pulmones avertendam, ejus affluxus revocetur, circulusque reddatur liberior, causæ demum, quæ malum sustinent, extra paroxysmum tollantur. Varia esse solent asthmatis genera, ex quibus sanguineum generatur, quando sanguinis & humorum massa majori copia & impetu ad cordis dextrum ventriculum irruit, majori quoque copia ad ramos vasorum pulmonalium congeritur, qua vis aeris inspirati elastica ob sanguinem nimium resistentem minuitur, atque ideo sanguis, qui non satis vegete propellitur per venam pulmonalem, in hujus ramulis consistit, atque novus ille, quem cordis perpetuus pulsus affert, vasorum ramos distendit, dilatatur. Unde spirandi difficultas, summa anxietas, cordis tremor ac palpitatio, cum pulsu inæquali, parvo, celeri & frequenti, suam habent originem. Asthma spasmodico - flatulentum oritur, quando, ventriculo flatibus expanso, diaphragma proxime incumbens male se habet, ejusque liberior motus impeditur, atque hinc etiam pulmonum naturalis expansio coercetur. Præterea sit sæpius, ut spasmo constringatur septum illud nervosum, atque hinc oesophagus, qui illud perforat, coarctetur, ut nullus erupturis vaporibus pateat exitus. Asthma convulsivum fit a spasmodica tunicæ nervosæ septi transversæ,

Cap. II.

M m m

mem.

Cap. III.

IV.

V.

VI.

membranacearum in musculis intercostalibus partium, maximeque membranarum, quæ cellulas pulmonales investiant, constrictione. Cujuscunque autem fuerit generis asthma, in eo curationis cardo verti videtur, ut spasmodicæ pectoris atque partium ad respirationem necessariarum strictionis sopiantur, humores ad externum corporis habitum, partesque inferiores, deriventur, & eorum circuitus æquabilis restituatur, causæque remotiores depellantur. Tussis rhevmatica & convulsiva debetur vellicationi, indeque excitatæ affectioni spasmodico-convulsivæ ductuum bronchialium, sub qua si ab infima ad superiorem partem vehementius contracti contentum aerem cum impetu & celeritate sursum agunt, simul peregrini quidpiam expulsi. Qua ex causa materia vitiosa corrigatur, ut ad excretionem idonea evadat, atque expectoratio, si opus fuerit, promoveatur; affluxus seri a præcordiis avertatur, & ad alia magis congrua excretoria organa derivetur, motus, si fuerint effrenes, componantur, imbecilliorumque partium robur instauretur. In singultu septum transversum contrahitur, & vi consensus motus quoque connexarum partium inde consequuntur. Omnia autem ea vehementer & velocissime contingunt. Concussio itaque velocissime septo, concutitur quoque gula & stomachus citissime; hinc aeris perpetim a nobis deglutiti portio intra gulam comprehensa, magno impetu sursum per integrum propellitur œsophagum, & tandem in palato fornicato singultuosum illum edit clangorem. Omnis rursus Medici in curando malo cura est, ut motus præternaturales spasmodico-convulsivi mitigentur, causæ materiali removeantur, & partes affectæ atque debilitatæ roborentur. Spasmi pharyngis referuntur ad hujus musculos; inferioris autem gulæ spasmi ad tunicam, qua investitur, musculosam, ejusque fibras orbiculares æque ac longitudinales, violentius contractas, & cum sui mitigationem, tum causarum remotionem, iidem postulant. Vomitus consistit in ventriculi motu convulsivo. Scilicet, quando pylorus cum annexo duodeno, pariter atque anterior & inferior ventriculi portio portio, contractis violenter fibris longitudinalibus & circularibus ad

ad superius orificium, contrahuntur, contenta ipsius ad hoc applicantur, &, continuato a tergo spasmī impetu, in œsophagum per vim propellantur, &, motu illo perverso per totam gulam propagato, ad os feruntur & eructantur. Nunc denuo opus est, ut motus ille ventriculi convulsivus placetur, & causæ materiales superentur. In dysenteria motus peristalticus, ad summum convulsione gradum, ob humorem quendam acerrimum causticum, qui tunicas intestinorum sine intermissione vellicat, & irritat, augetur & exacerbatur. Quamobrem materia illa contemperetur, & per emunctoria idonea evacuetur; truculenta intestinorum tormina & feroces spasmī leniantur; ipsi deum intestinorum substantiæ vel exulceratæ vel debilitatæ succurratur. Cholera & diarrhœa biliosa motibus convulsivis ventriculi & intestinorum, ob causticam materiam, quæ nerveas tunicas irritat, excitatis absoluntur. Unde & eadem medendi via est, ut materia illa acris contemperetur, emendetur, &, si opus fuerit, arte proscribatur, effrenes motus placentur, destructum nervosarum partium robur reparetur. Abortus convulsione uteri peragitur, cujus causam perpetuam præternaturalis placentæ avulsio constituit. Avulsis enim secundinis non aliter fieri potest, quin vasa uterina cruore turgida distentaque copioso, hunc per hiantes ductus & patula orificia in matricis effundant cavitatem, qui, cadavere latera arvi muliebris premente, variisque molestiis vexante, carneas ad motus spasmodico-convulsivos irritant fibras, aut eos jam præsentibus adaugent, quibus constrictus & ab omni latere pressus uterus, aperto interno orificio expellit primo contentum cruorem, & fluidum, & stagnando in grumos concretum, ipsamque tandem, ampliori facto foramine, cadaveris sarcinam. Quicquid hic valet ars medica, in eo est positum, ut imminensem abortum avertat, eoque consilio & causas, quæ pravam abortiendi dispositionem utero inducunt, amoliat, & robur utero debitum restituat. * Atque hos quidem morbos Illustris Autor *tertio* hoc *Tomo* pertractavit. Quoniam vero complures adhuc supersunt, simili ratione explanandi, quorum enarrationes in maximo desiderio omnes, quotquot artem medi-

Cap. VII.

VIII.

IX.

cam amant, expectant, id, quod semel iterumque precati sumus, denuo nunc publico nomine precamur, ut eidem & vita, & virium integritas, & otium, suppetant, quo, Operi præstantissimo ultimam manum impositam primo quoque tempore gaudere queamus.

PSYCHOLOGIA RATIONALIS, METHODO scientifica pertractata, qua ea, quæ de anima humana indubia experientiæ fide innotescunt, per essentiam & naturam animæ explicantur, & ad intimiorem naturæ ejusdem autoris cognitionem profutura proponuntur; Autore CHRISTIANO WOLFIO, Potent. Suec. Regis, Hass. Landgravii, Consiliario Regiminis, Math. ac Phil. in Acad. Marburg. Profess. Primar. Profess. Petropolit. honorario, Academiæ Regiæ Scient. Paris. Societatumque Regiar. Britann. & Boruss. Membro.

Frankfurti & Lipsiæ, in officina Rengeriana, 1734, 4.
Alph. 3 plag. 21.

Propositum Cel. Autoris ex ipso titulo abunde innotescit, quem ideo integrum huc apponere nulli dubitavimus. Dividit autem totum hoc Opus in *quatuor Sectiones*, quarum *prima* de anima in genere, & facultate cognoscendi in specie, *secunda* de facultate appetendi, *tertia* de commercio inter mentem & corpus, *quarta* denique de variis animæ attributis, spiritu in genere, & animabus brutorum in specie, agit. Præmittit Prolegomena, in quibus definitionem Psychologiæ rationalis tradit, de methodo, quibus tractari debet, & demonstrandi principiis, quibus utitur, differit, denique ejus possibilitatem & utilitatem evincit. Sed, missis hæc, ad ipsam tractationem statim digrediamur.

Sect. I Essentiam atque naturam animæ declaraturus, primo loco
Cap. I. adstruit ejusdem simplicitatem, unde deinde infert ejus a corpore

pore diversitatem, Materialismo everso. Eo fine in actum apperceptionis inquit, vi cujus anima & perceptionis suæ, & eorum, quæ percipit, sibi conscia est, resque perceptas extra se sibi repræsentat. Ostendit enim, hunc actum in machinam, qualis est corpus humanum, non cadere, nec per materiam & motum explicari posse, immo eundem producendi vim corpori nulli posse communicari. Hinc porro evincit, animæ competere vim quandam, eamque unicam, & a vi motrice prorsus diversam, qua actuantur in eadem omnia per facultatis ipsius possibilia juxta legem facultati unicuique peculiarem. Docet nimirum, facultates animæ non inesse, nisi quatenus vis eidem inexistat diverso modo modificabilis, nec concipi debere instar entium diversorum, quæ actu dantur in anima, & perdurant, & quæ per actiones & passionem, quas ab ipsis proficisci observamus, modificantur. Tandem demonstrat, vim, quæ animæ inest, esse universi hujus repræsentativam, sed limitatam materialiter situ corporis in universo, formaliter constitutione organorum sensoriorum ejusdem corporis. In hac vi consistere essentiam animæ, quatenus ad tales potius, quam alias, perceptiones, tali potius, quam alio, modo actuandas restringitur; naturam vero ejusdem, quatenus perceptiones seu repræsentationes istæ actuantur. Unde in anima naturale est, quod vi ista actuari potest, consequenter per eam intelligibili modo explicabile; aut supernaturale, aut, si mavis, miraculosum, quod, cum sit in anima possibile, ubi absolute spectatur, per eam tamen actuari nequit. Ceterum observat, ex vi ista in se spectata tantummodo rationem reddi in genere actualitatis perceptionum ac appetituum, ex legibus vero, quibus adstringitur, earundem reddendam esse rationem specialem. Notandum autem est, legem sensationum continere determinationes essentielles animæ, ut adeo sensationes inde deducantur, quatenus essentiam animæ non concipere licet absque lege sensationum. Evincit Cel. Autor similitudinem idearum sensuallium cum objecto, quod repræsentant: unde porro deducit, quod non repræsentent nisi figuras, magnitudines, situs, atque motus: quæ quatenus percipiuntur, illæ distractæ sunt, quate-

Cap. II.

Cap. III.

nus vero a se invicem non distinguuntur, illæ confusæ evadunt. Esse autem diversos admodum confusionis gradus, prouti plures ideæ confusæ in unam coalescunt, antequam perveniatur analysi perfectæ, quæ in hominem minime cadit, ad elementorum seu substantiarum simplicium intrinsecas mutationes, quæ proprie sunt id, quod per ideas sensuales repræsentatur. Docet hic Ill. Autor, quomodo oriatur idea extensionis, continuitatis, spatii, vis motricis, vis inertiae. Expendit deinde ideas materiales, sensualibus respondentes in corpore, quæ in motu quodam per fibrillas nervorum sensoriorum ad cerebrum propagato consistunt, ac ex iis rationem reddit tam specificationis, idearum sensualium, quam claritatis, distinctionis, confusionis, & obscuritatis earundem. Agit quoque de singulis sensibus in specie, ac imprimis explanat modum, quo tactus vicarium visus agere possit. Facultatem imaginandi hinc derivat, quod vis repræsentativa, quæ animæ inest, non modo tendat ad repræsentandum universum quoad statum præsentem, verum etiam quoad status præteritos: Ostendit nimirum, singulas ideas sensuales & phantasmata (quæ sunt ideæ vi imaginationis productæ) involvere omnes status mundi anteriores, & respectu ejus status, quem clare repræsentant, futuros, ut singulis insint infinita, diverso quidem involutionis modo. Animam continuo producere ideam totius universi, non modo quoad statum præsentem, verum etiam quoad omnes præteritos atque futuros, sed pro diversa dependentia status præsentis a præteritis, & futurorum a præsentem, continuo diversam. Eam in somno esse totaliter confusam; dum vero vigilamus, animam eandem intueri, quatenus nonnulla, quæ eidem insunt, clare percipit, intuitu hoc per ipsam animæ essentiam limitato. Quoniam vero etiam phantasmatis suæ respondent ideæ materiales in cerebro, imaginationem quoque materiale in corpore explicat Noster, ac inde multa deducit, quæ inter locum habet dependentia legis imaginationis a lege sensationis, & idearum sensualium in phantasmata mutatio. Non commemoramus ea, quæ de diverso animæ statu in vigiliis, somno, atque somnio, tradit Ill. Autor. Similiter silentio præter-

præterimus, quæ de memoria tam sensitiva, seu animali, quam intellectuâli, tum quatenus animæ, tum quatenus corpori in-
existit, copiose docet. Progrediamur statim ad facultatem
cognoscendi superiorem, cui intellectus est nomen. Postquam
hic Cel. Autor explicavit, quæ ad attentionem & reflexionem spe-
ctant, ex vi representativa universi, qualis in anima datur, sin-
gulas intellectus operationes deducit, quarum nullam eadem
superiorem esse demonstrat, simulque ostendit, quomodo o-
perationes intellectus mechanice represententur in corpore,
& quidem per ideas materiales vocabulorum in cognitione
symbolica. Præterea multa tradit ad notionem intellectus
intimius perspicendam necessaria. Ita probat, syllogismos
primitivos non dari nisi categoricos, hypotheticos, & disjun-
ctivos, & rationem reddit, cur ex eorum numero eximat mo-
dâles, tantopere a Scholasticis celebratos. Docet, cur ani-
ma etiam in somnio operationes intellectus edere possit, velu-
ti judicare & ratiocinari, cur læsa memoria facultas ratioci-
nandi lædatur, & judicium imbecille reddatur. Explicat mo-
dum, quo animæ insunt notiones universales, & hinc ratio-
nem reddit, quænam eidem inesse possint. Nec minus expo-
nit modum, quomodo status præteritus & futurus ex præsen-
te colligatur, & coexistens unum ex altero innotescat, & quo-
modo perceptiones in aliis involutæ per ratiocinium evol-
vantur. Reddit etiam rationem, cur intuitus ideæ universi,
quæ continuo in anima existit, & cum ideato suo easdem con-
tinuo subit mutationes, necessario sit limitatus. Ad ratio-
nem hominis digressus, primum ejus considerat objectum,
quod nonnulli pro ipsa ratione habent. Docet igitur, cog-
nitionem universalem ideo possibilem esse, quia determinatio-
nes essentielles diversis entibus communes insunt, & verita-
tes universales connecti vi similitudinis essentialis dependen-
tiæ rei a se ipsa & mutux dependentiæ rerum a se invicem
quoad modificationes. Veritatem propositionis perspicit per
nexum cum veritatibus aliis universalibus, & hunc palam fieri
per demonstrationem, quæ etiam manifestet veritates univer-
sales, cum quibus alia quædam connectitur. Falsitatem pro-
positio-

positionis perspicui per repugnantiam cum veritate aliqua universali, & per nexum cum ea, quæ veritati cuidam universali repugnat. Hisce præmissis, probat, ens esse rationale, quod ad veritatum universalium nexum perspicendum per essentialiam & naturam suam aptum est, & rationem vim repræsentativam universi, qualis in anima nostra datur, non excedere, adeoque animam per ipsam essentialiam atque naturam suam esse rationalem. Multa tradit de usu rationis. Demonstrat, eundem præsupponere omnes mentis operationes & notiones universales determinatas. Quo plures istiusmodi notiones in promptu sint, eo ampliorem eundem esse, &, quo eas magis familiares quis experitur, eo promptius eundem sese exercere. Reddit deinde rationem, cur usus rationis homini non connascatur, sed demum acquiratur; cur infantes usu rationis destituantur; cur is per usum sermonis facilitetur atque amplificetur, absque sermonis usu vero vix concedatur. Denique demonstrat, usum rationis in corpore sese exercere per ideas materiales vocabulorum, eundem a memoria dependere, ac ideo hac læsa imminui, immo prorsus amitti, per causas materiales ipsamque senectutem, nec ulli hominum in omnibus competere posse, accurate definitis casibus, in quibus conveniat. Ultimo tandem loco probat, nec ingenium, quatenus sumitur pro facilitate observandi rerum similitudines, vim repræsentativam universi, qualis in anima datur, excedere, & in corpore a constitutione cerebri dependere, hincque læso cerebro & ipsum lædi, iisdem causis materialibus ingenio noxiis, quæ memoriæ nocent. Omnibus istis evidenter evictis, monstrat, ipsam quoque artem inveniendi, quam summam intellectus perfectionem in homine esse constare, vim illam repræsentativam universi, qualis in anima datur, non excedere, in corpore vero eandem consistere in excitatione idearum materialium in cerebro operationibus animæ convenienter facta.

Sect. II

Cap. I.

Facultatem appetendi explicaturus III. Autor, probat, in omni perceptione præsentem adesse conatum mutandi perceptionem, quem percepturitionem vocat. In hujus directione consistere facultatem appetendi, quatenus & appetitionis & aversionis actum sub

sub se comprehendit. Appetitione nimirum dirigi percepturitionem in perceptionem prævisam; aversione vero in partem contrariam perceptionis prævisæ. Explicat igitur, quæ ad prævisionem perceptionum intelligendam necessaria sint, & ut intelligatur ratio, cur percepturitio in perceptionem prævisam potius dirigatur, quam in partem contrariam & contra, aut cur neutrum horum sequatur, demonstrat, percepturitionem in eandem dirigi, si eidem jungatur idea voluptatis, ab eadem averti, si idea tædii vel molestiæ eidem adhaereat. Explicat porro, quomodo conatus producendi perceptionem prævisam in anima sese exerat, & quantum a corpore pendeat, atque demonstrat, voluptati pariter atque tædio sive molestiæ extraordinarium quendam motum sanguinis & fluidi nervei in corpore respondere, appetitioni vero motum corporis & organorum ipsius, quibus is obtinetur ejus in universo situs, in quo perceptioni prævisæ locus esse potest, & aversioni conatum impediendi motus corporis & organorum ipsius, quibus obtinetur illius situs ad prævisam perceptionem necessarius, ubi vi ad eosdem impellitur, atque motus contrarios, quibus impeditur, ne perceptioni prævisæ sit locus, nisi eam cessare constet, omissis motibus ad situm corporis, ad eandem requisitum, immutandum necessariis. Oslendit vero simul, quomodo appetitus sensitivus cum aversatione sensitiva ex vi repræsentativa universi, qualis in anima datur, oriatur, & quod utrique in corpore respondeant motus sanguinis ac fluidi nervei, utrumque actum prodant vultus, gestus, atque vox. Affectus esse conatus vehementiores, producendi perceptiones prævisas, vel impediendi, quo minus producantur, & ex vi adeo repræsentativa universi, qualis in anima datur, enasci. In affectibus jucundis conatum enasci ex multiplicitate tendentiarum ad diversas perceptiones prævisas, adeoque appetitum esse confusum; in molestis oriri vehementiam ex multiplicitate conatum impediendi diversas perceptiones prævisas, adeoque aversionem esse confusam. Hinc intelligitur, unde sit vehementia conatus in affectibus mixtis, & cur per eos in appetitu sensitivo actus quidam confusus oriatur, qualis in simplicibus

locum non habet. Dum anima affectibus commovetur, conatibus producendi vel impediendi perceptiones prævisas convenientes motus in corpore observari, ac confusam sanguinis & fluidorum in corpore commotionem iisdem necessario respondere. Ex principiis istis demonstratur definitio realis tam appetitus sensitivi, quam aversionis sensitivæ. Ille nimirum est conatus producendi perceptionem prævisam, quatenus determinatur per ideam boni confusam, isti adhærentem; hæc vero est conatus impediendi, ne perceptioni prævisæ in nobis sit locus, quatenus determinatur per ideam mali confusam, isti adhærentem.

Cap. II. Quoniam voluntas seu appetitus rationalis determinatur per notionem boni, noluntas seu aversio rationalis per notionem mali distinctam; hinc simul patet, quid voluntas sit, quid noluntas, nec difficulter porro intelligitur utriusque dependentia a vi universi repræsentativa, quam clarissime **III.** Autor demonstrat. Ut vero legis appetitus ratio pateat, simulque constet, eam in vi repræsentativa universi rationem sui sufficientem agnoscere, probat evidentissime, animam per essentiam & naturam suam bonum appetere, malum aversari, seu generaliter ad illud appetendum, hoc aversandum, esse determinatam. Inprimis autem clarissime ostendit, appetitiones & aversiones eodem modo dependere a sensationibus, quocunque tandem modo sensationes a corpore dependeant; libertatem vero animæ a dependentia sensationum a corpore esse prorsus independentem. Non tamen negat, libertatem influere in seriem perceptionum, seu ad eas determinandas concurrere, quin potius ostendit, quomodo hoc fiat. Demonstrat quoque, quomodo libertas a ratione pendeat, & quomodo in unaquaque anima insit perceptionum quædam series appetitionibus & aversionibus interpolata, quæ diversa est a serie perceptionum animæ cujuscunque alterius, sive perceptiones ipsas, sive interpolandi modum, spectes. Atque ita tandem concludit, viam repræsentativam universi, qualem animæ competere, negare nemo potest, esse sufficiens Psychologiæ rationalis principium.

Sect. III

Cap. I. Noto notius est, tria hodie celebrari systemata explicandi commercium inter mentem & corpus, nimirum systema in-

fluxus

fluxus phyſici, ſyſtema cauſarum occasionalium, & ſyſtema harmoniz præſtabilitæ. Singula Ill. Autor diſtinctè explicat, & cum theoria de anima, *duabus Sectionibus* anterioribus tradita, in coocordiam revocat: quod ut rectius fieri poſſit, de ſyſtematibus iſtis, hoc eſt, hypotheſibus Philoſophorum, quas excogitarunt ad reddendam rationem commercii inter animam & corpus intercedentis, in genere nonnulla præmittit. Docet igitur, quænam in iſtiusmodi ſyſtemate ſumi poſſint, unde concludatur ejusdem falſitas; quod libertatis notio ab omni ejusmodi ſyſtemate ſit prorfus independens; quod in omni ſupponatur, animam & corpus in modificationibus ſuis ita a ſe invicem dependere, ac ſi anima vi ſua produceret motus voluntarios in corpore, & corpus vi ſua produceret perceptiones rerum ſenſibilem in anima; quod in gratiam iſtiusmodi ſyſtematis nihil immutandum ſit in Philoſophia practica; quod detur harmonia mentis & corporis, hoc eſt, perceptiones animæ ſint explicabiles per mutationes in corpore contingentes, & motus voluntarii in corpore per volitiones ac nolitiones, vel etiam appetitiones & averſiones ſenſitivas animæ; quod hæc harmonia ſupponatur in omni ſyſtemate; quod nullum ſyſtema Scripturæ ſacræ adverſari poſſit, niſi eidem admilceantur errores, qui abeſſe & poſſunt, & debent; quod Theologus hac in parte Philoſophis libertatem ſuam illæſam relinque poſſit; quod theoria anterior de anima nullum horum ſyſtematum ſupponat; quod Materialiſtæ & Idealitæ nullo iſtiusmodi ſyſtemate indigeant; quod nullum ſit ſyſtema ei, qui negat, ſe noſſe modum dependentiæ mutuz animæ ac corporis in modificationibus ſuis, vel qui, cum ſumat, animam in corpus, corpus in animam, agere, modum tamèn agendi ignotum eſſe affirmat. Syſtema influxus phyſici explicaturus, primo omnium loco oſtendit, quid ſit influxus phyſicus, quem dicit translationem eſſe cujuſdam realitatis ex una ſubſtantia in alteram, quæ huic ante non inerât. Unde ex numero Influxioniſtarum eximit, qui animam & corpus modo nobis ignoto in ſe invicem agere affirmant. Poſtquam influxum phyſicum ſufficienter quoad ſingulas partes expoſuit, nobis influxus phyſici

Cap. II.

Nnn 2

nullam

Cap. II.

III.

nullam esse notionem, demonstrat. Ostendit præterea, influxum hunc pugnare cum conservatione virium vivarum, repugnare ordini naturæ, notioni virium esse contrarium, quatenus eadem utimur ad explicandum commercium inter animam & corpus, esse qualitatem occultam, terminum inanem, & in Psychologia rationali inutilem, nec ullum ejus esse usum in Philosophia practica & Theologia, quemadmodum nec systematis alterius, quaecunque tandem illud fuerit, imo influxum hunc, omni probabilitate destitutum, experimento nulli subjici posse. In systemate causarum occasionalium Deus modificat animam in gratiam corporis, & corpus in gratiam animæ. Ostendit igitur Ill. Autor, corpus & animam tantummodo esse modificationum harmonicarum causas occasionales, adeoque Atheum, & qui de existentia Dei dubitat, non posse admittere hoc systema. Exponit deinde effectum concursus divini in hoc systemate, ac inde leges commercii, quibus idem nititur, accuratius determinat, quam vulgo enuntiari solet. Monstrat æquipollentiam ejusdem systematis cum influxu physico, & quæstionem sub examen revocat, utrum in eodem perpetua fiant miracula, nec ne. Deinde demonstrat, systema hoc principio rationis sufficientis contrariari, naturæ ordini adversari, omni probabilitate destitui, non tamen per idem tolli possibilitatem agendi in corpus a spiritu in genere, multo minus libertatem. Denique non minus clare ac distincte explicat systema harmoniæ præstabilitæ, quod imperitis tantas turbas hodie excitandi ansas dedit. Demonstrat inter alia, per hoc systema commercium inter mentem atque corpus intelligibili modo explicari, harmoniam præstabilitam quoad effectum æquipollere influxui physico, in hoc systemate omnia fieri naturaliter, nihil miraculose, Deum præstabilivisse harmoniam, dum animæ junxit corpus, in quo existere potest series motuum perceptionibus & appetitionibus animæ consentientium, & eum fecit rerum materialium nexum, ut motus illi ad actum perducantur per continuas in organa sensoria impressiones extrinsecus factas; spuriam adeo esse præstabilitionem, qua Deus seriem perceptionum atque appetitionum fingitur

fingitur accommodaſſe ſeriei motuum neceſſariorum in corpore, quam oppugnant ſciamaſchi. Demonſtrat præterea, ſyſtema hoc defendi non poſſe ab atheo, nec ab eo, qui vel exiſtentiam, vel præſcientiam divinam negat, qualem contra Socinianos defendunt Theologi orthodoxi. Præſtabilitionem harmoniz eſſe effectum miraculoſum, perinde ac creationem univerſi, ſed vi huius miraculi primitivi cetera omnia naturaliter conſequi, quemadmodum vi miraculi primitivi in natura rerum nunc omnes conſequuntur effectus corporum. Appetitiones in anima non eſſe præſtabilitas, ſed animam eodem modo ad easdem pervenire in hoc ſyſtemate, quo ad eas pervenit in ſyſtemate influxus phyſici. Libertatem in eodem manere ſalvam, & cum ea conſiſtere poſſe neceſſitatem motuum in corpore. Actiones animæ in hoc ſyſtemate eodem modo imputari, quo imputantur in ſyſtemate influxus phyſici, nec maiorem eſſe difficultatem circa concurſum Dei ad malum, quam in ſyſtemate influxus. Mechanifinum corporis in hoc ſyſtemate equidem nobis incomprehenſibilem eſſe, ſua tamen non deſitui probabilitate. Imo ipſum ſyſtema eſſe admodum probabile, ceteriſque præferendum; cavendum tamen, ne ad operationes gratiæ extendatur, ad quas nec ſyſtema influxus phyſici transferri poſſit. Concludit vero Ill. Autor totam tractationem hoc monito: *Si quis hebetior fuerit, quam ut philoſophicam ſcientiam capere poſſit, vel infirmior, quam ut inoffenſa pietate ſyſtemati harmonia præſtabilita aſſentiat, iſ ſyſtema influxus phyſici amplectatur, & ſyſtema harmonia præſtabilita, ſi velit, damnet, modo ſibi temperet a malitia.*

Ultimo tandem loco, cum de ſpiritu in genere & ſpiritualitate animæ in ſpecie agit Cel. Autor, ſpiritum definit per ſubſtantiam intellectu & voluntate libera præditam. Hinc negat, elementa rerum materialium & animas brutorum eſſe ſpiritus; animæ tamen humanæ inter ſpiritus locum concedit. Explicat deinde, quinam ſpiritus ſit perfectiſſimus, & de ſpirituum ortu varia demonſtrat. Explicat notionem ſapientiæ, eamque ſpiritibus vindicat. Abſoluta theoria generali, ad

Nun 3

ortum

Seſt. IV
Cap. I

ortum animæ, unionem cum corpore, & immortalitatem ejusdem, explicandam digreditur; sed de his jam diximus olim, cum Metaphysicam Ill. Autoris Germanicam recenseremus. Tandem adstruit, bruta habere animas a corpore distinctas, immateriales quidem, sed non spirituales. Eas observare legem sensationum, pollere imaginatione & memoria, imo legem imaginationis custodire, habere appetitum sensitivum, & aversionem sensitivam, atque legem utriusque tenere, sed destitui cognitione universalis, ac omnibus carere operationibus intellectus, rationis, ac voluntate libera. Habere analogum quoddam rationis, non tamen memoriam sui. Esse quidem incorruptibiles, sed non immortales. Ceterum, cum inimici Cel. Autori vexas detestandas creassent, propterea quod systema harmoniz præstabilitæ Metaphysicæ Germanicæ inferuerat, providentiæ Dei singulari tribuit, quod, dum edendo hinc Operi insudaret, a tribus potentissimis in orbe Christiano Regibus gratiæ singularis documenta expertus fuerit, quæ inter inprimis commemoratione dignum est, quod Rex Borussia Halam reversuro dignitates amplissimas & minerval lautissimum obtulerit.

GEOMETRIÆ ELEMENTA, AD PHILOSOPHIAM comparandam accommodata, opera P. F. FORTUNATI A BRIXIA, Ord. Min. Strict. Observ. S. Francisci Ref. Prov. Brixienfis, Sac. Theol. Lectoris, & Philosophiæ Professoris.

Brixiz, typis Joannis Mariz Rizzardi, 1734, 8 maj.

Plag. 11, Tabb. æn. 2.

Cl. Autori mens fuit, testante Præfatione, Elementa Geometrica, ad rerum naturalium studia ea, quæ par est, via tendentibus necessaria, conscribere, ac futurum Philosophum instruere, non perfectum facere Geometram. Hinc in præmissis
appa-

apparatu Geometrico, post Geometriæ definitionem, sum-
tam e Riccioli *Almagesto Lib. I Cap. 1*, ordine inveniuntur 12
Axiomata, ex *Euclidis* deducta; quæ sequuntur 3 Postu-
lata *Euclidis*. Definitiones vero non omnes simul, sed quam-
vis suo respective loco, tradit. His absolutis, Geometriæ
Elementaris *Pari prior*, selecta Geometriæ theoricæ elemen-
ta complectens, ac ejus *Sectio prima* de linea recta, hujusque
Caput primum, de recta super recta consistente & secante,
incipit. Prima definitio puncti in adjuncto scholio non affir-
mat, quod re ipsa detur punctum mathematicum. Quatuor
dein Theorematis, ac horum Corollaris, natura angulorum,
linearum perpendicularium, ac oblique secantium, explicatur.
Capite II de lineis rectis parallelis agit, idque 4 iterum The-
orematis. *Sectio secunda* de figuris planis, ac *Caput primum* de
triangulis planis rectilineis 11 theorematibus, *Caput secundum*
de quadrilateris, parallelogrammis, & polygonis, 6 theorema-
tibus tractat, ubi theoremate 5 Problemâ Pythagoricum de-
monstratur. *Caput tertium* circuli considerat naturam, & the-
oremata continet 16. *Sectio tertia* de figuris solidis inferibitur,
Caput primum vero de solidis planis & mixtis. Definiuntur
hoc ordine corpora: pyramis, prisma, parallelepipedum, cu-
bus, cylindrus, conus, tetraedrum, octaedrum, dodecaedrum, &
icosaedrum. *Caput hoc* 4 theorematibus absolvitur. *Caput se-
cundum* de sphaera, & ipsius circulis, 3 lemmatibus, 17 theore-
matibus, agit. *Sectioni quarta* de magnitudinum proportionem
hæc præmittuntur. *Hælenus magnitudines secundum se, seu ab-
solute sumtas, spectavimus, modo de iisdem comparative ac-
ceptis agendum nobis est. Ut autem clarius hac in re, quæ
maximi momenti est, progrediamur, primo de proportionem
magnitudinum generatim, tum de proportionem earundem spe-
ciatim, agemus.* Ideo & *Caput I* de proportionem magnitudi-
num in genere titulum gerit, ubi 31 Definitionibus magnitudi-
num rationes ac proportionem explicantur, 8 vero theoremata
in eo continentur. *Caput II* proportionem magnitudinum
in specie considerat, ac 26 theorematibus rationes triangulo-
rum, parallelogrammorum, circulorum, sphaerarum, cylin-
dro-

Pag. 2.

4.

7.

8.

13.

17. 18.

29.

33.

36.

51.

53.

55 57.

69.

83.

Pag. 115.

129.

drorum, conorum, prismatum, cuborum, eorumque magnitudines, explicat. Appendix adjungitur de lineis incommensurabilibus, sectionibus cono, cylindri, pyramidis, prismatis, ac sinibus. Facillima quædam, & primæ tantum hic exhibentur lineæ, quæ tamen tyronibus omnino prodesse, certissimum. Tandem *Parti posteriori* selecta aliquot continet Geometriæ practicæ elementa, ac 28 Problematis, lineam ac circulum bifecare, lineam in partes æquales dividere, parallelam perpendiculararem ducere, dato angulo æqualem constitutere, triangulum æquilaterum, scalenum, exhibere, circuli centrum invenire, per tria puncta circulum ducere, quadratum describere, rectam media & extrema ratione secare, pentagonum hexagonumque describere, dato triangulo rectilineo simile, ac dato polygono simile exhibere, peripheriam circuli uno circini intervallo in 12 æquales partes dividere, pentagonum ac decagonum circulo inscribere, data circuli diametro peripheriam invenire, ac conversam, inter duas datas rectas median proportionalem, invenire, circulum ad datum aliium certæ rationis describere, inter duas datas, duas medias continuo geometricæ proportionales invenire, cubumve ad datum certæ rationis exhibere, docet. In universum Librum præmittitur Index Sectionum, Capitum, ac Theorematum, nec non aliis Propositionum, ex *Euclidis Libro I, III, IV, V, VI, X, XI, XII*, ac *Theodosii Libro I & II*, desumptarum, ac in hoc Opere, ut ait Cl. Autor, alia methodo digestarum, ac demonstratarum. Totum Opus satis accommodatum ad captum tyronum videtur, &, quæ maxime sunt necessaria, perspicue satis demonstrata continet.

JO. ALBERTI FABRICII, S. THEOL. D.
& P. P. Bibliotheca Latina mediæ & infimæ ætatis;
Liber IV, V, & VI. Accedit Doctrina S. SE-
VERINI, Episcopi.

EJUSDEM BIBLIOTHECÆ LIBER VII ET
VIII. Accedunt veteres Rhythmi de vita monastica.

Hamburgi, sumtu viduæ Felgineræ, 1734 & 1735, 8.

Volumen prius Alph. 1 plag. 21, posterius

Alph. 2 plag. 12.

De

De *Libris* tribus prioribus, qui *Tomum* hujus Operis *primum* conſtituunt, in *Actis* noſtris *Menſe Mart. A. 1735 pag. 138 ſeq.* dictum eſt. Eruditiffimi olim, ſed nuper, magno literarum damno, ex hac vita evocati, Autoris labor inexhausus in per-
texenda eadem tela ita ſe probavit eruditis, ut jam nunc *ſecundus & tertius* ejusdem Operis *Tomi* proſtent. His, ut ex addu-
ctis eorum titulis intelligere licet, *quinque* in univerſum *Li-
bri*, a *IV* uſque ad *VIII*, exhibentur, qui, ex inſtituto Cel. Au-
toris, quod in priori iſto recentu jam expoſuimus, totidem Al-
phabeti literas, D, E, F, G, & H, perſequuntur. No-
ſtrum erit, ut, novo quodam recenſu, ex his iſtis in hæc no-
ſtra *Acta* referamus, quod tanto faciemus delectu, quanto pro
ratione bibliothecarii Lexici, & tot diverſiſſimorum argumen-
torum varietate, licuerit.

Cum Autor Celeberrimus elenchum digreſſionum erudita-
rum, quibus æque ut in *Tomo primo* lectores ſuos ab alphabe-
tarii & nominalis catalogi ſaliditate revocare ſtudit, ipſe in
his *Tomis* ſubjicere omiſerit, potiorem inde recenſus noſtri
materiam ſumemus; quo etiam nomine, quicquid fragmento-
rum quorundam Autorum hinc inde adjectum eſt, ſimul deſi-
gnare liceat. *Lib. IV pag. 32 ſeq.* Danicatum rerum ſcri-
ptores, quotquot ad ævum hocce in medium cummaxime perti-
nent, per indicem digitum ſummatim aſſeruntur. Cum *Lucii
Dextri Pactiani pag. 75 ſeq.* & *Dionyſii Exiguſ pag. 99 ſeq.* in-
jicitur mentio, de illius quidem Chronico, ſive omnimod. hi-
ſtoria, de hujus autem Cyclo paſchali, aliisque in ære Chri-
ſtianæ conſtitutionem, collectionemque Canonum, meritis, la-
tius diſſerendi anſa Noſtro hand prætermittitur. Commemo-
rato *pag. 134 S. Dominico*, non modo de ipſius vita, ſed & uni-
verſo ab eo condito Prædicatorum Ordine, diſſeritur, ſimul-
que copioſus juxta alphabeti ordinem ſcriptorum catalogus
ſubjicitur; quod ipſum & de ſcriptoribus de hæreſi ſive ſchiſ-
mate Donatiſtarum *pag. 167 ſeq.* factum videmus. *Lib. V pag.
220 ſeq.* ex *Eberhardi Bethuniensis*, Sec. XII clari, carmi-
ne de verſificatione fragmentum aliquod integrum inferitur,
quod Poetas, eoſque medix inprimis ætatis, & illo tempore in
ſcholis prælegi ſolitos, exhibet. Indiculus eorum, ad quos ex-

Vol. II.

tant Epistolæ Eginhardi, pag. 264 seq. occurrit, & pag. 301 seq. catalogus Scriptorum, quorum testimoniis in Chronico suo usus est Engelhusus; quos Autoris nostri industriæ deberi, nulli dubitamus.

Libro VI ineunte, ubi *Fabri* quidam ex ævo medio commemorantur, pag. 418 spem nobis facit Cel. Autor, sed eheu! quam inanem, edendæ *tertiæ & quartæ Fabriciorum* Centuriæ, quibus *Fabros Schmidiosque* comites dare sibi constitutum sit. Ad *Felicem Urgelitanum* pag. 482 delatus, subjungit mox de hæresi *Feliciana*, quæ & a dogmate *Adoptiana* audit, Scriptorum quandam syllogen, ex quibus inter recentiores non desunt, qui ejusdem patrociniū susceperunt. Cum pag. 502 *M. Ant. Flamini* mentio injicitur, simul testatum facit Noster, sibi non probari illorum sententiam, quibus persuasum est, latere sub ejus nomine *Marcellum Palingenium*, qui *Zodiaci vitæ*, notissimi carminis, Autor est. Rationibus Cl. *Heumanni*, qui id ipsum quondam peculiari Epistola, quam *Pæcil. Tom. I Lib. II* pag. 255 seq. post inseruit, multo conatu *Fabricio* nostro persuadere annisus fuit, dubium aliquod chronologicum, ex ipso *Zodiaci* contextu petatum, obvertit, quod quidem conjecturam Cl. *Heumanni*, cujus tamen hoc loco nomen reticetur, multum infringere videtur. Observatio quædam *Theod. Ruhnarti* de Codice quodam *MSto Flodoardi*, apud Sangermanenses Carmelitas servato, pag. 512 seq. integra affertur, prout Gallica lingua concepta fuit; unde vero eandem desumeret, Autor hoc in loco connotare omisit. Ad Francicarum rerum scriptores, eosque paulo antiquiores, & ad ævum Latinitatis cum maxime medium & infimum pertinentes, Noster pag. 550 - 568 devolvitur, adductis & recensitis collectionibus, quas *Eccardi, Pithæi, Freheri, Quercetani, Baluzii, Bongarsii, Cointii*que, potissimum industriæ debemus. Quas ubi pag. 568 seq. S. *Francisci*, *Assisiatis*, mentio excipit, tum de hoc, tum de condito ab eodem *Franciscanorum Ordine*, sat amplius Scriptorum catalogus subnectitur. Sententia Italorum quorundam, & in his *Francisci de Miletis*, de Antichristo A. C. 1530 prædicaturo, & hinc penitus extinguenda Ecclesia Catholica, cujus ex testimonio quodam *Mabillonii* indicium sit pag. 591 seq. nostro quidem iudicio mereri

teri videtur, ut data opera in eam paulo alius inquiratur. NosŒer porro *Franconis* cujusdam, AfflighemenŒis AbbatŒis, Carmen de Œtatu futuræ gloriæ, quod *Caveo* intercidiffe præter rem perŒuaŒum, *Polycarpo LyŒero* autem in HiŒtoria Poetarum non Œatis curate diŒtinctum fuit, pag. 598 Œeq. integrum inferuit. Scriptores rerum FuldendiŒum, quotquot Œuperiori & noŒtra etiã memoria in lucem protracti Œunt, pag. 650 Œeq. recenŒentur. Ac de *Fulgentio RuŒpenŒi* denique notamus, Autorem noŒtrum recenŒum de Œcriptis ejus ac eorundem editionibus, quem, notante eodem, iplius olim præceptor, *Thomas Itizius*, hiŒce noŒtris *AŒtis A. 1684* pag. 543 inferuit, integrum, Œuis tamen quibusdam obŒervationibus interpolatum, pag. 661 — 672 repetere.

Vol. III.

Libro VII., quo ipŒo Autor *Volumen* Œive *Tomum III* hujus Operis orditur, primum occurrunt pag. 80 *GelaŒius I* hujus nominis Papa R. & pag. 88 *Gennadius*, MaŒŒilienŒis, uterque Œcriptor Œeculi V haud ignobilis, de quo nova non una habuit NoŒter, quæ alibi de hiŒ iplis Œcriptoribus a Œe dictis, hoc loco adjungeret. De *Georgiis* ubi pag. 96 monuit, extare *Joach. Manzelii* SchediaŒma, in quo is nonnullos recenŒtioris ætatis *Georgios* Œama & eruditione claros jucunda varietate perŒecutus Œit, & de iis, qui Græcæ ŒcripŒerunt, haberi *Leonis Allatii* eruditam Diatribam, a Œe cum auctario quodam Bibliothecæ Græcæ *Vol. X* inferŒam, Œubjungit, Œe *Georgios* quosdam mediæ ævi, qui Latine ŒcripŒerint, ac illis præteriti Œint, hoc loco additurum eŒŒe, quorum numerus ultra vicenum aŒŒurgit. De *Joanne GarŒono*, celebratiŒŒimo quondam Academiæ PariŒienŒis Cancellario, pag. 141 Œeq. NoŒtro dicendum venit, quo loco non modo vitæ ejusdem præcones & Operum editores non unos commemorat, Œed & quæŒtionem illam attingit de eodem Autore Librorum IV de Imitatione ChriŒti, quæ in editionibus Œere inŒinitis *Thoma KempŒii* nomen præŒerunt. De hoc & aliis quibusdam horum Librorum Autoribus vulgo venditatis res notior eŒt, quem id, cujus infra pag. 335 Autor noŒter Œub *Gualtero Hiltono*, Anglo, meminit, ubi *Henr. Warthoni* verba repetuntur, ediŒŒerentis, celeberrimum illud Opus non minus æquo jure Œibi forŒan vindicare hunc *Gualte-*

rum parentem posse, quam *Thomam Kempensem*, aut quemvis alium. Ad seriem recensius nostri revertentes, apud Autorem nostrum pag. 208 *Gottschalci* illius mentionem deprehendimus, cui Seculo IX ingens hæreseos de prædestinatione dicta scripta est, quæ proinde res in uberiorem causæ & scriptorum huc facientium commemorationem Nostrum deducit. Quæ porro pag. 236 seq. de *Gratiano*, notissimo illo Decretorum Pontificiorum compilatore, afferuntur, nos admonent, ut de usu prorsus eximio dicamus, quem nostri Autoris labor locis longe pluribus præstare potest in cognoscendis Juris Canonici genuinis fontibus ac originibus. Sicuti enim suo subinde loco mentio injicitur eorum, qui ex Latinis jam pridem ante *Gratianum* Canonum collectiones nobis dederunt, vel post eum etiam in Jure isto Pontificio augendo amplificandoque operam suam navarunt, quorum exempla in promptu habemus ex Operis hujus Tomo I, sub titulo *Abbonis, Anselmi Lucensis, Burchardi Wormatiensis, Cresconii Afri*, ex Tomi II titulo de *Dionysio Exiguo, Fulgentio, Ferrando*, atque ex hujus Tomi III titulo de *Gregorio, IX, Gregorio XIII. Possis. Rom.* itemque de *Honorio III.* & ex his, quæ sub titulo *Glossæ & Glossatorum*, uti & Tomo I, sub titulo *Bullæ, Bullariorum, & Decretorum*, occurrunt, ita dubium haud nobis relinquitur, quin tituli in secenturis post Voluminibus adhuc expectandi totum hocce negotium ita consecuti sint, ut, qui origines Juris Canonici & Pontificii penitus perspectas habere cupiunt, ex hac Autoris opera insignem fructum percepturi sint, eandemque non modo eum aliorum, sed & ipsius Autoris alibi in hanc rem exhibitis Commentationibus, nempe in *Bibliothecæ Græc. Vol. XI Lib. VI Cap. I §. 20.* & in *Biblioth. Lat. prioris ævi Lib. IV Cap. X.* utilissime conjungere possint. Ut porro Autori solenne est, singulorum fere Pontificum Romanorum injicere mentionem, ut, quicquid ex illorum Epistolis, Decretis, Bullis, ac relictis aliis quibuscunque monumentis, ad posteritatem servatum est, in hac sua Bibliotheca locum inveniat, ita, qui *Gregorii* nomine gavisi sunt numero quinque & decem, a pag. 241 usque ad 250 hic ad unum occurrant omnes, de quibus, præter ea, quæ pro instituti ratione Nostro dicenda fuerunt, id,

quod

quod digressionum locum habere licet, hic seorsim annotare juvabit. Sic *Gregorii I & Sancti, Magnique dicti, biographos* juxta ætatem antiquiorem & recentiorem distinctos *pag. 241 seq.* Noster exhibet. Ad *Gregorium V pag. 262 seq.* connotat Scriptores, qui Germanici imperii Electorum origines sibi curatius seorsimque investigandas sumserunt. *Gregorii VII & sub Hildebrandi nomine* haud ignoti, quæ Seculum XI illustrarunt, facinora multorum excitarunt calamos, ut vel defenderent eadem, vel impugnarent, unde & insignem ex utraque parte Scriptorum farraginem hic *pag. 264 seq.* deprehendere licet. Sed, missis ceteris, forte adhuc memoratu haud injucundis, ex *Libro VII* unicum tantum *Guidonem Arctinum* producimus, cujus præclarum in Musica studium non modo celebrat & exponit Noster *pag. 372 seq.* sed & simul, occasione hinc arrepta, in veterum artem musicam excursionem facit, conferendo inter se, quæ de ratione ejusdem inter nonnullos disputata sunt.

Librum VIII denique percurrentes, inter alia offendimus syllogem Scriptorum rerum Helveticarum, quorum junctim e-dendorum spem fecit *Jo. Conr. Fueslinus*, vulgato A. 1734 peculiari eorundem conspectu, quem hinc integrum repetiit inferuitque hic Noster *pag. 600 seq.* *Henricianam* hæresin geminam habuit hoc ævum medium, quas hinc probe distinguit, & de utraque Scriptores producit Autor *pag. 614 seq.* De *S. Hildegardi*, ejusque visionibus, quas ipsa scivias nuncupavit, non tantum copiosior recensio affertur *pag. 770 seq.* sed & integra quædam ejusdem prophetia contra Monachos mendicantes, quam *Abrab. Bzovius* quondam produxit, itemque ab Autore confectus index nominalis eorum, quorum Epistolæ inter *Hildegardinas* occurrunt, subjicitur. Ad res *Hildesienſium* faciunt præclara monumenta non una, inter Scriptores Brunſwicenses, ab *Ill. Leibnitio* vulgatos, obvia; quoniam vero per tria illa sat spissa Volumina eadem passim dispersa habentur, singulorum, quæ huc pertinent, monumentorum curatius indicium *pag. 783 seq.* factum est. Ad *Jo. Huffs* mentionem *pag. 903 seq.* tum ad ea

se refert Autor, quæ in Centifolio Lutherano quondam in hanc rem commentatus est, tum quoque novi spicilegii loco recensum instituit singulorum scriptorum, quæ in *Hussi & Hieronymi Pragensis*, de quo dictum fuit supra pag. 737, Operum editionibus, Norimbergæ A. 1558 & 1715 Tomi II in fol. junctim vulgaris, exhibita leguntur.

Atque hæc hæcenus loco Speciminum adduxisse sat erit, ex quibus non modo, qualis & quantus sit labor, quem in condendo hoc Opere Celeberrimus Autor sibi exantlandum sumsit, sed & quam late usus fructusque ejusdem per universum eruditionis campum pateat, si quidem per Secula majori alioquin obscuritate suffusa eundem quoque emetiri velimus, quemlibet sua sponte intelligere confidimus. Ac, quanquam aliorum etiam multorum opera in argumentis biographico-literarijs huc facientibus dudum elaborarit, quam multum tamen Autoris nostri industriae reliquum ab iis sit, vel id satis indicio esse poterit, quod vix pagina transeat, in qua non legas vel defectus aliorum ab ipso suppletos, vel pararamata & hallucinationes, in aliorum Commentationibus passim deprehensas, quas emendandas potius, quam acrius notandas, sibi putavit. Qua in re Autoris jam modestiam imitaturi, paucula & ipsi indicabimus, quæ nobis in postremo Volumine inter perlegendum observata sunt, & in quibus a se dicta tum emendanda, tum supplenda, ipse Autor judicaverit. Sic namque in *Gregorio I* omisum est, quod ejus Epistolarum Registrum sic dictum, Libris XII constans, præter editiones memoratas, etiam plenioribus, quas habemus, Conciliorum collectionibus ad A. 590 integrum insertum sit. Ad articulum de *Baptista Guarino*, ubi ejus libelli de ordine docendi & discendi pag. 352 mentio fit, addi potest, ejusdem editionem novam ex MSto quodam Bibliothecæ Jenensis a Cel. *Burch. Gottb. Struvis*, addita Præfatione erudita, A. 1704 in 8 curatam esse: atque permutacionem *Jo. Bapt. Guarini* cum *Jo. Bapt. Marino*, quam pag. 353 deprehendere licet, per memoris lapsus, ex vocabulorum homonymia ortum, sibi excidisse, ipse, si viveret, Autor facile agnosceret. In *Hilaria*

Picta-

Pictaviensi, pag. 753 memorato, & hujusmodi quid obtigisse credimus, ubi de novissima hujus Patris Operum editione, quæ Veronæ A. 1730 prodiit, nihil dixit, quanquam ejusdem mentio paulo ante pag. 741 occurrat, ubi de editore *Vallarſæ* traditur, illum post emiſſum *Hilarium* & in paranda nova *Hieronymi* editione deludare, ut adeo, iſtam recentem *Hilari* *ſed* *an* Autori haud proſus incognitam fuiſſe, inde colligere in proclivi ſit. Quæ autem Veronenſis hujus editionis præſtantia ſit, & in quibus ea, novis acceſſionibus aucta, priorem illam *Conſtantianam*, ad quam alioquin expreſſa eſt, poſt ſe relinquat, conſtabit ex data ejusdem recenſione in his *Aſſir. Tom. X Supplem. Sect. VIII pag. 337 ſeq.* quæque hinc eo faciet, ut, quod *Fabricio* noſtro hac in parte deſuit, inde ſupplere liceat. Ut autem hæc leviora & inter legendum velut per tranſennam obſervata ſunt, ita, Lectorem de iis eſſe monitum, nec iſtis Cel. Autori manibus ingratum fore ſperamus.

NOVA LITERARIA.

Cum eam, in qua temporibus hiſce verſamur, literarum & eruditionis lucem illis præcipue debeamus, qui diligenti ſtudio veterum Scriptorum Commentationes, quæ diu ſitu ſqualidæ, & cum blattis tineisque pugnantes, in Bibliothacarum pluriſeis delituerant, colligentes, chalcographico opere deſcriptas ediderunt; hinc laudabile conſilium cepit *Petrus Cajetanus Vivianius*, Typographus Florentinus, quaſcunque doctorum hominum lucubrationes, quæ *avêdotoi* huc uſque & præne ignotæ jacuerunt, veluti ſparſa Sibyllæ folia, colligendi, & typis excuſas in Vnorum eruditorum uſum & commoditatem evulgan- di. Hujus autem ab ipſo ſuſceptæ provincie notitiam Viris literatis, & eruditionis amantibus, in antecellum tradere, & de editionis via ac ratione plane ac perſpicue eos edocere, nobis interpretibus, operæ eſſe pretium, exiſtimavit. Univerſa igitur hæc Collectiq. in XXIV plus minus Volumina, forma, ut

vocant, octava, distribuetur; eorumque quatuor anno quolibet, optima charta, & egregiis characteribus, excudentur, ita, ut singulis trimestribus spatiis singula Volumina perfecta & abfoluta in publicum prodeant. Opuscula, quæ illis continebuntur, cum diverſi argumenti, ut Philoſophiæ, Theologiæ, Mathematicæ, Hiſtoriæ Eccleſiaſtiæ, Proſanz, & Naturalis, Antiquitatum eruditæ, aliarumque id genus doctri-
narum, tum non unius linguæ, varietate voluptatem legentibus afferent: nam & Græca in illis, & Latina, & Italica, ſi qua ſuppetent, Opera occurrent, ex quibus Græca non ſine Latina interpretatione emittentur. Nec tantum cordi erit, Opuscula eximia, & publica luce digna, ſeligere, verum etiam recensere, & caſtigare, & breves animadverſiones, ubi opus fuerit, adſcribere; quin & Præfationes addet, quibus Scriptorum hiſtoriam, & Codicum Mſtorum præſtantiam, & commentariorum utilitatem, & eorum, qui Codices perhumaniter commodaverunt, liberalitatem, commemorabit. Quod quidem omne ut præſtare poſſet, uſus eſt peritia & ſedulitate Jo. Lami, publici in Florentina Academia Eccleſiaſtiæ Hiſtoriæ Profeſſoris, & Riccardianæ Bibliothecæ Præfecti, Viri alias ob lucubrations ab eo publici juris factas, & ob iterandæ Operum celeberrimi Jo. Meurſii editionis curam & ἐπιμέλειαν, literariæ Reipublicæ ſatis noti. Cum vero laboris multum & impenſæ in hoc Opere abſolvendo ipſi immineat, omnes bonarum artium & literarum amantes Viros ad ſocietatem quandam ſecum inenndam invitât, ut, dum ipſi ſuppetias adveniant, pretii minoris emolumentum & ἀντίδοτον ipſi quoque ab ipſo referant. Nam, cum ſingula Volumina quatuor Juliis Romanis ceteris omnibus emtoribus conſtituta ſint, ii, qui cum ipſo ſocietatem inierint, tres tantum Julios pro quolibet Volumine ſolvent, ita tamen, ut prima vice duplum pretium primi Voluminis tradant, ultimum tandem Volumen gratis habituri. Primum autem Volumen brevi ſe emiſſurum recipit. Nos merito applaudimus laudatiſſimis conatibus, horumque feliciffimos ſucceſſus,

literarum cauſa, ſerio vovemus.

NOVA ACTA ERUDITORUM,

publicata Lipsiæ

Calendis Novembris Anno MDCCXXXVI.

*BULLARIUM ROMANUM, SEU NOVISSIMA
& accuratissima Collectio Apostolicarum
Constitutionum.*

Tomus VII, VIII, IX, & X

Pars I.

Romæ, apud Hieronymum Mainardi, fol. 1733,
1734, & 1735.

Tom. VII Alph. 5 plag. 4, Tom. VIII Alph. 6 plag. 7,

Tom. IX Alph. 6 plag. 7, Tom. X Pars I

Alph. 4. plag. 2.

Bullarium Romanum, Apostolicas Pontificum Constitutiones complectens, primum *Laertius Cherubinus* adornavit. Quod, uti usque ad *Pauli V* tempora pertexuit ipse, sic ejusdem filius, *Angelus Maria*, Monachus Cassinensis, nova collectione usque ad *Urbani VIII* Pontificatum produxit. Tandem illud ipsum Bullarium Patres *Angelus a Lantusfra* & *Joannes Paulus a Roma*, Ordinis *S. Francisci* strictioris observantiae, usque ad annum 1672, quo Præsulatum gessit *Clemens X*, continuarunt. Neque quisquam post illos fuit, qui post sexaginta annos editas a Pontificibus Constitutiones adjiceret. Prodiit quidem A. 1712 nova Bullarii editio post Romanam primam Lugduni; sed in ea non solum novæ Constitutiones non sunt additæ, sed ne veterum quidem omnes integræ sunt

exhibuit. Itaque operæ se pretium facturum existimavit *Hieronimus Mainardi*, Typographus Urbinas honestissimus, si antiquam illam editionem Romanam inde usque ab A. 1670 continuaret, & præcedentia sex Volumina, Romæ edita, suis typis promeret, & denuo imprimeret. Tametsi vero in sexto, eoque ultimo, *Tomo* laudatæ editionis Romanæ jam continentur *Clementis X* Constitutiones, tamen, cum ibidem aliæ omisæ, aliæ non servatæ temporum ratione expressæ essent, ab auspiciis hujus Pontificatus initium capiendum duxit. Hinc *Tomus VII* continet Constitutiones a *Clemente X* Pontifice editas, cujus etiam imago æri incisa huic *Tomo* est præmissa. Duravit hujus Pontificis Præsulatus, uti notum est, per sex annos, ad quorum ordinem ejus hic Constitutiones exhibentur. Quemadmodum vero *Clemens X* ad Pontificatum erectus est A. 1670, sic eodem anno inter ceteras Bullas, quarum affertur copia, hæ quoque memorantur: *de canonizatione S. Petri de Alcantara*. Jam *Clemens IX* quidem hunc *Petrum de Alcantara*, Ordinis Minorum *S. Francisci* Discalceatorum, Sanctorum catalogo adscripserat una cum Sancta *Maria Magdalena de Pazzis*, sed morte præventus Bullam expedire hac de re non potuit, quam demum *Clemens X* evulgavit. Confirmatio privilegiorum pro Priore domus regularis militiæ, seu Ordinis militaris de Calatrava nullius Diæceseos Toletanæ, atque extensio ad usum insignium & indumentorum Episcopaliū, nunc primum edita hic comparet; æque ac confirmatio quarundam Constitutionum, pro congregatione Missionis in conventu generali dictæ congregationis factarum, & a particulari congregatione Prælatorum, jussu *Clementis IX*, revisarum & emendatarum. Primum etiam jam refertur Confirmatio Prioris generalis, & Decretum de assistentibus Ordinis *B. Mariæ de Monte Carmelo*, & declaratio, quod vota in congregatione Missionis post illius Apostolicam confirmationem emissæ & emittenda, ab aliis, quam a summo Pontifice & superiore generali ejusdem congregationis, in actu dimissionis ab eadem congregatione licite & valide dispensari, commutari, aut solvi, non possint. Nec impressa antea fuit declaratio super

inno-

innovationibus factis circa provisiones Ecclesiarum Metropolitanarum & Cathedralium Regnorum Portugalliz & Algarbiorum, eorumque Indiarum & Conquistarum post decessum Regum *Sebastiani & Henrici*, per eas principaliter vel accessorie, sive antecederet vel consequenter, aut concomitanter, vel alias quoquo modo, factarum, juribus coronæ Portugalliz nullo modo prejudicatum esse, aut prætendi posse, sed omnia & singula, provisiones dictarum ecclesiarum quovis modo concernentia, in eo statu, in quo ante innovationes hujusmodi tempore præfatorum, eorumque antecessorum Regum erant, remansisse & remanere in omnibus & per omnia, perinde ac si eodem nullo modo unquam factæ fuissent. Ad annum Pontificatus a *Clemente X* gestæ secundum hæc, nunc primum editæ literarum monumentis, fere pertinent Constitutiones: Indultum pro Patribus congregationis Missionis, ut illius Presbyteri aliorum ipsius congregationis, iter cum ipsis agentium, confessiones audire possint, & Generalis in singulis domibus deputare valeat Confessarios cum facultate aperiendi & exequendi literas Pœnitentiariæ Apostolicæ: Statutum pro civitate Avenionensi circa ætatem & qualitates requisitas in iudicibus curiæ ordinariæ *S. Petri*, & quod Avenionenses trahi nequeant ad Romanam curiam nisi in causis scutorum mille in sorte, & scutorum centum in annuo reddito excedentibus, cum confirmatione privilegiorum universitatis dictæ civitatis, & ordinatione, ut fundationes septem Collegiorum juxta primævam institutionem serventur. Anno tertio hujus Pontificis nunc primum impressa exhibetur, præter ceteras Constitutiones, Confirmatio decreti congregationis Episcoporum & regularium favore Ordinis Minorum *S. Francisci* de observantia provinciarum Hispaniæ super facultate eligendi conservatores non designatos in synodo Diocesana in civitatibus & Diocesisibus, in quibus nulli sunt iudices Synodales. Quas reliquis tribus annis sui Pontificatus *Clementis X* dedit Constitutiones, ex omnes nunc primum accedunt Bullario huic Romano aucto continuatoque. Atque huc pertinet Confirmatio & innovatio Brevis *Pauli V*, quo conceditur Ministro & Commissario generalibus Ordinis Fra-

Pag. 152.

152.

163.

225.

Pag. 319.

325.

9.

35.

57.

trum Minorum *S. Francisci* de observantia facultas erigendi confraternitates Chordigerorum *S. Francisci* in Ecclesiis eorum Ordinis, ubi non adsint Ecclesiæ vel conventus Minorum Conventualium, cum declaratione, quod iis licuerit & liceat ejusmodi confraternitates etiam in Indiis erigere, illisque indulgentias communicare: Erectio custodiæ sub nomine immaculatæ conceptionis B. M. Virginis in novam provinciam cum dismembratione Provinciæ *S. Antonii*, Brasiliensis, Ordinis Fratrum Minorum *S. Francisci* de observantia discalceatorum in Lusitania: Indultum, ut puellæ Conservatorii sub titulo divinæ providentiæ de urbe, licet meretricum sive mulierum inhonestarum natæ vel sorores sint, nihilo minus a Deputatis Annuntiationis B. M. V. aliarumque Archiconfraternitatum & societatum urbis ad dotes sive subsidia dotalia admitti, illaque consequi possint, perinde ac si nec genitrices nec sorores tales haberent.

Tomus VIII continet Constitutiones ab *Innocentio XI* editas; quas si quis primum Tomum continuati Bullarii Romani reputaverit, a vero haud fuerit remotissimus. Nam Bullarium Romanum, quod non tantum emendatum auctumque, verum etiam continuatum, sistere constituit typographus, huic Operi sumtus suppeditans, circa A. 1672 sublitit, quo adhuc ecclesiæ Romanæ præfuit *Clemens X.* Cumque ab A. 1676 usque ad A. 1689 dignitatem Pontificis Romani susluerit *Innocentius XI*, ejusdem Constitutiones ordine Chronologico per singulos Præfatus annos exhibentur. Sic A. 1676 confirmatum est Decretum S. Congregationis Episcoporum & Regularium, quo statuitur, Fratres Ordinis sanctissimæ Trinitatis redemptionis captivorum provinciæ Portugallicæ gradum supernumerarii Magistri, Apostolicis literis concessum, assequi non posse, nisi in exâmine idonei comprobentur. A. 1677 sistitur Constitutio, qua Magistri aliive graduati Ordinis Prædicatorum ad numerum in suis capitulis generalibus definitum reducuntur, & Magistris generalibus interdicitur, ne in posterum supernumerarios eligant, ab eisque speciales gratiæ contra Constitutionum & Capitulorum generalium dispositiones concessæ revocantur. A. 1678 confirmatum est Decretum congregationis Indulgentiarum

tiarum, quo Confraternitates S. S. Sacramenti fiunt participes indulgentiarum Archiconfraternitatis ejusdem nominis, in ecclesia S. *Mariæ* super Minervam de Urbe institutæ, & alia insuper indulgentia conceditur comitantibus idem sacramentum, ad infirmos pro viatico delatum. A. 1679 permissum est, ut quædam indulgentiæ, a tribus Pontificibus & duobus Legatis sanctæ sedis Confraternitatibus S. S. Rosarii concessæ, describi possent in summario indulgentiarum dictarum Confraternitatum, etiamsi earundem originales literæ non reperirentur. A. 1680 confirmatum est Decretum Cardinalis Protectoris, quo declaratum fuit, non licere superioribus Ord. B. M. de mercede delegare auctoritatem conferendi habitum Tertiariorum utriusque sexus: posse tamen eos horum curam probo Religioso committere. A. 1681 reddita est inquisitoribus Regnorum Portugalliæ & Algarbiorum auctoritas, quam amiserant non parendo mandatis Apostolicis, & leges nonnullæ conditæ sunt in causis fidei servandæ. A. 1682. confirmatum est Decretum Cardinalis Protectoris circa abrogationem Commissariorum Generalium pro provinciis Indiarum Orientalium Ordinis fratrum minorum S. *Francisci* de observantia. A. 1683 indictæ sunt tres decimæ super fructibus & pensionibus bonorum ecclesiasticorum totius Cleri in universa Italia, & insulis, ei adjacentibus, ob imminens bellum Turcicum. A. 1684 statutum est, ut in p̄vincia Lugdunensi Fratrum congregationis Gallicanæ tertii Ordinis S. *Francisci* executioni mandaretur Breve *Clementis* X circa Fratres oblatos sive servientes. A. 1685 concessa Ordini fratrum Prædicatorum facultas habendi plures campanas in eorum cœnobiis seu domibus. A. 1686 concessa est Magno Magistro hospitalis S. *Joannis* Hierosolymitani facultas recipiendi eos Franciæ, Alvernæ, & Provinciæ, qui actu hæresin non profiteantur, & quædam Decreta Capituli intermedii Fratrum B. *Jo. Dei* regnorum Hispaniæ & Indiarum confirmata sunt. A. 1687 erecta est in congregationem Confraternitas Bethlemitarum in Indiis Occidentalibus, ejusque novæ Constitutiones confirmatæ, & privilegia, exemptiones, atque indulgentiæ, eidem concessæ.

Pag. 100.

149.

230.

247.

289.

307.

353.

394.

401.

419.

- Pag. 523. A. 1688 electi sunt Doctores Collegii Comen. in Comites Palatinos & Equites auratæ militiæ, eisque concessa est facultas declarandi Notarios legitimos, Doctores, ac statuta condendi.
535. A. 1689 confirmatæ sunt Thesaurarii provisiones & ordinationes ac taxæ pro bono Montium Romanæ Curie regimine.
- Pag. 1. *Tomus IX* complectitur Constitutiones ab *Alexandro VIII* & *Innocentio XII* editas. A. 1689 ab *Alexandro VIII* Constitutio *Urbani VIII* pro necessitatibus locorum piorum terræ sanctæ confirmata fuit & innovata. A. 1690 Indulgentiæ concessæ sunt Christi fidelibus in Indiis existentibus, & Presbyteris Societatis Jesu facultates plurimæ impertitæ, Decretumque Cardinalis Protectoris super controversiis de residentia Generalis loco Capitulorum aliisque inter Generalem & quosdam religiosos Ord. *B. Jo. Dei* congregationis Hispaniæ confirmatum. A. 1691 Canonizatio S. S. *Joannis de Deo* una cum indulgentia in ejus festo promulgata, ac privilegia spiritualia Monachorum Congregationis Casinensium Congregationi Benedictino-Bavaricæ concessa. A. 1692 facultas conferendi gradus scholasticos collegio S. *Antonii* Civitatis Cuscan in Indiis Occident. concessa fuit, ac Decreta circa alternativam inter Fratres Minores S. *Francisci* de Observ. Reformator. Provinciæ S. *Nicolai* confirmata. A. 1693 Constitutio abrogationis Discretorum ad Provincias Bæeticæ & Navarræ Fratrum Capucinatorum cum nonnullis ordinationibus declaratur & ampliat, concediturque ac statuitur, ut studentes Cœnobiolorum S. *Marci* Florentin. S. *Dominici* Fesulan. S. *Jacobi*, S. *Miniatii*, sua studia peragant in Cœnobiis strictæ observantiæ, & Lecturas obtinere queant. A. 1694 confirmatur concordia inter Fratres Provinciæ S. *Jacobi* in Hispania Ord. Min. S. *Francisci* de Observant. super divisione Provinciæ & officiorum, concediturque alumni provinciæ novi regni Granatens. Ord. Erem. S. *Augustini* in Indiis Occident. facultas suscipiendi gradus scholasticos in eorum Collegio S. *Nicolai* Civitatis S. Fidei. A. 1695 statuitur, ut soli Exprocurator Gen. & Lectores Theologiæ Monachorum S. *Hicronymi* Lombardiæ eligi possint in Priores Titulares, confirmaturque Decretum
- 417.

Capituli Gen. circa electionem extra Capitulum Prioris vel Diffinitoris Generalis Congregationis Hispaniæ Fratrum Carmelitarum. A. 1696 dismembrantur plures Provinciæ Regni Sinarum a Diocesis Pekinen. & Nankinen. exque committuntur Vicariis Apostolicis. A. 1697 præcipitur Archiepiscopo Goanen. ac Episcopis Meliaporen. Crangonoren. & Coccinen. ut observent *Clementis X* Constitutionem circa jurisdictionem Vicariorum Apostolicorum in Oriente. A. 1698 prohibetur, ne Fratres Capuccini transeant ad aliam religionem contra formam in constitutione *Urbani VIII* præscriptam. A. 1699 transfertur Valetudinarium pauperum sacerdotum Urbe ad Palatium in Civitate Leonina cum erectione Collegii seu Seminarii Ecclesiastici pro Presbyteris & Clericis. A. 1700 erigitur Congregatio *S. Hippolyti* hospitalis pauperum infirmorum in Indiis Occidentalibus cum confirmatione Privilegiorum & Indulgentiarum.

Pag. 441.

449.

490.

507.

539.

Tomi X Pars prima continet Constitutiones *Clementis XI*, ab A. 1700 usque ad 1713 editas. A. 1700 confirmatur Decretum Diffinitori Gen. Min. de Observ. Recollectorum, quo statuitur, ut Provincia Coloniensis restituat Provinciæ Argentinensi quatuor Cœnobia. A. 1701 conceditur facultas celebrandi Capitula Provincialia singulis Provinciis Congregationis Italiæ Eremitarum Discal. *S. Augustini*. A. 1702 declaratur, servandam esse Constitutionem *Innocentii X* de translatione Festi *S. Francisci Xaverii*, Societatis Jesu, una cum Indulgentia. A. 1703 renovantur Conventualitates perpetuæ a Prioribus Generalibus Ord. *S. Joan. Dei* concessæ. A. 1704 confirmantur Constitutiones Monachorum Vallis Umbrosæ cum suis correctionibus, additionibus, & declarationibus ad regulam *S. Benedicti*. A. 1705 confirmantur & innovantur Constitutiones *Innocentii X* & *Alexandri VII* adversus *Jansenianam* hæresin, cum nonnullis opportunis declarationibus. A. 1706 conceditur indulgentia plen. perp. pro ecclesiis Ord. Militaris Crucigerorum cum rubea stella in festo exaltationis S. Crucis, A. 1707 confirmatur Decretum congregationis Episcoporum & Regularium, quo revocantur facultates concessæ Fratribus Carmeli-

4.

17.

42.

49.

67.

145.

163.

185.

Pag. 195.

211.

213.

melitis Musicis Provinciae Portugalliae manendi extra Cœno-
bia. A. 1708 damnatur & prohibetur liber sub titulo *Traité de la puissance Ecclesiastique & temporelle* &c. A. 1709
mandatur Ordinariis Italix & Generalibus Religioforum, ut
saltem bis in anno populo commendari curent necessitates cap-
tivorum. A. 1710 conceditur Fratribus Carmelitæ Excale.
congregationis Italix facultas fundandi hospitium in civitate
Ulyxiponenſi. A. 1711 reſtituitur Magno Magiſtro & congrega-
tioni quinque Fratrum Militum Hospitalis *S. Joan.* Hiero-
ſolym. juſ ſuper regimine trium navium bellicarum. A. 1712
confirmantur ſtatuta reformata Univerſitatis & Collegii Bar-
bitonſorum Urbis. A. 1713 confirmantur duo Decreta con-
gregationis rituum ſuper cultu immemorabili ſervi Dei libe-
rali de Lauro Fratrum Minorum de Obſervant. Ceterum
unus-quiſque Tomus ſuis ſane locupletiffimis Indicibus inſtru-
ctus eſt.

Westphaliſche Friedens-Handlungen und Geſchichte, 1c.
h. e.

ACTA PACIS WESTPHALICAE PUBLICA,
Autore IO. GOTHOFREDO DE MEIERN,
Regis Magnæ Britannix & Electoris Hanno-
verani Conſiliario Aulico.

Tomus VI.

Hannoveræ, apud I. A. Gercken, 1736, fol.
Alph. II plag. II.

Saffecturum quidem credimus Lectoribus noſtris ſolum
hunc lætum nuntium, quod poſtremus in lucem exierit
Tomus Operis præclariffimi & immortalitate digni. Cum
enim jam perſpecta ipsis ſit hujus Operis præſtantia, vel non
præſtantibus nobis cupide involabunt in Tomum hunc poſtre-
mum. Attamen, ne omni præguſtu fraudare videamur no-
ſtros

stros Lectores, pauca de hoc *Volumine* commemorabimus. Exhibet scilicet hic Illustis Autor, quæ acta fuerint in pacificatione Westphalica inde a mense Junio anni 1648 usque ad exitum totius illius irenici negotii. Ac in *Libro* quidem *XLII* relatas legimus disputationes de solvenda Suecis pecunia, de qua convenerat. Quod argumentum in *Libro XLIII* continuatur, adjuncta relatione, quid actum sit de executione atque assecuratione hujus pacis. Docetur ibidem, quomodo pacificatio inter Imperium & Regnum Sueciæ sit ad finem perducta: ac pag. 128 — 172 exhibetur *Instrumentum Pacis Casareo-Suecicum*. In *Libro XLIV*, postquam gravamina nonnulla sunt exhibita una cum eorum sublatione, copiose describitur inclusio Reformatorum in Pacem religiosam. In *Libro XLV* narrantur disputationes Gallorum de pace cum suo Rege ineunda multiplices, desinentes in optatum utrinque hujus negotii exitum. Hic pag. 373 — 394 exhibetur *Instrumentum Pacis* a Gallis Legatis d. 11 Sept. A. 1648 Casareanis oblatum. In *Libro XLVI* legimus concertationes de satisfactione Ducibus Luneburgo - Brunsvicensibus, itemque Meclenburgico Duci, præstanda. In *Libro XLVIII* exponitur, quomodo post nonnullas, easque varii generis, dissensiones tandem subscriptum fuerit *Instrumento Pacis*, sive *Formula pacificationis*. In tribus postremis *Libris* de executione eorum, quæ transacta erant, agitur: ubi multæ novæ lites commemorantur, earumque compositio. Jam libet vel unum alterumque hujus *Tomis* argumentum intueri propius, & primo quidem oculos convertere nostros ad plenam relationem, quæ *Lib. XLIV §. 16 seq.* exhibetur, de receptione Reformatorum in Pacem religiosam; qua relatione illustratur *Instrumenti Pacis Casareo-Suecici* Articulus septimus. Repetit vero in hac Relatione Generosissimus Autor ea quoque remissive, quæ superioribus in *Tomis* hoc ipso de argumento occurrunt: ut adeo tota hujus rei historia hic inveniat plenissime contexta & accuratissime. Scilicet Legati Suecici postularant, ut & Reformati comprehenderentur Pace religiosa: Legatique Casarei assenserant. Lutherani vero Legati putabant, prius prospicien-

dum esse securitati Lutheranorum, in Reformatorum Principum terris viventium. Id ita iustum habebant Suecici, ut vel ob id, Reformatos jure Lutheranos suos cives reformandi excidere, contenderent, quod ipsi velint haberi socii Augustanæ Confessionis. Jam igitur Lutherani Legati a Reformatis postulabant, ut non solum iis Lutheranis permitterent liberum religionis exercitium, quos jam haberent ditioni suæ subjectos, sed &, si posthac in potestatem ipsorum venerint regiones Lutheranis abundantes, relinquerent his libertatem ecclesiasticam. Cui rei assentiebantur Legati Reformati ita, ut vicissim postularent, ut & Lutherani Principes, si cives acciperent Reformatos, non cogerent eos mutare sacra, sed ipsis pariter relinquerent religionem suam liberam. Deliberabatur postea de *termino a quo*, aliis ad annum 1618, aliis ad 1620, restringere conantibus usum religionis Reformatæ, ut scilicet Reformatæ religio eo maneret in statu, quo fuerat illo anno. Inter hæc Legati Batavorum literas mittebant ad Evangelicos sive Lutheranos, quibus petebant ab ipsis, ut ob utilitatem publicam æquales esse sibi ratione religionis Reformatos paterentur. Ex eo tempore Evangelici Legati Suecis tres formulas exhibebant: ex quibus illam approbabant Sueci, qua primo Reformatis Statibus securitas conceditur, ita tamen, ut salva sint pacta, quæ cum Lutheranis suis civibus de religione inierint; deinde cum Reformatus, tum Lutheranus quisque Princeps, si hic regionem Lutheranam, vel ille regionem Reformatam adjiciat ditioni suæ, non debet suam imperare novis civibus religionem. Post varia *Projecta*, quæ vocant, & exhibita, & discussa, tandem illa formula Instrumento Pacis inserta est, quæ in §. XXXVII hic exhibetur. E *Libri XLVII §. 8* hoc liceat commemorare, quod, cum jam in eo esset, ut pacificationis negotium concluderetur, Legati Cæsarei moram injiciebant causando, se, quam ab Imperatore acceperint declarationem de singulis Articulis Instrumenti Pacis, nondum legere posse, cryptographice scilicet scriptam per numeros: itaque se ad Cæsarem scripturos, & intra viginti dies responsionem expectare. Simul gravissimis verbis affirmabant, clavem il-

lius

lius arcanæ scripturæ se invenire nondum potuisse. Legatus quidam Catholicus suavorum iis erat jocosus, ut Nuntium adirent Pontificis, habentem quippe clavem ligandi & solvendi. Protestantium vero Legati, ægerrimè ferentes, ea re pacem retardari, petebant a Cæsareis, ut consentirent sub spe rati. Sed nec hoc iis persuaderi potuit. Paucis tamen diebus post *Volmarus*, Legatus Cæsareus, renuntiabat, se reperisse clavem, aperiebatque sui domini sententiam. Ac ita tandem (§. XXII) post multas difficultates (nulla enim pars satis uberes ex hac pacificatione fructus percepisse sibi videbatur,) subscriptio Instrumenti Pacis facta est d. 24 Octobris anni 1648. Nondum vero ita finita erant omnia, novis jam difficultatibus ratificationi pariter ac executioni pacis objectis: quæ sequentibus in *Libris* accurate commemorantur. Scilicet verebantur Sueci, ne, si exiret Germania suus exercitus ante præstitam executionem pactorum, plures subitura sit promissionum suarum oblivio. Ne igitur pax careret effectu, nec munimentis excedebant, nec Germaniam relinquebant ante, quam ab utraque parte prælitum esset, quod promissum fuerat. Ipsi quoque Protestantes metuebant, ne vetus illud: *Hæreticis non est servanda fides*, sibi futurum sit fraudi. Quare, ut *Lib. I. §. 16 & 17* narratur, eorum Legati adibant Legatos Cæsareos, & graviter monebant eos, non sufficere, promissa chartæ mandata esse, sed ea re vera præstanda esse; jam multum effluxisse temporis, & tamen prælitum esse perparum. Simul docebant, quam multis e rebus appareat, multos Catholicos Principes post abitum Suecorum nihil rerum promissarum esse præstituros. Sed plura hac de re dicemus, cum venerint in manus nostras, quæ Illustris Autor semel iterumque hic promittit, Acta executionis pacificatoris, sive Historia tractationum executoriarum Noribergensium. Nec silentio prætereundum nobis est, in ejus, quem nunc tractamus, *Tomi* Præfatione promitti quoque luculentam hujus Operis Appendicem, in qua primo Index ejus triplex exhibebitur, nominalis, chronologicus, & realis; deinde utrumque *Pacis Instrumentum* sistetur, & quidem sincerissime emendatissimeque exscriptum; tum accedet *Contarini*, Legati Veneti, de actis pacifica-

cificationis Westphalicæ relatio editione dignissima; narratio item de Helvetiorum a jurisdictione Imperiali exemptione ibidem facta: ac denique vitæ omnium illorum Legatorum, qui pacificationi huic interfuerunt. Ante vero, quam Volumen hoc prodeat in publicum, emitter Generosissimus Autor *Adami*, Episcopi Helenopolitani, (qui ipse pars hujus pacificationis fuit, & quæ vidit, quæque audivit, fidelissime ac simul *παραμυτικῶς* exposuit,) *Relationem de pacificatione Westphalica*, ex ipsius auctoris MSto. Est quidem hic liber jam A. 1697 & iterum A. 1707 editus; sed nova editio non solum correctior erit, verum etiam locupletior. Ultimo loco commemorandum ducimus, ejus, quem recensuimus nunc, *Tomi* postremam paginam ornatam esse imagine templi Pacis Romani, eamque occasionem arripuisse Autorem nostrum, harum quoque elegantiarum peritissimum, in Præfatione exponendi historiam illius templi ex intimis antiquitatis recessibus.

NUOVO SISTEMA DELL' ORIGINE O PRINCIPIO della Podagra, &c.

h. e.

NOVUM SYSTEMA DE ORIGINE SEU principio Podagræ, ejusque remediis; Opus Physico-Medico-Chymicum MICHAELIS PINELLI, Florentini Professoris Pharmacie & Chymie; cui accedunt varie quarundam Academiarum aliorumque Medicorum de eodem argumento ad Autorem conscriptæ Epistolæ, cum ejusdem Responsonibus: dedicatum Sanctitati sue Papæ CLEMENTI XII.

Romæ, ex officina Petri Ferri, 1734. 4.

Alph. 2 plag. 4.

Ut & officio suo, quod cum laude magnoque artis medicæ successu in Academia sua sustinet, & optatæ dudum omnibus rerum

rerum per principia demonstrationi satisfaceret Autor, statim ab initio declarat, plurium morborum causas analysi chymica cognosci posse ac debere. Neque enim clarius ullum aliud latum quempiam iudicium existimat de historia hydropilios phthisosque, illo, quod petitur ex destillatione sputi in hac, aquæ vero in illa luxuriantis, adeoque & podagricorum cruciatus pro inveniendâ causâ & remedio postulare, ut eorundem sanguis, urina, sudor tophi, aliaque excrementa, analysi ignis chymici exponantur. Quod si facere suscipiant Medici, securos esse ab errore eosdem jubet in omni morborum familia, quam, tribus millibus & ultra ægritudinum generibus numerosam, minori damno in genus humanum sævituram certo pollicetur, ex quo per ignem causas morborum experiri voluerint naturæ magistri. Fieri id posse declarat, in genere monendo, omnes afflictiones corporis humani fomitem habere sanguinem, vel salibus abundantem ob seri defectum, adeoque corrosivum factum, prout id in affectibus scorbuticis & rheumaticis clarum est, vel iisdem prorsus carentem, unde apoplexiæ, paralytes, lethargi. Quandoquidem autem præter salia sanguinis & pars quædam ejus est inflammabilis & sulphurea, quam bilem appellare licet; haud obscure innotescit, & illam quandoque accusari debere in morbis inflammatoriis. Interim salium, quæ sunt præ reliquis humores constituentibus principiis & nobilissima & maxime activa, natura ea existit, ut, quamvis id Autori ipsi placitis vulgarium scholarum minus gratum fore videatur, ab iisdem merito causarum morbificarum declaratio sit desumenda. Neque vero reliquas Medicinæ disciplinas usque adeo a negotio hoc alienas putat, ut non nobilissima earundem disquisitione auxiliatrices manus porrigi posse in detegendis latentium causarum signis ultro fateatur. Anatomiam certe & Chymiam junctim omni ævo antiquitus ignoratarum veritatum parentes fuisse, pluribus exponit, &, quamvis impossibile visum fuerit hætenus pluribus, invenire remedium podagræ, pluribus etiam periculosum, & cum vitæ dispendio junctum, tangere velle podagram, nihilo minus, inductus exemplis magnorum in arte virorum, *Paracelsi*.

Helmontii, Rulandi, quorum singuli de specifico quodam antipodagrico gloriati sunt, & se quidpiam de suo additurum in tantorum dolorum solatium, spondet. Ne vero experientia saltem hoc constituisse quispiam arbitretur rationalis Medicus futurus, principii, quo in demonstrando usus est, naturam exponit, ejusque evidentiam effectu claram fore promittit, quandoquidem istius rei testimonium editura sint ignota hactenus & abscondita podagricorum solamina. De sulphure accenso in synovia *Paracelsi*, de acido *Helmontii, Willstii*, aliorumque, pro veris podagræ causis habito, sic disputat, ut facile appareat, quamvis acidi termino quandoque usus sit, eidem tamen crudo sic sensu acidum non accipi, ut unum pone alterum in sanguine humano existere statuatur, quandoquidem erudite admodum ab eodem demonstratum sit, nec in eodem loco sine destructione utriusque utrumque sal consistere posse, nec acidum vasa lactea subire, nec nisi in excrementis podagricorum acidum apparere. Alkali autem volatile non immerito suspicatur istas dolorum in podagricis tragædias ludere, siquidem Chymia doceat, nihil acidi uspiam in sanguine, plurimum tamen alcalini volatilis, reperiri, cujus salis sese multiplicandi modus, cum non nisi parum ejus in semine humano reperiatur, similis sit vegetationi, quæ ex paucioribus acidi spiculis, quæ in glande reperiuntur, plurimæ denique libræ spiritus acidi fiunt, qui ex quercus ligno destillantur. Alkali istius dolorifici origo aliquando ipsa est nativitas, & insitum ovulo *fermentum podagræ*; aliquando vitio dietæ, vitæ maxime sedentariæ abusus, & longiori justo ejus consuetudini, adscribitur. Non obscure salina volatilis causæ istius dolorificæ in articulis conditio agnoscitur, quandoquidem ex aucta transpiratione insensibili & urinæ secretionem promota podagrici non leve auxilium percipiant, id quod de mobilitate ejus testari possit. Sanguinis podagrici pletorici resolutio chymica docuit, ejus libram unam, decem uncias, phlegmatis scrupulos sex, & grana quindecim partis oleosæ combustibilis, drachmam unam & grana octo talis volatilis alcalini, drachmam vero dimidiam salis alcalini fixi, exhibuisse. Ex quo colligit, sal volatile abundans podagricorum

corum doloris, sulphuream vero partem inflammationis plenius concurrentis, causam existere. Urinæ ejusdem ægri analysis experimento prægresso fidem uberiores fecit. Inde saluberrima emanant consilia, suffulta ratiociniis practicis, quæ indicationes dici solent. Prima est: Evacuatur, quanto citius acali istud ferocissimum, cujus spiculis tendinosæ & summe sensiles ligamentorum in articulis partes excruciantur. Altera: Insinuetur sanguini oleosa medicina homogenea sanguinis nativo sulphuri, qua obduci & ad ictum inepta reddi spicula isthæc podagrifici in humoribus salis possint. Tertia, eaque primaria Autori, est: Roboretur ventriculus & fibra, quo chylus oleo abundans & parte butyracea sua luxurians ex cibis elaborari possit. Ex tribus istis salutis fontibus hauriuntur remedia, quæ omnibus magnam sui expectationem, imo fiduciam, facere possunt ac debent.

AN ESSAY ON THE GOUT &c.

h. e.

TENTAMEN DE PODAGRA, QUO METHODUS proponitur sublevandæ hereditariæ, & curandæ acquisite podagræ, (maxime si cura ante ætatem vergentem suscepta fuerit,) eadem certitudine, qua intermittentes cortice curantur; in specie methodus diætæ, exercitiorum &c. qua in hoc aliisque morbis chronicis utendum est, exponitur, temperantiq, & in casibus quibusdam magna abstinencia, inculcatur, errores a recentioribus quibusdam Autoribus hoc in capite commissi recensentur & refutantur, ultimo loco exempla & historie triplicis generis adducuntur ad confirmandam sententiam & methodum suam, quam proposuit: nempe 1) Historia eorum, qui bene & fortiter valuerunt ad maturam ætatem, hac methodo usi, 2) eorum, qui variis morbis & pessimis habitualibus evaserunt, 3) eorum, qui
 vel

vel sublevati vel prorsus curati podagra hac methodo fuerunt. Autore T. BENNET, M. D.

Londini, impensis Richard Ford, 1734, 8.

Plag. 17.

Se pervulgati istius, quod de podagra per Angliam dici solet, *Spasmodicam, sericum, & ptisanam, unicum ejus solatium esse*, fidem suspectam & prorsus irritam facturum, statim ab initio pollicetur Autor. Inevitabile istud plurimorum deficiente ætate fatum prorsus mechanice ex fibrarum vasorumque rigiditate, & diametro eorundem hinc minus capaci, & subsequente hinc transpiratione læsa, & ad infarctum, si competens materia detur, proclivitate, deducitur. Fomes illius mali acrimonia est, diætæ erroribus contracta, qua machinæ corporum nostrorum, circa extremitates vasorum oppletæ, dolendi & lancinantes cruciatus persentiscendi necessitas imponitur. Inde est quod vegetior ætas, *Sanctoriana* perspirationis beneficio usa, plerumque ab isto articulorum tyranno parum vapulet, a quo si male habeatur, hæreditarium esse malum, judicat Autor, solatium magis, quam medelam, adinittens. Aliter longe sese res habet in malo podagrico diætæ erroribus contracto, quod insuperabile pronuntiasse, timidi sibi que parum fidentis Medici esset. Indicationes, quibus curatio nititur, variez sunt. Prima imperat medicamentorum animalium & vegetabilium usum, quibus per assimilationem sanguini adjudicatis, possit suppleri defectus nobilium partium pro corrigenda acrimonia: quandoquidem *Sydenhamii* judicio ad indigestionem, quæ universalis humorum corruptelæ causa sit, provocet. Inde diætæ, in selectu nutrimentorum convenientium consistentis, nobilitatem prædicat, cum plurimum intersit, quales, quanti, & quo tempore, cibi potusque assumantur, tempore grassantis, an quiescentis, mali, & quales evitandi sint. Magnam Autori gratiam referunt generosa vina, quæ a suspitione, in vulgus recepta, longissime abesse pronuntiantur, cum tantum absit, ut podagræ nascendi opportunitatem faciant, ut potius, in quantum cordis elaterem pro superanda vasorum rigidiorum resistentia augent,

gent, ex primariis ejus esse possint remediis, si mediocris sit eorundem usus, & aquea dicta mixtus. De meritis sane aquarum in evitando aliquo tempore articulorum cruciatu & rationes & exempla profert. Non inferior est dignitate & præstantia exercitiorum corporis legitimus usus, cujus olim apud Gymnasticæ artis doctores decantatissima exstitit virtus. Equitarus præ reliquis est, qui commendatissimus efficitur, partim quod isthoc motuum corporeorum genere transpiratio *Sanctoriana* auctior fieri, adeoque & appetitus vegetior inde & digestio correctior reddi possit, partim quod equorum cultura, eosdemque regendi artificium, maximorum semper ingeniorum amor & desiderium fuerit. Adduntur frictionis beneficia in partes dolentes, quarum perspiratio plerumque læsa sic optime restituitur, adeoque evacuationis serosæ mensura augetur, si cutis pori probe depexi diametros patentiores impe- trant. Altera curandi morbi articularis methodus, quodsi humores jam vitium contraxerint, remedia imperat, quibus acrimonia feri obtundi penitusque corrigi possit. Quodsi acrimoniæ istius natura cognita minus fuerit, emollientia & temperantia utrinque satisfactura pollicetur, ex quibus possimum seligendæ sint herbæ macilaginossæ radices, & semina ejusdem indolis, cum dicta lactis; malyæ & meliloti flores, lactucæ, spinachiæ cichorei, betæ, mercurialis, herbæ non ignobiliorem effectum edituræ sunt. Evacuantia corrigentibus admiscenda sunt, sive quæ alvo, sive quæ diuresi, sive quæ transpiratione fluidiore facta fomitem mali educunt, quorum, præter decocta herbarum amararum, aquæ etiam chalybeatæ & amaræ pertinent. Fortiora tamen purgantia grassante paroxysmo minus conveniunt, quandoquidem ex sententia *Sydenhamii*, magni Anglorum *Hippocratis*, vires imminutæ isthoc medicamentorum genere, expellendæ commodiori via causæ morbificæ postea suffecturæ non sint. Omnis enim paroxysmus podagricus est actio naturæ, qua illa inimitabilem arti purgationem articulorum suscipere aggreditur, & prout ille eloquitur, est profundissima & lentissima purgatio senilis sanguinis. Lentiora tamen intervallis repetita conveniunt la-

xantia, nec debere esse podagricum, consulit, quin semel in septimana alvum mannæ subducere, & singulis noctibus post purgationem paregoricum quodpiam assumere velit. Reliqua expectationi eorum satisfaciunt, quibus cum exoso isto hospite res est, quibus, ut consilio cum successu utantur, apprecamur.

HISTOIRE NATURELLE DE L'UNIVERS, &c.

h. e.

HISTORIA NATURALIS TOTIUS UNIVERSI, in qua afferuntur rationes physicae effectuum maxime singularium naturæ; Autore COLUMNA, Nobili Romano.

Tomus I & II.

Parisiis, apud Andr. Cailleau, 1734, 12.

Alph. 3½. cum Tabb. æn. 5.

Franciscus Maria Pompejus Columna, filius naturalis & unicus Pompeji Columnæ, Principis de Gallicano, natus Romæ A. 1644, vixit a juventute Parisiis, literarum studiis deditus, ac doctissimis hominibus familiaris. Periit A. 1726, domus suæ incendio, cujus ipse imprudens autor fuisse fertur, annum ætatis alterum agens supra octogesimum. Inter varios, quos conscripsit, libros, partim editos, partim in posterum fortassis edendos, præsens haud dubie præcipuus est, quo historiam naturalem, post *Plinii* tempora vehementer amplificatam, ita persequi constituit, ut & præcipua naturæ opera, & eorum genuinæ rationes, in compendio exstarent. Si quædam capita respicias, homo non temere credulus fuit. Multa ex optimis Autoribus hausit; sed & passim memoriæ & rumoribus haud satis certis confusus est. Rationes effectuum naturalium interdum non contemnendas affert; hypothesibus tamen suis identidem serviens: acer morum censor, totique humano generi, & sexui imprimis elegantiori, valde iniquus.

Duo

Duo priora, quæ nunc prodierunt, libri hujus Volumina tribus constant Partibus. Quarum una de cælo & astris agit, iteinque de nonnullis meteoris: altera de globo terrestri, ejusque formatione & mutationibus, de montium & planitiarum natura & varietate, de ignibus & aquis subterraneis, harumque circuitu: tertia de tribus naturæ regnis generatim, deinde de salibus, de arenis, de lapidibus, tam vulgaribus, quam pretiosis, de magnete & variorum corporum magnetismo, ac denique de metallis & mineralibus. Jam, quod attinet ad tres reliquas libri Partes, propediem expectandas, in iis actum iri docet Nobiliss. Editor *de Goimond*, primo quidem loco de æstu maris, de tempestatibus & meteoris, de historia plantarum; porro de animalibus & homine; postremo de systemate quodam generali ventorum. Atque hæc est Operis præsentis dispositio. Restat, ut nonnulla Autoris placita exempli loco proponamus. In doctrina de cælo & astris se Copernicanum aperte profiteri non veretur. Syderum mutuos influxus, Astrologis non mediocriter favens, passim adstruit. Cometarum alios malignos, alios beneficos & salutares, statuit. Tellurem nostram tanquam sydus maximo maleficium accusat, ejusque vapores & halitus plane insaufios censet. Quid enim aliud judicandum est, inquit, respicientibus ad vapores tot ignium, quos in sinu suo terra fovet? ad tantam vim sulphuris, arsenici, auripigmenti, similiumque rerum? ad tot animalia venenata, tot bestias ferocissimas, & oppido noxias? imprimis vero ad ipsum hominem, qui sine dubio cuncta reliqua animalia pravitate superat? Igitur, cum Marte & Saturno in unam malignorum planetarum classem collocandam esse terram, decernit. *Tournesortius* lapides, perinde ut plantas, crescere & vegetare, vi principii alicujus interni & seminalis, arbitratus est. At Noster, integros etiam montes hoc modo generari, vegetare, ac postremo mori, opinatur, ad cautes quasdam, in nescio quo agro Gallie natas, iteinque ad insulas illas novas, hoc est, montes marinos, vi ignis & spiritus subterranei ejectos & conflatos, atque ad alias res similes, provocans. Effectus & vires magnetis, non, ut in

corporibus electricis, materię alicui proprię, sed eidem materię subtilissimę cęlesti, adscribit, a qua motum ipsius telluris oriri arbitratur. Hanc materiam per fibrarum magneticarum alterutram extremitatem, atque adeo circa magnetis polum, (quem septentrionalem esse hariolatur,) intrare, & per partes oppositas erumpere, eaque ratione exiguum quendam formare vorticem, docet, ineffabili rapiditate perpetuo circumactum, & universis phęnomenis magneticis sufficientem. Dubium non est, quin corpuscula infinite parva, quę ab universis fere corporibus exhalantur, multos admirandos producant effectus. *Vallemontius* in libro, quem de virgula divina & Philosophia occulta conscripsit, compluribus exemplis hoc demonstrare conatus est. Noster, huic dogmati vehementer assentiens, exhalationes venenatas bufonis in causa esse narrat, quod mustela in rictum istius exosi animalis ultro irruat. Quantumvis vero stupendus hic effectus videri possit, ego tamen, inquit Autor, illum longe potiore puto, quem quotidie in animali, tam pręstante ratione prędito, quale homo se esse gloriatur, proficisci a muliere videmus. Invitus enim ab ea trahitur identidem, perinde ut mustela a bufone, & contra omnem rationem ad stultissimas actiones cogitur. De cetero etiam virorum exhalationes multum in mulieres posse memorat. Negat, eos esse superstitionis accusandos, qui animalia & homines (inprimis ægrotos) aliis nocere adspectu, sive oculorum exhalationibus, posse opinantur. Ea re exemplum miselli homuncionis affert, sua ætate Neapoli ultricibus flammis exusti, propterea quod in tormentis confessus esset, se Episcopum quendam, & alios homines, feroce suo adpectu necuisse. Non magis Astronomiam Astrologi, quam Chemicam Alchemici, qui aurum parturiunt, corrupisse videntur. *Celamina* noster utriusque hominum generis patronus exilit. Ut in montibus & faxis, ita etiam in metallis, veram aliquam essentiam seminalem deprehendit, quam non difficulter in suam naturam transmutare materiam cognatam posse existimat, perinde scilicet ut a semine plantarum humorem telluris transmutari observamus. Itaque semen auri vel argenti in suam

natu-

naturam convertere valet hydrargyrum, ex quo omnia metalla constant; atque ipse Autor noster, pulvere auri feminalis, unius grani, plus quam sex mille grana hydrargyri, sua manu in aurum transmutavit. Sed satis ad præsens de hoc libro dictum videtur: de reliquis ejus Partibus proxime dicendum erit.

TRATTATI VARI, FATTE IN DIVERSE

occasione, &c.

h. e.

TRACTATUS VARI, VARIIS OCCASIONIBUS conscripti a Doctore JOSEPHO DEL PAPA, primo Medico Magni Ducis Hetruriæ.

Florentiæ, apud Tartinos & Francos, 1734, 4.

Alph. 1 plag. 6½, Tab. xn. l.

Doctiss. Autor, jam senex, & nonnullis aliis scriptis inter Italos clarus, etiam hæc sua Schediasmata, variis temporibus composita, flagitantibus typographis permisit. Cum non nimis magni momenti esse videantur, brevissimis ea recensebimus. Et illud quidem, quod primo loco positum est, doctrinam complectitur de sphaera mundi, ex sententia *Aristotelis* & *Ptolemæi*; alterum conclusiones quasdam & succinctas theses ex Philosophia naturali. Sequuntur Epistolæ duæ, de cometa anni 1700, & una, contra *Aristotelicam* antiperistatim. Cometas ingentia esse volumina existimat vaporum, ex terra aliisque corporibus mundi majoribus expiratorum, & supra sphaeram attractionis & gravitatis elatorum: de hujusmodi magno volumine singulos spectatores non nisi singulas partes videre, facis exiguas, planeque diversas: ideoque eos falli, qui, se totum intueri cometæ corpus, & de ejus vero loco, ex collatis aliorum observationibus, judicare posse, opinantur: caudam cometæ esse partem ejus oculo in certo situ, per radios solares varie refractos, visibilem: ob eamque rem neque hoc phenomenon esse unum & constans; de cetero vehementer errare, qui cometas nescio quorum malorum nuntios censent, etsi fieri omnino possit, ut certa quædam aeris constitutio sicca sem-

per sit enim iis conjuncta. Sextum locum inter Auctoris nostri Schediasmata occupat Discursus de morbosis quibusdam accidentibus, ortis ex tractatione vernicis Chinenlis: septimum Discursus de gravitate, circa quam nihil Auctor definiit, sed saltem *Aristotelis* sententiam refellit: octavum Refutatio Medicorum quorundam veterum, qui vapores & flatus ex visceribus infimi ventris ad caput assurgere posse statuerunt: nonum Gratiarum actio ad Academicos de Crusca: decimum Discursus de natura malorum contagiosorum, & de purgandis mercibus, quæ ex locis suspectis afferuntur: undecimum Epistola de productione inusitatorum quorundam calculorum vesicæ: duodecimum, decimum tertium, & quartum, tres Epistolæ de vinis & aquis Hetruscis, & de curando Principe Hispanico, *Carolo*, variolis laborante: decimum quintum Consilia quædam medica: denique postremum Carmina nonnulla.

IOANNIS BURCHARDI MENCKENII DISSERTATIONUM Academicarum, quibus selectissima omnis generis Historiarum, Antiquitatum inprimis, nec non Philosophiæ moralis, & Juris Publici, argumenta explicantur, Decas. Edidit, & Vitam Auctoris, cum JO. ERHARDI KAPPII, celeberrimi Viri, in memoriam MENCKENII publice dicto Panegyrico, præmisit, denique Indicem rerum copiosum adjecit, FRID. OTTO MENCKENIUS, JO. BURCH. Fil.

Lipsiæ, sumtibus Mich. Blochbergeri, 1734, 8.

Alph. 1 plag. 20 1/2.

B. nosster *Menckenius* cum & selecta argumenta tractarit in suis Academicis Disputationibus, & eruditissimam iis adhibuerit elaborationem, jam dudum fuerunt, qui dolerent, vix notas esse eas extra terram nativam. Ne igitur vel dolori huic, vel exterorum desiderio, & in posterum præbeatur materia, Filius faciendum sibi putavit, ut eas conjuncte recusas in orbem emitteret. Præmisit autem Vitam Patris, quantum fieri potuit, plenissime descriptam; a cujus tamen recensione nobis absti-

abstinendum putamus, cum breviorē quidem illam, sed ipsam quoque omnibus placituram, *Menckeni* vitam, ab eodem Filio expositam, jam in his *Actis* exhibuerimus Anno 1732 *Mense Majo pag. 233 seq.* Illud tamen prædicimus, lectu jucundam viris doctis futuram & hanc uberiorē de vita & meritis *B. Menckeni* narrationem, & subjunctam ei Orationem parentatē Cl. nostri *Kappi*. Accingimus jam nos ad contemplandas, quæ hic exhibentur, Dissertationes. Etsi vero moris institutique nostri non est, libellos jam veteres recensere diductius; tamen singularia quædam licebit e singulis vel primoribus attingere digitis. *Prima* igitur in Dissertatione e numis illustratur *Augustorum Augustarumque consecratio*. Hic §. VI falli discimus *Tacitum*, divinos honores Imperatoribus non ante haberi, scribentem, *quam agere inter homines desierint*. Afferuntur enim in contrarium non *Augusti* solum, sed alia quoque exempla luculenta. Ipsi vero ritus consecrationis illustrantur hic non modo Historicorum, verum etiam numorum æri incisorum, testimoniis: quem eundem in modum deinceps describuntur hujus consecrationis effectus, veneratio scilicet eorum, qui consecrati fuerant, instar Deorum, templorum dedicatio iis facta, sacrificia iis præbita, ludorum in eorum honorem commissio, & alia nonnulla. *Disputatio secunda* inscripta est *de eo, quod decorum est*. Hic, præmissa more Philosophorum justa *decori* definitione, partes decori distincte & ordine persecutus est Autor, præstantiumque cum sententiarum, tum exemplorum, interjectione lectionem hujus Dissertationis reddidit jucundissimam. *Tertia* Dissertatio est *de Monogrammate* X, quo signabatur olim nomen Servatoris nostri. Hic prius ostenditur, jam ante natum Christum usitatum fuisse signum hoc, sed eo nihil aliud significatum esse, quam nomen monetarii, sive is *Chrysanthus*, sive *Chrysodorus*, sive *Chrysippus*, vocaretur. Tum docetur, nec post Christum natum ea nota semper indicatum fuisse *Cbristum*, sed Criticos quoque illo modo designasse suum *Χριστον*. Ad ultimum, quicquid de Monogrammate illo, quatenus Christi nomen exhibet, reperitur in omnis ætatis omniumque gentium

tium libris, accurato ordine justaque adhibita consideratione & explicatione hic asserri, latendum est. *Quarta* Disputatio rursus est philosophica. Agitur enim ibi περί τῶ ἀθέοντος, sive de eo, quod placet. Dignus potissimum finis hujus libelli est, qui inspiciatur. Docetur enim ibi primo, quibus artibus, ut placeamus honestis hominibus, efficiatur; deinde ii notantur, qui sibi ipsis placent, etiamsi optimo cuique displiceant. *Dissertatio quinta* id considerat, quod *justum est circa testimonia Historicorum*. Illud potissimum hic inquiritur, an & quomodo testimonia Historicorum probent in judiciis civilibus. Post multa docte varieque disputata, arbitrio judicis relinquendum censetur, quantum probent historiæ. *Sexta Græcarum & Latinarum literarum in Misnia instauratores* laudat. Sunt hi *Conradus Celsus, Hermannus Buschius, Jo. Rogius Æsticampianus, Georgius Heltus, Richardus Crocus, Caspar Bernerus, Petrus Mosellanus, Joannes Rivius, Adamus Siberus, Georgius Fabricius, Joachimus Camerarius*, paucique alii, quorum hic renovatur, multisque præconiis ornatur, memoria. *Septima* Dissertatio est *de Caroli V. Imp. navis politicis*. Non tamen omnes & singulos illius Caroli errores politicos persequitur Autor, sed illos tantum, quos admisit, cum exteris, imprimis Belgis, justo magis deditus fuit, ea re alienans a se & Hispanos & Germanos; cum item *Ferdinando* fratri præmature contulit dignitatem Regis Romanorum; denique cum *Philippo* filio nuptias cum *Maria* Angla conciliavit probrosis conditionibus. *Octava* præcipue placebit non solum Jctis Germaniæ elegantioribus, sed universis patriarum antiquitatum amatoribus. E tenebris enim hic eruitur historia occulti judicii Westphalici, cujus Scabini *Feimrorum* nomen gerebant. *Nona* est *de Commentariis illis historicis, quos Galli Memoires vocant*. Accurata hic exhibetur talium *Memoriarum* recensio, adjuncto justo de singulis judicio. *Decima*, eademque postrema, agit *de Electoratu Saxonia, Friderico Bellicoso jure meritoque collato*. Hic de Saxoniæ Regibus, Ducibus, atque Electoribus, qui *Fridericum* illum præcesserunt, præfatus Autor, causas asserit justissimas, cur is vacue-

ctum

Ætiam Saxoniz Electoratum sit adeptus: tum, *Ericum IV*, Du-
cem Lauenburgicum, *Fridericum* item Brandeburgicum, &
Ludovicum Palatinum, caruisse, docet, satis iustis causis postu-
landi, ut sibi potius Electoratus ille traderetur: denique jura
& privilegia Electoris Saxoniz, non univcrsa, sed tantummo-
do propria, enarrat,

JOANNIS BURCHARDI ET FRIDERICI
OTTONIS MENCKENIORUM, Patris &
Filii, Bibliotheca Virorum militia æque ac
scriptis illustrium.

Lipsiz, apud hæredes Lankisios, 1734. 8.

Alph. 1 plag. 8½.

Si quis forte recensitionem modo laudatz *Decadis* nostram in-
tuitus, frustra ibi requisivit *Menckonianam de Viris militia*
æque, ac scriptis, illustribus Dissertationem, magno quondam
applausu exceptam; is libro hoc in manus suas dato suaviter
acquiescet, cum cognoverit, eam hic reddi reipublicz literariz a
Filio vehementer auctam & locupletatam. Ac potiores omni-
no hic sunt Filii partes, quippe qui tot tantisque additamentis
priorem ornavit Dissertationem, ut nunc liber vocari me-
restur Bibliotheca eruditorum Martis filiorum. Quare
nostrum putamus, ex iis tantum, quos Filius adjectos voluit,
nominare nobiliores clarioresque. Habes igitur, Lector be-
nevole, hic literatam noticiam *Alexandri Achillis*, Prussi,
Legati Regis Poloniz, *Vladislai*, ad Persarum Monarcham,
qui A. 1675 nonagenario major vita excessit, *Henrici Cornelii*
Agrippæ, *Andrea Ammonii*, *Sidonii Apollinaris*, *Andrea*
Matthæi Aquivivii, Ducis Adriensis, magna cum militari,
tum literaria, laude conspicui, *Arati*, Sicyonii, *Archilochi*,
Hieronymi Arconati, *Francisci Barbari*, *Georgii Basta*, *Lau-*
rentii Bonincontrii, *Georgii Buchananani*, *Ludovici de Camoes*,
quem *Virgilium* suum vocant Lusitani, *Joannis Caramuelis*,
Balthasaris Castilionei, *Emanuelis Chrysoloræ*, *Cornificii*, *Franci-*
cisci Sanjuicii, *Jo. Friderici Flemingii*, *Jo. Baptista Fulgosi*,

Cornelii Galli, Germanici Caesaris, Sigismundi Herbersteinii, Hildebrandi Hornii, Micb. Huralti Hospitalii, Jo. Vincentii Imperialii, Nicolai Iftuanfi, Lucilii, Poetz veteris Romani, Scipionis Maffei, Francisci Mendoza, Ioannis Murnelii, Francisci Noai, Jani Pannonii, Pherecratis, Atheniculis, Philisti, Syraculani, Bilibaldi Pirckheimeri, Bartholomaei Platina, Plinii Secundi, Afinii Pollionis, Orbilii, Grammatici, Urbani Regii, Francisci Alvarez de Ribera, Georgii Rimpleri, Petri Ronfardi, Claudii Rutilii Numatiani, Saint-Evremonstii, Guilielmi Sallustii, Jacobi Sannazarii, Ludovici Scarampi, Andrea Spolii, Philippi Joannis Strahlenbergii, Suetonii Tranquilli, Emanuelis Tellefii Sylvii, Theophanis, Mitylenæi, Eberhardi Waltheri Tschirnbusii, Valerii Maximi, Jo. Casimirii Colbii, Comititis Wartenbergii, Georgii Witheri. Singulorum horum historiam hic exhiberi literariam, & illorum quoque laudes, de quibus Menckenius pater jam egerat, pluribus illustrari, docemus Lectores nostros: atque ita longiori recensione haud opus esse, credimus.

MEMORIA GREGORII HALOANDRI,
Juri, & instauratoris Jurisprudentiæ, Commentatione
historica renovata, Autore GEORG. LAU-
RENT. HAUSFRIZ, Norimbergensi.

Norimbergæ, sumtibus Joannis Stein, 1736, 8.
 Plag. 6.

Inter eos, quos recentiori ætate in illustrando Romanarum Jure præclarissime versatos constat, præ ceteris multum laudis tribuendum est Gregorio Haloandro, ferreæ industriæ Germano, & in emendandis legibus Romanis, si non felicissimo semper, solertissimo tamen, & ad sustinendas pro commodis eruditorum quascunque itinerum vitæque molestias vere nato. Cujus Viri etsi satis huc usque cognita civibus partim nostris, partim ipsis exteris, in Jurisprudentiam merita, magis tamen ignota ipsa fata fuerunt, ut præter nomen viri, & pauca ea,
 quæ

quæ *Albinus* in *Chronico Misnensi* refert, vix quidquam de eo dicere vel istarum rerum peritissimi sciverint. Non est igitur, cur rem ab aliis jam occupatam, aut ingratam eruditis, suscepisse putandi sint, qui eodem tempore nuper ad describendam *Haloandri* vitam laudabili consilio conversi sunt, præstantissimi Duumviri, *Franciscus Carolus Conradi*, Helmstädiensis Antecessor celeberrimus, & *Georg. Laurentius Hausfriz*, Norimbergensis civis, ad doctrinæ elegantioris laudem nobili itinere contendens. Dignus est utriusque horum labor, qui commendetur publice, & in notitiam veniat eorum, quibus cara est *Haloandri*, Viri optimi, memoria. De *Hausfrizii* libello primum dicemus, quod ille, si molem spectes, copiosior sit altero, etsi non ob id bonarum rerum ditior. Ipse enim, præcipua quædam illi alteri Consultiss. *Conradi* Opusculo ornamenta accessisse, negata sibi, quantumvis diligenter vestiganti, agnoscit in Præfatione, & quodammodo dolet, Autor. Sed hæc, ut fortunæ fuit, non invenisse, ita pretio Operis, diligenter satis, satis etiam eleganter, scripti, hæc quidquam offi-
ciunt. Inde dabimus potiora vitæ *Haloandrinæ* momenta, in ipsis ita Annalibus nostris Viri immortaliter de Jurisprudentia Romana meriti memoriam conservaturi. Patriam habuit Cygneam, Lusatiæ urbem haud ignobilem, natus hic, quod verosimile videtur Autori, sub finem Seculi XVI. A parentibus acceperat *Hofmanni* nomen, in cujus locum postea, more illius Seculi, Græcum *Haloandri* substituit. Ita rem refert *Albinus* in *Chronico Misnensi*, cui si ex documentis fide dignis id compertum fuit, facile assensum præbemus, si conjecturas secutus nomen Græcum in Germanicum transtulit, veremur, ne male *Hofmannum* dixerit, quem potius *Salzmannum* dicendum esse, Græcæ vocis ratio ostendit. Qui fuerint parentes *Haloandri*, non magis certum, quam quibus præceptoribus usus sit adolescens. Autorem si conjectantem sequaris, in patria primum schola, postea in Academia Vitembergensi aut Lipsiensi, utraque viris doctissimis maxime tunc insigni, Græcæ & Latine linguæ præcepta imbibit. Id certum, A. 1518 Cygneam reversum, ibidemque *Georg. Agricola*, Græcam scho-
lam

lam aperienti, manus adjutrices præbuisse. Inprimis vero id commodum ei accidit, quod in amicitiam *Julii Pflugii*, Equitis Misnensis, admissus, huic ita probavit ingenium & doctrinam suam, ut is ornandas res ejus omnes susceperet, & in Italiam excursurus, itineris socium sibi adscisceret. In Italia supremis Jurium honoribus ornatus, nihil intermisit, quod viam parare ei laudi posset, quam postea præclaris in Jus Romanum meritis sibi comparavit. Inprimis diligentissimus fuit in conferendis ad Codices antiquos *MStos*, quos illustrissimæ Florentinorum, Bononiensium, atque Venetorum, Bibliothecæ suppedabant, legibus Romanis, adjutus maxime insigni liberalitate *Egnatii & Calcagnini*, qui lectissima quæque vetustatis monumenta inspicienda ei & utenda in rem suam concesserunt. Præcipuam vero in emendandis *Pandectis* posuit industriam, eumque in finem *Ludovici Bolognini*, aut, quod verius dicendum, *Angeli Politiani*, Collationes Codicis Pisani, quæ felici quodam fato in manus ipsius venerant, accurate transcripsit, usus simul aliorum Codicum, & doctrinæ elegantioris, subsidiis. His spoliis onustus, sub initium anni 1528 in Germaniam reversus est, ac præ ceteris Norimbergensem Senatum dignum judicavit, cujus sub auspiciis nova *Pandectarum* editio prodiret. Probavit statim Senatus honestum viri consilium, publicoque trium annorum stipendio *Haloandrum* ad perficiendum id operis conduxit, dato ei hospitio & convictu satis lauto in monasterio *Ægidiano*, prope Norimbergam sito. Ita factum, ut A. 1529, mense Aprili, nitidissimo habitu, tribus Voluminibus in 4, Norimbergæ, typis *Jo. Petreji*, *Pandecta Haloandrina* lucem adspicerent. Eodem anno publicavit Noster, sed incertum, an ejusdem Senatus Norimbergenfis autoritate, *Institutionum Justiniani Libros quatuor*, forma 8, cujus Operis eisi sit raritas insignis, ut, qui inspectum sibi teneatur, sint paucissimi, pretium tamen est valde exiguum, nec ulla vetustioris Codicis *MSti* hic vestigia compareant. Si qui tamen sint, quos ejus libri desiderium teneat, si qui & alii, qui sumtus offerant, id curaturum se spondet *Cl. Housfriz*, ut novo prelo excudatur Opus, idque, quam fieri possit, emendatissi-

datissime. Altero anno post subsecutus est *Codex Justinianus*, ad Codices MStos numero XV recognitus, & Indice Chronologico omnium Consulium Romanorum, musæ *Haloandrina* felici partu, ornatus. Hujus Operis dotes varias & singulares copiose exponit Autor noster, pluribus etiam, quibus invidorum obtreccionibus exceptum sit, nos docens, hasque ex parte diluens. Tum A. 1531 primus *Haloander Novellas Constitutiones* Græcas publicavit ex libro quodam *Bolognini*, in quem migraverant ex Codice MSto Bibliothecæ Marcianæ, quam Florentini servant. Eidem Codici, non omnium *Novellarum* plenissimum quoddam corpus exhibenti, tribuendum, quod alias *Novellas* in hac editione frustra quæras, alias mutilatas ex parte, nec raro corruptas, legas. Fecit hic rem gratam Lectori Doctiss. *Hausfriz*, quod earum omnium, quas exulare collectione sua *Haloander* jussit, aut quibus aliunde integritas sua restitui potest, copiosum indicem contexuit, commodum imprimis iis, qui harum *Constitutionum*, passim dispersarum, pleniorē notitiā expetunt. Adjecit huic Operi *Haloander* Latinam *Novellarum* versionem, antiquiori illa, quæ in foro auctoritatem obtinuit, multo elegantiorē, neque tamen communi eruditorum assensu approbatam. Tantorum Operum, felicissime absolutorum, non insignem tantum laudem ab eruditis, sed aureorum etiam DCCCCL lautissimum præmium a Senatu Norimbergensi, tulit *Haloander*, felix in eo, quod illustrem hunc ordinem laborum suorum judicem & æstimatorem nactus est, cujus quippe factum est honesta liberalitate, ut & viventi jussus honor sit tributus, & mortui, quæcunque exstant, Opera ad hunc usque diem inter præstantissimas vetustatis reliquias religiose asserventur. Profert hac occasione Cl. *Hausfriz* ineditam *Haloandri* ad *Hieron. Paumgartnerum*, Decurionem Norimbergensem, Epistolam, qua illustri huic Viro *Codicem Justiniani* recens a se editum transmittit, offerendumque suo nomine Norimbergensi Reipublicæ commendat. J. M. munere suo edendi Juris Romani præclarissime defunctus, denuo in Italiam contendit A. 1731, petiturus hinc novam laboris futuri materiam, & illa dudum sibi nota Bibliotheca-

thecarum penetralia perquisiturus. Sed, Italiz vix ipsis sinibus salutatis, Venetiis A. 1552 in levem febrim incidit, quæ, male tractata a Medico, ipsi exstiterit fatalis. Sunt alii, qui veneno Italorum periisse putant, sed quorum sententia idoneis Scriptorum testimoniis caret. Ossa ejus Venetiis in templo ad S. Salvatorem sunt condita. Ita in optimo ætatis flore ereptus est bonis literis *Haloander*, qui, si diutius vixisset, perfecisset sine dubio, præter alia præclara Opera, de studio *Juris conscribendo* librum, edidissetque, quod destinaverat, *Matriculam imperii omnis*, Opus vetustum, a *Lud. Calio Calcagnino* ipsi supeditatum, & *Libros Feudorum*, ab *Antonio Mincuccio de Prato veteri* compositos. Amicus usus est per Germaniam & Italiam nobilissimis quibusque, imprimis *Egnatio, Calcagnino, Melanchione, Jac. Zieglero, Camerario, Agricola, Pflugio, Paumgertnero, Pirckheimero, & Bunello*. Sub finem Opusculi Autor doctissimus adjecit editiones *Corporis Juris Haloandriani*, quoquo tempore repetitas, nec non selecta quædam illustrium virorum de doctrina & meritis *Haloandri* testimonia.

FRANCISCI CAROLI CONRADI, IN ACADEMIA Julia Jurisconsulti, Parerga, in quibus Antiquitates & Historia Juris illustrantur, varia Juris Civilis, aliorumque Autorum, loca emendantur, explicantur.

Helmstadii, sumptibus Christ. Frid. Weygandi, 1735, 8.

Plag. 10½.

En igitur, cujus paulo ante mentionem fecimus, Consultissimi *Conradi* librum, non ex mole sua, quæ valde levis est, sed ex argumentis, quæ selecta sunt omnia, nec vulgare quidquam habent, quin ex doctrina imprimis, quam hic summatim & præclaram admiramur, æstipandum. Tribuas hoc modestiz Autoris, quod *Parerga* dixit, quæ præ multis nostri temporis scriptiunculis lucernam olent, & si nihil unquam aliud scripisset Autor, vel sola ei ad laudem & plausum publicum sufficerent, *Juris Romani Historia*, & cujuscunque generis *Antiqui-*

MENSIS NOVEMBRIS A. MDCCXXXVI. 517

tiquitatum studia, quorum dulcissimos fructus *Parerga* hæc nobis exhibent, quam sint laboris & vigiliarum plena, & omnibus notum est, & ii optime intelligunt, qui in colendo hoc agro ætatem studiumque suum consumunt. Quo majoris æstimandus est eorum labor, qui non tritis aliorum vestigiis insistendum, sed illud agendum sibi cumprimis, putant, ut res maxime obscuras, & aliis omnibus secure neglectas, sed scitu non jucundas minus, quam utiles, diligenter ex antiquitatum monumentis eruant, & ad prosliganda communium errorum monstra commode ingenio & doctrina sua utantur. Gnarus hujus artis, qua ad veram laudem contenditur, Consultiss. *Conradi* nihil complexus est eleganti hoc libello, quod aut scripsisse ipsum, aut nos legisse, pœniteat. Propositum ipsi est, ex diuissima, quam dudum sibi comparavit, Animadversionum ad Jus Romanum & ritus veteres, maxime vero Juris antiqui historiam, suppellectile successu temporis frustula quædam expromere, hisque laute instructis, & in justam libri formam redactis, cupidos istiusmodi deliciarum lectores pascere. Speciminis loco primum hoc nobis ferculum apponit, quod si ad palatum fuerit eruditis, ut futurum certissime auguramur, semestri quovis spatio, inter ipsas muneris publici occupationes, daturum se apparatus epulas, promittit. Si quid ponderis habet nostra approbatio, non potest non tam salutariter cœptus labor in incrementum elegantiorum literarum cedere. Priori hæc præstantissimi laboris parte *Dissertationes septem* continentur, in quibus nulla est, quæ non aliquid novum & singulare doceat. His præmissa est lectissimæ promulsidæ instat *Vita Georgii Haloandri*, illi alteri *Hausfriziana*, quam paulo ante ex merito suo laudavimus, numero magis paginarum, quam selectu & apparatu rerum, cedens. Præterquam enim, quod hinc discas, *Enchiridion Episteti* ab *Haloandro* Græce editum exstare, quod ignorasse se fatetur alter ille *Haloandrina* vitæ scriptor, singulare inprimis labori huic ornamentum accedit a tabula ænea, imaginem *Haloandri* exprimente, cujus formam scripserat in *Chronico Cygneo* *Tob. Schmidius*, nec non a *Jac. Ziegleri* & *Martini Richteri* ad Equitem Misnensem, *Julium a Pfugk*,

Pflugk, Epistolis, ad hunc diem ineditis, quas venisse in manus suas liberalitate magni olim *Gribneri* nostri, gratus in Praefatione Autor praedicat. Jam, quid boni secum ferant *Dissertationes* ipsae, summam indicabimus. Harum prima de *Pratore peregrino* eleganter atque docte commentatur; cui si jungas *Jo. Henr. Mylii*, Collegae olim nostri, sed bonis literis immaturo fato erepti, de eodem argumento Dissertationem Academicam, ante paucos annos in hac Academia publicatam, cui nec ipse Autor noster promeritam laudem denegat, utroque hoc labore in re satis impedita, tenebrisque suis involuta, commode in rem tuam uteris. Autor noster *Pratoris peregrini*, ad jus peregrinis dicendum in Urbe constituti, originem, potestatem, jurisdictionem, intercedendi jus, insignia, assessores, edictum, curationem ludorum & aquaeductuum, &, quicquid ad historiam hujus muneris, satis inter Romanos splendidi, pertinet, studiose explicat, diversa inprimis *Pratoris peregrini* & *urbani jura* ostendit, multisque veterum Autorum locis clarissimam hac occasione lucem accendit. Altera de *Censore Sigillorum Collegii Signiferorum* inscripta est *Dissertatio*. Sustinet haec Commentarii vicem in nobilem Inscriptionem Arae veteris, in Britannia positae, quam exhibet Autor Dissertationis eruditae, cum Accessionibus nonnullis ad *Alexandri Gordonii* Itinerarium septentrionale ante triennium Londini editae. Ea integram:

DEO. MERCURIO
JULIUS. CERTUS
CENSOR. SIGILLORUM.
COLLEGII. LIGNIFERORUM. CULTORUM
EIUS. DE. SUO. DEDIT

Singularis hic, nec usquam alibi visa, *Ligniferorum* appellatio, quam ad *Dendrophoros* priscos, homines diversis Numinibus devotos, qui arbores ramosve virentes signis Deorum suorum in pompa solenni praeferebant, ignotus ille Dissertationis Londinensis Autor transulerat Cui conjecturae cum duo inprimis obstarent, primum quod omni veterum autogitate destituta

tutum sit *Ligniferi* vocabulum, deinde quod parum convenire Dendrophoris istis videatur *Sigillorum Censor*, aliam ei, felicio-rem nostro iudicio, nec critici acuminis nihil habentem, Conf. *Canrad* substituit. Pro *Ligniferorum* legere nos *Signiferorum* jubet, putatque, notissimum illud genus hominum hic indicari, quorum mentionem facit *lex 2 C. Tb. de Collegiatis*, quosque *Gottsfredus* ad *b. l. in pompis, festis, ludicris gentilitiis*, tulisse signa, & in his Deorum, docet. Huic sententiæ suæ varia Auctor noster ex antiquitatibus præsidia quærit, ostenditque inprimis, *commode cum *Collegio Signiferorum* conjungi *Censorem Sigillorum*, cui quippe sigillorum, seu, quod idem est, signorum, quibus uterentur *Signiferi*, æstimatio & arbitrium fuerit delatum. Elegantissima est, &, quam versatus sit in antiquis monumentis Auctor noster, luculenter testatur *Dissertatio tertia*, cui titulum fecit Noster: *M. Horatius ad populum provocans in numo gentis Porciae*. Mire aut torsit olim, aut torquere potuit, ingenia interpretum antiquissimus numus, veteris illius, lege Porcia munitæ, provocationis ad populum præstantissimum monumentum exhibens. Autoris in describendo verbis utemur: *Parti numi adversa caput Roma galeatum, cum denarii nota & adscripto nomine P. LAECA, præfert. In aversa parte vir paludatus, medius inter togatum civem & lictorem, virgas utraque manu minitantem, conspicitur: in area inferiori expressum est provocantium verbum solenne, Provoco. Utramque numi partem curiosis oculis lustrat Auctor, in id inquirens inprimis, quis sit vir ille paludatus, inter togatum civem & lictorem medius. Non satisfaciunt Auctori, si qui aut Legatum Romanum & belli ducem, aut Dictatorem, hic agnoverint. Nova est ipsius conjectura, eaque, si quid in his rebus certum dici potest, certissima. Memoriam in hoc denario conservari nobilissimæ illius provocationis, sub *Tullo Hostilio Rege*, factæ a *M. Horatio, Curiatiorum* victore, sed simul parricida, ingeniose docet. Cujus rei indicio tantum facto, facile rem omnem intelligimus. Paludatus ille, dextra coronam gestans, ipsum *Horatium* exprimit, adstante jam & crudelem mortem minante lictore, provocantem. Alger ille, a dextra *Horatii* positus, sed toga indutus,*

fortissimi illius civis patrem refert, qui, filium, ex pugna red-
 cem, & spoliis onustum, tenere complexus, &, audito Senatus
 inclementi iudicio, proclamasse ad populum, *Livio dicitur.*
 Ampla est & erudite conscripta *quarta de Formula sepulchra-*
li, sub ascia dedicare, Dissertatio. Non infrequens est hæc
 formula in Gallicis, Viennensibus, Lugdunensibus, Valentinis,
 Nemausensibus, & Narbonensibus Inscriptionibus, sed nulli
 Scriptorum veterum nominata. Factum hinc, ut, qui recen-
 tiori ætate in explicanda ea experti sunt vires suas, multum
 inter se diversa proferrent. Nuper demum, post *Fabretti*,
 vulgo receptam huc usque, opinionem, auditæ sunt novæ P.
Jac. Martini, Benedictini Mauriani, & *Alex. Symm. Mazochii*,
 conjecturæ, illius in Opere *de religione veterum Gallorum*, hu-
 jus in erudito *ad Campani Amphitheatri titulum Commenta-*
rio. Sed nec horum labor, quantumvis per se laudandus, tulit
 suffragium Autoris nostri, qui data opera id agit, ut, quantum
 difficultatis insit in unaquaque harum opinionum, rationibus
 minime spernendis ostendat. Applaudimus vero optimi Viri stu-
 dio meliora nos docendi, remque satis obscuram in clariore lu-
 ce collocandi. Rejēctis aliis omnibus conjecturis, ita decernit,
sub ascia dedicare nihil esse aliud, quam monumentum sub tu-
 tela & cultura fabricæ, ut sartum tectum præstetur, constitue-
 re. Robora huic sententiæ ex more veterum, de tutela &
 refectione monumentorum sedulo prospiciendi, & pecuniam
 ad id conferendi, nec non ex eo, arcessit, quod huic explican-
 di modo convenient locutiones ex omnes, quibus conceptam
 ipsam hanc formulam in vetustis Inscriptionibus apparet. In
 his omnibus copiosus est Autor, tamque selectis eam in rem
 testimoniis utitur, ut jam nemini non felicissime enodata bre-
 vior illa, & ob id obscurior, vetustiorum temporum formula
 videri possit. Jucundum fuerit Historiæ literariæ studiosis, vi-
 dere in *Dissertatione quinta*, quam *Pseypo-Papianum Burgun-*
dionem inscripsit Autor, exterminatum ex Republica Jurecon-
 sultorum *Papianum* illum, cujus librum *Responsorum*, excerpta
 ex legibus Romanis continentem, *Codici Theodosiano*, A. 1566 a
 se publicato, *Jac. Cujacius* adjecit, cujus & patriam fuisse Bur-
 gundiam, sibi & aliis *Jac. Gothofredus* persuaserat. Felicissimus
 hic

hic Autor nosler, cui primo non tam conjectura, quam certissimis argumentis, id assequi licuit, fuisse id hominis ex ignorantia scribarum ortum, qui, dum *Papiani* male pro *Papiniani* scripserint, & universæ illi legum Romanarum compilationi, ab homine prorsus ignoto congestæ, eum titulum fecerint, qui non nisi brevissimæ ejus parti, ex *Papiniani* libro *Responsorum* decerptæ, conveniebat, in illum posteros errorem induxerint, ut, Opus illud universum a *Papiano* quodam compositum, & ab eodem parum apte pro libro *Responsorum* venditatum, sat certo existimaverint. Qui Criticam Juris amant, hi, quod placeat, in *Dissertatione sexta* habent. Emendatur hic *lex 7 §. 3 D. de Bonis damnatorum*, ubi pro *manifestabunt tot possessores*, quod vulgo legitur, nec satis obvium sensum habet, legendum conjecerat olim Ill. *Bynkershokius*, *manifeste dabunt tot possessores*. Cui emendationi, etsi non prorsus rejiciendæ, laboranti tamen difficultatibus suis, aliam faciliorem adjungit Conf. Autor, non nisi voculam *tot* in *ta* mutans, & ita legis verba explicans, ut sit ab unoquoque filiorum *Allini* portio hæreditatis, quam acceperat, designanda, etsi de universo patrimonio defuncti jam satis certo constet. Atque, & quodammodo superat, ceterarum laudem ultima *Dissertatio*, pleniorum *librorum Caji*, qui sunt rerum *quotidianarum*, sive *aureorum*, historiam complectens, septem abhinc annis *Vitembergæ* sub muneris publici auspiciis publicata, sed nunc aucta nonnihil & recognita, quam ad id inprimis idoneam putamus, ut, quæ maximum huc usque plausum Germanorum tulit, ipsis jam exteris narrare Conf. Autoris doctrinam & in artem Juris merita præclara possit.

PRODROMUS ULMÆ NUMARIÆ, SEU
de Numis quibusdam rarioribus Ulmanis, maxime antiquis, Observatio historica **LUDOVICI BARTHOLOMÆI HERTTENSTEINII, JCi,**
ac Ill. Reip. Ulm. Consilarii.

Jus monetandi partem esse summi Imperii, adeoque in Germania nostra regulariter ad solum Cæsarem, seu summum vassissimum Regni moderatorem, jure proprio pertinere, con-

stat inter omnes, qui vel aliquali Juris Publici cognitione sunt instructi. Idem ipsum vero Regale Statibus quoque immediatis, quin & mediatis quibusdam, seu ex specialibus Imperatorum privilegiis, seu ex immemorabilis temporis præscriptione, competere, alii doctiores dudum & argumentis, & exemplis, demonstrarunt. Cum autem inter splendidissima augusti Imperii membra Civitates quoque liberæ, vulgo Imperiales dictæ, suum optimo maximo jure sibi vindicent locum, mirum non est, & illas eminenti hocce privilegio ab antiquissimis inde temporibus gaudere. Cujus rei tot ubivis luculentissima deprehenduntur testimoniis, quotquot in Principum aliorumque eruditorum virorum Gazophylaciis prostant numi, earundem signis ac insignibus notati. Dignum sane argumentum, quod aliquando faventibus Musis a viro harum deliciarum perito in omni sua latitudine peculiari Opere eum ad modum pertractetur, quo præstantiores singularium quarundam Civitatum numi a Viris celeberrimis, de Ludevig, Schmidio, Schlegelio, Henneccio, aliisque, publicis scriptis scite ac eleganter fuerunt illustrati. At, cum tale institutum hominem requirat, non tantum Historiæ ac Antiquitatum Germaniæ gnarissimum, sed & a forensi strepitu (quo undiquaque sum circumdatus) semotum, illius executionem aliis peritioribus relinquo. Ne tamen verbis duntaxat alios hortari videar, speciminis loco pro impensissimo meo in hæc studia affectu pauca quædam, quantum per ingenii vires aliosque labores mihi licebit, de Numis quibusdam Ulmanis rarioribus, maxime antiquis, (quorum accurata Delineatio ex qualicunque meo Numophylacio in subjuncta Tabula producta est,) differere constitui. Priusquam autem ad ipsam thematis hujus, a nemine, quantum scio, ante me pertractati, expositionem me accingam, paucissimis moneo, olim in Germania, florente inprimis stirpe Carolingica, (restantibus id Capitularibus Regum Francorum, a Viris doctissimis, Baluzio, Sirmondo, ac Goldasto, editis,) monetam non nisi in Palatiis Regiis excusam fuisse. Cum autem inter hæc (id quod cum in *Spec. Hist. patr. de Ulma destructa ac restaurata*, tum nuper demum in *der gründlichen Aufklärung, daß die Stadt Ulm nicht erst A. 1336 zur Reichs-Imme-*

dinat

dictat gelanget &c. demonstratum dedi,) Ulmenſe quoque Palatium, ipſi quamvis ſagaciſſimo *Mabillonio* ignotum, haud poſtremum fuerit, nullus dubito, quin & ibi, & ante & poſt dictæ Civitatis donationem, a *Carolo M. A.* 813 opulentiſſimo *Divitaugiens*i Monasterio factam, talis officina monetaria regia floruerit. Cui ſententiæ præter antiquum iſtud Ædificium, quod ſub Piſcatoribus ſitum hodiernum nomen *der alten Münz* retinet, *Crufſi* præcipue autoritas patrocinator, quippe qui in *Annalibus Suevorum* ad A. 1087 diſerte *Siclos Ulmenſis monete* nominat, cujus quidem ætatis Numos Ulmenſi Dignitate inſignitos, quamvis neque operæ, neque impenſis, pepercerim, nondum, ut contemplerer ac contrectarem, mihi licuit eſſe tam felici. Hiſce ergo ſuppoſitis, nullum proſus eſt dubium, Imperatores, præter Advocatos ſeu Scultetos, Ulmæ quoque ſuos habuiſſe Monetarios, qui officinæ monetariæ curam gerebant, & immediate a Cæſare conſtituebantur. Quamvis enim *Praunius* in *Tr. von denen Geſchlechtern in Reichs-Städten* jus Monete Abbati Reichenaviens*i* tribuat, iſta tamen ſententia nullis ſolidis fundamentis nititur, & eo minus calculum movetur, quod non tantum in literis Donationis nullum illius exiſtat veſtigium, ſed &, teſtibus *Oleario*, *Sperlingio*, ac *Ludewigio*, vix Cœnobium in Germania reperiatur, ante *Carolum Craſſum*, jure hocce præditum. Stetit ergo Regale iſtud penes Imperatores, uſque dum ab iſdem peculiaribus privilegiis Civitati (jure primo revocabili, poſtea perpetuo,) conſeſſum fuit. Poſtquam vero inſequentibus temporibus hocce Regale pedetentim cum Statibus (primo quidem Eccleſiaſticis, poſtea quoque Secularibus,) communicari cœpit, etiam Ulmenſis Reſpublica, tum quidem, ſive potentiam, ſive divitias ſpectaveris, florentiſſima, eodem exornata fuit, id quod omnium primo a *Wenceslao* factum in *Annalibus* reperio. Cum enim plures in Suevia ac Franconia Civitates iſtud Numismaſum genus, quod ab incluta *Halla* nomen ducit, ob illius celebritatem imitarentur, dictus Imperator ad conſervandum eorundem valorem A. 1385 illas urbes, quibus tales denarios cruce ac manu notatos cudere in poſterum debebat eſſe permiſſum, prudenti conſilio ad certum, eundemque quaternarium, numerum redegit, inter quas

Augusta Vindelicorum primum, Norimberga secundum, Ulma tertium, Hala denique Suevorum quartum, obtinuit locum. Ne autem, inventa sic lege, novæ invenirentur fraudes, cum ratione materiz, tum ratione ponderis, certas illis condiciones præscripsit, insimulque statuit, ut quælibet urbs numis suis peculiare signum adderet, quod in Augustanis fuit auz pinea, in Ulmanis vero scutum Balthicum, seu (ut quidem vulgus pro captu suo Insignia Ulmenia interpretatur,) figura corbis inversæ. Quæ omnia ut Lectori clariora appareant, ipsa antiqui cujusdam Chronici Norimbergenfis, a Cl. Schlegelio citati, verba apponam: A. 1385 *bat König Wenzel verordnet, dasz in vier Statten, nemlich Aufpurg, Nürnberg, Ulm, und Halle, und sonst nirgends anderswo, solten gemünzet werden Heller mit Creuz und Händen, die solten in Francken und Schwaben und in allen darinn gelegenen Statten genohmen werden, ein Pfund vor einen guten Rbeinischen und Ungarischen Gulden, und soll an Korn balcen ein Drittel löbigen Silbers, und zwey Drittel Zufaz, und an der Zahl sollen geben neun und vierzig Schilling und vier Heller auf eine Nürnbergsche Marck, und soll eine jede Statt ein sichtiges Zeichen darauf schlagen, dasz man sie wohl erkennen möge. Fünff und zwanzig Pfenninge haben sollen auf ein Loth geben, sonst bat man Mache gebabt solchs zu zerschneiden, &c.* Hocce deinde Privilegium Imperator Rupertus Palatinus non tantum gratiose confirmavit, sed & eidem A. 1400 singulari indulgentia facultatem Solidos cudendi addidit, hancque A. 1404 porro ad reliquas omnes monetæ species extendit, quo nomine etiam Ulmenfes, ut ex Consultissimi Wenckeri Apparatu Archivorum constat, A. 1409 Conventui Monetario Spirensi interfuerunt, in quo inter alia statutum fuit, ut quælibet Civitas Aureos Rhenanos antiquiores suæ Civitatis signo notaret, eaque ratione probiores a levioribus distingueret, *dasz dieselbe Gulden sollen mit eyme gemeinen Zeichen und Stempel, der jegliche Statt einen haben soll, gezeichnet werden, dabey man die erkennen mag, &c.* Tandem Carolus V, gratiam aliquando suam ob servatam Imperio fidem Ulmenfibus comprobaturus, iis hæcce beneficia in perpetuum concessit, iisdemque etiam Privilegium numos

quos-

Fig. I.




Fig. II.




Fig. IV.



Fig. V.



Fig. VII.



quos-

quosvis majoris moduli, etiam aureos, signandi, *Gold und Silber nach ibrem Gefallen zu münzen*, junxit, quo etiam Patria charissima ante & post illa tempora ita usa est, ut *Eberhardus*, Comes de *Wirttenberga*, A. 1475, teste *Besoldo* in *Documentis Virginum*, Cœnobio Reuthensi significaverit, *dass hinfüro khain Müntz in denen Württenbergischen und Baadischen Landen genommen oder geben werden soll, denn die Pfenning und Schilling der vier Schleg, Baaden, Württemberg, Costenniz, und Ulm, &c.* Quod vero jam ad species monetæ Ulmenis attinet, ego in qualicunque meo numerum Ulmenium apparatu, præter varia *Numismata Symbolica, Jubilæa, Votiva, Militaria, Obsidionalia, Iconica, Feralia, Honoraria, &c.* aurea ac argentea, (quorum numerus haud exiguus est,) asservo *Ducatos, Aureos, Thaleros, Florenos*, aliosque bene multos minoris moduli ac diversorum typorum, ex quibus rariores tantum ac præstantiores aliquos hic nominabo; inter quos & antiquitate & raritate reliquos omnes antecellit tenuissimus Numus orichalceus, quem sub *Fig. 1* in proscenium produco, TAB. VIII. *Fig. 1.* cujus alterum latus insignia Ulmensia repræsentat additis literis *V. I. m.* alterum vero aversum Crucem sistit: utrumque antiquis literis Germanicis monachicis in margine notatum fuit, quas autem injuria temporum adeo delevit, ut absque novo Oedipo illarum sensum assequi sit perdifficile. Debeo eundem munificentia Fautoris ejusdam, qui illum paucis abhinc annis Leiphemii, ubi tunc Pastoris munere functus est, inter rudera mœnium istius municipii, (quod ab anno inde 1453 Ulmensi ditioni subditum, & ob memorabilem illam rebellium Rusticorum cladem, A. 1525 ibidem acceptam, memorabile est,) invenit, mecumque benevole communicavit. Cum autem oppidulum istud, teste laudato *Crusio*, jamjam A. 1449 ab Augustanis obseßum fuerit; antiquitas hujus Numi facile exinde concludi potest, quippe qui procul dubio a positis inde murorum fundamentis ibidem delituit, sive ab operario quodam forte fortuna deperditus, sive memorie causa ibi reconditus. Excipit hunc *Halerus* levissimi ponderis, ex una parte Cruce, ex altera Digmate Ulmensi, notatus, cujus faciem *Fig. 2* sistit. 2. Claruit olim sub nomine *der Italigen Heller*, seu *der Ulmischen Pfen-*

TAB. VIII

Fig. 3.

Pfenninge, quorum in Chartis Seculi XIV ac XV frequens fit mentio. Eorum Libra ab initio Aureum Hungaricum æquavit; cum vero hujus valor in dies augetetur, Libræ octo adhuc solidi fuerunt additi. At pergo ad *Fig. 3.* quæ *Grossum Bobemicum* dimidiæ drachinæ exhibet, Ulmenſi ſigno notatum, *gut Bobemiſch*, ſeu vocabulo Suevo *Plaphert*, dictum, quorum unus octo denariis abſolvebatur. Cum enim Seculo XIV ex-eunte Groſſorum valor internus mirum in modum decreſce-ret, antiquiores ob illorum probitatem (teſte *Hoffmanno* in *Tr. de variis Monetæ ſpeciebus*) a Statibus Imperii certis ſignis diagnoſticis fuerunt notati, id quod & circa annum 1428 ab Ulmenſibus factum eſſe, Chronica teſtantur; unde ſponte ſua cor-ruit fabuloſa iſta vulgi de hiſce Numis narratio, quod ſcilicet Ulmenſes illam Comitatus Heſſenſteinensis partem, in qua Geiſlingenſe oppidum ſitum eſt, A. 1396 ab *Ulrico*, Comite de *Heſſenſtein*, ſub pacto perpetuæ reſtitutionis hæc moneta acquiſiverint, inſimulque ſtatuerint, ne dicto Comiti, ejusque poſteris, alia ratione eundem terræ tractum redimere fas eſſet, niſi ſolutum ab Ulmenſibus pretium in hac ipſa ſpecie reſtitue-rent; ſed, inane hocce eſſe hominis plebeji ſigmentum, omnes norunt, qui tabulas illius venditionis vel ſemel inſpexerunt. Properamus igitur ad *Fig. 4.* quæ *Solidum Ulmenſem*, ex cupro & argento conflatum, unius, & quod excedit, drachmæ, ex-hibet, a cujus fronte Inſignia Ulmenſia cum Aquila *μονηκε* *Φά-λω*, a tergo vero Crux furcata conſpicitur, additis ibi literis: S. O. *Solidus Olomorenſis*: in margine autem utrinque ſequen-tia leguntur verba: *SSanctus Urſus Martur: Moneta Olo-morenſis*: quæ ipſa nominis Ulmenſis orthographia, (ſi quæ eſt illius autoritas,) haud obſcure innuit, Ulmam neque ab ul-mis arboribus, neque ab Ulmigerâ gente, neque ab Alemanniſ, neque a Vtrâ Legionis Manſione, neque ab uligine terræ, ſed ab antiquo vocabulo *Holm*, nomen fuiſſe fortitam. Numus hicce rariffime obuius cuſus videtur adoleſcente Seculo XV, & diu mihi crucem fixit, an inter Numos Ulmenſes, an vero in-ter Solodurenſes, ſit referendus; cujus quippe non Ulmæ ratio-nem agit S. *Urſus*, ut apparet ex Unciali quodam Reipublicæ Solodurenſis de A. 1502, quem Cl. *Tenzelius Colloquiiſ* ſuis

mensis A. 1696 inferuit. Verum enim vero, cum Solodurense *Sorjus*, ut Ulmense, transversa linea horizontaliter dissectum, Cephalus autem illius non æque cancellis, transversim se interfecantibus, sit instructus, probabilius mihi videtur, Solidum huncce ad imitationem cujusdam Solodurenensis fuisse cufum, cum imprimis, teste *Burgmeistero*, illis temporibus magna Helvetios inter ac Ulmenles amicitia intercesserit. De Numo *Fig. 5* conspicuo, dimidiæ circiter drachmæ, argenteque purioris, clarior res est, quippe qui & insignia & nomen Ulmenfis civitatis luculentissime præ se fert. Sistit ille in anteriore area Aquilam simplicem, in posteriore autem scutum Ulmense, cum literis V. L. M. A. addita utrinque inscriptione: *Facta est Moneta ista nova: in Christi nomine, amen.* De cetero forma literarum Seculum XV sapit, circa cujus medium eundem collocandum puto. Denique hosce omnes tam ratione valoris intrinseci, quam respectu nitoris extrinseci, longissime post se relinquunt Numi Sociales argentei elegantissimi, circa primordia Seculi XVI cusi, quos *Fig. 6 & 7* conspiciendos præbet. Horum alter, moduli majoris, ac duarum drachmarum ponderis, ex parte antica D. *Georgium*, Equitem, supremum Fœderis Suevici Protectorem, ejusdemque Symbolum ordinarium, cum supplantato dracone, repræsentat, addita epigrapha: *Moneta nova trium Civitatum Suevie: ex postica vero Aquilam Imperialem, cum æra Christi A. 1502, ac insignibus trium Civitatum, quarum nomina in margine hoc modo notantur: Ulma, Überlinga, Ravenspurgum.* Alter, ejusdem fere magnitudinis, sed levioris ponderis, ex latere anteriore Aquilam sistit, cum epigrammate: *Moneta nova trium Civitatum 1502, ex posteriore autem insignia ac nomina dictarum urbium.* Sunt alii minores ejusdem generis, ex quibus unicum saltem, sub *Fig. 8* conspicuum, addo, unius circiter drachmæ, qui ex una parte insignia Ulmensia, ex altera vero Überlingensia, refert, quorum cuique in margine nomen civitatis inscriptum est, juncta æra 1503. Ceterum occasionem iisdem dedit Pactum arctius, tum temporis inter dictas urbes, sub auspiciis Fœderis magni Suevici, libertatis tuendæ gratia, A. 1500 percussum, qualia Fœdera arctiora Ulma, teste laudato

TAB. VIII
Fig. 5.

6.

7.

U u u

Burg-

TAB. VIII

Fig. 9.

Burgmeistero, in utilissimo *de Statu Equestri* Opere, cum aliis quoque Sueviæ ac Franconiæ Civitatibus bene multa pepigit, inter quæ præcipue illud memoratu dignum est, quod A. 1533 cum Augusta Vindelicorum ac Noriberga iniit. Antiquioribus tandem succedunt quidam recentiores, ex quibus maxime memorari meretur *Thalerus*, seu Imperialis, *Fig. 9* descriptus, ex una parte Aquila Imperiali bicipite, ex altera insignibus Ulmensibus, coruscus, addita hinc inde inscriptione: *Carolus V Romanorum Imperator Augustus*; *Moneta nova argentea Reipublicæ Ulmensis*: ex quo simul patet, Civitates Germaniæ elogium Reipublicæ non demum nudius tertius affectasse, sed jam antiquioribus temporibus publice de se prædicasse. Cusus autem est uncialis iste A. 1546, quo Ulmenses, Principum ope destituti, Fœderi Smalcaldico renuntiaverunt, & cum *Carolo V* in gratiam redierunt, cui tunc loco multæ centum millia aureorum cum duodecim tormentis dare coacti sunt. Quamvis autem nihil singulare in externa huius *Thaleri* forma deprehendatur, vel ideo tamen notari meretur, quoniam inter unciales Ulmenses est antiquissimus; quapropter etiam eundem præ reliquis omnibus, & materia & forma eum longissime superantibus, in scenam prædixi. At calamum jam moveo ad ista tempora, quibus improbi ærulatores, gladio ac flammis dignissimi, omnem fere monetam depravarunt, ex qua periodo unicum tantum, quem *Fig. 10* exhibet, Numum, nullius fere pretii, sisto, qui A. 1623 ex vilissima cupri & argenti mixtura cusus fuit, & tunc quidem XXX Crucigeros absolvit. Quanta autem ista ætate Ulmæ fuerit pecuniæ raritas, rerumque omnium inopia, malo Scriptoris cuiusdam inediti *συγγεγραμμεν*, quam quidem propriis verbis, describere. Ita vero ille: *A. 1622 gieng das böse Geld, welches viel Jammer gemacht hat, und ein sehr theuer Jahr gewesen, dergleichen in keiner Chronica zu finden; der Reichs-Thaler galt zeiben Gulden; der Philipps-Thaler eilf und ein halb Gulden; die Silber-Cron eilf Gulden; die Ducat funfzehn Gulden; die Spanische Douplon dreyßig Gulden; man hat auch Geld zu 48 und 24 Kreuzer gemünzt; deren letztere auf zwey Gulden kommen, aber hernach auf zwey und einen halben Kreuzer gefallen;*

10.

fallen; der Sack-Korn galt hundert Gulden, das Malter fünfzig; das Malter Gersten vierzig, Haber fünf und dreißig, Roggen fünf und vierzig Gulden; &c. quin, monetam tunc ex corio quoque factam fuisse, alicubi legi, qualem tamen hactenus nullibi reperire potui. Et tamen haud diu post tantæ iterum ab Ulmenfibus collectæ sunt opes, ut fortissimo illi Suecorum Regi, *Gustavo Adolpho*, post percussam cum ipso sædus A. 1632, nuntiasse dicantur, sibi ad exsolvenda subsidia tantas suppetere divitias, ut erectum pilum numis offundere possint, quam tamen jactantiam a Senatu semper fuisse alienam, certissime novi. Denique coronidis loco subjungo duos Numos quadratos militares, A. 1704 cufos, qui tam propter figuram, quam propter occasionem, maxime sunt memorabiles. Dum enim, incunte vere dicti anni A. 1704, *Tallardi*, Ducis, copiz, *Maximiliano Emanueli*, Electori Bavariz, opem latûræ, Ulmam versus iter dirigebant, *Julius Armandus Colbertus*, Marquisus de Blainville, (qui tunc Præsidii Ulmenfis Gallico - Bavarici Præfectum agebat,) Sueviæ ordinibus ad recreandum lassatum exercitum magna festinatione tributa imperavit; quoniam vero illi imperatas pecunias intra statum tempus exsolvere haud valebant, d. 15 Aprilis a Senatu Populoque Ulmenfi datis apochis mutuum 150000 florenorum postulavit; cum autem nec ærario civitatis, tribulationibus hostium penitus exhausto, tanta paratæ pecuniæ summa suppeteret, Magistratus, ad avertendam *Colberti* (qui spoliationem ac extrema quævis urbi interminatus fuerat,) indignationem, civibus, antehac jam a Gallis tantum non devoratis, decuplicem censum, intra decendium sub præna militaris executionis exsolvendum, indicare coactus fuit, quem deinde maxima illorum pars, deficiente pecunia signata, non sine lachrymis ac suspiriis, monilibus suis aureis vasisque argenteis, maxime vero mundo muliebri, pendit, ex quibus afflictissimorum incolarum exuviis, ut aviditati militum cito citius satisficeret, hi ipsi Numi conflati fuerunt, quorum alter, quem *Fig. 11* monstrat, aureus sex Scutatos Rhenanos absolvit, alter vero, quem *Fig. 12* repræsentat, argenteus Florenum exæquavit, in quo maxime singulare, quod non tantum Aquila Imperiali notatus, sed & titulo Reipublicæ insignitus fuerit, addito epi-

TAB. VIII

Fig. 11.

12.

Uuu 2

pho-

phonemate: *Da pacem nobis Domine!* quod ipsum humillimum optimæ Civitatis votum Deus optimus haud diu post elementissime exaudivit, qui etiam obduratum *Colberti* animum in extremo vitæ articulo adeo movit, ut Ulmenibus in testamento suo 100000 floren. legaverit, cui quidem pœnitentis testatoris mandato hæredes ejus, maximo cum civium & damno & mœrore, nunquam obsecundarunt. Sed, ne longiore sermone nauseam Lectoribus moveam, vela contraho, ac reliquorum *Numismatum Ulmensium*, ut & *Numorum* quorundam *Romanorum*, Imp. *Vespasiani*, *Traiani*, *Hadriani*, *Antonini*, *Getae*, *Gordiani*, *Constantini*, &c. in agro *Ulmensi*, in quo varia olim militum Romanorum, inprimis autem, si *Heroldæ* habenda fides, Legionis V Macedoniæ, stativa fuerant, una cum aliis Romanæ vetustatis monumentis (inter quæ inprimis statua Jovis Fulminantis, haud ita pridem in vicino vico *Oehrenstein* effossa, mox tamen ex irrationali religionis zelo destructa, ut & alia Idoli ejusdem gentilis in Ecclesia *Kuchheimensi* conspicua imago, celebrari merentur,) *passim reportarum*, *Descriptionem & Historiam*, si quidem levis hæcce opella L. B. non displicuerit, & propitium Numen vitam ulterius prorogaverit, alii occasioni reservo. Hisce vale, mi Lector, meisque conatibus, quæso, favere perge; sin vero in hæc Tractatione minus accurate aliquid scriptum est, errantem amice corrige, lapsumque favore tuo erige; quippe nihil humani a me alienum reputo, neque ulla in re infallibilitatem aliquam mihi tribuo, probe sciens, etiam summos interdum viros in hujusmodi argumentis graviter fuisse hallucinatos.

ELOGIUM CHRISTIANI GOTTLIEB LIEBII,

Viri de re antiquaria & numismatica meritissimi.

Quo majora in suavissimas illas literas, quibus jucundum ab humanitate nomen, rem inprimis antiquariam & numismaticam, quo præclariora etiam in hos ipsos *Annales* nostros, olim merita fuerunt *Christiani Gottlieb Liebi*, Duci Saxo-Gothano ab Epistolis, & Numismatum custodia; hoc æquius est, Viri per omnem vitam in proferenda gentis nostræ gloria tam occupati, & nostrarum rerum tam amantis, memoriam æter-

nis

nis tabulis inſculpi, & a poſteriorum oblivione modis omnibus defendi. Dabimus nos igitur hoc manibus B. Viri, ut, quæ olim maxime in noſtri ſtudio eminebat, virtutem ejus dignis hic præconiis concelebremus, &, quicquid præclare ab eo factorum meminiffe licet, brevi, ſed fortasſe ſuum apud poſteros pondus habitura, narratione perſequamur. Tulit nobiliſſimum hunc Germanorum civem Frauenſteinium, Miſnæ oppidulum, ubi natus eſt d. 26 Jul. A. 1687, patre *Chriſtiano Liebio*, Frauenſteinienſis primum, poſtea Tiſchopavienſis, ſcholæ Rectore non ignobili, matre vero *Anna Catbarina, Georgii Sigismundi Vulturii*, Eccleſiæ Blochwicenſis Antiſtitis, filia. Jactis in ſchola Fribergenſi, cui præerat tunc temporis patruus ipſius, *Tobias Liebius*, ſolidioris doctrinæ fundamentis, A. 1706 Lipſienſem Academiam ſalutavit, eo animo, ut ad ſtudia doctrinæ ſanctioris, quantum poſſet, induſtriam converteret. Eam in rem celeberrimorum Academiae noſtræ doctorum, *Goſbofr. Olearii*, *Thomæ Ittigii*, *Jo. Güntheri*, *Rom. Telleri*, & aliorum, ſcholas diligenter frequentavit, &, quem ſperaverat, exinde fructum retulit. Sed inſederat inprimis animo ipſius inſignis quidam literarum elegantiorum amor, quem, velut præſagiens, hoc aliquando fortunæ ſuæ ſe præſidio uſurum, continua Autorum veterum lectione in dies magis confirmabat. Neque ipſum poſtea iſtius ſtudii pœnituit, quippe quo factum eſt, ut eleganter ſcribendi ſingularem præ ceteris facultatem acquireret, &, quæcunque in manus eruditorum monumenta ingenii traderet, miram orationis gratiam venuſtatemque præ ſe ferrent. Peperere ei præ ceteris hanc laudem *Nova* illa, hebdomatim ab anno 1715 ad 1719 edita, quibus, quæcunque inter gentes Europæas geſſa fuerant recentiſſime, plane ac concinne enarravit. Sed, quod fieri plerumque ſolet, ut, quæ nobis maxime ſunt in deliciis, in ea ſtudia vehementiſſimo quodam impetu, etiam cum valetudinis periculo, feramur, idem accidiffe noſtro *Liebio* dolemus, qui, niſi in ætate prioribus illis literis omnes teneræ ætatis vires conſumſiſſet, forſan adhuc Muſis ſuis, & noſtris hiſce *Aſiis*, viveret. Primum Academici laboris ſpecimen editurus, A. 1710, Præſide M. Jo. Dan. Jacobi, in cathedra Philoſophorum de *Faderibus veterum per diſſectionem animalium factis* Diſ-

Tertationem defendit; nec ita multo post, A. 1714, eadem in Academia supremos Philosophiæ honores obtinuit. Quibus ut dignum se ostenderet, publicavit eodem anno *de Roma Baby-lone ex numis* Dissertationem doctissimam, postea A. 1717 de-nuo, cum accessionibus nonnullis, forma 8, editam. Ab eo tem-pore prodesse juventuti docendo cœpit, ita sibi in hoc negotio versandum arbitratus, ut eruditis simul innotescere scribendo posset. Eam in rem illustri illi *Anthologorum* Collegio, cui præsidium ac dulce decus hoc ipso tempore Magnificus ac Sum-me Reverendus *Chrst. Frid. Bernerus*, Academicæ nostræ præ-clarum ornamentum, præbet, jam A. 1715 socium se adjunxit, percommodat hic, explicandi copiam doctrinæ & ingenii, oc-casionem nactus. Altero anno post *Epistolam ad D. Salomonem Deylingium, qua consilium de nova Bibliotheca Luberana con-scribenda aperuit*, forma 8 edidit. Conscendit & A. 1717 Theologorum cathedram, ductu *Gothofredi Olearii Observa-tiones* nonnullas *Philologicas & Theologicas in Matth. XXIV, 30*, propugnans. Quæ, cum ita essent comparata, ut penes omnes magnam *Liebi* expectationem concitarent, ipsi Aca-de-miæ nostræ ita commendarunt industriam ejus, ut is primo quoque tempore munus Concionatoris vespertini in zede *D. Paulo* sacra, & cum eo curam Bibliothecæ Academicæ vicariam, impetraret. Nec caruit Philosophorum gratia, in quorum ordine aliquando locum occupaturus, *de Tавто-logia, seu vitiosa verborum repetitione*, A. 1721 Dissertatio-nem defendit. Inter hæc oportune accidit, ut virtus ejus innotesceret magno in aula Principis Gothani Theologo, *Ernesto Salomoni Cypriano*, quo doctrinam *Liebi* Sapientissimo suo Principi, *Friderico II*, commendante, factum est, ut lautissi-mi stipendii *Franzkiani* ei A. 1718 usus concederetur. Tam illustri beneficio ita se Noster Serenissimæ Gothanz domui de-vinctum sensit, ut ab illo tempore res ei suas omnes esse sacras jussit. Anno igitur 1721 ipse Gotham abiit, ubi aliquandiu commoratus, & inter alia cultioris doctrinæ specimina, Illustris-simam juventutem politioribus literis instituendi inunere cum laude perfunxus, A. 1722, Serenissimi Principis jussu ac sumti-bus, iter in regiones exteras, Belgium, Angliam, & Galliam, suf-

suscepit, ubi, inspectis passim nobilioribus librorum ac numorum thesauris, eam sibi optimarum rerum peritiam acquisivit, qua in gerendo aliquando munere sibi cumprimis opus fore præsenferat. Vix enim Gotham redierat, cum ei instructissimi numorum apparatus, qui in præcipuis illius urbis ornamentis numeratur, cura & custodia, tunc *Christiani Schlegelii* obitu destituta, auctoritate maximi Gothorum Principis, committeretur. Nec digniori cuiquam id muneris potuisse demandari, vel ipso exteriorum judicio certissimum habetur, utpote quos immortalis illo Opere, *Gotha numaria* inscripto, & A. 1730 Amstelædami forma majori publicato, ita in admirationem sui traxit, ut, quantum ad rei antiquariæ & numismaticæ peritiam, *Patini* & *Vaillantii* prorsus æquare famam diceretur. Quod etsi utrum Opus ad ipsius partim, partim ad Germanorum, sufficere posse gloriam videbatur; alia tamen ei Noster, etsi breviora, nec minus tamen diligenter composita, adjunxit, ex quibus omnibus, quantæ Vir industriæ, & in elegantioribus literis doctrinæ, fuerit, unicuique apparet. Anno enim 1723 Amstelædami libellus ejus de *Pseudonomia Jo. Calvinii*, forma 8, postea vero A. 1730 Gothæ præcipuorum tam Evangelicæ, quam Pontificiæ, Ecclesiæ Theologorum, qui Comitiis Augustanis anni 1530 interfuerunt, Vita, sermone scriptæ patrio; eodemque sermone A. 1731 Altenburgi *Spicilegium ad Jo. Gottlob Horviti Vitam Henrici Illustris*, ex tabulario Altenburgensi collectum, prodierunt. Nuper etiam ad novam *Cesarum Juliani* editionem, vetustis numis & annotationibus eruditissimam, animus appulerat, sed ejus Operis non nisi partem prelo absolutam vidit. Perfecit vero, quicquid reliquum fuerat hujus libri, illo mortuo Clarissimus Gymnasii Gothani doctor, *Jo. Mich. Heusingerus*, cujus cura & *Liebianis* animadversionibus suus locus est assignatus, & sicubi nihil illarum suppeteret, aliæ æque politæ acceperunt. His ipsis diebus prodisse librum accepimus, cujus, cum primum venerit in manus nostras, pretium Lectori candide nos indicabimus. Multum præterea optimi *Liebi* manibus debent hæc Acta nostra, quorum dignitatem inde a triginta annis ita continua sua nobilique opera sustinuit, ut inter eos, qui bene precantur Annalibus nostris,

stria, hi, qui similes *Liebtis* socios in posterum complures nobis expetunt a Superis, precari omnium optime videantur. Fuit enim in recensendis libris, iis inprimis, qui spectant ad rem numismaticam & antiquariam, diligentissimus, nec librorum tantum compendia dedit, sed, quod inprimis e re esse Lectorum videtur, ipsos etiam libros doctis plerumque animadversionibus illustravit. Inter varia illa ingenii ornamenta, quæ sæpius in eo admirati sumus, commemorari præ ceteris meretur insignis illa & prorsus mira scribendi carminis facultas, qua multos ætatis suæ Poetas, etiam qui maximi habentur, adhuc juvenis superavit, ut dubium fere sit nullum, quin, si adultiori ætate prosequi ipsi studia hæc amceniora licuisset, numerari inter summos omnis ævi Poetas potuerit. Habent inprimis *Elegia* ejus, quas, in tenuem fasciculum collectas, sub nomine *Carminum juvenilium* olim Lipsiæ conjunctim publicavit, molle & *Tibullianum* aliquid, cujus suavitatem, occulta quadam vi animos Lectorum permulcentem, admirari magis, quam imitari, liceat. Tam præclare, modisque tam variis, de bonis literis merenti, honestissimus quisque, tam inter cives suos, quam ipsos inter externos, applaudit, & inter omnes constat, quantæ passim a præstantissimis ævi nostri Scriptoribus, quorum plurimis frequentiori literarum commercio junctus fuerat, ei laudes sint tribute. Quibus ut dignissimus judicari possit, non solum doctrina haud vulgari, sed moribus etiam candidissimis, & ad humanitatem omnem compositis, effecit. Fuit enim talis re vera *Liebtis*, quales esse in societate omnes decet, ad officia præstanda, si quisquam alius, paratus, in servandis promissis constans, & religiosus maxime in colendis iis, quos præ ceteris amantes studiososque sui noverat. Matrimonium A. 1723 contraxit cum *Erasmuska Agnesa, Thome Andree Nicandri*, Duci Saxo-Isenacensi a Consiliis Ecclesiæ, & Dioceseos Isenacensis Antistitis primarii, filia; unde ei natus est filius unicus, patri superstes, in tenera jam ætate felicissimi ingenii manifesta signa præbens, &, si quid ominari licet, ad parentis aliquando gloriam proxime accessurus. Erigit hic aliqua ex parte spem nostram, quæ plane cecidisse morte Patris videbatur, Viri ob id unum nobis culpandi, quod literarum studia curæ valetudinis prætulerit, nec mature justis remediis occurrerit fatali illi hominum eruditorum hosti, quem *hypocondriacum morbum* vocant Medici, cui quippe a multis inde annis, occulte primum, postea gravius, impugnatus, tandem, in florentissima ætate, annos nondum quinquaginta natus, anni præsentis die 7 Aprilis, infelicitè succubuit.

• • •

NOVA ACTA ERUDITORUM,

publicata Lipsiæ

Calendis Decembris Anno MDCCXXXVI.

Die Heilige Schrift Alten und Neuen Testaments, *ic.*
h. e.

BIBLIA SACRA VETERIS ET NOVI TESTAMENTI Germanica, jussu Serenissimi Principis, ERNESTI PII, explicata & illustrata, nunc jussu Serenissimi Principis Saxo-Gothani, FRIDERICI III, iterum recognita, emendata, aucta.

Volumina III.

Norimbergæ, apud Endteri Heredes, 1736, fol.

Tom. I Alph. 7 plag. 13, Tom. II Alph. 5, Tom. III Alph. 4
plag. 12, cum Fig. 55.

Magna semper fuit *Bibliorum Ernestinorum* autoritas in universa Ecclesia Lutherana, & magnum pretium; quod cum ex multis aliis rebus, & multis multorum doctissimorumque Theologorum honorificentissimis testimoniis, tum ex eo, intelligi potest, quod hoc nec molis exiguum, nec parvi pretii, Opus, sextum nunc a secundo & quadragesimo superioris Seculi anno editur. Neque id mirum videri potest. Nam horum labore & opera perfectum est, quibus ad bene de sacris literis, atque de universa adeo Ecclesia Lutherana, merendum neque facultas defuit, neque voluntas. Nunc, cum & pia Serenissimi Principis cura, & doctissimorum Virorum labore, perfectum sit, uti nova or-

Xxx

nama

namenta Operi accesserint, non dubitamus, quin autoritatis etiam & pretii magnam sit accessionem habiturum. De hoc Opere autem, ejusque quasi originibus & Autoribus, etsi sæpe a multis est commemoratum; tamen, quoniam nunc demum ex literis publicis, atque multo adeo accuratius, ac antea, de ea re expositum est, nobis quoque aperiendarum Operis originum occasionem datam esse facultatemque videmus. Id accidit Magnifici *Ernesti Salomonis Cypriani* beneficio, qui, quod ipsi inprimis hoc datum erat negotii, nihil prætermisit, quod ad Opus perficiendum ornandumque pertinere videretur. Itaque etiam Præfationem novam adjecit, in qua cum alia graviter, ut de sacrarum literarum divinitate & ad salutem humanam vi, disputantur, tum accurate etiam, quæ diximus, traduntur. Sed ipsam narrationem aggrediamur.

Ernestus fuit superiori Seculo, Sereniss. *Friderici* ejus, qui nunc terris Saxo-Gothanis, non sapienter magis, quam feliciter, imperat, proavus. Is, cum totum se, quod inter omnes constaret, ut ad omnes artes disciplinasque liberalissime juvandas ornandasque, sic ad hominum animos sacrarum literarum amore ac studio inflammandos, dedisset, quod non ignorabat, omnem pietatem atque adeo salutem humanam ab iis repetendam esse; cœpit superiori Seculo, in medio belli tricennalis incendio, de sacrarum literarum interpretatione Germanica ita edenda cogitare, ut, quæ quæcumque lectorem, etiam indoctum, propter rerum verborumque obscuritatem in legendo retinere possent, in ea explicarentur, illustrarentur, & quo modo quæque ad erudiendum quemque, emendandum, reprehendendum, admonendum, erigendumve, prodesse possint, demonstraretur. Qua in re perficienda tanta prudentia diligentiaque usus est, ut nihil, quod suscepti operis ratio & consilium postularet, ab ipso prætermisum esse videatur. Nam primum his Libros sacros explicandos illustrandosque locavit, qui tum in hoc genere plurimum posse credebantur, inter quos *Gerhardus* erat, *Glassius*, *Keslerus*, *Meyfartb*, *Dilberrus*, *Slevoigtius*. Deinde constituit, eundem *Gerhardum* & *Glassium*, qui quasi præessent universo operi, & quæ reliqui commentati essent, studiose perlegerent, de com-
muni

muni consilio corrigerent, si quid secus, ac ipsis videretur, scriptum esset, aut, quæ opus essent, adjicerent. In qua re tanta diligentia, dexteritate, studioque versati sunt, ut multorum librorum explicationes præ novæ fecerint. Ita perfecto opere, ad Theologos Jenenses, *Jo. Majorem*, eundem *Gerbardum*, & *Jo. Himmlium*, deferrebat, ut, adscito in societatem *Dilberro*, qui tum Eloquentiam, Historiam, & Poësin, ibi docebat, quanta diligentia possent, & accurate perlegerent, communique studio perficerent, ut quam absolutissimum ex ipsorum manibus exiret. Quod & factum recte est. Nam primum præ singulis diebus coire, & quantum temporis potuerunt per reliqua negotia, in recognoscendo Opere, corrigendo, expoliendoque, posuerunt. In qua re tanta erat eorum religio, ut, quamvis diu multumque in literis sacris versati, nunquam tamen ad eam rem accederent, quin animuin lectione earum præparatum afferrent, quarum interpretatio examinanda erat: quod ex his literis intelligi potest, quæ a *Gerbaro* de ea re ad *Ernestum Pium* perscriptæ Gothæ servantur, & quarum huc pertinent pars Præfationi inserta est. Sed, quod facile intelligebatur, si ita pergeretur, nimium temporis illam recognitionem esse absuuntur, placuit partiri inter se operas, ac, quæ dubia enique, quæ corrigenda, addendaque, viderentur, hæc ad consilium referre, ut, re satis deliberata, quid faciendum sit, statueretur. Cum hæc tanquam lima ultima accessisset Operi, in ceteris comparandis ab idoneis hominibus, jussu Principis, laborabatur, quorum tanquam lucem sacræ literæ desiderant. Itaque Chronologicus Index, peregrinorum verborum explicatio, mensium Ebraicorum, ponderum, mensurarumque, cum nostris comparatio, Tabulæ Geographicæ, adjiciebantur, quibus indoctorum lectorum ignorantiz subveniretur. Tandem, cum nihil Operi ad absolutionem deesse videretur, de eo emendate & nitide typis exscribendo cogitabatur. Post justam deliberationem tandem *Endterus*, Noribergensis, redemptor delectus est, qui tum *Jac. Knappellum* quendam habebat, qui errores operarum tolleret, eumque cum exercitatum in ea re, tum per diligentem. Exorari etiam se passus est *Jo. Saubertus*, Theo-

logus Noribergensis, ut Specimina typographica ad ipsum deferre *Endtero* liceret, & iis perlustrandis ipse corrigendisque operæ aliquid tribueret, si quid forte correctoris oculos, ut sit, sefellisset. Quæ res cum hoc profuit, ut emendatius exscriberetur liber, tum vero, ut quædam in ipso libro corrigerentur. Nam, cum esset Hebræice & Græce doctissimus, multa Theologos Jenenses monuit, quæ ipsorum diligentiam, quod fere in Opere tam longo accidit, fugerant; qui his ipsius monitis commoti, quod est ingenuorum & non tam ambitioni quam veritati consultum cupientium hominum, multa correxere. Fuerunt, qui verendum esse dicitarent, ne, quod *Sigism. Evenii* quædam in hoc explicandæ Scripturæ sacræ negotio partes fuissent, errores quidam irreperirent. Sed nihil est, quod id suspicetur quisquam. Nam *Evenii* labor non tam in explicando, quam in aliis rebus occupatus fuit, in quibus nihil ab hac parte peccari potest; neque satis certis argumentis confirmari potest, *Evenium* secus in quibusdam sensisse, ac Lutheranz Religionis formula postulat. Nam omnis illa suspicio, quæ *Evenium* apud quosdam infamavit, a ludimagistris orta est, qui ægre ferebant, quædam in docendi ratione ab ipso innovari, atque hoc ipsum tum in sermonibus, tum in literis, præ se ferre, non satis sibi receptam rationem juventutis erudiendæ placere. Prodiit ergo, mortuo interea *Gerbardo*, A. 1641 præstantissimus liber, &, quod supra demonstratum est, avidos emtores non magis, quam lectores, invenit. Sed, quamquam nullis neque sumtibus *Ernestus Plus*, neque laboribus, quos diximus, Theologi, pepercerunt, tamen, ut sunt res humanæ, non potuit ita perfectum Opus ab omni parte esse, ut nihil peccaretur, neque quidquam ei addere posteritatis vel diligentia vel doctrina posset. Nam quis est, quin sciat, ab illo tempore multum novæ lucis antiquitati universæ, linguæ Hebræicæ, Historiæ veteri, atque ipsi Scripturæ sacræ, editis doctissimorum hominum Commentariis accessisse, ut nullum dubium sit, quin multa accuratius in hoc genere dici nunc scribique possint. Quamobrem, cum ante hos sex annos *Endteri* hæredes de nova ejus Operis editione cogitare cœpissent, & hoc con-

Alium

filium ad Principem Gothanum, *Fridericum II*, detulissent, placuit optimo Principi, præstantissimis quibusdam Theologiis hoc negotii dare, ut totum Opus denuo recenserent, & si quid emendari adjicere e re videretur, id hac lege facerent, ne cum his, quæ ante hos centum annos scripta sunt, commiscerentur, quæ nunc primum accederent. Et, cum ante hos quatuor annos, optimo Principe illo mortuo, res Gothana ad *Fridericum III* rediisset, isque de pia voluntate paterna cognosset, strenue continuari susceptum Opus jussit, & quicquid in ea re summu[m] faciendum erat, id liberalissime erogavit. Jam, cum hi, quibus erat mandatum, absolvissent suum quisque pensum, non modo certi, iique doctissimi, Theologi, sed omnes, qui Superintendentes vocari solent, per universum Ducatum Gothanum, jussi sunt, eorum labores studiose perlegere, & cum ad interpretationis leges, tum ad Ecclesiæ nostræ symbola, exigere, ne quid irreperet scilicet, unde detrimentum capere res Lutherana possit. Accessere etiam nunc primum Operi de interpretatione sacrarum literarum præcepta, Chronologia historica, explicatio verborum antiquorum & propterea obscurorum, quæ in Germanica interpretatione Lutheri occurrunt, accuratior arce Noachicæ descriptio, nova Tabula Geographica, qua itinera *Pauli* indicantur, forma templi Hierosolymitani, harmonia Evangelistarum, atque alia. Vides, Lector, quantæ sint rerum utilissimarum huic Operi nunc accessiones factæ, quas, quorum liberalitati, providentiæ, curæ, studioque, debemus, eorum salutem incolumitatemque gratis votis ab eo expetes, cujus numine ac beneficio sacrarum literarum lux tenebras & noctem dispulit, sub qua dies humana jacebat.

AUGUSTI HERMANNI FRANCKII *Introductio in Psalterium generalis & specialis. Edidit*
GOTTHILF AUGUSTUS FRANCKIUS, S. Theol.
in Acad. Hal. Prof. Publ. Ord.

Halæ Magdeburgicæ, impensis Orphanotrophei, 1734. 4.

Alph. 7.

Xxx 3

Vene-

Venerandus *Franckius*, qui, dum viveret, omne consilium, preces, rem denique & operam, ad amplificandum regnum Dei, propagandamque in animis Evangelicam Christi cognitionem, contulit, id vel maxime ad munus doctores Evangelici partes pertinere, ut Christum ubique in Scripturis etiam Veteris Testamenti investigaret, cum *Luthero* iudicavit. Spirant propterea omnes conciones ejus nobilem Christi odorem: inprimis vero etiam in Psalmis *Davidis* id sibi datum esse existimavit, ut Christum, Psalmorum nucleum, singulari studio ererneret. Testantur illud Commentationes ejus paræneticæ, Halæ ab A. 1704 usque ad A. 1707 in Psalterium lingua vernacula habitæ, postea A. 1730 & 1731 duobus Voluminibus in 4, cum Præf. Vener. *Gottbils Augusti Franckii*, Filii, in lucem publicam emissæ, maxime vero hæc ipsæ Prælectiones Academicæ, quas B. Autor A. 1713 & 1714 in Psalmos ordine instituit. Illas tum temporis auditores nonnulli verbis, quibus primum animi sensu Vir beatus edisseruerat, calamo exceperant: cum vero ob concinnam brevitem, & selectum observationum utilissimarum, dignæ hæc aliis, quæ ederentur, visæ essent, pari ratione prelo has parandas curavit Filius, *Gottbils Augustus Franckius*. Junxerunt illi auxiliatrices hæc in re manus triumviri, *Lindhammerus*, primum novi fori ad Halam tum temporis Pastor, nunc Ecclesiarum in Frisia Orientali Ephorus generalis, quem excepit *Johnius, Lindhammeri* Halæ in munere ecclesiastico successor, quo ipso mortuo *Goldbagenius*, nunc scholæ Nordhusanæ Corrector, telam denique pertextuit. Singuli suam in eo operam collocarunt, ut, quæ ab auditoribus B. *Franckii*, ex ore docentis, calamo excepta erant, a mendis purgarent, totumque Opus habitu, qui scripto in publicum edendo conveniret, sensu tamen Autoris & verbis etiam, quæ Latina elocutus fuerat, servatis, iduerent. Ipse vero *Franckius*, Filius, hæc, denuo cum nonnullis ex Theologorum ordine Collegis communicata, ultimam ubique linam ipse adhibens, prelo denique subjecit. Non sunt quidem hæc Prælectiones plenior quædam Psalmorum expositio, sed Spicilegium observationum selectarum, post ampliores *Geiseri*, *Tillii*, & aliorum,

mani-

manipulos *Introductionis* titulo, quæ eruditæ piisque aliorum operis uti cum fructu doceat, propterea inscriptæ. Quodsi quædam in hoc Opere minus perfecta Lectoribus visa fuerint, æqui rerum æstimatores illa partim liberiori recitationum Academicarum indoli, partim quod plures ante Autoris obitum annos habitæ, nec ultimam ejus limam expertæ fuerint, partim tot tantisque cumulatis Viri laboribus, facile condonabunt. Exhibetur in fronte Operis *Isagoge* in Psalterium *generalis*, antea jam Germanicis in Psalmos Commentationibus, quæ duobus Voluminibus in 4 prostant, præmissa, sed nunc in Latinum versa, hoc tamen discrimine observato, ut, quæ ibi quinque lectionibus Academicis distincta est, hic una serie paragraphis tantummodo interseca currat tractatio, hic loci non omittenda, cum ad hanc in Introductione speciali sæpius Autor remittat. Exhibet hæc generalis Introductio varia lectu dignissima de nomine Psalterii, Psalmorum scriptoribus, tempore scripitionis, loco voluminis in sacro Codice, numero, ordine, collatione Psalmorum in unum fasciculum, partitione totius libri, autoritate canonica, eminenti denique Psalterii pretio. Inprimis vero, quæ ad scopum Psalterii, & genuinam explicandi rationem, pertinent, fusius Autor persequitur. Attendendum esse ante omnia ad Christum tanquam scopum, objectum primum & nucleum totius Psalterii, sollicitè monet, Christi nomine, quæ ad personam ejus, officium, adventum primum & secundum, regnum gratiæ & gloriæ, corpus denique mysticum, & membra ejus, pertinent, complectens. Dum vero rationem Psalmos explicandi tradit Autor, inter sex, quæ adducit, subsidia primo loco, Christum, qui clavem *Davidis* habet, secundum *Luc. XXIV. 45.* & *Apoc. III. 7.* adeundum, & facultatem recte interpretandi Psalmos ab eo impetrandam esse, animis inculcare studet. Hoc monito præmissa, in hanc notissimam viam nos ingredi vult, ut non tam aliorum verba sententiasque sequamur, quam potius Scriptura duce in Scripturæ arcana penetremus. Hinc secundo loco scripta inprimis Nov. Test. Evangelistarum atque Apostolorum in subsidium adhibenda Psalmorum interpretibus suadet, cum præ aliis Vet. Test. libris Psalterium frequen-

quentissime in Nov. Test. testis loco adhibitum sit, sæpiusque, ut *Luc. I, 68*, coll. *Psalms. CXXXII, 17, 18*, etiam ubi nominatim non citatur, hic vel ille Psalmus respiciatur. Commendat hic vel maxime, ut ante omnia ea Nov. Test. loca, in quibus Psalterium expressis verbis testis advocatur, accuratius perfruemus, atque, rejectis aliis explicationibus, eam, quam Evangelistæ & Apostoli suppeditant, ratam habeamus, noxiam illam quorundam opinionem devitantes, qua, Christum & Apostolos Psalmos per accommodationem tantum allegasse sæpius, enervato sic argumentationum robore arbitrantur. Hoc subsidio usos, ex sensu hujus vel illius Psalmi per Nov. Test. stabilito aliorum petere interpretationem jubet, ita quidem, ut *Psalms. XXII* de Christo patiente exponendum esse, per Nov. Test. edocti, *Psalms. XXXV*, huic parallelum, eadem ratione de Christo interpretari, & *Psalms. XCVII*, per testimonium *Hebr. I, 6*, Christo vindicato, Psalmos inde a *XCI* usque ad *C* ad Christum ejusque regnum referre, discamus. Tercio inter hæc subsidia loco perpetuam Psalterii cum *Mose* collationem locat, non modo ad *Davidis* in lege studium, in Psalmis ubique obvium, provocans, sed etiam usum hujus subsidii collatione inter *Exod. XIX, 5*, & *Psalms. XXIV, Num. X, 31*, & *Psalms. LXVIII*, item inter *Gen. XII, 18, 19, 20*, & *Psalms. CX*, instituta, luculenter confirmans. Quartum subsidium addit librorum historiarum Vet. Test. & inprimis historiæ *Davidicæ* cum Psalmis comparisonem, quippe quæ ad eruendum verborum sensum & explicandas personarum, locorum, & temporum, rationes, ipsis inscriptionibus Psalmorum huc monstrantibus, necessariæ sunt; qua occasione, 2 *Sam. VII* & 1 *Paralip. XVIII* novam vaticinium de Christo periodum inchoari, promissione de Messia, quod antea nondum factum erat, ad familiam *Davidis* adstricta, observat. His quintum subsidium Prophetarum collationem, collatis *Pf. LXXII*, & *Jes. LX*, item *Psalms. LXXX* & *Jes. V*, & sextum denique Psalmorum inter se comparisonem, cujus usus ex *Psalms. XVIII, CXVI*, & *CXVIII*, item *Psalms. XVI, LXVIII*, & *CX*, collatione patet, instituemam adjungit. Cum vero hæc ipsa Psalmorum inter se facienda comparatio

præ-

præcipuum aliquod in interpretandis Psalmis adminiculum sit, *Observationibus* 12, quæ ad universæ Scripturæ interpretationem multum faciunt, hoc argumentum expedit. Consideranda hic ante omnia, ex mente B. Autoris, sermonis poetici in Psalterio sublimitas, non quidem syllabarum quantitate, mensura, & rhythmo, aut ornatu longe excellentiore, illustri nimirum rerum representatione, aptaque naturæ imitatione, quarum gravissima imago vivis coloribus pingitur, dimetienda. Ubi quidem Psalterium id præ aliis Scripturæ libris præcipui habet, ut liber canticorum Spiritus S. dici mereatur: qua in re salutare olim consilium ad res divinas memoriæ firmissimum imprimendas, sanctumque in laudibus divinis a pluribus, uno tamen ore, dicendis concentum efficiendum, venerari nos oportet. His notatis, pathologia sacra, forma loquendi, quæ est in Psalmis quibusdam, e. g. *Pf. XII, CXXXII*, & aliis, dialogica, nec non permutatio personarum, recte attendenda, observanda insuper sunt pronomina personalia, demonstrativa, & possessiva. Sic *Pf. LXXIV*, nisi pronomina *tuus* & *tibi* sollicite notentur, nervus Psalmi præcipuus incidetur, quippe in quo *Assaphus* Deum hoc vel maxime argumento commovere satagit, quod non sua, sed ipsius Dei, causa agatur. Porro singulares locutiones, atque significationes ipsarum vocum Hebraicarum, e. g. quod *cornu* *Pf. CXXXII, 17*, coll. *Dan. VII, VIII*, regnum significet, notandæ: inprimis vero etiam illæ, quæ ex Historia peti debent, observandæ sunt; qua ratione sensum *Pf. LXXX, 3*: *Ante Ephraïmum, Benjaminem, & Manasse, excita potentiam*, ex *Num. X, 21-24*, ubi sacrarium & arcam fœderis proxime ante tres illas tribus *Ephraïmi, Benjaminis, & Manassis*, antecessisse narratur, arcessendum esse patebit. Præter hæc in Psalterio differentia primi in mundum, & secundi ad iudicium, adventus Christi, quod longe ante nostra tempora observavit *Paulus Burgenfis*, ex Iudæo Christianus, in *Dialogo inter Saulum & Paulum*, nec non novissima populi Judaici, præeunte *Deut. XXXIII*, fata, omnem interpretis attentionem merentur. Tandem & antithetorum ratio habenda, & imprecationum in impio, quæ prophetice sunt, sensus

recte tenendus. Finitis his Observationibus, Autor, quid de præcipuis Psalterii interpretibus sibi videatur, coronidis loco adjicit. Neque vero præpropere in Commentariorum libros involandum, sed nostro studio nexum orationis ordinemque scrutandum, quodlibet pensum cum præcedente componendum, linguæ authenticæ virtutes & idiomata expendenda, loca denique consonantia evolvenda esse; tum vero aliorum commentationes, at bene explorandas, recte conferri posse, docet. Patres, licet, præter *Origenem* & *Hieronymum*, Hebraicæ linguæ expertes fuerint, non tamen in expositione Psalmorum omni sua laude privandos esse, cum sæpius, qua rem ipsam, succulentas magis, quam hi vel illi recentiorum, commentationes dederint, arbitratur; qua in re *Augustinum* præcipue & *Arnobium Juniores*, quod Christum in Psalmis sollicitè quæsierint, appellat. Inter nostræ ecclesiæ doctores, quorum præcipuos tantum, qui sibi visi fuere, nimirum *Lutherum*, *Bugenbäumum*, *Brentium*, *Draconitem*, *Reusnerum*, *Arndtium*, *Geierum*, & *Schmidium*, allegat, *Brentium* & *Schmidium* propter studium Christum in Psalmis investigandi, *Lutherum* & *Arndtium* propter doctrinæ ubertatem & practicam applicationem, *Geierum* vero propter solidam sensus literalis explanationem, præ aliis commendat. Inter Pontificios, post *Genebrardum*, *Muisium*, *Bellarminum*, & *Dominos de Portu regio* (vulgo *Messieurs du Port royal*) dictos, *Justiniani*, (cujus Observationes in Psalmos Tom. II *Supplem. Bibl. Critic. Anglic.* insertæ leguntur,) quod ex antiquissimis Judæorum & Rabbiorum scriptis selectissima loca, quæ Psalmos Novo Testamento convenienter exponunt, collegerit, mentionem facit. Ex Reformatis *Grotium*, (modo in locis de Christo caute legatur,) *Præcaum*, inprimis vero *Sixtinum ab Amama*, ad sensum literalem exponendum multa præclara asserre docet. Tum vero *Coccejum*, (hypothesibus tamen ejus sobrie expensis,) *Salomonem van Till*, (cujus Commentarius Belgice primum editus, postea in Germanicum sermonem translatus est,) & *Petri Allixii* Psalterium, (cujus Præfationem inprimis commendat,) Anglice typis exscriptum, non sine fructu conferri posse existimat. Præmissa

hac

hæc generali in Psalterium Isagoga, maximam libri partem specialis in Psalmum quemvis Introductio absolvit. Non est critica hæc atque plenior philologica, quamvis in plurimis etiam Psalmis potestatem præcipuarum vocum consonis Scripturarum locis adductis Autor ostendat, sed eum in finem adornata, ut de autore cuiusvis Psalmi, occasione eum scribendi, argumento, scopo & persona loquentis, sive etiam ejus, de quo, vel ad quem, sermo dirigitur, tempore item, quo vel scripti Psalmi, vel quod prophetico silo illi respiciunt, de affectibus denique sacris, ex quibus isti Hymni nunquam non interpretandi, & de aliis ejus generis momentis, lectu omnino dignissima exhibeat. Id Vener. Autor inter præcipua intendit, ut ad Christum ubique, vel in humilitate, vel in majestate, conspiciendum, cum beneficiis suis vera fide apprehendendum, & amore intimo complectendum, lectores, applicatione ad usum vite Christianæ interspersa, manu quasi duceret. Qua in re si quid desiderio Christum suum ubique inveniendi plus justo tribuisse visus aliis fuerit, hos vel illos Psalmos de Christo interpretatus, in quibus illis quidem Christus non patet, excusatus in eo Autorem erravisse judicabunt sollicitius illum quærentes, forte etiam locis longe pluribus inventuri. Egregie hac de re Celeberrimus *Witsur* in Oeconom. fœd. Dei Lib. IV Cap. 6 judicat: *Licet modus in rebus sit, tolerabilius tamen eum peccare existimo, qui Christum se videre arbitratur, ubi fortasse sese non ostendat, quam qui eum videre renuit, ubi se clare satis offert. Alterum enim indicium est animi Christum diligentis, plurimumque, & vel minima, vel fortasse nulla, data occasione de eo cogitantis, alterum segnem animum arguit, & qui tardus ad credendum sit. Ceterum ad animorum excitationem ex Frisibii Germanica in Psalterium Commentatione, usus prima libri editione, (postea enim, anno inprimis 1731, longe auctior prodiit,) multa huic Introductioni Autor inseruit: ad confirmandam vero vel illustrandam interpretationem, præ aliis, quos non neglexit, *Sebastianum Schmidium* & *Sam. Boblium* sæpius appellavit. Inprimis vero Commentarium *Salom. van Till* diligentissime adhibuit, tum quod is illo tempore recen-*

tiffimus esset Interpres, qui aliorum ante ipsum laboribus sedulo usus, tum quod Christum sollicitè in Psalmis quæverit. Neque tamen cæco in partes ejus impetu ivit, verum, quod nimius interdum in conjecturis sit, secessione etiam ab eo, ubi interpretationem cogit, libere facta, meliora sedulo ostendit.

HISTOIRE DE POLOGNE SOUS LE RE-
gne d'Auguste, &c.

h. e.

HISTORIA POLONIÆ REGNANTE AU-
gusto II, Autore Abbate DE PARTHENAY.

Tom. IV.

Hagæ Comitum, apud Jo. van Duren, 8.

Tom. I 1733, plag. 17. Tom. II 1733, plag. 16. Tom. III 1734,
plag. 19. Tom. IV 1734, plag. 15½.

Longe alterius se generis scriptorem proficitur, qui res ge-
litas *Augusti II*, Patræ quondam Patris desideratissimi, hoc
libro contexuit, quam quem nactus est nuper æmulus ejus
quondam, qui multo ante debitum naturæ persolvit, *Carolus XII*,
Rex Suecorum. Hujus enim historia, quæ Cl. *Voltaire* Au-
tore lucem adspexit, tota ad percellendos distingendosque per-
petua admiratione lectorum animos composita, nihil vulgare
inspirat, sed, poematis instar, quanta quanta est, portentis veluti &
narrationibus incredibilium rerum constat, si non alium, hunc
certe, fructum allatura legentibus, ut, etiamsi veritati clariori
in luce ponendæ non æque per omnia, otio tamen fallendo, e-
grege inserviat. Aliter res habet cum *Historia Augusti* no-
stri, cujus Autor, tantum abest, ut *Voltaire* velligis premat, ut
ab iis recedendum quam longissime, deque hoc ipso consilio
suo non tantum candide monendos lectores suos, sed & ejus rei
rationem, duobus exemplis lapsuum a *Voltaire* admissorum
prolatis, reddendam duxerit. Alterum desumptum est ab op-
pugna-

pnatione urbis Rige, A. 1700 suscepta. Ea urbe, quæ princeps Livoniæ est, ut potiretur *Augustus*, præsentem eo summam vim a *Flemmingio* & *Patkulio* adhibitam contendit *Voltairius*, cum, lente admodum processisse oppugnationem eam, urbiq; parum damni attulisse, inter omnes conslet. Alterum exemplum præbet *Voltairii* descriptio Altoniæ, quam supra Hamburgum sitam, & fossa instructam portuq; affirmat, quæ infra Hamburgum posita, & fossa & portu, cujus vicem Albis sustinet, caret, longissimæq; abest ab ea specie, quam tribuit illi, ut facinus *Steinbockii*, subjectis eam facibus exurentis, quodammodo atrocius reddat, *Voltairius*. Ac similia plura excidisse *Viro Clarissimo*, Autor observat, non ferenda in Historia, utcunque toleranda forte in Poemate, ad cujus indolem *Voltairii* Opus quam proxime accedere contendit. Ipse, neglectis sili ornamentis, veritatem summo sectandam studio, virtutemque sine ullo hominum respectu laudandam, perinde ut vitia reprehendenda, sibi duxit, ex quibus posterius exemplo *Radziewikii*, Purpurati atque Archiepiscopi Gnesensis, cui animum subdolum, & ad alias ex aliis turbas ferendas natum, tribuit, confirmare studet.

Ceterum Historia hæc in octo divisa est Libros, & quatuor Volumina, ex quibus unicuique Libri duo destinantur, efficit. *Primus Liber*, post status Europæ totius, & Poloniæ inprimis, cum *Joannes III* e vivis decederet, descriptionem, studia Polonorum cum in *Contio* Principe, tum *Augusto* Rege, sibi creando uberius exponit. *Alter* posterioris electionis, priore irrita, felicem exitum, possessionemq; regis dignitatis, *Augusto*, post compositas, quibus Polonia in partes scissa misere agitabatur, turbas, denique assertam, fusc enarrat. Ex *tertio Libro* cognosceas, quid *Augustus* Rex domi militiæq; gesserit, quo pacto, ut potiora attingamus, turbas Lithuanias compresserit, quæ ejus fuerint molitiones adversus Turcas, ut Kaminiæcum iis eriperet, quo animo tulerit Brandenburgici, tum adhuc Electoris, postea primi Regis Borussia, consilium, Elbingam veteris æris alieni causa sibi præter opinionem vindicantis, & qua felicitate Kaminiæcum denique, inita Carolovici cum Turcis pa-

ce, Poloniæ reddiderit. Nec minori cura descripta hic legas Comitia Varsoviensia anni 1699, eorumque exitum secundum, pacificationem cum Electore Brandenburgico, &, quæ eam consecuta est, Elbingæ recuperationem, initia belli Suecici capto castro Koberensi, oppugnataque urbe Rigensi, expugnationem castelli Dunamundensis, socia item arma Russorum, & cladem eorum inauditam ad Narvam. *Quarto Libro* enarrat Autor Comitia anni post Seculum decimum septimum primi minus auspiciata, Suecorum transitum Dunæ, pugnamque cum clade Saxonum conjunctam, quæ eum proxime exceperit, dissidia intestina Polonorum, majorem in dies Suecorum in Polonia progressus, prælium Clissoviense, Sandomiriensem confederationem, turbulenta Primatis consilia, *Caroli*, Regis Suecorum, animum implacabilem, & id unum spectantem, ut *Augustus* regno depelleretur, Pultescensem pugnam, Comitia Lublinsia, infaustam equestris magnæ Poloniæ ordinis consociationem, & secutum inde anno quarto hujus Seculi conventum Varsoviensem, *Caroli* impulsu *Augusto* regiam dignitatem extorquere ausum. *Quintus Liber*, qui *Tonum tertium* Operis hujus inchoat, captivitatem jam Principum Reriorum, *Jacobi & Constantini*, prope Vratislaviam interceptorum, sædus cum *Petro*, Russorum Imperatore, Consilium Senatus Cracoviense, progressus Conventus Varsoviensis, Comitia Sandomiriensia, fœderatorum Varsoviensium, novum sibi Regem, hortatu *Caroli*, Suecorum Regis, circumspicientium, consilia, electionem *Stanislai*, clades *Augusti* iteratas, capta Varsovia quodammodo reparata, victoricia *Caroli*, Leopolum expugnantis, arma, prælium Punicense, e quo inferior discedens *Schulenburgius*, persequentium se hostium vim callide elusit, Principum exteriorum, *Augusti* causam tuentium, inprimis Pontificis Romani, studia, Consilium Senatus Cracoviense, novam *Potorski*, Palatini Kioviensis, auspiciis conditam sectam *Indifferentium*, Primatis apertam ab *Augusto* Rege defectionem & Comitia Varsoviensia, inaugurationem *Stanislai*, ab Archiepiscopo Leopolitano peractam, & mortem denique Primatis, quem diximus, *Michaelis Radziewskii*, viri ambiguz fidei, &, parentis exemplo, veluti nati ad

ad patriam turbendam, complectitur. *Sexto Libro* plurimum annorum res gestæ exponuntur, in quibus offert se sponte sua institutio Ordinis aquilæ albæ, Consilium Senatus Grodnoviense, prælium ad Frauenstadium, Suecorum in Saxoniam irruptio, pugna Kalischiana, *Augusti* in Saxoniam profectio & abdicatio regni, Senatus Consilium Leopoltanum, a *Sezembeckio*, nono Archiepiscopo Gnesni, indictum, Comitia Lublinensia, reditus cum *Stanislai*, tum *Caroli*, e Saxonia Polonia, pervicacia ejus in persequendis Russis, prælium Lesnense, proditio *Mazepæ*, Cosacorum Ducis, status rerum in Polonia mirum in modum turbulentus, pugna ad obseſſam a Suecis urbem Pultavam, cum clade eorum summa atque internecina conjuncta, *Augusti*, postliminio regnum sibi extortum vindicantis, adventus in Polonium, discessus Suecorum *Stanislai*que in Pomeraniam, Senatus Consilium Varſoviense, ejusque consultationes, ex voto *Augusti* peractæ, durantibusque adhuc illis Elbingæ urbis, quam Suecorum præſidiis nudatam Russi sibi vindicabant, expugnatio. *Septimi* atque *octavi Libri*, qui supersunt, *Totumque* hujus Operis *quartum* efficiunt, argumenta ne per indiculum quidem percurrere necesse fuerit. Satis sit dixisse, Autorem, quo propius ad recentissima tempora accedit, eo brevius singulorum annorum res gestas perstringere. Fusius tamen *Libro septimo* enarrat initia, progressus, & exitum Confederationis, quæ ab anno decimo quinto hujus Seculi usque ad decimum septimum turbas in Polonia dedit. *Octavum*, eumque postremum, finit elogio *Augusti*, digno imprimis, quod cum cura expendant Lectores, non improbaturi utique, quod mediam inter extrema duo vitia, adulationis, & perversæ libidinis omnia in maximis heroibus, sorte ceterorum mortalium, quorum quisque suos patitur manes, haud exemptis, fugillandi, viam ingressus, scriptoris a partium studio alieni laudem ad finem usque Operis magna diligentia sectetur.

FRIDERICI HOFFMANNI, CONSILIARII REGIS Borussiae intimi, & Archiatri, Opuscula Medico-Prædica, seu Dissertationes selectiores antea diversis
tempo-

temporibus editæ, nunc revisæ & auctiores, cum Præfatione, & rerum præcipuarum Indice.

Halæ, in officina Rengeriana, 1736, 4.

Alph. 3 plag. 8.

Quod primas istas & longe præstantissimas artis salutaris partes, rationalem puta, Pathologiam, & Therapiam, omnibus huc usque numeris non ita absolutas, ad idem nunc evectas conspiciamus fastigium, ad quod, indefesso doctissimorum hominum labore, adscenderunt hodie Anatomia, Physica, & Chymia, id, nisi unice, maxima tamen ex parte, referendum habemus felicissimo ævi nostri Medico, Illustri *Hoffmanno*. Ex quo enim, per dimidiam fere Seculi partem, vel exercendo suam artem, vel docendo, in ipsa morborum curatione errorum copiam animadvertit, numero pæne majorem, lapsisque quam maxime nocivos, nihil sibi magis curæ cordique fuisse, ipse quidem fatetur, quam ut pro virili, & nulla unquam prætermissa occasione, medendi scientiam in meliorem ordinem redigere, ejusque fundamenta firmitiora reddere, elaboraret. Egregie illud ipsum jam dudum præstitit, ubi per quadraginta, & quod excurrit, annos, Dissertationes subsecive edidit, omne, quod tractandum sibi sumferat, argumentum plenissime exhaustientes. Sed, quod plerisque hujus generis scriptionibus accidere solet, ut varie scilicet initio distractæ ægrius deinde haberi possint, & mirifice desiderentur, id tanti ingenii fœtibus eodem modo evenisse, nemo facile erit, qui miretur. Verendum igitur erat, ne omnis improbi laboris spes ad irritum paulatim caderet, nisi, quæ seorsim in lucem dederat, in unum ipse fasciculum mature colligeret, & uti maximam reliquarum Dissertationum suarum partem, ab interitu sic commode satis prohiberet. Sistit itaque Cel. Autor præsentis Volumine binas earum Dissertationum Decades, quas ad artem medicam circumspicte, & cum bono ægrorum commodo, exercendam potissimum facere, jure confidit; revidit easdem insuper, correxit, & optimis observationibus ac cautionibus adjunctis auxit hinc inde atque illustravit. Hæc earum argumenta sunt: *Decadis I Diff. 1)* agit de naturæ & artis efficacia in medendo, 2) de recta

&

simplicissima naturæ medendi methodo, 3) de medicamentorum prudenti applicatione in tempore, 4) de prudenti medicamentorum continuatione, 5) de vera medicamentorum in morbis virtute & efficacia rite dignoscenda, 6) de cognoscenda corporis humani natura ex effectu remediorum, 7) de medicina simplicissima & optima, motu, inedia, atque potu, 8) de mirabili lactis asinini in medendo usu, 9) de saluberrima feri lactis virtute, 10) de connubio aquarum mineralium cum lacte longe saluberrimo. *Decadis II* Diff. 1) de salium medicorum eccellente in medendo virtute, 2) de sale medicinali Carolinæ, 3) de manna, ejusque præstantissimo in medicina usu, 4) de recto corticis Chinæ usu in febribus intermittentibus, 5) de purgantibus fortioribus ex praxi medica merito ejiciendis, 6) de medicina emetica & purgante post iram veneno, 7) de imprudente medicatione, multorum morborum & mortis causa, 8) de remediorum benignorum abusu & noxa, 9) de vesicantium & fomiculorum circumspecto in medicina usu, 10) de erroribus vulgaribus circa usum topicorum in praxi, exponit. Quæ omnes quanta diligentia & dexteritate elucubratae sint, ut multis declarem, supervacaneum nobis quidem videtur, cum ex reliquis Cel. Autoris scriptis hæc quoque æstimari debeant. Ut iis tamen, qui ab harum rerum lectione aliis studiis avocantur, salivam paulisper moveamus, ex ultima *prima Decadis* tractatione, quæ saluberrimum aquarum mineralium cum lacte connubium exponit, quædam delibabimus. Quam insignis, ad avertendas & expugnandas gravissimas ægrotudines, duobus hisce domesticis remediis, lacti scilicet & aquis mineralibus, virtus atque efficacia insit, suis jam tum temporibus animadvertisse, testatur Autor, *Hippocratem, Dioscoridem, Celsum*, & præstantissimos quosque Medicos; nihilo tamen minus a plurimis recentiorum, vel ex ignorantia vel præoccupata mente, negligi eadem, & penitus contemni, conqueritur. Meliora igitur ex natura eorundem edoctus, pristinam his remediis gloriam restituere plus simplici vice annis est Autor. Conflare enim lac, ut omnibus notum assit, ex butyrofa pingui materia, sed paucissima, ex caseosa, denique terrestri solida, & aquea, repui & subtili, quæ feri nomine veniat, & sale quodam dulci,

dulci, blando, abstergente, sceta sit. Ultimam hanc lactis substantiam omnem fere medicamentosam virtutem possidere, ait, & lac asinum præcipue eapropter commendat, quod copiosum serum dulce, paucam contra caseosam materiem, vehat; arcani huius loco hoc lac habendum esse, affirmat, modo non ita difficulter obtineri posset. Ut in aliis igitur lactis generibus dulce hoc serum augetur, jam olim veteres cogitarunt. Per aquæ admixtionem lac corrigere solenne fuit *Hippocrati*; alii vero, ut facultatem lactis absterisivam intenderent, mutiam eidem, mel, mulsimumque, addiderunt. Non improbat hæc Autor; meliorem tamen & tutiorem effectum ab aquatum mineralium admixtione expectat, quam suam sententiam jam ante bene multos annos firmo fundamento superstruxit. Omnium etenim Medicorum primus, quod sine ostentationis nota de semet ipso profiteri poterat, omnibus Germaniæ & aliarum regionum aquis, quas acidulas plerumque, sed perperam, vocamus, præter alia sal fixum alcali eminens inesseprehendit, easque omnes, cum quibus periculum fecit, Carolinas, Selteranas, Pyrmontanas, Egranas, Schwalbacenses, Spadanas, Antonianas, Schlangenbadenses, Buchenses, & Wildungenenses, cum acidis vel validioribus vel mitioribus, ingenti bullularum copia, effervescente vidit. Quodsi igitur lac, liquor per se facile concrefcens, hoc sub connubio, cum subtili & elemento alcalino acidularum intine permisceatur, illud ab infesto in stomacho coagulo defendi, Autor concludit, atque ita dilui, ut expeditissime per exilissimos canalium alveos trajici, colatoria subire, & per excretoria exire iterum, possit. Hæc itaque ambo, amico sic connubio juncta, iis potissimum in morbis in blandam & naturæ amicam medicinam coire asserit, ubi nec lac solum, ob coagulationis & obstructionis metum, nec minerales aquas, ob spirituosam vim & salinam acrimoniam, uti in omnibus ex pulmonum vitio oriundis morbis, propinare debeamus. Egregias denique, & propemodum divinas, hujus remediū virtutes, in corporis tabescentia & virium languore, in spasmodicis & hysterics affectionibus, in melancholicis & maniacis, in intestinorum affectionibus, quin etiam in purpura scorbutica, morbo, ante hos fere quinquaginta annos penitus inco-

gnito,

gnito, nostro vero hoc tempore admodum familiari, se deprehendisse, commemorat Autor omni fide dignissimus, & regulas tandem optimasque, circa harum aquarum cum lacte conjunctarum potationem, cautiones, pro more suo, hoc est, candide, suppeditat.

INSTITUTIONUM PHILOSOPHIÆ THEORETICÆ Tomus posterior, complectens Philosophiam naturalem, sive Physicam; quem Collegiis privatis destinavit
NIC. ENGELHARD, A. L. M. Philos. Doct.
eiusdemque & Mathematicum Prof. Ord.

Groningæ, typis Jac. Sipkes, 1734, 8.

Alph. 1 plag. 8, cum Tabb. æn. 8.

Secundum hoc Volumen duabus distinguitur Partibus, quarum 1) de Physica generali inscriptum est. Hujus Cap. 1 de Physicæ natura agit & constitutione, ubi §. 5 causæ, in quas inquit Physica, vel physicæ dicuntur, vel mechanicæ; unde §. 8 dubitare quis possit, an phænomenorum rationem principia physica sufficienter ostendant. Cap. 2 de corpore naturali, ejusque affectionibus in genere, tradit Cl. Autor. Hic eos recte asserit qualitates occultas in Physicam introducere, qui qualitatem immediate a divina voluntate deducunt, vel qui qualitatem aliquam in materiæ essentia fundari assumunt, præter rationem sufficientem. In causis vero omnium ultimis, an non tandem ad Deum, ens nempe summum, est redeundum? An & proprietates, quæ omnibus corporibus insunt, pro rationibus phænomenorum compositorum adducere absurdum est, quanquam harum proprietatum causæ ipsæ nondum sint assignatæ? Paulo post illa ante dicta quodammodo restringit Autor, concedens, rationes qualitatum corpusculorum primariorum tuto nos ignorare. Sequitur præcipue in doctrina de materia Cel. *Wolffium*, hinc inde *Newtonianos* reprehendens. Cap. 3 de mutationibus, quibus corpora naturalia obnoxia sunt, in genere exponit. Hic motum verum, apparentem, mixtum, æquabilem, acceleratum, retardatum, explicat; ubi tamen observamus, motum uniformiter retardatum esse, si continua celeritatis incrementa æqualibus temporibus

Pag. 1. 3.

5.

7.

10.

24.

25.

27.

ibid.

- riant inæqualia. Sequuntur post doctrinæ de motu simplici,
 Pag. 30. 33. composito, viribus centralibus, quarum quæ maxime ad tyrones
 faciunt, compendiose satis enarravit. Sic & durities, mollities,
 38. 40. elasticitas, percussio, nec non densitas æque ac raritas, breviter
 43. explicantur. Hinc nonnulla de refractione adduntur. Sequitur
 47. doctrina de concursu corporum, quæ paulo copiosius est per-
 tractata. *Cap. 4* affectionibus corporum naturalium in eorundem
 54. materia coherente fundatis destinatum est, ubi iterum de duri-
 57. tie nonnulla proferuntur. Concludit Autor hoc Caput tractan-
 63. do de asperitate & levitate, nec non crassitie ac tenuitate. *Cap. 5*
 65. de corporum naturalium affectionibus in materia a coherente
 65. diversa fundatis disputat. De fluido hic tractaturus, hanc ejus dat
 definitionem: Fluidum corpus dicitur, cujus particulæ inter se
 66. sunt inconnexæ, mutuo earum contactu a quacunque demum
 73. 74. causa impedito. Paulo post iterum de molli agit. Tum caloris
 82. theoriam aggreditur, hinc, quæ ad frigus spectant, ac maxime
 89. notabilia de elasticitate, tradens. Immisceat Cl. Autor duos hic
 Paragraphos de viribus centralibus, in quorum ultimo præcipue
 elasticitatem & has vires confudisse videtur. Sic & §. CXIX linea
 penultima & ultima vitium ingens typographicum occurrit,
 quod, quanquam in erratis nonnihil correxit Cl. Autor, nondum
 tamen plenarie sustulit. Nec nobis licuit duas, numero 29 insigni-
 tas, deprehendere Figuras, quas allegatas vidimus, quippe non
 nisi unam deprehendentibus. Tandem de gravitate tractaturus,
 93. eam verbis Cel. *Wolffii* definit. *Cap. 6* de viribus corporum ad
 104. machinas artificiales applicatis agit, ubi de quinque potentiis, &
 123. circa finem de motu pendulorum. Hinc *Cap. 7* ad actionem flei-
 dorum in fluida & solida, & solidorum in fluida, progreditur.
 Doctrina de gravitate hoc continetur *Capite*, cum nonnullis the-
 sibus hydrostaticis, ac theoria de fluidis proflientibus, quam
 suppeditasse videntur Cel. *Gravesandii* *Physices Elementa* ma-
 thematica. Claudat hanc *Partem Caput 8* de variis phænomenis
 134. in motu corpusculorum invisibilium fundatis. Sub initium statim,
 148. lucem ut causam, lumen ut effectum, se considerare, Cl. docet
 Autor. Tradit postea Opticam, Catoptricam, Dioptricam, ac
 177. CCCXXXVI experimenta *Newtoniana* brevissime enarrat;
 185. tum nonnulla de sono exponit; addens etiam quædam de tono,

nec

MENSIS DECEMBRIS A. MDCCXXXVI. 549

nec non de echo, ac 2 Paragraphis de sapore, 3 vero de odore,	Pag. 194.
<i>priorem hanc Partem</i> concludit. <i>Pars II</i> Physica specialis dicitur.	197.
Hic <i>Cap. 1</i> de terræ superficie. In hujus <i>Capitis</i> initio brevis introductio in partem Astronomiæ Sphæricam de figura telluris comparat, quam excipiunt nonnulla de inundationibus, denique de montibus.	207.
<i>Cap. 2</i> de corporibus viventibus in genere docet, ubi uno §. omnis de sanitate & morbo doctrina continetur.	219.
<i>Cap. 3</i> de corpore humano & animalium tradit. In hoc <i>Capite</i> distinguuntur animalia in	224. 228.
	231.
Sanguinea { pulmone { duobus cordis { vivipara, { aquatica, { ventriculis, { ovipara. { terrestria.	
{ bronchiis respirantia.	
Exanguia { majora { mollia,	237.
{ crustacea.	
{ minora, sive	
insecta. Tradit postea brevissimam in Anatomiarn introductionem, Myologiam, Nevrologiam, Angiologiam. Tota etiam inspersa est Physiologia. Generatio definitur, quod nihil aliud sit, quam evolutio flaminis corpusculi organici præexistentis. De sensibus §§. quinque, de Osteologia vero unico Paragrapho, exponit. Sic & statum corporis humani in Physica triplicem considerari, vigilæ, somni, & insomniorum, brevissimis tradit. In <i>Cap. 4</i> , de Plantis, sequitur methodum <i>Rivinianam</i> , & <i>Teichmeyer</i> i methodum arboris Dianæ formandæ annectit. In <i>Cap. 5</i> , de aqua & igne, doctrinas de æstu maris, de ejus evaporatione, & de igne, persequitur. <i>Cap. 6</i> de iis, quæ occurrunt in visceribus terræ, sive de fossilibus, ubi de terris, acido & alcali, lapidibus, magnete, metallis; <i>Cap. 7</i> de atmosphæra & meteoris, ubi de proprietatibus, aeris, de meteoris, igneis, emphaticis, iride; <i>Cap. 8</i> de sole, ubi pag. 402 linea 3 pro 31 10". legendum 32 10"; <i>Cap. 9</i> de planetis, ubi pag. 427 linea 11 pro 30 lege 13, & pag. 431 lin. ult. pro 7 ^a lege 79 ^a ; <i>Cap. 10</i> de eclipsibus; <i>Cap. 11</i> de stellis fixis; <i>Cap. 12</i> de stellis novis atque cometis, differit. De <i>priore</i> hujus Operis <i>Tomo</i> conferas, si	240. 247. 257. 271. 273. 285. 301. 337. 297. 317. 324. 330. 338. 341. 345. 350. 356. 359.
Zzz 3	388. 392.
placet,	376.

placet, *Acta Mensis Julii A. 1733 pag. 321 seq.* Hic in genere de hoc nostro *Tomo* hæc monenda ducimus, in eo multa compendiose satis contineri, quæ docenti ansam præbeant amplius differendi; at opus esse lectore sagaci, ne pressius in omnibus sequatur Cl. Autorem, quem tamen, quod multa non indicata vitia spectat typographica, plene excusatum quilibet moderatior habebit Lector. Nec in Figuris, earumque citatione, hinc inde eam, quam nobis promiseramus, observare licuit accuratorem. Precamur Deum Opt. Max. velit Cl. Autorem seros in annos saluum incolumemque conservare, quo & hunc Cursum philosophicum, & alia adhuc eruditionis specimina, Reipublicæ literariæ in emolumentum eo citius possit absolvere & evulgare.

FUNDAMENTA STILI CULTIORIS IN USUM
Auditorii adornavit, & Syllogen exemplorum adjecit
JO. GOTTL. HEINECCIUS, JCur. Editio
sexta, auctior & locupletior.

Lipsiæ, sumptibus Caspari Fritschii, 1736, 8.

Alph. 1. plag. 10½.

Quanta voluptate, quantoque applausu, exceptus fuerit ille Elegantissimus *Heinecciani* ingenii foetus, tot tamque splendida Ephemeridum in Gallia Belgioque evulgatarum encomia; totque interpretationes, a doctoribus publica autoritate renuntiatis in hunc Librum institutæ, testantur, adeo ut pæne nobis vitio verti possit, cur nos applaudentium turbæ eo tempore subduxerimus, cum primum *Fundamenta stili cultioris* typis exseriberentur. Sed mirari desinet quilibet æquus rerum æstimator, cum perpenderit, ejusmodi librum semper accessionibus locupletari, nosque adæo præceptiones ante omnibus numeris absolutas ab Illustri Autore expectavisse, quam ad commendanda Cel. Autoris merita, nostris quidem laudibus longe majora, nos accingeremus. At, evulgata nuperrime, quam diu in votis habuimus, novâ editione, tam nitide profecto, tamque terse, expressa, ut reliquis omnibus, si non palmam præcipiat, saltem dubiam reddat, temperare nobis non possumus, quin meritis laudibus industriam Cel. Autoris condecoremus. Nam Bibliopola

Lipsi-

Lipſienſis, *Caspar Friſchius*, Vir in tantum laudandus, in quantum indefeſſus labor, & ſtudioſum literas promovendi ſuis ſum-
 tibꝫ, intelligi poteſt, in eo totus fuit, ut chartarum munditię
 elucubratiſſimũ Cel. Autoris Opus ſplendidiꝫ efficeret. Illud
 quidem ab ipſo Autore impetrare non potuit, ut curas ſuas po-
 ſteriores ſubinde adderet, eaſque locis ſuis inferendas curaret,
 fortaiſſis quia inſudabat tum temporis *Elementis Juris Ger-
 manici* conſcribendis, interim, ne quid in ſe deſiderari pateretur,
 dedit operam, ut copia ipſi eorum, quę quis ex Illuſtris Autoris
 ore accepta libello adſcripſiſſet, fieret. Cum igitur reſciviſſet,
 poſſidere aliquem Muſę *Heinecciana* cultorem exemplum pe-
 culiaribus annotationibus exornatum, preces, ut ſecum id com-
 municaretur, admovit, quo impetrato, non moras nexuit, ſed
 ſtatim prelo illud ſubjiciendum eſſe cenſuit. Dignum itaque O-
 pus, quod dilucidius a nobis perpendatur, digna *Heineccii* ſacun-
 dia, quę, cum in publico velut theatro ſe conſpiciendam præ-
 buerit, publico etiam præmio, publicaque noſtri applauſus re-
 ſtitutione, cohoneſcet. Acceſſit jam ad præſtantiffimum il-
 lum Librum nova Præſatio, ab Anonymo exarata, ubi non pro-
 letaria paſſim annotavit Autor illius, ipſis paragraphis adſcri-
 benda, inprimis de editionibus antiquorum ſcriptorum proſus
 eleganter diſputans. Nam, ſplendidas editiones non ſtatim emen-
 datas eſſe, recte judicet, & ineptos eſſe Criticos, qui neſcio qua
 ſuperſtitione lectiones in Mſtis codicibus obvenientes mirò cor-
 radunt ſtudio, corraſiſque omnes fere plagulas inquinare ſolent.
 Ut vero vividam Libri hujus imaginem Lectori exhibeamus, o-
 perę pretium erit flores ex antenſiſſimo illo horto decerpere,
 præceptaque ſili, a tanto ſermonis Latini artiſciæ proſecta, com-
 minus intueri. In limine ſtatim Latinarum elegantiarum ſtu-
 dioſos a duobus advocat vitiis, primo ne tam agreſſi tamque
 impolito animo ſint, ut omnia barbara & dicendi ratione hor-
 rida elucubrare velint ſcripta, nec per omnem vitam id unico
 agant, ut calamiftris intorqueant orationem, & ſe ſolos ſapere,
 ceteros volitare velut umbras, exiſtiment. Poſteaquam eos re-
 futarat, qui, ſola ingenii ubertate, aſſiduęque exercitatione, ſine
 præceptorum ope, ad eloquentię Rōmāę culmen perveniri
 poſſe, credunt, delabitur ad diſiſionem yariorum ſili fun-
 damentum.

damentorum, quæ ita disponit, ut tractationem universam in tres partes abire jubeat. Una agit de generalioribus terse latinæ fundamentis, altera de variis Scriptoribus in soluta oratione usitatis, & tertia de variis cultioris stili facultatem assequendi subsidiis. Prima igitur fontes aperit, ex quibus, velot larga pennis, egregia emanant præcepta, masculinum profecto Oratorem efficientia, si doctrina, assiduitasque naturæ, accesserit. Postulat enim casta dictio justam verborum compositionem, cujus perfectrix *Grammatica* est. Exigit ea porro sententias necessarias, sine quibus vanam potius loquentiam, quam eloquentiam, arguimus, hasque vel suppeditat *Philosophia*, vel apte disponit atque exornat *Rhetorica*. Inde trium generum enascuntur elegantioris stili fundamenta, *Grammatica*, *Philosophica*, *Rhetorica*, in quibus omnibus *Pari prima* hujus Opusculi versatur. Nos singula Capita perlustremus, &, quæ notatu maxime digna videbuntur, Lectori propinemus. Quamvis hæc tractatio de fundamentis stili Grammaticis tantum ex Grammaticorum scholis addiscenda esset, tamen, cum multa perperam ab iisdem dicta fuerint, pauca, quæ præ ceteris necessaria sunt, observavit Ill. Antor. Nam, inquit, *non negligenda sunt minora, sine quibus majora constare non possunt*. Ad illa fundamenta refert cognitionem *Orthographiæ genuinæ*, *Etymologiæ*, & *Syntaxin* cum primis ornatam. *Orthographiæ* igitur præcepta traditurus post *Aldum Manutium*, *Dausquejum*, *Cellarium*, *Schurtzstischium*, cavere nos ante omnia jubet ab illa quorundam affectatione, qui nescio quod scribendi genus non publici saporis introducunt; deinde carpit nimiam eorum negligentiam, qui strenue ignorant illas lautitias, & nullam plane vel linguæ ipsius, vel antiquorum monumentorum, in scribendo habendam esse rationem existimant. Distinguit tamen cum cura monumenta vetera, & majus pretium numis, quam inscriptionibus, statuit. Nam in marmoribus, ait, sæpe aberrant indocti lapidæ, atque opifices semigræculi. Quis enim scriberet *scena* pro *scena*, *temptare* pro *tentare*, *Epistula* pro *Epistola*? Observandæ vero sunt quædam regulæ orthographiæ tum de literis, earumque mutatione, tum de abbreviatione & divisione vocum, tum de ipsis vocabulis quibusdam,

dam, quæ falso scribuntur, & de quibus omnibus egregie plane Cel. Autor cum *Cellario* disserit in §. VI - XI. Ad Etymologiam perfecturum, monet, ne vel aliena vel peregrina vocabulis tribuatur significatio, deinde suadet, ne vocabula, quæ ab omni analogia abhorrent, admittantur. Nam recte, ait, a *Julio Casare* dictum est: *tanquam scopulum, sic fugias inauditum atque insalens verbum*. Dubium hic putat esse Cel. Autor, an in censum illum referenda vox sit in *presentiarum*. Nam, ut, analogiæ non adversari hanc formam, ostendat *Jac. Perizonius*, existimat, exponendam esse vocem per ellipsin vocis *tempore*. Sed non injuria fatetur Ill. Autor, se nondum perspicere, quid sit *tempus presentiarum*. Pag. 26 ostendit, in particulis omnem fere sitam esse linguæ Latinæ elegantiam, ideoque magno exemplorum numero ex scriptoribus bonæ notæ excitato, satis luculenter genuinum earundem usum lectoribus monstrat. Sed, quia in nulla re facilius labuntur tirones, quam in Syntaxi, animadversiones primo more suo Ill. Autor addit de vitiosa Syntaxi, & ad ornatam deinde progressus, haud vulgaria animis juvenum inculcat. Hanc autem versari dicit partim circa *transpositionem*, partim *additionem*, partim *abjectionem* vocum, ubi decimum variationem casuum Grammaticam prorsus elegantem instituens, paucis, iisque perspicuis, regulis exempla auro contrariora subjicit. Capite II agit de fundamentis stili Rhetoricis, & cum Rhetorica præcipiat quædam de *inventione*, *dispositione*, *elocutione*, & *actione*, ipsi cum sola elocutione negotium est, de qua operam dedit, ut multa, quæ in plerisque Rhetoricis scriptis frustra quæsieris, in medium adduceret. Quicquid vero de elocutione tradit Rhetorica, illud omne ad quatuor potissimum capita referendum videtur. Nam, uti *Cicero* ait de Oratore III, 10, quis esset dicendi modus melior, quam ut *latine*, ut *concinne*, ut *ornate*, & ad id, quodcumque ageretur, *apte congruenterque*, dicamus? Sermonis itaque castitatem ut inculcent animis juvenum eruditi, in id enisi sunt omnes, ut integris libris voces parum Latinas ac suspectas colligerent, velut *Vossius*, *Vorstius*, *Cellarius*, *Duckerus*, *Morhofius*, *Jensius*, *Giphanius*, sed, cum tædio ea methodus Illustri Autori videatur, satius esse ducit, regulas quasdam de vocabulis suspectis suppeditare. *Primo ab-*

Pag. 22.

28.

49.

53.

55.

Aaaa

stine.

linere nos jubet a vocibus hybridis, nec adhibendas esse putat voces, quæ analogiæ Grammaticæ repugnant, ut *aquantiter*. Non enim credibile est, ex *animus* fecisse Latinos *enimiter*. Porro, non utendum esse, præcipit, vocabulis barbaræ originis, Græcis, & Græcismis, nominibus colorum in *edo*, nec non adjectivis in *alis* & *abilis* desinentibus, vocabulis ecclesiasticis, juridicis, philosophicis, poeticis, archaïsmis, quos ipse Cicero velut obsoletos, & inquinatos damnat. Pag. 70 ad alteram orationis partem descendit, & *concinnitatem* delineaturus, primo definitionem ex *Cicerone de Orat. III* & *Aristotele Rhetor. Lib. III Cap. 9 §. 4* excitat, deinde dispescit periodos in *simplices* & *compositas*, has denique in bimembres, trimembres, quadrimembres, *πνύματα*, & sic porro; ubi quidem non recedit a vulgari Rhetoricorum præceptione, interim tamen in elaborando ipso argumento singularia quædam deprehendimus. Nam ubi exemplis disertissime concepta subjungit, & consecutaria inde deducit haud spernenda. Absolutissimam vero & magnificentissimam esse putat III. Autor quadrimembrem periodum, quæ non tantum aures delinire valeamus, utpote penes quas superbissimum esse solet iudicium, sed etiam integrum adornare iudicium possumus. Id quod probavit exemplo *Mureti*, qui in *P. I Orat.* 22 copiosissime pronuntiavit. Nec a fortuna sibi datam occasionem dimittit Cel. Autor aliqua differendi de numero oratorio, de quo alii abiecius judicare assolent, sed multum notoris decedere orationi monstrat, si ejurare omnem vellemus numerum. Dixerat aliquando Gracchus: *Abesse non potest, quin ejusdem hominis sit probos improbare, qui improbos probet*. Hanc sententiam Cicero commutavit mascule ita: *Abesse non potest, quin ejusdem hominis sit, qui improbos probet, probos improbare*. Hæcenus de concinnitate; jam, quid ornatam reddat orationem, curatius Cel. Autor pag. 90 ostendit. Et hinc quidem primas partes translationi aptæ & moderatæ defert, deinceps hæc refert reliquos tropos & figuras, sed selectiores. Plures enim sunt, inquit, quæ vix quidquam venustatis habent. Gratias quoque omnes spirare credit formulas antiquas & adagia, quæ in omnibus linguis idem præstare videntur, quod in cibus condimentum. Mirifice insuper sibi nonnulli placent versibus &

hemi-

hemistichii Poetarum, sed illi versus prosæ admixti Ill. *Heineccii* iudicio vix laudem merentur, nisi vel testimonii causa inferantur, vel dictio ejusmodi poetica solutiore stilo exprimitur. Reliquum est, ut, quomodo *apte* dicendum sit, præmonstratorem *Heineccium* sequamur. Nam, cum absonum sit, omni personæ eadem vestes aptare, nostra quoque interest, ut varios dicendi characteres & formas in numero habeamus. Primo, quod ad brevitatem vel ubertatem sermonis attinet, dividit Cel. Autor stilum in *Laconicum*, *Atticum*, *Rhodium*, & *Asiaticum*, deinde, quod spectat ad stili *quantitatem*, aliud est, docente *Heineccio*, *magnificum*, aliud *mediocre*, aliud *tenue*, dicendi genus, de quorum characterum usu solam commendat *Demetrii Phalerei* περὶ τῆς ἐρμηνείας n. 129 regulam: τὸ δὲ πρότερον ἐν παντὶ προαΐματι Φυλακτέον. Τά τε τι προσφόρου ἐρμηνεύτέον· τὰ μὲν μικρὰ μικρῶς, τὰ δὲ μεγάλα μεγάλως. Omnes vero has stili differentias ad formam potius illius, quam ad materiam, pertinere contendit. Si igitur hanc consideres, sex suppeditabit Ill. Autor dicendi formas vel ideas, *perspicuam*, *grandem*, *pulchram*, *moratam*, *concitatam*, & eam, quam dicendi vi n appellare solent. Sequitur hic maximam partem *Hermogenem*, ita quidem, ut, quæ subtiliter disputavit, resecec, &, quæ ad formas stili illustrandas faciunt, afferat. Ceterum, cum non eadem omnes deceat oratio, alius stili esse dicitur *τρυφικός*, vel *ἐπισημονικός*, vulgo philosophicus, alius *ἱστορικός*, historicus, alius *διαλογικός*, vulgo dialogisticus, alius *ῥητορικός*, oratorius, alius *πολιτικός*, civilis, alius *ἐπιστολικός*, epistolicus, alius denique *ποιητικός*, poeticus, de singulis strictim succincteque egregia profert. Plerisque dicendi characteribus communem esse ait τὴν ὑδμήτητα, i. e. genus quoddam orationis *acutum* atque *argutum*, cujus stili ne juvenibus occulta sit ratio, dicit, omne acumen vel in verbis, vel in propositionibus, vel in ipsis enthymematibus, esse positum. Sed verba illa omnia, quantumvis ornata, in vanam abibunt loquentiam, nisi sententia subsint, tanto verborum apparatu dignæ, quas ordinat Philosophia. Hinc de fundamentis stili philosophicis *Capite III* fuse agit Ill. Autor, quorum duo ait dari genera, alia *singularibus periodis*, alia *integris argumentis*, suppeditare materiam. Nam, si paulo accu-

Pag. 115.

126.

127.

149.

165.

171.

Pag. 176.

ratiſſe ſpecies periodorum naturam, ad ampliſcandam orationem facere quamplurimum *definitionem, diſiſionem, cauſarum, iplas rationes, effectus, & adiuncta rerum*, quibus ſæpe egregie exornatur periodus, ſtatim videbis. Nec minus, uti veriſſime docet Ill. Autor, *contraria & conditiones, ſententiaque* ex intimis Philoſophiæ adytis depromendæ ſunt, niſi ineptire, nubesque & inania captare velis. *Integris autem argumentis* inſerviunt mirifice *loci communes, Syllogiſmi, & Enthymemata*. Dici non poteſt, quantum ejuſmodi loci communes, hoc eſt, politica aut moralia themata, ornent orationem, ideoque operæ pretium eſſe duxit Ill. Autor, ſollicitius de iis exponere *pag. 178*. Languida vero & nervis deſtituta eſſet oratio, niſi Syllogiſinis conſtaret, hoc eſt, juſta ratiocinatione, cujuſ ſingulæ partes ita deducuntur, ut Syllogiſini forma, in tanta verborum copia latitans, non niſi a viris doctis poſſit animadverti. Qua ratione igitur elaborandus ſit Syllogiſmus oratorius, quo ordine tum propoſitiones, tum membra ipſa, diſponenda ſint, erudiſſime monſtrat *pag. 184 ſeq.* Et hæc de *prima Parte* ſufficiant. Jam, cum ad reliquas nobis ſit deſcendendum partes, vela contrahemus, & paucis ea expediemus, quæ ab Ill. Autore in iis præclare dicta ſuerunt. Oſtendit enim, quomodo ſecundum regulas ſuperius adductas elaborandæ ſint *Epistoſe, Orationes ſcholaſticae, Panegyrici, Dialogi, & Inſcriptiones*. Per Epistoſas non inteligit eas, quæ eruditionis oſtentandæ, ſed teſtandi amoris, aut animorum conciliandorum, cauſa ſcribi ſolent. Hinc propinandas eſſe juvenibus arbitrat Epistoſas *Ciceronis, Plinii, Manutii, Mureti, Eraſmi, Erythrai, Schurtzſleiſchii*, quæ, cum feſtivarum, & facetarum, & concinnis ſententiis, tanquam gemmis, diſtinctæ ſint, merito aſſidua lectione in ſuccum & ſanguinem vertendæ, nec unquam e manibus deponendæ eſſent. Dividit deinde Epistoſas in familiares & elaboratiores, de quibus ſigillatim pauca monebimus. In Epistoſis familiaribus primo propoſitiones, de quibus ſcribere cupimus, juſto ordine poni ante oculos jubet, deinde ſuadet, ut diſpiciamus, habeantne inter ſe aliquid commune, an plane diſſimilis ſint naturæ, id quod dabit elegantem connexionem. Ad elaboratiores quod attinet Epistoſas, in iis nam ſibi perſuadet regnare propoſitionem, ad quam, tanquam ad centrum,

trum, omnes reliquæ partes referuntur. Tandem de titulis Epistolarum monet, eum esse tenendum modum, ut ne vel antiquitatis affectatione, vel stili barbarie ac novitate, reprehensionem jure mereamur. Alterum descriptionis genus, quo nonnumquam etiam nostro ævo utimur, sunt *Orationes*, quas præterire noluit Ill. Autor, quamvis multi jam Rhetores de iis ex instituto egerint. Quapropter enarrat primo triplex Oratorum genus, apud veteres usitatum, *demonstrativum*, quo in *ἐκκλησιαστικαῖς* Græciæ, *deliberativum*, quo in Conciliis & Comitibus, & *judiciale*, quo in foro & judiciis utebantur, deinde asserit, triplicis illius causarum generis, quo universa veterum Rhetorica nititur, hodie nullum superesse usum. Nam, etsi aliquæ dentur Oratoriz Latinæ reliquæ, declamationes tamen umbraticas solummodo esse arbitratur, quas ad genus *διδασκαλικόν* referre solent viri docti. Declamationem itaque scripturo id præcipue agendum est, ut de themate sollicitus sit, ut argumenta excuscit, riteque disponat, ut exordia magis specialia, quam generaliora, seligat, ut in conclusionem argumenta repetat, effectus moveat, neque tamen in illud proruat vitium, quod *παρρηγορεῖν* vocaverat supra Ill. Autor *P. I Cap. II n. 54*. De Panegyricis *Capite III* exponit, & tradita descriptione illorum, quaestionem ventilandam proponit, an viri sapientis sit, scribere Panegyricos. Ut vero tanto magis pateat, quomodo scribenda sit Panegyris, duo constituit genera, unum *Syntheticum*, alterum *Analyticum*, aitque, in Panegyricis conscribendis e veteribus ingenium exercuisse *Plinium*, & duodecim illorum Panegyricorum Autores, quos junctim *Christ. Cellarius* edidit, & ad quos harum lauritarum & veterum cultores ablegat. Quemadmodum autem declamationibus disciplinz argumenta sufficiunt, ita, Panegyrico historiam apparatus suppeditare, Ill. Autor contendit, & colophonem huic translationi imponit disquisitione satis erudita de stilo Panegyricorum, quod is debeat esse *sublimis, gravis, acutus*, nonnumquam etiam, si ita ferat materiz ratio, *concitatus*. Excipiunt hoc *Caput* præceptiones de *Dialogis*, quos, etsi vilescere nostra ætate videamus, non spernendos tamen esse, Ill. Autor censet. Quapropter, descripta *Dialogi* natura, pergit ad divisionem illius, ubi ait absolvi collo-

Pag. 202.

206.

210.

236.

247.

Pag. 251.

269 seq.

314.

333.

quia παρασκευὴ ἀγῶνι & ἐπιλόγων, & tandem eximia in medium de stilo Dialogorum affert, juvenes summa ope adhortans, ut personarum, quas loquentes introducunt, habeant rationem, nec pueris cothurnos vel Herculi soccos aptent. Ultimum hujus *Partis Caput* naturam *Inscriptionum* expendit, & cum ultimis potissimum temporibus, id est, patrum nostrorum memoria, novam veluti faciem induerint, has recte in *antiquas* & *novas* dividit. Has ut paulo accuratius secundum simplicitatem atque venustatem veterum exprimere discamus, quædam tum circa materiam, dispositionemque, tum circa elocutionem, ac orthographiam, monet, & multa pro ea, qua splendet Ill. Autor, eruditione de stilo lapidari disputat. Nunc ordo postulat, ut etiam *Partis III* delicias degustemus, quæ non possunt non eo suaviore nobis esse, quo impensius optare solemus subsidia ad rem tanti momenti tantæque jucunditatis adipiscendam. Quilibet politioris literaturæ & liberalis disciplinæ cultor annititur eo, ut suam dictionem ad veterum elegantiam effingat, sed plerumque viam ignorat, qua ad genuinæ eloquentiæ fastigium grassamur. Eam in rem omnis præceptorum thesaurus referatur, & unde hauriri possit Latinæ linguæ castitas, pluribus edocetur. Sed, cum multam referat, quo ordine, quæ ratione, Autores classicos evolvamur, de ea quoque re haud spernenda præcipit Ill. Autor, atque, præmonstrante *Tanaquillo Fabro* in *Capite I* de Autorum lectione, antiquos *Latii* scriptores ita disponit, ut quatuor cursibus ille ambitus facillime absolvi possit. Nec multum etiam afferret utilitatis Autorum lectio, nisi accederet imitatio. Quare, ut totam imitandi artem recte teneamus, de duobus potissimum capitibus cogitandum esse censet, de *virili* & *mascula* imitatione. Illam non adeo difficilem esse ait, propterea quod phrasæ modo ab Autore mutuatas accipiat, modo additis quibusdam detractisque vocibus aut circumstantiis resingat, sed *mascula* hæc videtur imitandi ratio, qua Autoris *inventionem*, *dispositionem*, *elocutionem*, & *characterem*, assequi contendimus. Tandem ad metam pervenitur, nec quidquam videtur reliquum esse, quam ut videamus, quid Cel. Autor docuerit de variis sili exercitiis. Tironibus videlicet auspicantibus commendat *Versionem*, quippe

pe omnium facillimam exercitationem, eosque *variationi* etiam casuum, verborum, phrasium, figurarumque, paululum assuetos advocat ad *carminis solutionem, coarctationem, amplificationem, characteris mutationem, descriptionem, ethopaeiam*, hoc est, imitationem sermonis, moribus alicujus & negotio accommodatam. Ne vero quis existimet, Illustrum Heineccium præcepisse ea, quæ imitatione exprimi nequeant, syllogem exemplorum attexit, præcepta superiora illustrantium, ex qua patet, quam mirus in ea re artifex sit Noster, quam vide, quantoque orationis flumine, sensa animi sua depingat. Gratulamur igitur nobis de tanto cultioris Latinitatis vindice, & ut Ill. Autor in posterum literis elegantioribus quam diutissime invigilare possit, ex animo precamur.

NOVA LITERARIA.

Tandem Mediolano lætissimum de publicato *Scriptorum Italica* Tomo *vigesimo quinto*, ab aliquot inde annis avidissime expectato, nuntium accepimus. Eam in rem communicabimus cum Lectore nostro integrum *Programma Philippi Argelati*, Societati Palatinæ a Secretis, Viri Clarissimi, nuper demum editum, & ad nos missum, unde, quid boni secum ferat hoc Volumen, aliqua ex parte possit cognosci:

Tandem expectatur diu publicam in lucem prodit XXIII ordine, sed XXV numero, *Italicarum Rerum* Tomus, non ab otio nostro, sed a fortuna malignitate, longam nimis, nobisque gravissimam, hætenus moram passus. Esi enim editionis impedire causam facile tribuas excitatis apud nos bellorum motibus, qua integro ferme triennio nos, nostraque omnia, miserandum in modum exagitarunt; nibilo tamen minus belli strepitus, otio literario suapte natura infestissimi, quod constantes animo fuerimus, studia nostra evertere minime potuerunt, & vix unquam, si Dis placet, a proposito nostro alienaturus esse confidimus. Quicquid enim temporis ac virium supererit, id totum in absolvendam Muratorianæ Collectionis editionem, & liberandam, ut decet, fidem nostram, ultro conferemus, de patria, atque universa Italia, bene meritori. Ea est humanarum rerum natura, ut una alte-

alteram excipiat, & nodus nodum priori arctissime strictus aliquid subsequatur, atque inde, quae simplex initio causa, in plures mox diducta, conatus omnes nostros ad vim ipsius declinandam elusit; neque intueris hic ea recensere, quae ingenio suo conjectari quisque facile possit. Quamobrem ad editionem nostram redeo, ac tedium diuturna huius expectationis multis in posterum modis levaturos nos esse spondeo, quod brevi scilicet alterum Tomum, cujus potissima pars praelum subit, & quod in utroque pretiosissimos codices invenies, qui nunc primum evulgantur, & celebratissimi nominis Auctores habent, ut in Elencho, quem pro more ad calcem huius Epistola remittimus, tute ipse, Lector humanissime, cognoscere poteris, gratiam pro eruditione atque benignitate tua Clarissimo Muratorio nobisque fortassis habiturus. Scripta, quae hoc ipso Volumine in lucem proferuntur, haec sunt: 1) Antonii Hyvani, Sarazanensis, Commentariolus de Bello Volaterrano, A. 1472 a Florentinis gesto, nunc primum prodit e Codicibus MStis Conitum Guidonum & Bibliotheca Stroziana. 2) Leodrisii Cribelli Libri duo de expeditione Pii Papae Secundi in Turcas, nunc primum luce donati e MSto Codice Philippi Argelati, S. C. C. M. a Secretis. 3) Jacobi Volaterrani Diarium Romanum ab Anno 1484, nunc primum editum ex MSto Codice Bibliotheca Essensis. 4) Augustini, Patricii Senensis, Descriptio adventus Friderici III Imperatoris ad Paulum Papam II, e Museo Italico Joannis Mabillonii. 5) Annales de Raimo, sive brevis Historia rerum in Regno Neapolitano gestarum ab Anno 1197 ad 1486, Auctoribus Ludovico Seniore & Juniore de Raimo, nunc primum produnt e MSto Codice Ignatii Mariz Comi, Nobilis Viri Neapolitani. 6) Antonii Galli, Genuensis, Opuscula historica de rebus gestis populi Genuensis, & de navigatione Columbi, nunc primum in lucem efferuntur e MSto Codice Genuensi. 7) Historia Montisferrati ab origine Marchionum illius tractus usque ad A. 1490, Auctore Benvenuto de Sancto Georgio, Comite Blandrata, in omnium commodum nunc recusa. 8) Ephemerides Senenses ab A. 1450 usque ad 1496, Italico sermone scriptae ab Allegretto de Allegreis, nunc primum luce donantur e Manuscripto Codice Viri

Cl.

Clarissimi, Huberti Benvoglianti, Patricii Senensis. 9) *Annales Bononienses* F. Hieronymi de Bursellis, Bononiensis, Ordinis Prædicatorum, ab A. 1418 usque ad 1497, nunc primum produnt ex MSto Codice Bononiensi. 10) *Andree Naugerii, Patricii Veneti, Historia Veneta*, Italico sermone scripta, ab origine urbis usque ad A. 1498, nunc primum tenebris erepta & MSto Codice Bibliothecæ Estensis. Tomum hunc illustrissimo Collegio J.Ctorum, Equitum, Judicum, atque Comitum bujusce Mediolanensis urbis dedicavimus, unde plures in Palatinam Societatem nostram literatissimi Viri derivarunt, ea potissimum ratione ad officium inclinati, quod bona apud nos litera, atque ipsa rerum magistræ Jurisprudentiæ, in ipso Collegio Clarissimorum Virorum enutrita, auctoritate ipsius intercedente, incrementum ubique nanciscantur. Si vero pretiosus alter in præsentî Collectione datus est Tomus, hic sane pretiosissimus, quod historica monumenta variarum Italia nostræ civitatum constineat, imo & rerum in Oriente ab Italis gestarum diligentissimus Commentariolus, a Leodrisio nempe Cribello, Mediolanensi zive, peregre scriptor, in iis libris, quibus de expeditione Pii Papæ II in Turcas titulum præposuit. Tam celebris Scriptoris labor prope perditus luce adhuc, quæ dignus est, caruisset, nisi in perquirendis veterum Historicorum libris mihi Codicem hunc, in pergamenâ scriptum, optima sane notæ, foris mica obtulisset, quem eo libentius nactus sum, ut & Palatina Societati meæ pergratum donum offerrem, & eruditorum communi commodo evulgandum curarem. Ab eodem Orientalium rerum argumento non discedit & Andreas Naugerius, Venetus, in patria sua Historia, quam vernacule scripsit, cum id ratio temporum & Venetorum egregia facta frequentissime poscant. Singulos referre Autores non vacat, omnes hætenus ineditor, præter unum Benvenutum de S. Georgio, quem iterum recudimus, quod ejus libri tanta sit raritas, ut MSti etiam Codicis loco habeatur, ob eamque causam carissimus erit futurus; neque patiebatur Cl. Muratorii institutum, ut celebratissimus Scripter Rerum Montisferrati extra cætorum Italorum Scriptorum esset inquirendus. Operam igitur tuam iterum ad ve-

zeres Italorum res. cognoscendas revoca, & nobiscum praesentium malorum molestiam, pejorum olim temporum facta comparatione, fortiter sustine, ac vale.



INDEX AUTORUM, quorum Libri aut Inventa in hoc Volumine. recensentur.

I. Libri Theologici, & ad Historiam Ecclesiasticam spectantes.

- A**nonymi Scripta Θεωλογικα ante aetatem Messia Jesu, versione liberiori Germanica proposita. Pars I. 202
Historia Paparum inde a S. Petro usque ad Benedictum XIII. Tomus III. & IV. 395
Baratieri. (Jo. Phil.) Itinera Rabbi Benjamini per Europam, Asiam, Africam, &c. Latine versa. 30
De Beausobre Historia critica Manichaei & Manichaeismi. 389
Benjamin, Rabbi, Itinera per Europam, Asiam, Africam, inde ab Hispaniis usque ad Chinam, Latine versa a Jo. Phil. Baratiero. 30
Berlendi (Franc.) de Oblationibus ad altare Diss. 309
Biblia sacra Vet. & Nov. Testamenti. Germanica, jussu Principis Ernesti. Pii illustrata. 529
Blackwalli. (Ant.) Auctores sacri classici defensi & illustrati. Latine versi a M. Christoph. Wollio. 353
Bullarium Romanum, seu novissima & accuratissima Collectio Apostolicarum Constitutionum. Tomus VII—X P. I. 481
Calmet. (Augustini) Historia universalis sacra, & profana. Tomus I. 199
Cretensis (Andrea) in Natalem diem sanctissima Domina nostra. Oratio, Italice versa ab Angelo Maria Riccio. 233
Fran-

INDEX AUTORUM

- | | |
|--|-----|
| Frænkii (Aug. Hermannii) Introductio in Psalterium genera- | |
| lis & specialis; edidit Gotthilf Aug. Frænkius. | 533 |
| Gretseri (Jacobi) Opera omnia. Tomus III & IV. | 11 |
| Tomus V & VI. | 165 |
| Hackmanni (Ditbmari) Præcidanea sacra. | 427 |
| Hartzeheim (Caspari) Explicatio gentilium fabularum & su- | |
| perstitionum, quarum in Scripturis fit mentio. | 492 |
| Jablonskii (Pauli Ernesti) de Terra Gosen Dissertationes. | 330 |
| Missorii (Raymundi) in duas celeberrimas Epistolas B. Fir- | |
| miliani & Cypriani, adversus Decretum S. Stephani Pa- | |
| pæ I, de non iterando Hæreticorum Baptismo, Disputa- | |
| tiones critica. | 26 |
| Neal (Dan.) Historia Puritanorum, sive Protestantium Non- | |
| conformantium, inde a Reformatione usque ad mortem | |
| Reginæ Elisabethæ. Tomus I. | 27 |
| Tomus II. | 105 |
| Pirri (Rocchii) Sicilia Sacra, Disquisitionibus & Notitiis illu- | |
| strata; ex edit. Antonini Mongitore. Tomus I & II. | 433 |
| Saxii (Josephi Anton.) Diss. historica ad vindicandam verita- | |
| tem contra allegata ad concordiam in causa præceden- | |
| tia, in qua antiqua Ambrosiana ecclesiæ disciplina, & | |
| Metropolitani Mediolanensis dignitas, illustrantur. | 442 |
| Wolfii (Jo. Christoph.) Curæ critica & philologica in Epistolas | |
| SS. Jacobi, Petri, Judæ, Joannis, hujusque Apocalypsin. | 208 |
| Wollii (Christoph.) Hermeneutica Novi Fæderis dogmatica. | 352 |

II. Libri Juridici.

- A**nonymi de Vera domini directi in Emphyteuticis pradiis
 astimatione Exercitatio Mathematico-Juridica. 174
 Bullarium Romanum, seu novissima & accuratissima
 Collectio Apostolicarum Constitutionum. Tomus VII—
 X P. I. 481
 Codex Theodosianus, cum Commentariis Jac. Gothofredi, do-
 nuo editus a Jo. Dan. Rittero. Tomus I. 193
 Conradi (Franc. Caroli) Parerga, quibus Historia & Antiqui-
 tates Juris illustrantur. 510

INDEX AUTORUM

Dandini (Herculis Franc.) de Forensi scribendi ratione culta atque perspicua Dialogus primus.	173
Gothofredi (Jac.) Commentarii in Codicem Theodosianum, denovo editi a Jo. Dan. Rihero. Tomus I.	193
Ab Hagen (Jo. Hugonis) Decisionum Imperatoriarum Syntagma, continens quinquaginta Imperatoris Justiniani Decisiones.	167
Heineccii (Jo. Gottlieb) Elementa Juris Germanici. Tomus I.	210
Hoffmanni (Jo. Guil.) Meletematum Academicorum ad Pandectas Semestria duo.	315
Lunigii (Jo. Christiani) Codex Germania diplomaticus. Pars II.	120
Da Meiern (Jo. Gotthfr.) Acta Pacis Westphalica publica.	
Tomus IV.	66
Tomus V.	250
Tomus VI.	488
Modestini & Pomponii in Colloquiis familiaribus de statu Cameralis Judicii ad Ordin. Camer. Partis prima Titulos posteriores Meditationes acroamaticae.	404
Noodt (Gerhardi) Opera omnia, recognita, aucta, emendata. Tomi II.	247
Oppenritteri (Jo. Jac.) Decisionum Imperatoriarum Syntagma, continens quinquaginta Imperatoris Justiniani Decisiones.	167
Ottonis (Eberhardi) Thesaurus Juris Romani, continens rariora meliorum Interpretum Opuscula. Tomus V.	248
Perontini (Jani) de Consiliis ac Dicasteriis, quae in urbe Vindobona habentur, Liber singularis.	37
Rivini (Jo. Florentis) Programmata, ex vario Jure collecta.	73
Sackenbergs (Henr. Christiani) Selecta Juris & Historiarum. Tomus III.	76
Prodromus Juris Feudalis.	257
Uhlii (Jo. Gottlieb) Collectio Opusculorum, ad Historiam Juris & maxime ad Pomponii Enchiridion illustrandum pertinentia.	368
Voor-	

INDEX AUTORUM.

- Voorda (Jacobi) *Interpretationes & Emendationes Juris Ro-*
mani. 446
pro Decretalibus Pontificum Romanorum E-
pistolis Oratio. *ibid.*

III. Libri Medici & Physici.

- Albini (Bernb. Siegfr.) *Historia musculorum hominis.* 373
 Astruc (Jo.) *de Morbis venericis Libri sex.* 317
 Behrens (Rudolphi Aug.) *de Affectionibus a comestis mytilis*
Diff. Epistolica. 278
 Bennet (Thomae) *Tentamen de Podagra.* 495
 Chapman (Edmundi) *Tentamen de Arte obstetricia amen-*
danda. 407
 Clarii *Motus fluidorum naturalis & artificialis, inprimis ae-*
ris & aquae. 85
 Columnæ *Historia naturalis totius universi. Tomus I & II.*
 498
 Gray (Jo.) & Reidii *Acta Philosophica ab A. 1720 ad A. 1732 in*
epitomen redacta. Voluminis VI Partes II—IV. 321
 Hoffmanni (Frid.) *Medicina rationalis Systematica Tomi*
quarti Pars tertia. 453
Opuscula Medico-Practica. 543
 Longrishi (Browne) *Nova Expositio motus musculorum.* 213
 Linnæi (Caroli) *Bibliotheca Botanica.* 181
 De Molieres (Josephi Privat.) *Lectiones Physicae. Tomus I.* 122
 Oribasii *Anatomica, ex Libris Galeni, cum Notis Guil. Dun-*
dals. 450
 Del Papa (Josephi) *Tractatus varii, variis occasionibus scri-*
pti. 501
 Pinelli (Michele) *Novum Systema de origine seu principio Pod-*
græ. 492
 Pohlii (J. C.) *de Tumore capitis fungoso, cum cranii carie,*
& cerebri colliquatione, Observatio. 220
 De Reaumur *Commentarii, ad historiam Insectorum illustran-*
dæ compositi. Tomus I. 260

INDEX AUTORUM.

Reidii & Jo. Gray <i>Aſta Philoſophica</i> ab A. 1720 ad A. 1732 in epitomen redacta. Voluminis VI Partes II - IV.	321
Stockii (Jo. Chriſtiani) <i>Exercitationes phyſicae.</i>	86
Waltheri (Auguſtini Frid.) <i>Paras intercoſtalis & vagi corporis humani nervorum, ab utroque ejus latere obviatorum, Ana- tomies Pars ſecunda.</i>	410
Werthoſſii (Pauli Gottlieb) <i>de Variolis & Antracibus Dis- quiſitio.</i>	271
Zannichelli (Jo. Hieron.) <i>Hiſtoria plantarum, in liſtoribus Venetis naſcentium, auſta a Jo. Jac. Zannichelli.</i>	80

IV. Libri Mathematici.

Adelbulneri <i>Commercium literarium, ad Aſtronomia incre- mentum inſtitutum.</i>	187
Alexandri (Dominici Jac.) <i>de Horologiis Tractatus generalis.</i>	224
Amati (Pauli) <i>Nova praxiſ Opticeſ. Pars I.</i>	377
Anonymi <i>de Vera Dominiſ directi in Emphyteutiſ pradiſ aſtimatione Exercitatio Mathematico - Juridica.</i>	174
<i>Obſervationes in Theonſ Faſtor Graecor prioreſ, & in ejusdem Fragmentum in expeditoſ Canonet.</i>	185
Beyeri (Jo. Matthia) <i>Theatrum machinarum molarium.</i>	83
A Brixia (Fortunati) <i>Geometria Elementa, ad Philoſophiam comparandam accommedata.</i>	470
Conca (Sebaſtiani) <i>Excelsa pretia pulchrarum artium, & mutua earum conjunctio cum ſcientiſ mathematiciſ, demonſtrata ab Academia del Diſegno.</i>	378
Grammatici (Nicaſii) <i>de Aera ſeu Epocha conditi, & per na- taleſ ac mortem filiſ Dei reparati, terrarum orbis Diſſ.</i>	229
Gray (Jo.) & Reidii <i>Aſta philoſophica</i> ab A. 1720 ad A. 1732, in epitomen redacta. Voluminis VI Partes II - IV.	321
Horrebowii (Petri) <i>Baſiſ Aſtronomia, in qua deſcribuntur Obſervatoria atque inſtrumenta Aſtronomica Rameria- na Danica.</i>	127

Hum-

INDEX AUTORUM

- Humberti. *Epistola duae, de rebus nonnullis ad artem munien-
di & Geometriam practicam spectantibus.* 84
De Martino (Nic.) *Elementa Sectionum conicarum. Tomi II.* 44
Del Pava (Josephi) *Tractatus. varii, variis occasionibus scri-
pti.* 501
Reidii & Jo. Gray *Acta Philosophica ab A. 1720 ad A. 1732,
in epitomen redacta. Voluminis VI Pars II—IV.* 321
A. Ripa (Ludov.) *Dissertatio meteorologica, cum solutione &
constructione duorum Problematum Geometricorum.* 419
Saccherii (Hieronymi) *Euclides ab omni naevo vindicatus.* 277

V. Libri Historici, Geographici, &c.

- Anonymi *Elogium Antonii Schultingii, JCi Lugdunensis.* 46
Gottlob. Friderici Jenichii, *Philosophi Li-
psiensis.* 91
Jo. Salomonis. Brunquelli, *JCi Gottingen-
sis.* 140
Christiani Gorbosfredi Hoffmanni, *JCtorum
Francofurtensium principis.* 235
Christiani Sigismundi Liebigii. 524
*Observationes in Theonis Fastos Græcor priores, & in
ejusdem Fragmentum in expeditos Canones.* 185
*Brevis Historia summorum in aula M. Britanniae
Ministrorum.* 288
Historia literaria Galliae. Tomus I. 342
Antonini *Itinerarium, sive vetera Romanorum Itineraria;
ex edit. Petri Wesselingij.* 49. 156
De Arvieux, Equitis, *Commentarii historici, editi a Jo. Bapt.
Labato.* 351
Baratieri (Jo. Phil.) *Itinera Rabbi Benjaminini per Europam,
Asiam, Africam, &c. Latine versa.* 30
Barbeyracii (Jo.) *Vita Gerardi Noodtii.* 247
Bayeri (Theophili Sigefridi) *Historia Osyboena & Edessena,
ex numis illustrata.* 55
Belii (Matthia) *Apparatus ad Historiam Hungariae, sive Col-
lectio miscella Monumentorum. Decadis I Monumentum
I & II.* 160
Belii

INDEX AUTORUM

Belii (Matthiae) <i>Notitia Hungariae nova Geographico - Historica. Partis secunda, Cis - Danubiana, Tomus secundus.</i>	289
Benjaminii, Rabbi, <i>Itinera per Europam, Asiam, Africam, &c. Latine versa a Jo. Phil. Barathiero.</i>	30
Du Bos de Origine Monarchiae Francicae in Galliis Commentarius. Tomi III.	437
Bullarium Romanum, seu novissima & accuratissima Collectio Apostolicarum Constitutionum. Tomus VII — X P. I.	481
Calmet (Augustini) <i>Historia universalis sacra & profana, Tomus I.</i>	199
Cannegieteri (Henr.) de Brittenburgo, matribus Brittis, Britannica herba, Brittia, Britannorumque antiquissimis per Galliam & Germaniam sedibus, Diss.	114
Conradi (Franc. Caroli) <i>Parerga, quibus Historia & Antiquitates Juris illustrantur.</i>	510
Donii (Jo. Baptista) <i>Inscriptiones antiquae, edita ab Ant. Franc. Gorio.</i>	1
Fabricii (Jo. Alb.) <i>Bibliotheca Latina mediae & infimae aetatis. Liber IV — VIII.</i>	473
Granunatici (Nicasii) <i>de Aera seu Epocha conditi, & per natales ac mortem filii Dei reparati, terrarum orbis Diss.</i>	229
Du Halde (Jo. Bapt.) <i>Imperii & Tartariae Chinesis Descriptio Geographica, Historica, Chronologica, Politica, & Physica. Tomi IV.</i>	145
Hausfriz (Georg. Laurent.) <i>Memoria Gregorii Halandri, JCI, & instauratoris Jurisprudencia, renovata.</i>	506
Herttensteinii (Ludov. Bartholomaei) <i>Prodromus Ulmae numariae.</i>	515
Hieroclis, Grammatici, <i>Synecdemus; ex edit. Petri Wesselingii.</i>	49. 156
Horsley (Jo.) <i>Romana Antiquitates Britanniae.</i>	97
Jablonskii (Pauli Ernesti) <i>de Terra Gosen Dissertationes.</i>	330
Lediard (Thome) <i>Historia navalis Angliae. Tomi II.</i>	385
Lunigii (Jo. Christiani) <i>Codex Germaniae diplomaticus. Pars II.</i>	120
Maffei (Scipionis) <i>Galliae Antiquitates quadam selectae.</i>	298

De

INDEX AUTORUM.

De Meiern (Jo. Gotthfr.) <i>Acta Pacis Westphalica publica.</i>	
Tomus IV.	66
Tomus V.	250
Tomus VI.	488
Menckenii (Frid. Ottonis) <i>Historia vitæ & in bonas literas meritorum Angeli Politiani, ortu Ambrogini.</i>	281
<i>Bibliotheca virorum militia aque ac scriptis illustrium.</i>	505
(Jo. Burch.) <i>Dissertationem Academicarum Decas, edita a Frid. Ottone Menckenio.</i>	502
<i>Bibliotheca virorum militia aque ac scriptis illustrium.</i>	505
Niceronii (P.) <i>Commentarii, historia celeberrimorum in Re- publica literaria virorum inservientes. Tomus XXIV & XXV.</i>	131
De Parthenay <i>Historia Polonia, regnante Augusto II.</i>	540
Picri (Rocchi) <i>Sicilia sacra, Disquisitionibus & Notitiis illu- strata; ex edit. Antonini Mongitore. Tomus I & II.</i>	433
Saxii (Joseph. Anton.) <i>Diff. historica ad vindicandam verita- tem contra allegata ad concordiam in causa preceden- tia, in qua antiqua Ambrosiana ecclesia disciplina, & Metropolitani Mediolanensis dignitas, illustrantur.</i>	442
Schrammii (Caroli Christiani) <i>Theatrum historicum, in quo universi terrarum orbis pontes memoratu dignissimi de- scribuntur.</i>	14
Schreberi (Dan. Gotthfr.) <i>Memoria vitæ ac meritorum Viti Ludovici a Seckendorf.</i>	34
Senckenberg (Henr. Christiani) <i>Selecta Juris & Historiarum. Tomus III.</i>	76
Sgrillii (Bernb. Sanson) <i>Descriptio & accurata Delineationes insignis fabrica templi Metropolitani Florentini S. Ma- ria de Flore.</i>	376
Xenophontis de Cyri expeditione <i>Libri septem; ex edit. Tho- mæ Hutchinson.</i>	337
<i>de Agefilao Rege Oratio; ex edit. Thomæ Hut- chinson.</i>	340

INDEX AUTORUM.

VI. Libri Miscellanei.

Anonymi <i>Miscellanea Observationes in Autores veteres & recentiores. Volumen II—V.</i>	39
Collectio Experimentorum Eloquentiae, oblatorum Academiae bonarum litterarum Massiliensi, pro obtinendo Anni 1734 praemio.	327
Antonini Itinerarium, sive vetera Romanorum Itineraria; ex edit. Petri Wesselingii.	49. 156
Calabri (Quinti) Pratermissorum ab Homero Libri XIV; ex edit. Jo. Cornelii de Pauw.	112
Concae (Sebastiani) Excelsa pretia pulchrarum artium, & mutua earum conjunctio cum scientiis mathematicis, demonstrata ab Academia del Disegno.	378
Dandini (Herculis Franc.) de Forensi scribendi ratione culae atque perspicuae Dialogus primus.	173
Donii (Jo. Bapt.) Inscriptiones antiquae, edita ab Ant. Franc. Gorio.	1
Duellii (Raymundi) de Variis, iisque potissimum selectis, ad elegantiores literas pertinentibus, rebus Lucubratio Epistolaris.	138
Engelhardi (Nic.) Institutiones Philosophiae. Pars II.	547
Fabricii (Jo. Alb.) Bibliotheca Latina media & infima aetatis. Liber IV—VIII.	472
Feuerlini (Jac. Wilb.) Taurellus defensur.	332
Gray (Jo.) & Reidii Acta philosophica ab A. 1720 ad A. 1732, in epitomen redacta. Voluminis VI Pars II—IV.	321
Heineccii (Jo. Gottlieb) Fundamenta sili cultioris.	550
Hieroclii, Grammatici, Synecdemus; ex edit. Petri Wesselingii.	49. 156
Leibnitii (Godofr. Guil.) Collectio variorum, ad Philosophiam, Mathematicam, Historiam, & alia studia, spectantium, Opusculorum, edita a M. Christiano Kortholto.	286
Menckenii (Jo. Burchardi) Dissertationum Academicarum Decas, edita a Frid. Ottone Menckenio.	502
Plinii (C. Caelii Sec.) Panegyricus, ex edit. Jo. Matthiae Gesneri.	88
	Reidii

INDEX AUTORUM

- Reidii & Jo Gray *Acta philosophica ab A. 1720 ad A. 1732, in epitomen redacta. Voluminis VI Pars II – IV.* 328
- Santinelli (Stanislai) *Dissertationes, Orationes, Epistola, & Carmina.* 401
- Schrammii (Caroli Christiani) *Theatrum historicum, in quo universi terrarum orbis pontes memoratu dignissimi describuntur.* 14
- Villegatis (Ferdin. Ruizii) *quae exstant, Opera, Emanuelis Martini studio emendata, edita a Bern Andr. Lama.* 305
- Wolfii (Christiani) *Psychologia rationalis.* 460
-

INDEX RERUM NOTABILIORUM.

- | | |
|--|--|
| <p style="text-align: center;">A.</p> <p>Abgari Pbica, Regis Edesseni, ex numis notitia. 60</p> <p style="padding-left: 40px;">Ucbama, R. Edess. historia. 61</p> <p>Abgarorum numi explicati. 65</p> <p>Abortus a praternaturali placentae avulsione. 459</p> <p>Academix Vindobonensis decre-
menta unde? 39</p> <p style="padding-left: 40px;">Tyrnaviensis historia
descripta. 298</p> <p style="padding-left: 40px;">Mossiliensis laudes. 329</p> <p>Adami Relatio de pace Westphalica denuo prelo parata. 492</p> <p>Adhaesionis leges. 87</p> <p>Advocati Vindobonenses notati. 39</p> <p style="padding-left: 40px;">quales esse debeant in
Hungaria? 298</p> | <p>Advocato integerrimo Inscriptio posita. 139</p> <p>Era mundi conditi & Christi nati. 229</p> <p>Erz Nabonassari, Philippi, Augusti, Diocletiani, explicata. 186</p> <p>Aether omnis soliditatis, gravitatis, & resistentiae, ex-
pers. 123</p> <p style="padding-left: 40px;">ex vorticibus minutis
constat. ib.</p> <p style="padding-left: 40px;">gravitatis causa. 124</p> <p style="padding-left: 40px;">non gravis quomodo cor-
pora gravia reddat? 126</p> <p>Aethiods an autor Itinerarii Antoniniani? 50</p> <p>Aetius an egerit de variolis? 273</p> <p>De Agesilao Rege Oratio Xenophontis edita. 341</p> <p style="text-align: center;">Cccc 2</p> |
|--|--|

Alcali

I N D E X

A'ali volatile dolorum in podagra causa. 494	Animalium quos sint genera? 539
Aldobrandini (Petri) Interpretatio L. I. C. de Edendo denuo edita. 242	Anni apud Edeffenos computandi ratio. 57
Aleandri (Hieron. sen.) vita. 132	Anthrax & carbunculorum murbus a variolis distinctus. 274
(Hieron. jun.) vita. <i>ibid.</i>	Antonini Itinerarium denuo editum. 49
Aleppi urbis descriptio. 353	<i>illustratum.</i> 144
Algeria ad res physicas applicata. 420	<i>murus in Britannia illustratus.</i> 102
Algeziræ regnum descriptum. 353	Antoniniani Itinerarii autor quis? 50 seq.
Ad Altare offerendi mos antiquus. 310	De Apocryphis Scriptura S. libris iudicium. 395
Ambrosianæ ecclesiæ disciplina illustrata. 442 seq.	Apollinis argentei ager qualis? 8
Amphitheatrum Nemaufense descriptum. 303	Apropii (Angelici) vita. 132
<i>cum Veronensis comparatum.</i> 303	Aquarum mineralium cum lacte saluberrimum connubium. 545
Forejulienſe descriptum. 303 seq.	Arabiz deserta incolæ an ab omni humanitate remoti? 352
Amphora vinaria Romana in tabula representata. 8 seq.	Areadis (Marii) Interpretatio L. I. C. de Edendo denuo edita. 242
Anabolium quale sit instrumentum? 5	Aretini (Leonardi) vita. 155
Angliæ procerum exitus plerumque fatalis. 288	(Caroli) vita <i>ibid.</i>
<i>navalis historia descripta.</i> 386 seq.	(Jo.) vita. <i>ibid.</i>
Anglica ecclesiæ quibus turbis agitata fuerit? 20 seq.	(Guidonis) ars musica celebrata. 477
Aniæ essentia & natura demonstrata. 460 seq.	Aristoteles de meteoris præclarè egit. 424
appetitio qua? 464 seq.	Arithmetice binaria mysterium expositum. 288
spiritualitas explicata. 469 seq.	De Arnoldi (Gosbfr.) Historia ecclesiastica iudicium. 394

Arte-

RERUM NOTABILIORUM.

- Arteriarum bronchiales tres observa-
tae. [419](#)
- Arteriarum hepaticarum ortus
& distributio. [ibid.](#)
- De Arvieux, Equitis, Itinera de-
scripta. [351](#) seq.
vita. [353](#)
- Sub Aescia dedicare, formula, quid
significet? [301. 514](#)
- As, ectu an nocere animalia &
homines possint? [500](#)
- Asthmatis varia genera, eorum-
que causa. [457](#)
- Astronomia mechanica Rame-
ri. [127](#)
- Astronomicæ observationes Ræ-
merianæ. [ibid.](#)
- Astronomicorum instrumento-
rum accurata divisio. [129](#)
- Atheorum quot sint genera?
[335](#)
- D'Attichi (Lud. Doni) vita. [133](#)
- Attractiones gravitatis an ab at-
tractionibus magneticis di-
versa? [426](#)
- Attractionis vires an admissen-
da? [425](#)
- Audeberti (Germani) vita. [132](#)
- Audoacrii in Gallias irruptio de-
scripta. [441](#)
- Augures in sacris Dei Mitrae
adhibiti. [9](#)
- Augusti II, R. Pol. historia de-
scripta. [540](#) seq.
- Augustinus ingenio fuit mobili.
[287](#)
- Austria quando primum Ducatus
dignitate ornata? [121](#) seq.
- Automata planetaria quæ? [227](#)
- B.
- De Baptismo heretici iterando
sententia Cypriani & Firmi-
liani. [26](#) seq.
- Baratierus (Jo. Phil.) ingeniis
precocibus annumerandus. [31](#)
ejus Lexi-
con Ebraicum ac Græcum pro-
missum. [32](#)
Collectio Ca-
nonum promissa. [32](#)
- In Barbadii (Petri) memoriam
Orat. edita. [402](#)
- Barbeyracius (Jo.) vitæ Noodtia-
næ scriptor. [24](#))
[notatus. 249](#) seq.
- Bardorum historia descripta. [120.](#)
[345](#)
- Basingstochii (Rich. Viti) vita. [132](#)
- Batavia plena Britannicorum mo-
numentorum. [118](#)
- Bayerus (Theoph. Sigefr.) lauda-
tus. [55](#)
- De Beaufobre laudatus. [389](#)
- Belius (Matthias) laudatus. [160.](#)
[289](#)
physicam Hun-
gariæ Notitiam parat. [290](#)
Nobilitatis Hun-
garicæ Theatrum molitur. [ibid.](#)
- Bellona Pulvinensis unde dicta?
[8](#)
- Belonii (Petri) vita. [132](#)
- Cccc [3](#) [De](#)

I N D E X

De Beneficiis liber emendatus. 259
 Beroaldi (Phil.) vita. 135
 (Pbil.) gentilis prioris, 135
 vita. ibid.
 Fiblia Ernestina commendata. 529
 leg. 529
 Bilis usus in corpore animali. 324
 Blackwallus (Anton.) laudatus. 355
 leg. 355
 ejus Critica sacra Nov. Test. Latine 353
 versa. 353
 vita 354
 & scripta. 354
 Bogomilorum historia promissa. 391
 Boilæi (Nic.) vita. 132
 (Egid.) vita. ibid.
 In Bolagni (Josephi) memoriam 402
 Orat. edita. 402
 Bona Germanorum quotuplicis 260
 sint generis? 260
 Bonifacius VIII an inter Prote- 400
 stantes sit referendus? 400
 Boreale lumen unde? 87
 Botanice scientia diversa perio- 182
 di. 182
 Boteri (Jo.) vita. 133
 Boverii (Zacchar.) vita. 135
 Britanni Gallia Germanique o- 116
 lim incolæ. 116
 In Britannia antiquitates Roma- 98
 na vestigatæ. 98
 Britannica herba quæ? 120
 Britæ matres quæ sint? 116
 Brittenburgum a quo conditum? 119

ejus antiquitas 115
 vestigata. 115
 locus, quo 115
 stetis olim. ibid.
 sata. 119
 Brownii (Rob.) hominis turbu- 24
 lenti, vita. 24
 Brunquellii (Jo. Salom.) vita & 140
 scripta. 140
 Bullæ Pontificum collecta. 481
 Burzæi (Amabilis) vita. 133
 Buschii (Herm.) vita. 134
 Van Bynckershoek (Cornel.) 370
 Prætermissa ad L. 2 de Orig.
 Jur. denuo edita. 370

C.
 Cajetani (Constantini) vita. 134
 Caji libri rerum quotidianarum 515
 recensiti. 515
 Calabri (Quinti) loca quæda n 113
 emendata. 113
 Cameralis Judicii status descer- 404
 ptus. 404
 Campistroni (Jo. Alb.) vita. 134
 Cancer marinus hermaphrodi- 323
 tus. 323
 Canis ad loquendum assuesciti 287
 exemplum. 287
 Cannegieterus (Henr.) laudatus. 115
 115
 antiqua 115
 Romanorum monumenta, in 115
 Batavia conspicua, colligi. 115
 Canon Regum Astronomicus. 185
 Canonici Juris collectores recen- 476
 siti. 476

• Capel

RERUM NOTABILIORUM.

Capellæ (Martiani) locus explicatus. 332

Capſula Gliffonii fibris muſcularibus deſtituta. 415

Carbunculus morbus a variolis diſtinctus. 274

Carmina Chinenſium quæ? 151

Caroli V, Imp. navi politici notati. 504

Sub Carolo I, R. Angl. quæ fuerint Puritanorum fata? 109

Caſſelvinius (Jo. Baſil.) Comes, laudatus. 305 ſeq.

in Julium Caſarem Commentarios parat. 309

De Catel (Guil.) vita. 133

Cavicæi (Jac.) vita. ibid.

Cauſarum occasionalium ſyſtema explicatum. 468

Ceriolaria quæ ſint? 10

Chevalierius (Nic.) reſutatus. 116

Chiffletii (Jo. Jac.) vita. 135

(Julii) vita. ibid.

(Jo.) vita. ibid.

(Henr. Thoma) vita. ibid.

(Philippi) vita. ibid.

(Petri Franc.) vita. ibid.

(Claudii) vita & ſcripta. ibid.

Tractatus quatuor denuo editi. 244

Chinenſes quantum valeant ſcientiarum cognitione? 153

Chinenſis imperii prima fundamenta. 148

res literaria

deſcripta. 150 ſeq.

Chinenſium hiſtoria deſcripta. 145 ſeq.

Imperatorum ſeries. 148

Carmina quæ? 151

religio & ſectæ. 152

philophia moralis. 152 ſeq.

Comædia & tra-

gædia. 154

medicina. 154 ſeq.

Chriſtinz, R. Suec. Epiſtola nonnullæ editæ. 251 ſeq.

Chriſtus quo anno natus & mortuus? 235

ejus monogramma explicatum. 503

Chronologia Newtoniana deſenſa. 324

Ciceronis locus quidam explicatus. 300

Ciſtophorus novus in arte expreſſus. 7

quid ſit? ibid.

Clepsydrarum inventio & novum genus. 225

Codicis Theodoſiani nova editio parata. 193 ſeq.

Cæco, recte curato, quomodo res apparuerint? 324

Cognati (Gilberti) vita. 132

Columna (Fr. Maria Pompejus) incen-

I N D E X

- incendio domus sua perit.* 498
Historia naturalis Pliniana continuator. ibid.
humano generi & sexui elegantiori iniquior. ibid.
*Cometæ lunam plenam sibi dire-
 cte oppositam obscurant.* 88
*post certum tempus re-
 deunt.* ibid.
*Cometæ partim maligni, par-
 tim benefici.* 499
*de iis singuli spectato-
 res non nisi partem exiguam
 vident.* ibid.
Comædiæ Chinesium quæ? 154
Conciannitas filii quid sit? 554
Conicarum sectionum elementa. 44
*Conradi (Franc. Carol.) lauda-
 tus.* 507. 510
*Conradi II Imp. vera origo de-
 monstrata.* 78
*Consecratio Augustorum ex nu-
 mis illustrata.* 503
Contagii veneris natura, 319
*Conversi cum Monialibus una in
 Monasterio vixerunt.* 139
*Cordis contractionis mechanif-
 mus expositus.* 220
*palpitatio a quibus cau-
 sis pendat?* 457
Cornua duo ingentia reperta. 323
Corporis definitio. 87. 287
Corrozeti (Ægidii) vita. 132
*Cossani (Ant. Guiberti) Questio-
 nes Juris memorabiles denuo
 editæ.* 324
Crellius (Sam.) refutatur. 208
Cretenfis (Andr.) Oratio edita. 233
quis fuerit? 234
*Criminalium causarum dijudica-
 tio caute instituenda.* 76
De Cruce varia. 11 seq.
Cruciatæ expeditiones descriptæ. 12
*Crucigera numismata Imperato-
 rum recensita.* 11
Crucimani (Franc.) vita. 133
*Cujacii (Jac.) ad Pomponii En-
 chiridion Commentarius de-
 nuo editus.* 369 seq.
*Curtii (Jac.) Conjecturalia Ju-
 ris Civilis denuo edita.* 242
*Cyprianus an iterationem Ba-
 ptismi hæreticorum defende-
 rit?* 26 seq. 29
*ejus de Romani Pon-
 tificis primatu sententia ex-
 plicata.* 26
*(Ern. Salom.) quid in
 Bibliis Ernestini præstiterit?* 530

D.

*Danicarum rerum scriptores
 recensiti.* 473
*Dargentei (Fr. Davy) Commenta-
 rius in l. 38 de Condi. indeb.
 denuo editus.* 243
Dati (Caroli) vita. 133
*Decisiones L. Justiniani Commen-
 tario illustratæ.* 169
 Deco-

RERUM NOTABILIORUM.

Decorum <i>quid sit?</i>	503	Eccardi (Jo. Ge.) cum Nunningio controversia.	253
Pro Decretalibus Pontificum Epi- stolis Oratio edita.	449	Edessena historia ex numis illu- strata.	55 seq.
Decuriati fuerunt Augustorum E- quites.	9	Edessenorum Regum series.	53
Dialogus quomodo scribendus?	557 seq.		seq.
Dicaſteria Vindobonenſis urbis descripta.	37 seq.	Elaſticitas unde pendeat?	28
Dii adhaerentes qui ſint?	9	De Electoribus Imperii qui ſcri- pſerint?	477
Diplomata Germania edita.	121	Elementum primum quale?	124
quadam feudalia e- dita.	259	Elisabethæ, R. Angl. de ſedandis eccleſiaſticis tumultibus ſalu- taria conſilia.	20
Disciplina voluntaria Pontificio- rum deſenſa.	13		sub ea quis fuerit rei nautica in Anglia ſtatus?
Doliarius quis olim fuerit?	8		386 seq.
S. Dominici vita.	473	Elocutionis Rhetorica requiſita.	553
Domini in Emphyteuticis præ- dii vera æſtimatio.	174	Embryonis ſitus difficulter emen- dandi.	409
Donii (Jo. Bapt.) in rem anti- quariam merita.	1	Emphyteuticis in prædiis vera dominii directi æſtimatio.	174
		Epileptiæ cauſa ſpaſtica menin- gis ſtriſtura.	454
		De Episcoporum jure divino controversia in Anglia agita- ta.	110 seq.
		Episcopus an differat a presbyte- ro?	111
		Epistolæ quomodo ſcribende?	556
		Equitatus in podagra laudatus.	497
		Erneſtus, Dux Gothanus, de Scri- ptura S. præclare meritis.	530 seq.
			Ernstii

Dddd

I N D E X

Ernstii (Henr.) <i>Varia Observationes</i> denuo edita. 245	Fibra muscularis <i>cujus sit figura?</i> 218
Etiquette <i>vox unde deducenda?</i> 287	Fibræ corporis nostri <i>in perpetua sunt tensione.</i> ibid.
In Etymologia, <i>quomodo versandum?</i> 553	Fibrarum contractio <i>quibus modis augeatur?</i> 219
Euclides <i>defensus.</i> 278	Firmiliani <i>Epistola quedam suppositionis accusata.</i> 27
<i>an recte definiverit parallelas, aque proportionalia,</i>	Flacii (Mottbie) <i>vita.</i> 131
<i>et compositionem rationum?</i> ibid.	Sub Flaminii (M. Ant.) <i>nomine an lateat Marcellus Palingenius?</i> 474
De Eusebiis (Ernesti) <i>libellus quidam recensitus.</i> 70	De Flodoardi <i>Codice MS to Observatio edita.</i> ibid.
Exhalationes hominum <i>quid possint?</i> 500	Florentini <i>templi Metropolitanii accurata descriptio.</i> 376
De Exigui (Dionysii) <i>Cyclo pæfchali varia.</i> 473	Florum <i>stamina semen prolificum spargunt.</i> 81
	Flosculorum <i>et semisflosculorum in floribus compositis descriptio.</i> 82
	Fluidorum <i>motus naturalis et artificialis.</i> 85
	Fluidum <i>quid sit?</i> 548
	Foe, <i>secta Chinenfium.</i> 152
	Fœmina <i>crudita et geometra.</i> 44
	Fœminarum <i>jura olim qua fuerint?</i> 171
	<i>Romanarum disciplina et mores descripti.</i> 402
	Fœtum <i>in utero invertendi artificium.</i> 408
	Fœtus <i>in utero mortuus signa.</i> ibid.
	<i>per intestinum rectum extractio.</i> 410
	Fo hi,
Fabri <i>quidam recensiti.</i> 474	
Fabricius (Jo. Alb.) <i>laudatus.</i> 478	
Fabulæ <i>gentiles in Scriptura S. obvia.</i> 432	
Faucheti (Claudii) <i>vita.</i> 135	
Feimerorum <i>historia descripta.</i> 504	
De Feliciana <i>hæresi scriptores recensiti.</i> 474	
Ad Feudale <i>Jus addiscendum quibus subsidiis opus sit?</i> 257	
Feudalis <i>Juris fontes.</i> 258	
<i>scriptores recensiti.</i> 258 seq.	
Feuerlinus (Jac. Wilb.) <i>laudatus.</i> 333	

RERUM NOTABILIORUM.

Fo hi, primus Chinenſum Impe-
rator. [148](#) ſeq.

Forceps pro extrahendo capite
embryonis viventis. [408](#)

Forenſis ſtilus quomodo emen-
dandus? [174](#)

Franci primi an a mari Balti-
co deducendi? [287](#)

Francicæ Monarchiæ in Galliis
origo explicata. [437](#) ſeq.

Francicarum rerum ſcriptores
recenſiti. [474](#)

De Franciſcanorum ordine qui
ſcripſerint? [ibid.](#)

Franckius (Aug. Herm.) lauda-
tus. [534](#)

Franco-Gallica lingua unde or-
ta? [346](#)

Franconis cujuſdam Carmen de
ſtatu futura gloria editum.
[475](#)

Francorum res geſta enarrata.
[439](#) ſeq.

Freheri (Marqu.) Commentarius
in [L. 38](#) de Condiſt. indeb. de-
nuo editus. [243](#)

Friderici Auguſti, R. Pol. in ex-
ſtruendis ampliffimis operibus
magnificentia laudata. [14](#)

Fridericus Barbaroffa an ab Ale-
xandro III pedibus ſit concul-
catus? [398](#)

Bellicoſus an jure ob-
tinuerit Electoratum Saxo-
nia? [504](#)

II, Dux Gothanus,

de Scriptura S. præclare me-
ritus. [533](#) ſeq.

Fuldensium rerum Scriptores re-
cenſiti. [475](#)

Fulgurum ortus. [87](#)

Funera Chriſtianorum deſcripta.
[166](#)

G.
Galli unde olim acceperint
ſcribendi artem? [345](#)

Galliæ hiſtoria literaria deſcri-
pta. [342](#) ſeq.

Gallicæ antiquitates illuſtrata.
[298](#) ſeq.

Gallorum verſiones Scriptorum
veterum Gallica notata. [42](#)

Generatio quid ſit? [549](#)

Geodæſia ope pyxidis magnetica.
[85](#)

Georgii variis recensiti. [475](#)

Germanici Juris Inſtitutiones
editæ. [212](#) ſeq.

Gerſonus (Jo.) an autor Libro-
rum IV de imitatione Chriſti?
[475](#)

Gefnerus (Jo. Matthias) lauda-
tus. [88](#)

ejus in
reſtituendo Luciani loco feli-
cita. [42](#)

Gefforiacum ubi quarendum? [99](#)

Giannonius (Petrus) laudatus.
[282](#)

Gorii (Ant. Franc.) in Inſcriptio-
nes Donianas merita. [2](#)

Dddd [2](#) Gofen

I N D E X

- Gosen *terra antiquitates illustrata.* 230 seq.
- Goteschalei, *Hæretici, historia descripta.* 476
- Gothofredi (Jac.) in *Codicem Theodosianum merita.* 195
- Goussierii (Lud.) *elogium.* 330
- Græcarum *literarum in Misnia inflauratores recensiti.* 504
- Græci an a Gallis *acceperint doctrinam suam?* 344
- Græcis *literis olim usi Galli.* 345
- Grævii (Jo. Ge.) *Thesauri Romanarum Antiquitatum nova editio promissa.* 192
- Grangiani (Petri) *Paradoxa Juris Civilis denovo edita.* 244
- Gravitas *corporum quomodo ab æthere dependeat?* 124
- Gravitationis *expertia an non restant?* 125
- Gregorii *varii recensiti.* 476
I *vitam qui scripserint?* 477
- De Gregorio VII *qui scripserint?* ibid.
- Gronovii (Jac.) *Thesauri Græcarum Antiquitatum nova editio promissa.* 192
- Grosloii (Hieron.) *de Usucapionibus liber denovo editus.* 242
Commentarius in *L. 40 de reb. cred. denovo editus.* ibid.
- Guajaci *adversus luen veneream virtus.* 320
- Guarini (Bapt.) *vita.* 134
- Gudianæ *Inscriptiones cum Dominicanis collata.* 11
- Guillimanni (Franc.) *de Vera origine Conradi II Imp. Opus editum.* 78
- Gundlingius (Nic. Hieron.) *a Satyris Belgarum vindicatus.* 44
- H.
Hadriani *vallum in Britannia illustratum.* 102
- Hadrianus II *Papa quo mortis genere perierit?* 397
- Hæredes *sui qui sint?* 449
- Ab Hagen (Jo. Hugo) *laudatur.* 168
- Dr Halde (Jo. Bapt.) *laudatur.* 145
- Haloandri (Gregor.) *vita & in Jurisprudentiam merita.* 506 seq. 511
- Harmonix *præstabilitæ systema explicatum.* 468 seq.
- Hansfriz (Georg. Laurent.) *laudatur.* 507
- Hebenstreitius (Jo. Ern.) *Academix Massiliensi adscriptus.* 330
- Heineccius (Jo. Gottlieb) *laudatur.* 210 seq. 368 seq. 350
ejus *de variis Saturninis Progr. recensum.* 372
de *vita & scriptis Pomponii Diff. laudata.* ibid.
- Helve-

RERUM NOTABILIORUM.

Dddd 3

Hyp-

RERUM NOTABILIORUM.

Labbei (Pbil.) vita. 134
 Lactis virtus medica. 545
 Læti qui fuerint, & unde dicti? 440
 Lama (Bern. Andr.) in Carmi-
 na Villegatis merita. 307
 Latinarum literarum in Misnia
 instauratores recensiti. 504
 Lohardus (1 hom.) laudatus. 385
 Leibnitii (Godofr. Guil.) Episto-
 la Gallica edita. 286
 Leo X Pont. Max. in discipulis
 Politiani numerandus. 283
 Leshasserii (Jac.) de Vocabulis
 Juris Observatio recusa. 245
 Lescurii (Ans.) Commentarius in
 l. 3 de Condict. indeb. denuo
 editus. 243
 Lex quando cesset cessante ipsius
 ratione? 449
 Leges Institutionum explicata
 aut illustrata:
 Pr. de Emt. vend. 448
 §. 9 de Testam. ordin. 449
 §. 4 de Injur. 447
 Leges Pandectarum explicata
 aut illustrata:
 l. 2 §. 1 de His, qui not.
 infam. 100
 l. 1 §. fin. de Scto Mace-
 don. 170
 l. 2 cod. tit. ibid.
 l. 7 §. 16 cod. tit. ibid.
 l. 9 cod. tit. ibid.

§. 1 cod. tit. 171
 l. 14 de Reb. credit. ibid.
 l. 3 §. 1 de Recept. ar-
 bitr. 174
 l. 12 §. 16 de Instr. vel in-
 strum. leg. ibid.
 l. 17 §. 3 de Action. emt.
 vend. ibid.
 l. 3 de Rit. nupt. 315
 l. 4 §. 5 Si servit. vindic.
ibid.
 l. 2 ad Exhibend. ibid.
 l. 27 de Condit. & demonstr.
ibid.
 l. 38 ad Sctum Trebellian.
316
 l. 20 de Compensat. ibid.
 l. 4 §. 6 de Minor. 25 annis.
ibid.
 l. 25 de Constit. pecun. ibid.
 l. 29 §. 2 de Pignor. ibid.
 l. 25 §. 21 de Ædil. Edict.
317
 l. 17 §. 1 tit. cod. 447
 l. 12 §. 4 Qui pot. in pign.
ibid.
 l. 52 §. 1 pro Soc. ibid.
 l. 7 §. 1 ad Leg. Aquil. ibid.
 l. 2 de Orig. Jur. 369 seq.
 l. 17 §. 1 de Adoption. 446
 l. 15 §. 3 Ex quibus causis
 majores. ibid.
 l. 3 §. ult. Si mensor fal-
 sum mod. dix. ibid.
 l. 42 de Condict. indeb. 447
 l. 1 §. 14 de Cloac. ibid.
 l. 37.

I N D E X

<i>l. 37. de Judic.</i>	<i>ibid.</i>	<i>l. 3 & 4 de Reg. Caton.</i>	<i>ibid.</i>
<i>l. 5 §. 1 ad Leg. Jul. de Vi publica.</i>	<i>ibid.</i>	<i>l. 6 pr. Quod cujusque univ. nomine.</i>	<i>449</i>
<i>l. 16 seq. de Constit. pecun.</i>	<i>ibid.</i>	<i>l. 7 §. 2 de Bonis damnat.</i>	<i>515</i>
<i>l. 1 ad Leg. Jul. repetund.</i>	<i>ibid.</i>	<i>l. 26 de Reg. Jur.</i>	<i>316</i>
<i>l. 7 §. 1 tit. eod.</i>	<i>ibid.</i>	<i>l. 22 tit. eod.</i>	<i>448</i>
<i>l. 16 de Injur.</i>	<i>ibid.</i>	<i>l. 33 tit. eod.</i>	<i>447</i>
<i>l. 67 de Solut.</i>	<i>ibid.</i>	<i>l. 110 §. 1 tit. eod.</i>	<i>438</i>
<i>l. 95 §. 1 tit. eod.</i>	<i>ibid.</i>	<i>l. 167 tit. eod.</i>	<i>319</i>
<i>l. 41 pr. de Fidejuss.</i>	<i>ibid.</i>	<i>l. 245 tit. eod.</i>	<i>174</i>
<i>l. 86 ad Leg. Falcid.</i>	<i>448</i>	Leges Codicis explicatae aut illustratae:	
<i>Pr. tit. de panis.</i>	<i>ibid.</i>	<i>l. ult. C. ad Sc̃tum Maced.</i>	<i>169</i>
<i>l. 6 pr. Commun. praedior.</i>	<i>ibid.</i>	<i>l. penult. C. ad Sc̃tum Vellejan.</i>	<i>177</i>
<i>l. 8 tit. eod.</i>	<i>ibid.</i>	<i>l. 25 C. de Nupt.</i>	<i>172</i>
<i>l. fin. §. penult. Quod legat.</i>	<i>ibid.</i>	<i>l. ult. C. de Curat. furios.</i>	<i>447</i>
<i>l. 14 pr. de Interrog. in jure fac.</i>	<i>ibid.</i>	<i>& prodig.</i>	<i>447</i>
<i>l. 8 de Condit. instit.</i>	<i>ibid.</i>	<i>l. 1 C. de Appellat. tentat.</i>	<i>ibid.</i>
<i>l. 74 pm. de Legat. l. ibid.</i>	<i>ibid.</i>	<i>l. ult. C. de Novation.</i>	<i>448</i>
<i>l. 5 §. 3 de rei vindic.</i>	<i>ibid.</i>	<i>l. 1 C. de Restitut. milit.</i>	<i>ibid.</i>
<i>l. 8. pr. de Inoffic. testam.</i>	<i>ibid.</i>	Libanii Epistolarum editio promissa.	
<i>l. 2 Qui potior in pign.</i>	<i>ibid.</i>	Liebii (Christian. Sigism.) defensur.	
<i>l. 12 de Divers. temp. praescript.</i>	<i>ibid.</i>	<i>ejus</i>	
<i>l. 33 de Obligat. & act.</i>	<i>ibid.</i>	<i>vita & scripta.</i>	<i>524 seq.</i>
<i>l. 86 de Acquir. vel omit- bared.</i>	<i>ibid.</i>	<i>Lipsii (Justi) vita.</i>	<i>132</i>
		<i>Livii locus illustratus.</i>	<i>402</i>
		<i>Loborum hepatis varia nomina, ab antiquis imposita.</i>	<i>452</i>
		Locum-	

RERUM NOTABILIORUM.

Locumtenentiale *Judicium Hungariae* descriptum. 297
 Lucernatum *festum* apud *Chinenses* celebrari solitum. 16
 Luciani locus restitutus. 42
 De *Ludovici Barbat*i origine *Opusculum* editum. 77
Lues venera an fuerit antiquis cognita? 318
Luni Dei cognomen *Aexinos*. 157
Lunigius (*Jo. Christian.*) laudatus. 121

M Mckenzie (*Georg.*) vita. 134
 Madeleneti (*Galr.*) vita. ibid.
Massæus (*Scipio*) laudatus. 298
*Magneticæ pyxid*is usus in *Geodesia*. 85
Magnetis vires & effectus unde? 500
Maireti (*Jo.*) vita. 135
Mandevillii (*Jo.*) vita. ibid.
*Manichæis*ini *historia* descripta. 389 seq.
 qui auctores? 389
Manichæorum doctrina. 391 seq.
Mani Dei, *Regis Edessenorum*, ex numis notitia. 63
Matæ *L. R. Angl.* erga innocentissimos quosque crudelitas. 19
Martini (*Eman.*) in *Carmine Villegatis* merita. 307
Marvillii (*Anton.*) vita. 199
Mascovii (*Jo. Jac.*) *Commentarii rerum Germanicarum Anglice versi*. 386

Massiliæ historia descripta. 327 seq.
Massiliensis Academia laudes. 329
Materia subtilis cur motibus corporum non resistat? 124
Matres Britæ quæ sint? 116 seq.
Mattapanes, *Venetorum numi*, illustrati. 423
Mechanismus contractionis cordis expositus. 220
*Medicina Chinen*sum. 154 seq.
Mediolanensis Metropolitani dignitas asserta. 442 seq.
Memoires Gallorum recensita. 504
Menckenius (*Frid. Otto*) vita *Ang. Politiani scriptor*. 281
Parentis sui *Dissertationes Academicæ conjunctim* edidit. 502
Dissertationem de Militibus eruditiss auctiorem edidit. 505
 (*Car. Otto*) laudatus. 282
Menckenii (*Jo. Burch.*) *Dissertationes Academicæ conjunctim* editæ. 502 seq.
 vita. 1.
 bid.
Diff. de Militibus eruditiss auctior edita. 505.
Menoti (*Micb.*) vita. 133
Inter Mentem & corpus quale commercium? 467 seq.
Mercerii (*Jo.*) *Commentarius in Ecce* 1. 38

I N D E X

<i>l. 38 de Condict. indeb. denuo editus</i>	243	Morborum <i>causa analysi chymica cognoscenda.</i>	493
Mercurio nomen Sancti datum.	6	<i>a salium in sanguine abundantia vel defectu pendent.</i>	ibid.
<i>piscandi ars sacra.</i>	ibid.	Mori (Thoma) <i>vita.</i>	138
Metalla an veram essentiam seminalem comprehendant?	500	Morini (Petri) <i>vita.</i>	133
Meteora lucida unde?	87	Motus in mundo pleno, nisi vorticosus, perennare nequit.	124
Meteorologia quomodo tractanda?	420	<i>muscularis theoria.</i>	217
<i>ejus autores antiqui.</i>	423	<i>quotuplex?</i>	547
<i>Aristotelis laudata.</i>	424	Muffeti (Thoma) <i>vita.</i>	132
Meurii (Jo.) <i>Operum Collectio promissa.</i>	190	Mulierum <i>exhalationes noxia.</i>	500
Micrometrum Rameri.	129	Mundium <i>quid fuerit antiquis Germanis?</i>	213
Mikovinius (Sam.) <i>laudatur.</i>	291	Muntingii (Abrah.) <i>de vera antiquorum herba Britannica Diff. emendata.</i>	120
Militare apud Romanos an soli civi Romano licuerit?	299	Muscularis <i>motus theoria.</i>	217
Milites eruditi recensiti.	503	Musculi an in contractione insensur, an vero subsidant?	219
Missionariorum Chinesum nomina.	147	In Musculis voluntariis & involuntariis <i>diversa nervorum dispositio.</i>	229
Missorius (Raymundus) <i>Opus de sententia Cypriani de primatu Papa meditatus est.</i>	26	Musculorum <i>doctrina ob diversa singulis impressa nomina intricata.</i>	373
Molares <i>macina.</i>	83	Musculos administrandi <i>commo- dissima methodus.</i>	374
Molendinorum <i>jura.</i>	ibid.	Musica <i>ars veterum exposita.</i>	477
Monasteriensis <i>quidam tumultus descriptus.</i>	246	Mustela in <i>ricum bufonis ultero irruens.</i>	500
Monogramma Christi <i>explicatum.</i>	503	Mylici <i>Bibliorum sensus quae criteria?</i>	363
Monomachia Carponensium <i>descripta.</i>	297	Mytulorum <i>comestorum noxia.</i>	277
Montes an generentur, vegetent, & moriantur?	499		

Nava.

RERUM NOTABILIORUM.

N.
*Navalis historia Angliæ descri-
 pta.* 386 seq.
*Navium Anglicarum numerus,
 conditio, pretium.* 388
*Nervi an agant instar chordæ
 tremantis?* 219
*Nervorum in musculis volunta-
 riis & involuntariis dispositio
 diversa.* 220
*paris vagi & inter-
 costalis distributio.* 410 seq.
Nevizani (Jo.) vita. 132
*Newtoni (Isaaci) Chronologia
 defensa.* 324
merita. 425
*Nihilorum infinitas an consti-
 tuat magnitudinem assignabi-
 lem?* 287
*Nivellense Chronicon Genealogi-
 cum editum.* 78
*Nobilitas Romanorum veterum
 descripta.* 402
*Non-conformantium Protestan-
 tium historia descripta.* 17
Noodtius (Gerb.) laudatus. 247
*ejus Opera re-
 cusa.* ibid.
vita. 249
Nortia Dea quæ sit? 10
Numeri oratorii vera ratio. 554
Numi res Edessenæ illustrantes. 56
Dorestatenses quales? 120
Sebastes descripti. 156
quidam rariores prolati. 157

*Numi antiqui Venetorum illu-
 strati.* 403 seq.
*Augustorum consecratio-
 nem illustrantes.* 503
*Ulmenses recensiti & ex-
 plicati.* 515 seq.
*ad Orthographiam plus
 valent, quam Inscriptiones.* 552
*Ex Numis nomina peregrina o-
 ptime cognosci possunt.* 300
*Numismata crucigera Imperato-
 rum recensita.* 11
*in honorem Christi-
 nae, Reg. Succ. cusa.* 252
*Numus quidam Annia Faustinae
 spurius.* 140
*Augusti prola-
 tus* ibid.
Μυλλασσέων
descriptus. 157 seq.
Musa, Regina. 300 seq.
*gentis Porciae
 illustratus.* 513
*Nuptiæ cur in hortis olim ple-
 rumque factæ?* 172 seq.
O.
*Oblationum ad altare anti-
 quitas vestigata.* 310
*Observandi methodus Ræmeria-
 na.* 128
Observatoria Ræmeri qualia? ibid.
*In Obstetricia arte ab instrumen-
 torum usu abstinendum.* 407
Olahi (Nic.) Hungaria edita. 102 seq.
*Compendiariam
 atatis*

I N D E X

- atatis sua Chronicon editum.* 162. 164
- Olympicum theatrum descriptum. 362
- Opticæ praxis quomodo perscienda? 378
- Orationes quomodo scribenda? 557
- Oribasius sua omnia & Galeno desumpt. 450
- ejus loca quadam commendata. 451
- Orthographiæ quæ verior ratio? 552
- Ad Orthographiam plus valent numi, quam Inscriptiones. ibid.
- Osrhoena historia ex numis illustrata. 55 seq.
- Otto (Everb.) laudatus. 241
- ejus Vita Servii Sulpicii denuo edita. 246
- Vindicia P. Alfoni Vari edita. ibid.
- P. De Paciani (Lucii Dextri) Chronico varia. 473
- Pacii (Jul.) Commentarius in L. 38 de Condict. indeb. denuo editus. 243
- Pacis Westphalica Acta publicata. 66 seq. 251 seq. 489 seq.
- templum Romanorum veterum illustratum. 492
- Palingenius (Marcellus) an lateat sub M. Ant. Flaminii nomine? 474
- Panegyricus quomodo scribendus? 557
- Panis eucharisticus in modum denarii formatus. 312
- fermentatus an olim in eucharistia adhibitus? 313
- Papianns, Burgundus, ex catalogo JCaorum expunctus. 514
- Paraselenæ quomodo fiant? 88
- Parhelia quomodo fiant? ibid.
- Parkeri character & vita. 24
- De Parthenay laudatus. 543
- Patriciorum Romanorum ordo descriptus. 402
- Patrixii (Petri) vita. 132
- Patrum conscriptorum appellatio unde? 402
- Paulicianorum historia promissa. 390
- De Pauw (Jo. Cornel.) notatus. 113 seq.
- Pendulorum ad horologia applicatio cujus inventum? 225
- Pendulum, motum solis apparentem & tempus verum indicans. 226
- Periodus in stilo quotuplex? 554
- Petalæ sunt partes florum accidentales. 81
- Peutingeriana Tabula illustrata. 105
- Pfaffius, (Christoph. Matthæus) laudatus. 287
- Philosophia moralis Chinenfium. 152 seq.
- scholastica quibus navis laboret? 288
- Philo

RERUM NOTABILIORUM.

Philosophiæ ex Hermeneutica exulis causa. 362	Podagricis vini generosi usus commendatus. 496
Photianæ Bibliotheca nova editio promissa. 209	Podagricorum dolorum causa. 494
Ex Photii Amphilochois Respon- sa quadam edita. ibid.	Poleni (Jo.) de Theatro Olym- pico Epistola edita. 302
In Physica an valeant qualitates occulte? 547	Poli (Matthæi) vita. 132
Physices elementa ad Geometriæ modum accurate connectenda. 123	Politiani (Angeli) vita. 280
studium an a Socrate contemptum? 423	verum no- men gentilitium. 282
Picqueti Epistola de itinere suo in Persiam edita. 353	præceptores. 282 seq.
Pignatelli (Faustina) Princeps erudita, & in Geometria sub- limiori versata. 44	discipuli. 283
Pirri (Rocchi) Sicilia sacra de- nuo edita. 433	munera pu- blica. ibid.
Piscandi ars Mercurio sacra. 6	in Jus Ro- manum merita. ibid.
Placere quid sit? 504	amici. 284
Planetæ maligni Saturnus, Mars, & Terra. 499	obrectato- res. ibid.
Plantarum maritimarum a ter- restribus differentia. 80	an plagii reus? ibid.
characteres a flore fructuque desumendi. ibid.	an veneris mascula reus? ibid.
Plinii Epistola notis illustrata. 89	an atheus? virtutes & ibid.
locus quidam illustratus. 117	vitia. ibid.
Pneumaticæ principia. 86	mortis annus & genus. ibid.
Podagra cur ætati senili potissi- mum molesta sit? 496	scripta. 284
an ferat fortiora pur- gantia? 497	seq.
Podagrici sanguinis analysis che- mica. 494	Poloniæ status sub Augusto II de- scriptus. 540 seq.
	Pomponatius (Petr.) an inj. ste accusatus sit atheismi? 138

I N D E X

Pomponatii (*Petri*) *vita.* [135](#) seq.
 Pomponii *Enchiridion* *Commen-*
tariis illustratum. [369](#) seq.
ejus vita & scripta. [372](#)
 Pontedera *Tournefortii metho-*
dum plantarum emendavit. [81](#)
 Pons *Dresdensis* *descriptus.* [14](#)
 Pontes *olim Diis sacri.* [15](#)
 Pontificum *Romanorum vita de-*
scripta. [395](#) seq.
 Pontium *historia descripta.* [14](#) seq.
 Porciæ *gentis numus illustratus.* [513](#)
 Portæi (*Phil.*) *vita.* [135](#)
 Postarum *Germanicarum histo-*
ria. [254](#)
In Practicos Juris elegans Sati-
ra. [406](#)
 Præcocioris *ingenii exemplum.* [31](#)
 Prætor *peregrinus descriptus.* [512](#)
 Prateji (*Pardulphi*) *Opuscula*
tria denuo edita. [243](#)
De Precibus in ecclesia recitan-
dis controversia in Anglia a-
gitata. [110](#) seq.
 Presbyter *an differat ab Episco-*
po? [111](#)
 Princeps *erudita, & in sublimio-*
ri Geometria versata. [44](#)
 Processionum *sacrarum historia*
descripta. [165](#) seq.
 Procopii *locus quidam illustra-*
tus. [118](#)
 Provocatio *ad populum Romano-*
rum veterum illustrata. [513](#)
 Psalmi *Davidici explicati.* [535](#) seq.

Psalterii *interpretes examinati.* [538](#)
 Ptolemæus *an autor Canonis Re-*
gum Astronomici? [186](#)
expeditorum
Canonum? [ibid.](#)
ara Nabonassar. [ibid.](#)
 Ptolemaica *Britannia Geogra-*
phia illustrata. [104](#)
 Puritanorum *historia descripta.* [17.](#) [105](#) seq.
dogmata. [21](#) seq.
in Anglia varia
molimina. [25](#)
errores quidam
recensiti. [ibi.](#)
virtutes laudate. [24](#)
varia genera. [108](#)

Quæstiones (*Jac.*) *vita.* [133](#)
R
 Racani (*Honorati*) *vita.* [132](#)
 Rambachius (*Jo. Jac.*) *notatus.* [363](#)
 Ranchini (*Guil.*) *Varia Lectio-*
nes denuo editæ. [244](#)
 Rapini (*Nic.*) *vita.* [135](#)
 Rationis *usus qualis?* [474](#)
 Resistencia *an sine gravitate*
nulla? [125](#)
 De Retes (*Josephi Fernandez*)
Commentarius ad Tit. de In-
terdictis recusus. [245](#)
 De Reva *Baronum genealogica*
tabula. [297](#)
 Reuchlini (*Jo.*) *vita.* [134](#)
 Reuteri

RERUM NOTABILIORUM.

Reuteri (<i>Quirini</i>) <i>vita</i> .	132	Sanguinis <i>influxus an ad motum</i>	
Rhoe (<i>Thoma</i>) <i>vita</i> .	134	<i>muscularem immediate fa-</i>	
Rigordi (<i>Jo. Petri</i>) <i>elogium</i> .	329	<i>ciat?</i>	217
Rimpleri <i>vita, opera, adversa-</i>		<i>podagrici, analysis che-</i>	
<i>rii, defensores.</i>	84	<i>mica.</i>	494
<i>ejus muniendi metho-</i>		Santinelli (<i>Stanislai</i>) <i>de Romano-</i>	
<i>dus vera exposita.</i>	<i>ibid.</i>	<i>rum veterum nobilitate liber</i>	
Ritteri (<i>Jo. Dan.</i>) <i>in Codicem</i>		<i>recusus.</i>	402
<i>Theodosianum merita.</i>	197	De Saturninis <i>variis, Jctis,</i>	
Rivinus (<i>Jo. Florens</i>) <i>laudatus.</i>	73	<i>Progr.</i>	372
Rœmeri <i>instrumenta Astronoma-</i>		Schlendrianus <i>in praxi forensi</i>	
<i>ca & Observationes.</i>	127	<i>quid sit?</i>	406
<i>pleraque opera incendio</i>		Schreberus (<i>Dan. Gotthfr.</i>) <i>lau-</i>	
<i>Hafniensi absumta.</i>	<i>ibid.</i>	<i>datus.</i>	37
<i>vita & merita.</i>	<i>ibid.</i>	Schultingii (<i>Ant.</i>) <i>vita & in Ju-</i>	
Romanæ <i>antiquitates in Britan-</i>		<i>risprudentiam merita.</i>	46
<i>nia vestigata.</i>	98	<i>de jurispru-</i>	
Rossotti (<i>Andr.</i>) <i>vita.</i>	133	<i>dentia Ciceronis Orat. recusa.</i>	
De la Rue (<i>Tuffani</i>) <i>Juris Ob-</i>			372
<i>servationes denuo edita.</i>	246	<i>(Jo.) in literas meri-</i>	
Rugrasii <i>unde oriundi?</i>	77	<i>ta.</i>	46
Ruperti (<i>Christoph. Adami</i>), <i>A-</i>		Schwartzii (<i>Christiani Gottlieb</i>)	
<i>nimadversiones in Enchiridion</i>		<i>in Plinii Epistolæ Nota edita.</i>	
<i>Pomponii denuo edita.</i>	370		89
Ruspelenfis (<i>Fulgentii</i>) <i>scripta</i>		Scripturæ <i>S. nova versio tentata.</i>	
<i>recensita.</i>	475		202 <i>seq.</i>
Ruxelii (<i>Jo.</i>) <i>vita.</i>	133	<i>ejus spe-</i>	
		<i>cimen.</i>	207
		<i>loca explicata aut</i>	
		<i>illustrata:</i>	
S. <i>Sallustii locus quidam explica-</i>		Gen. <i>I.</i>	200
<i>tus.</i>	300	<i>2.</i>	428
Salvinus (<i>Ant. Maria</i>) <i>interpre-</i>		<i>26, 27.</i>	207
<i>tabula ejusdam antiqua.</i>	6	<i>II, 18.</i>	33
Sambuci (<i>Jo.</i>) <i>vita.</i>	298	<i>20.</i>	<i>ibid.</i>
Sancti <i>nomen Mercurio datum.</i>	6	<i>VIII, 17.</i>	428
Sanctissimos <i>salutandi Augustos</i>		<i>XIV, 18.</i>	536
<i>quando mos introductus?</i>	179	<i>XXV,</i>	

I N D E X

<i>Gen.</i> XXV, <u>29.</u>	<u>428</u>	XVIII.	<i>ibid.</i>
XXVII, <u>3.</u>	<i>ibid.</i>	XXII.	<i>ibid.</i>
XXVIII, <u>18.</u>	<u>95</u>	XXIV.	<i>ibid.</i>
XXXI, <u>34.</u>	<u>431</u>	XXXV.	<i>ibid.</i>
XXXVIII, <u>36.</u>	<u>429</u>	XXXIX, <u>7.</u>	<u>430</u>
XLVI, <u>41.</u>	<u>352</u>	XLV, <u>3.</u>	<u>431</u>
XLIX.	<u>34. 234</u>	LXI, <u>8.</u>	<u>429</u>
	<u>429</u>	LXVIII.	<u>536</u>
22.	<i>ibid.</i>	LXXII.	<i>ibid.</i>
<i>Exod.</i> IV, 2.	<i>ibid.</i>	LXXIV.	<u>537</u>
VI, <u>3.</u>	<i>ibid.</i>	LXXX.	<u>536</u>
XIII, <u>16.</u>	<u>430</u>		
XIV, <u>27.</u>	<i>ibid.</i>	XCI — C.	<u>537</u>
XVI, 15.	<u>429</u>	XCVII.	<u>536</u>
XVIII, 11.	<u>428</u>	CII, 9.	<i>ibid.</i>
XIX, 5.	<u>536</u>	CX.	<u>432</u>
XXV, <u>20.</u>	<u>430</u>	CXVI.	<u>536</u>
XXVIII, 8.	<i>ibid.</i>	CXVIII.	<i>ibid.</i>
<i>Levit.</i> VI, 2.	<u>431</u>	CXXXII.	<i>ibid.</i>
VIII, <u>31.</u>	<i>ibid.</i>		<u>537</u>
XVI, 8.	<i>ibid.</i>		<u>17, 18. 536.</u>
22.	<i>ibid.</i>		<u>537</u>
XIX, 15.	<i>ibid.</i>	<i>Eccles.</i> VII, 11.	<u>429</u>
<i>Num.</i> X, 21-24.	<u>537</u>	<i>Ez.</i> V.	<u>536</u>
31.	<u>536</u>	VI.	<u>312</u>
<i>Deuter.</i> I, <u>43.</u>	<u>428</u>	XXXIV.	<u>33</u>
XXII.	<u>537</u>	XL, 10.	<u>429</u>
XXX, 11.	<i>ibid.</i>	LX.	<u>536</u>
<i>2 Sam.</i> VI, <u>14.</u>	<u>431</u>	<i>Jerem.</i> XXIII, 9.	<u>428</u>
VII.	<u>536</u>	XLIV, 30.	<u>352</u>
<i>1 Reg.</i> VIII, 2.	<u>430</u>	L, 29.	<u>428</u>
<i>1 Paral.</i> VI, <u>1.</u>	<u>230</u>	<i>Dan.</i> VII.	<u>537</u>
XVIII.	<u>536</u>	VIII.	<i>ibid.</i>
<i>2 Paral.</i> III, 10.	<u>430</u>	<i>Amos.</i> VIII, <u>14.</u>	<u>432</u>
<i>Job.</i> II, <u>14.</u>	<u>432</u>	<i>Nabum.</i> I, 2.	<i>ibid.</i>
<i>Psalms.</i> V, 9.	<u>428</u>	<i>Luc.</i> I, <u>68.</u>	<u>536</u>
XII.	<u>537</u>	XXIV, 45.	<u>537</u>
XVI.	<u>536</u>	<i>Jo.</i> IV, 19.	<u>430</u>
			<i>Act.</i>

RERUM NOTABILIORUM

<i>Act. XXVI, 16.</i>	159	Signiferorum Collegium quale?	512
<i>Rom. VIII, 18 — 25.</i>	357		
<i>1 Cor. II, 4 — 13.</i>	362	Sigonii (Caroli) Operum collectio edita.	380 seq.
<i>2 Cor. X, 5.</i>	ibid.		
<i>Gal. II.</i>	28	Singultus causa diaphragmatis convulsio.	458
<i>Col. II, 8.</i>	362		
<i>1 Jo. IV, 19.</i>	357	Socrates an physices studia contemserit?	423
<i>V, 7.</i>	209		
<i>Hebr. I, 6.</i>	536	Solares facule in quo consistant?	88
<i>Apoc. III, 7.</i>	535		
<i>XXII, 13.</i>	209	Soliditas corporum non omnis ab elemento terra dependet.	87
A Seckendorf (Viti Lud.) vita & merita.	35 seq.	De Solorzano (Jo.) de Parricidii crimine Diss. recusa.	245
Secundinarum remanentium notitia.	409	Sormanus (Nic.) refutatus.	442
De Seleuco Nicatore varia.	57		
Senatorum Romanorum numerus indicatus.	402	Spiritus quid sit?	469
Senckenberg (Henr. Christian.) laudatus.	79	Spirituum animalium influxus in nervos vim attractionis fibrarum augeat.	219
ejus Themis Germanica promissa.	ibid.	Stamina florum semen prolificum spargunt.	81
de Condominio Tract. promissus.	ibid.	Stapelæ jure utitur Tyrnavia.	296
de Sagittariis medii ævi Tract. promissus.	ibid.	Stili cultioris fundamenta.	552
magnum de Jure Feudali Germanorum Opus molitur.	259	concinntas qua sit?	554
Severus murus in Britannia illustratus.	102	varia genera.	555
Seysselii (Claud.) vita.	133	Stilus forensis quomodo emendandus?	174
Sicilia sacra illustrata.	433 seq.	Subhastationes bonorum quo modo instituenda?	75
Sigillorum Censor quis?	512	Substantiæ veræ pro monadibus habitæ.	286
Sigleri (Mich.) Chronologia rerum Hungaricarum edita.	164	Suidæ locus emendatus.	41
		Syllogismi oratorii ratio.	556
		T	
		Tao see, secta Chinoensium.	152
		Tarf	Tartar

I N D E X

- Tartarorum historia descripta.* 195
Tassii (Torquati) vita. 134
Taurellus (Nic.) ab atheismi suspitione liberatus. 333 seq.
ejus vita. 334
Templi Metropolitanii Florentini accurata descriptio. 376
Terra sidus maleficum. 499
magnetis naturam habet. 218
Circa Testimonia Historicorum quid sit justum? 404
Teuto - Lipschæ & Lipsia Misnensis nomen. 297
Thales rerum meteorologicarum studiosus. 421
in Astronomia quid præstiterit? ibid.
an eclipsin solis prædixerit? 422
Theatrum Olympicum descriptum. 362
Theodosiani Codicis nova editio parata. 193 seq.
Theonis Fasti Græci & fragmentum. 185
De Thymo (Petri) Excerpta ex Chronico Brabantiae edita. 78
Tiberius quando regnare incepit? 231
Tonitruum ortus. 87
Tournefortii methodum plantarum qui emendarint? 81
Tragœdiæ Gbinensium descripta. 154
Trautmannsdorffius, Comes, ani-
ma legationis Cæsareæ dictus. 67
ejus in Pacificatione Westphalica constantia. 69
De Triade sanctissima Orationes editæ. 402
Tubus cancellatus Ræmeri. 129
anceps, sive amphioptæ. ibid.
Tudelensis (Benjamin) quis fuerit? 34
ejus litteræ Gallicæ versæ. 32
Tumor capitis fungosus cum cranii carie & cerebri colligatione. 221 seq.
Tunetum regnum descriptum. 352
Tyrnavia vulgo parva Roma dicta. 296
jure stapelæ utitur. ibid.
ejus calamitates insigne. 295 seq.
seminaria. 296
- V.
- Vaillantius Tournefortii methodum plantarum emendavit.* 81
Valincurtii (Jo. Bapt.) vita. 132
Variolæ quid sint, & quomodo orta? 272
earum accurata historia an sit tradita a veteribus Græcis Medicis? ibid.
semper in sanguine

RERUM NOTABILIORUM.

ne heret, per contagium exci- tandus. ibid.	Virgæ solares quando appa- reant? 87
Vascula antiqua ex sepulcro quo- dam effossa. 404	Vis inæqualis corporum, magni- tudine & celeritate aqua- lium. 126
Vollejanum Sc̃lum explicatum. 172	& resistentia corporum an, præter massam & celeritatem, etiam a gravitate dependeat? ibid.
Vellerei (Marci) vita. 133	De Vitriaco (Jac.) Historie O- rientalis Liber tertius editur. 12
Venenum venereum aliquamdiu in corpore latere potest. 320	Vitruvii locus emendatus. 304
Venerea lues antiquis incognita. 318	Viviani (Vinc.) vita. 133
ejus natura. 319	Ulmæ jus cudendi monetas com- petit. 518
Verderii (Anton.) vita. 133	Ulmenses numi recensiti & ex- plicati. 515 seq.
(Claudii) vita. ibid.	Unguentaria antiqua in sepulcro quodam reperta. 404
Verney (Guichardi Josephi) vi- ta. 135	Vocabula quæ fugienda stili cul- tioris studioso? 554
Vestes sacre quibus turbis an- sam dederint in Anglia? 18	Voltairei errores quidam notati. 545
Vexillarii qui fuerint apud vete- res Romanos? 100 seq.	Historia Caroli XII no- tata. 540
Uhlius (Jo. Lud.) laudatus. 369	Voluntas quid sit? 466
Villarlii Ducis merita descripta. 328	Vorticum vis centralis. 124
Villegatis (Ferdin. Ruizii) Car- mina laudata. 305 seq.	Ursini (Fulvii) vita. 133
vita. 306 seq.	W.
Vinaria amphora Romana in tabula ænea representata. 8	Wachtlerus (Christfried) de- fensus. 250
seq.	ejus in Enchiridion Pomponii me- rita. 371
Vindobonensis urbis dicasteria descripta. 37 seq.	Wardi (Serbi) vita. 132
Academie decre- menta unde? 39	Waseri (Casp.) vita. ibid.
Vinum quale olim in Eucharistia adhibitum? 313	Ffff a Wesse-
Viperani (Jo. Ant.) vita. 134	

Wesselingii (Petri) in Antoni-
ni Itinerarium merita. 156

seq.

Westphalicæ Pacis Acta publi-
cata. 66 seq. 251 seq. 489 seq.

Wezlaria descripta. 406

Wiclefi (Jo.) vita ac dogmata
descripta. 17

Wirceburgensis Codex MStus
Codicis Theodosiani commen-
datus. 194 seq.

Wollius (Jo. Christoph.) Libanii
editionem meditatur. 209

Biblio-

theca Photianæ novam editio-
nem parat. ibid.

Wollius (Christoph.) laudatus.

353

Herm-

nepticam N. Test. edidit. 358
seq.

V. Test. parat. 368

X.
Xenophontis loca quadam
emendata. 338 seq. 341

de Agesilao Re-
ge Orat. edita. 341

Z.
Zannichellii (Jo. Hieron.) vi-
ta. 132

Zinzerlingii (Justi) Opiniones
de L 5 de Naut. fœn. denuo
edita. 246

Zoroastris philosophia descripta.
394

EMENDANDA

Pag. 4 lin. 9 pro partem lege partim; pag. 8 lin. 21 pro Auellio
lege Aurelio; ead. pag. lin. ult. pro aurea lege 48; pag. 16
lin. 23 pro utilitatem lege utilitatem; pag. 30 lin. 17 pro
systemate lege systemate; pag. 52 lin. 6 pro mutatos lege
mutatas; pag. 69 lin. 10 pro Longovillarum lege Longovil-
lanum; pag. 119 lin. 2 pro qua lege quo; pag. 170 lin. 29
pro Maeced. lege Maced.; ead. pag. & lin. pro Lib. lege
leg.; pag. 174 lin. 31 pro Emphyteuticis lege Emphyteuti-
cis; pag. 199 lin. 27 pro tamen lege tam; pag. 317 lin. 23
pro confetuturus lege consecuturus; pag. 368 lin. 27 pro
perveniant lege provenientes; pag. 503 lin. 7 pro parenta-
tem lege parentalem; pag. 524 lin. 28 & 33 pro Gottlieb
lege Sigismundi; pag. 547 lin. 14 pro inscriptum lege in-
scripta; pag. 555 lin. ult. pro argumentis lege argu-
mentis.



at

Wesselingii (Petri) in Antoni-
ni Itinerarium merita. 156
seq.

Westphalicæ Pacis Acta publi-
cata. 66 seq. 251 seq. 489 seq.

Wezlaria descripta. 406

Wiclefi (Jo.) vita ac dogmata
descripta. 17

Wirceburgensis Codex MStus
Codicis Theodosiani commen-
datus. 194 seq.

Wolffius (Jo. Christoph.) Libanii
editionem meditatur. 209

Biblio-
theca Photiana novam editio-
nem parat. ibid.

Wollius (Christoph.) laudatus.
353

Herm-

neuticam N. Test. edidit. 358
seq.

V. Test. parat. 368

X. X.
Xenophontis loca quadam
emendata. 338 seq. 341
de Agesilao Re-
ge Orat. edita. 341

Z. Z.
Zannichellii (Jo. Hieron.) vi-
ta. 132

Zinzerlingii (Justi) Opiniones
de L. 5 de Naut. fæn. denuo
edita. 246

Zoroastris philosophia descripta.
394

EMENDANDA

Pag. 4 lin. 9 pro partem lege partim; pag. 8 lin. 21 pro Auelio
lege Aurelio; ead. pag. lin. ult. pro aurea lege 48; pag. 16
lin. 23 pro utilitatem lege utilitatem; pag. 30 lin. 17 pro
systemate lege systemate; pag. 52 lin. 6 pro mutatos lege
mutatas; pag. 69 lin. 10 pro Longovillarum lege Longovil-
lanum; pag. 119 lin. 2 pro qua lege quo; pag. 170 lin. 29
pro Maeced. lege Maced.; ead. pag. & lin. pro Lib. lege
leg.; pag. 174 lin. 31 pro Emphyteuticis lege Emphyteuti-
cis; pag. 199 lin. 27 pro tamen lege tam; pag. 317 lin. 23
pro confetuturus lege consecuturus; pag. 368 lin. 27 pro
perveniant lege proveniant; pag. 503 lin. 7 pro parenta-
tem lege parentalem; pag. 524 lin. 28 & 33 pro Gottlieb
lege Sigismundi; pag. 547 lin. 14 pro inscriptum lege in-
scripta; pag. 555 lin. ult. pro argumentis lege argu-
mentis.





